


Dombe New Testament



The New Testament in the Dombe language of Zimbabwe

Dombe New Testament

The New Testament in the Dombe language of Zimbabwe

copyright © 2020 Door43 World Missions Community

Language: Toka-Leya-Dombe (Dombe)

Translation by: DUBE MAKEYI S, Denis, Keepers, Smart, Leviticus, Lusyomo, David, Charles, Ian,Daimon, Gedion., ELEK, Faith, Leviticus Muleya, Lucy Ngosolo, Makeyi S Dube, Makeyi s dube, Muleya Nkondo, Purpoe Mumpandze, Purpose, Richard, Stephen, Samson,Nkondo, Mackion, Elek, Wilson, Dickson, January, Betty, Stephen, TOM-88PN_0003.MACHINGA, iii9i, nkondo, onesai misioni, patricia banda, peaceful, purpoe, victor

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners. Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-07-06

PDF generated using Haiola and XeLaTeX on 21 Feb 2024 from source files dated 31 Aug 2023
c53dd3b7-ff72-5846-98a6-1807fcd544f4

Contents

Mateyo	1
Makko	41
Lukka	65
Joni	107
Nchito	138
Ba Loma	180
1 Ba Kkolinto	197
2 Ba Kkolinto	213
Ba Galatiya	224
Ba-Efeso	230
Ba Filipi	236
Ba Kkolose	241
1 BaTesonika	245
2 BaTesonika	249
1 Timoti	251
2 Timoti	256
Tayitasi	260
Filimoni	262
Ba Hibbulu	263
Jemusi	276
Pita mutaanzi	281
Pita wabili	286
1 Joni	290
2 Joni	295
3 Joni	296
Judi	297
Chiyubunuzyo	299

Mateyo

¹ Ibbuku lyabansiku ba Jesu Kkilisito, mwana wakwe Devidi, mwana wakwe Abbulahamu. ² Abbulahamu wakali wisi wa Ayizeki, alakwe Ayizeki wisi wa Jakobu, alakwe Jakobo wisi wa Juda abakulana bakwe. ³ Juda wakali wisi wa Pelezi a Zela kuli Tamala, Pelezi wisi Hezelani alakwe Hezelani wisi wa Lamu. ⁴ Lamu wakali wisi wa Aminadabbu, Aminadabbu wisi wa Nasoni, alakwe Nasoni wisi wa Salumoni. ⁵ Salumoni wakali wisi wa Bbowazi kuli Lahabbu, Bbowazi wisi wa Obbedi kuli Lute, Obbedi wisi wa Jese. ⁶ Jese wakali wisi wa Mwami Devidi Mwami, Devidi wisi wa Solomoni kuli muka Uliya. ⁷ Solomoni wakali wisi wa Lehobbowamu, Lehobbowamu wisi wa Abbija, Abbija wisi wa Asa. ⁸ Asa wakali wisi wa Jehosiafati, Jehosiafati wisi wa Jolamu, alakwe Jolamu ngusikale wa Uziya. ⁹ Uziya wakali wisi wa Jotamu, Jotamu wisi wa Ahazi, Ahazi wisi wa Hezekkiya. ¹⁰ Hezekkiya wakali wisi wa Manase, Manase wisi wa Amoni, alakwe Amoni wisi wa Josiya. ¹¹ Josiya wakali sikale wa Jekoniya antomwe abakulana bakwe kuchindi chakutolwa kubuzike ku Bbabiloni. ¹² Musule lyakulonzegwa kutolwa ku Bbabiloni, Jekoniya wakali wisi wa Sialitiyeli, Sialitiyeli wakali sikale wa Zelubbabeli. ¹³ Zelubbabeli wakali wisi wa Abbiyudi, Abbiyudi wisi wa Eliyakkimu, alakwe Eliyakkimu wisi wa Azola. ¹⁴ Azola wakali wisi wa Zadoki, Zadoki wisi wa Akkimu, alakwe Akkimu wisi wa Eliyudi. ¹⁵ Eliyudi wakali wisi wa Eliyazali wisi wa Matani, alakwe Matani wisi wa Jakobo. ¹⁶ Jakobo wakali wisi wa Josefa mulumi wa Meli, oyo wakazyala Jesu ooyo utegwa Kkilisito. ¹⁷ Woonse mazyalani kuzwa kuli Abbulahamu kusika kuli Devidi akali mazyalane ali ikkumi aane, kuzwa kuli Devidi kusika kukulonzegwa kwabo kutolwa ku Bbabiloni mazyalane ali ikkumi aane, alimwi kuzwa kukulonzegwa kutolwa ku Bbabiloni kusikila kuli Kkilisito mazyalane ali kkumi aane. ¹⁸ Kuzyalwa kwa Jesu Kkilisito kwaka chitika munzila itobela. Banyina, Meli bakatangilwakuti bakwatwe a Jozefu, pesi kabatana kuswanana, wakajanika kuti wakali mintide kumuuya uusalala. ¹⁹ Pesi Jozefu, mulumi wakwe, wakali mwalumi ululeme alimwi tewakayanda kumufwisywa bweeme pe chaantanganana, aboobo wakayeya kumuleka chuumunizi akusiya chizuminano chabo. ²⁰ Awo mpakali kuyeyea ezi zintu, mungelo wa Mwami wakaboneka kulingue muchiloto, waamba kuti, "Jozefu mwana wa Devidi, utayowi pe kubweza Meli kuti abe mwanakazi wako, nkambo oyo umintidwe mulinguwe umintidwe a Muuya Uusalala. ²¹ Uyozyala mwana mulombe, alimwi uyomuzika izina lyakuti ngu Jesu, nkambo uyofutula bantu bakwe kuzwa kuzibi zyabo." ²² Zyonseezi zyakachitika kuzuzikizya zyakaambwa a Mwami kwinda kubasinsiimi, wamba wati, ²³ "Amubone, oyo musimbi uzominta uzotumbuka mwana mulombe, mpawo izina lyakwe bazomuzika kuti ngu Imanuwele" - elyo lipandululwa kutegwa, "Leza ulandiswe. ²⁴ Jozefu wakabuka kuzwa kukoona kwakwe wachita mbuli mungelo wa Mwami mbakamulayilila, mpawo wakamubweza waba mwanakazi wakwe. ²⁵ Pesi takwepe nakamuziba kusika watumbuka mwana mulombe. Elyo wakamuzika izina kuti ngu Jesu.

¹ Nikwakamana kuzyalwa kwa Jesu muBbetelehemu waku Judiya mumazuba a Mwami Helodi, balumi bayiide bazwa kujwe bakasika mu Jelusalema kabamba kuti ² “ulikuli ooyo wakazyalwa kali Mwami waba Juda? Twakabona nyenyezi yakwe kujwe alimwi twaza kuzomukombwa.” ³ Awo Helodi Mwami nakamvwa eechi, zyakamukatazya abantu boonse mbakali abo mu Jelusalemu. ⁴ Helodi wakabeta amwi boonse bapaizi bapati alimwi abalembi babantu, mpawo wakababuza, “Nkukuli Kkilisito nkwayozyalilwa?” ⁵ Bakaamba kuti kulinguwe, “Mu Bbetelehemu wa Judiya, nkambo oobu mbubo mbukwakalembwa amusinsii, ⁶ Pesi iwebo, Bbetelehemu, chisi cha Judiya tamuli banini pe akati kabendelezi baJuda, nkambo kuzwa kulinduwe kuyozwa uyowendelezya, uyoyembela bantu bangu Izilayeli.” ⁷ Mpawo Helodi chakusisikizya wakiita baalumi bayiide kuti abuzye kuti nchiindinzi loko inyenyezi niyakaboneka. ⁸ Wakabatuma kuBbetelehemu, wati, “kamuya mukamulangule chabusongo, mwana munini. kuti naa mwakumujana, mundetele mazembe ambebo inga ndilabola kuzomukomba. ⁹ Nibakamaninsya kumvwa Mwami, bakeenda anzila yabo, alimwi inyenyezi njibakalibwene kujwe yakabazulwida kusikila yayimikila awo mwana munini mpakalibede. ¹⁰ Aboobo nibakabona inyenyezi, bakabotelwa alukondo ‘lupati. ¹¹ Bakanjila mung’anda bamubona mwana munini antomwe a Meli banyina. Bakawidaansi akumukomba. Bakavununa buvubi bwabo mpawo bamupa izipo zyangolida, tununkilizyo atwa mili. ¹² Leza wakabachenjezya kumaloto kuti batajokeli pe kuli Helodi, aboobo bakajoka kunyika yabo anzila imbi. ¹³ Nibakabuka akwenda, mu ngelo wa Mwami wakalibonia kuli Jozefu muchiloto wamba wati, “Buka, bweza mwana munini abanyina, uchijile ku Ijipita. Ukkale mumo kusikila ndikwambile, nkambno Helodi uyomulanguula mwana munini kuti amuzimaazy.” ¹⁴ Mansiku ngawo aayo Jozefu wakabuka wamubweza mwana munini antomwe abanyina mpawo wanyampuka winka ku Ijipita. ¹⁵ Wakakkala nkukoko kusikila lufu lwa Helodi. Eechi chakazuzikizya eecho chakaambwa a Mwami kwiinda kumusinsii, “Kuzwa mu Ijipita ndamwiita mwana wangu.” ¹⁶ Mpawo Helodi, naakabona kuti weenwa abalumi bayiide, wakanyema kapati. Wakatumina akujaya boonse bana balombe bakali mu Bbetelehemu azisi zyoonse zizyungulukide bakaala minyaka ibili kaziya ansi yakuzyalwa kakwendelana a chiindi mbuuli mbwakaziba kubaalumi bayiide. ¹⁷ Lino chakazuzikizya chakaambwa kwiinda kumusinsii Jelemiya. ¹⁸ “Ijwi lyakamvwigwa mu Lama, kulila a koomoka, Lakkeli ukwilila bana bakwe, alimwi wakkaka kumbulizigwa, nkambo tabachiwo.” ¹⁹ Elyo Helodi nakaafwa, langa mungelo wa-Leza wakaboneka muchiloto kuli Jozefu mu Ijiputi akwamba kuti, ²⁰ “Buka akubweza mwana a banyina akuya kunyika ya Izilayeli, nkambo abo bakalikuvwima buumi bwamwana bakafwa.” ²¹ Jozefu wakabuka, wakabweza mwana a banyina, akuboola munyika ya Izilayeli. ²² Pesi nakamvwa kuti Achelawusi wakali kwendelezya atala a Judiya abusena bwawisi Helodi, wakayoowa kwiinka nkuko. Nakamana kumuchenjezya Leza muchiloto, wakazwa wayakuchisi chaba Gilili ²³ alimwi wakinka wakukkala mudolopo pati litegwa Nazaleta. Echi chakazuzikizigwa chakaambidwe kwinda kubasinsimi, kuti uyoyitwa kutegwa mu Nazaleta.

3

4

¹ Mpawo Jesu wakazulwidwa a Muuya kuya munkanda kuti akasunkwe asimwaba. ² Lino nakalyimya mazuba makumi aane amansiku ali makumi aane, wakaba enzala. ³ Sikusunka wakasika akwamba kuti kulinguwe, "kuti koli mwana wa Leza, layilila mabwe aya kuti abe chinkwa." ⁴ Pesi Jesu wakasandula akwamba kuti kulinguwe, "Kulilembedwe kuti Muntu takoyopona achinkwa luzutu, pes ajwi lyoonse lizwa kumulomo wa Leza." ⁵ Mpawo simwaba wakamutola kuchisi chisalala akumukkazika aatala ansonge yangda ya Leza, ⁶ akwamba kuti kulinguwe, "Na koli mwana a Leza, liwalile aansi, nkambo kulilembedwe kuti uyolayilila bangelobakwe kuti bakubambe; alimwi, bayokubaka mumaanza abo, kuti utakalyumpuni abbwe." ⁷ Jesu wakabambilila kuti, "Alubo kulilembedwe kuti, utasunki Mwami Leza wako." ⁸ Alubo simwaba wakamutola kukalandu kalamfu akumutondezya Bwami boonse bwanyika abulemu bwayo bonse. ⁹ Wakamwambila kuti, "zyonse zintu eezi ndiyokupa, kuti wandivundamina akundikomba." ¹⁰ Mpawo Jesu wakamwambila kuti, zwaawa, siluuni! Nkambo kulilembedwe kuti, uyokomba Mwami Leza

wako, akukutawukila nguwe luzutu.” ¹¹ Mpawo simwaba wakayinka, Amubone bangelo bakaza akumukutawukila. ¹² Lino Jesu nakamvwa kuti Joni wakaabwa wakazwa waya ku Galili. ¹³ Wakazwa mu Nazaleta akwinka kuyokkala muKkapenawuma, ilikumbali lyalwizi Iwa Galili mumasena a Zebbuluni a Nafutali. ¹⁴ Eezi zyakachitika kuti kuzuzikizigwe zyakaambwa amusinsiimi Isaya kuti, ¹⁵ “Chisi cha Zebbuluni achisi cha Nafutali kaziya kulwizi, luli kunembo lya Jolodani, Galili wabamasi! ¹⁶ Bantu bakalikkede mumudima babona mumuuri mupati, akulibaabo bakalikkede muchilikit amumwenzule walufu, alimbabo kwanyamuka mumuuni.” ¹⁷ Kuzwa kulecho chindi Jesu wakatalika kukambawuka akuti, “Amusanduke, nkambo Bwami bwakujulu bwasiki awfifwi.” ¹⁸ Nakali kwenda ambali lyalwizi IwaGalili, wakabona bana bakwabo bibili, Sayimoni utegwia Pita, a Endulo mukulana wakwe, bakali kuwala tuzamba mulwizi, nkambo bakali bazubi babawi. ¹⁹ Jesu wakati kulimbabo, “amuze, munditobele, alimwi ndiyomuchita kuba bazubi babantu.” ²⁰ Mpawawo bakasiya tuzamba bamutobela. ²¹ Jesu nakali kuyabwenda kużwa mpawawo wakabona bambi bana bakwabo bibili, Jemusi mwana a Zebbedi, a Joni mukulanakwe. Bakali mubwato awisi Zebbedi kabali kusuma tuzamba twabo. Wakabayita, ²² Alimwi mpawawo bakasiya bwato awisi akumutobela. ²³ Jesu wakiinka mu Galili yoonse, kayobuyiisa muzikombelo, kakambawuka makani mabotu a Bwami akusilika misyobo yamalwazi amachise akali mabantu. ²⁴ Impuwo atala angue yakamwayika mu Siliya yoonse, alimwi bantu bakeeta boonse bakali kuchiswa misyobo-misyobo yamalwazi amachise, abaabo bakan-jidwemyuuya mibi, basimasuntu, abayuminide mibili, Jesu wakabasilika. ²⁵ Makamu makamu abantu akamutobela kuzwa kuGalili, Ba Dekkapolisi, Jelusalemu, aku Judiya, akuzwa kunembo lya Jolodani.

5

¹ Jesu naakabona makamu makamu aabantu wakatanta aatala aachilundu. Akkale biyo, baskwiya bakwe bakaswena kulinguwe, ² eelyo wakabbanuna mulomo wakwe, wakabayiisa kuti, ³ “Bali achoolwe bachelite mumuuya, nkaambo bwami bwakujulu mbubwabo. ⁴ Bali achoolwe aabo balila, nkaambo bazowuuzigwa. ⁵ Bali achoolwe aabo balibombya, nkaambo bazoovuba nyika. ⁶ Bali achoolwe aabo bafwa nzala yabululami anyota yambubo, nkaambo bazookkuta. ⁷ Bali achoolwe beetelezi, nkaambo mbobonya bazooyetelwelwa. ⁸ Bali achoolwe aabo basalala mumoyo, nkaambo bazoobona Leza. ⁹ Bali achoolwe basikutontozya, nkaambo bazooteqwa bana ba Leza. ¹⁰ Bali achoolwe aabo bapenzegwa nkaambo kubululami, nkaambo bwami bwakujulu mbubwabo. ¹¹ Inywe muli achoolwe nibazoomutukila akumupenzya akumutamikizya zintu zibi zyoonse zyakubeja nkaambo kandime. ¹² Amukcombe akusekelela, nkaambo bulumbu bwanu bwakujulu mbupati, nkaambo mbobonya oobo mbubakapenzya basinsimibakali kunembo lyanu. ¹³ Ndinywe munyo wanyika, pesi munyo kuti, wasampuka ulungwe buti tuuchikwe mulimo pesi kuswegewga buyo akulyatawilwa abantu. ¹⁴ Ndinywe mununi wanyika. Muunzi uyakidwe aatala achilundu tukonzyi kusisigwa. ¹⁵ Alimwi bantu nibamunikalampi tabalibiki munsi lyaluswu, pesi balalibika aachibikilo kuti limunikile boonse bali mung’anda. ¹⁶ M bubonya oobo mumuni wanu umunike kunembo lyabantu kuti babone milimo

yanu mibotu, balemeke wuso wanu ulikujulu. ¹⁷ Mutayeeyi kuti ndeza kuzoojaya mulawu nibaba basinsimi. Teensi kiujaya nkuzidize pe, ndizide kukulondola. ¹⁸ Nkaambo ndamwaambila chakusiniza kuti julu anyika zyoonse zilakonzya kumana, pesi tachikonzeki kuti kamane kabala nikaba komwe nikaba kazila komwe kamumulawu mane lumwi zintu zyoonse zikachitwe. ¹⁹ kaako umwi awumwi usotoka nikaba kanini akati kamilazyo eeyi, alimwi ulayiisa bantu mbubonya oobo, ooyo uzotegwa muniini mubwami bwakujulu, pesi umwi awumwi uyilomya, alimwi ulayiisa ooyo uzotegwa mupati mubwami bwakujul. ²⁰ Nkaambo, ndamwaambila kuti, bululami bwanu kabutayindi bululami bwabalembi abwaba Falisi, tamukanjili mubwami bwakujulu. ²¹ bantu bakalekale mbubakaambilwa kuti, utajayi, umwi awumwi uujoya uleede kubetekwa. ²² Pesi mebo ndamwaambila kuti, umwi awumwi uukalalila munyina uleede uleelde kubetekwa. Alimwi umwi awumwi uusampawula munyina uleede lubeta lupati, pesi umwi awumwi utukila uleede mulilo wa Gehena. ²³ kaako kuti kuli mukutuula chipo chako nkukonya ooko kunembo lyachipayiliilo, uye ukasangune kuyanzaana amunyoko, ²⁴ kosiya chipo chako kunembo lyachipayiliilo, akwiinka kunzila yako. Lutaanzi koyanzaana amunyoko, mpawo usike akuzootuula chipo chako. ²⁵ Fwambaana kuzuminana asinkondo nyokwe nochili aawe munzila, kuti sinkondo nyokwe atakutoli kumubetes, alkwe mubetes atakutoli kumupolis, alakwe mupolisa atakubiki muntolongo. ²⁶ Kasimpe ndamwaambila kuti tokoozwia oomo mane ukaliye nikaba kasyaalizi ²⁷ Mwakamvwa mbukwaambwa kuti, 'utachiti bumambi.' ²⁸ Pesi mebo ndamwaambila kuti, umwi awumwi weemuuya mwanakazi wamuchitya kale bumambi mumoyo wakwe. ²⁹ Na liso lyako lyalulyo lyakulebya, ulig-wisye ulisowe nkaambo kulakubotela kuti ufwidwe chipanzi chomwe kwinda kusowelwa mu Gehena mubili wako wonse. ³⁰ Alimwi kuti jaanza lyako lyalulyo lyakulebya, ulikosole ulisowe, nkaambo kulakubotela kuti ufwidwe chipanzi chomwe kwinda kusowelwa mu Gehena mubili wako wonse. ³¹ Alimwi kwakaambwa kuti, umwi awumwi uleka mukakwe amupe lugwalo lwakulekana. ³² Pesi mebo ndamwaambila kuti, umwi awumwi ulekede mukakwe kutaamba kuti nkaambo kakuvuulakulu-umbi, wamuchitya bumambi alimwi umwi awumwi ooyo mwanakazi uleledwe wamuchitya bumambi. ³³ Mwakamvwa bantu bakalekale mbubakaambilwa kuti, utakombi chakubeja uchitile Jehova mbubonya oobo mbuwakakonkezya. ³⁴ Mebo ndamwaambila kuti, utakonki pe nikuba bunini, nikuba kujulu nkaambo nchichuuno chabwami bwa Leza. ³⁵ Nikuba kunyika nkaambo nchichuuno chamawulu aakwe, nikuba ku Jelusalemu, nkaambo ngumuunzi wamwami mupati. ³⁶ Alimwi utakonki kumutwe wako, nkaambo tokonzyi kusandula kasusu nikaba komwe kati katube na kasiye. ³⁷ Kwaamba kwanu akube, Ii ii, na pe, nkaambo nzyoonse ziyungiziga zilazwa kumubi. ³⁸ Mwakamvwa mbukwakaambwa kuti, liso kuliso lino kulino, ³⁹ mebo ndamwaambila kuti utamutontekki muntu mubi pesi muntu umwi awumwi ukuma seja lyalulyo ⁴⁰ Alimwi uuli buti uyanda kukubika kaambo akunyanzya chikobela chako, mulekele achalo chibaki chako. ⁴¹ Alimwi ukusungilizya kuyumuna musinzo omwe, musindikile musinzo yobile. ⁴² Umwi awumwi ukumbila kwako umupe, mpawo umwi awumwi kukolota kwako utamufatili pe. ⁴³ Mwakamvwa mbukakaambwa kuti yanda mweenzinyokwe, pesi sinkondo nyokwe umusule. ⁴⁴ Mebo ndamwaambila kuti amuyande

basinkonyokwe mubakombele bamupenza, ⁴⁵ kuti mube bana bakwe uso wanu uli kujulu nkaambo ulapusuzya zuba lyakwe kubabi akubabotu, ulawisizya mvulakuli boonse baluleme abataluleme. ⁴⁶ Kuti kamuyanda aabo bamuyanda ino mbulumbuunzi mbumujisi? sa abalo basimutelo tabachiti mbubonya oobo? ⁴⁷ Na mwazuminina bakwanu, muchita buti zinda kulibamwi? Sena abalabo bamasi tabachiti mbubonya? ⁴⁸ Nkaambo kaako amulondoke mbuli uso wanu uli kujulu mbwalondokede

6

¹ Amuchenjele kuti mutachiti milimo yanu iluleme kumeso abantu kuti mwebelwe ambabo. Mwachita obo, tamukwe bulumbu kuli Uuso wanu uulikujulu. ² Nkambo kaako chindi nchowabila bantu izipo utasibi imwembo kubusu bwabo mbuli mbubachita basikuupawupa ameso muzikombelo amumigwagwa, kuti batembawulwe kubantu. Nchobeni ndamwambila kuti balijene kale bulumbu bwabo. ³ Pesi webo, ichindi nchowabila bantu zipo ijanza lyako lyakululyo litazibi mbulichita lyakuchimwensi. ⁴ Kuti zipo zyako zibe kumbali, lino Uuso ubonena kumbali uzokulumbula. ⁵ Alimwi chindi nchomukomba mutabi mbuli basikupawupa amenso nkambo balayanda kukomba bwimvwi muzikombelo amuzyooke zyamigwagwa mipati kuti babone we kubantu. Nchobeni ndamwambila kuti balijene kale bulumbu bwabo. ⁶ Iwebo chindi nchokomba njila muchimpetu chako ulijalile kumulyango ukkombe kuli Uuso uubonena kumbali uzokulumbula. ⁷ Alimwi mukukomba kwenu mutayindululi mbuli mbubachita bamaasi, nkambo balayeya kuti balaswililwa kukubwanta kwabo. ⁸ Nkinkaako, mutakozyani abo nkambo Uuso wanu ulikujulu ulizi zintu zyonse nzimubula kamutana kumubuzya ⁹ mbuboobu mbumwelede kukomba: Taata wesu ooli kujulu, alilemekwe izina lyako, abuze bwami bwako. ¹⁰ Aluchitwe luyando lwako, ansi aano mbubonya mbuli kujulu. ¹¹ Utupe sunu zilyo zitwelede. ¹² Utulekelele milandu yesu, mbubonya mbuli mbatu balakelela aswe bali amilandu kuli ndiswe. ¹³ Utatwenzyi mukutempawulwa. Utuyune kumubi, nkambo bwami mbubwako anguzu, abulemu, mane kukabe kutamani. Ameni. ¹⁴ Nkambo mwalekelela bantu milandu yabo alakwe Uusowanu ulikujulu ulamulekelela anywebo. ¹⁵ Pele mwatabalekelela bantu milandu yabo anywebo tamukoyolekelewa. ¹⁶ Alimwi chindi nchomulyiimya kulya mutabi mbuli basikuupawupa amenso, nkambo balo balawungumana, balabisya masyu aabo, kuti baboneke kubantu mbubalyimya kulya. Nchobeni ndamwambila kuti balijene kale bulumbu bwabo. ¹⁷ Pele chiindi ncholyimya kulya webo, ubotye mutwe wako akusamba kumenso aako. ¹⁸ Kuti kulyiimya kwako kutaboneki kubantu pele kuli Uuso uuli kumbali lino Uuso uubonena kumbali uzokulumbula. ¹⁹ Mutaliyobwedi lubono aansi ano mpaabisya mapempe ankalamaya ababbi mpobatulula kuti babbe. ²⁰ Amuliyobwede lubono lwakujulu nkwtabisyi mapempe ankalamaya, ababbi nkubatatululi kuti babbe. ²¹ Nkambo lubono lwako nkulubede nkukonya oko nkubede moyo wako. ²² Ilampi lyamubili ndinso nkambo kaako linso lyako kuti kalili sibuuya mubili wako woonse ulazula mumuni. ²³ Anukuti linso lyako kalili abutavu mubili wako woonse lino mumuni mulinduwe wakali mudima. Mudima wayo ulasiya mbi. ²⁴ Takwe muntu ukonzya kumanina baami bobile milimo nkambo ulasula umwi ulayanda umwi na ulakakilila umwi akusampawula umwi. Tamukonzyi kubelekela Leza antomwe alubono. ²⁵ Nkambo kaako ndamwambila kuti,

mutalibilikili kubuumi bwanu kuti tukalyeenzi? Nikuba kumibili yenu kuti, tukasamenzi? Buumi bwenu tabwiindi zilyo awalo mubili sa tuyindi zyakusama? ²⁶ Amulange bayuni bakujulu nkambo tababyali tabatebuli, tabayoboli mumatala, nekuba boobo Uusowanu ulikujulu ulabasanina. Sa inywe tamuyandiki kwinda mbabo? ²⁷ Ngwani akati kenu ulibilika ukonzya kukomezya chiimo chakwe nikuba kakokola komwe? ²⁸ Alimwi nkamboonzi mulalibilikila zyakusama? Amuyeye masamu amusokwe mbwamena, tableki, takonzyi kuluka, ²⁹ pele ndamwambila kuti naba Solomoni mubulemu bwakwe boonse takakonzya kusama mbuli limwi akati kanzizyo. ³⁰ Lino kuti Leza kasamika boobo maani amusokwe, aaliko sunu pele ijunza alasowelwa muchikko, sa takayindi loko kumusamika anywebo nobasilusyomo lunini. ³¹ Nkambo kaako mutualibilikili akaamba kuti tukalyeenzi? Tukanyweenzi? Tukasamenzi? ³² Nkambo kazeezi zyoonse nzipayandula bamaasi, alimwi Uusowanu ulikujulu ulizi kuti eezi zyonse zilayandwa kulindinywe. ³³ Pele amusangune kuyandula bwami bwa Leza abululami bwakwe eelyo zintu ezi zyoonse mulaziyungizizigwa azyalo. ³⁴ Nkambo kaako mutualibilikili zyejunza, nkambo bwejunza bula libilikili bwini. Buzuba bwasunu bulizulide mapenzi abo bwalo.

7

¹ Mutabeteki, nkambo muzobetekwa. ² Alubeta ndomutakabeteke alo muyobetekwa aandulo,achelesyo nchimuyoyelesya, muyokuyelesezegwa anchicho. ³ Nkambonzi nulanga katanda kali mulinso lyamukulana wako, pele wasiya itanda lili mulinso lyako? ⁴ Chilakonzeka na kuti utedi kumukulana, leka ndikugusye katanda kali mulinso lyako; kakuli tanda mulinso lyako? ⁵ Inywe nobasikuupaupa! Tanguna kugusya itanda lilimulinso lyako, alubo ulakonzya kubona kabotu katanda kalimulinso lyamukulana wako. ⁶ Mutapi zisalala kubankala, alubo mutasoweli zibi kumpela angulube. Ulabona zyalyatuulwa aansi amawulu, alubo zilasanduka akumudabula mutu fwapufwapu. ⁷ Amukumbile, alubo muyopegwa. Amuyandawule, mulajana. Amukonkomone mulajulilwa. ⁸ Nkambo umwi awumwi ukumbila ulatambula, alakwe uyanduula ulajana alakwe uukonkomona ulajulilwa. ⁹ Nguli muntu akati kenu uupa mwanaakwe ibbwe, amukumbila insima? ¹⁰ Alimwi, kuti wakumbila imuswi, sa ulamupa inzoka? ¹¹ Lino mbuli bmumuzi kupa bana benu zintu zibotu, inywe nobabi, alakwe Wuso wenu ulikujulu sa tazoyindi loko kupa zintu zibotu kulibaabo bamukumbila? ¹² Nkaambo kaako zintu zyoonse zili buti nzimuyanda kuti bantu bamuchitile, anywebo amubachitile nzizyoonya, nkambo mbuboobo mbuwamba mulawo abasinsimi. ¹³ Amunjile mumulyango umanikide, nkambo mulyango ukwazamukide anzila impati njiitolta kukunyoonyoka, nkabela abo banjila mulinjiyo mbanji banji. ¹⁴ Pesi mulyango umanikide anzila ipatide njiitolta kubuumi, nkabela abo banjila mbache. ¹⁵ Amuchenjelele basinsimi babeji beeza kulindinywe basamide zyakusama zyambelele, anukuti mukati lyabo mbawumpe babutambo. ¹⁶ Michelo yabo njiiti muzibye mbubabede. Sa kulachelwa masansa kumuunga niziba inkuyu kumutubatuba? ¹⁷ Mburonya obo musamu umwi awumwi mubotu ulazyala michelo mibotu, alimwi musamu usampawukide ulazyala michelo mibi. ¹⁸ Musamu mubotu tukonzyi kuzyala michelo mibi, alimwi musamu usampawukide tukonzyi kuzyala michelo mibotu, ¹⁹ Musamu umwi awumwi utazyali michelo mibotu ulatemwa akusowelwa mumulilo.

²⁰ Aboobo michelo yabo njita muzibye mbubabede. ²¹ Boonse bandambilila kuti, Mwami, Mwami, teensi mbabo bayonjila mubwami bwakujulu, ngooyo uuchita luyando lwa-Taata uli kujulu. ²² Kubuzuba obo banji banji bayondambilila njako alimwi sa teensi kuzina lyako nkutwakatanda madayimona Sa teensi kuzina lyako nkotwakachita milimo mipati myingi? ²³ Lino nzobaambilila kuti, nsimuzi pe, amuzwe kulindime inywe nubamuchita zibi! ²⁴ Nkambo kaako umwi awumwi uuswilila majwi aangu aya akwachita uzokozyanisigwa amuntu uchenjede iwakayaka ing'anda yakwe atala amwaala. ²⁵ Lino imvula yakawa nyngi, milonga yakeeta, amyuuwo yakawunga, yakawuma ang'anda eyo, nekuba boobote yakawa pe, nkambo yakatalikilidwe aamwala. ²⁶ Pele umwi awumwi uuswilila majwi aangu aya akutachita uzokozyanisigwa amuntu mufuba fuba iwakayaka ing'anda yakwe amusele, ²⁷ lino niyakawa imvula milonga yakeeta, myuuwo yakawunga, yakawuma ang'anda eyo, elyo yakawa, nkabela buwe bwayo bwakakomena. ²⁸ Lino Jesu nakamana kwamba majwi aya oonse, makamu makamu abantu aka kankabala kukuyiisa kwakwe, ²⁹ nkambo wakali kubaiisya chabwami kutakozyenie abalembi babo pe.

8

¹ Chiindi Jesu nakaseluka kuzwa muchilundu makamu mingi akamutobelaa. ² Eelyo, sichinsenda wakasika kulinguwe alimwi wakamufugamina, wakati, "Mwami na kuzumina ulakonzya kundisalazyza. ³ Jesu wakatambika kuboko kwakwe alimwi wakamwampa, wakati, "Ndilazumina. Salala." Mpawawo wakasalazigwa kuchipele. ⁴ Jesu wakati kulinguwe, "Utakambilii muntu naba umwi" Ulitondezye kumupayizi, alimwi ukape chipo kuli Mozesi nchakakulayilila, kuti bukabe bukamboni kulimbabo." ⁵ Awo Jesu nakanjila mu Kapanawuma, silutwe wempi wakaza kulinguwe, wakamulombela. ⁶ alimwi wakati, "Mwami, mubelesi wangu ulilede kunganda, uliyuminide akumvwa machise mapati." ⁷ Jesu wakati kulinguwe, "Ndilasika alimwi ndizomuponye." ⁸ Silutwe wankamu wakasdula alimwi wakati, "Mwami, tandeelede kuti unjile munganda yangu pesi amba ijwi alimwi mubelesi ulapona. ⁹ Ngambulindime lubo ndili muntu usalidwe mubwendelezi, alimwi ndilabasilumamba balimunsi lyangu. Ngandati kuloyu, 'Koya' alimwi ulenda, alimwi akulumwi, ngandati, 'Sika' alimwi ngawaza, akulumbi mubelesi, ngandati, 'chita echii; alimwi ulachichita.' ¹⁰ Chindi Jesu nakamvwaa ezi, wakagamba alimwi wakati kuli abo bakali kumutobela, "Nchobeni ndamwambila kuti takwe pe ngundakali ndajana ulalusyomo luli obu mu Izilayeli. ¹¹ Ndamwambila, bingi bayozwa kumbo alimwi akujwe, alimwi bayolya atebuli a Abbulahamu, Ayizeki, a Jakobo, mubwami bwakujulu. ¹² Pesi baana babaami bayotandilwa anze mumudima, chindi nikunoli kulila akuluma ntwino." ¹³ Jesu wakati kulinguwe, "Enda! mbuli mbuwasayoma, aboobo achichitwe kulinduwe." Alimwi mubelesi wakaponaa mu hola ndileyo. ¹⁴ Chindi Jesu nakasika munganda ya Pita, wakabona banyinazyala a Pita kabachisidwe ntuntumanzi. ¹⁵ Jesu wakajata kuboko kwabo, mpawo ntuntumanzi yakamana mpawo bakabuka alimwi bakatalika kumukutawukila. ¹⁶ Elyo nikwakaba mangolezya bantu bakamwetela Jesu bakanjidwe amadimoni. Waktanda myuuya mibi ajwi alimwi wakaponisa boonse bakali kuchiswa. ¹⁷ Munzila eyi zyakazuzikizigwa ezyo zyakambidwe amusinsimi Isaya, wakati, "Ng uwelwakwe ubweza machise esu akunyampula malwazi esu

onse.” ¹⁸ Lino Jesu nakabona makamu kamuzungulukide, wakabalayilila kuti bazubukile mutala eliya lyalwizi lwa Galilaya. ¹⁹ Mpoonyawo mulembi wakasika kulinguwe alimwi wakati, “Mwiyi, Ndiyokutobelakufumbwa nkoya.” ²⁰ Jesu wakati kulinguwe, “Bamwaba balijisi mapako, alimwi tuyuni twakujulu tulazizumbo, pesi Mwana a Muntu takweampalazika mutwe wakwe.” ²¹ Umwi wabasikwiya wakati kulinguwe, “Mwami, ndizumizye saansi kuti njiinke alimwi ndikavvikke ndeende.” ²² Pesi Jesu wakati kulinguwe, “Nditobele alimwi usiye bafwide bazikkane lwabo.” ²³ Lino Jesu nakanjila mubwato, basikwiya bakwe bakamutobelalimwi. ²⁴ Elyo kwakaba iguwo ipati mulwizi, lumwi bwato bwavumbwa amayuwe. Pesi Jesu wakali winkilila koona. ²⁵ Basikwiya bakaza kulinguwe alimwi bakamubusya, bakati, “Tugwasye, Mwami; twamba kumana kufwa!” ²⁶ Jesu wakati kulimbabo, “Nkamboonzi nomuyowa, inywe nobalusyomo lunini? Mpawo wakabuka alimwi wakawumuzya iguwo alimwi alwizi. Mpoonya kwakaba kumuuna kupati. ²⁷ Bantu bakagamba alimwi bakati, “musyobonzi wamuntu ulibobu, kuti nikuba iguwo alimwi alwizi zilamulemeka?” ²⁸ Lino Jesu nakasika kulubazu lumbi alimwi kubantu bakkala kuchisi chitegwa Gadala bantu babili bakanjidwe madimoni bakaswanana anguwe. Bakali kuzwa kuzibunda alimwi bakali abukali alubo tebakali kuyanda muntu winda munzila eyo. ²⁹ Elyo, bakoompolola bakati, “uyandaanzi kulindiswe Mwana wa Leza? Wasika okuno kuti uzotufwabye nkachitanasika chiindi chibambidwe. ³⁰ Lino sikwembela wabutanga bwangulube wakaliwo kalikucheezya, katali kule loko ambabo. ³¹ Madimoni akaliswini kukombelezya Jesualimwi kat, ‘Na watutanda, tutumine kubutanga bwangulube.’” ³² Jesuwakati kulimbabo, “Kamu! Madimoni akazwa akiya mungulube, alimwi zyoonse ngulube zyakafwambana kukunkulikila mujenga zyanjila akufwida mananzi. ³³ Abo bakali kwembela butanga bwengulube bakachija alimwi bakaya mudolopo alimwi bakamba zyoonse, kapati lokazyakachitika kumuntu wakanjidwe dimoni. ³⁴ Mpawo, Lyoonse dolopo lyakasika kuti baswanane a Jesu. Nibakamubona bakamukombelezya kutiazwe muchisi chabo.

9

woonse amisyobo misyobo. ³⁶ Lino nakabona makamu makamu, wakaba aluzyalo kuli mbabo, nkambo bakali kupeekezezegwa akunyansigwa. Bakali mbuli mbelele zitakwe mweembeli. ³⁷ Wakati kuli basikwiya bakwe, "Butebuzi bwavula, pesi batebuzi mbache. ³⁸ Nkabela amukombe chakufwambana ku Mwami wabutebuzi, kuchitila kuti atuume batebuzi mubutebuzi bwakwe.

10

¹ Jesu wakayita basikwiya bakwe boonse ibali kkumi ababili alimwi wabapa inguzu aatala amyuuuya mibi, kuti bayitande. Akuponia zilwazi zyamisyobo isiyene amachise amisyobo isiyene. ² Lino mazina abatumwa balikkumi ababili ngaya. Wakusanguna, Sayimoni (oyo ngwakiita kuti Pita), a Endulo mukulana; Jemusi mwana wa Zebbedi, a Joni mukulana wakwe; ³ Filipu, a Bbatolomyu; Tomasi, a Mateyo simutelo; Jemusi mwana wa Alufiyasi, a Tediyyasi; ⁴ Sayimoni mu Ziloti, a Judasi Sikaliyoti, oyo wakali sikuyomwaba. ⁵ Aaba bali kkumi ababili Jesu mbakatuma wakabalayilla akwamba kuti, "Mutakayinki kunyoika kukkala bamaasi alimwi mutakanjili kufumbwa dolopo lyaba Samaliya. ⁶ Kamuya kumbelele ziswekede zyang'anda ya Izilayeli. ⁷ Alimwi nimuyoyinka, mukakambawuke akwamba kuti, "Bwami bwakujulu bwaba afwifwi. ⁸ Mukapони bachiswa, mukabusye bafwide, musanzye basizinsenda, akuyotanda madimoni. Mwatambula kakutakte muliyo, anywebo amukape katakwe muliyo. ⁹ Mutakabwezi ingolida, nsiliva, nikuba kkopa muzibbeeke zyenu. ¹⁰ Mutakabwezi zibbeeke zyamulwendo mukwenda kwenu, nikuba zibaki zibili na insangu, na inkoli, nkambo simulimu uylolianina chakulya. ¹¹ Kufumbwa muunzi ngumuyonjila, mukalange kuti ngwani uyelede, kuti mukkale alinguwe manedo mukeende. ¹² Mbubonya mwakunjila mung'anda, mukiijuzye. ¹³ Kuti ing'anda kiyelela, akube kuti luumuno lwenu lukabe mulinjiyo. Pele na kitelede lumuno, luumuno lwenu ngalubwede kulindinywe. ¹⁴ Kuli abo batakabule kumutambula nikuba kumutelela kumajwi enu, nimutakazwe mung'anda na mudolopo, mukakunkumune lusuko kumawulu enu. ¹⁵ Nchooncyo ndamwambila kuti, kuyoba kulansya moyo kunyika ye Sodomu a Gomola mubuzuba bwalubeta kwinda kwamudolopo elyo. ¹⁶ Amulange, Ndamutuma mbuli imbelele akati kabawumpe, nkenkaako amuchenjele mbuli inzoka alimwi mube basalali mbuli inziba. ¹⁷ Amukabalangisisye bantu! bayomutola kumbeta alimwi bayomutanda muzikombelo zyabo. ¹⁸ Mpooyna bayomweta kunembo lyabendelezi akubaami nkambo kangu, bukabe bukamboni kuli mbabo akuli bamaasi. ¹⁹ Kuchindi nibayomujata akumwaba, mutakalikatazyi kuti mbobuli nakuti tuyowambula katutyeni, nkambo izyakuyowamba moyozipegwa nywebo muchiindi echo. ²⁰ Nkambo teensi ndinywe nimuyowambula, pesi kuti Muuya wa Wuso ngutakaambule mulindinywe. ²¹ Mukwesu uyowaba munyina kulufu, alimwi wisi uyowaba mwana. Bana bayobukila bazyali baabo alimwi akuchita kuti bajayigwe. ²² Muyosuligwa abantu boonse akambo kezina lyangu. Pesi oyo ukakatila kuyosika kumamanino, imuntu oyo uyofutulwa. ²³ Chindi nibayomupenzya mudolopo elyo, mukachijile kuli liimbi, nkambo zyamasimpe ndamwambila, tamukoyo yenda mukati kamadolopo a Izilayeli Mwana a Muntu katanakusika. ²⁴ Sikwiya temupati kwiinda muyiisyi wakwe, nikuba mulanda talimupati kwiinda simalelo wakwe. ²⁵ Zilelede mbuli sikwiya kuti aabe mbuli muyiisyi,

alimwi mulanda mbuli simalelo wakwe. Na bayita mulanda wang'anda ya Bbeluzebbulu, zilaba kazyindilila byeni mbuli mazina ngibayita bamwi ba-beleki bang'anda yakwe! ²⁶ Nkinkakako mutakabayoowi, mbulikuti takwe chisisikene chitakaleke kuzwa entanganana alimwi takwe chisisikene chitakaleke kuyozibinkana. ²⁷ Nzendikumubuzya mumudima, muzyambe mumumuuni, alimwi nzimumvwaa kanonono mumatwi enu, mukaziluule aziluli zyamaanda. ²⁸ Mutayoowi abo bajaya, mibili pesi kabakachilwa kujaya muuya. Anukuti mwelede kuyowa oyo ukonzya kujaya muuya a nyama mugehena. ²⁹ Sena tuyuni tobile tatuulwi a kkobili? Takwe naba omwe wabo uuwa aansi katakwe luzibo lwa Wuso. ³⁰ Pesi nikuba masusu mumutwe yenu woонse alibalidwe. ³¹ Mutayowi. Mulayandika kwinda tuyuni twiingi. ³² Nkinkakako kuliwoonse ulisola kulindime kunembo lyabantu, andime ndiyolisola kuli Taata ulikujulu. ³³ Pesi oyo undikkaka kunembo lyabantu, Ambebo ndiyomukkaka kunembo ly Taata uli kujulu. ³⁴ Mutayeyi kuti ndakeza kuzoyeta lumuno ansi aano. Tindakazida kuzoyeta luumuno, pesi ikafulo. ³⁵ Mbulikuti ndakazida kuzokazyanisa mwana awisi, alakwe mwana musimbi abanyina, alakwe mukamwana abanyinazyla. ³⁶ Nkabela basinkondonyina bamwalumi mbimbabo beng'anda yakwe. ³⁷ Oyo uyanda wisi na banyina kwinda ndimetelede kulindime, oyo uyanda mwanaakwe mulombe na musimbi kwinda ndime teelede kulindime. ³⁸ Oyo utabwezi chiingano chakwe alimwi atobelele musule lyangu telede kulindime. ³⁹ Oyo uyanda buumi bwakwe uyobuswekelwa. Pesi oyo uswekelwa buumi bwakwe akambo kangu uyobujana. ⁴⁰ "Oyo ukutambula utambula ndime, alimwi oyo unditambula alimwi watambula ayoyo iwakandituma. ⁴¹ Oyo utambula musinsimi muzina lyamusinsimi uyojana mpindu yamusinsimi, alimwi oyo utambula bululami bwamuntu muzina lyabululami bwamuntu uyojana mpindu yabululami bwamuntu. ⁴² Kufumbwa uupa kulumwi wabaaba banini, nikaba kanywido kamaanzi atontola kuti banywe, nkambo ngusikwiya, chamasimpe ndamwambila, takwepe nayobula impindu yakwe."

11

¹ Nichakaba kuti Jesu wamaninsya kulayilila basikwiya bakwe baliikumi abobili, wakazwa nkukonya oko wakuyisa akukambawuka mumadolopo aabo. ² Lino Joni nakamvwa muntolongo atala anchito zya Kkilisito, wakatuma basikwiya bakwe ³ ajwi elyo bakati kulinguwe, "Nduwe na ulokuza, na kuti tuchilangilila uumbi?" ⁴ Jesu wakasdula akwamba kulinbabu, "Mwinke mukaambe kuli Joni nzimwabona akumvwa. ⁵ Bataboni balikutambula kubona, zilema zilenda, balezipele balokusalazigwa, batamvwi balokumvwa lubo, bafwide balokubusigwa lubo kubawumi, amakani mabotu alokukambawukwa kubachete. ⁶ Alubo ngusicholwe kufumbwa utabilizigwi andime." ⁷ Lino aba bantu nibakeenda munzila yabo Jesu wakatalika kwamba kumakamu atala a Joni, "Mwakayinka kuya kunkanda kuyobonanzi - ityetye lizunganisigwa aguuwo? ⁸ Pesi mwakayinka kuya kuyobonanzi - mutu usamide ziteete? Mbukubede, abo basama zisamo ziteetete bakkala mumaanda abami. ⁹ Pesi mwakainka kunze kuyobonanzi - musinsimi? Iyi, ndati kulindinywe, akwinda musinsimi. ¹⁰ Echi nchenchicho nguchakali kulemebedwe obu. 'Bona, ndinokutuma mutumwa wangu kunembo lyabusyu bwako, uykubambilila nzila kunembo lyako. ¹¹ "Ndamba

kulindinye nkasimpe, takukwe nikwakabukide akati kabaabo bazyalwa abanakazi unga ulaba mupati kwinda Joni mubbabbatizyi. Nekubaboobo, munini muntu mukolondo kubwami bwakujulu mupati kwinda ngewe. ¹² Kuzwa kumazuba a Joni mubbabbtizyi kusikila lino, bwami bwakujulubulokufwabisigwa alupyopyongano, lino bantu balupyopyonganana balalubweza changuzu. ¹³ Mbukunga boonse basinsimi amulawu wakali kusinsima kusikila kuli Joni. ¹⁴ Elyo nawayanda kuzumina kuchitambula, oyu ngu Elija, ngewe wakali kuzosika. ¹⁵ Kulyoyo ulamatwi akumvwa, ngamvwe. ¹⁶ Kuli chili nchindinga ndilayezyanisa azyalaneyasunu? Chili mbuli bana basobana kuchisambalilo, bakkala akwita umwi awumwi, ¹⁷ akwamba, 'twakakulizizya muiteetele, aboobo tewakazyana pe. Twakayeeema, pele tewakalila. ¹⁸ Aboobo Joni wakasika katalyi chinkwa nanka kunywa masansa, elyo bakati, Uladimoni. ¹⁹ Mwana amuntu wakasika akulya akunywa elyo bakati, Langa, mwalumi sindya amukolwi, muzolwani abasimutelo abasizibi! Pesi busongo bululalamikwa anchito zyakwe." ²⁰ Elyo Jesu wakatalika kukalalila madolopo omo mwakachita malele akwe manji, nkambo tebakeempwa. ²¹ "Maawe kulinduwé, Kkolazini! Mawe kulinduwé, Bbetisyada! Kansinga malele akachitwa ku Taya a Sidoni akachitwa kulindinywe, ninga bakeempwa kale kuchindi chakayinda muzisamo zyamasaka amudyota. ²² Pesi kulkuyandika chakwindilila kubuzuba bwalubeta kwinda nduwe. ²³ Webo, Kapenawumu, ueyeya kuti uzosumpulwa kujulu? Peepe, unoyoyetwa ansi kumulindi utagoli [Hadesi]. Nikwali kuti mu Sodomu mwakachitwa malele akachitwa mulinduwé, ninga mwachili asunu. ²⁴ Pele ndati kulin-duwe chiyobachubila kunyika ya Sodomu mubuzuba bwalubeta kwinda nduwe." ²⁵ Kuchindi echo Jesu wakati, "Ndilikutembawula Taata, Mwami, wakujulu anyika, nkambo wasisila basongo abamvvisya, akuyubunwida bana banini: ²⁶ Iyii, Taata, Eechi chakalikubotezya kumeso ako. ²⁷ Zintu zyonse zyakapegwa ndime kuzwa kuli Taata. Elyo takwe umwi uzi mwana kunze kwa Taata, mpawo, takwe uzi Taata kunze kwamwana aboobo kuloyo mwana ngwasala kuti amuyubunune. ²⁸ Amuze kulindime, moonse nimukatede animulemenwa ndiyomupa kulyokezya. ²⁹ Amubweze ijokwe lyangu lili alindime akwiya kulindime, nkambo ndilimubombe akuba mutete moyo, eelyo moyojana kulyokezya kwmyuuya yanu. ³⁰ Nkambo ijokwe lyangu niteete alubo ndiguba amukuli wangu tulemi pe."

12

¹ Kuchindi echo Jesu wakayinka mubuzuba bwakulyokezya wayinda mumyunda yazilyo. Basikwiya bakwe bakafwa anzala eelyo bakasanguna kukulula mayila nkwalikumpela akwalya mituutu. ² Pesi baFalisi nibak-abona oobo bakati kuli Jesu, "Bona, basikwiya bako bachita zitali mumulawu kuchitwa mubuzuba bwakulyokezya." ³ Pesi Jesu wakati kulimbabo, "Takwe nimwakabalide Devidi mbakachita nakaba anzala, abaabo balumi mbakali aabo? ⁴ Wakanjila munganda ya-Leza akulya chinkwa chakutwa, chitensi kumulawu kuti alye alubo chitali kumulawu akulabo mbakali abo, pesi kazili kumuawu kupela kubapayizi. ⁵ Tamubalide mulawu kuti mubuzuba bwakulyokezya bapayizi muchikombelo balataluka mulawu wabuzuba bwakulyokezya pesi tabakwe mulandu? ⁶ Pele ndati kulindinywe umwi mupati kwinda nganda yaLeza ulaano. ⁷ Namwakalizi echin chichikalikwamba, 'mebo ndiyanya luse pepe chipayizyo; temwali-kubapa kambo batakwe mulandu. ⁸ Eelyo mwana amuntu ngu

Mwami wazuba lyakulyokezya.” ⁹ Mpawo Jesu wakazwa oko akwinka kuchikombelo. ¹⁰ Amubone, kwakali muntu wakalinyanide kuboko. Bafalisi bakabuzya Jesu, bakati, “sena chililuleme kusikila mubuzuba bwakulyokezya?” Ikuti bamutamikizye kubisya. ¹¹ Jesu wakati kulimbabo, “Inga ulaba mwalumi byieni akati kanu, ngwani, na wali ambelele imwi, aboobo, na imbelele eyi yawida mudindi mubuzuba bwakulyokezya, takonga ulijata na akwigusya aanze? ¹² Chiinda bulemu byieni, eelyo kumuntu nekuba kumbelele! Aboobo chililuleme kuchita chibotu mubuzuba bwakulyokezya.” ¹³ Mpawo Jesu wakati kumuntu, ‘Tandabika kuboko kwako.’ Wakatandabika, alubo lwakabwedezezgwa mukupona, mbuli kwenzinyina kuboko. ¹⁴ Pesi ba Falisi bakayinka bakubamba mbubonya kabalikumuwwiya. Bakali kuyandula mbubanga balamujaya. ¹⁵ Mbuli mbwakaziba Jesu, wakazwa oko. Bantu banji bakamutobela, lino wakabasilika boonse. ¹⁶ Wakabalayilila kuti batachiti kuti azibinkane kulibamwi, ¹⁷ zikazuzikizigwe, zyakambwa muli Isaya musinsimi, kuti, ¹⁸ “Bona, mulanda wangu ngundakasala; Muyandwi wangu umwi, oyo muuya wangu ngundibotelwa. Ndiyobika muuya wangu alinguwe, eelyo uyobakambawukila bululami kulibamasi. ¹⁹ Takoyojana buyumuyumu na kukulilisya; nikuba umwi kumumvwa ijwi lyakwe mumigwagwa. ²⁰ Takwe nayotyla limwi ityetye lyakapwayulwa; takwepe nayoziama kamuni kasuka kamulilo, kusikila wendelezya bululami mukuzunda, ²¹ Abalabo bamasi bayoba bulangizi muzina lyakwe.” ²² Eelyo umwi muntu utakuboni katambuli, wakanjidwe adimoni, wakeetwa kuli Jesu. Wakamusilika, azezyo zyakazwa kuti utambuli muntu wambula akubona. ²³ Makamu wonse akagamba akwamba, “ooyu muntu ngaulaba mwana wa Devidi na?” ²⁴ Pesi ba Falisi nibakamvwa malele aaya bakati, “Ooyu muntu tatandi madimoni kunze kwa Bbelezebbulu, mupati wamadimoni.” ²⁵ Pele Jesu walizi miyeyo yabo mpawo wakati kulimbabo, “Bwami boonse bukazyania lwabo, buyomwayisigwa, alubo kufumbwa dolopo niba ng’anda ikazyania lwayo tikayimikili pe. ²⁶ Ikuti satani watanda satani, unoli ulikulikazya lwakwe. Bwami bwakwe nga bulimikila byieni? ²⁷ Lino na ndilatanda madimoni a Bbelizebbulu, ani batobezi banu batandyanzi? Nkambo kachechi, bayoba babetesu banu. ²⁸ Pesi do katwatanda madimoni a muuya wa Leza, mpawo bwami bwa Leza bwasika akati alindinywe? ²⁹ Alubo kulibiyeni kuti umwi anjile mung’anda yamuntu usimide akubba makwebo akwe katamusungide muntu usimide chakusanguna? Elyo uyobba makwebo akwe kuzwa mungánda yakwe. ³⁰ Umwi utali andime ukazyanya andime, alubo ayoyo utabungani andime ulamwayula. ³¹ Aboobo ndati kulinduwe, chibi choonse akusampawuula bantu bayolekelelwa, pesi kutukila muuya takukwe kulekelelwa pe. ³² Kufumbwa uwambula ijwi atala amwana muntu, oyo uyolekelelwa. Pesi kufumbwa uwambula bubi atala a Muuya Uusalala, oyo takoyolekelelwa, na munyika eyi, na kuleeyo ichizosika. ³³ Chita musamu ubote ayala michelo yawo ibote, na kuchita musamu kuba mubi, amuchelo wayo ubije, mbuli kuti musamu uboneka amichelo yawo. ³⁴ Nywebo nubana banzoka, mbomunga muli babi, ngamulamba buti izintu zibotu? Kuzwa mumoyo mulizinji mulomo nzuwambula. ³⁵ Muntu muboto kuzwa kuzintu zibotu zyamoyo wakwe ulagusya nzizyonya, pele muntu mubi wakuzintu zibi zyamoyo wakwe mulazwa bubi kupela. ³⁶ Ndati kulinduwe mubuzuba bwalubeta bantu balakupa

bupandanuzi kuli alimwi ijwi litali kabotu ndibakaamba. ³⁷ Kuzwa kumajwi ako uyolulamikwa, akumajwi ako uyopegwa mulandu.” ³⁸ Elyo balembi bamulawu bamwi, abaFalisi bakasandula akut, “Muyiisi tuyanda kubona chitondezyo kuzwa kulinduwe.” ³⁹ Pesi Jesu wakasandula akuti kulimbabo, kufumbwa bubi abumambi kuzukulu lyasunu lyabayandula chitondezyo. Pesi tokwe chitondezyo pe chiyopegwa kunze kwachitondezyo cha Jona musinsiimi. ⁴⁰ Mbanga Jona wakali amazuba atatu mubula bwamuswi mupati, alakwe Mwana Muntu uyoba amazuba atatu amansiku atatu mumoyo wanyika. ⁴¹ Bantu baku Ninivu bayoyimikila kunembo lyalubeta azukulu eli lyabantu aboobo liyopegwa mulandu. Nkambo bakeempwa mukukambawuka kwa Jona, lino amubone, umwi mupati kwinda Jona uli aano. ⁴² Mwami mwanakazi wakumusama uyobuka kulubeta abantu bakwe bazukulu eli lyabantu akulipa mulandu. Wakazwa kumajinkilo anyika kuti azomvwe busongo bwa Solomoni, alubo bona, umwi mupati kwinda Solomoni ulaano. ⁴³ Na muuya mubi wazwa kumuntu, wakwinda mukati kamasena atakwe maanzi akuyandula ku-lyokezya, pesi tabuwujani pe. ⁴⁴ Mpawo lyakat, “Ndiyobweda kunganda yangu nkundakazwa; Nilyakabwed, lyakujana ng’anda eyo yakukulwa akubambwa obotu. ⁴⁵ Elyo lilayinka akubweza bweza imbi myuuya ili musanu ayibili mibi kwinda nguwo, lino ilasika kuzokkala omo. Abobo bubi bwamuntu kumamanino bwakabisisisya kwinda kumatalikilo. Mbukuyoba mbubobo kuzukulu lyabubi eli.” ⁴⁶ Nakachili kwambula Jesu kumakamumakamu, amubone, banyina abakulana bakwe bakayimikila aanze, kabayandula kuti bambule anguwe, ⁴⁷ Umwi wakati kulinguwe, “Bona banyoko abanike bako balimvvi aanze bayanda kwambula anduwe.” ⁴⁸ Pesi Jesu wakasandula kuliyyo wakamwambila, “Mbani baama bangu alubo mbaani banike bangu?” ⁴⁹ Eelyo wakatandabika kuboko kwakwe akutondeka basikwiya bakwe mpawo wakati, “Bona, mbabo baama abanike bangu! ⁵⁰ Nkambo kufumbwa uchita luyando lwa Taata ulukujulu, muntu oyo mukulana wangu, muchizi wangu, mbebaaba bangu.”

13

- ¹ Mubuzuba obo Jesu wakazwa aanze ang’anda akukkala ambali alwizi.
- ² Inkamu mpati yakamubunganina achakumuzyunguluka, lino wakanjila mubwato akukkala mukati, inkamu yoonse niyakachimvwa kunkomwe.
- ³ Elyo wakamba zintu zyiingi kulimbabo muzikozyanio. Wakati, “Amubone, mulimi wakaya kunze kukuyobyala imbuto. ⁴ Nakayobubyala, Imwi imbuto zyakawida ambali lyamugwagwa, mpawo bayuni bakasika akuzilya. ⁵ Imwi imbuto yakawida anyika ilamabwe, kwakati kwakatali muse mwiningi. Mpawo mpawo zyakamena nkambo imuse tewakali abulamfu kukuyaansi. ⁶ Pesi izuba nilyakatenta, zyakawuumpwa, nkambo tezyakali amiyanda, aboobo zyakayuma. ⁷ Imbuto zimwi zyakawida mumaamvwa. Maamvwa akakomena mpawo akazisyankizya. ⁸ Zimwi imbuto zyakawida mumuse mubotu mpawo zyakazyala zilyo, zimwi mwanda umwi windulwidwe chakuvula, zimwi makumi musanu alimwi, mpawo zimwi makumi aatatu. ⁹ Ooyo ulamatwi muleke amvwe.”
- ¹⁰ Basikwiya bakasika mpawo bakati kuli Jesu, “Nkambonzi nowambula makani aya muzikozyanio?” ¹¹ Jesu wakasandula akwamba kuti kuli mbabo, “mulipedwe mwenya wakumvwisisya zisisidwe zyabwami bwakujulu, pesi kulimbabo tabapedwe pe. ¹² Nkambo kufumbwa ujisi

uyopegwa zyingi, alimwi uyoba azyindilide zyingi. Pesi utakwe, nekuba anchalacho chiyobwezegwa kuzwa kulinguwe.¹³ Nchenchicho nchingambulaabo muzikozyanio: nekuba banokubona, pesi tababonesesyi pe; alubo nekuba balamvwa, pesi tabamvwisisisyi, nekuba kumvwisisisyi.¹⁴ Kulimbabo chisinsimicha Isaya chili zuzikizizigwe, echo chamba kuti, "Nekuba kumvwa mulamvwa, pesi takwe abunini nimuyomvwisisya; nekuba kubona moyobona, pesi takwepe nimuyobonesesya."¹⁵ Nkambo myoyo yabantu aaba yaba mifubafuba mpawo miyumu kukumvwa, alubo bakajala meso aabo, kuti bataboni ameso aabo, nekuba kumvwa amatwi aabo, nikuba kumvwisisisyi amyoyo yabo, kuti basanduke lubo, alubo ndikabaponesye.'¹⁶ Pesi alongezegwe meso anu, nkambo alabona.¹⁷ Nkasimpe ndati kulindinywe kuti basinsimi bayingi abantu baluleme bakayandisa kubona zintu ezyo nzimumbona pesi tebakazimvwa. Bakayandisa kuzimvwa zintu nzimumvwa alimwi tebakazimvwa.¹⁸ Lino ngamuswilile kuchikozyanyo chamulimi wakabyala imbutozyakwe.¹⁹ Na umwi wamvwa ijwi lyabwami bwakujulu pesi talimvwisisisyi, mubi umwi wasika akubweza chakabyalwa mumoyo wakwe. Eyi nimbuto yakabyalilwa ambali lyamugwagwa.²⁰ Chakabyalwa anyika ilamabwe mutu umvwa ijwi elyo mpawo mpawo walitambula akukondwa,²¹ nekubabobo takwe miyanda mulinguwe nkambo mpawo ulakatila chabunini. Nikuba makatazyo akupenzegwa kaabuka ankambo kajwi, ulafwambana kuwa.²² Chakabyalwa mumuse ulamamvwa, oyu mutu umvwa ijwi, pesi misaaloyenyika abongelezyi bwabuvubi bwasyanikizya ijwi, elyo ulaba utachizyali michelo.²³ Imbuto yakaminzwa mumuse mubotu, ooyu mutu uumvwa ijwi akulimvwisisisyi. Ulazyala michelo akuleta zilyo, kakutebulwa uumwi myanda, amuli umwi makumi musanu alimwi, amuli umwi makumi aatautu akayindululwa mbubonya mbozyakabyalwa.²⁴ Jesu wakababikila chimbi chikozyanyo kuli mbabo. Wakati, "Bwami bwakujulu bulimbuli mwalamu wakabyala imbuto imbuto mumuunda wakwe."²⁵ Pesi ibantu nibakachili koona, sinkondonyina wakasika elyo mpawo wakabyala masokwe akati ka wiiti mpawo wakiinka.²⁶ Mpawo masoonso nakazwa akuzyala bana balamuseke, aboobo isokwe lyakaboneka alyalo.²⁷ Babelesi bamukamuunda nibakasika mpawo bakati kulinguwe, 'Taa,' temwakabyala imbuto mbotu na mumuunda wenu? Nkambonzi nikwaba masokwe?²⁸ Wakati kulimbabo, 'Sinkondoma nguakachita echu.' Babelesi bakati kulinguwe, 'Mpo mulayanda na kuti twinke tukazinonkole?'²⁹ Mwini muunda wakati, 'Pee. Nkambo mwanoli kamunonkola masokwe, ngamuyononkozeza a wiiti.³⁰ Muleke zikule antomwe kusikila kukutebula. Elyo kuchiindi chakutebula ndizoti kubatebuzi, "Chakusanguna amunonkoole masokwe akawawanga misunta kuti akawumpwe, pesi mubunganisye wiiti mubutala bwangu."³¹ Elyo Jesu wakabika chikozyanisyo chiimbi kulimbaabo. Wakati, "Bwami bwakujulu buli mbuli inseke yalubangulamuntu njak-abweza akwiibyala mumuunda wakwe."³² Inseke eyi nindini loko kunseke zyoonse. Pesi na yakomena, inga yabampati kwinda misamu yamuchilili. Ngayakomena kwinda ziziki zyamuchilili, ngayaba musamu wakuti bayuni bawuluka basike akuyaka zizumbo mumitabi yayo?"³³ Alimwi Jesu wakabambilia chimbi chikozyanyo. "Bwami bwakujulu buli mbuli bumena bwamwanakazi bwakabweza akuswanizya zimpanzi zitaatu zyabusu bwa wiiti kusikila zyafufumuka."³⁴ Zyoonse ezi zintu Jesu wakazyamba muzikozyanio kumakamu; aboobo takwe

nchakamba katambide muchikozyanio.³⁵ Echi chakalibobo kuchitila kuti chakambwa kwinda mumusinsimi chizuzikizigwe, Awo mpakamba kuti, "Ndiyojula mulomo muzikozyaniso. Ndiyowamba zintu zyakasisikene kuzwa kumatangunino anyika."³⁶ Jesu wakasiya makamu makamu akuya munganda. Basikwiya bakwe bakeza kulinguwe akwamba kuti, "Tupandulwide chikozyanio chamasokwe amumuunda."³⁷ Jesu wakabasandula wamba elyo wakati, "Ooyo ubyalia imbuto mboto Mwana a Muntu.³⁸ Muunda ninyika; mpawo imbuto mboto, aba mbana baLeza bamubwami. Imasokwe mbana bamubi umwi.³⁹ Lino sinkondo wakabyala ngudyabulosi. Butebuzi ngimamanino achiindi, mpawo batebuzi mbaangelo.⁴⁰ Nkinkako mbuli masokwe mbabunganigwa akuumppwa amulilo, aboobo mbukuyooaba kumamanino achiindi.⁴¹ Mwana amuntu uyotuma baangelo bakwe, elyo bayobunganisa aanze abwami bwakwe zintu zyoonse zyakali kuchita kuti kube ababo bakachita zitelede.⁴² Bayobawalila mumabanga banga amulilo, nkubanoli kabakwila akuyoluma intwino.⁴³ Elyo kuyoba bantu balume kabamweka mbuli zuba mubwami bwa Wisi. Ulamatwi, ngamvwe⁴⁴ Ibwami bwakujulu buli mbuli buvubi busisidwe mumuunda. Muntu wakabona akubusisa. Mukukondwa kwakwe wakinka, wakawuzya zintu zyoonse nzyakali azyo, akuyowula munda oyo.⁴⁵ Alubo, Bwami bwakujulu bulimbili muntu musambali uyandula ngale imbotu.⁴⁶ Nakijana imwi ngale imbotu, wakeendaakuzya zyoonse nzyakalazyo zintu akuyoyiwula.⁴⁷ Alubo bwami bwakujulu buli mbuli kazamba kakawalwa mulwizi, mpawo kabungania baswi bamisyobo yoonse.⁴⁸ Nikakazula, bazubi bakakabweza, bazubi bakakeweleta aanze kunkomwe. Elyo bakakkala ansi akubungania imbotu muzibikilo, pesi zyakatali kabotu bakazisowa.⁴⁹ Kuyoba obo kumamanino achindi. Baangelo bayosika akuyowandanya babi kuzwa kabaluleme.⁵⁰ Bayobawalila mumabangabanga oko nkubayokwila akuyoluma intwino zyameno.⁵¹ "Mwazimvwa na zintu eezi zyoonse?" Basikwiya bakati kulinguwe, "Iyii."⁵² Mpawo Jesu wakamba kuti kulimbabo, "Aboobo woonse mulembi wamulawu waba sikwiya kubwami bwakujulu ulimbili muntu mwininganda, ugwisya aanze zintu zyakwe zikulukulu ezipyakuzwa muzibikilo zyakwe."⁵³ Abobo nichakaba kuti Jesu wamaninsya zikozyanio ezi, wakazwa kubusena oobo.⁵⁴ Eelyo Jesu nakanjila kuchisi chakwe akuyiisya bantu muchikombelo chabo. Chakazwa chakuti bakagamba akwamba kuti, "Muntu oyu ubujana kuli busongo bwakwe anguzu zyamale aaya?⁵⁵ Oyu muntu teensi mwana wamubezi na? Sena banyina tabitwi kuti Meli?⁵⁶ Sena bana bakwabo tabali ba Jemusi, Jozefu, Sayimoni a Judasi?⁵⁷ Sena bachizi bakwe, tabali akkati kesu? Uzijana kuli zintu zyoonse ezi?"⁵⁸ Bakalimvwa kabali amulandu anguge. Pesi Jesu wakati kulimbabo, "Musinsimi takwe bulemu kunze akuchisi chakulimbabo amumpuli yakwe."⁵⁹ Alubo takwe pe nakachita malele miungi nkuko akambo kakutamusyoma kwabo.

14

¹ Kuchindi echo, Mwami Helodi watamvwa makani atala a Jesu.
² Wakamba kuti kubazike bakwe, "ooyu ngu Joni mubbabbatizyi; wabuka kuzwa kubafu. Nkinkaako nguzu eezi zilikubeleka mulinguwe." ³ Nkambo Helodi wakali wajata Joni, wamwanga akumubika muntolongo nkambo ka Helodiyasi, mukamwanike wakwe Filipu. ⁴ Nkambo Joni wakambide

kuti kulingu, "Tachili mumulawu pe kuti umukwate." ⁵ Helodi wakali kukonzya kumujaya pesi wakayoowa bantu, nkambo bakali kumuyeyela kuti musinsisi. ⁶ Pesi buzuba bwakuzyalwa kwa Helodi nibwakasika, mwana musimbi wa Helodiyasi wakazyana aakati kabo akubotezya Helodi. ⁷ Mukusandula wakasyomezya aachikonke chakuti uyomupa kufumbwa nchayokumbila. ⁸ Musule akulayililwa abanyina, wakamba kuti, "Mundipe aano, mundyido, mutwe wa Joni mu Babbatizy." ⁹ Mwami wakawusa kuchikumbizyo chakwe, pesi nkambo kachikonke chakwe alimwi akambo kabaabo mbakali kususula aabo, wakalayilila kuti kuchitwobo. ¹⁰ Wakatumina kuyodunsulwa kwamutwe wa Joni muntolongo. ¹¹ Mpawo mutwe wakwe wakaletwa mundyido akupegwa kumwana musimbi oyo wakutola kuli banyina. ¹² Mpawo basikwiya bakwe bakasika, babweza mutunta akuyowuzikka. Kwinda kwachechi, bakiinka akuyowambila Jesu. ¹³ Lino Jesu nakamvwa eechi, wakazwa mpawo awo, wakunjila mubwato kubusena buli kumbali. Makamu nakamvwa aanchicho, akamutobela amawulu kuzwa kumyunzi. ¹⁴ Mpawo Jesu wakasika musule lyabo akubona makamu mapati. Wakabaluzalyo kulimbabo eelyo wakaponya bachiswa babo. ¹⁵ Nilyakaba goko, basikwiya bakasika kulinguwe akwamba kuti, "Oobu busena mbwankanda, alimwi chiindi chamana. Mwayisywa makamu kuti bayinke kumyuunzi mpawo bakalyulile chakulya kwabo." ¹⁶ Lino Jesu wakabambilila kuti, "Tabelede kumwayika. Amubape chimwi nchibatalye." ¹⁷ Bakamba kuti kulinguwe, "Aano tuli aazinkwa zili musanu biyo answii zyobile. ¹⁸ Jesu wakati, "Amuzilete kulindime." ¹⁹ Mpawo Jesu wakalayilila makamu abantu kuti akkale aansi mubwizu. Wakabweza zinkwa zili musanu answi zyobile. Walanga kujulu, wazilongezya akukwamuna zinkwa mpawo wazipa kuli basikwiya, alimwi basikwiya bakapa makamu. ²⁰ Boonse bakalya akukkuta. Mpawo bakabwezelela bufwefwelenga bwakachaala bwechakulya - nsangwa zizwide zili kkumi azibili. ²¹ Aabo bakalya bakali zyuulu zili musanu zyabaalumi, kutaamba abanakazi abaana. ²² Mpawo mpawo wakachita kuti basikwiya banjile mubwaato akwinka kunembo lyakwe kuli bumwi busena, mbubonya mbwakachili kumwayisywa makamu makamu. ²³ Nakamana kumwayisywa makamu, wakatanta achilundu kuyokoomba. Nilyakaba goko wakali aalikke. ²⁴ Pesi lino bwato bwakali bwabakule aanyika. Kabuchundwa amayewe, nkambo muuwo wakali kuunga kuubakachizya. ²⁵ Muchiindi chane mansiku Jesu wakabasikila, keenda aatala aalwizi. ²⁶ Basikwiya nibakamubona kayobwenda ataala alwizi, bakakatazika akwamba kuti, "Musangu," mpawo bakalila chakuyowa. ²⁷ Pesi Jesu wakaamba kuli mbabo aawo akuti, "Amube bakozu ndime! Mutayowi." ²⁸ Pita wakamusandula akwamba kuti, "Mwami, na nduwe, ndilayilile kuti ndize kulinduwe atala amaanzi." ²⁹ Jesu wakati, "Kweza." Mpawo Pita wakazwa mubwato akweenda aatala aamanzi kayinka kuli Jesu. ³⁰ Pesi Pita nakabona muuwo mupati, wakayoowa. Mbwakatalika kubbila biyo, wakalila akwamba kuti, "Mwami ndifutule." ³¹ Mpawo mpawo Jesu wakatandabika kuboko kwakwe, wajata Pita, akwamba kuti kulinguwe, "Nusilusyomo lunii, nkambonzi nodoneeka?" ³² Mpawo Jesu aa Pita nibakanjila mubwato, muuwo wakiimikila kuunga. ³³ Mpawo basikwiya bakali mubwato bakakomba Jesu akwaamba kuti, "Nkasimpe uli Mwana wa Leza." ³⁴ Nibakazubuka bakasika kunyika yaku Genesaleti. ³⁵ Bantu

bakubusena oobo nibakaziba kuti ngu Jesu, bakatumina makani konse muchisi choonse chizyungulukide, alimwi bakaleta kulinguwe woonse wakali kuchiswa.³⁶ Bakamukumbila kuti bajate moombe wajansi lyakwe, alimwi biingga bakuujata bakapona.

15

¹ Mpawo bamwi ba Falisi abalembi bakasika kuli Jesu kabazwa ku Jelusalema. Bakaamba kuti,² "Nkamboonzi basikwiya bako nibakazyania aziyanza zyabapati? Nkambo tabasambi pe mumaboko nibalya chinkwa."³ Wakasandula akwamba kuti kulimbabo, "Alimwi nywebo - nkambonzi nimukazyania amulawu wa Leza nkambo kaziyanza zyanu?⁴ Nkambo Leza wakamba kuti, "Lemeka wuso abanyoko, alimwi ooyo wambula bubi kuli wisi na banyina nkasisimpe uyoofwa."⁵ Pesi mwamba kuti, kufumbwa lugwasyondunoli watambula kuzwa kuli ndime lino nchipo chipegwa kuli Leza,"⁶ Ooyo muntu telede kulemeka wisi. Munzila eyi mwawubula ijwi lya Leza. Malembe mabotu aachindi ali aajwi lya Leza aamwi malembe aachindi ali aamulawu. Nkuyumu kusalula chibalo chibotu. Nkambo kachiyanza chenu.⁷ Nywebo nobasikuwupawupa! Isaya wakachita kabotu nakasinsiima aatala andinywe nakamba kuti,⁸ 'Bantu aba balandilemya amilomo yabo, pesi myoyo yabo ilikule andime.⁹ Balandikomba chabuyo, nkambo balayiisa milawo yabantu mbuli njiiyo zyabo."¹⁰ Mpawo wakiita makamu kulinguwe mwini akwamba kuti kuli mbabo, "Amuswilile akumvwisyis -¹¹ Tachiwo chinjila mukanwa chisofwazya muntu. Pesi echo chizwa mukanwa, eechi nccheenchicho chisofwazya muntu."¹² Mpawo basikwiya bakasika akwamba kuti kuli Jesu, "Ulizi na kuti ba Falisi bakalebwa nibakamvwa makani aaya?"¹³ Jesu wakasandula akwamba kuti, "Zizikki zyoonse ezyo Taata wakuju lu nzyakatazikila zyononkolwa.¹⁴ Amubaleke aabalike, mbeenzyi boofu. Na moofu weenzya moofunyina, boonse bayowida mukkomba."¹⁵ Pita wakasandula akwamba kuti kuli Jesu, "Pandulula kalabiko aaka kulindiswe."¹⁶ Jesu wakaamba kuti, "Anywebo aambil sunu tamumvwisisyi na?¹⁷ Tamumvwisisysi na kuti kufumbwa echo chinjila mukanwa chilayinda mwida mpawo chilazwa aanze mpawo chilasowegwa mukkomba?"¹⁸ Pesi izintu ezyo zizwa mukanwa zilazwa mumoyo. Nzenzizyo ezyo zisofwazya muntu.¹⁹ Nkambo kumoyo kulaizwa miyeyo mibi, bujayı, bumambi, bwamu, kubba, bukamboni bwakubeja, akulengelela.²⁰ Eezi nzenzizyo eezyo zisofwazya muntu. Pesi kulya amaboko atasambie pe takusofwazyi muntu pe."²¹ Mpawo kuzwa awo Jesu wakazwa ooko akwinka kuzisi zyakumyunzi yaku Taya aku Sidoni.²² Amubone, mwanakazi mu Kkenani wakazwa kuchisi echo. Wakoompolola akwamba kuti, "Ndifwide luzyalo, Mwami, Mwana wa Devidi! Mwana wangu musimbi ulijisi loko dimoni.²³ Pesi Jesu taakwe jwi ndyakamusandula pe. Basikwiya bakwe bakeza akumukumbila, bakati, "Mutande, nkambo uli koompolola musule lyesu."²⁴ Pesi Jesu wakasandula akwamba kuti, "Nsitumidwe nikuba kuli umwi pesi kumbelele ziswekede zyakunganda ya Izilayeli."²⁵ Pesi wakeza akuvundama aansi kunembo lyakwe, wati, "Mwami, ndigwasye."²⁶ Wakasandula akwamba kuti, "Tachili kabotu pe kubweza chinkwa chabana akuchisowela tunkala."²⁷ Wakati, "Mbukubede, Mwami, pesi aatulato tunkala tulalya tumwi twatufwefwelenga ooto tuuwa kumatebule abasimalelo aato."²⁸ Mpawo

Jesu wakasandula akwamba kuti kulinguwe, "Yo mwanakazi, lusyomo lwako ndupati; akuchitwe kulinduwe mbubonya mbuli mboyanda." Mwana wakwe musimbi wakaponesegwa kuzwa kuchindi echo.²⁹ Jesu wakazwa kubusena oobo akwinka kumbali aalwizi lwaku Galili. Mpawo wakatanta akukkala nkuko.³⁰ Makamu makamu abantu mapati akeza kulinguwe. Bakaza abalema, boofu, basyataambi, abantu batyokede, abamwi bayingi bakali kuchiswa. Bakababika kumawulu aa Jesu, mpawo wakabasilika.³¹ Eelyo makamu makamu akagamba nakabona bantu batambuli kabambula, batyokede kababakabotu, balemene kabeenda, aboofu kababona. Bakalumbayizya Leza wa Izilayeli.³² Jesu wakaiita basikwiya bakwe akwamba kuti, "Ndafwaluzyalo kumakamu nkambo bakkala aandime kwamazuba ataatu kale mpawo tabakwe achakulya. Tandiyandi kubamwayisya kabatalyide, nkambo ngabayowizuka munzila."³³ Basikwiya bakati kulinguwe, "Nkukuli nkotunga tulajana zinkwa zizulila kubusena bwankanda buliboobu kuti zikkutye makamu makamu mapati aalibobu?"³⁴ Jesu wakati, "Mujisi zinkwa zyongane?" Bakati, "musanu azibili, atuswi tuchebiyo."³⁵ Mpawo Jesu wakalayilia makamu kuti akkale aansi aanyika.³⁶ Wakabweza zinkwa zili musanu azibili answi, mpawo nakamana kulumba, wakakwamuna zinkwa akuzipa kuli basikwiya.³⁷ Basikwiya bakazipa kumakamu. Bantu boonse bakalya mpawo bakakkuta. Mpawo bakabunganiisa nsangwa zili musanu azibili zyabu fwefwelenga bwakachaala.³⁸ Aabo bakazilya bakali zyuulu zyone zyabaalumi, kutabala abanakazi abaana.³⁹ Mpawo Jesu wakamwayisya makamu makamu abantu akunjila mubwato mpawo wakaya kuchisi chaku Magadani.

16

¹ Ba Falisi aba Sadusi bakeza mpawo bamusunka akumubuzya kuti abatondezye chitondezyo chizwa kujulu.² Pesi wakasandula akwamba kuti kuli mbabo, "Nikwasiya, mwamba kuti, 'Kuyoba kunze kubotu, nkambo ijulu lilasalala.'³ Nikuba chifuma, mwamba kuti, 'Kunze kunoli kubi, nkambo ijulu lilasalala alimwi liliuvumbidwe. Mulizi kupandulula bwime bwakujulu, pesi tamukonzyi kupandulula zitondezyo zyazyiindi.'

⁴ Izyalane ibbi abwamu lilangula chitondezyo, pesi takwe chitondezyo chiyopegwa kulindilyo kutaamba chitondezyo cha Jona."⁵ Mpawo, Jesu wakabasiya akutozya kumbi.⁶ Basikwiya nibakasika mutala, bakalubide kubweza chinkwa.⁷ Jesu wakati kulimbabo, "Amubone akuchenjela kubumena bwaba Falisi aba Sadusi."⁸ Elyo basikwiya bakabuzyanya akwamba kuti, nkambo tettawbeza pe chinkwa."⁹ Jesu wakazibaachechi mpawo wakati, "Nywebo nubasilusyomo lunini, nkambonzi mulabuzyania lwanu mpawo mulati nkambo tettawbeza pe chinkwa?"¹⁰ Tamuna kuziba na kwibaluka zinkwa zili musanu kulibali zyuulu zili musanu, alimwi kuti mwakabungika nsangwa zyongane?¹¹ Na zinkwa zili musanu aazibili kuzyuulu zine, alimwi kuti ninsangwa zyongane nzimwakabungika?¹² Ino nkambonzi kuti tamumvvisisyi kuti tendakalik-wamba kulindinywe aatala achinkwa? Aamubone akuchenjela kubumena bwaba Falisi aba Sadusi."¹³ Mpawo bakamvwisya kuti takali kubambilila kuti bachenjele bumena bwakali bwachinkwa pe, pesi kuti bachenjele injisyio zyaba Falisi aba Sadusi.¹⁴ Lino Jesu nakasika kuzisi zili kufwifwi aa Kkayisaliya Filipi, wakabuzya basikwiya bakwe, wati, "Ino bantu batii Mwana aa Muntu ngwani?"¹⁵ Bakati, "Bamwi bakwamba kuti nduwe

Joni mubbabbatizyi; bamwi bati, Elayija; alimwi bamwi bakuti, Jelemiya, na umbi wabasinsimi.” ¹⁵ Wakati kulimbabo, “Pesi nywebo mundamba kuti ndimeni?” ¹⁶ Sayimoni Pita wakasandula wati, “Nduwe Kkilisito Mwana wa Leza uupona.” ¹⁷ Jesu wakasandula akwamba kuti kulinguwe, “Uli aacholwe, Sayimoni mwana a Jona, nkambo nyama abulowa teensi nzizyo zyakuyubunwida eezi, pesi Taata wangu uli kujulu.” ¹⁸ Alimwi ambebo ndamba kuti kulinduwe nduwe Pita, mpawo aatala amwaala ooyu ndiyoyaka mbungano yangu. Milyango yazibunda tikozokuzunda. ¹⁹ Ndiyokupa zjaluzyo zyabwami bwakujulu. Kufumbwa nchotakaange aansi chiyosungwa akujulu, alimwikufumbwa nchotakangunune aansi chiyosungununwa aakujulu.” ²⁰ Mpawo Jesu wakalayilila basikwiya kuti batakaambili naba umwi kuti wakali Kkilisito. ²¹ Kuzwa kuchindi echo Jesu wakatalika kwambila basikwiya bakwe kuti welede kwinka ku Jelusalema, kuyopengela zinti zyingi kumaanza abapati abapayizi bapati abalembi, kujayigwa, akubusigilwa kubuumi kubuzuba bwatatu. ²² Mpawo Pita wakamubweza akumutola kiumbali akumuchibula, wati, “Eezi azibe kule anduwe, Mwami; eezi zitazochitiki kulinduwe.” ²³ Pesi Jesu wakachebuka akwamba kuli Pita kuti, “Zwaawa kusule lyangu, Satani! Uli chilebyo kulindime, nkambo toyeeyi atala azintu zya Leza, pesi ataala aazintu zyabantu.” ²⁴ Mpawo Jesu wakati kuli basikwiya bakwe, “Na muntu kayanda kunditobela, aalilube lwakwe, abweze chiingano chakwe mpawo anditobele. ²⁵ Nkambo kufumbwa uyanda kufutula buumi bwakwe uyobuswekelwa, alimwi kufumbwa uswekelwa buumi bwakwe nkambo kandime uyobujana. ²⁶ Nkambo chigwasyanzi kumuntu kuvuba nyika yoonse pesi akaswekelwe buumi? Ninzi nchakonzya kupa muntu muchibaka chabuumi bwakwe? ²⁷ Nkambo Mwana muntu uyoboola mubulemju bwa Wisi abangelo bakwe. Mpawo uyolumbula muntu umwi awumwi mbuli milimo yakwe. ²⁸ Chakasimpe ndamwambila kuti, mpubali bamwi benu bayiimywi ano batakwe nibayolabila lufu mane lumwi bakabone Mwana aa Muntu kaboola mubwami bwakwe.”

17

¹ Nikwakayinda mazuba aali musanu abumwi Jesu wakabweza Pita, Jemusi a Joni mwanike wakwe, akubatola atala achilundu chilamfu abalikke. ² Wakasanduka kunembo lyabo. Busyu bwakwe bwakabalama mbuli zuba, azisamo zyakwe zyakaba mbuli mumuuni. ³ Amubone kwak-aboneka Mozesi a Elija balaambula awe. ⁴ Pita wakasandula akwamba kuti kuli Jesu, “Mwami, nchibotu kuli ndiswe kuti tube aano. Kuti koyanda, ndilakuchita matumba aataatu - chimwi chibe chako, achimwi chibe cha Mozesi, achimwi chibe cha Elayija.” ⁵ Elyo kachili mukwambula, amubone, ijoba libalaama lyakabavumba, mpawo amubone, kwakazwa ijwi mujoba, lyakati, “Ngoyu Mwanangu ngundiyanidisya, muli nguwe mundibotelwa. Amuswilile nguwe.” ⁶ Lino basikwiya nibakalimvbwa, bakavundaama aansi, akuyowa loko. ⁷ Mpawo Jesu wakaza, akubaguma akwamba kuti, “Mubuke mutayowi.” ⁸ Mpawo bakalanga kujulu pesi takwe ngubakabona kunze kwa Jesu luzutu. ⁹ Lino nibakali kuseluka achilundu, Jesu wakabalayilila, wati, mutambili muntu chilengano eechi kusikila mwana amuntu akabuke kubafu.” ¹⁰ Basikwiya bakwe baka-mubuzya, bat, ino nkamboonzi balembi bamulawu balaamba kuti Elija welede kusanguna kuza?” ¹¹ Jesu wakasandula wati, “Elayija nchoonzyo uleza akubukulusya zintu zyoonse. ¹² Lino ndamwambil, Elayija wakasika

kale, pesi tebakamuziba pe. Kwinda kuchita nchibakali kuyanda kuli nguwe. Munzila njiiyo, Mwana amuntu uyofwaba mumaboko aabo.” ¹³ Mpawo basikwiya bakamvwa kuti wakalikwambambuula ambabo atala a Joni Mubbabbatizyi. ¹⁴ Eelyo nibakasika kunkamu, mwalumi wakaza kulinguwe, wafugama kunembo lyakwe akwamba, ¹⁵ “Mwami, komufwida luzyalo mwanawangu, mbuli mbwali sichisuntu ulokufwaba loko. Nkambo ukkala kwida mumulilo na mumaanzi. ¹⁶ Ndali mwetede kuli basikwiya bako, pesi tebamuponia pe.” ¹⁷ Jesu wakavviila akwamba kuti, “Izyalane litasyomi akukatila, ndiyoba achiindi chilamfu biyeni kandikkede andinyewe? Ndiyoba andinyewe kusika lili? Mumweete okuno kuli ndime.” ¹⁸ Jesu wakalayilila dimoni, mpawo lyakazwa mulinguwe, amulombe wakaponesegwa kuzwa muhola eelyo. ¹⁹ Mpawo basikwiya bakeza kuli Jesu kumbali akwaamb, Nkaambonzi nitwakachilwa kultandila aanze?” ²⁰ Jesu wakati kulimbabo, “Nkambo kalusyomo lwenu lunini. Nkambo ndamwambilila kasimpe, kansyonga mulijisi lusyomo niluba lunini mbuli nseke yembuto yamusitada, nga ulambilila chilundu eechi, Eenda kuzwa ano kuya okiya, alimwi chiyoyeenda, takukwe chiyokachizya kuli nduwe.” ²¹ Malembe mabotu achindi tajisi pe. Pesi oyu musyobo wadimonri tuyendi akuzwa kunze kwakukomba akulyiimya. ²² Kabachikede mu Galili, Jesu wakati kuli basikwiya bakwe, “Mwana amuntu uyopewga mumanza abantu, ²³ alimwi bayomujaya, amubuzuba bwatatu uyobusigwa.” Basikwiya bakawusa kapati. ²⁴ Elyo nibakasika ku Kabenawuma, ibalumi ibakabweza zipanzi zibili zyamali yamutelo bakaza kuli Pita akwamba, “Sa muiyisi wanu tagwisyi zipanzi zyamali yamutelo? ²⁵ Wakati, “Iyii ulatela.” Pesi Pita nakanjila munganda Jesu wakaamba wati kuli nguwe chakusanguna akuti, “Uyeyaanzi, Sayimoni? Kuzwa kuliini bami baansi nkubabweza mutelo na bulumbu? Kuzwa kubana baabo na nkubeenzu?” ²⁶ Pita mpaakati, “kuzwa kubenzu,” Jesu wakati kulinguwe, Pita wakasandula. “Lino bana bangununwa,” Jesu wakaamba. ²⁷ Pesi kuti tutachiti basimutelo kuti bachite chibi, koya kulwizi, mukawaale kalobyo, akugwisya aanze inswi eyo itakazwe kutanguna. Na wajula mulomo wayo, ulajana Ishekkeli. Wibweze akwiipa basimutelo njiyangu ayako.

18

¹ Kuchiindi eecho basikiya bakaza kuli Jesu akwaamba kuti, “Ngwani mupati mubwami bwakujulu?” ² Jesu wakayiita kana kanini kulinguwe wakakkazika aakati kabo, ³ akwaamba kuti kasimpe ndamwaambilamkuti ado musanduke akuba mbuli kana kaniini takukwe nimunga moyoonjila mubwami. ⁴ Nkaambo kakaako, kufumbwa ulibombya mbuli mwana muniini nguumupati mubwami bwakujulu. ⁵ Kufumbwa utambula kana kaniini mbuli oo bu muzina lyangu wambula ndime. ⁶ Pesi kufumbwa utuka umwi wabaaba baniini bamusyoma ulabalebya, chilabota mbubo kulinguwe kuti aangwe ndomba lyabbwe munsingo yakwe, akubbizigwa aakati kalwizi. ⁷ “Maawe kunyika nkaambo kazilebyo! Aboobo kuleelede kuti zilebyo zibe, pesi maawe kuli yooyo muntu weeta zilebyo! ⁸ Kuti luboko lwakp na chitura chako chikupa chilebyo, chigonke ukuwaalila kule anduwe, kuli mbubo, kunjila mubuumi koli chilema na kotyokede kwiinda kuowelwa mumulilo utamani koli aamaboko aabili na mawuulu aabili. ⁹ Na liso lyko likuchita kuba chilebyo, ulidadule ulisowele kule aanduwe. Kulí mbubo kuti unjle mubuumi aliso limwi kwiinda

kusowelwa mubbila lyamulilo koli ameso aabili. ¹⁰ Amuchenjele kuti utasmpawuuli umwi wabaaba baniini. Mbuli mbundaamba kulindinywe kuti kujulu kuli baangelo lyoonse balanga kubusy bwa Taata uli kujulu. ¹¹ Malembe mabotu achi Giliki taajis i munchedi ooyo ulaabupanduliuizi bujanika muli bumwi, nkaambo Mwana aamuntu wakaza kuzoofutula eecho chakasweekede. ¹² Uyeeyanzi? Kutti umwi uli aambelele mwaanda, mpawo iimwi yasweek, takonzyi kusiya zili makumi aali musanu aane azili musanu azine aatala aakalundu akuya kuyooandyula eeyo isweekede? ¹³ Na wayijana, ndamwaambilka kasimpe, ulabotelwa kwiinda eezyo zitasweekede. ¹⁴ Munzila ikozyene, teesi kuyanda kwa Taata uli kujulii kuti umwi wabaaba baniini kuti batafwidilili. ¹⁵ Kutti munyoko wakubisizya, koya ukamatapatile aakati kako anguwe luzutu. Na wakuswiilila, ulajana munyoko. ¹⁶ Pesi na takuswiilili, bweza umwi na bambi babili kuti milomo yababili na baka, mboni batatu lyoonse jwi lilazuminika. ¹⁷ Lino kuti wakaka kubasiila, ambila mbungano, kuti wakaka alimwi kuswiilila mbungano, muleke aabe mbuli muhedeni akuba mbuli simutelo. ¹⁸ Ndamaambila kasimpe, kufumbwa zintu nzimwaanga ansi zilaangwa akuju; lu, akufumbwa zyaangununwa ansi zilaanguunwa akujuliu. ¹⁹ Alubo ndamwaambilka na babili bazuninana atala achimwi nchibakumbila balachichitila a Taata uli kukulu ²⁰. Aawa ali kobile na kotatu mpubabungene aamwi muzina lyangu, ahooko ndinooli aakati kabo. ²¹ Eelyo Pita waza akwaamba wati kuli Jesu, "Mwamio tungee mukwesu kandisizya nzyentimulekelele? Kusikila tuli musanu atubili! ²² Jesu wakati kuli nguwe, "Tandimwaambilka tuli musanu atubili, kusikila kumakumi musanu aabili katupetedwe kusika kumusanu atubili. ²³ Nkaambo kaako bwami Bwakujulu bulikozyene awumwi Mwami wakayanda kubamba makani aababelesi bakwe. ²⁴ Mbuli mbwakasanguna kubamba, umwi wababelesi wakaletwa kuli nguwe iwakapedwe kkumi lyazyuulu zyamataalenta. ²⁵ Pesi mbwatakajisi chakuliya, Mwami wakwe wakamulayilila kuti awuzigwe, antoomwe amwanakazi wakwe abana azyoonse nzyakaliya kuchitwe. ²⁶ Mpawo mubelesi wakawida ansi, wavundama akwaamba wati, "Mwami ndikkazike moyo, lino ndilakuya yoonse. ²⁷ Lino Mwami wamubelesi mbukunga wamufwida wamufwida luzyalo wamwaangwida mpawo wamulekelela chikoloto. ²⁸ Pesi mubesipoyo wakeenda akujana umwi mubelesi wamunyina wakalijisi madinali mwaanda, wakamubweza, watalika kumusina akwaamba kuti ndiliye nzwakabweza kuli ndime. ²⁹ Mpawo mubelesinyina wakawida ansio wamukumbila wati, "Ndikkazikile moyo, ndilakuliya. ³⁰ Pesi mubelesi mutaanzi wakakaka. kwiinda, wakaya wakuya kuyoomuwalila muntolongo kusika akaliye nzyakali mupede. ³¹ Lino babelesinyina nibakabona zyakachika, bakawusa loko. Bakasika akwaambilka mwami wabo zyoonse zyachitika. ³² Mpawo mwami wamubelesi wakamwita wati kulinguwe, iwe numubesipoyo mubi, ndakakulekelela chikoloto choonse nkaambo wakandikumbila. ³³ Waleleede kumufwida luzyalo mubelesinyokwe, mbuli mbundakakufwida luzyalo? ³⁴ Mwami wakwe wakanyema akumupeda kuli basintolongo kusikila akaliye zyoonse nzyakabwezedede. ³⁵ Mbuboobo alakwe Taata wakujulu mbwayoomuchitila na temwalekelela munyoko kuzwa mumoyo.

cha Judiya mutala amulonga wa Jodani. ² Makamu makamu akamutobela, mpawo wakabaponia nkukoko. ³ Ba Falisi bakaza kuli nguwe, bamusunka, baamba kuli nguwe, "chili mumulawu kuti mwalumi aleke mwanakazi wakwe, katakwe kaambo. ⁴ Jesu wakasandula akwaamba, "sa temwakabala kuti oyo wakabalenga kuzwa kumatalikilo wakabalenga baalumi a abanakazi?" ⁵ Alubo oyo iwakabelnga wakati, 'Nkambo kaako Mwalumi uyosiyia wisi abanyina akukakatila kumwanakazi wakwe, aba bobile babe nyama imwi. ⁶ Lino tabachili babili, pesi nyama imwi. Nkinkaako echo Leza nchakaswaniizya, kutabi muntu uchipambukanya." ⁷ Bakati kulinguwe, "Nkaambonzi elyo Mozesi wakatulayilila kuti apegwe lugwalo lwakulekana mpawo amuleke?" ⁸ Wakati kuli mbabo, "Nkaambo kabuyumu bwamyooyo yenu, Mozesi wakamuzumizya kuleka banakazi benu, pesi kumatalikilo tekwakali munzila eyo pe. ⁹ Ndamwambila, kufumbwa uleka mwanakazi wakwe, kunze kwamakan abuvule, akuyo kwata uumbi, wachita bumambi; amwalumi ukwata mwanakazi wakalekwa wachita bumambi." ¹⁰ Basikwiyya bakati kuli Jesu, "Na kuti ntwambo twamwalumi amwanakazi wakwe, tachili chibotu kukwata." ¹¹ Pesi Jesu wakati kuli mbabo, "Teensi bonse batambula kaambo aka, pesi kuli baabo luzutu bapedwe. ¹² Nkambo nkubali bazibe bakachitwa bazibe abantu, alimwi mpubali bazibe bakalichita bazibe lwabo beni nkambo ka Bwami bwakujulu kuli oyo ukonzya kutambula injiisyio eyi, muleke ayitambule." ¹³ Lino bana baniini bakaletwa kuli nguwenkuti abaampe amaboko akukomba, pesi basikwiyya bakwe bakabakasya babakalalila. ¹⁴ Pesi Jesu wakaamba wati, "Amuzumizye bana banini, mutabakasyi kuti baze kuli ndime, nkambo Bwami bwakujulu mbubwabo bali boobu." ¹⁵ Wakabika maboko aakwe alimbabo mpawo wakabasiya. ¹⁶ Amubona, mwalumi wakaza kuli Jesu akwamba kuti, "Muyiisi, nchichili chintu chibotu nchindinga ndilachita kuti ndibe abuumi ibutamani?" ¹⁷ Jesu wakati kuli nguwe, Nkamboonzi niwandibuzuya atala chitegwa nhichibotu? Kunze kwachintu chimwi, pesi na koyanda kunjila mubuumi, baamba milayizyo." ¹⁸ Oyu mwalumi wakati kuli nguwe, milayizyo nzi?" Utajayi, utachiti bumambi, utabbi, utapi bukamboni bwakubeja, ¹⁹ lemekwa wuuso abanyoko akuyanda ngoyakilene anguwe mbuli lwako omwini." ²⁰ Mwalumi mukubusi wakati kuli nguwe, "Zyoonse ezi zintu ndakazilemeka. Ndichiyanaanzii?" ²¹ Jesu wakamwambila wati, "Na koyanda kuti ulondoke, koya, ukawuzye lubono lwako, akuyopa bachete, mpawo uyooba abuvubi kujulu, lino uboole, unditobele." ²² Pesi eelyo mwalumi mukubusi nakamvwa Jesu nzyakaamba, wakayinka kawuside, nkambo wakalijisi imbono nyiingi. ²³ Jesu wakaambilisa basikwiyya bakwe, "Kasimpe ndamwambila, nchiyumu kumuvubi kuti akanjile kubwami bwakujulu. ²⁴ Alimwi ndamwambila kuti, nkutete kunkamela kunjila muliso lyaneleti kwinda kuti muvubi anjile mubwami bwa Leza." ²⁵ Lino basikwiyya nibakamvwa oobo, bakagambilwa loko, akwaamba kuti, "Ino ngwani ukoonzira kuyofutulwa?" ²⁶ Jesu wakabalanga akwaamba kuti, "kubantu tachikonzeki, pesi kuli Leza zintu zyoonse zilakonzeza." ²⁷ Mpawo Pita wakavviila akwamba kuti "Langa, twasiya zintu zyesu zyoonse twatobelna nduwe. Ani mpawo tukajanenzi?" ²⁸ Jesu wakati kuli mbabo, "Ndamwambila kasimpe kuti, muchiindi chiza Mwana a Muntu nayokkala achuno chakwe chabulemu, inywe nimwakanditobela muzokkala azyuno zilikumi azibili, mukabeteke misyobo ili kkumi ayibili ya Izilayeli. ²⁹ Woonse oyo iwakasiide maanda, babunyiina, bachizi, wisi,

banyina niiba myuunda nkambo kazina lyangu uyotambula tuli mbuli mwanda umwi akukona buumi ibutamani.³⁰ Pesi bataanzi baanji bayoba bakumamanino, abakumamanino bayoba batanzi.

20

¹ "Nkambo bwami bwakujulu buli mbuli mwanimunda wakazwa kuseni loko kuyotamba basikubeleka mumuunda wakwe wamasansa.² Nikwakamana kuzuminana abasimilimu kudinali lyomwe abuzuba, wakabatuma kumunda wamasansa wakwe.³ Alubo wakenda chindi chamahola atatu mpawo wakabona bamwi basimilimu kabayimvvi kabatakwe nchibachita kubusena bwakuuzizya.⁴ Kuli mbabo wakati, 'Anywebo, kamuya mumuunda wamasansa alubo ndilakumupa zilik-abotu.' Nkako bakayinka kumulimu.⁵ Alimwi wakiinka kunze muhola lyamusau alimwi amuhola lyamusau aane, akuyochita chikozyenie.⁶ Limbi lubo kusika kuhola lyakkumi alimwi wakazwa alimwi wakujana bamwi balimvvi katakwe nchibalikuchita.⁷ Wakati kulimbabo, 'nkambonzi nimwimvvi awa kamutakwe nchimulikuchita zuba lyoonse?' "Kulinguwe bakamba kuti, 'nkambo takwe pe watutambila mulimo.' "kulimbabo wakati, ánywebo lubo mwinke mumunda wamasansa."⁸ Lino nilyakaba golezya, mwani muunda wakati kumupati wamulimo, 'Yita basikubeleka alubo ubape bulumbu bwabo, utangune abasyalizi umane akumutaanzi.'⁹ Eelyo basimilimo bakanjila ahola lyakkumi alimwi bakeza, awumwi wabo wakatambula dinali.¹⁰ Nibakeza basimulimo batanzi, bakalikuyeya kuti balatambula zyiingi, pesi abalabo bakatambula dinali lyomwe awumwi.¹¹ Nibakatambula bulumbu bwabo, bakasyoloka atala mwanimunda.¹² Bakati, 'Aba basimulimo basyalizi bableka biyo hola lyomwe, pesi mwabachitila bvukozyenie andiswe, iswebo nitwaminwa buzuba bonse alubo muzuba lyuumpa obu.'¹³ "Pesi mwanimunda wakavviila umwi wabo wati, 'mwenzuma, takwe chibi nchindamuchitila. Temwazuminene andime na ku dinali lyomwe?¹⁴ Amubweze zyanu mwende enzila yanu. Ndasala kupa basimulimo basyalizi zikozyenie azyenu.¹⁵ Tazili mumulawu na kuchita mbuli m bwenjanda achintu changu? Wabasibbivwe na nkambo ndimwabi?"¹⁶ Nkinkako musyalizi uyoba mutanzi, amutaanzi uyoba musyalizi." Malembe aansiku mabotu takwe banji bayitidwe, pesi basalidwe mbache.¹⁷ Lino Jesu nakalikuya ku Jelusalema, wakabweza abalikkumi ababili kumbali, alubo munzila wakati kulimbabo,¹⁸ "Amubone, tuyobuya ku Jelusalema, alubo Mwana Muntu nkwayowabwa mumaboko abapayizi bapati abalembi basimulawu. Bayomutama kusikila kulufu¹⁹ alubo bayomutola kuli bamasi kuti bamuniake, akumuuma, akuyomubambula. Pesi mubuzuba bwatatu uyobusigwa."²⁰ Mpawo banyina babana balombe ba Zebbediya bakaza kuli Jesu abana babo. Wakafugama aansi kunembo lyakwe alubo wakakumbila chimwi chintu kulinguwe.²¹ Jesu wakati kulinguwe, "Niinzi ncholombozya?" wakati kulinguwe, "Layila bana bangu aba kuti bakkale, umwi kululyo umwi kulumwensi Iwaluboko, mubwami bwako."²² Pesi Jesi wakasandula wati, "Tochizi nchokumbila. Ulakonzyana kunywa mukanywido nkindaamba kunywa?" Kulinguwe bakamba kuti, "Tulakonzya."²³ Wakamba kuti kulimbabo, "Kanywido kangu mulakonzya kunywa. Pesi kukkala kululyo lwangu akuchimweensi tendime uupa pe, pesi nzizyabaabo bakabambilwa a Taata."²⁴ Elyo basikwiya bamwi balikkumi nibakachimvwa echii bakanyema kapati

abaaba babunyina bibili.²⁵ Pesi Jesu wakabita kulinguwe akwamba kuti, "mulizi kuti bendelezi babamaasi balabendelezya, abalabo bapati baabo babulemu bezyanisywa nguzu zyabo alimbabo.²⁶ Pesi tazyelede kuti kube anzila eyo akati kenu. Anukuti, kufumbwa ulomboozya kuba mupati akati kenu abe mulanda wenu,²⁷ alubo kufumbwa ulomboozya kuba mutanzi akati kenu welede kuba mulanda wenu,²⁸ mbuli Mwana Muntu mbatakazidide kukutawukilwa, pesi kukutawuka, akupa buumi bwakwe mbuli muulo wabingi."²⁹ Nibakazwa ku Jelikko, inkamu mpatti yakamutobela.³⁰ Kwakali balumi bobili boofu bakakkede kumbali lyamugwagwa. Elyo nibakamvwa kuti Jesu walikiinda, bakompolola, "Mwami, Mwana Davida, ba aluzyalo andiswe."³¹ Mbungano yakaba kalalila, bababuzya kuti bawumune, pesi bakakwila chakwindilila, "Mwami, Mwana Davida, ba luzyalo kulindiswe."³² Mpawo Jesu wakayima alubo wakita kulimbabowati, "ninzi nchimulombozya kuti ndimuchitile?"³³ Bakaamba kuti kulinguwe, "Mwami, kuti meso esu ajulike."³⁴ Mpawo Jesu, kali wasungilizigwa aluzyalo, wakabaguma meso aabo, mpoonya awo bakatambula kubona akumutobela.

21

¹ Awo Jesu abasikwiya bakwe nibakasika ku Jelusalema alubo bakakusika ku Bbetipegi, kulkalundu ka Olivusi, mpawo Jesu wakatumba basikwiya bakwe bobile,² wakati kuli mbaao, "Kamuya kumunzi ulikunembo, alimwi moyofwambana kubona donki lyangidwe nkuko, alubo akana kelyo. Mwawangunune mwalete kulindime.³ Kuti kwaba utabe achakwamba atala angawo, mukambe kuti, 'Mwami ulayanda,' alimwi oyo muntu uyofwambana kumupa ngawo.⁴ Lino kwakaba kuti ezyo zyakali zyambwa kwinda kumusinsimi zizuzikizigwe. Wakati,⁵ "Ambila mwana musimbi we Zioni, 'Lang'a, Mwami wanu ulaza kulindinywe, Ulibombede alimwi ultantide a donki, Akukana ka donki, mwana we donki."⁶ Mpawo basikwiya bakinka bakuchita mbunya Jesu mbwakabalayililide.⁷ Bakakuleta donki akana alubo bakabika zikobela zyabo a donki, alimwi Jesu Jesu wakakkala ajulu azikobela.⁸ Makamumakamu manji akayala zikobela zyabo mumugwagwa, alimwi bamwi bakagonka ntabi zyamisamu akuyobuyala mumugwagwa.⁹ Mpawo makamu akenda kunembo lya Jesu alubo abaabo bakali kuyobutobela kabayobompolola, "Hosana kumwana wa Davida!" Ulongezezegwe ngoyo uuza muzina lya Mwami! Hosana kuli simajulu!"¹⁰ Elyo Jesu nakasika ku Jelusalema, idolopo lyoonse lyakali lyanyonganisigwa akwamba kuti, "Ngwani oyu?"¹¹ Makamumakamu akasandula, "Oyu ngu Jesu musinsimi uzwa waku Nazaleta mu Galili."¹² Mpwo Jesu wakanjila mungánda ya Leza. Wakaandilanzo boonse abo bakali kuula akuuzya mungánda ya Leza, alubo wakasandamuna matafula abasikuzizya mali alubo azikkalo zyabobo bakali kuzya nziba.¹³ Wakati kulimbabo, "Kulilembedwe, 'Ngánda yangu iyowambwa kuti ngánda yakukambya; pesi mwayichita kuti ibe chikkalilo chababb."¹⁴ Mpawo mofu achilima bakeza kulinguwe mungánda ya Leza, alubo wakabaponya.¹⁵ Pesi elyo bapayiza bapati alubo abalembi bamulawu nibakabona zintu nzyakachita, alubo elyo nibakamvwa bana balompolola mungánda yaLeza alubo balamba, "Hosana kumwana a Davida, "bakaba akunyema kupati.¹⁶ Bakati kulinguwe, "Ulibamvwide na kuti balikutyeni Jesu wakati kulimbabo,

"Iyii! Pesi takwe nimwakabalide, 'kuzwa kumilomo yabana banini atun-yonka wakabamba intembawuzyo'?" ¹⁷ Mpawo Jesu wakabasiya alubo akuzwa mudolopo lya Bbetani akumana busiku nkuko. ¹⁸ Lino kuseni wakayinka nakali kujokela kudolopo, wakali waba anzala. ¹⁹ Nakabona mukuyu munsi lyamugwagwa, wakayinka kulinguwu akujana kakutakwe chintu kuli nguwo kunze kwamatu. Wakaamba kuti kulinguwu, "Kutakabi kuti kukabe michelo lubo kuzwa kulinduwe alimbi," alubo mpionya awo mukuyu wakapusama. ²⁰ Elyo basikwiya nibakawubona, bakagamba akwamba bati, "Ibiyen i mukuyu wapusama mpawonyaawa?" ²¹ Jesu wakasandula akwamba kulimbabo, "Masimpe ndamba kulindinywe, na mulijisi lusyomo alubo kamutadoneki, tamukwe nimuyochita zyakachitwa amukuyu biyo pe, pesi tuyowamba nikuba kuchilundu echu, 'Zyukuka akuwalwa mulwizi; alubo ziyochitika. ²² Kufumbwa nchimuyolomba munkombyo, chakuzumina, moyozitambula." ²³ Elyo Jesu nakasika munganda yaLeza. Bapayizi bapati antomwe abapati babantu bakasika kulingue kali mukuyisa basikuti, "Anguzu nzi nzyochitya zintu ezi, alubo ngwani wakakupa nguzu ezi?" ²⁴ Jesu wakasandula akwamba kulimbabo, "Ambebo ndilamubuzya mubuzyo umwi. Na mwandambilila, ndiyomwambila kuti nkunguzuni nzindichitya ezi. ²⁵ Lubabbatizyo IwaJoni - nkukuli nkulwakazwa? Lwakazwa kujulu na kuti nkubantu?" Bakambuzyania akati kabo, bakati, ²⁶ "Na tutedi, Luzwa kujulu,' Ulamba kuti kulindiswe, 'Nkambonzi mpo nimwakatamusyoma?' Pesi na tutedi nkubantu, tuyowa nkamu yabantu nkambo boonse babona Joni mbuli musinsimi." ²⁷ Mpawo bakasandula Jesu alubo bati, "Tatuza pe." Wakamba alimwi kulimbabo, "Nsikwe nensikamwambile ambebo kuti ninguzunzi nzindichitya azyozintu ezi. ²⁸ Pesi tuyeyaanzi mwalumi wakali abana balombe babilu. Wakaya kumutanzi alubo wakati, "mwanangu, koya ukabeleke sunu mumunda wamasansa. ²⁹ "Mwana wakasandula wati, "Tandiinki, pesi mukuya kwachiindi wakasandula mizezo yakwe wakinka. ³⁰ Mpawo mwalumi wakaya kumwala wachibili akwamba chintu chikozyenie. Wakasandula wati, 'Ndilayinka, 'Ta; pesi takwe nakinka pe." ³¹ Nguuli mubana babilu aba wakachita kuyanda kwawisi?" Bakati, "Mutanzi." Jesu wakati kulimbabo, "Masimpe ndaamba kulindinywe, basimutelo abasimamambe bayonjila mubwami bwa Leza kamutana kunjila. ³² Nkambo Joni wakeza kulindinywe minzila yabululami, pesitemwakamusyoma pe. Pesi basimutelo abasimamambe bakamusyoma. Pesi nywebo, nikuba elyo mwakazibona ezi, temwakeem-pwa mukuya kwachindi alubo temwakamusyoma. ³³ "Amuswilile kuli ambi mambilambi. Kwakali umwi mwalumi, mukamwini munda wakabyala masansa, wakayaka lubaya alinguwo; wasikusya chikandilo mukati kawo, wayaka nganda yamujulu, alubo wakayibileka kuli basikulima masansa. Mpawo wakaya kulichimwi chisi ³⁴ Elyo chiindi chakutebulwa kwamasansa nichakasika, wakatumwa bamwi babelesi kuli basikulima masansa kuti bakabweze michelo yakwe. ³⁵ Pesi basikulima masansa bakabweza babelesi bakwe bawuma umwi, bajaya awumwi, alubo bamutulula mabwe. ³⁶ Alubo, mwanimunda wakatumwa bambi babelesi bayingi kwinda batanzi, pesi basikulima masansa bakabajata zikozynie. ³⁷ Kwiinda awo, mwanimunda wakazotuma mwanakwe kulimbabo, kuti, 'Bayo mulemeka mwanangu. ³⁸ "Pesi elyo balimi bamasansa nibakabona mwana, bakati akati kabo, 'Ngoyu sikukona. Mubole, muleke tumujaye akubweza lukono. ³⁹ 'Nkinkako bakamubweza, bamusowela

kunze amuunda akumujaya. ⁴⁰ Lino elyo mwanimunda asika, ninzi nchayochita abo balimi bamasansa?" ⁴¹ Bakati kulinguwe, "Uyonyonyona abo baalumi babuyo muli imwi nzila njumu, alubo uyobatandila aanze amuunda akubika bambi basikulimina masansa, bantu bayomupa chabilo chazilimwa kuchiindi chakuyebara." ⁴² Jesu wakati kulimbabo, "Sena temwakabala mumalembe, Íbbwe bayaki ndibakakaka lyakachitwa munsemo. Echi chakazwa ku Mwami, alubo zilagambya mumeso esu?" ⁴³ Nkinkako ndamba kuti kulindinye, bwami bwa Leza buyobwezwa kuzwa kulindinye akuyopegwa kuchisi chiyopanga michelo yacho. ⁴⁴ Kufumbwa uwida atala abbwe eli ulakutyoka kuba tumpanzi, pesi umwi ngulitawide atala ulakupwasuka." ⁴⁵ Elyo bapayizi bapati aba Falisi nibakamvwa mambilambi akwe, bakamvvisisisya kuti wakalikwamba ataala ambabo. ⁴⁶ Bakayandula kumwanga, pesi bakayoowa makamu abantu, nkambo bantu bákali mujisi mbuli musinsiimi.

22

¹ Jesu wakambula lubo kulimbabo mumambila mbali wakati, ² "Bwami bwakujuju buli mbuli umwi mwami wakabambila ipobwe lyakukwatana lyamwanakwe. ³ Wakatuma babei esiti bakwe kuyoyita abo bakatambidwe kuti baze kupobwe pesi tebakasika. ⁴ Alimwi mwami wakatuma bambi babei esiti, kuti, bambile aabo batambidwe, "Mulange, ndabambilila chisusulo chabasune bangu angómbe zyangu zinenede zyajayigwa, alubo zintu zyoonse zyabizwa. Muze kupobwe lyalukwatano." ⁵ Pesi tebakaswila pe alimwi bakainka, umwu kumunda wakwe mupati, awumwi kumakwebo akwe. ⁶ Bamwi bakajata babei esiti ba Mwami, bakabajata enzila ifwisya nsoni, akubajaya. ⁷ Mwami wakanyema, akutuma basilumamba bakwe akuyonyonyona aabo bajayi akubawumpila dolopo lyabo. ⁸ Mpawo wakati kubabei esiti bakwe, kuswanizigwa kwazulila, pesi abo bakatambidwe tebakali kwelela. ⁹ Aboobo kamuya mumanzanino anzila akuyotamba bantu banji kupobwe lyakukwatana mbuli mbimutajane." ¹⁰ Babei esiti bakayinka enzila akubunganya antomwe bantu boonse mhibakajana, bonse babi ababotu. Nkinkako nganda yepobwe lyakukwatana yakazozula abantu. ¹¹ Pesi Mwami nakasika mukati kuzolanga batambidwe, wakabona kakuli mwalumi wakatazwete zizwato zyapobwe lyalukwatano. ¹² Mwami wakati kulinguwe, Mwenzuma, wanjila byeni omuno kotasamide zizwato zyapobwe lyalukwatano? Pesi mwalumi wakabula alyakwamba. ¹³ Mpawo mwami wakati kubabei esiti, 'mumwange mwalumi oyú kumaboko akumawulu, alubo mumusowele aanze mumudima, oko kunoli kulila akuluma ntwino.' ¹⁴ Nkambo mbingi bantu batambidwe, pesi mbache biyo basalidwe." ¹⁵ Mpawo baFalisi bakinka akuyobamba mbubatamuche Jesu kuzwa kungambido yakwe. ¹⁶ Mpawo bakatuma kulinguwe basikwiya babo, antomwe abaka Helodiya. Bakati kuli Jesu, 'Ómyisyi, tulizi kuti uli wakasimpe, alubo kuti uyiisya nzila yaLeza mubwini. Tomwi miyeyo yawumwi pe alubo totondezya kusianisya pe akati kabantu. ¹⁷ Mpo kotwambila, uyeyanzi? Zili mumulawu na kubbadala mutelo kuli Siza na pe?" ¹⁸ Pesi Jesu wakamvvisisisya bubi bwabo wakati, "Nkambonzi nimundisunka, nywebo nobasikuupawupa? ¹⁹ Munditondezye mali yabbwe yamatulolo." Mpawo bakamwetela dinali kulinguwe. ²⁰ Jesu wakati k ulimbabo, "Ngwani ulachechi chikozyanisyo e zina?" ²¹ Bakasandula kuti, "nzizya Siza." Mpawo Jesu wakati kulimbabo,

"alimwi amupe Siza zintu zya Siza, alubo kuli Leza zintu zya Leza." ²² Elyo nibakazimvwa, bakagamba. Mpawo bakamusiya akwenda. ²³ Mubuzuba oobo bamwi ba Sadusi, abo baamba kuti takwepe bubuke bwabafu, bakeza kulinguwe. Bakamubuzya, ²⁴ kabati, 'Muyisyi, Mozesi wakatedi, "Na mwalumi wafwa, kataside bana, mukulana wakwe welede kukwata banakwe akumujanina bana mukulana wakwe. ²⁵ Kwakali bakulana bali musanu ababili. Mutanzi wakakwata mpawo wakafwa katasiide bana, wakasiya mwanakazi wakwe kumwanike wakwe. ²⁶ Alimwi alakwe mwanike wachibili wakachita chintu chikozyania, mpawo awatatu, mulongo woonse kusikila kuli wamusau ababili. ²⁷ Kwinda kwabo boonse, mwanakazi wakazofwa. ²⁸ Lino kububuke bwabafu, ngwani utakabe mwani mwanakazi mubakulana bali musanu ababili? Nkambo boonse bakali mukwete." ²⁹ Pesi Jesu wakbasandula akuti kulimbabo, "Nywebo muliswekede, nkambo tamuzi malembe naa inguzu zya Leza. ³⁰ Nkambo mububuke bwabo takwe nekuba kukwata nikuba kukwatisigwa. Anukuti, bayoba mbuli baangelo bali kujulu. ³¹ Pesi atala abubuke bwabafu, temwakabala na zyakaambwa kulindinywe a Leza, kuti ³² Ndime Leza wa Abbulahamu, Leza wa Ayizeki, alimwi Leza wa Jakobo?" Leza teensi Leza wabafwide, pesi waba pona." ³³ Elyo makamu nakamvwa eezi, bakagamba kunjiisyo zyakwe. ³⁴ Pesi ba Falisi nibakamvwa kuti Jesu wakawumuzya ba Saduki, bakalibungania Iwabo beni antomwe. ³⁵ Umwi wabo, uyiide zyamulawu, wakamubuzya mubuzyo, kumusunka - ³⁶ "Muyisi, nguuli mulayizyo mupati mumulawu?" ³⁷ Jesu wakati kulinguwe "Yanda Mwami Leza wako a moyo woonse, alubo amiyevo yako yoonse." ³⁸ Oyu ngomulazyo mupati alubo ngomutanzi. ³⁹ Alimwi awabili mulayizyo ulimbuli oyu - Ýanda mwenzinyokwe mbuli mboliyanda Iwako.' ⁴⁰ Amilawu eyi ibili mpokuzulila mulawu woonse abasinsimi." ⁴¹ Lino ba Falisi nibakachibungene antomwe, Jesu wakababuzya mubuzyo. ⁴² Wakati, "muyeeyanzi aatala a Kkilisito? Mwana wani?" Bakamussandula, "mwana wa Devidi." ⁴³ Jesu wakati kulimbabo, "Biyeni mpo Devidi mumuya ulamwiita kuti Mwami, kaamba, ⁴⁴ 'Mwami wakati ku Mwami wangu. "Kkala kuluboko lwangu lwachilisyo, kusikila ndayita basinkonyokwe chikkalilo chamawulu ako?" ⁴⁵ Kuti Devidi wakiita Kkilisito kuti 'Mwami,' nkambonzi nali mwana wa Devidi?" ⁴⁶ Takwe wakakonzya kumusandula jwilyomwe, alubo takukwe wakachili kuyanda kumubuzya imbi mibuzyo kuzwa elyo zuba.

23

¹ Mpawo Jesu wakambuula kubbunga lyabantu alimwi akuli basikwiiya bakwe. ² Wakati, "Balembi aba Falisi bakkala muchuno cha Mozesi. ³ Nkiinkako kufumbwa nchibamulayilila kuchita amuchite nzizyo akuzibeleva. Pesi mutakatobeleyi inchito zyabo pe, nkambo baambula zintu nzibatachiti pe. ⁴ Iyii, balabamba mitolo miyumu kukwinyampula, alimwi balabikkala amakkuko aabantu. Pesi bo Iwabo tabanyampuli pe kanwe kabu kuti banyampule. ⁵ Balachita zyoonse nzibachita kuti babonwe abantu. Balalichitila zipati alimwi balakomezya myoombe yezibaki zyabo. ⁶ Bayanda zyuuno zyabpati kumapobewe alimwi azyuuno ezyuuno zyabpati muzikombelo, ⁷ alimwi bayanda injuzyo zilikabotu muzisambalilo, alimwi akwiitwa kuti 'Mwami'abantu. ⁸ Pesi inywebo tamwelede pe kwitwa kuti 'Mwami' nkambo mulijisi umwi

alimwi nywebo moonse mulibabunyina. ⁹ Alimwi mutayiti muntu anyika ansi aano kuti Taata, nkambo mulawe omwe Taata, alimwi ulikujulu. ¹⁰ Nikuba kuti ngamulategwa muyisi, nkambo mulijisi muyisi umwi luzutu, Kkilisitu. ¹¹ Pesi oyo mupati akati kenu uyoba mulanda wenu. ¹² Nikuba nabaani ulisumpula uyofwinsigwa, alimwi nikubaani ulifwinsya uyosumpulwa. ¹³ Pesi maawe kuli ndinywe, nobalembi alimwi abafalisi, nobasikuupawupa! mulajala abwami bwakujulu kubantu. ¹⁴ Nkambo tamunjili pe nywebo, alimwi tamukwe nimubazumizya aaboabayanda kunjila kuti banjile. ¹⁵ Maawe kulindinywe, nobalembi alimwi nobafalisi, basikuupawupa! nkaambo muulya zintu zili mumaanda abamukabafu kamukomba nkombyo ndamfu. Muyotambula mulandu mupati. Maawe kulindinywe, nobalembi alimwi nobafalisi, basikuupawupa! Nkambo mulayinka akulwizi alimwi akunyika kuti mukasandule muntu umwi, alimwi na waba oyo umwi, ngawmamuchita tubili kuba mwana wegehena mbuli ndinywe. ¹⁶ "Maawe kuli ndinywe, nobeenvyi baboofu, inywe nimuti, "Ooyo ukonka antempele takwe pe. Pesi oyo ukonka angolida zyantempeli, ulangidwe kuchizuminano chakwe. ¹⁷ Inywe noboofu bafubafuba! Niinzi chipati, ingolida nikuba ntempeli eyo ichita ngolida kuti isalale? ¹⁸ Alimwi, oyo ukonka kuchipayililo, takukwepe. Pesi oyo ukonka echo chili achipayililo, ulaangidwe kuchizuminano chakwe. ¹⁹ Inywe nobantu boofu, Niinzi chipati, ichipo nikuba chipayililo echo chichita kuti ichipo chisalale? ²⁰ Eelyo, oyo ukonka kuchipayililo ukonka nchiicho alimwi azyoonse ezyo zili alinchicho. ²¹ Ooyo ukonka kuntempeli ukonka njiyo alimwi ayooyo ukkala mukati. ²² Alimwi ayooyo ukonka akujulu ukonka achuuno chabulemu bwa Leza alimwi ayooyo ukkala alinchicho. ²³ Maawe kulindinywe nobalembi alimwi anoba Falisi basikuupawupa! Nkambo mulapayizya chakumi chazisyu zyachinsungwa abbonko akanyansya, pesi mwasiya akutachita zintu zipati ezyo zyaamba mulawu-bwendelezi bubotu alimwi aluzyalo mpawo alusyomo. Pesi eezi mwalelede kuti naka mwazichita alimwi akutasiya nikuba chimwi chanzizyo. ²⁴ Inywebo nobasikwenzya boofu, mulatingwa akawuka pesi mumena inkamela! ²⁵ Maawe kulindinywe, nobalembi alimwi aba Falisi, basikuupawupa! Nkaambo musanza inkomeki kunze kwayo mpawo andyido, pesi muzili mukati zilizwide kutangala akutayendelegzegwa kabotu. ²⁶ Inywe noba Falisi boofu! Musanzye muzili mukati nkomeki sansina amukati kandyido, kuchitila kuti kunze kusambe akulako. ²⁷ Maawe kulindinywe, nobalembi aba Falisi basikuupawupa! Nkaambo mulimbili tubanda tulambilwe amilambo ituuba, eeyzo zilangiika kubota anze, pesi mukati zizwide mafuwa abantu bakafwa alimwi azyoonse zyamudima. ²⁸ Munzila njiyeeyo, anywebo aanze kwanu muli mbuli bantu baluleme kubantu, pesi mukati mulizwide kuupawupa ameso alimwi abubi. ²⁹ Maawe kulindinywe, nobalembi aba Falisi, basikuupawupa! Nkaambo mulayaka tubanda twabasinsiimi alimwi akubotezya tubanda twabaluleme. ³⁰ Mwamba kuti, "Kwanoli twakaliko mumazuba abamataata, nikuli tettwakabape mulibaabo bakatila bulowa bwabasinsiimi." ³¹ Nkinkaaako mulalyaamba nobeeni kuti muli bana babaabo bakajaya basinsiimi. ³² Alimwi mwazuzikiza bulemu bwabamawuso. ³³ Inywe nobazooka, inywe nobana bachipile, muyokuchija biyeni kubetekwa kwagehena? ³⁴ Nkambo kako, amubone, ndamutumina basinsimi abalumi basongo alimwi abalembi. Bamwi babo moyobajaya akubagankamina, alimwi bamwi moyobakwipawula muzikombelo zyenu

alimwi moyobatanda kuzwa kumunzi akumunzi. ³⁵ Impindu njakuti andinyewe kuyozwa bulowa boonse bwabataluleme oobo bwakatika enyika, kuzwa kubulowa bwa Abbelu mululami, domane kubulowa bwa Zakkaliya mwana wa Bbelekkija, ooyo ngumwakajaya akati kantempeli achipayililo. ³⁶ Kasimpe ndamwambila, zintu eezi zyoonse ziyozida aabo bapona sunu ³⁷ "Jelusalema, Jelusalema, inywe nimujaya basinsiimi alimwi akudonkola aabo batumwa kuli nduuwe! Ndakaliswini kuyanda kubunganya bana bako antoomwe, mbuli inkuku mbifukatila twana twayo munsi lyamababa ayo, pesi tewakazumina pe! ³⁸ Amubone, ngánda yenu yachaala kulindinyewe yaba mbulitongo. ³⁹ Alimwi ndamwambila, tamuchizondiboni pe kuzwa lino dokusikila mukaambe kuti, uulachoolwe ooyo uuza muzina lya Mwami."

24

¹ Jesu wakazwa aanze achikombelo weenda. Basikwiya bakwe bakeza kulinguwe kuzomutondezya mayake achikombelo. ² Pesi wakabasandula wati kulimbabo, "Tamuzibwene pe zintu eezi zyoonse? Nkasimpe ndamwambila, takukwe ibbwé liyochala atala alimwi litakwe kuyowalwa aansi." ³ Nakachikkede atala lyechilundu cha Olivusi, basikwiya bakamusikila kumbali bati, "twambile, ndilili nikuyochitika zintu eezi? Ninzi chiyoba chitondezyo chakuboola kwaako alimwi amamanino anyika?" ⁴ Jesu wakabasandula wati kulimbabo, "Amuchenjele kuti kutabi umwi umusowa. ⁵ Nkaambo kuyozwa bayingi muzina lyangu. Bayowaamba kuti, 'ndindime Kkilisito, álimwi bayosowa bantu bayingi. ⁶ "Muyomvwa nkondo azyaambo zyankondo. Amukalange kuti zitakamukatazyi pe, alimwi eezi zintu zyelede zichtike; pesi mamanino katanakuba pe. ⁷ Nkambo inyika iyobukila nyikanyina, alimwi bwami abwaminyina. Kuyoba nzala alimwi amuzuzumina wenyika mumabazu asiyene siyene. ⁸ Pesi zintu ezi zyoonse matangunino biyo amachise amuntu sikutumbuka. ⁹ Eelyo bayomutola kukwezegwa akuyomujaya. Muyosulwa enyika zyoonse akambo kezina lyangu. ¹⁰ Eelyo bantu bayingi bayobukilwa, alimwi akwaba umwi awumwi akusulana umwi awumwi. ¹¹ Basinsiimi bayingi babeji bayoza akuzosowa bayingi. ¹² Nkambo bupapi buyovula, luyando lwabayiongi luyontontola. ¹³ Pesi oyo uyokakatila kusikila kumamanino uyofutulwa. ¹⁴ Ayamakanai mabotu abwami ayokawukwa munyika yoonse mbuli bukamboni kumanyika oonse. Eelyo mamanino ayosika. ¹⁵ "Lino, nimuzobona chisesemyo chisisidwe, chaakambwa a Daniyele musinsiimi, kayiimvvi mubuseña busalala" (ooyo ubala amvvisisisye). ¹⁶ Amuchite kuti aabo balimu-Judiya bachijile kuzilundu, ¹⁷ ooyo uli achiluli changanda ataseluki aansi kuzobweza nikuba chimwi chintu chilimungánda, ¹⁸ alimwi amuchite ooyo ulimumuunda aleke kujokela kuzobweza chakusama chakwe. ¹⁹ Pesi maawe kubabo bamintide akuli baabo banyonsya bana mumazuba aayo! ²⁰ Amukombe kuti kuchija kwenu kutakabi muchindi champeyo nikuba mubuzuba bwasabata. ²¹ Nkambo kuyoba mapenzi mapati loko, aayo atanu kubonwa pe kuzwaida kumasangunino anyika kuzosikila lino, pe, takwe nikuzoba zili mbubobu pe. ²² Nakuti mazuba aayo pesi afwinsigwa, tekwali kunooba naba mutu walikuzofulwa. Pesi nkambo kabasale aayo mazuba ayofwinsigwa. ²³ Lino kuti umwi mutu wamba kulindinyewe kuti, 'Langa, ngoyu Kkilisito!'mutakamuzuminini pe akuzisyoma. ²⁴ Nkambo

baKkilisito bakubeja abasinsimi babeji bayosika akuchita malele mapati azigambyo, kuti balesye, nikuba, aabo basale. ²⁵ Amubone, ndamwambila kazitana kuchitika pe. ²⁶ Lino kuti baamba kuti kulindinywe, 'Mulange, ulimunkanda, 'mutakayinki pe oko kunkanda. Nikuba kuti, 'mulange, mwali munganda zyamukati, 'mutakasyomi pe. ²⁷ Mbili lulabi mbulumweka kuzwa kubuzwezuba alimwi lulamvwikkila koonse kusikila kububbila, oko kuyoba nkuboola kwa Mwana Muntu. ²⁸ Oko kuli munyama ufwide, nkukubungene makubi. ²⁹ Pesi mpawawo kwakumana mazuba amapenzi aya izuba liyosiya, mwheezi tuchiko kuyopa mumuni pe, inyenyezi ziyoowa kuzwa kujulu, alimwi manguzu ejulu ayotkinisigwa. ³⁰ Lino chitondezyo cha Mwan a Muntu chiyoboneka mujulu, alimwi misyobo yoonse iyolila. Bayomubona Mwana a Muntu kalikuza atala lyamayoba akujulu anguzu alimwi abulemu bupati. ³¹ Uyotuma baangelo bakwe akulila kwamweembo, alimwi bayobunganya antomwe basale bakwe kuzwa kumabazu aane, kuzwa kumpela imwi kuyosika kumpela yomwe yakujuju kusikila kuliimwi. ³² Amwiye chiyo kuzwa kumukuyu. Aawo mutabi nuuba muteete akusyuuka matu, ngamwaziba kuti mayinza abafwifwi. ³³ Lino zilikozyenie, naa mwabona zintu ezi zyoonse, mweelede kuziba kuti waba awfifwi, amulyango loko. ³⁴ Nchobeni ndamwambila, izyalani eeli talikoyomana pe kazitanachitika pe zintu eesi. ³⁵ Ijulu anyika ziyomana, pesi majwi aangu takwe natakamane pe. ³⁶ Pesi takukwe uuzi buzuba nikuba chiindi niziyochitika eezi, nikuba baangelo bakujulu, nikuba Mwana a Muntu, pesi Taata alike. ³⁷ Mbili kumazuba a Nowa, mbukuyoba kubola kwa Mwana a Muntu. ³⁸ Mbili kumazuba kakutana boola zambangulwe bakali kulya alimwi akunywa, kabakwatana akukwatanisigwa kusikila kubuzuba Nowa mbwakanjila mubwato., ³⁹ alimwi takukwe anchibakalizi pe kusikila izambangulwe lyabatola - lino mbukuyoba kusika kwa Mwana a Muntu. ⁴⁰ Eelyo bantu babili banoli mumuunda - umwi akati kabo uyobwezegwa, alimwi umwi uyosiigwa. ⁴¹ Banakazi babili banoli kabaziya aziyyo - umwi akati kabo uyobwezegwa, alimwi umwi uyosiigwa. ⁴² Nkinkaako amuchenjele, nkambo tamuzi pe buzuba Mwami wenu nayoboola. ⁴³ Pesi amuzizibe eezi, kuti kwanoli mwani nganda walizi chindi akati kamansiku sikubba namusikila, walikuno lindide alimwi talikunoleka nganda yakwe pe kuti itululwe. ⁴⁴ Nkinkaako anywebo muledele kulibambilila, nkambo Mwana Muntu uyobola muchiindi nchimutalangilide pe. ⁴⁵ "Lino nguuli mulanda usyomekede alimwi kalimusongo ooyo wakabikwa asimalelo wakwenkuti abaambe nganda yakwe kuchitila kuti abape chakulya kuchiindi cheelede? ⁴⁶ Uli achoolwe ooyo mulanda uyojanwa kachita oobo. ⁴⁷ Nkasimpe, ndamwambila kuti simalelaakwe uyomubika kuti akabambe zintu zyoonse. ⁴⁸ Pesi mulanda mubi kuti waamba eezi mumoyo wakwe, 'Simalelaangu wanonoka, ⁴⁹ alimwi akatangune kuuma balanda bakwe, alimwi kulya akunywa azidakwa, ⁵⁰ lino simalelaakwe ooyo mulanda uysika mubuzuba ooyo mulanda mpatalibambilide pe alimwi achindi nchatazippe. ⁵¹ Simalelaakwe uzomugonkola goonkola akumwaaba kubusena kuti bakabe aamwi abasikuupawupa, ooko kuyoba kulila akuluma ntwino.

25

¹ Lino bwami bwakujulu buyokozyanisigwa abasimbi balikkumi bakabweza malampi aabo alimwi bayinka kuyochinga simusa. ² Balimusunu

baabo bakali bafubafuba alimwi balimusantu bakali basongo. ³ Aawo basimbi bafubafuba nibakabweza malampi aabo, tebakabweza pe mafuta aabo. ⁴ Pesi basimbi basongo bakabweza mafuta aabo muzibikilo. ⁵ Lino simusa wakanonoka, boonse bakaguna alimwi bakoona. ⁶ Pesi akati kabusiku kwakamvwigwa ikongolola, Ámulange, simusa! Amuzwe aanze alimwi mukamuchinge akumutambula. ⁷ Éelyo basimbi boonse bakabuka alimwi bayasya malampi aabo. ⁸ Bafubafuba bakaamba kuti kubasongo, 'mutwabile amwi mafuta aanu nkambo malampi esu azima.' ⁹ 'Pesi bo basongo bakasandula kuti, 'mbokunga takotukwanina swebo andinywe, amwinke kuli baabo basambala alimwi mukalyulile eenu nobeni. ¹⁰ Áawo nubakachili kukuyowula, simusa wakasika, alimwi aabo bakalibambilide bakayinka aawe kupobwe, alimwi imulyango wakajalwa. ¹¹ "Kumane boobu bamwi basimbi abalabo bakaboola alimwi baamba kuti, 'Simalelo wesu, Simalelo wesu, tujulile.' ¹² "Pesi wakabasandula alimwi wakati, 'Nchobeni ndamwambila, tandemizi pe. ¹³ Nkinkaako amuchenjеле, nkambo tamulizi izuba nikuba ichindi. ¹⁴ "Zyakozyania amwalumi wakali awfifwi akuya munyika iimbì. Wakayita balanda bakwe alimwi wabaabilo buvubi bwakwe. ¹⁵ Umwi wakamupa matalenta alimusantu, mpawo umwi wakamupa aabili, alimwi umbi lubo wakamupa limwi talenta. Umwi awumwi wakatambula eecho chendelana ambili mbakonzya, mpawo mwalumi ooyo wakeenda mulweendo lwakwe. ¹⁶ Ooyo wakatambula matalenta alimusantu wakeenda wakubuka akwabelesya mpawo wakabbindawuka ambi alimusantu. ¹⁷ Mbuboobo, oyo wakatambwide aabili alakwe wakabbindawuka wajana aambi aabili. ¹⁸ Pesi oyo mulanda wakalalimwi wakeenda, wakusya kkomba mulubuwa, alimwi wakasisa mamali asimalelaakwe. ¹⁹ Lino mumazuba simalelo wabalande aaba boonse wakaboola wazolangalanga myeelwe yabuvubi antomwe ambabo balanda bakwe. ²⁰ Mulanda oyo wakatambwide matalenta alimusantu wakaboola alimwi weeta aambi alimusantu. Wakamba kuti, 'Simalelo wangu, Langa, ndakakubbindawuka aambi alimusantu. ²¹ "Simalelaakwe wakati kulinguwe, 'wakachita kabotu, iwe nomulanda mubotu alimwi usyomeka! Walikusyomeka muzintu ziche. Ndiyokubika kuti ukeendeleye zintu zyiingi. Njila mubusekelezi bwasimalelaako.' ²² "Ooyo mulanda wakatambwide matalenta aabili wakaboola waamba kuti, 'Simalelo wangu, wakandipa matallenta aabili. Langa, ndakabbindawuka aambi abili lubo. ²³ "Simalelo wakwe wakati kuli nguwe, 'wakachita kabotu, iwe numulanda mubotu alimwi usyomeka! Walikusyomeka muzintu ziche. Ndiyokubika kuti ukeendeleye zintu zyiingi. Njila mubusekelezi bwasimalelo wako.' ²⁴ "Eelyo oyo mulanda wakatambwide talenta lyomwe wakasika alakwe wati, 'Simalelo wangu, ndilikwizi kuti ulimwalumi ukalala. Ulatebula mpotabyalide, alimwi ulatebula mpotakwe niwamwaya. ²⁵ Ndakayoowa, lino ndakeenda mpawo ndakusiisa talenta munyika. Langa ndeeli lyako ndabozya. ²⁶ "Pesi Simalelaakwe wakamusandula wati kulinguwe, iwe nomulanda mubi alimwi mutolo, wakaziba kuti ndilatebula aawo mpontatabyalape alimwi ndilatebula aawo mpontitamwayide pe. ²⁷ Nkiinkaako wakeelede kupa mamali kulibasikulondola, alimwi kukuyobola kwangu ndakati kunobweza aangu antoomwe ayaayo alikunozyalwa. ²⁸ Nkiinkako amubwezele talenta alimwi mulipe ooyo mulanda ulamatentu alikkumi. ²⁹ Mpawo kuli umwi awumwi weeta zyiingi uyopegwa, alimwi uyooba

azyiingi. Pesi kuliyooyo utayeti chintu, uyonyanzigwa nikuba eecho nchajisi.³⁰ Mumubwale mumudima ooyo mulanda utakwe anchabede, omo mulikulila alimwi akulumu ntwino.'³¹ "Eelyo Mwana a Muntu nayoboola mubulemu alimwi abaangelo bakwe boonse, uyokkala achuuno chakwe chabulemu.³² Kuyobunganisigwa misyobo yoonse, alimwi uyopambula bantu umwi akulumu, mbuli mwembeli mbwapambula imbelele kuzwa kumpongo.³³ Uyobika mbelele kuchilisy o chakwe, pesi mpongo kuchimweensi chakwe.³⁴ Eelyo Mwami uywamba kala zeezyo zitanoli kuchilisy kuti, 'Muze, inywe nimulongezezegwe a Taata, amujane bwami oobo mbumwakabambilidwe kuzwa kumatalikilo anyika.³⁵ Nkaambo ndakali enzala alimwi mwakandipa chakulya.'³⁶ ndakali enyota alimwi mwakandipa chakunywa.³⁷ ndakali mwenzu alimwi mwakandinjizya munga.³⁸ ndakali chintanda alimwi mwakan-disamika.³⁹ ndakali kuchiswa alimwi mwakandisilika.⁴⁰ ndakali mujele alimwi mwakandiswaya.⁴¹ Éelyo baluleme bayosandula alimwi kabati, 'Mwami, ndilili nitwakakubona koli enzala alimwi twakakusanina? Nikuba nyota alimwi twakakupa meenda?⁴² Ndilili nitwakakubona koli mwenzu alimwi twakakutambula akukunjizya? Nikuba chintaanda alimwi twakakusamika?⁴³ Alimwi ndilili nitwakakubona kochiswa nikuba muntolongo alimwi twasika kulinduwe?'⁴⁴ "Eelyo Mwami uyosandula alimwi uyoti kuli mbaabo, 'Nchobeni ndamwambila, nzimwakachitila kumunini wabakwesu, mwakazichitila ndime.'⁴⁵ Eelyo uyoti kuli baabo batanoli kuchimweensi chakwe, 'Muzwe kuli ndime, inywe nimutukidwe, munjile mumulilo utamani ooyo ubambilidwe Satani abaangelo bakwe,⁴⁶ nkambo ndakali enzala, pesi temwakandipa pe chakulya; ndakali enyota, pesi temwakandipa pe meenda;⁴⁷ ndakali mweenzu, pesi temwakand-injizize pe munga; ndakali chintanda, pesi temwakandisamika pe; ndakali kuchiswa alimwi nikuba nindakali muntolongo, pesi takwepe nchimwakayeyea andime.⁴⁸ "Mpawo abalabo bayosandula alimwi kabati, 'Mwami ndilili nitwakakubona koli enzala, nikuba nyota, nikuba koli mwenzu, nikuba chintanda, nikuba kochiswa, nikuba koli muntolongo, alimwi twakaleka kukubelekela?'⁴⁹ "Eelyo uyobasandula kuti, 'Nchobeni ndamwambila, nzimwakatachitila abo banini babaaba, temwakazichita pe kulindime.'⁵⁰ Aaba bayonjila muchisubulo chitamani, pesi baluleme bayonjila mubuumi ibutamani."

26

¹ Lino chakaba kuti Jesu nakamana majwi aya oonse, wakati kuli basikwiya bakwe, ² "Mulizi kuti kwayinda mazuba abili pobwe lyakwindilila ngalyasika, e; yo Mwana Muntu waabwa kuti akagankaminwe."³ Mpawo mupayizi mupati abapati bamwi babantu bakali bungene aantomwe munga yamuapyizi silutwe, wakalikutegwa ngu Kkayafasi.⁴ Bakalangula inzila isisikene kabali aantomwe kuti bamwange Jesu chakumubba akuyomujaya.⁵ Nkambo bakali kwamba kuti, "kutabi chiindi chapobwe litakwe bumena, kuti kutabi kunyongana akati kabantu."⁶ Lino Jesu nakali mu Bbetani munga ya Sayimoni sichinsenda,⁷ Nakalikulya atafula, elyo kwakasika mwanakazi wakajisi cinkuli wamafuta adula, elyo wakatila Jesu amutwe⁸ Pesi basikwiya bakwe nibakaziba, bakabilila alimwi bakati,⁹ "Ninzi chapa kuti aanyonyone obu? Ayaa alikuzigwa amali inyingi akuyopaa bachete."¹⁰ Pesi Jesu nakaziba echii wakati kulimbabo, "Nkambonzi nimumukatazaya mwanakazi ooyu? Nkambo wandichitila

chintu chibotu. ¹¹ Bachete mulaabo chiindi chonse, pesi tamukoyooba andime pe chindi choonse. ¹² Nkambo mpatila mafuta aya amubili wangu, wazichitila kuzikwa kwangu ¹³ kasimpe ndamwambila kuti kufumbwa nkwayokambawukwa makani mabotu, munyika yoонse echinchaachita mwanakazi oyu chinoyowambwa kuti bakamwibaluke. ¹⁴ Mpawo umwi wabali kkumi ababili, wakali kuteghwa Judasi sikaliyoti, wakayinka kumupayizi mupati ¹⁵ Alimwi wakati, "Ninzi nchimuyanda kundipa kuti ndimwabe kulinindywe?" Bakazuminana makumi ataatu ansiliva kuti bamupe. ¹⁶ Kuzwa kuleechochindi wakalangula mwenya wakumwaba kulimbabo. ¹⁷ Lino mubuzuba butaanzibwachinkwa chitakwe bumena basikwiya bakaza kuli Jesu akumwambila kuti, "Nkukuli nkoyanda kuti tukakubambilile kuti ukalye pobwe lyakwindilila? ¹⁸ Wakamba kuti, "Ngamwinke mumyuunzi kuli umwi mwalumi akumwambila kuti, "Muysi wati, "chindi changu chaba mumaanza. Ndiyobamba ipobwe lyakwindilila kunganda yako abasikwiya bangu. ¹⁹ Basikwiya bakachita mbuli Jesu mbwakabalayilila, alimwi bakakubamba kulya kwapobwe lyakwindilila. ²⁰ Lino nichakaba chindi chagoko, wakakkala aansi kuti alye abasikwiya balikkumi ababili. ²¹ Awo nibakali kulya, wakabambilila kuti, "Nkasimpe ndamwambila kuti umwi wanu uyondaaba." ²² Bakawusa kapati, elyo umwi wakatalika kumubuzya kuti, "Zyanchonzyo tendime na Mwami?" ²³ Wakasandula kati, "Ngumwi oyo unika kuboko kwakwe andime mukabbavu ngonguwe uyondaaba. ²⁴ Mwana Muntu uleenda, mbuli mbukulembedwe atala anguwe, pesi maawe kulooyo muntu uwaaba Mwana a Muntu! Chalikubota kuloyo muntu natakazyalwa." ²⁵ Judasi oyo wakali wakayanda kuyomuuzya wakati, "Ndime na, Mwami?" wakamwambila kuti, "walyambila olikke." ²⁶ Kabalimukulya, Jesu wakabweza chinkwa, wachilongezya, akuchikwamuna. Wakachipa basikwiya akubambilila kuti, "Mubweze, mulye. Ooyu ngomubili wangu." ²⁷ Wakabweza nkomeki akulumba, alimwi wakabapa akwamba kuti, "Munywe, moonse. ²⁸ Nkambo obumbulowa bwangu bwachizuminano butililwa bayingi kuti balekelelwew zibi. ²⁹ Pesi ndimwambila kuti, tandi koyonywa limbi muchelo wamasansa, kusikila mubuzuba obo mbwintakanywe bupya andinywe mu Bwami bwa Taata." ³⁰ Lino nibakazwa kwimba lwiimbo, bakayinka kuchilundu chama oliva. ³¹ Mpawo Jesu wakabambilila kuti, "moonse moyolebwa mansiku aano nkambo kandime, nkambo kuli lembedwe kuti, Ndiyowuma mwembeli alimwi butanga bwambelele buyomwayika." ³² Pesi musule ndakbusigwa, ndiyomusangunina kuya mu Galili." ³³ Pesi Pita wakati kulinguwé, "Nekuba boonse balebwa nkambo kanduwe, mebo andike tandikoyolebwa pe." ³⁴ Jesu wakamwambila kuti, "chakasimpe ndakwambila kuti, busiku mbubobuno, mukombwe katana kukokolika, unoli wandikaka tutaaatu." ³⁵ Pita wakamwambila kuti, "Nikuba kufwa anduwe ndilakonzya, nsikoyokukaka pe. "Boonse basikwiya bakamba chomwe. ³⁶ Mpawo Jesu wakinkabo kubusena ibutegwa Gesemane alimwi wakati kuli basikwiya bakwe, "Amukkale aano ninchiya kukukomba." ³⁷ Wakabweza Pita abana ba Zebbedi babili antoomwe anguwe alimwi bakatalika kuba amawuse aku katazika. ³⁸ Mpawo wakati kuli mbabo, "Muuya wangu wawusa kapati, nikuba kusikila akulufu. Amuchale ano alimwi mulindile." ³⁹ Wakayinka anembo kulekule, wakakotamika busyu bwakwe, akukomba wakamba kuti, "Taata, na chakonzeka, nkomeki eyi ngindiinde. Pesi, kutabi kuyanda kwangu, pesi kuge kuyanda kwako.

40 Wakaboola kuli basikwiya akubajanabalimukoona, alimwi wakati kuli Pita, "Niinzi, sa tamukonzyi kulindila andime hoola limwi?" **41** Amulindile akukomba kuti mutanjilinmukusunkwa. Nchoonzyo Muuya ulayanda, pesi mubili wezuuka." **42** Wakayinka lwachibili akuyokoomba. Wakamba kuti, "Taata, kuti echi tachikonzeki kwinda kumbali kwakuti ndinywe, kuyanda kwako kuchitwe. **43** Wakaza lubo wazobajana balikoona, nkambo meso aabo akali alema. **44** Wakabasiya lubo, wakayinka akuyokoomba kachitaatu, kayindulula majwi omwe. **45** Mpawo Jesu wakeza kuli basikwiya akubambilila kuti, "Muchoona na akulyokezya? Amulange, hola lyaba mumaboko, alimwi Mwana Muntu waabwa mumaboko abasizibi **46** Mubuke, twinkeAmulange, oyo sikundaaba waba afwifwi." **47** Nakachili kwambula, Judasi, umwi wabali kkumi awumwi, wakasika, wakaaza amakamu makamu abantu kuzwa kumupayizi mupati abapati babantu. Bakeza amafulo enkoli. **48** Lino oyo mwalamu wakali kuyanda kuuzya Jesu wakali bapede chitondezyo, chamba kuti, "oyo ngwensikamyonte ngonguwe. Mukamuvumpile." **49** Mpawawo wakasika kuli Jesu akwamba kuti, "Waponna, Omuyisi!" akumumyonta. **50** Jesu wakamwambila kuti, "Mweenzuma, chita echo nchwazida kuzochita." mpawo bakasika, babika maanza ali Jesu, akumuvuntila. **51** Amulange, umwi wababo bakali a Jesu wakatandabika janza lyakwe, wasomona kafulo, akuma muzike wamupayizi mupati, akumudyunkula kutwi kwakwe. **52** Mpawo Jesu wakati kulinguwe, "Bwedezya kafulo kako muchibikilo chako, nkambo boonse abo babweza tufulo bayolobesegwa atufulo. **53** Muyeeye kuti tendali kukonzya na kwiita Taata, alimwi walikundituma baangelo bayinda myuya mibi ilikkumi ayibili? **54** Pesi alikuyo zuzikizigwa biyeni malembe, "kuti echi chichitike?" **55** Kuleecho chindi Jesu wakati kumakamu abantu, "Mwaaza azifulo enkoli kuti muzondivuntile mbotatedi ndimubbi? Mazuba oonse ndakali kuyiisyia mungánda ya Leza, alimwi tamwakandaanga pe. **56** Pesi zyoonse eezi zyachitika kuti malembe amusinsimi azuzikizigwe. "Mpawo basikwiya boonse bakamutakata akuchija. **57** Abo bakamuvuntila Jesu bakamutola kuli Kkayafasi mupayizi mupati, oko balembi abapati nkabakabungene. **58** Pesi Pita wakamutobelela kule kule kusikila mulubuwa lwamupayizi mupati. Wakanjila mukati akukkala aansi abasikulinda kuti abone chitachitike. **59** Lino mupayizi mupati abankuta boonse bakali kulangila bukamboni bwakubeja aatala a Jesu kuti bakonzye kumubika kulufu. **60** Takwepe nchibakajana, nekuba kuti bakamboni bakubeja bakeza. Pesi nichakaba chiindi bibili bakasika. **61** Akwamba kuti, "Oyu mwalamu wakali kuti, 'Ndilakonzya kumwayula nganda ya Leza akwyakulula mumazuba ataatu.'" **62** Mupayizi mupati wakimikila akumwambila kuti, "Tukwe nsandulo na?" Niinzi zyoonse eezi nzibalokukukwambila atala anduwe?" **63** Pesi Jesu wakawumuna. Mupayizi mupati wakamwambila kuti, "Ndakulayilila muli Leza upona, twamble na nduwe Kkilisito, Mwana a Leza." **64** Jesu wakamuvviila kat, "wamba nduwe omwini. Pesi ndakwambila, kuzwa lino uyoobona Mwan Muntu kakkede kukuboko kwachilisyo kwenguzu, akuyoboola mumayooba akujulu." **65** Mpawo mupayizi mupati wakadelula zisamo zyakwe akwamba kuti, "wambula masampu! Nkambonzi nituchiyanda bukamboni? Amulange lino mwamvwa masampu. **66** Muyeyaanz? Bakasandula akwamba kuti, "Welede lufu." **67** Mpawo bakamuswida kumeso akumuumma, akumuvatula mabbayi, **68** akwamba

kuti, "Tusinsimine, webo Kkilisito. Ngwani wakuma?" ⁶⁹ Lino Pita wakalikkede aanze mukati kalubbaya lwankuta, elyo mulanda musimbi wakasika kulinguwe akumwambila kuti, "wakalawe Jesu mu Galili." ⁷⁰ Pesi wakazikaka kunembo lyabo boonse kaamba kati, "tandizizi pe eezyo nzyolikwamba." ⁷¹ Lino nakazwa anze amulyango walubaya, awumwi musimbi mulanda wakamubona akwambila abo mbakalabo, "Ooyu mwalumi wakali awe Jesu waku Nazalata." ⁷² Wakakaka lubo chakukonka, "tandimuzipe me mwalumi ooyu." ⁷³ Musule lyakayindi abo bakalimvvi bakasika akwamba kuti kuli Pita, "Nchamasimpe uli umwi wabo, nkambo nzila njowambula ayo ilakwamba." ⁷⁴ Mpawo wakatalika kutukila akukonka, "tandimuzi pe mwalumi oyu," alimwi mpawawo mukombwe waka kokolika. ⁷⁵ Pita wakayeeya majwi Jesu ngakaambide, "mukombwe katana kokolika uyonditama tutatu." Mpawo wakaya aanze wakatalika kweema.

27

¹ Lino nikwaba kuseni, boonse bapayizi bapati abapati babantu bakalangula inzila mbubanga balamubika kulufu Jesu. ² Bakamwaanga, akumutola aanze, akumusisa kuli Payileti mwendelezi. ³ Mpawo Judasi, wakamuuya, nakabona kuti Jesu wapegwa mulandu, wakasanduka akujosya mali yansiliva ili makumi atatu kubapayizi bapati akuzuluzi, ⁴ alimwi wakati ndabisya akwaaba bulowa butakwe mulandu. Pesi bakati, "Niinzi echo kulindiswe? Libonene olikke." ⁵ Mpawo wakasowela aansi tumpanzi twansiliva mungánda ya Leza, akwinka, alimwi wakaya anze wakulisina. ⁶ Mupayizi mupati wakatubweza tupanzi twansiliva akwamba kuti, "tachili mumulawu pe kuti eechi chibikwe muchiyobwedo nkambo muulo wabulowa." ⁷ Bakambuuzyania antoomwe, alimwi bakawula muunda wamubumbi muzikkilwa beenzu. ⁸ Nkambo kacheechi, oyo muunda wakategwa, "Muunda wabulowa." kusika lino. ⁹ Mpawo echo chakambidwe amusinsimi Jelemiya chakazuzikiziga, chaamba kuti, "Bakabweza tumpanzi tulimakumi ataatu twansiliva, muulo wakabamba abana ba Izilayeli, ¹⁰ alimwi bakawupa kuti muunda wamubumbi, mbuli Mwami mbakandilayila. ¹¹ Lino Jesu wakayimikila kunembo lyamwendelezi, alimwi mwendelezi wakamubuza, "Uli Mwami waba -Juda na?" Jesu wakawwila kuti, "wamba mbubo." ¹² Pesi nakatamikiziga amupayizi mupati abapati, takwepe nakasandula. ¹³ Mpawo Payileti wakamwambila kuti, "Sa totumywide twambo ntubalo kukutamikizya?" ¹⁴ Pesi takwe nakasandula niliba ijwi lyomwe, awo mwendelezi wakagamba kapati. ¹⁵ Lino kupobwe mbuli bwakali mulawu wamwendelezi kuti bagwisiye umwi mwaange wasaluzigwa abantu. ¹⁶ Kuchindi eecho kwakali mwaange wakale mpewo utegwa Bbalabbasi. ¹⁷ Lino nibakabungana antomwe Payileti wakabambilila kuti, "ngwani ngumuyanda kuti ndimwanganwide? Bbalabbasi na Jesu utegwa ngu Kkilisito?" ¹⁸ Wakalizi kuti bapeda Jesu kulinguwe nkambo kakwemuzya. ¹⁹ Awo nakakkede achuno chabbetekelo, mwanakazi wakwe wakamutumina ijwi elyo lyakati, "utachiti chintu kumwalumi oyo utakwe kaambo. Nkambo ndakatazigwa loko sunu nkambo kaziloto nzindalota atala anguwe." ²⁰ Lino bapayizi bapati abendelezi bakasungilizya makamu abantu kuti bakumbile Bbalabbasi, akupegwa Jesu kuti akajiigwe. ²¹ Mwendelezi wakababuza kuti, "Nguuli akati kababili ngumuyanda kuti ndimwangunwide?" bakaamba kuti, "Bbalabbasi." ²² Payileti wakababuza kuti niinzi nchinjelede

kuchitila Jesu utegwa ngu Kkilisito? Bakamuvwiila boonse bakati, Ngagankaminwe.” ²³ Mpawo wakamba kuti, “Nkambonzi, mbubiinzi mbwaachita?” Pesi bakompololesya kapati, “Mumugankamine.” ²⁴ Lino Payileti nakabona kuti takwe chintu nchakali wajana, pesi kuti kunyongana kwakali kwatalika, wakabweza maanzi wasamba maboko kuneimbo lyamakamu abantu, akubambilika kuti, tandikwe pe mulandu kubulowa bwamwalumi oyu. Amulibonene lwenu.” ²⁵ Boonse bantu bakati, “Mbubo bulowa bwakwe abube kulindiswe abana besu.” ²⁶ Mpawo wakabaangunwida Bbalabbasi, pesi wakawuma Jesu achimboko akumupeda kulimbabo kuti akagankaminwe. ²⁷ Mpawo basilumamba abeendelezi bakabweza Jesu akumutola mukati kanganda yabwendelezei bapati akubungania nkamu mpati yoonse yabasilumamba. ²⁸ Bakamuzwatununa akumusamika bbaki lisalalisy. ²⁹ Bakaluka musini wamvwa akumuzwatika amutwe wakwe, akumubika mufunko kukuboko kwakwe kwalulyo. Bakafugama aansi kunembo lyakwe akumuniaka, kabamba kuti, “Mwalemekwa Mwami waba Juda!” ³⁰ Bakamuswida mate, alimwi bakabweza mufunko akumuuma mumutwe kabalokwindulula. ³¹ Lino nibakamuniaka, bakamuzwatununa bbaki lyabo akumuzwatika zisamo zyakwe, akumutola kuyomugankamina. ³² Awo nibakazwa aanze, bakajana mwalumi uzwa ku Sayilini utegwa Sayimoni, ngubakaangila kuti beende aamwi kuti anyumpule chiingano chakwe. ³³ Bakasika kubusa butegwa Gologota, kachamba kuti, “Mbusena bwatupepe twamitwe.” ³⁴ Bakamupa wayini uwvelene andulwe kuti anywe. Pesi nakalabila wakakaka kunywa. ³⁵ Lino nibaka mugankamina, bakabaana zyakusama zyakwe akumuma chisolo, ³⁶ alimwi bakakkala ani kabali kumulinda. ³⁷ Atala amutwe wakwe bakabikka bulembu bumubeteka, bwamba kuti, “Ooyu ngu Jesu Mwami waba Juda.” ³⁸ Kwakali basikubba bobile mbakagankaminwa aabo, umwi kuchimweensi aumwi kuchilisyo chakwe. ³⁹ Aabo bakali kwinda enzila bakali kumutukila, kabatikinia mitwe yabo ⁴⁰ kabamba kuti, “Iwe nuyomwaya nganda ya Leza akwyakulula mumazuba ataatu, lifutule omwini! do kuli Mwan a Leza, seluka achingano aawo!” ⁴¹ Munzila ikozyenie abalabo bapayizi bapati bakali kumuniaka kabala balembi abapati kabamba kuti, ⁴² wakali kufutula bamwi, pesi we takonzi pe kulifutula. Ngu Mwami wa Izilayeli. Ngaseluke aachingano, alimwi tuyomusyoma. ⁴³ Wakali kusyoma Leza, Leza ngamuvune lino, na Leza kayanda kumwangununa. Nkaambo wakali kwamba kuti ndimwana a Leza.” ⁴⁴ Munzila ikozyenie abalabo basikubba mbakagankamidwe aabo abalabo bakamutukila. ⁴⁵ Lino kuzwa kuchindi chahola lamusanu alimwi mudima wakasikila nyika yoonse kuyosika kuhola lyamusanu aane. ⁴⁶ Nichakaba chiindi chamusanu mwaane, Jesu wakoompolola ejwi pati kaamba kuti, Eli, Eli, lama, sabakkatan?” Kazyamba kuti, Leza wangu Leza wangu, nkambonzi niwandisiya?” ⁴⁷ Lino abo bakiimvwi mpawo bakazimvwa, bakaamba kuti, “ulikwiita Elayija.” ⁴⁸ Mpawo umwi wakachijana akuyobweza nsisa akwizuzya awayini ulwela, wakisekka kumufunko, elyo wakamupa kuti ayinywe ⁴⁹ Bayingi boonse bakati, mumuleke alikke, Tumubone na Elayija uleza na kuzomufutula.” ⁵⁰ Mpawo Jesu wakalila lubo ajwi pati elyo wakapa muuya wakwe. ⁵¹ Amubone, chisitilizyo changanda ya Leza chakanduka muzimpanzi zibili kuzwa kujulu kusika aansi, anyika yakandendema, amabwe akaanduka. ⁵² Tubanda twakavunuka, amibili

yabasalali bakali boona yakabusigwa,⁵³ Bakazwa mutubanda musule lyakubuka kwakwe, bakanjila mugunzi lisalala, akuboneka kubayingi.⁵⁴ Lino silumamba mupati abaabo bakali kulinda Jesu bakawubona muzuzumo azintu zyakachitika, bakayoowa baamba kuti, "Chamasimpe ooyu wali Mwana a Leza."⁵⁵ Banakazi biingi bakali batobelwa Jesu kuzwa ku Galili kuti bamukutawukile bakali kulanga alaale.⁵⁶ Akati kabo kwakali Meli Magadalini, Meli banyina ba Jemusi a Jozefa, abanyina babana ba Zebbedi.⁵⁷ Lino niyakaba goko, kwakasika mwalamu uwza ku Alimatiya, utegwa Jozefu, wakali sikwiya wa Jesu.⁵⁸ Wakayinka kuli Payileti akuyokumbila mutunta wa Jesu. Mpawo Payileti wakalayilila kuti awupegwe.⁵⁹ Jozefu wakabweza mutunta, wamuzambilila mulembo uten-teema,⁶⁰ wakulazika mukabanda kakwe kappya nkakali wafokola mubbwe. Mpawo waka kkunkulisyia ibbwé pati wasinka amulyango wenda.⁶¹ Meli Magadalini amumwi Meli bakaliwo, bakalikkede kulubazu lyakabanda.⁶² Buzuba bwakatobela bwakali buzuba bwinda bwakulibambilila, bapayizi bapati abaFalisi bakali bungene antomwe a Payileti.⁶³ Bakali kwamba kuti, "Mwami, tuchiyeyaa ulya silweno nakachili kupona, wakaamba kuti, 'kwinda mazuba ataatu ndiyobuka alubo.'⁶⁴ Nkinkaako layilila kuti kabanda kakwe kalindwe kusikila kubuzuba bwatatu. Chimwi chindi ulabona basikwiya bakwe basika bazomubbba akwambila bantu, 'Kuti wabuka kuzwa kubafu.' Alweeno Iwakumamanino ngalulayinda Iwakusanguna."⁶⁵ Payileti wakabambilila kuti, "mwinke mukalinde mbuli mbumukonzya."⁶⁶ Mpawo bakiinka akuyochita kuti kabanda kalindwe, bakazilulula abbwe akubikka basikulinda.

28

¹ Lino niyakayinda isabata, kakuya kubuchedo mubuzuba butanzi bwamviki, Meli magadalini awumwi Meli bakaza kuzolanga chibunda.² Amulange, wakaba muzuzumo mupati wanyika, nkambo angelo wamwami wakaseluka kuzwa kujulu, wakaza akukunkulisyia ibbwé, akukkala alindilyo.³ Chiiwa chakwe chakali mbuli lulabi, azyakusama zyakwe zyakalikutuba mbuli buluba bwatonde.⁴ Balindizi bakanden-genda akuyowa alimwi bakaba mbuli bantu bafwide.⁵ Mu angelo wakazibya banakazi akwamba kuti kulimbabo, "Mutayowi, ndilizi kuti mulangula Jesu, wakagankaminwa.⁶ Tawope okuno, pesi wabuka, mbuli mbwaakamba. Amuze mubone abusena Mwami mpakalilazikidwe.⁷ Mwinke chakufwambana alimwi mwambile basikwiya bakwe, 'wabuka kuzwa kubafu. Amubone, ulikunembo lyanu kuyaku Galili. Ámulange, ndamwambila.'⁸ Banakazi bakazwa mukabanda chakufwambana kabala akuyooowa akukondwa kupati, alimwi bakachijana kuyowambilila basikwiya bakwe.⁹ Amulange Jesu wakabaswania akubambilila kuti, "Mwapóna!" Banakazi bakaza, bajana mawulu akwe akumukomba.¹⁰ Mpawo Jesu wakabambilila kuti, "Mutayowi. Amwinke mwambile bakwesu kuti bayinke ku Galili. Nkuko nkubayondibonena."¹¹ Lino awo banakazi nibakalikwenda, Amulange, bamwi babalindizi bakayinka mugunzi akuyowambilila bapayizi bapati zintu zyoonse zyakachitika.¹² Lino bapayizi nibakaswanana abapati akuyooma aabo ikkani eeli, bakapa mali nyiingi kuli basilumamba¹³ akubaambilila kuti, "Mwambe kuti kuti bamwi, 'Basikwiya ba Jesu basika mansiku akubba mutunte wakwe nitwachilikoona.¹⁴ kuti na makani aya asika kumwendelezi,

tulamukombelezya akugwisya makatazyo alimulindinywe.” ¹⁵ Mpawo basilumamba bakabweza mali akuchita mbuli mbubakalayilila. Aya makani akamwayika kapati akati kama Juda alimwi akeendelela anembo nikuba asunu. ¹⁶ Pesi basikwiiya ibalkkumi awumwi bakayinka ku Galilii, kuchilundu oko Jesu nkvakabalayilila. ¹⁷ Mpawo nibakamubona, bakamukomba, pesi bamwi bakadoneeka. ¹⁸ Jesu wakaza kuli mbabo akwaambula abo akuti, “Nguzu zyoonse ndakazipegwa kujulu aansi. ¹⁹ Aboobo amwinke alimwi mukachite basikwiiya bamisyoobo yoonse. Mukaba bbabbatizye muzina lya Taata, lya Mwana, alya Muuya Uusalala. ²⁰ Mubaiisye kulemeka zintu zyoonse nzindakamulayilila, amubone, ndilandinywe chiindi choonse, nikuba kusikila kumamanino.”

Makko

¹ Aya ngingawo matalikilo a makani mabotu a Jesu Kilisito, Mwana wa-Leza. ² Mbali mbukulembewde kuli Isaya musinsimi, "Mulange, ndatuma mutumwa kunembo lyabusyу bwake oyo ulolulamika nzila yako. ³ Ijwi lya oyo uwompolola munkanda, "Mubambe inzila yaMwami; mululamike inzila yakwe". ⁴ Joni wakasika, kabbizya munkanda alimwi kakambawuka lubbizyo lwakusanduka. Akulekelelwa izibi. ⁵ Ichisi choonse cha Judiya abantu boonse baku Jelusalem bakayinka kulinguwe. Bakabbizigwa anguwe mumulonga utegwa Jodani, bakalyamba zibi zyabo. ⁶ Joni wakali kuzwaata zizwaato zyaboya bwankamela alukumba lwachikumba muchibuno chakwe, nkabela wakali kulya insozi abuchi bwalusaka. ⁷ Wakambula wati, "Oyu uza musule lyangu ulanguzu kwiinda ndime, lukole lwambatata zyakwe nsikwe chelelo chakukotama ansi akuzyanganuna. ⁸ Ndamubbizya amanzi, asi we uyomubbizya a Muuya Usalala". ⁹ Zyakachitika mumazuba ayo Jesu wakazwa ku Nazaleta ya Galili, alimwi wakabbizigwa a Joni mumulonga utegwa Jodani. ¹⁰ Kachizwa biyo Jeso manza, wakabona ijulu kalyanzana akujulika ¹¹ alimwi Muuya kuseluka akukkala atala anguwe mbuli nziba. Ijwi lyakazwa kujulu kalyamba kuti, "Ulimwana wangu. Ndiboteledwe kapati anduwe". ¹² Nkabela Muuya wakamusungiliza kuya munkanda. ¹³ Wakali munkanda mazuba makumi ane, kalokusunkwa aSatani. Wakali abanyama balusaka, alimwi bangelo bakamugwasizya. ¹⁴ Lino musule Joni kalimwangwa, Jesu wakasika muGalilaya kakambawuka makani mabotu aLeza. Wakamba kuti, "Ichindi chazuzikizigwa, ¹⁵ alimwi bwami bwaLeza bwaba awififi. Musanduke musyome makani mabotu". ¹⁶ Nakalibwenda kumbali alwizi lwaGlili, wakabona Sayimoni a Andilaya muzyalwanyina wa Sayimoni kabawala kanyandi mulwizi, nkambo bakali bazubi babaswi. ¹⁷ Jesu wakabambilika kuti, "Kamuzuba, munditobele, alimwi ndilomuchita bazubi babantu". ¹⁸ Akufwambana bakasiya tunyandi twabo mpawo bamutobelika. ¹⁹ Elyo Jesu nakachilikuyobweda kuya kunembo, wakabona Jakobo mwana wa Zebbediya amuzyalwanyina wakwe Joni; bakali mubwaato kabaluka tunyandi. ²⁰ Wakabayita alimwi bakasiya wisi Zebbediya antoomwe ababelesi mubwaato mpawo bamutobelika. ²¹ Lino bakasika kuKkapenawume, alimwi kabuli bunsu bwaSabata, Jesu wakanjila muchikombelo wakuyisya. ²² Bakagamba kunjisyo yakwe, nkambo wakali kuyisya mbuli muntu ulanguzu utali mbuli balembi pe. ²³ Mpawo awo mwalumi wakali amuuya mubi wakakwiila muchikombelo, kati, ²⁴ "Tulanzi anduwe, Jesu waNazaleta? Waza kuzotunyonyona na? Ndilikwizi kuti nduwe ni. Nduwe Usalala Mwana wa-Leza!". ²⁵ Jesu wakakalalila dayimona kati, "Tedi zwa alimwi uzwe mulinguwe!" ²⁶ Idayimona lyakamuwalila ansi mpawo lyazwa mulinguwe akukwiila kupati. ²⁷ Bantu boonse bakagamba, akubuzyanya, "Kuti ninzi eechi? Ninjisyo impya ilanguzu Ukonzya kutanda madayimona na amuswilizye" ²⁸ Alimwi mpuwo yakwe yakazula muchisi choonse chaGalilaya. ²⁹ Musule lyakuzwa muchikomelo, bakayinka kunganda yaSayimoni a Andilaya, kabali antoomwe a Jakobo a Joni. ³⁰ Lino banyinazyala baSayimoni bakalikuchiswa intutumanzi, alimwi bakamwambila Jesu atala amukayintu oyu. ³¹ Wakaza wakamujata aluboko, wamibusya; intutumanzi

yakazwa, mpawo watalika kubakutawukila. ³² Igolezya izuba kalili lyabbila, baketa kulinguwe boonse bachiswa abakanjidwe amadayimona. ³³ Ibantu bamunzi boonse bakabungana amulyango. ³⁴ Wakaponya boonse bakalamalwazi asiyene-siyene akutanda madayimona miingi, asi takazumizya madayimona kwambula nkambo akalimuzi. ³⁵ Wakabuka kuseni, kakuchisiya; wakayinka kusisikene kuyokomba. ³⁶ Sayimoni ababo bakali anguwe bakamuyandula". ³⁷ Bakamujana bamwambila kabati, "Bantu boonse balokukuyandula". ³⁸ Wakabambilwa wati, "Ngatuye kumbi, anze kumadolopo alafwifwi, kuti ndikakambawuke akulako. Ncindazwide anze obu". ³⁹ Wakayinka kuGalilaya yoonse, kakambawuka muzikombelo zyabo akutanda madayimona. ⁴⁰ Sichipele wakasika kulinguwe. Kumukumbila; wakafugama wamba wati, "Kuti kuyanda, ulakonzya kundisalazya". ⁴¹ Wakazula luzyalo, Jesu wakatandabika kuboko kwakwe wamuguma, kamba kuti, "Ndilayand. Kopona" ⁴² Mpawo awo chipele chakayinka, mpo wasalazigwa. ⁴³ Jesu wakamulayilila changuzu mpo wamuti yinka. ⁴⁴ Wakamwambila kuti, "Ube asimpe lyakuti tubuzyi naba omwe muntu, asi kuya, ukalitondezye kumupayizi, ukapayilile nkambo kakusalazigwa kwako, mbuli Mozesi mbwakalayilila, mbuli bukamboni kuli mbabo". ⁴⁵ Asi wakiinka watalika kwaambula kanganukide kamwaya ijwi, zyakachitisa kuti Jesu takachili kukonzya kunjila idolopo kangunukide, asi wakakkala anze mumyunzi. Nikuba bobo bantu bakachili kusika kulinguwe kabazwa kumasena asiyene-siyene.

2

¹ Nakabola kuKkapenawumi nikwakiinda mazuba mache kwakamvwika kuti Jesu mwali mumunzi. ² Bantu bingi bakabungana kwakuti takwe nikwachili busena, munganda nikuba kumulyango, Jesu kali kukambawuka ijwi kuli mbabo. ³ Kwakasika balumi bakanyampwide mwalumi wakayuminide mibili; kanyampwidwe abalumi bone. ⁴ Nibakabula mweenya wakuswena awfifwi anguwe nkambo kakuvula kwabantu, bakavumbula kaluli awo Jesu mpakabede nibakavumbula bakaseluzya bulo bwawaka yuminide mibili mpakabede. ⁵ Nakabona kusyoma lwabo, Jesu wakati kuli wakayuminide mibili, "Omwana, zibi zyako zyalekelelwa". ⁶ Lino bamwi balembi bakekkede, bakayeya munyono yabo, ⁷ "Nkambonzi mwalumi oyu nambula obu? Utuka Leza alikke?" ⁸ Chakufwambana Jesu wakaziba mumuya wkwe nzibakali kuyeya mumyoyo yabo. Wakati kulimbabo, "Nkambonzi nimulikuyeya ezi mumyoyo yanu? ⁹ Nchechili chuuba kwamba kuti kumulwazi, "Walekelelwa zibi, na kuti bweza bulo bwako weende?" ¹⁰ Asi kuti muzibe kuti Mwana aMuntu ulamanguzu ano ansi enyika kulekelela zibi, wakati kuliwakayuminide mibili ¹¹ "Ndati kulinduwe nyampuka, bweza bulo bwako, uye kunganda yako". ¹² Wakanyampuka chakufwambana wabweza bulo, wakazwa munganda kunembo lyabantu boonse, abobo boonse bakagamba bapabulumbu kuli Leza, batii, "Ezi tatuna zibona pe". ¹³ Wakayinka lubo kunkomwe yalwizi, makamu abantu akamutobela, mpawo wakabayiisya. ¹⁴ Kayabweenda, wakabona Levi mwana wa Alufayewusi kakkede mutente lyabasimutelo wakati kulinguwe, "Nditobele". Wakanyampuka wamutobela. ¹⁵ Jesu wakali kulya munganda yaLevi, abasimutelo abasizibi bakali kulya awe abasikwiiya bakwe, kwakali

biingi abobo bakamutobela. ¹⁶ Balembi, bakali baFalisi, nibakabona Jesu kalikulya abasizibi, bakati kuli basikwiya bakwe, "Nkamboonzi nalya abasimutelo abasizibi?" ¹⁷ Jesu nakamvwa obo wakati kulimbabo, "Bantu baponede mumubili tabayandi musilisi; asi bachiswa, mbibayanda musilisi. Tendazida kwiita baluleme asi basizibi". ¹⁸ Lino basikwiya ba Joni abaFalisi kali kulyimya kulya. Bamwi bantu bakasika kulinguwe, "Nkambonzi basikwiya bajoni abaFalisi balalyiima, asi bako tabalyimyi pe?" ¹⁹ Jesu wakati kulimbabo, "Nkujana basikutambwa kubwinga balyimya na sibwiinga nkalabo?" Nkachilabo sibwiinga, tabalyimyi. ²⁰ Ayosika mazuba sibwiinga akubwezegwa kuzwa kulimbabo, ayo mazuba bayolyimya. ²¹ Takwe usuma chigamba chamulembo mupya achizwato chikulukulu, chigamba chilakonzya kudeluka, chipya kuzwa kuli chachiindi, chiyodelukisya. ²² Takwe ubikka wayini mupya munkomo yachiindi wabona wayini ulabbalula inkomo mpawo zyoonse wayini a ziyyonyonyoka. Wayini mupya ubikwa munkomo mpya. ²³ Musabata Jesu wakayinda mumunda wamayila, basikwiya bakabweza mayila. ²⁴ Mpawo baFalisi bakati kulinguwe, "Langa nkambonzi basikwiya nibalikuchita zintu zityola mulawo abuzuba bwaSabata?" ²⁵ Wakati kulimbabo, "Temwakabala na kuti Davida nakabula akuba anzala - we abalumi mbakalabo - ²⁶ mbakanjila munganda yaJehova Abbiyata nkali mupatiyizi mupati, akulya chinkwa chabukamu, chitazumizigwi kuligwa amuntu kupela kunze kwabapayizi, wakapa abalabo mbakalabo?" ²⁷ Jesu wakati, "Sabata lyakalengelwa bantu, pepe bantu kulengelwa Sabata. ²⁸ Aboobo, Mwana aMuntu Mwami, ku Sabata".

3

¹ Jesu wakanjila lubo muchikombelo, wakajana mwaalumi wakakokonyene kuboko. ² Bantu biingi bakamulangisisya kuyanda kubona kuti ulamuponisa na mubuzuba bwa Sabata bamupe mulandu. ³ Jesu wakaambila mwaalumi wakakokonyene kuboko kuti, "Nyampuka uyimikile aakati kabantu aaba." ⁴ Mpawo wakati kubantu, "Ncheechili chibotu, kuchita chibotu na chibi mubuzuba bwa Sabata; kuvuna buumi na kujaya?" Pesi bakawumuna. ⁵ Wakabalanga chakunyema, alimwi kawuside, nkaambo kakuyumya kwamyoyyo yabo, wakati kumwaalumi ooyo, "Tandabika kuboko kwako. " Mpawo wakatandabika, elyo kuboko kwakee kwakaba kabotu. ⁶ Lino ba Falisi bakazwa aanzé mpawo, antoomwe aba Heloda bakatanguna kulanguila nzila mbubanga balamujaya. ⁷ Mpawo Jesu, wakasosoloka abasikwiya bakwe baya kulwizi, elyo makamu makamu abantu kuzwa kuGalilii, aku Judiya akabatobela. ⁸ Lino nibakamvwa nzyakali kuchita, bantu bayingi bakeza kuli nguwe kuzwa ku Jelusalema, Idumiya azisi zilimutala a Jodani azyeengelede Taya a Sidoni. ⁹ Nkaambo kamakamu aabantu wakaambila basikwiya bakwe kuti bamubamble bwaato buniini awfiifwi, kuti akonzye kusosoloka aakati kabantu. ¹⁰ Nkaambo wakalikusilika bayingi, aboobo bakali aamalwazi balikuchundana kabaya kunembo kuti bamugume. ¹¹ Kufumbwa myuuya mibi niyakamubona yakawida aansi kunembo lyakwe akoompolola, kuti, "Nduwe Mwana wa Leza." ¹² Alimwi wakayilayila changuzu kuti itamudomboli kuti ngwani. ¹³ Wakatanta achilundu akwiita aabo mbakalikuyanda, alimwi bakeza kulinguwe. ¹⁴ Wakasaluuya balikkumi ababili; (aabo mbakati mmbatumwa) kuti bakabe aamwi anguwe, alimwi kuti akabatumte kukukambawuka,

15 akubapa ngunzu, zyakutanda myuuya mibi. 16 Aaba mbimbabo bali kkumi ababili mbakasaluuzya: Sayimoni, oyu wakamupa zina lyakuti ngu Pita; 17 Jemusi mwana wa Zebbediya, aJoni mwana wakwabo wa Jemusi, aba wakabawuzika kuti mba Bbowanejesi, nkukwamba kuti bana ba ndabi; 18 Andulo, Filipo, Bbatolomiya, Matayo, Tomasi, Jemusi mwana wa Alifasi, Tediysi, a Sayimoni munkutwe 19 a Judasi Sikkaliyoti, nguwe wakazomuuzya. 20 Mpawo wakabweeda kumuunzi, alimwi makamu aabantu akamubunganina, aboobo basikwiya bakwe anguwe tebakachili kujana chiindi chakulya pe. 21 Lino bang'anda yakwabo nibakamvwa zyalikuchitika, bakamulanguula, kabaamba kuti "Wapenga." 22 Balembi bakazwa kujelusalema bakaamba kuti, "Unjidwe muuya mubi utegwa Bbelizabeli," akuti "Alimwi nguzu nzyatanzya myuuya mibi nzizyakwe Bbelizabeli mwami wamyuuya mibi." 23 Jesu wakabayita mpawo watanguna kwaambula ambabo muzikozyanio, "Satani ulakonzya biyeni kulitanda? 24 Na bwaami kabupambukene, bwaami oobo tabukonzyi kwii mikila. 25 Alimwi na tekwaba kumwvanana mung'anda, eeyo ng'anda tikonzyi kwii mikila. 26 Alimwi na Satani walikazy elyo kanzeene, takonzyi kwii mikila; nkokuti mamanino aakwe asika. 27 Pesi taakwe mutu ukonzya kunjila mung'anda yamwaalumi singuzu kuti abbe lubono lwakwe, atatanguna kumuzunda akumwaanga ooyo mwaalumi singuzu. Awo mpanga ulakonzya kubba lubono mung'anda eeyo. 28 Ndamwaambila kasimpe, zyoonse zibi akusampawula kwabantu kulalekelelwa, 29 pesi kufumbwa mutu usampawula Muuya Uusalala takonzyi kulekelelwa; ulaamulandu wachibi chitamani. " 30 Jesu wakabaambila eezi, nkaambo bakalikwaamba kuti, "Ulaa muuya mubi." 31 Mpawo banyina abakwabo bakasika. Kabayimvwi aanze, bakatuma umwi kuti amwiite. 32 Bantu bayingi bakalikkede kabamubunganide, alimwi bakamwaambila kuti, "Banyoko abanike bako balaanje baliikukulanguula." 33 Wakabasandula wati, "Baama abakwesu mbaani? " 34 Lino wakalanga aabo bakakkede kabamuzyungulukide wati, "Bakwesu abaama mbaaba! 35 Kufumbwa uuchita kuyanda kwaLeza nguumukwesu wangu abaama."

4

1 Alimwi Jesu wakatalika kuyiisya kali kumbali aalwizi. Inkamu yabantu bakamuzyungulukide yakali mpatic loko zyakuti wakanjila mubwaato, kuchitila kuti akonzye kusosolokela mumaanzi akukkala, bantu boonse bakalitobezezye lwizi kunkomwe. 2 Mpawo wakabaiisya zintu zyiingi ka-belesya zikozyanio, alimwi mukuiiysa kwakwe wakati, 3 "Amuswiilizye, mulimi wakaya kukumiza mbuto yakwe. 4 Awo naakali kumiza mbuto, imwi yakawida munzila, mpawo tuyuni twakasika twiilya. 5 Imwi yakawida amwaala, aatakwe muse mwiingi. Yakamena kufwambaana, nkaambo muse wakali muche. 6 Pesi zuba nilyakabala yakapy, mpawo yakayuma nkaambo kamiyanda yakatabbide. 7 Imwi mbuto yakawida mumaamvwa, maamvwa akakomena asyanikizya matu aayo, aboobo teeyakonzya kuzyala. 8 Imwi mbuto yakawida mumuse uvubide. Yakamena, akukomena mane yazyala michelo, imwi makkumi otatwe, imwi makkumi musanu alimwi, imwi mwaanda. " 9 Lino wakati, "Ooyo ulaamatwi aakumvwa, ngamvwe." 10 Lino Jesu naakaba alike, mbakali aabo antoomwe abasikwiya bakwe balikkumi ababili bakamubuzya aatala azikozyanisyo eezyo. 11 Wakabaambila wati, "Insiswa ya bwami

bwa Leza ilipedwe kuli ndinywe. Pesi kuli bamwi biyo bali kunze, zyoonse zyaambwa muzikozyanisyo,¹² kuchitila kuti, lyoonse kababona pesi kabatabonesesy, alimwi kabamvwa lyoonse, pesi kabatamvwisisisy; kansinga balikumvwa balikunosanduka kabalekelelwa zibi zyabo.”¹³ Lino wakati kuli mbabo, “Ani sena tamulokumvwisisisy na chikozyanisy eechi? Na kakuli booboo nga kulakonzeka biyeni kuti mumvwisisisy zimwi zikozyanisy?”¹⁴ Mulimi uumiza mbuto nguwe uumiza jwi.¹⁵ Bamwi bantu bali mbuli nzila, aawo mpulimizidwe jwi. Mpawo mbubalimvwa biyo, Satani wasika wabweza jwi lyali lyamizwa muli mbabo.¹⁶ Bamwi, mbuli muse ulaamwaala mpuyakamizwa mbuto, balalimvwa jwi, mpawo, akufwambaana balalitambula chakubotelwa.¹⁷ Pesi nkaambo tabajisi miyanda ibbide, balajata kwachiindi chiniini biyo. Nikwasika mapenzi nikuba kusyonsegwa nkaambo kajwi, balafwambaana kuwa.¹⁸ Alubo bamwi, mbuli muse ulaamaamvwa muyakamizwa mbuto, balalimvwa jwi,¹⁹ pesi masukusyo aanyika, kweenwa aabuvubi aziyandisyo zyazimwi zintu zyabuyo zilasika zyasyanikizya jwi, zyachita kuti litabi aamichelo.²⁰ Bamwi, mbuli muse uuvvubide muyakabyalwa mbuto, balalimvwa jwi, balitambula, akuzyala michelo imwi makkumi otatwe, imwi makkumi musanu alimwi, imwi kusika mwaanda.”²¹ Jesu wakati kuli mbabo, “Sena nga mweeta lambi kuti mulitibbike alusuwo, na kilibika muchinkuma chabulo? Ani nga tamulibiki atala aachibikilo chalyo na?²² Nkaambo zintu zyoonse zisisidwe ziyooyubununwa, alimwi choonse chitibbkidwe chiyotibbulwa.²³ Kufumbwa ulamatwi akumvwa ngamvwe.”²⁴ Wakaya kunembo akubaambilka kuti, “Amuchenje loko nzimumvwa. Cheelesyo nchimubelesya anywebo moyoyelesegwa anchicho, nikuba kwindilila kulindinywe.²⁵ Nkaambo kufumbwa uujisi uyoopegw zyiingi. Ooyo uutajisi, niziba nzyalaazyo uyoonyanzigwa.”²⁶ Alimwi wakati, “Mbobubede oobu bwami bwa Leza mbuli muntu uumiza mbuto aansi.²⁷ Mpawo uloona mansiku akubuka nibwacha, pesi mbuto ilamena akukomena, nikuba kuti tazi mbozichitika.²⁸ Muse awulike: ulamezya nseke zyamayila kusaanguna munsonga, kakutobelaa miyungi, mane miyungi yatuba.²⁹ Mayila mbaatuba biyo, ulabelesya chakunenzy, nkaambo chiindi chakutebula chasika.”³⁰ Alimwi wakati, “Sena niinzi nchitujinga tulachikozyanisy abwami bwa Leza, nakuti tubelesye chikozyanisyoonzi kubupandulula?³¹ Buli mbuuli mbuto itegwa musitada, ni mbuto ndiini loko njobbyala aansi.³² Pesi niyabyalwa, ilakomena kwiinda zilimwa zyoonse zyamumuunda, kilaamitabi mipati izyakuti tuyuni tulakonzya kukala mumweenzule wayo.”³³ Jesu wakabaambilka jwi kabelesya zikozyanisy zyiingi mbuuli mbubalikumvwa,³⁴ mpawo taakwe nchaakabaambilka pe katabelesezye chikozyanisy. Pesi nakaba alike abasikwiya bakwe, wakapandulula zyoonse.³⁵ Oobo buzuba, nilyakaba goko, wakati kuli mbabo, “Atuzubuke tuye mutala.”³⁶ Bakasiya makamu makamuaabantu musule, bakamutobelaa, mubwaato mwakabede Jesu. Amwi maato akaliwo aalawo akamutobelaa.³⁷ M bubakendeenda biyo kwakawunga guwo pati, alimwi mayuwe akalikukupila maanzi mubwaato, mane bwaato bwakasizule.³⁸ Jesu wakalilede kasegede musego, kusule mubwaato. Basikwiya bakamibusya alimwi bakati kuli nguwe, “Omuyiisi, sena tokwe nolikataazya nikuba kuti twaamba kufwa?”³⁹ Wakabuka, wakalayilila guwo, alimwi wakati kumayuwe, “Umuna! Batama!”⁴⁰ Mpawo guwo lyakuumuna, mayuwe akayosa, kuumuna

kuti zii! ⁴⁰ Wakati kuli basikwiya bakwe, "Nkamboonzi nimuyooowa boobu? Sena ambuli sunu tamunaba lusyomo na? " ⁴¹ Bakayoowa loko alimwi bakabuzyania bat, "Ani ngwani ooyu, nkaambo guwo amayuwe zilamumvwa akumuswiilila?"

5

¹ Bakazubuka lwizi bayo kuchisi cha Jelasenesi. ² Mpawaawo Jesu nakazwa mubwaato, mwaalumi wakanjidwe muuya mubi kazwa kuzibunda wakaza kuli nguwe. ³ Ooyu mwaalumi wakali kukkala kumawumbwe, alimwi katakwe naba umwi wakachili kukonzya kumwaanga, nikuba kuti wabelesya nsimbi. ⁴ Nkaambo chiindi chiingi wakanoonga waangwa nsimbi kumaboko akumawulu, pesi wakanoonga wazipasuula akutyola zyoonse nzyakanoonga waangwa aazyo. Takwe naba umwi wakali anguzu zyakumuzunda ⁵ Chiindi choonse sikati amansiku wakali kukwilla kumawumbwe amuzilundu akulichubbulula amabwe. ⁶ Lino naakabona Jesu kulekule, wakachijaana wakuwa bufugeme munsi lyamawulu aakwe, kunembo lyakwe. ⁷ Wakoompolola ajwi pati wati, "Uyaandanzi kulindime Jesu, Mwana wa Leza Mupati Kampatila? Ndakumbila muzina lya Leza kuti utandipenzyi pe!" ⁸ Nkaambo Jesu wakali wati kuli nguwe, "Zwaa mumwaalumi oyu iwe nomuuya mubi!" ⁹ Lino Jesu wakabuzya kuti, "Nduweni izina lyako? " Wakasandula wati, "Izina lyangu ndime Ligiyoni, nkaambo tulibaiyingi." ¹⁰ Wakakombelezya Jesu kuti atabatandi pe kuzwa mubusena oobo. ¹¹ Kwakali butanga bupati bwangulube bwakali kuchela aakalunu kali afwiifwi, ¹² myuuya mibi yakakombelezya Jesu yati, "Tutandile mungulube; utuzumizye kuti tunjile mulinzizyo. " ¹³ Wakayizumizya, elyo myuuya mibi yakazwa yaakunjila mungulube. Mweelwe uli zyuulu zibili wabutanga bwa ngulube zyakagwilima kujenga zyaaliwalila mulwizi zyanikila ¹⁴ Aabo bakali kweembela ngulube bakachijanina kuyowaamba kudolopo amumuunzi, lino bantu bakayinka kuyobona chakali chachitika. ¹⁵ Lino nibakasika kuli Jesu, bakamubona mwaalumi wakanjidwe ligiyoni wamyuuya mibi. Wakalikkede, kasamide, amizeeo yakwe yakali yaba kabotu. Eelyo bakayoowa. ¹⁶ Abo bakazibona bakaambila bantu azyakachitika kuli ooyu mwaalumi wakanjidwe muuya mubi, bakapandulula azyakachitika kungulube. ¹⁷ Mpawo bantu bakatanguna kumukombelezya Jesu kuti azwe muchisi chabo. ¹⁸ Lino Jesu nakaanjila mubwaato, mwaalumi wakanjidwe muuya mubi wakamukumbila kuti beende amwi. ¹⁹ Jesu wakamukakila, pesi wakati, "Kuya kumuunzi kuli bakulindinywe ukabaambile Mwami nzyakuchitila, ambaakufwida luzyalo. " ²⁰ Eelyo mwaalumi ooyu wakeenda wakwaambila baku Dekkapolisi nzyakamuchitila Jesu. Mpawo bantu boonse bakagamba. ²¹ Lino Jesu naakazubuka lubo abwaato kuya mutala alwizi, bantu bayingi bakamubunganina kali kunkomwe yalwizi. ²² Lino umwi mweendelezi wachikombelo utegwa Jayilos, wakaya nkukooko. Naakabona Jesu, wakawida kumawulu aakwe. ²³ Mpawo wakamukombelezya chamoyo woonse wati, "Mwanaangu musimbi waamba kufwa, wenche kuza umubike maboko, ulasilikwa apone. " Lino Jesu wakeenda awe. ²⁴ Bantu bayiingi bakamutobelaa bamubunganina bamubika aakati. ²⁵ Mpawo awo kwakali mwanakazi wakali kuchiswa kalobola kwaminyaka ilikkumi ayibili. ²⁶ Wakafwaba kapati loko mukusilikwa abasilisi bayingi, alubo wakamana lubono lwake loonse. Nikuba boobo taakwe nakapona pe,

bulwazi bwakayindilila. ²⁷ Kali wamvwa impuwo zya Jesu, wakasika wanjila munkamu kusule lyu Jesu wajata chisamo chakwe. ²⁸ Nkaambo wakayeeya kuti, "Kufumbwa ndaguma chisamo chakwe ndilaponia." ²⁹ Mpawo awo bulowa bwakagama, alimwi wakamvwa mumubili wakwe kuti wapona bulwazi bwakwe. ³⁰ Mpawo awo Jesu wakamvwa kuti nguzu zyamana mumubil wakwe. Wakachebukila musule wabuzya wati, "ani ngwani waguma chisamo changu?" ³¹ Basikwiyi bakwe bakasandula bati, nga ulabuzu biyeni kuti, "ngwani wandiguma?" Kubwene bantu bayiingi balikubunganidile bakubikkide akati. ³² Pesi Jesu wakachiliswini kalanguula oyo wakamuguma. ³³ Lino mwanakazi olya mbwakalizi zyoonse zyakachitika alinguwe, wakaza kuli Jesu wawa kumawulu akwe, kazazama mukuyoowa, wamwaambila choonzyo chakachitika. ³⁴ Lino wakamwaambila kuti, "Mwanaangu lusyomo lwako lwakuponia. Kuya muluumuno, waangunuke kuzwa mumafwabi ako." ³⁵ Lino Jesu kachaambula, kwakasika bamwi bantu bakazwa kung'anda yaJayilos Muzulwidi wambungano bati, "uchimukatazizaanzu Muiisi," teemwanaako musimbi wafwa kale?." ³⁶ Jesu tatambwide pe eziyakali kwaambuulwa, wakaambila Jayilos kuti, "Syoma utayoowi pe." ³⁷ Wakeenda aPita, Jemusi ajoni mukulana wajemusi, tewakazu-mizya bantu bayiingi pe. ³⁸ Lino nibakasika kung'anda yamweendelezi wachikombelo, Jesu wakabona kunyongana, akuchundaana kwabantu balila akomooka kupati. ³⁹ Mpawo wakanjila mukati wabaambil kuti, "Nkaambonzi nimunyongana akoomoka, Mwana tafwide pe uledebiyo?" ⁴⁰ Mpawo bakamuseka. Lino naakamana kubatandila anze boonse, wakabweza wisi amusimbi abanyina abasikwiya mbakali abo, wanjila omo mwakali mwana. ⁴¹ Wakahajata luboko lwamusimbi wamwaambila kuti, "Talita kkumi!" (chaamba kuti, kasimbi buka!) ⁴² Mpawo awo musimbi wakanyampuka, weendeenda (wakali aminyaka ilikkumi ayibili). Alizeezi, bantu bakagambwa loko. ⁴³ Wakabaambila malayilile mayumu akuti bataambil muntu atala azyakachitika, mpawo wakati amumupe chakulya.

6

¹ Wakazwa awo mpawo waya ku chisi chakulimbabo, mpawo basikwiya bakwe bakamutobela. ² Lino buzuba bwa Sabata nibwakasika, wakatalika kuyiisyu muchikombelo. Bantu bayiingi bakamumvwa kaiiisyu bakagamba. Bakabuzya kuti, "Ooyu mwaalumi wakazijana kuli njiisyo eez? i" "Mbusongoonzi mbwapedwe?" "Maleele alibuti aaya ngachita amaanza aakwe?" ³ "Ooyu teensi nguwena mubezi mwana wa Meli? Mwana wakwabo wajemusi, Josefa, Judasi aSayimoni? Bachizi bakwe teensi mbabo aaba mbitulabo na? Mpawo bakamubijilwa Jesu. ⁴ Jesu wakati kulimbabo, "Musinsimi tajani bulemu pe, kunze kwamuchisi, amung'anda mwazyalwa aakati kabasinzubo zyakwe." ⁵ Tewakakonzya pe kuchita malele, kunze kwakukumbila biyo bachiswa akubabikka maboko akubasilika. ⁶ Alimwi kutasyoma kwabo kwakamugambya. Wakeendeenda mugunzi eelyo kayabuyiisyu. ⁷ Mpawo wakayita bali kkumi ababili wabatumba babilo babili akubapa nguzu zyakuzunda myuuuya mibi, ⁸ mpawo wakabaambil kuti tababwezi chintu mulweendo lwabo kunze, chakulya niiba nkomee niiba mali mumikumba yanu kunze amufunko, ⁹ pesi basame

nsangu pesi batabwezi zisamo zimbi. ¹⁰ Mpawo wakati kuibabo, "Nimuyoonjila mumunzi mukkale mumo omo lumwi do mukazwe mugunzi eelyo. ¹¹ Na kulibusena nkubakaka kumutambula nikuba kumuswiiizya, nimuyozwa mubusena oobo, mukasansamune lusuko kumawulu anu bukabe bukamboni atala lyambabo." ¹² Bakazwa baya kukukambawuka kuti bantu basanduke. ¹³ Bakaanda myuuya mibi miingi mpawo bakananika bachiwsa bayiingi amafuta alimwi bakapona. ¹⁴ Mwami Helodi wakazimvwa eezi, nkaambo zina lya Mwami Jesu lyakali lyazibikana loko. Bamwi bakati, "Amwi ngu Joni Mubbabbatizyi wabusigwa kuzwa kubafu, nkikaako nguzu zyamalele nzizilikubeleka mulinguwe. " ¹⁵ Bamwi bakati, "Ngu Elayija". Alimwi bamwi bakati, "Musinsimi, nguumwi wabasinsimi bachiindi." ¹⁶ Pesi Helodi naakamvwa obu wakati, "Joni mwaalumi oolya ngundakadunsula mutwe wakabusigwa kuzwa kubafu. " ¹⁷ Nkaambo Helodi lwake ngwakali wapa nguzu kuti Joni aangwe, alimwi wakaangwa akubikwa muntolongo nkaambo ka Helodiyasi (muka Filipi mwanana wakwabo) ngwakali wakwata. ¹⁸ Nkaambo Joni wakanooanga waambila Helodi kuti, "Tachili chibotu kuti ukwate mukayintu wamwana wakwenu. " ¹⁹ Lino Helodiyasi wakalijisi mfwindilili yakuyanda kujeya Joni, pesi tewakakonzya pe, ²⁰ nkaambo Helodi wakali kumuyoowa Joni; wakalimwizi kuti muntu ululeme kali musalali, aboobo wakali kumutabilila, kumuswiliila kwakalikumunyongania loko, pesi wakalikumuvwa chiindi choonse kawangunukide. ²¹ Lino mweenya wakaba awo Helodi naakachita pobwe lyakuzyalwa kwakwe mpawo wakachita pobwe pati kachitila bapati abasilumamba bakwe, abeendelezi bapati bamu Galili. ²² Mpawo mwana musimbi waHelodiyasi nakasika wazyana, zyakabotezya Helodi abeenzu bakatambidwe kupobwe. Lino Mwami wakati kumusimbi, "Ndikumbile kufumbwa nchuyanda, ndilakupa." ²³ Mpawo wakamusyomezya achikonke wati, "Kufumbwa nchuyokumbila nichiba chipanzi cha bwami bwangu, ndilakupa. " ²⁴ Wakazwa waya kuli banyina wakwaamba kuti, "Ngandilakumbilaanz? " Banyina bakati, "Mutwe wa Joni Mubbabbatizyi" ²⁵ Mpawo awo wakanjila akufwabaana kuMwami achikumbilo chakwe wakwaamba wati: "Ndiyanda kuti lino, undipe mutwe waJoni Mubbabbatizya mukasuwo. " ²⁶ Nikuba kuti eechi chakamuchisa loko mwami, pesi nkaambo kachikonke achikumbizyo, antoomwe abeenzu bakwe taakayanda kumukakila pe. ²⁷ Mpawo wakafwambaana kutuma silumamba kuti akeete mutwe waJoni. Lino wakeenda wakudunsula mutwe waJoni muntolongo, ²⁸ mpawo wawuleta mukasuwo wamupa musimbi oyo, mpawo musimbi, wakatola kuli banyina. ²⁹ Nibakamvwa oobo, basikwiyya bajoni bakaza kuzobweza mutumba akuubaamba muchibunda. ³⁰ Mmpawo baTumwa, bakamubunganina Jesu, bamwaambila zyoonse nzibakachita akuyiisya. ³¹ Lino nkaambo kakuti bantu bayiingi bakalikuza kabeenda kabatakwе nibajana chiindi chakuti balye, wakati kulimbabo, "Muzide okuno kusitikide mulyookezye. " ³² Bakeenda muli chabochabo mubwaato bazubuka baya kutakwe bantu pe. ³³ Lino bamwi bakababona nibakazubuka bakabaziba mpawo bakeenda amawulu kuzwa mumyuunzi yoонсе bakubatangunina kusika. ³⁴ Lino nibakasika kuchito Jesu wakabona makamu makamu abantu, wakabafwida luzyalo, nkaambo bakali mbuli mbelele zitakwe mweembeli. Mpawo wakatanguna kubaiiisya zintu zyiingi. ³⁵ Lino muchiindi eechi lyakali lyaba goko, basikwiyya bakwe bakaza kuli nguwe bakati,

"Okuno nkubusena butakwe chintu, alubo chiindi chamana. ³⁶ Baande bantu aba baye mumyuunzi izyungulukide munyika oomu bakalyulile chakulya." ³⁷ Pesi wakabasandula wati, "Mubape chakulya ndinywe. " Bakati kuli nguwe, "Nga tulayinka na tukawule mikamu yachinkwa yiita myaanda yobile yama denari kuti tubape balye?" ³⁸ Wakababuuya wati, "Mujisi zinkwa zingane? Mwiinke mukalange. " Nibakalanguula bakati, "Tujisi zinkwa zili musanu abaswi babili." ³⁹ Wakabalayilila kuti baambile bantu boonse kuti bakkale muzibunga zibunga abwizu butete. ⁴⁰ Mpawo bakakkala ansi muzibunga; muzibunga zyamaanda azya makumi musanu. ⁴¹ Wakabweza zinkwa zili musanu abaswi babili, mpawo wakalanga kujulu, wakapa kulumba elyo wakakwamuna zinkwa mpawo wazipa kuli baikwiiya kuti bape bantu. wakakwamuna baswi babili mpawo wabapa boonse. ⁴² Bakalya boonse bakkuta. ⁴³ Bakabwezelela bufwefwelenga bwazinkwa, abaswi bwakachala bazuza zisuwo zili kkumi azibili. ⁴⁴ Imweelwe wabaluumi bakalya wakali kusika kuzyulu zili musanu. ⁴⁵ Mpawaawo wakaambilia basikwiiya bakwe kuti banjile mubwaato bazulule baye mutala, ku Betisayida, wakaambilia bantu kuti bamwayike. ⁴⁶ Nibakeenda, wakaya kuchilundu kuti akakombe. ⁴⁷ Lino niliyakaba goko, bwaato bwakali akati kalwizi, we wakachaala alikke kunze. ⁴⁸ Wakabona kuti kuti balokuzundaana aluuwo, nkaambo luuwo lwakabalwanisy. Achiindi chamansiku wakeenda atala ameenda, kaya kuli mbabo. Wakali wamba kubayinda kumbali. ⁴⁹ Pesi nibakamubona keenda atala alwizi, bakayeeeyanga ncheelo, bakoomba, ⁵⁰ nkaambo boonse nibakamubona bakayoowa. Mpawo awo wakabaambuuya wati, "Mujate moyo! Ndime. Mutayoowipe!" ⁵¹ Elyo wakatanta mubwaato ambabo, mpawo luuwo lwakamana. Bakagambwa loko, ⁵² mbokunga tebakamvvisisisya pe atala azinkwa; myoyo yabo yakayumisigwa. ⁵³ Lino nibakazubukila mutala, bakasika ku Jenesaleti bakaanga bwaato kunkomwe yalwizi. ⁵⁴ Kabachizwa biyo mubwaato bantu batalika kumuziba Jesu. ⁵⁵ Bakachijaana chisi choonse alimwi bakabweza bachiswa amalo akubatola oko kufumbwa nkubakamvwa kuti nkwapede. ⁵⁶ Lino kufumbwa kumyuunzi nkwapaya, kumadolopo naanka kumabazu anyika bakalikubikka bachiswa muzisambalilo. Bakamukumbila kuti bajate chisamo chakwe, abaabo bakajata bakaponesegwa.

7

¹ BaFalisi abamwi bayiisyi bamulawu bakali bazwa ku Jelusalema baka-mubunganina ² Mpawo bakabona bamwi basikwiiya bakwe kabanikulya chakulya amaboko "atasalali," nkukuti, atasambide. ³ (BaFalisi abajuda boonse tabalyi chakulya kabatasambide maboko pe mbuli kuchiyanza chabo, nkaambo bajisi mbuli tunsiyasiya twabapati. ⁴ Nibazwa kuzisambalilo ba Falisi tabalyi pe kabatasambide. Balalondola atumwi tunsiyan-siya twiingi, tuli mbuli kusanza nkomechi, nongo zyameenda azilongo nzikbalida.) ⁵ Lino baFalisi abayiisyi bamulawu bakabuuya Jesu bat, "Nkaamboonzi basikwiiya bako nibatalondoli tunsiyansiya twabapati, balalya kabatasambide?" ⁶ Wakabasandula wati, "Isaya wakasinsima kabotu aatala andinywe nibasikuupawupa; mbuli mbaakalemba kuti: 'Aba bantu bandilemeka amilomo yabo, pesi myoyo yabo ilikule andime. ⁷ Nkombyo zyabo tazikwe nchizyaamba, bayiisyia milawu yabantu aziyanza zyabo.' ⁸ Mwakalekezya milawu yaLeza, mpawo mwajatisya ziyanza zyabantu. " ⁹ Mpawo wakabaambilia wati, "Mujisi nzila inembene yakusunzulusya

mulawu waLeza akuubikka kumbali kuti mulondole kabotu tunsiyansiya twanu! ¹⁰ Mozesi wakati, 'Lemeka wuso abanyoko,' akuti 'kufumbwa muntu utukila wisi abayina, weelete kujeegwa.' ¹¹ Pesi nywe mulati, 'Na muntu waamba kuli wisi abayina, kuti "Kufumbwa zilibiyeni nzimwakagwasigwa kulindime ngu 'Kkobbani' (nkukuti, 'Nchilumbyo cha Leza') - ¹² elyo tamumuzumizyi kuti achitile wisi abayina chimwi chintu. ¹³ Mularobya ijwi lya Leza nkaambo katunsiyansiya twanu ntumwakabamba. Alimwi mulachita zintu zyiingi zili mbuli eezyo." ¹⁴ Mpawo Jesu wakayita makamumakamu abantu wati kulimbabo, "Amundiswilizye, moonse, mumvvisisisye. ¹⁵ Takwe chili kunze amuntu chikonzya kumuninaania kuti chanjila mulinguwe. Chininaania muntu ncheecho chizwa mukati mumoyo wamuntu nchimuninaania." ¹⁶ ¹⁷ Jesu kali wasiya makamumakamuaabantu akunjila mung'anda, basikwiiya bakwe bakamubuzya atala achikozyano eechi. ¹⁸ Jesu wakati, "Tamunaaba akumvvisisisya pe?" Tamubwene na kuti taakwe chinjila mumuntu chili kunze kwamuntu chinga chilamuninaania chanjila mukati mulinguwe, mbukunga ¹⁹ tachinjili mumoyo wakwe pesi muubula biyo mpawo chazwa kunze." Mukwaamba oobu Jesu wakasalazyza zyakulya zyoonse. ²⁰ Wakati, "Chizwa mumuntu nchichita kuti aninaane. ²¹ Nkaambo mukati ka myoyo ya bantu, muzwa mizeeo mibi, buyangwe, kubba, bujaiy, ²² bwamu, bwaanka, luuni, lweeno, cheendwe, ibbivwe, kusinga, kulipunayizya abufubafuba. ²³ Zibi eezi zyoonse zizwa mumoyo nzizininaania muntu." ²⁴ Wakanyampuka aabusena oobo akuya kuchlikiti cha chaTaya a Sidon. Wakanjila mung'anda alimwi tewakayanda kuti azibinkane kuti mpali amuntu naba omwe, nekuba boobo wakakachilwa kuyuba kuti bantu batamuboni. ²⁵ Mpawaawo umwi mwanakazi wakali amwana wakanjidwe muuya mubi, mbakamvwa biyo aatala aJesu wakaza wawida kumawulu aakwe. ²⁶ Mwanakazi oyu wakali wamusyobo waba Gilikki wakazyalilwa kuSiliya Fonisiya. Wakakumbila Jesu kuti atande muuya mubi uzwe mumwana wakwe. ²⁷ Wakamwaambila wati, "Weelete kulekela bana kuti balye saansi. Nkaambo tachili kabotupe kubweza chakulya chabana mpawo usowele bankala." ²⁸ Pesi wakamuvviila wati, "Iyi, Mwami, nekubaboo alabo bankala balabwezelela bumbulbulu bulosya bana munsi lyatafula." ²⁹ Mpawo wakamwaambila kuti, "Mbwasandula obo, enda bïyo, muuya mubi wazwa kale mumwana wako." ³⁰ Mpawo wakajoka kung'anda wajana mwana uliled abulo, muuya mubi kali wazwa kale. ³¹ Lino Jesu wakazwa kubusena bwaTaya wakeenda wayinda muSidoni, katozya kulwizi lwaGalili mpawo wanjila muchilikiti chaDekkapoli. ³² Ooku, bamwi bantu bakamweetela mwaalumi musinkematwi kali sichilimilimi, mpawo bakamukumbila kuti amubikke luboko lwakwe amuponisy. ³³ Wakamubweza wakamugwisya mabantu biingi wamutola kumbali, wakamunjizya minwe mumatwi. naakaswida wamudompa alulimi. ³⁴ Mpawo wakalungumana walanga kujulu, woompomoka wati kulinguwe, "Efata," nkukwaamba kuti, "Sinkuka!" ³⁵ Nizyakachitwa eezi mwaalumi oolya akasinkuka matwi aakwe, lulimi lwakwe lwakaangunuka mpawo watanguna kwaambuula kabotu. ³⁶ Wakabalayilila kuti bataambili bantu. Pesi nakanoonga wabalayilila oobu, bantu nibakayindilila loko kwaambuula azyakachitika. ³⁷ Bantu bakazula kugamba kabaamba kuti, "Uchita kabotu loko muzintu zyoonse ulaponia basinkematwi abasichilimilimi."

8

¹ Kumazuba ayo, kwakaba alubo bantu bayingi loko, alimwi kabatajisi nekuba chakulya. Jesu wakayita basikwiya bakwe mpawo wakati kulimbabo, ² "Ndamvwa lweetelelo amakan nkaambo bakendelela kunembo kabali ambebo kale kwamazuba otatwe alimwi kabatakwe nchebakalya. ³ Na ndabambilila kuti kabaya kumyuunzi yabo katakwe nchebalya, bayoowizuka munzila. Bamwi babo bazwa musinzo mulamfu". ⁴ Basikwiya bakwe bakamusandula, "Nkukuli nkotuyojana chinkwa chizulide mubusena buyuminide buyokkutya bantu aba?" ⁵ Wakababuzya, "Mujisi zinkwa zyongane?" Bakamba kuti, "Musunu azibili". ⁶ Wakalayilila makamu kuti akkale ansi. Wakabweza zinkwa musanu azibili, wakapa kulumba alimwi wakazikwamuna. Wakapa basikwiya bakwe kuti babikke kunembo lyabo, alimwi bakabikka kunembo lyamakamu. ⁷ Aboobo bakala answi ziche, nakamana kupa kulumbila mbabo, wakalayilila basikwiya kuti baabe azezi lubo. ⁸ Bakalya pele bakakkuta, pele bakabwezazelela bufwefwelenga bwakachala, insuwo mpati zilimusunu azibili. ⁹ Kwakachibe zyuulu zyonee zyabantu. ¹⁰ Mpawo wakabatuma kuti beende. Nibakamana bakanjila mubwaato abasikwiya bakwe, alimwi bakaya kuchisi chaku Dayimanuta. ¹¹ Mpawo baFalisi bakasika anze kumukanza. Bakakumbila zitondezyo zyakujulu, kuti bamusunke. ¹² Wakagamba kapati wayoyela mukati wamba wati, "Nkambonzi izyalane eli niliyandula zitondezyo? Nchobeni ndamwambila kuti, takwe chitondezyo nchiyopegwa kuzyalane eli". ¹³ Mpawo wakabasiya, wabweeda mubwaato lubo, akwiinka kulubazu lumbi. ¹⁴ Lino basikwiya bakaluba kubweza chinkwa beni. Tebakachilikwe chinkwa nikuba chomwe mubwaato. ¹⁵ Wakabalayilila wakati, "Mube akulangila alimwi muchenjele kubumena bwama Falisi akubumena bwa Heloda". ¹⁶ Basikwiya bakabonisyana umwi awumwi, "Nkambo kakuti tatukwe chinkwa". ¹⁷ Jesu wakaziziba ezi, wakati kuli mbabo, "Nkambonzi nimulikubonisyana akubula chinkwa? Sa tamuna kubona? Sa tamuna kumvwisya? Sa myoyo yanu ichilimiyyum? ¹⁸ Mula ameso, tamuboni na? Mulamatwi, tamumvwi na? Sa tamuyeyi? ¹⁹ Nindaka kwamuna zinkwa zilimusunu mumwelwe wamusunu wazyuulu, nzingane nsuwo zyakazwide zyabufwefwelenga bwazinkwa nzimwakabwezelela? Bakati kulinguwe, "Ikkumi azibili. ²⁰ "Nindakawamuna zinkwa zilimusunu azibili mumwele wazyuulu zine, nzingane nsuwo zyabufwefwelenga bwazinkwa nzemwakabweza?" Bakati kulinguwe, "Musunu azibili". ²¹ Wakati, "Sa tamunakumvwisya na?" ²² Bakasika kuBetisayida. Bantu bankuko bakamwetela umwi mwalumi mofu alimwi bakakumbila Jesu kuti amugume. ²³ Jesu wakajata mwalumi mofu ajanza, akumutola kumbali agunzi. Nakasikaswida aansi wakanda bulongo wakamunanika kumeso akwe akumubikka janza lyakwe, wakamubuzya, "Kuli nchwabona na?" ²⁴ Wakalanga kujulu wakati, Ndabona balumi balangika anga minsamu ilokweenda. ²⁵ Alimwi wakabikka lubo maanza atala ameso akwe, aboobo mwalumi wakabona, meso akwe akabweda, akubona zintu zyoonse chaantanganana. ²⁶ Jesu wakamutuma wakati koya kumunzi wanu, "Utakunjili mudolopo". ²⁷ Jesu wakiinka abasikwiya bakwe mugunzi lyaKayisala Filipo. Kabachili munzila wakabuzya basikwiya bakwe, "Bantu bandamba kuti ndimeni?" ²⁸ Bakamusandula bakati, "Joni muBibizyi. Bamwi baamba kuti Eliya, abamwi, nduwe umwi wabasinsimi". ²⁹ Wakababuzya, "Pele nywebo mundamba kuti ndimeni?"

Pita wakati kulinguwe, "Nduwe Kilisito" ³⁰ Jesu wakabachenjezya kuti batambilii nikuba umwi atala anguwe. ³¹ Wakasanguna kubaiiisa atala akuti Mwana Muntu uyofwabisigwa muzintu zyingi, alimwi uyokukakwa abapati akuba payizi bami akubalembi, akuyojayigwa, pele mumazuba atatu uyobuka. ³² Wakamba makani aya chaantanganana. Mpawo Pita wakamutola kumbali akumukalalila ³³ Pele Jesu wakachebuka akulanga basikwiyya bakwe mpawo wakakalalila Pita wakati, "Kozwa kusule lyangu, Satani! Tubikkide miyeyo yako kuzintu zya-Leza, pele kuzintu zyabantu". ³⁴ Mpawo wakayita makamu abasikwiyya antoomwe, wakabambila kuti, "Na kulumwi uyanda kunditobela welede kulitakata lwakwe mwini, abweze chingano chakwe, akunditobela ³⁵ Kufumbwa uyanda kufutula buumi bwakwe uyobuswekelwa, ayoyo usweekelwa bumi bwakwe akuyanda kwangu akujwi lyangu uyobujana. ³⁶ Nimpindunzi njajana muntu kukuvuba nyika yoonse alimwi akuyoswekelwa buumi bwakwe? ³⁷ Nchili muntu nchakonzya kupa kwinda buumi bwakwe? ³⁸ Kufumbwa ufwa nsoni akaambo kangu amajwi angu muchibaka chamamambe achibi chazyalane, Mwana aMuntu uyowusigwa nsoni anguwe nakusika mubulemu bwaWisi antoomwe abangelo basalala".

9

¹ Wakati kulimbabo, "Nchobeni ndati kuli ndinywe, mpubali bamwi banu bayimvwi awa katakoyofwa banjila kabatana bona Bwami bwaku-julu bwa-Leza busika kabuli anguzu. ² Nikwakayinda mazuba alimus-anu alimwi, Jesu wakabweza Pita, Jemusi ajoni wakeenda ambabo atala amulundu, lwakwe ambabo. Mpo wakasanduka kunembo lyabo. ³ Zyakusama zyakwe zyakangayima, zyakatubisisya kwiindilila loko kutuba kwiinda chintu chitubisisya munyika chinga chilakonzya kupenda chimwi. ⁴ Mpawo Elayija kali aMozesi wakalibonya kulimbabo alimwi wakalikwambula a Jesu. ⁵ Pita wakasandula akwamba kuti kuli Jesu, "Muyiisi, nchibotu kuba ano toonse, atuyake zilawu zyotatwe, chimwi chibe chako, chimwi chibe chaMozesi alimwi chimwi chibe cha Eliya". ⁶ (Takalizi zyakwamba, nkambo wakali yowede.) ⁷ Ijoba lyakasika akubavumba. Mpawo ijwi lyakazwa mujoba, "Ooyu ngomwana wangu ngundiyandisya. Amumuswiliile". ⁸ Aboobo, nibakalanga kumbali, bakabona kakutachikwe muntu akati kabo pesi Jesu alikke. ⁹ Nibakalikuya buseluka kuzwa achilundu, wakabalayilila kuti tabelede kubuzya kufumbwa omwe nzibakabona kusikila Mwana aMuntu akabuke kuzwa kubafu. ¹⁰ Mpo bakabamba twaambo twabo beni, pesi bakazuwisyana lwabo beni ninzi "Kubuka kuzwa kubafu" zyambaayi. ¹¹ Bakamubuzya, "Nkambonzi balembi nibakati Eliya nguyeledé katalika kusika?" ¹² Wakati kulimbabo, "Eliya ulelede katalika kusika kuzobambulula zintu zyoonse. Lino nkaambonzi nikulembedwe kuti Mwana waMuntu nelede kufwabisigwa kuzintu zyiingi akunyonganisigwa? ¹³ Pesi ndamwambila kuti Eliya wasika, bakachita kufumbwa nzibayanda kuchita alinguwe mbuli mbukulembedwe atala anguwe". ¹⁴ Mpawo nibakasika kuli basikwiyya, bakabona makamu abantu kabazyungulikide. ¹⁵ Mpo balembi bakali kukazyanya ambabo. Lino nibakabona Jesu, makamu woonse akagamba nibakamuchijanina bakamujuzya. ¹⁶ Wakabuzya basikwiyya bakwe, "Mu-lukukazyananzi ambabo?" ¹⁷ Umwi wakalinkamu wakasandula, "Omviyyi, ndeeta mwana wangu kulinduwe ulamuuya umwiita kuti atambuulipe. ¹⁸ Umumana manguzu akumuwunsizya ansi akuzwa kkovu mumulomo,

ngawayuma ntwiinyo, akuyuma mibili. Ndakabuzya basikwiya bako kuti bamugusye asi bakakachilwa".¹⁹ Wakabasandula, "Mazyalane atasyomi, ndakkala andinywe kwachiindi chilibut? Ndiyomukombelezya kuchiindi chilibut? Mumweete kuli ndime"²⁰ Bakamweta mulombe kulinguwe. Kuchindi muuya nwakabona Jesu, mpawo awo lyakamuvisya lyamupa kugwigwima. Mulombe wakawida ansi akuzwa ikkovu mu-mulomo.²¹ Jesu wakabuzya wisi, "Kwaba chiindi chilibiyeni kazichitikana?" Wisi wakati, "Kuzwa kachili mwanikenike".²² Chimuwisizya mumulilo kkana manzi akwezya kumujoyekuti kukonzya kuchita kufumbwa, tufwide luzyalo utugwasye".²³ Jesu wakati kulinguwe, "Kuti kazikonzeza zyoonse zintu zilakonzeka kuliyyo usyoma!"²⁴ Mpawo wisi wamwana wakalila akwamba kuti, "Ndimusyomi! kondigwasya akutasyma kwangu!"²⁵ Jesu nakabona makamu kabachijanina, wakatanda myuuya mibi akwaamba kuti, "Nutambuli nutamvvi ndakwambilka kuti, zwamulinguwe, utazobi nunjila lubo mulinguwe".²⁶ Lyakalila akugwigwimya mulombe akuzwa mulinguwe. Mulombe wakalanga mbili wakalifwide, biangi bakati, "Ulfwide".²⁷ Pele Jesu wakamubeza aluboko wamunyampula, mulombe wakayimikila.²⁸ Jesu nakasisyoma munganda, basikwiya bakamubuzya chakusisikizya, "Nkambonzi nitwatalitanda?"²⁹ Wakati kulimbabo, "Ezi zyamisyobo oyu tazitandiki pesi akukomba".³⁰ Bakeenda kuzwa awo akwiinda muGalilaya. Takalikuyanda kufumbwa kuti bazibe nkubakabede,³¹ nakalikuyiisya basikwiya bakwe. Wakati kulimbabo, "Mwanamuntu uyopendekezegwa mumaboko amuntu, alimwi bayomujeya. Natayobikwe kulufu, nikutakayinde mazuba atatu uyobuka kuzwa kubafu.³² Pesi tebakazimvvisisisa pe nzyakali kwamba, alimwi bakalikuyowa kumubuzya.³³ Mpawo nibakasika kuKkapenamu. Mpawo nakanjila munganda wakabuzya, Mwalikwambanzi munzila?"³⁴ Pesi bakawumuna. Mbulikuti bakalibuya bukazyanya awumwi amwenzinyina kabali munzila atala akuti ngwani mupati.³⁵ Nakakkala ansi, wakayita basikwiya bakwe bali kkumi ababili kabali boonse alimwi wakati kulimbabo, "Na kuli uyanda kuba wakusanguna, welede kuba wakumaninsizya kuli boonse akubalande boonse".³⁶ Wakabweza mwana munini wakamibikka akati kabo. Wakamubweza akumubikka amakwiko akwe alimwi wakati kulimbabo,³⁷ "Kufumbwa utambula mwana oyu muzina lyangu watambula ndime, kufumbwa oyo unditambula tatambuli ndime pesi utambula oyo wakandituma".³⁸ Joni wakati, "Muyiisi, twabona umwi katanda badayimona munzina lyako alimwi twamukasya, nkaambo tatutobeli pe".³⁹ Pesi Jesu wakati, "Mutamukasyi, mbulikuti takwe utakachite milimu mipati muzina lyangu alimwi mbulikuzwa awo bakambule kufumbwa zili atala andime".⁴⁰ Kufumbwa utakazyani andiswe ngwesu.⁴¹ Kufumbwa ukupa nkomesi yamanzi kuti unywe muzina lyangu nkambo uzwa kwaKilisito, nchobeni ndamwambilka kuti, takoyoyibulikilwa impindu yakwe.⁴² Kufumbwa uchita banikenike bandisoma kui bae, zinoli zibotu kulinguwe kuti abeze ibwe asungililwe munsingo yakwe alimwi awalwe mulwizi.⁴³ Naa kuboko kwako kwakubisizya, kudunsule. Nchibotu kunjila mubwami bwakubotelwa kwiinda kuba amaboko abili alimwi wakuwida mubbibi lyamulilo, kumulilo utazimi.⁴⁴ Munchali 44mutabikkilizidwe mu ULB. Amba kuti ichikoye chabo tachikoyofwa, alimwi mulilo tukoyozimwa.⁴⁵ Na kuulu kwako kwakuchita kuti ubisye, kudunsule. Nchibotu kunjila mubuumi bwakubotelwa kuli chilema kwiinda kuba amawulu abili alimwi wakuwida mubbibi

lyamulilo. ⁴⁶ Munchali 46 tabikkidwe pe mu ULB. Amba kuti ichikonye chabo tachikoyofwa, alimwi mulilo tukoyozimwa. ⁴⁷ Na liso lyako lyakuchita kuti ubisyé, ligusye. Nchibotu kunjila mubwami bwakujulu aliso limwi kwiinda kuba ameso abili wakuwisigilwa mubbibi lyamulilo, ⁴⁸ kutayofwa kwachikonye chabo, mulilo tukoyozima. ⁴⁹ Nkaambo moonse muyolungwa amunyo wamulilo. ⁵⁰ Munyo mubotu, pesi kuti munyo wasapuka, ulachitwa biyeni kuti ube munyo lubo? Amube munyo nywebo nobeni, alimwi mube alumuno kuli umwi awumwi".

10

¹ Jesu nakazwa kubusena obo waya kuchisi chaku Judiya a kubusena bwamutala a mulongaJodani, alimwi bantu biingi bakaza lubo kulinguwe. Wakali kubayiisya lubo, mbuli mbakali wazibila kuchita. ² Mpawo baFalisi bakaza kulinguwe kuzomusunka alimwi bakmubuzya kuti, "Chili mumulawu na kuti mwalumi aleke banakwe?" Wakasandula, ³ "Wakamulayilila buti Mozesi?" ⁴ Bakati, "Mozesi wakazuminina mwalumi kulemba lugwalo lwakulekana alimwi akumutanda". ⁵ "Nkuyuma kwamyoyo yanu chakapa kuti alembe mulawo oyu", Jesu wakabambila. ⁶ "Pele kuzwa kumatalikilo akulenga, 'Leza wakababumba, mwalumi amwanakazi'. ⁷ "Akambo kachechi mwalumi uyozwa kuliwisi abanyina ⁸ alimwi akakkale abanakwe, alimwi bobile bayooba nyama yomwe! Aboobo tabachili bobile pe, pele nyama yomwe". ⁹ Aboobo Leza nzyaswanizya antoomwe, kutakabi muntu uzyaanzania". ¹⁰ Awo nibakali mun'anda, basikwiyya bakamubuzya lubo aatala achedhi. ¹¹ Wakati kulimbabo, "Naba ani uleka mwanakazi akukwata umbi wamuchita bumambi. ¹² Naa mukayintu waleka mulumi wakwe wakwatwa awumbi mwalumi, wachita bumambi". ¹³ Mpawo bakeeta bana babo banini kulinguwe kuti abagume, pele basikwiyya bakabakalila. ¹⁴ Pele Jesu nakazibona, tezyakamubotezya pe alimwi wakati kulimbabo, "Muzumizye bana mutabakasyi, nkambo bwami bwaLeza mbubwabo bali booboo. ¹⁵ Chakasimpe ndamwambila, naba ani utatambuli bwami bwaLeza mbuli mwana munini takonzi kuyobunjila". ¹⁶ Mpawo wakababweza bana munanza akwe alimwi wabalongezya nakabikka maboko akwe alimbabo. ¹⁷ Nakatalisya lweendo lwakwe, umwi mwalumi wakachijana wazofugama kunembo lyakwe alimwi wabuzya, "Muyisi mubotu, ndichite buti kuti ndikajane buumi butamani?" ¹⁸ Jesu wakati, "Nkambonzi nuti ndimubotu? Tako pe mubotu naba umwi kunze kwaLeza alikke. ¹⁹ Ulizi milawo: 'Utajayi, utachiti bumambi, utabbi, utabejeleyi umwi, utabbi chakweenena, lemeka uso abanyoko.' ²⁰ Mwalumimwakati, "Muyisi, zyoonse ezi zintu ndakazitibeleya kuzwa kandichili mukubusi". ²¹ Jesu wakamulanga alimwi wamuyanda. Wakati kulinguwe, "Chintu chimwi nchobula. Weelede kuuzya zyoonse nzulazyo alimwi uzipe kubachete, elyo uyojana bувуби kujulu. Mpawo sika, unditobe". ²² Pesi akaambo kamakanai aya wakawusa kapati alimwi wakayinka kafwisya nsoni, nkambo wakali azintu zyiingi. ²³ Jesu wakalangalanga mpawo wakati kulibasikwiyya bakwe, "Nchiyumu buti kubavubi kunjila mu bwami bwaLeza!" ²⁴ Basikwiyya bakagamba kumajwi akwe. ²⁵ Pesi Jesu wakabambila lubo, "Nobana, nchuubawuba kunkamela kuti yiinde mumpako yanaliti kwiinda muvubi kuti anjile mubwami bwaLeza". ²⁶ Bakagamba kapati alimwi baambilana kuti, "Ngwani unga ulakonzya kufutulwa?" ²⁷ Jesu wakabalanga alimwi wati, "Kabantu tachikonzeki,

pele kuli Leza chilakonzeka. Nkambo zintu zyoonse zilakonzeka a Leza".²⁸ Pita wakatalika kwambula kulinguwe, "Boona, twasiya zyoonse twakutobela".²⁹ Jesu wakati, "Nchobeni ndamwambila, takwe pe wasiya n'anda naa banyandumi naa bachizi naa banyina naa bana naa nyika akambo kandime alimwi akambo kavangeli,³⁰ utakabule kutambula ziindulwidwe mwaanda munyika omuno lino: n'anda abanyandumi a bachizi a mama abana anyika, mukupenzegwa, munyika utobel, buumi butamani.³¹ Pele biangi balikumatangunino bayooba bakumanino".³² Bakali mumugwagwa kabayabuya kuJelusalema, alimwi Jesu wakali kunembo lyab. Basikwiyya bakagamba, alimwi abaabo bakali kutobela musule bakayowa. Mpawo Jesu wakabweza bali kkumi ababili wabatola kumbali alubo watalika kubambilila zizochitikana kulinguwe kuchiindi chitobela linolino.³³ "Amubone, tuyabuya kuJelusalema, alimwi Mwana waMuntu uyowabwa kubapayizi bapati abalembi.³⁴ Bayomupa mulandu walufu akumwaaba kulibamasi. Bayomusonsya, bayomuswida mate amibili, bayomuuma, alimwi bakamujeye. Pele kwiinda mazuba atatu uyobuka.³⁵ Jemusi a Joni, bana baZebbad, bakaza kulinguwe bat, "Muyisi, tuyanda kuti mutuchitile kufumbwa nzituyomukumbila kulin-duwe".³⁶ Wakati kulimbabo, "Niinzi nchimuyanda kuti ndikamuchitile?"³⁷ Bakati, "Tuzumizye kuti tukkale andwe mubulemu bwako, umwi kuchilisyu umwi kuchimwensi."³⁸ Pele Jesu wakabasandula, "Tamuchizi nchimuli kukumbila. Mulakonzya na kunywa nkomechi njesikanywe naa kukakatila kulubbizizyo ndwesikabbizigwe andulo?"³⁹ Bakati kulinguwe, "Tulakonzya." Jesu wakati kulimbabo, "Nkomechi njesikanywe, muyoyinywa, alimwi lubbizizyo ndwesikabbizigwe andulo, anywebo muyolubbizigwa.⁴⁰ Pele utakkale kuchilisy kana kuchimwensi tensi ndime nensyambe pe, pele nkukwabaabo babambilidwe mbubo."⁴¹ Awo bamwi balikkumi nibakamvwa eecho, bakatalika kunyemena Jemusi a Joni.⁴² Jesu wakabayita kulinguwe wati, "Mulizi aabo baambwa kuti mbendelezi babamasi balabeendeleya, alimwi basikutwe babo bakatondezya manguzu aabo alimbabo.⁴³ Pele tazikoyooba mbubo pe akati kanu. Naba ani uyanda kuba mupati akati kanu weeled kuba mupati mulanda,⁴⁴ alimwi naba ani uyanda kuba mutanzi akati kanu weeled kuba muzike waboosne⁴⁵ Nkambo Mwana aMuntu takazida kuzofutulwa pe, pele kufutula, alimwi akupa buumi bwakwe kukwangununa biangi."⁴⁶ Bakasika kuJelikko. Nakazwa kuJelikko abasikwiyya bakwe amakamu makamu, mwana wa Timiyasi, Bbatimiysi, moofu, wakalikkede kumbali amugwagwa.⁴⁷ Awo nakamvwa kuti Jesu muNazalen, wakatalika koompolola wati, "Jesu Mwana waDavida, ndifwide luzyalo!"⁴⁸ Biangi bakamukasya mwalumi boofu, bamwambila kuti awumune. Pele wakompolola changuzu, "Mwana waDavida, ndifwide luzyalo!"⁴⁹ Jesu wakayimikila alimwi wabalayilila kuti bamwiite. Bakamwiita mwalumi moofu, bat, "Koyuma! Nyampuka! Ulikukwiita."⁵⁰ Wakasowela ansi chikobela chakwe, wasotoka alimwi wasika kuli Jesu.⁵¹ Jesu wakamusandula wati, "Niinzi nchuyanda kuti ndikuchitile?" Mwalumi moofu wakati, "Muyisi ndiyanda kubona."⁵² Mpawo Jesu wakati kulinguwe, "Kuya. Lusyomo lwako lwakuponya." Mpaawo wakabona lubo, alimwi wakamutobela mumugwagwa.

11

¹ Nibakasika ku Jelusalemu kabali aafwiifwi aku Bbetipeji a Bbetani aku Chilundu chama Oliva, Jesu wakatuma basikwiyya bakwe bobile, ² wakati kuli mbabo, "Amwiinke kugunzi lilikunembo lyenu, mbumutakanjile biyo, muyoojana mwana wembongolo waangidwe nkuko, uutanatantwa naba womwe muntu. Mukamwaangunune mumweete okuno. ³ Na kuli uyomubuzya kuti, "Muchitalanzi oobu"? mukamwaambile kuti, 'Mwami nguulikumuyanda alubo ulamuboozya aano muchiindi chifwiifwi.' ⁴ Bakayinka baakumujana mwana wedonki kumbali aamunzi, kaangidwe kumanjililo aamunzi. Nibakamwaangununa. ⁵ Bamwi bantu bakayimvwi mpawo bakabuzya kuti, "Muchitaanza, nimwaangununa mwana wembongolo donki ooyu? " ⁶ Bakasandula mbuli Jesu mbaakabaambilide, mpawo bantu bakabazumizya kuti beende. ⁷ Nibakamweeta mwana wembongolo kuli Jesu bakayala majansi amusana wakwe, Jesu wakkala aalinguwe. ⁸ Bantu biingi bakayala milembo yabo mumugwaga, bamwi bakayala matu ngibakatemene muumuunda. ⁹ Bakazulwide abakalimusule bakoompolola kabati, "Hossana! Ulilongezedwe ooyo uza muzina lyamWami. ¹⁰ Bulilongezegedwe ibwaami buyobuza ibwa taata wesu Davida! Hossana mujulu lyamajulu!" ¹¹ Jesu wakanjila mu Jelusalema akwiinka ku Chikombelo bakalangalanga boonse busena, pele nkaambo kakuti lyakali lyaba goko, wakayinka ku Bbetani abalikumi aababili. ¹² Buzuba butobelwa nibakaboola kuzwa ku Bbetani, wakali waba aanzala. ¹³ Mukubona mukuyu amatu aawo chakule, wakayinka kuti akabone kuti ulaamichelo na. Naakasika afwiifwi wabona matu luzutu kakutakwe michelo, kambo techakali chiindi chankuyu pe. ¹⁴ Elyo wakaambila mukuyu kuti, "Kutazoobi naba womwe uzoolya michelo kulinduwe. " Basikwiyya baakwe bakamumvwa kawamba majwi aayo. ¹⁵ Naakasika mu Jelusalema, wakanjila muchikombelo mpawo wakatalika kwaandingania bakalikuula akuuzya oomo. Wakontanta matebuli aabasimuchinchha mali ezyuuno zyabaabo bakalikuuya nkwilimba. ¹⁶ Mpawo takwe naakazumizya naba omwe kuti abweze zyakalikuuzigwa mulubaya lwatempole. ¹⁷ Mpawo naakabaiisya wakati, "Tachilembedwe na kuti: 'Ng'anda yangu iyotegwa ning'anda yakukombela kwamanyika wonse?' Pesi nywebo mwayichita ng'anda yabasikubba. " ¹⁸ Bapati babapayizi abasimilawo bakaamvwa makani aya eelyo bakayandula nzila zyakumujaya aazyo, bakalikumuyowa nkaambo bantu biingi boonse bakaba aakugamba enjiisyoo yakwe. ¹⁹ Nilyakaba igoko, bakazwa mudolopo. ²⁰ Chifumofumo nkabayobweenda, bakabona mukuyu nkuuyumide kuzwa kumiyanada. ²¹ Pita wakayeyea mpawo wakati kuli Jesu, "Muyisi wangu langa! Mukuyu ngwakatukila wayuma!" ²² Jesu wakasandula kuti, "Amube aalusyomo muli Leza. ²³ Ndimwaambila kasimpe kuti, na umwi wati kuchilundu, 'Nkoya ukaliwalile mulwizi, ' mpawo nkata-dooneki mumoyo wakwe pesi nkasyoma kuti ezyo nzyawamba ziyo-chitika, ziyo-chitika mbubo. ²⁴ Nkaako ndamwaambila kuti: Kufumbwa nchimuyookumbila mukukomba, amusyome kuti muyoochijana, mpawo chiyooba chanu. ²⁵ Mpawo naa wayimikila kokomba, na nkowangilide umwi moyo, mulekelele, nkokuti Wuso wako ulikujulu akulekelele zibi zyako. ²⁶ ["Nkambo kuti inywe nkamutalekeleli bantu balaamilandu kuli ndinywe, alakwe Wuso uulikujulu takoyoomulekelela milandu yenu".] ²⁷ Bakasika lubo kujelusama. Eelyo Jesu naakayobweenda mulubuwa lwaChikombelo, bapayizi bapati, abayisyi bamulawu abapati bembungano

bakeza kulinguwe. ²⁸ Bakati, "Mumanguzu aani mochita zintu ziloobu? Alimwi ngwani ukupa inguzu zyakuchita zintu eezi? ". ²⁹ Jesu wakasandula kuti, "Ndiyobuzya mubuzyo womwe. Mundisandule, eelyo ndiyomwaambila kuti munguzu zyani mwendiikuchita zintu eezi. ³⁰ Lubabbatizyo lwaJohani, lwakalikuzwa kujulu na, nakuti lwakazwa kumuntu? Mundambile!" ³¹ Bakayizya aatala amakan aaya mpawo bakakazyania bati, "Nitwaamba kuti, 'Luzwa kuzulu, ' ulatubuzya kuti 'Nkamboonzi nimutamusyomi? ' ³² Pesi nitwaamba kuti, 'Luzwa kumuntu'.... " bakayoowa bantu nkaambo muntu woonse wakalizi kuti Joni musinsimi mwinimwini. ³³ Alimwi bakasandula Jesu kuti "Tatuzi pe." Mpawo Jesu wakabaambila kuti, "Nsikomwaambila pe ambebo kuti manguzu aani ngechita aawo zintu eezi".

12

¹ Mpawo wakasanguna kubaambila maambila mbali wakati, "Mwaalumi umwi wakabyala misamu yamisansa. Wakayakila lubaya aalinjiyo, wakasya dindi lyakudinina nsansa, akuyaka ingaze yasikulinda. Alimwi wakajana kupa bamwi balimi mpawo wakaya kuchisi chimbi. ² Muchiindi chakutebulu wakatuma umwi wababelesi bakwe kuyoobweza michelo yamansansa. ³ Pesi balimi abo bakakumujata, akumuma, akumwaanda nkakutakwe nchakabweda aacho pe. ⁴ Wakatuma uumbi mubelesi; oyo mwaalumi bakamutulula mumutwe akumusampawula. Wakatuma uumbi, alubo oyo bakakumujaya. ⁵ Wakatuma bambi bingi; bamwi bakawumwa, bamwi bakajayigwa. ⁶ Kwakasyaala omwe biyo wakutuma, nkali mwana ngwaakali kuyandisa kapati. Wakamutuma nkali wakumanisizya, wakati, "Bayomulemea mwanaangu." ⁷ Pesi balimi bakaambilana kuti, "Ooyu ngusimulya lukono. muze tumujaye, mpawo lukono luyoba lвесу." ⁸ Nkabela bakamujata akumujaya, akumuwaalila anze aamuunda waminsansa. ⁹ Aboobo ulachita buti mwani muunda? Ulasika akujaya balimi akape bambi muunda wamisaansa. ¹⁰ Tamuna kwaabala na malembe: 'Ibbwe lyakasowedwe abasikuyaka ndilyakazooba ibbwе lyachooko. ¹¹ Mwaami ngwaakachichita eechi, mpawo chilabotezya kumenso eseu? ' ¹² Eelyo bakayanduula nzila yakumwaanga aayo nkaambo bakaziba kuti wakali kwaamba mbabo kumaambila mbali aaya. Pesi bakayoowa inkamu yabantu yakaliwo, nkaako bakamusiya mpawo bakeenda. ¹³ Muchiindi chitobela wakatuma bamwi baba Falisi aba Heloda kuli Jesu kuti bakamujate mumakani aakwe. ¹⁴ Bakasika kulinguwe bakati, "Muyisi, tulizi kuti ulimwaalumi ulaabulemu usyomekede. Topen-zewgi abantu, nkaambo tosivilizyi makani aamuntu na kulanga chiwa chamuntu; pesi uyiisya nzila ya Leza mbuli mbiibede amubwini. Chileede na kutela kuli Kkayisala na pe? Tweelede kuti tubbadale na, naa kuti pe? " ¹⁵ Pesi Jesu wakalizi kuupawupa kwabo. Jesu wakababuzya kuti, "Kaambonzi nimulikweezya kunditeya? " Wakati, "Amundetele nsiliva yanu alimwi ndiibone mbiibede." ¹⁶ Elyo bakiyeta nsiliva, alimwi wakababuzya kuti, "Mbubwani busyu obu? Alimwi ndizina lyani lilembedwe mpawo? " Bakasandula kuti, "Nzizya Kkayisala." ¹⁷ Mpawo Jesu wakati kulimbabo, "Amupe Kkayisala zyaKkayisala, alimwi mupe Leza izya Leza. " Bakaba aakugamba aatala anguwe. ¹⁸ Mpawo ba Saduki, baamba kuti takwe bubuke, bakaza kulinguwe amubuzyo. Bakati, ¹⁹ "Muyisi, Mozesi wakatulembela kuti, 'Na mukulana wamulumi mpawo wasiya mwanakazi kabatakwe bana, mwaalumi weelede kukwata

mukamufu mpawo babe abana bamukulana.²⁰ Kwakali bana bachaalumi bali musanu ababili. Mutaanzi wakakwata mpawo wakafwa katasiide mwana naba womwe. ²¹ Wachibili wakakwata mukamufu, pesi alakwe wakafwa katasiide mwana. Chakaba mbubo akuli watatu. ²² Tawope akati kababa bali musanu ababili wakasiya mwana. Kumamanino, alakwe mwanakazi wakafwa. ²³ Kububuke bwabafu, oyu mwanakazi uyooba wani? Mbunga boonse kabali musanu abatatu bakalimukwete.” ²⁴ Jesu wakasandula kuti, “Tamuli mubulubizi na kambo malembe tamwaazi naa kuti manguzu aa Leza? ²⁵ Bafu nibayoobuka, tabakoyookwata nikuba kukwatanisigwa; bayooba mbuli bangelo kujulu. ²⁶ Lino mukwaamba atala abafu nibayoobuka temwakabala na muBbuku lyaMozesi, kuleezyo zyakachitika kuchiteyo, Leza mbakaambula kulinguwe, ‘Ndime Leza wa Abbulamu, Leza wa Ayizeki, alubo Leza wa Jakobo?’ ²⁷ Tali Leza wabafwide, pesi ngwababapona. Mulilubizizye kapati!” ²⁸ Umwi wabayisyi bamulawo naakasika wakamvwa kabakazyania. Nkabwene kuti Jesu wakali wabapa nsandulo mbotu, wakabuzya Jesu kuti, “Nguuli mulawo mupati kwiinda imwi akati kamilawo yoonse?” Jesu wakamusandula kuti, ²⁹ “Ngooyu: ‘Amuswiilile, noma Izilayeli, Mwaami Leza wesu, Mwaami ngumwi. ³⁰ Yanda Mwami Leza wako amoyo wako woonse, amizeeyo yako yoonse, mpawo amanguzu aako woonse.’ Wabili ngooyu: ³¹ Yanda mweenzinyokwe mbuli mboliyanda. ’ Tuwope mulawo mupati wiinda eeyi.” ³² Oyu mwaalumi wakasandula kuti, “Waamba kabotu omuyisyi, waamba kabotu kuti Leza ngumwi alubo takukwe umbi kunze kwakwe alike. ³³ Kumuyanda amoyo wako woonse, akumvvisisysisa kwako alubo amanguzu aako woonse, mpawo akuyanda simabambanwa wako mbuli mboliyanda nkubotu loko kwiinda zipayizyo. ” ³⁴ Lino Jesu naakabona kuti wasandula chabuchenjezu, wakati kuli nguwe, “Tolikulepe a Bwami bwa Leza. ” Elyo kuzwa awo tawope naba ömwe wakeezya kumubuzya iimbi mibuzyo. ³⁵ Nkali kuyiisya Jesu mulubuwa lwatempole, wakabuzya mubuzyo wakati, “Nkamboonzi bayiisi bamulawo nibati Kilisitu mwana waDavid? We Iwakwe ³⁶ Devidi, kaambuzigwa a Muuya Uusalala, wakachaamba antanganana wakati: ‘Mwami wakati kuMwami wangu, kkala kukuboko kwachilisyo kwangu kusikila basinkondonyokwe ndibabike kunsi amawulu aako.’ ³⁷ We Iwakwe Devidi umwiita kuti ‘Mwami. ’ Ani inga ulaba mwana wakwe biyeni? ” Inkamu yabantu yaka muswiilizya chalumwemwe. ³⁸ Naakalikuyiisya Jesu wakati, “Amubachenjelele bayiisi bamulawo balayandisa kweendeenda kabatungana mulongo kabajuzigwa kumasambalilo, ³⁹ alubo akupegwa zyuno zibotu mumambungano akulemekwa kapati aabungene bantu. ⁴⁰ Balanyonyoona maanda abamukabafu kabakomba ankombyo ndamfu chakweebwa. Aaba bantu bayoopegwa chisubulo chipati.” ⁴¹ Jesu wakakkala kumbali lyachiyoobwedo chazituzyo mung’anda ya Leza; bantu nibakalikuwaala mali muchiyobweedo. Bavubi biangi bakalikuwaala imali nyngi. ⁴² Pesi mukamufu muchete wakabika biyo tupeni tobole, tweelene aaseleni lyomwe. ⁴³ Lino wakayita basikwiya bakwe, wakati, Ndiikumwaambilka kasimpe kuti, ooyu mukamufu wabika kwiinda boonse muchiyobwedo. ⁴⁴ Boonse bapa mukweendelana abuvubi bwabo; pesi we, mubuchete bwakwe, wabika zyoонse nzyaalangilide mubuumi bwakwe kuti apone anzizyo.”

13

¹ Awo Jesu nakali kweenda kuzwa mucikombelo, umwi wabasikwiya bakwe wakati kuli nguwe, "Muyiisi langa imabwe aziyako zigambwa!" ² Wakati kulinguwe, "Ulizibwene na iziyako zipati eezi? Takwe ibwe lyomwe litakasyale atala alimwi litakwe kwakukolomwedwa ansi". ³ Awo nakakkala achilundu chama Oliva chilengene achikombelo, Pita a Jemusi a Endulu bakabuzya chakusikizya, ⁴ "Twambile eezi zintu ziyochitikana lili? Niinzi chiyooba chitondezyo chazintu eezi kuti zyamba kuchitika?" ⁵ Jesu wakatalika kubambilila, "Amukachenjele kuti kutakabi uyomwena. ⁶ Bangi bayoza muzina lyangu kabati, 'Ndime nguwe', pesi bayoyena bangi. ⁷ Chiindi nimuyomvwa inkondo ampuwo zyankondo, mutakalikatazyi; eezi zintu kuleede zikachitike, pesi mamanino anoli katanasika pe. ⁸ Nkaambo inyika iyobukilana enyika, abwami buyobukilana abwaminyina. Kuyoba kuteketa kwamasena mangi anzala zyiingi. Ezi matalikilo amachise akutumbuka. ⁹ Amukalinde. Bayomupeda kukubetekwa, alimwi muyowumwa muzikombelo. Muyoyima kunembo lyabendelezi abaami nkambo kangu, kuti bukabe bukamboni kuli mbabo. ¹⁰ Pesi makani mabotu ayotalika kukambawuka kuniyika zyoonse. ¹¹ Alimwi nibayomwanga akumupeda, mutakalikatazyi ikuti muyotyeni. Nkambo muchindi echo nzimutakambe moyozipegwa; teenis ndinywe mutanowambule, pesi Muuya Usalala. ¹² Mukulana uyooyza mwanike kulufu, a wisi kumwanakwe. Bana bayobukilana abazyali babo bakabatole kulufu. ¹³ Muyosungwa abantu boonse nkambo kazina lyangu. Pesi utajatilile mane kukabe kumamanino, oyo muntu uyofutulwa. ¹⁴ Nimuyobona chis esemyo chalunyonyoko kachimvwi mpuchitelede kwimikila (Oyo ubala ngamwisiye), abanolimu Judiya abachijile mumalundu, ¹⁵ akube kuti oyo uli achiluli changanda ataseluki kuya mun'anda naba kuti kuyotola chintu mukati, ¹⁶ ayoyo uli mulukuba atakabwedi kukutola chisamo. ¹⁷ Pesi maawe kuli babo balamada ababo banyonsya bana batete mumazuba ayo! ¹⁸ Amukcombe kuti ezi zitakachitikani mumpeyo. ¹⁹ Nkambo ayo anoli mazuba akupengana kupati, atakabawo kuzwa kumatalikilo, awo Leza nakalenge nyika, kusikila lino, pe, nikuba kuti achiza alimwi. ²⁰ Na kuti Mwami takafwiinsya mazuba, takwe mubuli walikuzofutulwa. Pesi nkaambo kababo basale abo basalala, wakafwiinsya mazuba. ²¹ Ino kuti umwi akatedi kulindime, 'Amulange, ngoyu Kilisito!' na kuti 'Amulange, ngulya!' mutakasyomi pe. ²² Nkambo kuyoba aba Kilisito bakubeja aba sinsimi bakubeja bataklibonye alimwi kuyoba zitondezyo azigambyo atakaboneke, na kuti chali chuba, basale. ²³ Amukalindile! Ndamwambila zintu zyoonse kunembo lyachiindi. ²⁴ Pesi musule lyamazuba akupenzewa, zuba liyoba mudima, amweezi tukoyopa mumuni, ²⁵ Nyenyezi ziyojoka kuzwa kujulu, alawo manguzu alikujulu ayoteketegwa. ²⁶ Alimwi nibatakabone Mwana waMuntu kazamumayoba amanguzu a bulemu. ²⁷ Alimwi uyotuma bangelo bakwe, uyobunganya aamwi basale bakwe kuzwa kumyuya yone, kuzwa kumamanino anyika kusika kumamanino ajulu. ²⁸ Amwiiye chiiyo kuzwa kumukuyu. Awo ntabi niyisyukila matu, mwaziba kuti minza aswena. ²⁹ Mbubobo, na kuti mwabona zintu kazchitikana, muzibe kuti waswena, afwifwi amilyango. ³⁰ Nchobeni, ndamwambila, olu luzubo talukoyoyinda ezi zintu kazitana chitikana. ³¹ Ijulu anyika ziyojinda, pesi majwi angu takoyinda pe. ³² Pesi buzuba obo achiindi, takwe muntu uzi, nikuba bangelo kujulu, na kuti Mwana, pesi kuti Taata. ³³ Muchengele! Mulange, nkambo tamuzi kuti chiindinzi.

Amwi malembe achiindi alembedwe muchiGilikki: Muchenjеле! Mulange akukomba. ³⁴ Zilimbuli mutu winka musinzo - wabusiya nganda yakwe wakwiibikka mumanza abalandia bakwe kuti bayibambe, umwi awumwi amulimu wakwe, wawabambilia balinda nganda kuti amubuke. ³⁵ Aboobo amuchenjеле nkambo tamuzi kuti simalelo wanganda nabola kunganda; zilakonzya kuba goko, na kuti akati kamansiku, awo mukuku niwulila, na kuti bwacha. ³⁶ Na kuti asike mpawawo, atakajani mulilede. ³⁷ Nzindimwambila nywebo nditi kumuntu woonse: Linda!"

14

¹ Lino kakutanasika mazuba abili kuya kupobwe lyakwindilila alyamikamu bwachinkwa chitakwe bumena. Mupati wabapayizi abalembi bakalangula inzila isisikene kuti ngabalamujata biyeni Jesu akumujaya. ² Nkambo balikwamba kuti "kutabi muchindi chapobwe, kuti kutabi kunyongana akati kabantu" ³ Lino Jesu kalimu Bbetani mun'anda ya Sayimoni sichinsenda, kachili mukulya atafula, mwanakazi wakasika kulinguwe amunkuli watanunkilizyo tudula loko, ooyo wakali wanadi. Wakapwaya munkuli akutila nadi amutwe wakwe. ⁴ Pesi kuli bamwi bakabijilwa. Bakambuzyana akati kabo kabati, "Wanyony-wedanzi? ⁵ Tununkilizyo otu tweede kuuzigwa ikwiinda myaanda itatu yamaseleni ikapegwe bachete". Mpawo wakamukasya. ⁶ Pesi Jesu wakati, "Amumusiyе alikke. Mumukatazizyanzi? Wandichitila chintu chibotu. ⁷ Bachete mulaabo kaale lyoonse, kufumbwa chindi nimwayanda mulakonzya kubachitila kabotu, tamukoyooba andime lyoonse pe. Wachita echo nhakoonzya. ⁸ Wananika kale mubili wangu kuti ukazikwe. ⁹ Ndamlwambila kasimpe kuti, kufumbwa makani mabotu nkwayookambawukwa munyika yoonse, eechi nchachita mwanakazi ooyu chinowambuulwa, mukumuyeya". ¹⁰ Mpawo Judasi Isikkaliyoti umwi balikkumi ababili wakaya kubapayizi kuti akamupede kuli mbabo. ¹¹ Lino bapayizi bapati nibamvwa oobo, bakabotelwa akumusyomezya kuti apege mali. Wakatalika kuyandula mweenya wakumupeda kuli mbabo. ¹² Mubuzuba butaanzi bwachinkwa chitakwe bumena, lino nibakapayizya kabelele kapobwe lyakundilila, basikwiya bakati kuli nguwe, "Nkokuli nkuyanda kuti tukabambilile kuti ukalye chakulya chapobwe lyakwindilila?" ¹³ Wakatuma basikwiya babili akubaambila kuti, "Kamuya mugunzi, eelyo muyooswanana amwalumi unyampwide munkuli wameenda mumutobebe. ¹⁴ Ooko nkwayojinka mun'anda mukamutobele mukati kuli munan'and, "Muyisi wati, "Ilikuli yangu n'anda yabeenzu ooko nkundiylinda ipobwe lyakwindilila abasikwiya bangu?" ¹⁵ Uyomutondezya n'anda mpati yamujuju ibambidwe kabotu. Mukatubambilile mumo". ¹⁶ Mpawo basikwiya bakazwa bayinka mununzi. Lino bakazijana zyoonse mbuli mbakabambilia, eelyo bakambilila chakulya chapobwe lyakwindilila. ¹⁷ Nikwakaba golezya, wakaza abali kkumi ababili. ¹⁸ Aawo nibakali yeeme atafula akulya, Jesu wakati kasimpe ndamlwambila kuti umwi wanu ngundilikulya aawe uyondouzya. ¹⁹ Mpawo boonse bakawusaloko, alimwi awumwi wakati kuli nguwe, "Masimpe tensi ndime pe?" ²⁰ Jesu wakasandula wakati kuli mbabo, "Nguumwi wabali kkumi ababili, ooyu wazwa kunika chinkwa lino mundido andime?" ²¹ Aboobo Mwana waMuntu uyyoyinka mbuli mbukulembedwe atala anguwe. Pesi maawe kulooyo mutu wachitya kuti Mwana aMuntu awuzigwe chali kubota kumntu ooyo natakazyalwa".

22 Aawo nibakachili kulya Jesu wakabweza chinkwa, wachilongezya, akuchikwamuna. Wabapa akwamba kuti, "Mubeze eechi ngumubili wangu". 23 Alimwi wakabweza nkomechi, wapa kulumba, akukapa, eelyo bakanywa boonse. 24 Wakati kuli mbabo, "Oobu mbubulowa bwangu bwachizuminano, bulowa butilwa baangi" 25 Kasimpe ndamwambila kuti, nsikoyonywa limbi e ooyu muchelo wamasansa kusikila buzuba oobo nindioonywa mubwami bwaLeza". 26 Mpawo nibakali kwimba lwiimbo, bakazwa bay a kuchilundu chaOlivisi. 27 Jesu wakati kuli mbabo, "Moone moyoowa, mbuuli mbukulembedwe, 'Ndiyowuma mwembeli butanga buyomwayika'. 28 Pesi kandili ndabuka, ndilamwindila kunembo kuya ku-Galili". 29 Pita wakateedi, "Nikuba kuti boonse bawa pesi mebo pe". 30 Jesu wakati kulinguwe, "Kasimpe ndakwambila, sunu iyii, mbubo busiku oobuno mukombwe kutana kokolika tubili uyondikaka tutatu. 31 Lino Pita wakati kuti kandeleede kufa ayebo, mezyo chikozyene. 32 Bakasika kubusena butegwa Gesemane, mpawo Jesu wakati kuli basikwiya bakwe, "Amukkale aawo nenchiya kukukomba". 33 Wakabweza Pita, Jemusi a Joni, winka aabo, watalika kulilya akulikataazya. 34 Wakati kuli mbabo, "Muuya wangu wawusa loko, nikuba kusika kulufu. Muchaale aawa kamulindide" 35 Kabachiya kunembo, Jesu wakawida aansi akukomba kuti nichali kukonzeka chiindi echi chimwiinde. 36 Wakati, "Abba, Taata, kuti nduwe zintu zyoonse zilakonzeka. Gwisyia nkomechi eeyi kuli ndime pesi kutabi kuyanda kwango pe, asi kwako". 37 Wakaboola, wakajana balloona, mpawo wakati kuli Pita, "Sayimoni, muloona na? Tamukonzyi kulindila hola lyomwe? 38 Mulindile akukomba kuti mutanjili mukusunkwa. 39 Lino wakazwa lwabili wakukomba majwi ngawonya. 40 Nakaboola lubo wakajana balokoona, nkambo meso aabo akali alema. Tebakaziba chakwamba kuli nguwe. 41 Wakaza kachitatu wakati kulimbabo, "Muchili koona na? Kwazulila! Chindi chasika. Amulange! Mwana aMuntu uli kuziigwa mumaanza abasizibi. 42 Munyampuke; tweende. Amulange, sikunduuzya waba afwifwi." 43 Kachili kwambula, Judasi, umwi wabali kkumi ababili wakasika, ankamu mpati kabajisi mapanga amasumu, kuzwa kubapati babapayizi, abalembi, abaalu. 44 Lino sikumuuzya wakapa chitondeezyo, wati, "Ooyo ngundiyomyonta ngonguw. Amujate mumtole atamuchiji pe." 45 Awo Judasi nakasika, mpawoawo wakaya kuli Jesu wati, "Muyisi!" Akumumyonta. 46 Mpawo bakabikka maboko alinguwe bamwaanga. 47 Pesi umwi wababo bakalimvwi wakasomena ipanga wakakwazula akudunsula kutwi kwamuzike wamupayizi mupati. 48 Jesu wakati kulimbabo, "Mwaza mbuli tuyanda sikubba, amapanga, amasumu kuzondijata? 49 Aboobo ndali anywebo mazuba woone akuyisa mun'anda yaLeza, temwakandisunga pe. Pesi eechi chachitika kuti malembe azuzikigwe". 50 Boonse mbakali aabo Jesu bakamusiya akumuchija. 51 Mwalumi munini, wakali samide mulumbo luzutu uteentema ngwakali lipopode wakali kutobel Jesu. 52 Lino baalumi nibakamwanga wakasiya mulembo uteentema wachija kali chintanda. 53 Bakatola Jesu kumupayizi mupati. Bamubunganina bapayizi bapati, abaalu abalembi. 54 Lino Pita wakali buya butobelala kulaale kulubaya kwamupayizi mupati wakakkala akati kabalindizi bakali afwifwi amulilo kuti akasalilwe. 55 Lino bapati babapayizi ankuta yoонse yaba Juda yakali kuyandula bukamboni bubi kuchita kuti bamutole kulufu. Pesi tebakabu-jana pe. 56 Eelyo biungi bakaleta bukamboni bwakubeja atala aanguwe,

pesi bukamboni obu tebwali kuzuminina pe. ⁵⁷ Bamwi bakayima akupa bukamboni bwakubeja atala anguwe; Kabati,” ⁵⁸ Twakamumvwa kati, ‘Ndiyomwaya n’anda yaLeza yakwa amaanza, mukati kwamazuba atatu ndiyoyiyaka imbi itachitwi amaanza”. ⁵⁹ Nikuba boobo bukamboni bwabo tebwakazumina pe. ⁶⁰ Mupayizi Mupati wakayimikila akati kabo wabuzya Jesu, “Tujisi nsandulo na? Ninzi eezi aaba balumi nzibapeda bukamboni atala anduwe?” ⁶¹ Asi we wakawumuna takwe nakasandula chintu pe. Alubo mupayizi mupati wakati wakamubuzya kuti, “Ndewe Kkilisito, Mwana wawulongezedwe?” ⁶² Jesu wakati, “Ndime! alimwi muyoomubona Mwana aMuntu ulikkede kululyo lwaluboko lwasinguzu akuboola amayoba akujulu.” ⁶³ Mupayizi mupati wakadelula zisamo mpawo watii, “Sa tuchiyanda bukamboni? ⁶⁴ Mwamvwa mbwamba chisapi. Muzeezo wanu ngwakutyeni?” Mpawo bakamupa mulandu welela lufu. ⁶⁵ Bamwi bakatalika kumuswida mate akumuvumba busyu akumunabba akwamba kuti kuli nguwe, “Sinsima!” Basolooli bakamubweza akumuuma. ⁶⁶ Eelyo Pita kachili munsi alubaya umwi wabalande basimbi bamupayizi mupati wakaza kuli nguwe. ⁶⁷ Nakabona Pita kali kuyota mulilo, wakalangisisya akwamba kuti, “Mwakali aamwi a Jesu mu-Nazaleta”. ⁶⁸ Pesi wakakaka akwamba kuti tandemuzi pe nikuba kumvwa atala anzinokwambuuula anzizyo”. Lino wakazwa waya anze aamulyango. Alimwi malembe achindi alawungizya. Mpawo mukombwe wakokolika. ⁶⁹ Pesi mulanda musimbi wakamubona mpawo watalika kwamba lubo kuti aabo balimwi mpawo, “Ooyu mwalumi nguumwi wabo!” ⁷⁰ Lino wakakaka alubo. Nikwakayinda chindi chinini aabo bakalimvvi aawo bakati kuli Pita, kasimpe nduwe umwi wabo, nkambo alako uli muna Galiliyenii.” ⁷¹ Mukombwe mpawawo wakakokolika kachibili. Mpawo Pita wakayeeya majwi aaJesu ngakamwambilaa: ⁷² “Mukombwe kutana kukokolika kachibili, uyondikaka tutatu” alimwi wakawusa akulila.

15

¹ Muchifumofumo, bapati babapayizi bakabungana abaalu abalembi abasilutwe babbooma lya Judiya. Bakamwanga bamutola. Akumupeda kuli Payileti. ² Payileti wakabuzya kuti, “Ndewe Mwami waba Juda na?” Wakasandula kuti, “Wamba”. ³ Bapayizi bapati bakali kumutamikizya zintu zyiingi. ⁴ Alubo Payileti wakabuzya, “Tosanduli na?” Langa kuvula zintu zyiingi nzibali kukutamikizya! ⁵ Pesi Jesu takwe naakamusandula, mpawo echo chakamugambya Payileti. ⁶ Kuchindi chapobwe, Payileti wakaba angunywida umwi wabange, mwange ngubatanoli bakumbila. ⁷ Mpawo kwakali mwalumi utegwa Bbanabbasi muntolongo kalamwi abapati bakali amilandu yabujayi muchindi chalupapi. ⁸ Makamu akaza kuli Payileti mpawo bakatalika kukumbila kuti achite echo nchakali kunoonga wabachitila. ⁹ Payileti wakabasdula watii, “Muyanda kuti ndimwangunwide Mwami waba Juda na?” ¹⁰ We wakalizi kuti nkambo kabbivwe bapayizi bapati nchibakaaba Jesu kulinguwe. ¹¹ Pesi bapayizi bapati bakasungilizya makamu kuti balilile kwangununwa kwaBbanabbasi. ¹² Payileti wakasandula lubo wakati, “Mpoo ndichite biyeni aMwami wabaJuda?” ¹³ Bakawompolola lubo, “Ngagankaminwe!” ¹⁴ Payileti wakabambilaa kuti, “Mulandunzi ngwakachita?” Pesi bakayinkilila kunembo akoompolola kuti, “Amumugankamine”. ¹⁵ Payileti wakayanda kukutisika makamu, elyo wak-

abangunwida Bbanabbasi. Wakamupenza Jesu mpawo wamupeda kuti akagankaminwe. ¹⁶ Basilumamba bakamutola bamunjiza mubetekelo (alingawo maanda afulumende mapati), mpawo bakayita imbunga yabasilumamba. ¹⁷ Bakamubikka kunembo wantumbula Jesu, mpawo bakazinga musini wamaamvwa elyo bakamusamika. ¹⁸ Bakatalika kumuseka kabati, "Mwalemekwa, Mwami wabaJuda!" ¹⁹ Bakali kumumuma mumtwe atete mpawo bakamuswida mate. Bamufugamina akumukotamikila mitwe. ²⁰ Nibakamana kumusonya, bakamugwisya mulembo wantumbula mpawo bamusamika zisamo zyakwe, elyo bakamutola kuyomugankamina. ²¹ Umwi mwalumi, Sayimoni wakuSayilini, wakayabuza kuzwa kumunzi (wakali wisi wa Alekizanda a Lufusi), mpawo bakamwangila kuti amubwezele chiingano. ²² Basilumamba bakeeta Jesu kubusena butegwa Gologota (busenandululwa kutegwa, "Busena bwazipepe zyamyitwe"). ²³ Bakamupa wayini ivwelengene andulwe, pesi takanywa pe. ²⁴ Bakamugankamina mpawo bakaabana zisamo zyakwe bakasaana chisolo kuti basilumamba babone kuti umwi ulabweza chisamo chaali ²⁵ Chakali chiindi chahola lyatatu nibakamugankamina. ²⁶ Achikwankwani bakalemba mulandu ngubakamupa, bakati, "Mwami wabaJuda". ²⁷ Bakamugankamina aamwi ababbi babili, umwi kululyo lwakwe umwi kulumwensi lwakwe. ²⁸ Malembi mabotu akale taakwe Makko 15: 28, (Malembe akazuzikizigwa akuti, "Wakabb. alikizigwa amwi abasikutyola milawo) ²⁹ Abo bakali kwiinda nibakamubona bakali kutikinia mitwe kabati, "Tiwe! nokonzya kumwaya chikombelo mpawo akuchiyakulula mumazuba otatwe, ³⁰ Livune useluke achingano!" ³¹ Munzila ikozyenie, bapati bapayizi bakati kumuniaka antoomwe abalembi, mpawo bakati, "Wakafutula bamwi, pesi takonzyi kulifutula. ³² Akube kuti Kilisito, Mwami wa Izilayeli, aseluka lino achingano ikuti tubone akusyoma." Abalabo bakagankaminwa amwi angewe bakanuseka. ³³ Muholia lyamusana alimwi, mudima wakazulila busena boonse kusikila kuhola lyamusana aane. ³⁴ Muholia lyamusana aane Jesu wakalila ajwi pati wakati, "Eloyi, Eloyi, sabakkatani?" echi chipandulula kuti, "Leza wangu, Leza wangu wandisilaanzi?" ³⁵ Bamwi babaabo bakayimvwi kumbali bakamvwa majwi akwe mpawo bakati, "Langa, ulikwiita Elija." ³⁶ Umwi wakachijana, wakanika nsinsa muwayini ilweela, wachibikka atete, mpawo wakamupa kuti anywe. Mwalumwi oyu wakati, "Atubone naa Elija ulaza kuzomwanganuna." ³⁷ Elyo Jesu wakalila ajwi pati mpawo wafwa. ³⁸ Isila lyachikombelo lyakadeluka muzipanzi zibili kuzwa kujulu kusika ansi. ³⁹ Elyo mupati wabasilumamba balimwaanda wakayimvwi kalangide Jesu naakabona kuti wafwa munzila eyi, wakati, "Masimpe mwalumi oyu wali Mwana waLeza." ⁴⁰ Kwakaliko alimwi banakazi bakali kweebela chakule. Akati kabo kwakali Maliya Magadalini, Maliya (bayina a Jemusi mwanike a Josesi) mwalumi walikutegwa Josesi lino utegwa Jozefu muli Makko 6: 3. Izina liti Josefu lyiimikilila mbuli mbulyakali kwaambwa muchiHebbulu, mpawo izina liti Josesi lyiimikilila mbuli mbulyakali kwaambwa muchiGilikki, mpawo a Salume. ⁴¹ Nakali muGalili bakalikumutobela mpawo akuchita milimu yakwe. Alimwi banakazi bayingi abalabo bakali kumusindikila ku Jelusalema. ⁴² Nilyakaba golezya, nkambo kakuti lyakaliZuba lya Mabambe, nkuukuti, izuba lilimusana abuzuba butegwa Sabata, ⁴³ Jozefu waku Alimatiya wakasika aawo. Wakali kulemekwa kali umwi wabapati bachisi wakali kulindila bwaami

bwaLeza. Wakayinka chabulemu kuli Payileti mpawo wakakumbila mutunta waJesu. ⁴⁴ Payileti chakamgambya kuti Jesu wakali wafwa kale; wakayita mupati wabasilumamba bali mwaanda mpawo wakabuzya kuti kulingwe Jesu wafwa. ⁴⁵ Elyo Payileti nakaziba kuzwa kumupati wabasilumamba balimwaanda kuti Jesu wafwa, wakuupa Jozefu mutunta. ⁴⁶ Jozefu wakawula mulembo utentema wakamwanganuna achingano, wamuvungilizya amulembo utentema, mpawo wamulazika muchiyumbwe chamumpako yabbwe. Elyo wakatendelesya bbwe wajala mulyango wachumbwe. ⁴⁷ Maliya Magadalini a Maliya bayina a Josesi bakakubona busena Jesu mbwakalazikwa.

16

¹ Nibwakamana buzuba butegwa Sabata, Meli Magadaleni, Meli banyina ajemusi, a Salome bakawula tununkilizyo kuti bayinke kuyoonanika mutumba wa Jesu. ² Chifumo fumo mubuzuba butaanzi bwamviki, zuba mbulyakapasula buyo bakayinka kuchibunda. ³ Alimwi kabacheenda munzila bakabuzyania umwi awumwi kuti, "Nguni uutakatugwisizye bbwe kuzuba kumulyango wachibunda?" ⁴ Pesi balange buyo, bakabona bbwe lyakali pati oko, kaligwisisigwe kale. ⁵ Nibakanjila muchibunda, bakabona mwaalumi mukubusi kasamide chisamo chituba, kakkede kululyo, mpawo bakagamba a kuyoowa. ⁶ Wakati kulimbabo, "Mutayoowi. Mulanguula Jesu mu Nazeleta, wakagankaminwa aachiingano. Tawo pe aano, ulibukide! Amulange aabusena mpubakamubikide. ⁷ Pesi kamuya, mukaambile basikwiya bakwe a Pita kuti, ulazulula kunembo lyanu kaya ku Galili. Nkukonya muyoomubona, mbuli mbwakaamwaambilide," ⁸ Mbubakazwa muchibunda; kabatalika kuchijaana bakalikuteketa kabagambide. Taakwe nchimbakaambilana pe nkaambo bakali yoweede. ⁹ [Malembe mayingi aakutanguna abukamboni bwachiindi mubbuku lya Maakko Chandano 16. munchali 9 kusika ku 20 taawo pe.] Mubuzuba butaanzi bwamviki, naakabuka, wakasanguna kilitondeezya kuli Meli Magadalena, ooyo ngwakagwisyia myuuya mibi ili musanu ayiibili. ¹⁰ Wakayinka wakwaambila aabo bakali anguwe, aabo bakali komookaakulila. ¹¹ Pesi nibakamvwa kuti Jesu muumi akuti wamubona, tebakasyoma pe. ¹² Nikwakiinda zintu eezi, wakalibonia muzila zisiyene kuli bibili, nibakalikuyobweenda kuya kumyuunzi. ¹³ Bakayinka kuyowambila basikwiya boonse, pesi taakwe nibakabasyoma ¹⁴ Mukweenda kwachiindi Jesu wakalibonia kulibali kkumi awumwi nibakali kulya; wakabakalalila mukutasyoma akuyuma kwamyoyo yabo, nkaambo bakakaka kuzuminina aabo bakamubona naakabuka. ¹⁵ Wakaamba kuti kulimbabo, "Kamuya munyika yoonse alimwi mukakambawukile zilengwa zyoonse. ¹⁶ Kufumbwa uusyoma akubbapatizingwa uyoofutulwa, pesi kufumbwa uutasyomi uyoopegwa mulandu. ¹⁷ Alimwi zigambyo eezi ziyoobatobelaa boonse basyoma: Bayootanda myuuya mibi muzina lyangu, bayooowambuula mumilaka mipyia. ¹⁸ Bayoojata nzoka amaboko aabo, alimwi nibayoonywa chijaya, tachikwe kuyoobachisa pe, bayoobika maanza aabachiswa, alimwi bachiswa bayoopona." ¹⁹ Mpawo Mwami naakamana kubaambilila, wakatolwa kujulu mpawo wakakukkala kuluboko lwalulyo lwa Leza. ²⁰ Mpawo basikwiya bakazwa akuyookambawuka koonsie koonse, alimwi Mwami wakabeeleka aabo akusiimya jwi lyakwe aziton-deezyo zyakali aandilyo.

Lukka

¹ Biingi bakatola mulimu wakubikka antoomwe zintu zyakazuzikizigwa akati kesu, ² mbuli mbuzyakayinzigwa kizosika kulindiswe abaabo kuzwa chiindi bakali bakamboni alubo kabali bala bejwi. ³ Chakabaanga nchibotu kulindime ambebo - nkaambo ndakachita mfunkununo izulide aatala azeezyo zyakachitika kuzwa kumatalikilo - kuti ndikulembele lugwalo, webo nomusongo Tiofilasi. ⁴ Kuti uzibe choonzyo aatala azintu nzuwakayiisigwa. ⁵ Mumazuba aHelodi mwami waku Judiya, kwakali umwi mupaiyi wakalikutegwa Zekaliya, wakali kwakulubazu lwa Abija. Mukayintu wakwe Elizabeti alubo wakali walunyungu lwa Aaloni. ⁶ Bakaliluleme boonse kunembo lya Leza, kabalemeka milawu yoonse anzyatalide Mwami. ⁷ Pesi tebakalikwe mwana pe nkaambo Elizabetji wakali ngomwa, alubo bakali bachelmaala boonse mulechi chiindi. ⁸ Lino kwakasika aachiindi Zekkaliya mpakali mubuliwo bwa Leza, kalikuchita milimu ya bupayizi mbuli mumabambe aakwe. ⁹ Mboli munzila yachiyanza yakusala mupayizi utabeleke, wakali wasaligwa achisolo kuti anjile muchikombelo cha Leza kuti akatente tununkilizyo. ¹⁰ Choонсе chibunga chabantu chakali kukomba aanze kuhola eelyo tununkilizyo nitwakali kutentwa. ¹¹ Mungelo wa Mwami wakalibonia kuli nguwe alimwi wakayima kubbazu lyakululyo lyachipayililo, ¹² Zekaliya, naakamubona wakateketa nkaambo kuyoowa kwakamujata. ¹³ Pesi mungelo wakati kulinguwe, "Utayoowi, Zekaliya, nkaambo nkombyo yako yamvwika. Mukako Elizabetki ulakuzyalila mwana mulombe. Uzomuuuzika kuti ngu Joni ¹⁴ Uyooba aakukondwa akusekelela, alubo banji bayoobotelwa akuzyalwa kwakwe. ¹⁵ Nkaambo uyooba mupati kubusyu bwa Mwami. atazonwyi wayini na zinywigwa zilula, alubo unozwide Muuya Uusalala kuzwa mwida lyabanyina. ¹⁶ Biingi bana ba Izilayili bayobweeda ku Mwami Leza wabo. ¹⁷ Uzoya kunembo lya Mwami mumuuya amumanguzu aa Elija. Uzoochita eezi kuti azosandule myoyo yamataata kuti ibweede kubana babo, kuchitila kuti batalemeki mulawu bazoyende mubusongo bwabaluleme - kuchitila kubambilila Mwami bantu babambilidwe nguwe." ¹⁸ Zekaliya wakati kumungelo."Ndilaziziba biyeni eezi? Nkaambo ndachembaala abanangu bachelmaala." ¹⁹ Mungelo wakamusandula wati kulinguwe, "Ndime Gabbuliyeli, wiima mububewo bwa Leza. Ndatumwa kuti ndizowambule aanduwe, ndikweetele majwi mabotu aaya. ²⁰ Langa, uyowumuna, tokoyokonzya kwaambula pe, kuyosika zikachitike zintu eezi. Eezi zyachitika nkaambo taakwe niwasymoma majwi aangu, ayoozuzikizigwa muchiindi cheelede." ²¹ Lino bantu bakalikulinda Zekaliya, bakagamba kuti nkaambonzi naatola chiindi chilamfu chiloobu kachili muchikombelo. ²² Pesi naakazwida aanze takachili kukonzya pe kwaambula. Bakakubona kuti wakabona chilengaano nakali muchikombelo. Wakalikwaambuula katondeeka biyo muchuumunizi. ²³ Chiindi chakumana kwamulimu wakwe nichakasika wakabweeda kung'anda yakwe. ²⁴ Musule lyamazuba aaya, mukayintu wakwe Elizabeti wakajata da. Wakalisisa kwamyeezi musanu. Wakaamba kuti, ²⁵ "Eechi nchaandichitila Mwami naakandilanga wandimvwida luzyalo kuti andig-wisyé mawuse kunembo lyabantu. ²⁶ Mumweezi wamusau awumwi, mungelo Gabbuliyeli wakatumwa kuzwa kuli Leza kuya kudpolopo lyaku

Galilii litegwa Nazaleta, ²⁷ kuya kuli nakalindu wakatangidwe kumwaalumi wakalikutegwa Jozefu. Wakali walunyungu lwa Devidi, alubo zina lyamusimbi lyakali Meli. ²⁸ Wakasika kulinguwe wati, "Wapona iwe noopedwe luzyalo lupati. Mwami uli aayebo." ²⁹ Pesi wakanyonga kapati amajwi aamungelo alwimwi wakagamba kuti nkujuzigwa kulibiyeni ooku. ³⁰ Mungelo wakati kulinguwe, "Utayoowi, Meli, nkaambo wajana luzyalo kuli Leza. ³¹ Langa uzojata da uzooyzale mwana mulombe. uzomuuтика zina lyakuti, 'Jesu'. ³² Unoli mupati alubo unooyitwa kuti Mwana wa Simajulu. Mwami Leza uyomupa chuuno chabwami bwa syanyinakulu Devidi. ³³ Uzooyendelezya ng'anda ya Jakobo mane kukabe kutamani, alimwi bwami bwakwe tabukozoomana pe. ³⁴ Meli wakati kumungelo, "Ziyoochitika biyeni eezi nkaambo nsinaziba mwaalumi pe?" ³⁵ Mungelo wakatgi kulinguwe, "Muuya Uusalala uzoosika kulinduwe, alubo nguzu zya Simalelo zizoosika alinduwe. Aboobo ooyo uusalala uutazozyalwe uzooteegwa Mwana wa Leza. ³⁶ Langa munakwenu Elizabeti ulaada lyamwana mulombe mubuchembele bwakwe, lino wanba mumweezi wamusatu awumwi, ooyo wakalikutegwa ningomwa. ³⁷ Nkaambo taakwe chimukachila pe Leza. ³⁸ Meli wakati, "Langa ndimulanda waMwami, azibe kulindime mbuli majwi aako." Mpawo mungelo wakamusiya. ³⁹ Mpawo mumazuba aayo Meli wakanyamnpuka watgozya kubusena bwazilundi, kudolopo lya Judiya. ⁴⁰ Wakanjila mung'anda ya Zekaliya wakujuzya Elizabeti. ⁴¹ Aawo Elizabeti naakamvwa kujuzya kwa Meli, mwana wakali mwida lyakwe wakasotoka, mpawo Elizabeti wakazuzigwa aMuuya Uusalala. ⁴² Wakoompolola ajwi pati wati, "Ulilongezezegwe iwe akati kabamwi banakazi, alubo ulilongezezegwe muchelo weda lyako. ⁴³ Nkamboonzi nikchachitika kuti banyina aMwami wangu basike kulindime? ⁴⁴ Nkaambo langa, majwi aako akundijuzya naanjila mumatwi aangu mwana uulimwida lyangu wasotoka alukondo. ⁴⁵ Aboobo ulilongezezegwe ooyo uuyoosyoma kuti kuyooba kuzuzikizigwa kwazintu eezi nzyaakkambilwa kuzwa kuMwami." ⁴⁶ Meli wakati moyo wangu ulalumbayizya Mwami, ⁴⁷ alubo muuya wangu ulalumbayizya Leza mufutuli wangu. ⁴⁸ Nkaambo wakalanga chiimo chaansi chamulanda wakwe. Nkaambo amulange, kuzwa lino mazyalane woonse ayondijita kutghi ndili longezezegwe. ⁴⁹ Nkaambo ooyo wandichitila zintu zipati, alimwi zina lyakwe lilasalala. ⁵⁰ Luzyalo lwakwe luyoozulila kuzwa kuzyalane kuya kulilimbi zyalane kuli aabo bamuyoowa. ⁵¹ Wakatondeezya nguzu ejanza lyakwe; wakasansaanya aabo balisumpula aatala amizeezzo yamyoyo yabo. ⁵² Wakagwisya bana babaami kuzwa kuzyuno zyaabo alimwi wakasumpula aabo bali aachiimo chilaansi. ⁵³ Wakakutya basinzala azintu zibotu, pesi bavubi wakabaanda kabatakwe chintu. ⁵⁴ Wakapa lugwasya kuli Izilayeli mulanda wakwe, kuti ayeeye kutondeezya luse ⁵⁵ (mbuli mbakaamba kuli basikale besu) kuli Abraham alunyungu lwakwe." ⁵⁶ Meli wakakkala a Elizabeti kwamyezezi yotatwe mpawo wabweda kung'anda yakwe. ⁵⁷ Lino chakasikachiindi chakuti Elizabeti atumbuke aboobo wakatumbuka mwana mulombe. ⁵⁸ Basimabambanwa antoomwe abasinzubo zyakwe bakamvwa kuti Leza wakamutondeezya luzyalo, mpawo bakabotelwa aamwi anguwe. ⁵⁹ Mpawo mubuzuba bwamusatu aatatu bakasika kuzopalula mwana. Bakalikuyanda kumuuzika kuti "Zekaliya" zina lyawisi. ⁶⁰ Pesi banyina bakasandula bati "Pe. ulayitwa kuti ngu Joni." ⁶¹ Bakati kulinguwe, taakwe pe

kuluzubo lwesu loonse ulazina eeli.”⁶² Mpawo bakaambuula awisi anzila yakutondeeka kababuza kuti uyanda kuti mwana awuzikwe zina lili.⁶³ Wisi wakakumbila aakulembela, mpawo wakalemba kuti, “Izina lyakwe ngu Joni.” Boonse zyakabagambya eezi.⁶⁴ Mpawaawo mulomo wakwe wakajulika mpawo lulimi lwakwe lwakaangunuka. Wakaambula akulumbayizya Leza.⁶⁵ Kuoyoowa kwakabasikila boonse bakalikkalkala afwiifwi ambabo. Impuo yoonse eeyi yakazula kumalundu achisi cha Judiya.⁶⁶ Boonse bakazimwa bakazibamba mumyoyo yabo, kabati, “Ooyu mwana uzooba nyamaanzi?” Nkaambo kuboko kwa Leza kwakali aanguwe.⁶⁷ Wisi Zekaliya wakazula Muuya Uusalala mpawo wakasinsima, kati,⁶⁸ “Atembaulwe Mwami, Leza wa Izilayeli, nkaambo wasika kuzogwasya alimwi weeta lufuko kubantu bakwe.⁶⁹ Wakatunyampwida lwija lwalufutuko mung’anda yamulanda wakwe Devidi,⁷⁰ mbuli mbakaambula amilomo yabasinsimi bakwe basalala bakale.⁷¹ Ulatufutula kuzwa kulibasinkondoma akulibaabo batusulide.⁷² Uzoochita eezi mukutondezya luzyalo kumataata esu akuyeyya chizuminano chakwe chisalala,⁷³ chikonke nchaakachita kuli Abbulahamu taatesu.⁷⁴ Wakakonka kuti swe, nitwakafutgulwa kuzwa kumaanza abasinkondoma, tuzomubelekele kaututayoowi pe,⁷⁵ mubusalali amubululami kunembo lyakwe mumazuba esu woone.⁷⁶ Iyii, anduwe, nomwana, uzoyitwa kuba musinsimi waSimajulu, nkaambo uzoyhinda kunembo lya Mwami koyabubamba nzila, kobambilta bantu mukusika kwakwe,⁷⁷ kupa luzibo lwalufutuko kubantu bakwe akulekelewa kwazibi zyabo.⁷⁸ Eezi zizoochitika nkaambo kaluzyalo lwa Leza wesu, nkambo mukuyozwa kwazuba uzoosika kuzotugwasya,⁷⁹ likabamunikile bakkede mumudima amumweenzulu walufu. Uyoochita eezi kuti akazulwide mawulu eesu munzila yaluumuno.”⁸⁰ Lino mwana wakakomena wasima mumuuuya, alimwi wakakkala munkanda kuyoosika buzuba mbwakalitodeezya kuli Izirayeli.

2

¹ Lino mulayo mazuba, kwakasika akuti oyo siza Agasitasi wakata-muna mulumbe kulayilila kuti kubalwa kwachitwe kwabantu boonse bapona munyika.² Oku kwakali kubalwa kutanzi kwakachitwa chiindi kkwiniliyasi nakali mwendeleyi wa Siliya.³ Aboobo muntu woone wakiinka kudolopo lyakwe kuti akalembesye kubalwa⁴ Josefa, alakwe wakinka atala kuzwa ku Galile, kuzwa kudolopo lya Nazaleta, kuya ku-Judi, kuya kudolopo lyaDavid, oyo utegwa Betelhemma, nkaambo wakali wang’anda a lunyungu lwaDavid.⁵ Wakayinka ooko kuti akalembesye aantomwe a Meli, ooyo ngwakatuminide alumwi wakali aatambu.⁶ Lino kwakasika kuti biyo nibakachilikoko, ichindi chakasika chakwe kuti atumbuke mwana wakwe.⁷ Wakatumbuka mwana mulombe, mwana mutanzi wakwe, alimwi wakamuputila mumalemba akasala malamfu alimwi wamulazika muchata, nkaambo tekwakalikwe busena bulabo munga’nda yabenzu.⁸ Kwakaliwo bembeli mubusena obo bakalikkalkala mumyuunda, kabalo kulinda butanga bwabo mansiku.⁹ Mungelo wamulami wakaboneka kuli mbabo, alimwi abulemu bwaMwami bwaka yubununwa alimbabobo, alimwi bakazula akuyowa kupati.¹⁰ Mpawo mungelo wakamba wakati, “Mutayowinkambo ndamwetela makani mabotu ayo atazo yete kukondwa kupati kubantu boonse.¹¹ Sunu mufuli wazyalilwa ndinywe mudolopo lyaDavid nguKKilisto mwami!¹² Echi nchichitondezyo chitakapegwe kuli ndinywe. Mulojana mwana

kaputilidwe mulembo likasala limwi kalede luchaata.” ¹³ Mpawo mpawo kwakaliwo antomwe abangelo biingi loko bazwa kujulu, kulumbaizya Leza alimwi kabati, ¹⁴ “Bulemu kuli Leza usumpukide, alimwi ngakube lumuno munyika akati kabantu amwi amoyo ngwaboteledwe.” Amwi malembo achiindi achi Greeki alakupeleta kusiyenesiyene oko kubona kwaamba kwamabala abili akonzya kwaamba zilikumamanino amabala mache a muchala ¹⁴, yabili nkili njiyandisigwa. Kubona kwaamba nkoku.” chiyandisiso chibotu kubantu kana akati kabantu alumwi awoyo we (LEZA) ngwabo teledwe ¹⁵ Kwakaba kuti awo bangelo kabali bayinka kuzwa alimbabo kuya kujulu, bembeli bakati kuli umwi awumwi, “ngatwinke lino ku Betelehema alimwi tukabone echi chintu chachitika, echo Mwami nchatuyubnwida. ¹⁶ Bakafwambanina nkuko alumwi bakujana Malia, Josefa, amwana oyo wakalede muchata ¹⁷ Kuzwawo abo nibakabamubona, bakazibisyza ezyo zimbakali babuzigwa bo atala amwana. ¹⁸ Boonse abo bakamvwa bakagamba kuli zezyo zyakambwa abembeli. ¹⁹ Pesi Maliya wakali kuyeya a makani ngakali wamvwa, wakalondolawo mumoyo wakwe. ²⁰ Bembeli bakabweda kabalumbaizya akutembawula Leza kuli zyoonse ezyo zibakamvwa akubona, mbuli mbubaka mbilwa. ²¹ Elyo kwakiinda mazuba masanu aatatu, elyo nakabalulwa, wakuzikwa wategwa Jsu, izina ndyakapedwe amungelo musule katana mintwa mwida ²² Elyo ilangililwa mweelwe yamazuba akulisalazyza kwabo nakiinda, mbuli mumulawo waMozesi, bo bakamweta kuchikombelo kuJelusalema kulomupeda kumwaami. ²³ Mbuli mbukulembedwe mumulawu wamwami, “woonse mwana mulombe ujula ida ulo bikkwa kumbali kuMwami.” ²⁴ Abobo bakapa chipaizyo mbuli ezyo zyakambidwe mumulawu wamwana, “inziba zibili nabana banku limba. ²⁵ Amubone kwakali mwalumi muJelusalema ula zina litegwa Simiyoni, alumwi oyo mwalumi wakali luleme a kulpeda. Wakali kalangilila kumbilizigwa kwabalzilayeli, alubo muuya usalala wakala tala anguwe. ²⁶ Zyakali zyayubununwa kuli nguwe amuya usalala kutitakozobona lufu katanakubona uNanikidwewaMwami. ²⁷ Kazulwidwa aMuuya, Simiyoni waka sika muchikombelo. Elyo bazyali bakanjizya mukati mwana Jeso, kulo muchitila mbuli chiyanza chabo chamulawo. ²⁸ Wakamubweza mumaboko aakwe alimwi walumbaizya Leza, alimwi wakati, ²⁹ “Lino leka mulandawako ayinde mulumuno, mwami, mbuli ijwi lyako. ³⁰ Nkaambo meno angu abona lufutuko Iwako, ³¹ olo mbwakambilwa abuliwo bwabantu boonse. ³² “Mumuni wachiyubunuzyo kuli bamasi alimwi bulemu kubantu bako izilayeli.” ³³ Wisi abanyina, bakagambilwa aatala azintu zyakalikwaambulwa aatala amwana wabo. ³⁴ Simiyoni wakabalongezya mpawo wakati kuli banyina, “Amulange mwana ooyu ulisalidwe kuti kube kuwa akusumpulwa kwabamwi bantu biingi muli Izirayeli achitondeezyo chikakidwe - ³⁵ alimwi ipanga liyoyasa muuya wako - kuchitila kuti myoyo myiirgi ikayubununwe.” ³⁶ Musinsimi mwanakazi uutegwa Ana wakaliwo. Wakali mwana musimbi waFanuwelo kuzwa cumukowa wa Asha. Wakali waponna amulumi wakwe minyaka ili musanu ayibili kuzwa kubusimbi bwakwe. ³⁷ Alimwi wakali mukamufu kwamwinyaka ili makumi musanu aatatu atune. Takwe nakazwide muchikombelo pesi wakali kubelekela kulyimya a kukomba mansiku, asikati. ³⁸ Kuli ndileyo wola wakaswena awfifwi kuli mbabo alimwi wakatalika kupa kulumba kuli Leza, alimwi wakambula alubo aatala amwana kubantu boonse abo bakali kulindila kufutulwa kwaJelusalema.

³⁹ Eelyo aabo boonse nibakamanisya nzibakeelede kuchitambuli mulawo wamwami, bakabweeda ku Galilii, kudolopo lyabo lya Nazaleta. ⁴⁰ Mwana wakakomena alimwi wakasima, kuyungizya mubusongo, alimwi luzyalo lwaleza lwakali aangwe ⁴¹ Bazyali bakwe bakali kwiinka munyaka umwi awumwi ku Jelusalema kupobwe lya kwindilila. ⁴² Awo nakaba aminyaka kkumi ayibili, bakabweda lubo mbuli chiindi chachiyanza chabo kupobwe. ⁴³ Nibakkalka mazuba azulide aa pobwe, bakabweda kumunzi. Pesi mulombe Jeso wakasyala ku Jelusalema alimwi bazyali bakwe tebakaziye. ⁴⁴ Bakayeleta kuti wakali akabunga ako nkibakayobwenda aako, mpawo bo bakenda musinzo wazuba limwi. Mpawo bakasanguna kumulangula akati kanzubo zyabo abeenzinyina. ⁴⁵ Eelyo nibakamubula, bakabweda ku Jelusalema alimwi bakatalika kumuyandula nkuko. ⁴⁶ Zyakachitika kuti musule lyamazuba aatatu bakasanguna kumuyandula mung'anda ya Leza, kakkede akati kabayisyi, kalokubaswilizya akubabuzya mibuzyo. ⁴⁷ Boonse bakamumvwa bakagamba kukumvvisisya kwakwe akunsandulo zyakwe ⁴⁸ Elyo nibakamubona bakakankabala. Banyina bakati kulinguwe, "Mwanaangu, nkambonzi nwatujata enzila eyi? Langa, wuso andime twalikukuyandula achakutankalinkana." ⁴⁹ Wakati kulimbabo, "Nkambonzi nimwalikundiyanula? Temwazi na kuti ndeelede kuba munganda yandeende?" ⁵⁰ Pesi bo tebakamvvisisya nzyakalikwamba awayo majwi. ⁵¹ Elyo wakabweda kumunzi kulimbabo kuNazaleta alimwi wakali kulibombya kuli mbabo. Banyina bakalondola zyoonse ezi mumoyo wabo. ⁵² Pesi Jeso wakaya kunembo akukomena mubusongo a muchiimo, alimwi wakayungizya kuluzyalo kuli Leza aku bantu

3

¹ Mumunyaka wakkumi amusanu mubweendelezi bwa Tibeliyasi Kkayisala - aawo Pontiyasi Payileti nakali mwendelezyi waku Judiya, Heloda kali mwendelezyi waku Galilii, mwana wakwabo Filipo kali mweendelezi wachisi chaku Ituliya a Tilankonitis, a Lisaniyasi kali mwendelezyi waku Abilene, ² kuzwa kubupayizyi bwa Anasi aKkefasi - ijwi lya Leza lyakasika kuli Joni mwana wa Zakaliya munkanda. ³ Wakeenda muzisi zyoonse zizyuungulukide Joodani kakambauka lubbabbatizyo lwakusanduka akulekeleka kwazibi. ⁴ Mboli mbukulembedwe mubbuku lyamakanai lsaya musinsimi, "Ijwi lyasikompolola munkanda, 'Amubambenzila yamwami, amululamike nzila zyakwe ⁵ Yonse mimpara iyozuzukizigwa, a zilundu zyoonse atulundu tuyoba ansi amigwagwa ipilingne iyo lulamikwa, amasen aatabambinkene ayooyakwa akuba migwagw, ⁶ bantu boonse bayoobona lufutuko lwa Leza.'" ⁷ Mpawo Joni wakati kumakamu akalikuza kuzo bbabbatizigwa anguwe, "Nywebo nobana bachipile! ngwani wakamuchenjezya kuti muchije kuzwa kubukali bulokuza? ⁸ Aaboobo, muzyale michelo mibotu iitondezya kusanduka alimwi mutataliki kwaamba mukati kanu, "Tula Abulahamu kali taata wesu; mbundamwambila kuti Leza ulakonzya kusumpula bana ba Abulahamu kuzwa kumabwe aya. ⁹ Alino kaleba kalibikidwe kale kumiyanda yamisamu. Aboobo kufumbwa musamu utazyali muchelo mibotu ulawugonkela kensi akuuwalila mumulilo." ¹⁰ Alimwi makamu akendelela kunembo akumubuzya bakati, "Niinzi mpawo nzitutachite?" ¹¹ Wakasandula akuti kulimbabo, "Na kulumwi uujisi twakuzwata tubili, uleelede kwabana amuntu utakwe ayooyo ujisi chakulya ayiite mbobo." ¹² Abasimutelo abalabo bakaza kuzo bbabbatizigwa, akwamba kuli nguwe

kuti, "Muyisi, niinzi nchitweelede kuchita?" ¹³ Wakati kulimbabo, "Mutakabwezi mali nyiingi njimutabuzizigwe kubweza." ¹⁴ Bamwi basilumamba abalabo bakamubuzya, bakati, "Aniswe ninzi nchitweelede kuchita?" Wakati kulimbabo, "Mutakabwezi mali kufumbwa kulumwi changuzu, alimwi mutakapenzyi omwe chakubeja. amukakutisikane amiholo yanu." ¹⁵ Lino bantu nibakachili kulindila chakupekezya kusika kwa Kkilisto boonde bakali kugamba mukati kamoooyo yabo aatala ajoni, kutii ngunguwe Kkilisto. ¹⁶ Joni wakasandula wakati kuliboonse, "Imebo lwangu ndamubbabbatizya amanzi, pele kulumwi ulobuza ulanguzu kwinda ndime, aboobo nsikonzyi nikuba nkwangununa misungo yansangu zyakwe. Uyomu bbabbatizya aMuya Uusalala antomwe amulilo. ¹⁷ Kajisi pologwe yakupupuluzya mujanza lyakwe chakusalazya lubuwa lwakwe akubunganya bbali munganda yakwe. Pele uyowumpa buungu amulilo al-imwi mulilo tukoyoozima pe." ¹⁸ Mubwingi bwakumusumpula Joni wakalikwambula makani mabotu kubantu. ¹⁹ Alimwi Heloda kali mwendelezyi wakazumizigwa kukukwata mwana kazi wamwana wakwabo Helodiyasi azyoonse zintu zibi Heloda nzyakachitide, ²⁰ wakayungizya ezi kulimbabo boonde, akujalal Joni muntolongo. ²¹ Lino nichakasika chiindi aawo bantu boonde bakabbabbatizigwa Jesu alakwe wakabbabbatizigwa, nibakachili kukomba, majulu akajulika, ²² aMuuya Uusalala muchimo chamubili wakaza mbuli nziba, alimwi jwi lyakazwa kujulu "Ulimwana wangu ngwendiyandisisya. Ndabotelwa anduwe." ²³ Mpawo Jesu naakatalika mulimu wakwe wakali amyaaka yakuzyalwa makumi aatatu. Wakali mwana mulombe (mbuli mbukwakaklikuyelelwa) kuti Josefa mulombe waHeli, ²⁴ mwana waMatati, mwana waLevi, mwana Melichi, mwana wa Janayi, mwana wajosefa. ²⁵ Josefa wakali mwana wa Matatiyasi, mwana wa Amos, mwana wa Naumi, mwana wa Esili, mwana wa Nagayi, ²⁶ mwana wa Mati, mwana wa Matatiyasi, mwana wa Simiyoni, mwana wa Josekki, mwana wa Juda. ²⁷ Joda wakali mwana wajowanani, mwana wa Lesa, mwana wa Zelubbabeli, mwana wa Salatiyeli, mwana wa Neli, ²⁸ mwana wa Melikki, mwana wa Elimadamu, mwana wa Eli, ²⁹ mwana wa Joshuwa, mwana wa Eliyeza, mwana wa Jolimu, mwana wa Matati, mwana wa Levi ³⁰ Levi wakali mwana wa Simiyoni, mwana wa Juda, mwana wa Josefa, mwana wa Eliyakim, mwana wa ³¹ Meliya, mwana wa Mena, mwana Matata, mwana wa Natani, mwana wa Davida, ³² mwana wa Jese, mwana wa Obbeti, mwana wa Bbowazi, mwana wa Salimon, mwana wa Nasiyoni. ³³ Nashoni wakali mwana wa Aminadabu, mwana Adimini, mwana wa Alini, mwana wa Heziloni, mwana wa Perez, mwana wa Juda, ³⁴ mwana wa Jakkobo, mwana wa Isakka, mwana wa Abbulamu, mwana wa Tela, mwana wa Nawoli, ³⁵ mwana wa Selugi, mwana wa Lewu, mwana wa Pelegi, mwana wa Ebba, mwana wa Shela. ³⁶ Sila wakali mwana wa Kkayinani, mwana wa Alipazada, mwana wa Semu, mwana wa Nowa, mwana wa Lameki, ³⁷ mwana wa Metusela, mwana wa Inoki, mwana wa Jaledi, mwana wa Mahalaleli, mwana wa Kkayini, ³⁸ mwana wa Inosi, mwana wa Seti, mwana wa Adamu, mwana wa Leza.

4

¹ Mpawo Jesu, kazwide Muuya Uusalala, wakaboola kuzwa kumulonga wa Jodani, wakazulwidwa a Muuya kuya munkanda
² ooko nkwakaakusunkwa mazuba makumi one adyabbulosi. Takwe nchakalya mumazuba aayo, kumamanino achiindi echo wakaba aanzala.

³ Dyabbulosi wakati kulinguwe. "na kana koli mwana wa Leza lailila ibwe eli libe chinkawa." ⁴ Jesu wakamusandula wati, "Zililembedwe, 'Muntu taponi achinkwa luzutu pe.'" ⁵ Mpawo dyabbulosi wakazulida Jesu akutomudenzya bwaami boonse bulanyika muchindi chinini. ⁶ Mpawo dyabbulosi wakati kulinguwe, "Ndilapa nduwe bwendelezi boonse abulemu mbuli mbundakabupegwa, alimwi ndilakonzya kupa kufumbwa ngundiyanda. ⁷ Kuti mpawo, na wfugawa akundikomba, zilaba zyako." ⁸ Pesi Jesu wakamusandula wati, "Zililembedwe, 'Ulede kukomba Mwaami Leza wako, akumumanina milimu yakwe.'" ⁹ Mpawo dyabbulosi wakatola Jesu ku Jelusalema akumubikka ansonge yakaluli katempele, akumwambila kuti, "Na koli mwana wa Leza liwaalile, aansi kuzwa awa. ¹⁰ Nkaambo kulilembedwe kuti, 'Uyolailila bangelo bakwe atala andinywe, kuti bakukwabilile, ¹¹ mpawo bayokunyampula amaboko aabo, kuchitila kuti utakaligubbuli.'" ¹² Nakamusandula Jesu wakati, "Kulaambidwe kuti, 'Utabiki Mwami Leza wako kumisunko.'" ¹³ Mpawo diyabbulosi nakamana ku sunka Jesu, wakeenda wakamusiya kusikila chiindi chimbi. ¹⁴ Jesu wakabweda ku Galillaya munguzu zyamuuya, a makani atala anguwe akazulila mukati kachisi chizyungulukide. ¹⁵ Mpawo wakasanguna kuyisya muzikombelo zyabo alimwi wakalumbaiziga aboonse. ¹⁶ Nakasika ku Nazleta nkvakomenezegwa, a mbuli muchiyanza, wakannjila muchikkomnbelo muzuba bwa sabata wakayimikila akubala chakopolola. ¹⁷ Mabhuku amunsinsimi Isaya akapegwa mumaboko akwe. Wakajula bhuku akujana ndawu yakalembedwe kuti. ¹⁸ "Muuya wa Leza uli aalindime, nkaambo wakandinaanika kuti ndaaabe makani mabotu kuli bafwaba, wakandituma kuzowamba lwaangunuko kuli aabo baangidwe akuzobonia batakuboni, kwangununa aabo baadyaminizigwe, ¹⁹ kuzowamba munyaka wa Luse." ²⁰ Nakajula mabhuku, wakapa lubo kuli baka bungene kabakkede aansi. Menso aboonse bakali muchikombelo kamulangide. ²¹ Wakatalika kwambula ambabo, "Sunu eli jwi lyazuzikizigwa mukumvwa kwanu." ²² Boonse awo bakambula zibotu atala anguwe akugamba majwi aakwe alumbayizigwa akalikuzwa mumulomo wakwe, bakali kuti, "Ooyu temwana wa Josefa na?" ²³ Wakati kulimbabo, "Chamasimpe tuyowaamba kasimpi aaka kulindime, musilisi liponye omwini. Kufumbwa nzitwakamvwa nzuwakachita mu Kapenawumu, ita zikozenyenie akudolopo lyakulindinywe. ²⁴ Pele wakati, "Nchobeni ndamwambila kuti takwe musinsimi utambulwa mudolopo lyakwe. ²⁵ Pele mukasimpe ndamabuzya kuti kwakali bamuka bafu biangi mu Izilayeli muchiindi cha Elayija, ijulu nilyajalwa kwaminyaka iitatu amyeezi ilamusantu awumwi alimwi nzaala mpati yakasika munyika. ²⁶ Pele Elayija taakwe nakatumwa nikuba kuli umwi wabo, pele kuli Zalafati mu Sidoni, kulimukamufu ukkala nkukooko. ²⁷ Kwakali bali aazipele biangi mu Izilayeli kwamazuba a Elisya musinsimi, pele takwe nikuba umwi wakali salazidwe kusiya Namani muSayilini." ²⁸ Boonse bantu muchikombelo bakazula kuyoowa nibakamvwa zintu eezi. ²⁹ Bakabuka bamutanda kuti azwe mudolopo akumuizya atala akalundu idolopo lyabo nkulyakayakilidwe nkumbali kulundu, kabayanda kuti bakamutontele aansi. ³⁰ Pesi wakayinda akati kabo waya kuli bumbi busena. ³¹ Alimwi wakeendelela akuya ku Kkapenamu, idolopo lili mu Galilii, alimwi wakasanguna kubaiisya atala aSabata. ³² Bakagamba enjisyo yakwe, nkaambo wakali kwambula

changuzu. ³³ Lino muchikombelo kwakali mwaalumi wakali aamuuya mubi wadayimona, alimwi wakalila akoompolola ajwi pat, ³⁴ "Aah! Niinzi nzitwelede kuchita anduwe, Jesu waku Nazareta? Wasika kuzotujaya na? Ndilizi kuti nduweni - Uusalala wa Leza!" ³⁵ Jesu wakamutukila dayimona, akwaamba kuti, "Utaambuli zwa mulinguwe. Aawo dayimona nakamuwisa mwaalumi aakati kabo, wakazwa mulinguwe, alimwi telyakamuchisa abunini. ³⁶ Boonse bantu bakagamba, alimwi bakaliswini kwambula atala anzizyo umwi awuumwi. Bakat, "Musyobo nzi wamabala ali obu? Wakulayilila myuuya mibi chabwendelezi anguzu alimwi yazwa." ³⁷ Alimwi makani mabotu akatalika kuyanzala kumabazu woonse akuchisi. ³⁸ Mpawo Jesu wakazwa muchikombelo, alimwi wakanjila mung'anda ya Sayimoni. Lino banyinazyala ba Sayimoni bakalikuchiswa akupya mubili, alimwi bakabakombelezya kuli nguwe. ³⁹ Mpawo wakayimikila kunembo lyamwanakazi akukalalila kupya kwamubili, alimwi bwakamusiya bulwazi. Mpawo, wakanyampuka akutalika kubakutawukila. ⁴⁰ Mpawo zuba nilyakabbila, bantu bakamwetela Jeso boonse bakali aamalwazi asiyenesiyene wakabika maboko akwe kuli boonse akubaponia. ⁴¹ Madayimona alawo akazwa kubayingi babo, kalikulil kaamba kuti, "Uli Mwana wa Leza!" Jesu wakakalalila ma daimona alimwi akutazumizya kuti uaambule nkaambo akalizi kuti ngu Kkilisto. ⁴² Lino nibwakasika buzuba bwakulyokezya, wakaya kubusena buumwide. Makamu abantu akalikumulanguula akasika nkwaakabede. Bakeezya kumukasya kuti atazwi pe akati kabo. ⁴³ Pele wakati kulimbabo, "Ndilelede alimwi kukambawuka ijwi atala abwami bwa Leza kumadolopo miangi, nkaambo aka nkikambo nkindakatuminwa." ⁴⁴ Alimwi wakeendelela kukambawuka muzikombelo zyoonse zyamu Judiya.

5

¹ Lino kwakachitika kuti bantu nibakabungene munsi aJeso akuswilila jwi lya Leza, awo nakimvvi kulubbazu lwalwizi lwa Genesareti. ² Wakabona maato obile kagwisigilwe kunkomwe ya lwizi. Basikuzuba nswi bakali bazwa mulingawo bakali kusanza tunsabwe twabo. ³ Jeso wakanjila mulilimwi lya bwaato, ilyakali lya Sayimon, akumukumbila kuti aligwisyre kuzwa mananzi kwamusinzu mufwifwi anyika. Alimwi wakakkala ansi akuyiisya bantu anze abwaato. ⁴ Awo nakamana kwambula, wakati kuli Sayimoni, "Bweeza bwato ububike mananzi uwaale mansabwe kuti uche." ⁵ Sayimoni wakasandula wati, "Mwaami, twabeleka busiku boonse pesi takwe nchitwjajata, pesi mujwi lyako, ndilawala mansabwe. ⁶ Lino nibakachita oobo, bakabungika nswi nyinji, a nsabwe zyabo zyakalikudeluka. ⁷ Mpawo bakobola benzina bakali muli bumwi bwaato kuti baboole akuzobagwasya. Bakasika akuzuzya maato obile, alimwi batalika kubbila. ⁸ Aboobo Sayimoni Pita, nakachibona wakawida kumawulu aJeso wamba, "Kozwa kulindime nkaambo ndimwaalumi uuchita zibi, Mwami." ⁹ Nkaambo wakagamba, aboonse mbakali aabo, kunswi nzibakajata eezyo nzibakatola. ¹⁰ Eechi chakabikkilizya Jemusi a Joni, bana ba Zebediya, bakali basimulimunyina a Sayimoni. Jeso wakati kuli Sayimoni, "Utayooowi nkaambo kuzwa sunu kuya kunembo uyozuba bantu." ¹¹ Nibakeeta maato aabo kunze, bakasiya zyoonse akutomubela. ¹² Chakachita kuti nakali kuli limwinya dolopo mwaalumi wakazwide chipele wakali mo. Elyo nakamubona Jeso, wakawida kubusyu bwakwe

akumukumbila, wati, "Mwaami, kuti wayanda kondi salazy." ¹³ Mpawo Jeso wakatambika janza lyakwe wamujata, wati "Ndilayanda kosalala." Mpawaawo chipele chakamusiya. ¹⁴ Wakamulayila kuti atawambili naba omwe, mpawo wakamwambila kuti, "Yinka munzila yako, ukalitondeye kumupayizyi ukatuue chipayizyo chakusalazigwa kwako, mbuli mbwakalailila Mozesi bube bukamboni kuli mbabo." ¹⁵ Pele impupo atala anguwe yakiinka kule, elyo makamu abantu akasika antoomwe kuti amvwe kuyisya kwakwe akuponisiga kumalwazi aabo. ¹⁶ Pesi we wakanoonga waya kumasena asisikene kuyookomba. ¹⁷ Kwati limwi zuba kuli eecho chiindi naakali kuyisya, kwakali baFalisi abayisyi bamulawu bakali kkede aawo, bakazwide kumasena miingi amu Galili, Judiya aku Jelusalema. Nguzu zya Mwami zyakali anguwe zyakuponia. ¹⁸ Nkabela bamwi baalumi bakaza babwezede umwi mwaalumi aabulo wakayuminide mubili, bakayandula nzila yakumunjizya mukati kuti bamubike aansi kunembo a Jeso. ¹⁹ Tebakajana nzila yakumweeta mukati akambo kamakamu, lino bakinka aachiluli chang'anda baseluza mwalumi achiluli abulo bwakwe, akati lyabantu kunembo lya Jeso. ²⁰ Naakabona lusyomo lwabo, Jeso wakati, "Yomwaalumi zibi zyako zyalekelelwa." ²¹ Lino balembi bamulawu aba Falisizi bakatalika kubuzya bakati, "Ngwani oyo waambula chakusampawula ngwani ukonzya kulekelela zibi kunze kwa Leza alikke?" ²² Pesi Jeso wakabona mbubakali kuyeeya, wakasandula wati kuli mbabo, "Nkaamboonzi nimilibuzya mumyyoyo yanu?" ²³ Nchichili chuuba kwaamba kuti, 'Zibi zyako zyako zyalekelelwa akwaamba kuti nyampuka uyende?' ²⁴ Pele kuti mukazibe kuti mwana wamuntu ulaanguzu aanyika zyakulekelela zibi, ndati kuli nduwe, "Nyampuka bweza bulo bwako uye kung'anda yako." ²⁵ Mpawaawo wakabuka kunembo lyabo wabweza bulo bwakwe mpaakalede. Mpawo wakiinka kung'anda yakwe, kayabulumbayizya Leza. ²⁶ Boonse bakagamba mpawo balumbaizya Leza. Bakazuzigwa buyoofu bati, "Twabona zintu zyiindilide sunu." ²⁷ Musule lyazezi zyakachitika, Jeso wakazwa wayinka eelyo wakabona simutelo uitegwa Levi kakkede aatente lyabasimutelo. Wakan kuli nguwe, "Nditobele." ²⁸ Mpawo Levi wakabuka wamutobela wasiya zyoonse musule. ²⁹ Nkabela Levi wakachitila Jesu pobwe pati mung'anda yakwe, kwakaliko basimutelo biingi abantu bakakkede aabo aatafula kuti balye ambabo ³⁰ pesi ba Falisi bakalikutongawukila basikwiya bakwe kabati, "Nkaamboonzi nalya abasimutelo abasizibi?" ³¹ Jesu wakabasandula wati, "Bantu batachiswi tabayandi musilisi, pesi luzutu aabo bachiswa. ³² Tendakazida baluleme pesi aabo basizibi kuti basanduke." ³³ Bakati kulinguwe, "Basikwiya ba Joni bakalikulyiimya kulya akukomba abasikwiya baba Falisi bachita mbubo. Pesi basikwiya bako balalya akunywa." ³⁴ Mpawo Jesu wakati kulimbabo, "Mpali na uukonzya kwaamba kulibasikutambwa kupobwe kuti balyiimye chakulya sikukwata kachiliwo? ³⁵ Pesi buzosika buzuba aawo sikukwata natazo bwezwé kuzwa kulimbabo, kumazuba aayo bazolyimya." ³⁶ Lino Jesu wakaamba chikozyaniso kulimbabo. "Taakwe naba omwe uudelula chigamba chachisamo chipya akuchibelesya aachisamo chikulukulu. Kuti wachita oobo uladeluula chisamo chipya. Lino chigamba chizwa kuchisamo chipya tachikonzyi kweeela kuchisamo chikulukulu. ³⁷ Taakwe uubika wayini mupya muchibikilo chachiindi. Kuti wachita oobo wayini mupya ulabalula chibikilo. Lino wayini ooyo uyoofusuka alimwi chibikilo achilacho chilanyonyooka. ³⁸ Pele wayini mupya welede kubikwa muchibikilo

chipya chakubikila wayini. ³⁹ Taakwe naba omwe uunywa wayini mukulukulu uuyanda kunywa wayini mupya, uwamba kuti wachiindi ulimbubo.

6

¹ Lino zyakachitika muSabata awo Jesu nakalikuyabweenda akwiinda akati kamyunda yazilyo, alimwi basikwiya bakwe bakabweza nseke zyazilyo, kabapukapuka akati kamaboko abo, akulya. ² Pele bamwi babaFalisi bakati, "Nkaamboonzi nimuchita chitali mumulawu mubuzuba bwaSabata?" ³ Wakasandula Jesu wakati, "Sa tamunabala eeyzo nzyakachita Davita awo naakaba aanzala, mwini ambakali abo? ⁴ Wakanjila mung'anda yaLeza alimwi wabweza chinkwa chisalala mpawo walya chisela, alimwi wapa chimwi kuli baabo mbakalabo kuti bâlye, nikuba chakalimumulawu luzutu kuti bapayizi abalikke bachilye." Mpawo wakati kulimbabo, ⁵ "Mwana a Muntu ngoMwami waSabata." ⁶ Zyakachitika kuti imwi Sabata wakanjila muchikombelo chamaJuda wayisyा bantu. Mumoomo mwakali mwalumi wakali akuboko kwachilisyo kwakayumide. ⁷ Balembi bamulawo abaFalisi bakamulangisisya kuyanda kubona kuti ulaponya umwi na muSabata, kuti bamujanine kaambo kakumupa mulandu. ⁸ Pele wakalizizi nzibakali kuyeeye alimwi wakati kumwalumi wakali akuboko kuyumide, "Nyampuka mpawo wiimikile akati kaboone." Aboobo wakanyampuka wayimikila aawo. ⁹ Jesu wakati kulimbabo, "Ndamubuzya, chili mumulawu na muSabata kuchita bubotu na bubi kuvuna buumi na kujaya?" ¹⁰ Mpawo wakalangalanga kuli boonse wasikuti kumwaalumi, "Tandibika luboko lwako." Wakachita mbubo, alimwi lwakatalamuuka." ¹¹ Pesi bakazula kunyema abasikwaambilana kuti bamuchite buti Jesu. ¹² Zyakachitika mumazuba aayo mpakayinka kuchilundu kukukomba. Wakiinkila kunembo mansikuwoonse mukukomba kuli Leza. ¹³ Nibwakacha, wakayita basikwiya bakwe kulinguwe, alimwi wakasala bali kkumi ababili, aabo mbakati mbatumwa. ¹⁴ Mazina abatumwa mbaba Sayimoni (oyo ngwakati Pita) a mukulana wakwe Endulu, Jemusi, Joni, Filipi, Bbatolomiyo, ¹⁵ Matayo, Tomasi, Jemusi mwana wa Alufiyasi, Sayimoni walikutegwa muZiloti, ¹⁶ Judasi Sikkaliyoti, wakazoba sikwaaba Jesu. ¹⁷ Pele Jesu wakaseluka kuzwa kuchilundu ambakali aabo mpawo wiimikila antandabale amakamu mapati abasikwiya bakwe a bantu biingi bazwa kuJudiya a kuJelusalema akunkomwe yalwizi lwaTaya a Sidoni. ¹⁸ Bakaza kuzoswiilah kulinguwe akuponesegwa zilwazi zyabo. Bantu bakali kukatazigwa amyuuuya mibi bakaponesegwa abalabo. ¹⁹ Woonse wakali munkamu wakali kweezya kumuguma nkambo manguzu akuponya akali kuzwa mulinguwe, alimwi wakabaponya boonse. ²⁰ Mpawo wakalanga kulibasikwiya bakwe alimwi wati, "Mulilongezedwe nywebo nobachete, nkambo bwami bwaLeza mbubwanu. ²¹ Mulilongezedwe nywebo nimufwa nzala, nkambo muyokkutisigwa. Mulilongezedwe nimuñila lino, nkambo muyooseka. ²² Mulilongezedwe nywebo nimuyosulwa abantu, alimwi bayomusaamika akumusampawula, akaambo kaMwana waMuntu. ²³ Mukabotelwe mubuzuba oobo akusotoka mulukondo, nkambo chakasimpe myoooba ampidu mpati kujulu, nkaambo basikalé babo bakajisi basinsimi munzila ilibobu. ²⁴ Pele chabija kulindinywe nibavubi, nkaambo mwatambula kale luumbulizyo lwanu. ²⁵ Chabija kulindinywe nimukkusi lino, nkaambo myoooba anzala, chabija kulindinywe nimuseka lino, nkaambo myolila akukwiila muchindi chitobela. ²⁶ Chabija kulindinywe na woonse muntu

kawamba bubotu andinywe, nkaambo mbubo basikalebabu mbubakabaji basinsimi bakubeja. ²⁷ Pele ndati kulindinywe nimulikuswilizya, yanda basinkondonyokwe alimwi muchite zibotu kulimbabo bamusula. ²⁸ Mulongezye baabo bamutuka alimwi mukombele aabo bamusukuusya. ²⁹ Kuli wooyo ukuuma seja mupe lubo alimbi. Na umwi muntu wabweza chibaki chaajulu utamwiimi chakunsi. ³⁰ Pa kumuntu woonse uukukumbila. Na umwi muntu wabweza chintu chako utamwaambili kuti achiboozye kulinduwe. ³¹ Mbili mboyanda kuti bantu bakuchitile weelede kubachtila ayebo mbuboobo. ³² Na wayanda luzutu aabo bakuyanda mbulumbuunzi buli kulinduwe? Nkaambo nikuba abasizibi balabayanda aabo babayanda. ³³ Na wachitila kabotu aabo bakuchitila kabotu, zikugwasyanzi? Nkaambo abalabo basizibi balazichita eezyo. ³⁴ Na kogwasya biyo aabo bakonzya kukubweedezya nzuwabapa, chikugwasyayi? Nkaambo basizibi abalabo balapa basizibinyina, kuti bajane mpindu ikozyenie. ³⁵ Pesi tuyande basinkondonyokwe mubachitile zibotu. Mupegwe mutalangili kupegwua lubo aboobo mpindu yenu iyooba mpati alimwi myoooba bana ba Simajulu, nkaambo we lwakwe uli aaluyando nikuba akulaabo batakwre luyando abasizibi. ³⁶ Mube aaluzya nkaambo Wuso alakwe ulaaluzyalo. ³⁷ Mutabeteke, alimwi tamkoyobetekwa. Mutapi mulandu, alimwi tamukyooppegwa mulandu. Mukalekelele bamwi, alimwi tuyolekelelwa. ³⁸ Pa, alimwi chiyooppegwa kulinduwe. Cheelelo chibotezya - chisindiiidwe akuzula chakufusuuka - chiyootiliilwa aazibelo zyako. Nkaambo mweelo ngobelesya nguwonya uyoobelesegwa kulinduwe." ³⁹ Mpawo wakabaambila lubo chimbi chikozyanisyo. "Sa muntu moofu ulakonzya na kukwela moofunyina? Na wachita boobo, bobile te balawida mugolonga, anga tabakoowida na? ⁴⁰ Sikwiya takomeneni myiisiyi wakwe pe, pesi woonse kuti wayiisigwa ulamba mbuli myiisiyi wakwe. ⁴¹ Nkaambonzi nolanga kasyapu kakasamu kali mulinso lyamwana wakwanu, pesi kotaboni chisamu chili mulilyako linso lyako nomwini? ⁴² Ibuti mbonga ulakonzya kwaambila mwana wakwanu kuti, 'Mwanakesu, leka ndikugwisye kasyapu kakasamu kali mulinso lyako,' pesi iwe muli lyako linso kotabwene chisamu chilimo? Nduwe sikuupawupa! Sanguna uwgwisye chisamu chilimulinso lyako, mpawo uyoobona kabotu kugwisya kasyapu kakasamu kali mulinso lyamwanakanwanu. ⁴³ Nkaambo taakwe musamu mubotu uuzyala michelo iibolede, taaakwe munsamu uuboledge uunga ulazyala muchelo mubotu. ⁴⁴ Nkaambo awumwi munsamu ulizibikene amusyobo wamichele nguzyala. Nkaammbio bantu tabacheli nkuyu kuzwa kumuumvwa, nikuba kuchela masansa kuzwa kumoobankonono. ⁴⁵ Muntu mubotu kuzwa kububotu bwamoyo wakwe, alimwi muntu mubi kuzwa mububi bwamoyo wakwe uwgwisya zibi. Nkaambo kuzwa mubuvule bwamoyo mulomo ulaambuuula. ⁴⁶ "Nkaamboonzi nimundiita kuti, 'Mwami, Mwami,' pesi tamulemeki zintu nzewamba?" ⁴⁷ Woonse muntu uuza kulindime akumvwa majwi aangu alimwi kaalemeka, ndiyoomwambilu kuti ulimbili nyamanzi. ⁴⁸ Ulimbuli muntu uuli kuyaka ng'anda, wakasya wanika mpawo wayaka ntalisyo yang'anda yakwe amwaala uusimide. Awo zambangulwe nilyasikide, maanzi miingi alakunka awuma ng'anda pesi taakakonzya kwipiizungania pe, nkaambo yakauyakwa kabotu. ⁴⁹ Pele uumvwa majwi aangu akutaalemeka, ulimbili muntu uuyaka ng'anda aamuse kaatakwe ntalisyo, maanzi aakasika abukali bwawo bwakuuma ng'anda eeyo mpawo yawa lunyonyooko loonse lweenda amaanzi."

7

¹ Aawo Jesu nakamana zyoonse nzyakalikwaamba kubantu, wakanjila mu Kkapenawuma. ² Lino mupati wabasilumamba wakali aamuzike wakwe ngwaakalikuyandisya, pesi wakali wachiswa kali waamba kufwa. ³ Mupati wabasilumamba nakamvwa aatala a Jesu, wakamutumina bapati babaJuda, kamukumbila kuti asike azosilike muzike wakwe. ⁴ Nibakasika kuli Jesu, bakamukumbila chamoyo woonse kabati, "Uleelede kuti ajane luzyalo kuzwa kulinduwe, ⁵ nkaambo ulayiyandisya nyika yesu, alimwi nguwe wakatuyakila chikombelo." ⁶ Lino Jesu wakeendela kunembo ambabo. Pesi katananba kule ang'anda, Silumamba mupati wakatumwa beenzinyina kaamba kuti, "Mwami utalikataazyhi lwako, nkaambo nsyeelede pe kuti usike mung'anda yangu. ⁷ Nkaambo kaako nchindabona nkesyeelede pe kuti ndisike kulinduwe, pesi wamba biyo jwi ulapona mulanda wangu. ⁸ Nkaambo andime ndili mwaalumi ulimunsi lyanguzu, ndilaabasilumamba munsi lyangu. Ndilaamba kuliyooyu kuti, 'Yinka', ulayinka, akuli umbi kuti, 'Sika,' ulasika, aku, mulanda wangu kuti, 'Chita eechi,' alimwi ulachichita." ⁹ Jesou naakamvwa majwi aaya akamugambya, wakalanga makamu akayobumutobelwa wati, "Ndati kuli ndinyewe, taakwe nikuba mu Izilayeli moonse nkundakajene lusyomo luli boobo." ¹⁰ Aboobo aabo bakatuminwe nibakabweeda kung'anda bakajana muzike wapona. ¹¹ Kuzwa aawo Jesu wakaya kudolopo litegwa Nayini, mpawo basikwiya bakwe abantu biangi bakiinka aawe. ¹² Kali waamba kusika afwiifwi amulyango wadolopo eelyo, langa, kuli mwaalumi wakafwide wakalikuyabugwisigwa, wakali mwana wabanyina kali aalike (banyina bakali mukamufu), nkamu yabantu mpati kuzwa mudolopo oomu yakali aanguwe mwanakazi ooyu. ¹³ Aawo Mwami naakamubona, luzyalo lwakamujata loko nkaambo kayooyu mwanakazi mpawo wakati kuli nguwe, "Utalili pe." ¹⁴ Mpawo wakayinka wakujata bulo bwakalazikidwe mutunta, mpawo aabo bakanyampwide bakayimikila. Wakati, "Mulombe, ndati kulinduwe, buka." ¹⁵ Ooyu mwaalumi wakafwide wakabuka wakkala akusanguna kwaambuula, mpawo Jesu wakamupeda kuli banya. ¹⁶ Mpawo kuyoowa kwakanbasikila boonse, alimwi bakaumbayizya Leza, bakati, "Musinsimi mupati wabusigwa akati kesu" akuti "Leza wabalanga bantu bakwe." ¹⁷ Aaya makani aatala a Jesu akazula mukati ka Judea yoonse amukati kamasena ayizungulukide. ¹⁸ Basikwiya ba Joni bakamwaambilia zyoonse eezi izntu. ¹⁹ Mpawo Joni wakayita basikwiya bakwe babili mpawo wabatuma ku Mwami kuti bakatedi, "Nduwe na uzabuza, naakuti tulangile umbi?" ²⁰ Nibakasika aafwiifwi a Jesu bakati Joni Mubbabbatizyi watutuma kuti tozotedi, "Nduwe na uzabuza, nakuti tulangile umbi?" ²¹ Muwola eelyo wakapnia bantu bangi kuzwa kumalwazi, machise akumyuuya mibi, mpawo boofu biangi wakabania babona. ²² Jesu wakabasandula wati, "Nimwabweeda amukaambe kuli Joni eezyo nzimwabona akumvwa. Boofu balikubona, basinkematwi balikumvwa, bateemndi balikweenda, bachiswa chipele balikusalazigwa, bafu balikubuka kababoola kubuumi, bafwaba mbalikubuzigwa majwi mabohtu. ²³ Ooyo muntu uutaleki kusyoma mulindime nkaambo kanchito zyangu uli longezezegwe." ²⁴ Nibakabweeda basikutumwa ba Joni, Jesu wakasanguna kwaambula kumakamuaabantu aatala a Joni kati, "Niinzi nchimwayinka munkanda kuyoobona? Itete likuteketesegwa aguwo? ²⁵ Pesi niinzi nchimwayaya kukubona aanze? Mwaalumi uuzwete zizwaato zibotu? Amulange, aabo bazwata zizwaato zibotu abakkede

buumi buboto bali mumaanda abaami. ²⁶ Pesi mniinzi nchimwaya kukubona aanze? Musinsimi? Iyii, ndati kulindinywe mupati kwiinda musinsimi. ²⁷ Ngonguwe ulemebedewe majwi ati, 'Amulange, ndatuma mutumwa kunembo lyabusyu bwako, utakabambe nzila kunembo lyako.' ²⁸ Ndati kuli ndinywe,woonse wakazyalwa aamwanakazi, taakwe mupati kwiinda Joni. Pesi ooyo muniini mu bwami bwa Leza mupati kwiinda nguwe." ²⁹ Aawo bantu boonse nibakazimvwa eezi kubika aantomwe abasimutelo, bakaamba kuti Leza uli luleme, kwiinda mukubbabbatizigwa alubbabbatizyo lwa Joni. ³⁰ Pesi ba Falisi abasibusongo bamulawu wachi Juda bakalikakila luyando lwa Leza kulimbabo, nkaambo taakwe nibakali babbabbatizigwa a Joni pe. ³¹ "Mpo, nga ndilabakozyanisa aanyamanzi aba bantu baleeli zyalane? ³² Balimbuli bana balikusobana kuchisambalilo, aabo bakkede kabalikiitilana kuti, 'Twakulizizya nyeele taakwe nuwazyana pe. Twakwiimbila lwiimbo lwadilwe pesi takwe nuwalila pe.' ³³ Nkaambo Joni mubbabbatizyi wakasika katalyi chinkwa katanywi wayini, pesi mwaamba kuti, 'Ula dayimona.' ³⁴ Mwana wa Muntu wakasika kalya akunywa, mwaamba kuti, 'Amulange ulaamafwiti mpawo ulakolwa, muzolani wabasimutelo abasizibi! ³⁵ Pesi mbusongo buboneka kwiinda mubana busongo.' ³⁶ Lino ba Falisi bakamutamba Jesu kuti azolye aabo. Aboobo Jesu nakanjila mung'anda yaba Falisi wakakkala atafula kuti alye. ³⁷ Amulange kwakali mwankazi wamudolopo eelyo wakali sizibi. Naakamvwa kuti wakali kutafula mung'anda yamu Falisi, wakeeta kankuli kakazwide mafuta anunkilila. ³⁸ Nakiimvwi kusule lyakwe awifiwi amawulu aakwe, kalikulila, wakasanguna kutetya mawulu aakwe amisozi yakwe, mpawo wakaabukusa amasusu aakwe akumyonta mawulu aayo akwananika mafuta aanunkilila. ³⁹ Aawo mu Falisi wakatambide Jesu naakabona eezi kazichitika wakayeyea mumoyo wakwe, wakati, "Kansinga ooyu mwaalumi walimusinsimi, walikunooziba musyobo wamwanakazi ulikumwampampa kuti ngusizibi." ⁴⁰ Jesu wakasandula wati kulinguwe, "Sayimoni, mpuchili ncheyanda kwaamba kuli nduwe." Wakati, "Wamba. Muyisyl!" ⁴¹ Jesu wakati, "Umw i wakalikua zikwelete zyamali wakali aabasizikwelete nbabil. Umwi wakali aachikwelete chama dinari aali myaanda musanu, umwi makkumi musanu. ⁴² Nibakakachilwa kubweedezya mali yakwe, wakabalekelela boonse. Aboobo nguli akati kabu uutamuyande loko?" ⁴³ Sayimoni wakamusandula wati, "Ndiyeeya kuti ngooyo wakalekelelwaa aapati." Jesu wakamusanduka wati, "Wasandula kabotu." ⁴⁴ Jesu wakachengunkila kumwanakazi wasikuti kuli Sayimoni, "Wamubona ooyu mwankazi. Ndanjila mung'anda yako. Taakwe nuwandipa maanzi akusamba mawulu aangu, pesi we watetya mawulu aangu amisozi yakwe akwaabukusa amasusu aakwe. ⁴⁵ Taakwe pe nuwandimyonta, pesi kuzwa mpundasikila talikuleka pe kumyonta mawulu aangu. ⁴⁶ Taakwe nuwananika mutwe wangu amafuta, pesi we wananika mawulu aangu amafuta aanunkilila. ⁴⁷ Aboobo ndati kulinduwe, zibi zyakwe zyali zyiingi loko, zyalekelelwaa - nkaambo waba aluyando lupati. Pesi ooyo ulekelelwaa buniini uyanda buniini." ⁴⁸ Mpawo wakati kumwanakazi, "Zibi zyako zyalekelelwaa." ⁴⁹ Aabo mbaakkede aabo atafula bakasanguna kwaambula akati kabu kabati, "Ngwani ooyu uulekelela niku zibi?" ⁵⁰ Mpawo Jesu wakati kumwanakazi, "Lusyomo lwako lwakufutula, koya muluumuno.

8

¹ Musule aachiindi Jesu wakeenda muzisi amumyuunzi kayabukambawuka akwaamba makani mabotu aatala abwaami bwa Leza. Balikumi ababili bakali antoomwe anguwe, ² alubo bakali aamwi awumwi mwanakazi wakaponesegwa kuzwa kumyuuya mibi akuzilwazi. Meli wakalikutegwa Magadalini ooyo wakaponesegwa kuzwa kuma dayimona ali musanu aabili; ³ Jowana, mukayintu wa Chuza, mubanzi wa Helodi, Susana abamwi biingi bakalikumusanina, kuzwa kulubono lwabo. ⁴ Lino makamuaabantu naakabungene, bakaza kulingue kabazwa mu-madolopo asiyene siyene wakabaambilila chikozyanisy. ⁵ "Mulimi wakaya kukubyala mbuto zyakwe, awo kalikubyala imwi yakawida munzila yalyatwa aamawulu abantu atuyuni twakujulu twakiilya. ⁶ Imwi yakawida aabwe, yakamena chakufwambaana, mpawo yakanyana, nkaambo teyakalikwe kuteta aansi. ⁷ Imwi yakawida mumaamvwa, mpawo maamvwa akakomena aamwi ambuto mpawo akiiyasa mbuto. ⁸ Pesi imwi yakawida mumuse mubotu mpawo yakazyala michelo yakali abana biinda mwaanda." Jesu nakaamana kwamba eezi zintu, wakoompola wati, "Ooyo uulamatwi aakumvwa, ngamvwe." ⁹ Basikwiyya bakwe bakabuzya kuti chaambayi chikozyanisio eechi. ¹⁰ Wakati, "Luzibo lwansiswa zya Leza lulipedwe kulindinywe, pesi kulibamwi ndaambula muzikozyanisy, nkaambo 'balabona pesi tababonesesy, mpawo balamvwa pesi balakonzya kutamvvisisisy.' ¹¹ Lino nchechi chaamba chikomzyanisy eechi: mbuto ndijwi lya Leza. ¹² Aabo bali munzila mbaabo bamvwa, pesi dyabbulosi wasika wabweza jwi kuzwa mumyoyo yabo, kuchitila kuti tabasyomi akufutulwa. ¹³ Mpawo aabo bali aabbwe mbaabo, banga balimvwa jwi, balalimvwa chakukondwa. Pesi tabakwe miyanda; balasyoma kwakayindi kaniini mpawo muchiindi chamasunko balawida aansi. ¹⁴ Mmbuto yakawida mumaamvwa mbantu banga balimvwa jwi, pesi nibeenda mnzila zyabo, balayaswa azintu zyenika abuvubi antoomwe abubotu bwabuuni oobu, alimwi michelo yabo tiikomeni pe. ¹⁵ Pesi imbuto yakawida mumuse mubotu, aaba mbaabo, bamvwa jwi amoyo wachoonzyo alusyomo, balalijata akuzyala michelo kabali alukakatizyo ¹⁶ Lino, taakwe, uunga nadomeka lampi wali vumba achisuwo mna kulibika smuchinkuma. Ulalibika aachibikilo chalampi kuchitila kuti limunikile boonse banjila mung'anda, kuti babone mumuni. ¹⁷ Nkaambo tachiwo pe chisisikene chitakaleke kuzibwa, nikuba nsiswa iitakaleke kuzibwa mumuni wazoosika. ¹⁸ Aboobo amuswiilizye kabotu nkaambo ooyo uula nchajisi uyooyungizigwa, pesi ooyo uutakwe nchajisi nikuba eezyo nzyayeeya kuti ulijisi uyoonyanzigwa." ¹⁹ Mpawo banyina abakwabo bakasika kuli nguwe, pesi taakwe nibakamuswena awfiifwi pe nkaambo kamakamu miingi. ²⁰ Bakamwaambilila kuti, "Banyoko abawanu, baliimvwi aanze bayanda kukubona." ²¹ Pesi Jesu wakavwiila wati kuli mbabo, "Baamba abakwesu mbaabo bamvwa jwi lya Leza akulichita." ²² Lino bumwi buzuba wakanjila mubwaato abaskwiiya bakwe, mpawo wakati kulimbabo. "Atuye kulilimbi bbazu lya Iwizi." Bakayamba. ²³ Kabachiyabuyamba, wakawona. Imvula mpati ilaaguwo yakasika aatala alwizi, bwaato bwabo bwakatalika kunjila maanzi alimwi bakali baba mubuyumuyumu. ²⁴ Mpawo basikwiyya ba Jesu bakaza kuli nguwe bamusinsimuna bat, "Mwami, Mwami, twaamba kufwa. Wakabuka mpawo wuumuzya guwo amaanzi mpawo kwabatama. ²⁵ Mpawo wakati kuli mbabo, "Luli kuli lusyomo Iwanu?" Pesi bakayoowa akugamba,

bakabuzyania umwi awumwi kabati, "Ngwani ooyu, iguwo amanzi eelyo zilamuswiilizya?" ²⁶ Bakayamba bakusika kuchisi cha Gelasensi, chili miutala eeliya alwizi lwa Galili. ²⁷ Lino Jesu naakalyata aanyika wakaswaana umwi mwaalumi wakali aama dimoni. Wakali waba achiindi chilamfu katakwé naakazwete zigogo pe, alubo teensi wakali kukkala mung'anda pesi wakali kukkala kuzyumbwe. ²⁸ Aawo naakabona Jesu waka kwila akuwida munsi lakwe wati kulingue ajwi pati, "Uli aamakanze nzi andime, Jesu mwana wa Leza uusumpukide loko? Ndakukumbila utandipenzyi." ²⁹ Nkaambo Jesu wakali walayilila muuya mubi kuti uzwe mumuntu. Nkaambo wakali wamupenzya kwachiindi chilamfu, nikuba wakuli kunoonga waangwa nsimbi anketani, wakalikuzidunsula alimwi wakalikunoonga wazulwidwa amuuya ooyo kuya mulusaka. ³⁰ Mpawo Jesu wakamubuzya wati, "Nduweni zina lyako?" Wakasandula wati, "Ligiyoni," nkaambo bakali biingi badayimona bakamunjide. ³¹ Aawo bakali kumukumbila kuti atabatandili mumulindi uutagoli. ³² Lino butanga bwa ngulube bwakali kuchela munsi aachilundu. Mpawo badayimona aabo bakakumbila kuti banjizigwe mungulube eezyo, mpawo Jesu wakaazumizya. ³³ Madayimona aayo akazwa mumuntu aakunjila mungulube, alimwi ingulube eezyo zyakachijaana zyankunukila mulwizi zyayinkila. ³⁴ Lino aabo bakali kweembela tanga lya ngulube nibakabona zyakachitika, bakachijina mugazi bakuluula zakachitika. ³⁵ Mpawo bantu biingi bakasika kuti bazobone zyakachitika, mpawo bakasika kuli Jesu bazojana kuli mwaalumi ooyo kuli nguwe badyabbulosi nkubaka tandwa. Walkalikkede munsi lya Jesu, kazwete alimwi kali waba amaanu kalikabotu mpawo bakayoowa. ³⁶ Lino aabo bakazibona zyakachitika bakababuzya mbuzyakachitika zyakuponesegwa kwa mwaalumi wakali aaba dayimona mbaakaponesegwa. ³⁷ Lino bantu bamu Gerasensi bakakumbila Jesu kuti azwe kuli mbabo, nkaambo obakali baba aakuyowa kupati. Aboobo wakaknjila mubwaato kuti basangune kuyamba babweede. ³⁸ Mwaalumi ooyu wakagwisigwa ba dyabbulosi wakakumbila Jesu kuti bayinke aamwi, pesi Jesu wakamukakila wati, ³⁹ "Bweeda kumunzi wako ukabaambile zyoonse Leza nzyakuchitila." Ooyu mwaalumi wakayinka kayobwaamba mudolopo lyoomnese aatala anzyakamuchitila Jesu. ⁴⁰ Lino Jesu nakabweeda, makamu akamatambula nkaambo bakali kumulangila. ⁴¹ Amubone umwi mwaalumi uutegwa Jayilasi wakali umwi wabeendelezi bachikombelo, wakasika wawida kumawulu aa Jesu mpawo wamukumbila kuti ayinke kung'anda yakwe, ⁴² nkaambo mwanakwe uzyedwe alikke, musimbi wakali amyaaka yakachibe kkumi ayibili wakali waamba kufwa. Awo Jesu nakali munzila kuya nkuko, makamu makamuaabantu akamuzyunguluka chaku syankana. ⁴³ Lino aawo kwakaliwo mwanakazi wakali kuzwa gazi kwamyaka ilikumi ayibili mpawo wakabelesya mali yakwe yoonse kuzibbadela, pesi taakwe naakapona pe. ⁴⁴ Wakasika kusule lya Jesu mpawo wakajata lupipito lwa jansi lyakwe, mpawo aawo gazi lyakayimikila kuzwa. ⁴⁵ Jesu wakati, "Ngwani wandi guma?" Boonse nibakakazya Pita wakati, "Makamu makamuaabantu alikuzyungulukide alimwi akusyankania." ⁴⁶ Pesi Jesu wakati, "Mpali wandiguma nkaambo ndaziba kuti inguzu zyazwa mulindime." ⁴⁷ Lino mwanakazi ooyo naakabona kuti takuyubiki wakaza ulakankamba akuwida ansi kunembo lyakwe. Wakalungununa kunembo lyabantu boonse nchaakamugmina akuponesegwa nkwaakachita mpawo aawo. ⁴⁸ Mpawo wakati kuli nguwe "Mwanangu, lusyomo lwako lwakufutula.

Yinka muluumuno.” ⁴⁹ Naakachili kwaambula, umwi wakasika kuzwa kung’anda yamuzuluzi wachikombelo, wati, “Mwana wako wafwa kale. Utachimukatazyi pe muiyiysi.” ⁵⁰ Pesi Jesu naakamvwa eezi wakasansula Jayilasi wati, “Utayoowi, syoma biyo, mpawo ulaponesegwa.” ⁵¹ Naakasika kung’anda, taakwe muntu ngwaakazumizya kunjila aawe, kunze kwa Pita a Joni a Jemusi, awisi wamwana abanyina. ⁵² Lino boonse bakali kuusa akumulila, pesi wakati, “Mutalili pe; tafwide pe ulikoona biya.” ⁵³ Pesi bakamuseka, nkaambo bakalizi kuti ulifwide. ⁵⁴ Mpawo wakamujata akuboko akoompolola, wakati, “Yo mwana buka!” ⁵⁵ Muuya wakwe waka boola, mpao aawo wakabuka. wakabalayilila kuti bamupe chakulya. ⁵⁶ Bazyali bakwe bakagamba pesi wakabalayilila kuti bataambili muntu achakachitika.

9

¹ Wakiita bali kumi ababili mpawo wabapa nguzu anzumizyo aatala abadayimona boonse akuponia malwazi. ² Wakabatuma kuyo kambawuka bwami bwa Leza akuyosilika bachiswa. ³ Wakati kulimbabo, “Mutabwezi chintu mulweendo lwenu, nuuba mufunko, niiba nkomo, nichiba chinkwa, nichiba chimbi chizwaato. ⁴ Kufumbwa ng’anda njimutakakan-jile, amukakkale mulinjiyo mane mukeende. ⁵ Kufumbwa nkubatakaleke kumutambula, nimwayoozwa mudolop eelyo muka kunkumune lusuko lwakumawulu aanu kunembo lyabo bukabe bukamboni kulimbabo.” ⁶ Mpawo bakeenda biinda mum gunzi, kabayabwaambu majwi mabotu akuyuponua bantu koonse koonse. ⁷ Lino Helodi naakamvwa aatala azyoonse zyakalikuchitika, wakali kataazya, nkaambo bamwi bakali kwaamba kutegwa Elija wakali kuboneka, akuti bamwi basinsimi biingga bakale bakali babuka. ⁸ Helodi wakati, “Ndakamugonka mutwe Joni, mpo ngwani ooyu ngwelikumvwa aatala azeezi zintu?” Aboobo wakeeza kumubona. ⁹ Nibakabpoola batumwa, bakaambila Jesu zyoonse nzibakakuchita. Mpawo wakababweza, bakayinka kubusena bulikule kudolopo litegwa Bbetisayida. ¹⁰ Pesi makamu aabantu naakamvwa eezi akamutobela. Wakabatambula akwaambula kulimbabo aatala abwami bwa Leza, akuponia aabo bakalikuyanda kuponesegwa. ¹¹ lino buzuba sb-wakali bwaamba kusika kumamanino, mpawo baikkumi ababili bakasika kulingue bati, “Wambilia bantu aaba beende baye mama gunzi ali aafwiifwi bakayandule akoona achakulya, nkaambo ookuno nkutubede mbusena butakwe chintu pe.” ¹² Pesi we wakati kulimbabo, “Amubape chakulya ndinywe.” Bakati, “Tujisi biyo zinkwa zilimusunu abaswi babili-kunze aakuti twiinke tukawulile bantu boonse aaba chakulya.” ¹³ (Kwakali baluumi bakalikusika zyuulu zisanu.) Wakati kuli basikwiyya bakwe “Amubaambile bakkale muzibunga zyamakkumi musanu.” ¹⁴ Aboobo bakachita mbubakaambilwa bakkazika bantu aansi. ¹⁵ Wakabweza zinkwa zilimusunu abaswi babili, wakalanga kujulu, wakazilongezya mpawo wakazikwamuuna, mpawo wakapa kuli basikwiyya kuti baabile bantu. ¹⁶ Boonse bakalya bakuta, bufwefwelenga bwakabweezelewa bwakachaala bwakali kuzuza zisuwo zili kumi azibili ¹⁷ Chakasika chiindi chakuti Jesu wakalikukomba alike, basikwiyya bakali anguwe. Wakabuza kuti, “Makamu aabantu ati ndimeeni?” ¹⁸ Bakasandula kuti, “Joni Mubbabatizyi. Pesi bamwi batii Elija, mpawo bamwi batii umwi musinsimi wakale wakabuka.” ¹⁹ Mpawo wakati kulimbabo, “Pesi nywe muti

ndimeni?" Pita wakasandula kuti, "Munanike Kkilisito wa Leza." ²¹ Pesi wakabadidimizya chamanguzu kuti bataambili muntu pe, ²² kati, "Mwana wa Muntu welede kusyonsegwa kuzintu zyiingi akukakwa abapati, batapi babapayizi antoomwe abalembi bamulawu, mpawo uzojjigwa mpawo mubuzuba bwatatu uzobuka." ²³ Mpawo wakati kuli mbabo boonse, "Na kwaba muntu uyanda kunditobela weelede alikake abweze chiingano chakwe abuzuba anditobele. ²⁴ Ooyo uyanda kutabilila buumi bwakwe uyoobuswekelwa, pesi ooyo uyooswekelwa buumi bwakwe nkaambo kandime uyoobubamba. ²⁵ Niinzi chibotu kuti muntu ajane nyika yoonse, pesi akasweekelwe abumi bwakwe? ²⁶ Ooyo uuufwa bweeme nkaambo kangu amajwi aangu, alakwe Mwana wa Muntu uyofwa bweeme nayoza mubulemu bwakwe, bulemu bwa Wisi abangelo basalala. ²⁷ Pesi ndatki kulindinywe nchobeni, kulibamvvi biimvvi aawa batayi kuyoomvwa lulu kabatana bona bwami bwa Leza." ²⁸ lino pmusule lyamazuba musanu aataatu Jesu kali waamba majwi aaya, wakabweza Pita a Joni a Jemusi mpawo wakatanta kalundu kuyokomba. ²⁹ Nakali kukomba busyu bwakwe bwakasanduka, mpawo zisamo zyakwe zyakatuba chakwiindilizya. ³⁰ Mpawo amulange, baalumi bobile bakali kwaambula aawee, Mozesi a Elija, ³¹ bakaboneka muchiimo chabulemu bupati. Bakali kwaambula aatala akwenda kwakwe, oko nkvakali walangila kweeta kumamanino mu Jelusalemu. ³² Lino Pita abaabo bakali aawee bakali fwide biya akoona, pesi nibakasinsimuka, bakabonuna bulemu bwakwe abaalumi bobile bakayimvvi aawee. ³³ Aawo nibakali kuyobusosoloka kuzwa kuli Jesu, Pita wakati kulinguwe, "Mwami, nchibotu kulindiswe kuti katuli aano. Atuyake zitumba zyotatwe, chimwi chako, chimwi cha Mozesi, achimbi cha Elija" (taakwe nakezi nzyakali kwaambuu). ³⁴ Kachaambuula oobu, joba lyakasika lyabavumba, mpawo bakayoowa nibakanjila mujoba. ³⁵ Ijwi lyakamvwika mujoba kaliti, "Ooyu mwana wangu, uusalidwe; amumuswilile." ³⁶ Ijwi nilyakamana kwaambula Jesu waka chaala kali aalike. Bakawumuna alimwi taakwe ngubaambila pe mumazuba aayo anzibakabona. ³⁷ Likno mubuzuba bwakatobel, nibakaselela mukalandu, inkamu yabantu mpati yakamtumbula. ³⁸ Amulange umwi mwaalumi kuzwa munkamu wakoompolola, kati, "Muyiisyi, ndakombelela ulange mwana wangu, nkaambo ngomwana wangu alike. ³⁹ Langa, muuya nga wamujata mpawo nga wasanguna kukwiila; zimupa kusuntuka mpawo nga wazwa fulu kumulomo. Tuufwaambani kumuleka pe alimwi umupa kuchubbuuka kapati. ⁴⁰ Ndakumbila basikwiyya bako kuti bawutande pesi bakachilwa." ⁴¹ Jesu wakasandula wati, "Nywebo nozyalane litasyomi, ndeelede kuba aandinywe kwachiindi chilamfu biyeni akukkala aandinywe? Yeta mwana wako aano." ⁴² Nakalikuyobuza mulombe ooyu, muuya wakamuvisizya aansi akumusuntula. Pesi Jesu wakawulayilila muuya mubi akumuponia, akumubwedezya kulo wisi. ⁴³ Mpawo bakagamba abupati bwa Leza. Aawo kabachigamba boonse aali nzyakali wachita, wakati kulo basikwiyya bakwe, ⁴⁴ "Aaya majwi ayelede kunjila loko mmatwi eenu: Mwana wa Muntu uzowabwa kumaanza abaalumi." ⁴⁵ Pesi tebakamvvisisisya nzyakalikwaamba. Zyakasiswa kuli mbabo, aboobo tebakaziba nhiziyawaamba. Alimwi bakayoowa kuti babuzeye aatala amajwi aaya. ⁴⁶ Mpawo kwakabuka kukazyania aatala akuti ngwani aakati kabo utaazobe mupati kwiinda bamwi. ⁴⁷ Pesi Jesu naakaziba zyakali mumyoyo yabo, wakabweza mwana muniini wamweeta kubbazu lyakwe ⁴⁸ mpawo wakati kulimbabo, "Ooyo uutam-

bulu mwana ooyu muzina lyangu, utambula ndime, ayooyo uutambula ndime, utambula ooyo wakandituma. Nkaambo ooyo muniini akati kenu ngongue mupati.”⁴⁹ Joni walkasandula wati, “Mwami, twabona umwi muntu kalikutanda madayimona muzina lyako pesi twamukasya, nkaambo takutobel pe antoomwe andiswe.”⁵⁰ “Tamu Mukasyi pe,” Jesu wakasandula, “nkaambo ooyo uutamulwani nguwen.”⁵¹ Nakaswemna mazuba akuti atolwe kujulu, wakabikka budyu bwakwe kuti baye ku Jelusalema.⁵² Wakatma batumwa kunembo lyakwe, bakayinka bakunjila mulilimwi kgunzi lyama Samaria kabamubambilza zyoonse.⁵³ Pesi bantu bamugunzi eelyo tebakamutambula pe nkaambo wakalikutozya ku Jelusalema.⁵⁴ Basikwiiya bakwe nibakachibona eechi, bakati kulinguwe, “Mwami, uyanda kuti twiite mulilo na kuzwa kujulu iunbanyonyoone boonse?”⁵⁵ Pesi wakabalanga wabakalalila,⁵⁶ mpawo kbakaya kulilimbi gunzi.⁵⁷ Kabayobweenda munzila, umwi muntu wakati, “Ndilakutobela koonse nkotakaye.”⁵⁸ Jesu wakati kulinguwe, “Baswumpe bali aabulyango, atuyuni twamujulu tuli azizoumbo, pesi mwana wamuntu takwe mpanga ulasegezya mutwe wakwe.”⁵⁹ Mpawo wakati kuli umwi, “Nditobele.” Pesi wakati, “Mwami, Ndizumine ndikavwike taata wangu sansi.”⁶⁰ Pesi wakati kulinguwe, “Leka bafu bavwikke bafunyina. Pesi webo, yinka ukakambawuke kule aatala abwami bwa Leza.”⁶¹ Mpawo umwi wakati, “Ndilakutobela, Mwami, pesi ndizumine ndooneke aabo bali amuunzi⁶² wangu.” Jesu wakamusandula wati, “Taakwe uubikka kubo kwakwe

10

¹ Lino musule azyoonse eezi, Mwami wakasala bambi basika makkumi mousanu amakumi aabili, [amwi malembe manji achiindi aamba kuti makumi usanu aabili pesi amwi ati makumi musanu ababili] mpawo wakabatuma bibili bibili, kunembo lyakwe kumadolopo woone ngakalangilide kwiinda mulingawo. ² Wakati kulimbabo, “Butebuzi mbunji loko, pesi babelesi mbache. Aboobo amukumbile kuli Leza wabutezi kuti atumine babelesi kumuunda wakwe. ³ Amwinke munzila yanu. Amulange ndamutuma mbuli mbelele akati kabawumpe. ⁴ Tamubwezi nkomwe yamali, tamubwezi zikwama, tamubwezi nsangu, mpawo tamujuzyi bantu munzila. ⁵ Kufumbwa ng'anda njimuyonjila, amukasangune akuti, “Luumuno alube aatala ang'and eeyi!”⁶ Na kakuli muntu waluumuno aawo, luumuno lwenu luyokkala aalinguwe, pesi kuti kaatakwe, luyoobola kulindinywe. ⁷ Amukakkale mung'anda eeyo kamulya akunywa eezyo nzibayoomupa, nkaambo mubelesi ulelede mufo walkwe. Tamukeendi kuzwa kulimwi ng'anda kuya kuliimbi. ⁸ Kufumbwa dolopo ndimuyoonjila, bakamutambule, amukalye eezyo nzibatakamupe, ⁹ mpawo mukasilike bachiswa aawo. Amukatedi kulmbabo, ‘Bwami bwa Leza bwasika afwiifwi andinywe.’¹⁰ Kufumbwa dolo[o ndimuyoonjila, bakakake kumutambula, amukayinke mumigwagwa mukatedi, ¹¹ ‘Nikuba lusuko lwamudolopo lyenu lwajatilila kumawulu eesu tulalukunkumuna kunembo lyenu! Pesi amuzibe eechi: Bwami bwa Leza bwasika afwiifwi.’¹² Ndamwaambila kuti nibwayoosika buzuba bwakubetekwa kuyoba mbubo ku Sodoma kwiinda eelyo dolopo. ¹³ Mapenzi kulinduwe, Kkolazini! Mapenzi kulinduwe, Bbetisayida! Na milimu mipati yakachitwa mulindinywe yakali yachitwa mu Taya amu Sidon, nibanga bakasanduka chiindi loko, kabakkede muzizwato zyamasaka akulinana dota. ¹⁴ Pesi

chiyoba mbubo ku Taya a Sidon kwiinda ndinywe.¹⁵ Iwe, Kkapenawuma, uyeeya kuti uzosumpwidwa kujulu na? Pepe, uzoboozegwa aansi ku Hadesi.¹⁶ Ooyo uyoomuswiila waswiilila ndime, ayooy o yoomukaka wakaka ndime, aboobo ooyo undikaka wakaka awakandituma.”¹⁷ Aaba balimakumi musanu amakumi aabili nakaboola lkabali mulukondo, kabaamba kuti, “Mwami, abadayimona boonse bakali kutuswiilila muzina lyako.”¹⁸ Jesu wakasandula kati, “Ndalikweenba Satani kawa kuzwa kujulu mbuli kalabi.¹⁹ Amulange ndamupa manguzu aakulyata aatala anzoka atubanke, anguuzu zyoonse kwiinda zyasincondonyokwe, alimwi taakwe nikuba mulili nzila chiyoomuchisa.²⁰ Nikulibooobo tamukondwi loko kuli zeezi azilike, pesi amupakale nkaambo mazina aanu alembwa kujulu.”²¹ Kuchiindi nchincheecho wakabotelwa loko mu Muuya Uusalala, mpawo wakati, “Ndakutembawula, Taata, Mwami wa julu anyika, nkaambo wakasisa zikntu eezi kulibasibusongo akumvvisisisya, mpawo waziyubununa kuli aabo batayisizigwe, mbuli bana baniini. Iyii, Taata, kakulibooobo chalikuboteya kubusyu bwako.”²² Zintu zyoonse zyapegwa kulindime kuzwa kuli Taata, alimwi taakwe uuzi Mwana kuti ngwani kunze kwa Taata, mpawo taakwe uuzi kuti Taata ngwani kunze kwa Mwana akuli wooyo Mwana ngasala kuybunwida.”²³ Mpawo wakachengunukila kuli basikwiya bakwe mpawo wabaambila chansiswa kuti, “Balilongezezegwe aabo babona nzimubona.²⁴ Ndati kulindinywe, kuli basinsimi biingi bakali aachiyandsyo chakubona nzimubona, pesi taakwe nibakazibona pe, akumvwa zintu nzimumvwa, pesi, taakwe nibakazimvwa pe.²⁵ Amulange umwi muiyiisi wamilawu yachi Juda, wakanyampuka kayanda kumusunka, wakati, “Muiyiisi, niinzi nchenga ndilachita kuti ndijane buumi butaman?”²⁶ Jesu wakamusandula wati, “Kulemedwe kutyeni mumulawu? Muubala biyeni?”²⁷ Naakasandula wakati, “Yanda Mwami Leza wako amoyo wako woonse, amuuya wako woonse, anguzu zyako zyoonse, akuyeeya kwako koone, mpawo uyande simabambanwa wako mbuli mbmoliyanda omwini.”²⁸ Jesu wakatgu kulinguwe, “Wasandula kabotu. Zichite eei ulapona.”²⁹ Pesi muiyiisi ooyu, nakalikweenza kulilwanina wakabuzya lubo kuli Jesu wati, “Animpo simabambanwa wangu ngwani?”³⁰ Kalikumusandula Jesu wakati, “Umwi mwaalumi wakalikuyabuselela kazwa ku Jelusalema katozya ku Jelikko, wakaswaana babbi bakamubbida zintu zyakwe, mpawo bakamuuma bamusiya kali waamba kufwa.³¹ Muchoolwe umwi mupayizi wakalikuyabweenda anzila njieeyo, mpawo naakamubona, wakiimnda mbali.³² Alubo mu Levi alakwe, nakasika aawo wamubona, wakiinda mbali.³³ Pesi umwi mu Samaliya, wakali mulweendo lwakwe alakwe, wakasika aawo mpaakabede. Naakamubona wakamufwida luzyalo.³⁴ Wakaswena aafwiifwi wamwaanga zilonda, akumutila mafuta awayini aazilonda. Wakamutansika aamunyama wakwe mpawo wamutola kung'anda yabeeenzu, kuyomubamba.³⁵ Nibwakacha wakagwisya maseleni aabili, wapa mwani muunzi mpawo wakati, “Mubambe alimwi zyoonse nzuyoobelesya kwiinda aawa, ndaboola ndizokulya.”³⁶ Ngwani akati kabaaba batatu, ngumunga mulayeeya kuti, ngosimabambanwa kuli ooyo pwakawumwa abasikubba?”³⁷ Muiyiisi wakati, “Ooyo wakamutondeezya luzyalo.” Jesu wakamusandula wati, “Koya ukachite mbubo ayebo.”³⁸ Lino nibakali kuyobweenda wakanjila mulilimwi gunzi, mpawo umwi mwanakazi uutegwa ngu Malita wakamutambula mung'anda.³⁹ Wakali amwana wakwabo walikutegwa ngi Meli, ooyo

wakakkala kumawu a Mwami akumvwa jwi lyakwe. ⁴⁰ Pesi Malita wakalijisinkini loko akubakutawukila kuti abape chakulya. Wakasika kuli Jesu wati, "Mwami, tokubwene na kuti mwanakesu wandilekelezya kuti ndibelege endike? Mwaambile asike azoondoigwasye." ⁴¹ Pesi Mwami wakamusandula wati, "Malita, Malita, uli aakulikataazya azintu zyiingi, ⁴² pesi nchintu chomwe biyo chiyandikana. Meli wasala chibotu loko kwindilila alimwi tachikwe nayoochinyanzigwa pe."

11

¹ Zyakachitika limwi zuba Jesu kalikukomba kuli bumwi busena, awo nakamanisya umwi wabasikwiya bakwe wakati, "Mwami, tuyisyeyukukomba mbuli Joni mbwakayisya basikwiya bakwe." ² Jesu wakati kuli mbabo, "Mwakomba mwambe kuti, 'Taata, izina lyako lilemekwe mbuli lisalala. Akuze bwami bwako. ³ Utupe zilyo zitwelede buzuba abuzuba. ⁴ Utulekelele zibi zyesu, mbuli mbutubalekelela boonse bali azikweleta kulindiswe. Utatweenzi mukusunkwa." ⁵ Jesu wakati kulimbabo, "Kuli na uyooba amwenzinyina, elyo akayinke akati kamansiku, akwamba kuti kulinguwe, 'Mwenzuma, ndikwelete zinkwa zitatu, ⁶ nkambo mwenzuma wasika, kazwida kumugwagwa, alimwi takwe nchindilacho pe kuti ndimupe.' ⁷ Oyo wakali mukati ulakonzya kwamba kuti, 'Utandidubi. Ikkoma lyajalwa kale, alimwi bana bângu, balandime, bali abulo. Tandikonzyi kubuka pe kuti ndipe nduwe chinkwa.' ⁸ Ndamba kuti kulindunywe, nikuba kuti takobuka akumupa chinkwa mkambo kakuti mwenzinyokwe, asi nkambo kakukakatila kwanu chabuusu, uyobuka akupa zyoonse zinkwa nzimunooli kamuyanda. ⁹ Alubo ndamwambila kuti, mukumbile, elyo muyoopewa; muyandule; alimwi mulajana; mukonkomone, alimwi mulajulilwa. ¹⁰ Nkambo kuli woonse ukumbila ulapegwaa; ayooyo uyandula ulajana; akuli woyo ukonkomona uyojulilwa. ¹¹ Nguni wisi akati kanu, na mwana ake walomba muswi ulamupa nzoka muchindi chakumupa muswi? Malembe mabotu achindi alachibalo chifwifwi. Amwi malembe achiindi alachibalo chilamfu, chikonzya kujanika lubo muli Matayo 7: 9: Nguni wisi akati kanu, na mwana wakwe mulombe wakumbila chinkwa, ulamupa bbwe na? Na muswi, ulamupa nzoka na?. ¹² Na walomba iiji, ulamupa kabanzé na? ¹³ Nikubabobo, na inywe nubabi mulizi kupa zipo zibotu kubana banu, zyiinda biyeni Taata wanu ulikujulu upa Muuya Usalala kulaabo bamukumbila?" ¹⁴ Lino Jesu wakalikutanda dayimona utambuli pe. Mpawo dayimona nakazwa, mwalumi utakwe wakalikwambula wakambula, alimwi makamu abantu akagamba! ¹⁵ Pesi bamwi bantu bakati, "NguBbelizebbule mwendezei wabadayimona, ngwatanzya badayimona." ¹⁶ Bamwi bakamusunka akuyanda kubona chitondezyo chizwa kujulu. ¹⁷ Pesi Jesu wakalizi muzeezo yabo elyo wakati kulimbabo, "Boonse bwaami bupambukene bulasaalwa, an'anda ipambukene ilawa. ¹⁸ Na Satani walipambula, ibwami bwakwe buyooyimikila biyeni? nkambo mwamba kuti nditanzya Bbelizebbule badayimona. ¹⁹ Na nditanzya Bbelizebbule badayimona, nguni batobela banu ngubatanzya? Nkambo kacheechi, bayooba babetesii banu. ²⁰ Pesi na nditanda badayimona akutondeka kanwe kaLeza, nkukuti Bwami bwaLeza bwasiaka kulindinywe. ²¹ Kuti mwalumi singuzu ulaazilwano zikwene walinda n'anda yakwe, lubono lwakwe lunokkede kabotu, ²² pesi na mwalumi singuzu wamuzunda, oyo mwalumi singuzu ulabweza zilwano ezyo mwalumi oyo nzyalikusyoma akupaza lubono

lwamwalumi oyo. ²³ Oyoo utalamwi andime ngundilwisya, ayooyo utabunganizyi andim ngumwaya. ²⁴ Namuuya mubi wazwa mumwalumi, ngawayinda mubusena butakwemaanzi akuyandula kulyokezya. Nutakajane takwe busena, ulamba kuti, 'Ndiyojokela mun'anda mundakazwa.' ²⁵ Na wajokela, ulajana kuti mun'anda muliyiidwe kamubambidwe kabotu. ²⁶ Mpawo ulajoka kwakweeta imyuuya ili musanu ayibili mibi kwiinda nguwo elyo yoonse ilaza kuzokkala momo. Mamannino abuumi bwamwalumi oyu bulabija kwiinda lutanzi." ²⁷ Zyakachitika kuti, na kalikwamba zintu eezzi, umwi mwanakazi wakoonzomoka atala amakamu abantu kaamba kuti kulimbabo, "Bulilongezedwe bula obo bwakatum-buka ankolo ezyo zyakakukomezya." ²⁸ Pesi wakamba kuti, "Kwindilila, balilongezedwe abo bamvwa ijwi lyLeza akulibamba." ²⁹ Awo makamu abantu nakalibuyobuvula, Jesu wakatalika kwamba kuti, "Elizyalani ndizyalani bbi. Lilangula chitondeezyo, nikuba takwe chitondeezyo nchiliyopegwa kunze kwachitondeezyo cha Jona. ³⁰ Nkaambo mbuli Jona mbwakaba chitondeezyo kuli ba Niniva, aboobo alakwe Mwana mulombe wa Muntu uyooba chitondeezyo kuzyalani eeli. ³¹ Mwami mwanakazi wakumbo uyoonyampuka kulubeta abantu bazyalani eli akubapa mulandu, nkambo wakazwa kumasimpilo anyika kuti akamvwe busongo bwaSolomoni, amubone, umwi mupati wiinda Solomoni kuti mpali. ³² Bantu bakuNiniva bayooyima kulubeta azyalani eli lyabantu akubapa mulandu, nkambo bákašanduka kukukambawuka kwaJona, amubone, umwi mupati kwiinda Jona mpali. ³³ Takwe ungaamana kutunginizya lampi, inga walibikka asisikene na ansi alusuwo, pesi kuti achikkalilo chalyo, kwitila kuti abo banjila bakonzye kulibona. ³⁴ Liso lyako ndilampi lyamubili wako. Na liso lyako ndibotu, mubili woонse ngawazuzigwa mumuni. ³⁵ Pesi na liso lyako ndibbi, mubili wako woонse uwwide kusiya. ³⁶ Kuti na mibili yanu yazuzigwa amumuni, katakwe chimwi chzo chilimumudima, elyo mibili yanu iyooba mbuli lampi mbuli mweekesyia alindinywe." ³⁷ Lino nakamana kwambula, muFalisi wakamukumbila kuti bakalye antoomwe kun'anda yakwe, mpawo Jesu wayinka wakulya. ³⁸ MuFalisi wakagamba kuti Jesu take nakasanguna kusamba pe kayanda kulya. ³⁹ Pesi Mwami wakati kulingue, "Lino mpo, inywe nimaFalisi musanza kunze kwankomeki azilido, pesi mukati kanu muzwide bungu abubu. ⁴⁰ Inywe nubantu nimutakonzyi kuyeeya! Oyo wakalenga kunze teensi nguwe na wakalenga mukati? ⁴¹ Mupe echo chilimukati mbuli chabilo, awo zintu zyoonse kulindinywe ziyoSalazigwa. ⁴² Pesi maawe nywebo kulindinywe nimFalisi, nkambo mulapa chakkumi champoko achamusamu wakulisilika ayimwi michelo yamuchilili, pesi mukaka kusalazigwa a luyando IwaLeza. Zilimbubo biyo kusyomeka akuyanda Leza, kakutakwe chikachizya kuchita zimwi azilazyo. ⁴³ Maawe nywebo nimaFalisi, nkambo muyanda zyuno zyakunembo muzikombelo akujuzigwa chabulemu muzisambalilo. ⁴⁴ Maawe kulindinywe, nkambo muli mbuli zibunda zitaboneki awo bantu mpubendula kabatazi." ⁴⁵ Umwi wabasikulingula mulawo wakati kulingue, "Muyisi eези nzulikwamba ulikututukila aswebo." ⁴⁶ Jesu wakati, "Maawe nywebo, nibayiisi bamulawu! Nkambo mubikka bantu mikuli milemu njibatakonzzi kunyaampula, pesi takwe nimwiguma pe mikuli eyo akanwe kanu kamwi. ⁴⁷ Maawe kulindinywe, nkambo muyakila basinsimi zibunda, alimwi mbasikale banu bakabajaya. ⁴⁸ Nkambo inywe mulibakamboni akuzuminana amilimu yabasikale banu, nkambo mbakabajaya alimwi mulikuyaka

zibunda zyabo. ⁴⁹⁻⁵¹ Nkambo kacheechi, busongo bwaLeza bwamba kuti, 'Ndiyotuma basinsimi aBatumwa, alimwi bayobapenzya akubajaya bamwi babo.' Eeli zyalani, ndilyo, liyooyimikila bulowa boonse bwabasinsimi bwakatikila kuzwa kumalengelo anyika, kuzwa kubulowa bwaAbbelo kuyosika kubulowa bwaZakkaliya, ooyo wakajayigwa akati kachipayililo abusena busalala. Iyi ndamwambila, kuti zyalani ndiyooyimikilila. ⁵² Maawe kulindinywe nimulingulula mulawo, nkambo mwakagwisya chijulusyo chaluzibo; tamulinjili nubeni, alimwi mulakasya abo banjila. ⁵³ Jesu nakazwa awo, balembi bamulawu abaFalisi tebakamuswilila pe alimwi bakamukazya zintu zyiingi. Bakalikumuyubilila, ⁵⁴ kuti bakonzye kubweezya chimwi kuzwa kumulomo wake.

12

¹ Muleecho chiindi, zyuulu zyabantu zyiingi nizyakabungana, bakasyankana akulyatana, wakasanguna kuti kuli basikwiya bakwe chakusanguna, "Amuchenjelele busweezyo bwaba Falisi, kakuli kuupawupa. ² Pesi taakwe chivumbidwe, chitakabule kuyubununwa, alimwi taakwe chisisidwe, chitakabule kuzibinkana. ³ Aboobo zyoonse nzimuyowamba mumudima ziyoomvwigwa mumumuni, azeezyo nzimwakavwiyawviya mumatwi kamuli mamaanda amukati ziyoompololwa atala atulul. ⁴ Ndati kulindinywe bazolani bangu, tamubayoowi pe aabo bajaya mubili, musule azeezyo tabachikwe chimbi chakuchita. ⁵ Pesi ndilamwaambila aatala akuti ngwani ngumunga mulayoowa. Amuyoowe ooyo, uunga naajaya, ulaanguzu zyakuwaala mumulilo. Iyii, ndati kulindinye, amuyoowe nguwe ooyo. ⁶ Teensi tuyuni tusanu tulawuzigwa atukobili tuniini tubili na? ⁷ Pesi tatulubwi pe kunembo lya Leza. Pesi nikuba masusu eenu alaamyeelwe woonse. Mutayoowi. Muli aabulemu kwiinda bayuni biangi. ⁸ Ndati kulindinywe, kufumbwa uundizumina kunembo lyabantu, Mwana wa Muntu uyoomuzumina kunembo lyabangelo ba Leza, ⁹ pesi ooyo uundikaka kunembo lyabantu, uyookakwa kunembo lyabangelo ba Leza. ¹⁰ Kufumbwa uyoowambula majwi mabi aatala a Mwana wa Muntu, uyookelelewpe, pesi ooyo usampawula Miuya Uusalala, taakwe natakalekelelewpe. ¹¹ Nibatakamweete kunembo lya Zikombelo, babetes, abasimilawu, tamukalikataazzyi kuti tuyowaambuila biyeni mukuli lwanina, nakuti tuyotyeni, ¹² nkaambo Muuya Uusalala uyomuiisyia muli nchicheecho chiindi zyakwaamba." ¹³ Mpawo umwi wakali munkamu yabantu wakocompolola wati, "Muyiysi, ambila mwanakesu kuti andaabile ambeno lukono." ¹⁴ Jesu wakasandula wati "Yoo mwalamu, ngwani wakandinanika kuba mubetesi na sing'enda akati kenu?" ¹⁵ Mpawo wakati kulimbabo, "Amulangisisye eezyo zintu nzimulibambilila kuzwa kubulyabi, nkaambo buumi bwamuntu tabulangwi kwiinda muzintu nzyaleezyo." ¹⁶ Mpawo Jesu wakabaambila chikozyanisyo, kati, "Muunda wamuntu muvubi wakali abutebuuzi bwiingi, ¹⁷ wakayeeya mumoyo wakwe, wati, 'Ndilachita biyeni, nkaambo nsikwe katuula kakubambilila zilyo zyangu?' ¹⁸ Wakati, 'Eezi nyeshichite. Ndilakolomona tutuula twangu ndiyake tumbi tupati, oomo mwesizobambile zilyo zyangu azimwi zintu. ¹⁹ Mpawo ndiyoti kumuuya wangu, "Muuya waba aazintu zyiingi zibambidwe kwamyaaka myiingi. Lyookezye kabotu, lya, nywa, upakale." ²⁰ Pesi Leza wakati kuli nguwe, 'Yoomwaalumi mufubafuba, sunu muuya wako ulayandikana, zintu nzwabamba ziyoooba

zyani?" ²¹ Mbabede muntu uulibambilu buvubi pesi katavubide kuli Leza." ²² Jesu wakati kuli basikwiya bakwe, "Aboobo ntati kulindinywe, tamulikataaazyi nkaambo kabuumi - kuti muyoolya nzi, na amubili wanu - kuti muyoozwaatayi. ²³ Nkaambo buumi bwiinda kulya, alimwi mubili wiinda zizwaato. ²⁴ Amulange bayuni, tababyali na kutebula. Tabakwe tutuula, pesi Leza ulabapa chakulya. Mulekede bupati loko nywebo kwiinda bayuni! ²⁵ Ngwani akati kenu uunga naalikataaazyu wayungizya mazuba akupona kubuumi bwakwe? ²⁶ Na kotakonyi kuchita eecho chitu chinini, nkaambo nzi nimulikataaazyu azimwi zyoonse? ²⁷ Amulange masokwe - alakomena. Taabeleki, na kulikataaazyu. Pesi nadti kulindinywe, nansya Solomoni mubulemu bwakwe boonse taakwe nakali wazwaata kwiinda aawa. ²⁸ Na Leza kazwaatika masokwe aalimumuunda, aanga sunu mpaali, juunza asowelwa mumulilo, ulamuzwaatika bwingi butanali nywebo, Nozyalane lyalusyomo luniini! ²⁹ Tamulaanguuli nchimutalye na nchimutanywe, alimwi tamulikataaazyi. ³⁰ Nkaambo zisi zyoonsye zyaanyika zilanguula zintu eezi, alimwi Wuso ulizi kuti mulaziyanda zintu eezi. ³¹ Pesi amuyandule bwami bwakwe, mpawo eezi zintu ziyopegwa kulindinywe. ³² Mutayoowi, nkaambo Wuso uulikujulu ulabotelwa kumupa bwami. ³³ Amuuzye zyoonse zimulazyo mupe kubachete. Amulichitile nkomwe zitadeluki pe - buvubi bwakumajulu butamani, kutasiki basikubba afwifwi, alimwi kutaligwi munanze. ³⁴ Nkaambo ooko kuli buvubi bwako, moyo wako nkuubede. ³⁵ Amwaange zizwaato zyenu alukumba muchikungu, muyasye malampi eenuakkale kayaka, ³⁶ mube mbuli bantu bayandula mwami wabo, naboola kuzwa kupobwe lyalukwatano, kuchitila kuti nasika kakonkomona balafwambaana kumujulila. ³⁷ Bali longezezegwe aabo belanda, bayojanika kaba bbwazwide naayosika mwami wabo. Nchobeni ndamwaambila kuti uyowanga nsasiko yakwe ndamfu muchikungu alukumba, mpawo uyobakkazika kukulya, mpawo uyoosika we azobakutawukile. ³⁸ Na mwami azosike mibusiku bwakulinda bwabili, na bwatatu, azabajane kabalindide, balilongezezegwe balanda aabo. ³⁹ Aatala azeezi zyoonse, kansinga mwani ng'anda walizi buzuba mbwasika sikubba, taalikunoleka ng'anda yakwe kuti inyonyoonwe pe. ⁴⁰ Amulibambilu anywebo, nkaambo tamulizi wola ndasika Mwana wa Muntu." ⁴¹ Pita wakati, "Mwami, ulikwaamba chikozyanisyo eechi kulindiswe atulike na kumuntu woone?" ⁴² Mwami wakati, "Ngwani mpo mweendelezi musongo awusyomekede ooyo mweendelezi wakwe ngwazobika kubalandu bakwe kuti abaaabile chabo chimpanzi chakulyamuchiindi cheelede?" ⁴³ Ulilongezezegwe ooyo mulanda uyoojanika kachita oobo nayooboola mulanda wakwe. ⁴⁴ Nchobeni ndamwaambila kuti uyoomupa bweendelezi kuzintu zyakwe zyoonse. ⁴⁵ Pesi ooyo mulanda uti mumoyo wakwe, 'Mwani wangu wachedwa kuboola,' mpawo asangune kuuma balanda baalumi abanakazi, asangune kulya akunywa mpawo akolwe, ⁴⁶ mwami wayooyo mulanda uzoosika buzuba mbwatalangilide pe, amuwola ndyatayeeleli pe, uyooyugonkoola mpawo akamubikke kubusena bwabantu batasyomekede. ⁴⁷ Ooyo mulanda, kali walimuzi mwami wakwe, alimwi katachitide na kumba mbuli mbayanda, uyooyumwa mfayindi nyiingi. ⁴⁸ Pesi ooyo wakatezi, mpawo wachita zintu zyuumya, uyooyumwa mfayindi nche. Woonse uupegwa zyiingi unolangilwa kupa zyiingi, ayooyo uusyomwa azyiingi,

nzyiingi nzibayookumbila kuzwa kulinguwe. ⁴⁹ Ndakasika kuzoowala mulilo aanyika, alimwi ndalikuyanda kut kansiinga zyachitika. ⁵⁰ Pesi ndili aalubbabbatgizyo ndweelede ku bbabbatigwa aalo, amachise ngelaawo mane kukamane! ⁵¹ Muyeeya kuti ndakasika kuzoyeta luumuno na anyika? Pepe, ndamwaambila, pesi kwaanzana. ⁵² Nkaambo kuzwa lino kuyooba balimusano mung'anda yomwe banzeene - batatu kabatamvwanani ababili, ababili kabatamvwanani abatatu. ⁵³ Banowenzeene, wisi katamvwanani amwana mulombe, amwana mulombe katamvwanani awisi; banyina kabatamvwanani amwana musimbi, amwana musimbi katamvwanani abanyina; banyianazyala kabatamvwanani amuka mwana, amukamwana katamvwanani abanyinazyala." ⁵⁴ Jesu wakaambula lubo kumakamu, "Na mwabona joba kalisimpa kububbila, mulafwaambana kwaamba kuti 'Yaamba kuwa mvula,' mpawo nga zyachitika. ⁵⁵ Mpawo kwawunga guwo lizwida kumunsanza ngamwati sunu linoopya zuba,' mpawo zyachitika. ⁵⁶ Basikuupawupa, mulikwizi kumvwsisisya chiimo chanyika ajulu, pesi nkaambo nzi nimutakonzyi kumvwsisisya chiimo chachiindi chiliko lino? ⁵⁷ Nkaambo nzi nimutakonzyi kulibonena zilikabotu amulike? ⁵⁸ Nkaambo aawo nimuya kumutongi asinkondonyokwe, munzila amweezye kwaambula kabotu mumvwanane kuchitila kuti we tazokutoli kumubetes, akuchitila kuti mubetes atakakubiki mumaanza akapokola, mpawo kapokola atakakubiki muntolongo. ⁵⁹ Ndati kulindinywe, taakwe notakazwe pe kuyosikila ukaman kubbada mali yoonse iyandikana."

13

¹ Kuli eecho chiindi, bamwi bantu aawo bakamwaambila aatala abana Galilii aabo balaabulowa Payilate mbwakavwaangaria azipayizyo zyabo. ² Jesu waskasandula wati kulimbabo, "Muyeeya kuti bana Galilii aaba mbibakali basizibi loko kwiinda kwiinda bamwi bana Galili na nkaambo kakupenzegwa kwabo ooku? Peepe, ndamwaambila. ³ Pesi kuti temwasanduka moonse muyofwidilila munzila njiyeeyo. ⁴ Nakuti aabo bantu balikumi lilamusano abatatu baku Silowamu aabo bakaw-idwa bulambo bulamfu bwabajaya, muyeeya kuti bakali basizibi loko kwiinda bamwi baalumi mu Jelusalema? ⁵ Peepe. Ndamwaambila. Pesi kuti temwasanduka, moonse moyoonyonyooka." ⁶ Jesu wakalulu chikozyanisy eechi, "Umwu mutu wakaganka mukuyu muchilili chakwe chamasansa mpawo wakaboola kuzoolanga muchelo alingwu pesi taakwe takawujana pe. ⁷ Mwaalumi wakati kuli sichilili, 'Langa, ndakasika minyaka iitatu nkelanga muchelo kumukuyu ooyu peesi taakwe nindakawujana pe. Ugonke. Nkaambo nzi kuuleka kunyonyoona nyika? ⁸ Sichilili wakasandula wati, 'Uleke uuno munyaka ndiwusyide mumbali ndiwubike mbolezi. ⁹ Kuti wazozyala muchelo mumnyaka uuboola sambubo, pesi kuti kuutazyede lubo, uzowugonka!" ¹⁰ Lino Jesu wakalikuiisya kulichimwi chikombelo mubuzuba bwa Sabata. ¹¹ Amubone, kwali mwanakazi wakali amuuya mubi wakubula nguzu kwamyaka kkumi lilamusano ayitatu alimwi wakali vundeme nkaambo taakali kukonzya pe kwiimkila kabotu. ¹² Aawo Jesu naakamubona, wakamwiita wati, "Yoomwanakazi, waponesegwa kuchilwazi chako chakubula nguzu." ¹³ Wakabikka maanza aakwe aalingue mpawaawo wakavundamuka akiwima kabotu mpawo wakalumbayi Leza. ¹⁴ Pesi mweendelezyi wachikombelo wakanyema nkaambo Jesu wakamuponia mubuzuba bwa Sabata. Mpawo mweendelezi wakasandula akwaambila nkau yabantu

kuti, "Kuli mazuba musanu alimwi ayelede kubeleka mulingawo. Amusike musikwe mumazuba aayo pepe mubuzuba bwa Sabata." ¹⁵ Mwami wakamusandula wati, "Nubawupuupi! Tawo na uunga waangununa donki na ng'ombe yakwe kuzwa mubbondo akwiitola kuyonywa maanzi mubuzuba bwa Sabata?" ¹⁶ Ooyu alakwe mwana wa Abbulahamu, ooyo Satani ngwaakangide kwaminyaka iilikumi lilamusanu ayitatu, tayelede na kuti bwaange bwakwe bwaangununwe mubuzuba bwa Sabata ¹⁷ Naakali kwaamba zintu eezi, boonse aabo bakali kukazyania aawe bakawusa, pesi nkamu yabantu yakabotela aatala azyoonse zibotu nzyakachita ¹⁸ Mpawo Jesu wakati, "Bwami bwa Leza buli biyeni, alubo ndikonzya lkubukozyanisa anyamaanzu?" ¹⁹ Bulimbili nseke yamusitadi eeyo muntu njaakabweza wakwiiminza muchilili chakwe, yakakomena yaba musamu mupati, mpawo tuyuni twayaka zizubo zyato amitabi yawo." ²⁰ Alubo wakati, "Niinzi nchindikonzya kukozyanisa bwami bwa Leza?" ²¹ Bukozyenie aabusweezyo bwakabwezegwa amwanakazi wabuvwelengania mumyeelwe iitatu yabusu, mpawo bwafuta boonse." ²² Mpawo Jesu waswayila madolopo amyuuunzi akuyabubaiisya we kayabutozya ku Jelusalema. ²³ Umwi wakati kulinguwe, "Mwami, mbache biyo na beelede kuyofutulwa?" Wakati kulimbabo, ²⁴ "Muzumanane kuyoonyila mukalyango kamanikide, nkaambo ndamwaambila nywebo, biingi bayoyezya kunjila pesi tabakoyokonzya pe." ²⁵ Naakubuka akujala mulyango mwani ng'anda, aawo muyoyimikila aanze kamukonkomona mulyango kamuti, 'Mwami, Mwami, tujulile tunjile.' Uyoomusandula akatedi kulondinywe, 'Nsimwizi pe nakuti mwazwida kuli.' ²⁶ Mpawo muyosandula kamuti, 'Twakalya akunywa kunembo lyako, mpawo wakaiisya mumigwagwa yesu.' ²⁷ Pesi we uyoosandula kati, 'Ndati kulindinywe, nsimwizi pe nkumuzwa. Amużwe kulindime nywebo nobasizibi!' ²⁸ Kuyooba kulila akuluma ntwino aawo nimuyoobona Abbulahamu, Ayizeki, Jakobo abamwi boonse basinsimi mubwami bwa Leza, pesi nywe - muyosowelwa aanze. ²⁹ Bayoozwu kumbo, kujwe, kumusanza akunyika bazokkale atafula mubwami bwa Leza. ³⁰ Mpawo amuchizibe eechi, bakumamanino mhibayoba bakusanguna, mpawo bakusanguna bayooba bakumamanino." ³¹ Musule buniini achiindi eecho, bamwi ba Falisi bakasika bati kulinguwe, "Chija uzwe omuno uyende nkaambo Heloda uyanda kukujaya." ³² Jesu wakati, "Amukamwaambili ooyo mwaalumi kuti, 'Langa, ndiyabugwisya myuuya mibi akusilika bachiswa sunu ajuunza mpawo zoona ndinooli ndasisya makanze aangu.' ³³ Amuliili nzila, kuleelede kuti ndiinkile kunembo sunu, juunza, azoona nkaambo tazitambuliki pe kujaya munsimi katamo mu Jelusalema. ³⁴ Jelusalema, Jelusama, webo nojaya basinsimi akutulula aabo bakakutuma. Ndiyan-disya loko kubungania bana bako mbuli nseke mbiifukatila bana bayo munsi lyamababa aayo, pesi webo tewakaziyanda pe eezi. ³⁵ Langa, ng'anda yako yasiigwa. Ndati kulinduwe, tokoyondibona pe mane ukatedi, "Ulaachoolwe ooyo uuza muzina lya Mwami."

14

¹ Zyakachitika bumwi buzuba bwa Sabata aawo nakanjila mung'anda yawumwi mu Falisi kuti alye chinkwa, alimwi bakamulangisisya. ² Amulange, kunembo lyakwe kwakali mwaalumi wakalikuchiswa bulwazi bwaku zimba. ³ Jesu wakabuzya kulibasi busongo bamulawu waba Juda wakati, "Chilimumu lawu na kuponia mubuzuba bwa Sabata, nape?

⁴ Pesi bakawumuna. Aboobo Jesu wakamujata, wamuponia, mpawo wamuti ayende. Wakati kulimbabo, ⁵ "Ngwani aakati kenu ulaamwana mulombe na ng'ombe iinga kuti iyawida mudindi mubuzuba bwa Sabata takofwaambana kuyoyigwisya?" ⁶ Bakakachilwa kumusandula kulizeezi zintu. ⁷ Jesu naakabona kuti nzila aabo bakatambidwe njbakali kusala aayo zyuuno zyabulemu, wakaambula chikozyanisyo, wakati kulimbabo, ⁸ "Na kotambidwe kupobwe lyalukwatano, utalikaziki kuchuuno chabulemu nkaambo kulakonze ka umwi mulemu kwiindwa nduwe ultambidwe. ⁹ Naayosika ooyo wamutamba mobile ulati, 'Nyampuka upe ooyu chuuno chako,' mpawo mubweeme uyoonyampuka ukakkale achuuno chitakwe bulemu. ¹⁰ Pesi nakuti watambwa, yinka ukakkale muchuuno chilaansi mubusena bulaansi, kuchitila kuti nasika sikukutamba akwaambile kuti, 'Mwenzuma yinka kujulu.' Aboobo ulapegwa bulemu mumenso aboonse mbokkede aabo aatafula. ¹¹ Nkaammbo woonee uulisumpula uyoofwiinsiga, ayooyo ulifwiinsya uyoomsumpulwa." ¹² Alimwi Jesou wakati kuli ooyo wakamatubide, "Na wapa chisusulo na chilalilo, utatambi beenzinyokwe, nabanakwanu, na basimayakilane bako havubide, nkaambo ayeko bazokutamba lubo mpayo uyoojana kubbadalwa. ¹³ Pesi kuti wachita pobwe, tamba bachete, batyokede, balemene aboofu, ¹⁴ mpawo uyoolongezegwa, nkaambo tabakonzyi kukubbadal pe. Uyobbadalwa kububuke bwabalule." ¹⁵ Aawo umwi wabaabo bakakkede angewe aatafula naakanvwa zintu eezi, wakamwaambilka kuti, "Uyolongezegwe ooyo uutakalye chinkwa mu bwami bwa Leza!" ¹⁶ Pesi Jesu wakati kulinguwe, "Umwi mwaalumi wakabaambiila chilalilo mpawo wakatamba biangi. ¹⁷ Kuchiindi chachilalilo wakatuma mubelesi kuti akatedi kuli bakatambidwe, 'Amusike nkaambo zyoonse zyaba kabotu.' ¹⁸ Alimwi boonse bakatalika bukozyenie kubikka zikumbizyo. Mutaanzi wakati, 'Nawula muunda, aboobo ndeelede kuyowubona, nche nsilibambilide pe.' ¹⁹ Umbi wakati 'Ndakawula zipani zyabasune zilimusatu, aboobo ndiya kukubasa, nche nsilibambilide pe.' ²⁰ Uumbi alakwe wakati, 'Ndakakwata mwanakazi, ndaabwiinga aboobo nsikonzyi pe kusika.' ²¹ Mubelesi wakaboola akaambila simalelo wakwe eezi zintu. Mpawo simalelo wang'anda wakanyema akwaambilka mubelesi wakwe kuti, 'Yinka chakufwambaana aanze mumigwagwa amutuzila twamu dolopo, ukeete bafwaba, batyokede, boofu abalemene. ²² Mubelesi wakati 'Simalelo, nzuwataliyilide zyachitwa, pesi mpubuchili busena.' ²³ Simalelo wakati kumubelesi, 'Koya mumazila mapati amumubaya ukabakombeleye kuti basike, amwi ng'anda yangu yalikunoozula. ²⁴ Nkaambo ndati kulinduwe, tawo naba omwe wabaaba baalumi mbindatambide uyoolabila chakulya changu.' ²⁵ Lino makamu aabantu akayinka aawe, lino wakabachebuka wati kulimbabo, ²⁶ "Na mutu waza kulindime, katasuli wis, banyina, banakwe, bana bakwe banabakwabo abachizi bakwe, - iyii, abuumwi bwakwe - takonzyi pe kuba sikwiya wangu. ²⁷ Kufumbwa uutabwezi chiingano chakwe takonzyi pe kuba soikwiya wangu. ²⁸ Nkambo awumwi wenu ooyo uyeeya kuyaka bulambo, taakwe nanga wakkala aansi kuti abale nanka ulaazyo zyoonse ziyandikana kuti ayake? ²⁹ Pesi na wasya ntalisyo yakwe mpawo wazokachilwa kumaninsya, woonee unoolanga unomuseka, ³⁰ kati, 'Ooyu mwaalumi wakasanguna kuyaka pesi wakakachilwa kumaninsya.' ³¹ Nakuti ngwani mwami, uunga nayanda kuyolwana awumbi mwami, takookkala aansi ayandule mizeezo yakumugwasya kuti ulakonzya kumulwana kali aabasikulwana zyuulu zi-

likumi oyo ngwalwana aawe kali aabasikulwana zyuulu makumi aabili? ³² Akuti nape, na imwi nkamu yabasinkondonyina kiichili kule, tatumi na sing'enda kuti akatule amjwi aluumuno. ³³ Aboobo woонse utatakatati zyoонse nziali aazyo takonzyi pe kuba sikwiya wangu. ³⁴ Mwinyo muboto, pesi kuti mwinyo wamana kulweela nga ulabweedezegwa biyeni kuti ulweele lubo? ³⁵ Tuuchikwe nchuuchibeleka naa akumuse naa manyowa. Ooyo uulamatwi akumvwa, ngamvwe."

15

¹ Loino boonse basimutelo abamwi basizibi bakalikuza kuzoswiilizya Jesu. ² Bloonse baFalisi abalembi bakatongooka chabo chabo, kabaamba kuti, "Ooyu mwaalumi ulatambula basizibi, alimwi ulalya ambabo." ³ Jesu wakabaambila chikozyanisyo eechi, wakati, ⁴ "Ngwani aakati kenu uunga ulaba aambelele zilimwaanda mpawo yomwe yasweekwa, aleke kusiya zili makumi musanu amakumi one alamusunu azine mulusaka, akuya kukuyanduula yomwe mane akayibone? ⁵ Mpawo nayijana uyooyipika aamakuko akubotelwa ⁶ Naaboola kumuunzi wiita benzinyina ambayakilene aabo, akubaambila kuti, 'Amubotelwe antoomwe andime, nkaambo ndayibona mbelele yangu yakasweekede.' ⁷ Ndiliikumwaambila kuti nikuba boobo, kuyooba lukondo kujulu aatala asizibi omwe wasanduka, kwiinda aabo balimakumi miusanu amakumi one alamusanu abane basandukide kale. ⁸ Nakuti ngwani wachikayintu ulangodo zya siliva zilikumi, kuti kwasweeka yomwe, uunga ulaleka kumunika, kuiila ng'anda akuyanduula loko mane akiijane? ⁹ Nayijana ulayita beenzinyina ambayakilene aabo kaamba kuti, 'Amuboole tubotelwe nkaambo ndayibona nsiliva yandisweekede.' ¹⁰ Nikuba boobo ndikumwaambila kuti kuli kukondwa kunembo lyabangelo ba Leza aatala asizibi omwe uusanduka." ¹¹ Mpawo Jesu wakati, "Kwakali mwaalumi wakaliaabana balombe babili, ¹² aawo mwana muniini wakati kuli wisi, "Ndeende, ndipe buvubi mumweelwe uulangene aandime." Mpawo wakaaba buvubi aakati kabo. ¹³ Kakutanayiknda mazuba miangi, mwana muniini wakabungania buvubi bwakwe wiinka aabo kunyika iilikule ooko wakakunyonyoona buvubi bwakwe mukupana bunjaka. ¹⁴ Lino nakamaninsya zyoонse kwakaba nzala mpati münika yoonse, mpawo wakatalika kubula. ¹⁵ Wakayinka kuyolipeda kubelekela umwi wabantu bamuchisi eecho, wakakumutuma kusanina ngulube mumuunda wakwe. ¹⁶ Wakalikunoonga wajana kukondwa naalya tukuli twakali kuligwa ngulube nkaambo taakwe wakalikumupa chakulya. ¹⁷ Mpawo aawo mwana muniini ooyu nakaboola kumizeeo yakwe, wakati, 'Mbanganabelesi ba ndeende balikulya chakulya chizulila, mpawo me ndaano ndikufwa aanzala!' ¹⁸ Ndilanyampuka aano ndiye kuli ndeende ndikatedi, "Ndeende ndakabisizya julu anduwe. ¹⁹ Nsichikwe bulemu bwakwiitwa kuti mndimwana wako; ndichite kuti ndibe uumwi wanbabelesi bako." ²⁰ Mpawo mwana muniini ooyu wakazwa kunyika nkwaakabede waboola kuli wisi. Aawo naakachili kulele kule alimwi wisi wakamubona wabotelwa, walkachijaana, wakumumbungatila akumumyonta. ²¹ Mwana wakati kuli nguwe, 'Ndeende, ndakabisizya julu anduwe, nsichikwe bulemu bwakwiitwa kuti ndili mwana wako.' ²² Wisi wakati kubabelesi bakwe, 'Mufwambaamne mwee te jansi bbotu kwiindilila, mumusasike, alimwi mubikke nweenwe kukuboko kwakwe, ansangu kumawulu aakwe. ²³ Mpawo mweete mwana wangombe uneneede mumujaye. Atupobole

tubotelwe! ²⁴ Nkaambo mwana wangu wakalisweekede, lino waboneka.' Mpawo bakatalika kubotelwa ²⁵ Lino mwana wakwe mupati wakachili kumuunda. Aawo naakaboola akusika afwiifwi amuuunzi, wakamvwa miimbo akuyana. ²⁶ Wakayita umwi mubelesi wabuzya kuti zyaambanzi eezi. ²⁷ Mubelesi wakamwaambila kuti, 'Mwanike wako waboola kumuunzi alimwi wuso wajaya mwana wang'ombe uuneneede nkaambo waboola kali muumi.' ²⁸ Mwana mupati wakanyema alimwi taakanjila pe mukati, wisi wakazwa aanze, kuzo mukombelezya. ²⁹ Pesi mwana mupati wakasandula wisi wati, "Langa, eeyi minyaka myiingi yoonse ndakubelekela chabuzike, alimwi taakwe nindakatyola nuuba omwe mulawu wako, pesi taakwe nwakandipa mwana wampongo kuti ndibotelwe abeenzuma. ³⁰ Pesi mbaboola, ooyo wakakulya lubono lwako abasi bwaamu, wamujiila mwana wangombe uneneede.' ³¹ Wisi wakamusandula kuti, "Mwanaangu ukkede koli aandime chiindi choonse, alimwi choonse changu nchichako. ³² Pesi chali chibotu kuti tubotelwe nkaambo mwanike wako ooyu wakalifwide; lino wapona; wakali sweekede alimwi waboneka."

16

¹ Alubo Jesu wakati kuli basikwiyya bakwe, "Kwalkali mwaalumi wakali muvubi, alimwi wakali aasilutwe wakwe, alimwi wakaambilwa kuti silutwe uli tatuula lwakwe. ² Aboobo muvubi wakamwiita silutwe wakwe wati kulinguwe, 'Niinzi eezi nzindiikumvwa aatala anduwe? Pa bupanduluzi aatala abusilutwe bwako, nkaambo tocheelede pe kuba silutwe wangu.' ³ Pesi silutwe wakati mukaango kakwe, 'Ndichite biyeni, mbukunga simalelo wangu uyanda kunditolela buslutwe bwa mulimu wangu? Nsikwe manguzu pe aakusya alubo kulandipa nsoni kuyabukumbila. ⁴ Ndaziba kuti ndichite biyeni, kuchitila kuti ndatandwa kuba siltwe bantu banditambule mumaanda aabo.' ⁵ Mpawo silutwe wakiita bantu boonse bakali aazikwelete zyasimalelo wakwe, wakabuzya kuli wakusanguna wati, 'Ukweletede nzi kuli simalelo wangu?' ⁶ Wakati, 'Mwaanda wansazi zyamafuta aa oliva.' Mpawo wakati kulinguwe, 'Bwaza lugwalo lwako chakfwaambaana ulembe kuti makumi osanwe.' ⁷ Mpawo silutwe wakati kuli umbi, 'Niinzi nchokweletede?' Wakati, 'Mwaanda wazyeelelelo zyamayila.' Wakati, 'Bweza lugwalo lwako, ulembe kuti makumi musanu amakumi otatwe.' ⁸ Simalelo wakabotela asilutwe ooyu nkaambo wakachita anzila iitaluleme. Nkaambo bana banyika iino tabaluleme pe mukubeleka abananyina kwiinda mbubali bana ba mumuni. ⁹ Ndati kulindinywe, amulipangile bazolwani amali iitaluleme, kuchitila kuti niyoomana, bakamutambule mubuumi butamani. ¹⁰ Ooyo uusyomekede muziniini ulizyomekede amuzipati, ayooyo uutasyomekede muziniini tasyomekede pe muzipati. ¹¹ Na tewasyomekede mukubelesya mali yabubi, ngwani uutakusyome abuvubi banchoonzyo? ¹² Alimwi na tewasyomekede mukubelesya mali yabamwi, ngwani uutakupe yako mali? ¹³ Taakwe mulanda uunga ulabelekela basimalelo babili, nkaambo ulakonzya kuyanda umwi atayandi umwi, na kulipeda kuli umwi alangile aansi umwi. Tokonzyi pe kuyanda Leza abuvubi.' ¹⁴ Lino ba Falisi bakalikuyandisa mali nibakamvwa eezi zintu bakamunyanyanya. ¹⁵ Mpawo wakati kulimbabo, "Mulalilulamika kunembo lyabantu, pesi Leza ulizzi myoyo yenu. Eecho chisumpulwa loko aakati kabantu tachikbotezyi pe kunembo lya Leza." ¹⁶ Mulawu abasinsimi bakabeleka kuyoosika

muchiindi chakusika kwa Joni. Kuzwa aawo, jwi lya bwami bwa Leza liklikukambawukwa, mpawo woolse muntu ulikweezya kunjila. ¹⁷ Pesi nchuuba kuti julu anyika zyiinde kwiinda kuti kamwi kabala kamulawu kakachale kakatakwe nguzu. ¹⁸ Umwi awumwi uuleka mwanakazi wakwe akukwata umbi wachita mamambe, ayooyo ukwata mwanakazi wakalekwa wachita mamambe. ¹⁹ Lino kwakali umwi mwaalumi muvubi wakali kukkanala kazweete zizwaato zyamubala wantumbula zibotu alimwi wakalikubotelwa lubbe abuvubi bwakwe bupati. ²⁰ Umwi sikukumbila wakalikutegwa Lazalo wakali kubikwa kumulyango wakwe, wakazwide zilonda, ²¹ wakalikukumbila biyo chakulya eecho chakali kuloka aata-fula yamuvubi - kunze kwazeezyo bankala bakalikusika kuzomyanguta zilonda zyakwe. ²² Chakachitika kuti sikukumbila wakafwa mpawo wakabwezwa abangelo wakukkazikwa kubbazu lya Abbulahamu. Muvubi wakafwa alakwe mpawo wakavwikkwa, ²³ mpawo kali mu Hadesi kali koomba, wakanyampula meno aakwe walanga kujulu wakabona Abbulahamu kali kule a Lazalo kali akaango kakwe. ²⁴ Mpawo wakawiila wati, 'Taata Abbulahamu, ndifwide nsoni utume Lazalo, kuti akanike gala lyakanwe kakwe mumaanzi azootontozye lulimi lwangu, nkaambo ndapengaana mumulilo ooyu. ²⁵ Pesi Abbulahamu wakati, 'Mwanangu, yeeya kuti muchiindi chakupona kwako wakatumbula zintu zyako zibotu, alakwe Lazalo zibi. Pesi lino pwajana kulyookezya ookuno iwe wanjila mumapenzi. ²⁶ Alimwi kunze kwazeezi, kulimugaano mupati ubibidwe aawa, chakuti ooyo uuyanda kutaaluka kazwa ookuno kaza ooko takokonzya pe, ayooyo uuyanda kutaaluka kazwa ooko kaza ookuno takookonzya pe.' ²⁷ Mwaalumi muvubi wakati, 'Ndakukumbila, Taata Abbulahamu, kuti umutume kung'anda yandeende - ²⁸ nkaambo ndiliaabana bakwesu balimusau - kuti akabaambile, nkaambo ndiyoowa kuti abalabo bazooza okuno kubusena bwakupengaana.' ²⁹ Pesi Abbulahamu wakati, 'Bali a Mozesi abasinsimi; ababasiilile.' ³⁰ Wakasandula mwaalumi muvubi wati, 'Pe, Taata Abbulahamu, pesi kuti kwayinka muntu wabka kubafu bayosyoma, bayosanduka.' ³¹ Pesi Abbulahamu wakati, 'Na kabatamuswiilili Mozesi abasinsimi, taakwe nibanga balamuswiilila ayooyo unooli wabuka kubafu.'"

17

¹ Jesu wakati kulibasikwiya bakwe, "Ninchobeni kuti kuloba zilebyo, pesi maawe kuliyyo muzitakiinde mulinguwe! ² Kuyoba mbubo kuti ziyo likaangwe munsingo yakwe alimwi akawaalwe mulwizi, kwiiknda kuti akeetelezya aaba banini kuti bakachite zibi. ³ Amulilange nyweebo nobeni. Kutti mweenzinyokwe wabisya, amumukalalile, na wasanduka amu-mulekelele. ⁴ Na wakubisizya tuli musanu atubili abuzuba mpawo kalikuboola kulinduwe tulimusau atubili, kaamba kuti, 'Ndasanduka,' weelede kumulekelela." ⁵ Batumwa bakati ku Mwami, "Koyungizya lusyomo lwesu." ⁶ Mwami wakati, "Kansinga mwali aalusyomo luniini mbuli nseke yamusitada, mwalikunoti kulooyu musamu wamulubbeni, 'Konyukuka alimwi ukabyalwe mulwizi,' wali kunoomuswiilizya. ⁷ Pesi ngwani wenu uulamulanda uulima na uyembela mbelele, uwamba kuti kulinguwe elyo kanoli wasika kuzwa kumuunda, 'Sika lino ukkale aansi ulye'? ⁸ Takoowamba na kuti, 'Ndibambilala chakulya ndily, uwange lukumba kuzizwaato zyako mpawo undikutawukile mane ndimane kulya akunya. Ndamaniinsya notazoolye akunywa webo'? ⁹ Tamulumbi pe mulanda

nkaambo wamuchitila nzyamutuma, ulamulumba na? ¹⁰ Akulindinywe mbukubede, na mwachita zyoonse nzimwatumwa, mweelede kuti "Tuli balanda bateeled pe, twachita biyo nzitweelede kuchita." ¹¹ Kwakasika kuti kachiyobweenda kaya ku Jelusalema, wakalikuyabwiinda mumugaano wa Samaliya a Galili. ¹² Naakanjila mulilimwi gunzi, ooko wakatambulwa abamwi baalumi balikumi bakali aachipele. Bakaimina kule anguwe ¹³ mpawo bakasumpula majwi aabo, bakati, Jesu, Mwami ba aluse kulindiswe." ¹⁴ Naakababona, wakati kulimbabo, "Amwiinke mukalitondeezye kubapayizi." Mpawo chakachitika kuti nibakali kuyabwiinka bakasalazigwa. ¹⁵ Umwi wabo naakabona kuti wakali waponesegwa, wakabweeda musule, ajwi pati kayabulumbayizya Leza. ¹⁶ Wakafugama kumawulu aa Jesu akumupa kulumba. wakali mu Samaliya ¹⁷ Jesu naakasandula, wakati, "teensi balikumi na basalazigwa? Balikuli bamwi musanu abane? ¹⁸ Tekwalikwe na bamwi beeleder kuboola kuzopa bulemu kuli Leza kwiinda ooyu muzwamasi?" ¹⁹ Wwakati kulinguwe, "Nyampuka weende. Lusyomo lwako lwakuponia." ²⁰ Naakabuzigwa aba Falisi kuti bwami bwa Leza buyoosika lili, Jesu wakabasandula watgi, "Bwami bwa Leza tabusiki aakubulangisisya. ²¹ Nakuti nimuyoomvwa kakutgwa, 'Amulange mbobu!', na 'Amulange mbobuya!', nkaambo amulange bwami bwa Leza buli mulindinywe." ²² Wakati kuli basikwiya bakwe, "Ayooosika mazuba ngimuykoolumbozya kubona buzuba bomwe bwaMwana wa Muntu pesi tamukoyoobubona pe. ²³ Mpawo bayoti kulinidinywe, 'Amulange, aano! Amulange, okuya!' Pesi tamukazwi pe kukuyobatobel, ²⁴ mbuli kalabi mbukamweka chakumunika kuzwa kulilimwi bbazu lya julu kakaboneka kulilimbi bbazu, mbatakabe alakwe Mwana wa Muntu mubuzuba bwakwe. ²⁵ Pesi weeleder kusyonsegwa kuzintu zyhiingi akukakwa aleeli zyalane. ²⁶ Mbuli muzyakachitika kumazuba aa Noah, ziyoochitika mumazuba aa Mwana wa Muntu. ²⁷ Bakali kulya, bakali kunywa, bakali kukwata, bakali kukwatwa, kuyoosika buunsi Noah mbwakanjila mubwaato - mpawo zaambangulwe lyakasika akubanyonyoona boonse. ²⁸ Ambubo mbuli mbuzyakachitika kumazuba aa Lot, bakali kulya, bakalikunywa, bakali kuula, bakali kuuzya, bakalikubyala akuyaka. ²⁹ Pesi mubuzuba Lot mbwaakazwa mu Sodomu, kwakawa mulilo wa salufa kuzwa kujulu wabanyonyoona boonse. ³⁰ Munzila njiyeeyo mbukutakabe mubuzuba bwa Mwana wa Muntu nataka yubununwe. ³¹ Mubuzuba oobo tamukaleeki ooyo uli aakaluli kang'anda kuti akaselele akeezye kugwisizya aanze zintu zyakwe zili mung'anda. Alubo tamukamuleki ulikumunda akaboole. ³² Amuyeye mukayintu wa Lot. ³³ Ooyo weezya kutabilila buumi bwakwe bulamuswekela pesi ooyo usweekelwa buumi bwakwe ulabubamba. ³⁴ Ndamwaambil, muli oobo buzuba kunooli bantu babili aabulo, umwi uyoobwezwa, mpawo umwi uyoochala. ³⁵ Kunooli banakazi babili balikutwa antoomwe. Umwi uykoobwezwa, umwi uyoochaala. - Muli Luka 17: 36, Malembe mabotu aachiindi taakwe munchali 36 pe. ³⁶ Kuyooba babili mumuunda, umwi uyoobwezwa umwi uyoochaala. Bakamubuzya bat, "Ikuli, Mwami?" Mpawo wakati kulimbabo, "Aawo aanoli chidumbu, aawo makubi ayoobungana antoomwe." ³⁷ Bakamubuzya kuti, "Nkokuli Mwami?" Wakati kuli mbabo, "Oko kuli mutunta, nkonkuko kuyobungana makubi antomwe."

akuti batatyoki myoyo, ² wati, "Muli limwi dopolo kwakali mubetesi utakwe wakalikuyowa Leza nikuba kulemekwa bantu. ³ Lino kwakali mukamufu mudolopo eli, wakaliswini kaza kulinguwe, kati, 'Mundigwasizye makani angu asimulandum'. ⁴ Lino wakaba achindi chilamfu katalikuyanda kumugasizya, pesi nikwakaba kayindi, wakalyambuuzya alikke wati, "Nikuba ngundilemeka, ⁵ pesi mukamufu oyu wandikatazya, ndilamugwasizya kuti ajane lwangunuko kumakan akwe, kwiitila kuti atandisusubiki, kanoswini kandichindila". ⁶ Mpawo Mwami wakati, "Muswilizye mbaamba mubetesi oyu siluuni". ⁷ Lino tuyeeeye kuti, Leza takonzyi na kubeteka chabululami kubsale bakwe, ibamulilila sikati amansiku? Ulachedwa na kubkutukila? ⁸ "Ndamwambila kuti, uyofwambana loko kulingula makani abo. Nikuba obo, nazobweda Mwana mulombe wa Muntu uzojana kakuchili lusyomo na munyika?" ⁹ Elyo wakamba mukozyano oyu utobela kuli bamwi bakali kulisyom beni kuti baliluleme, abo bakali kunyansya bamwi, ¹⁰ "Baluumi babili bakaya mun'anda yaLeza kuyoookomba- umwi wakali muFalisi oyu umwi kali Simutelo. ¹¹ MuFalisi wakayimikila wakomba kaamba zintu ezi atala lyabuumi bwakwe wati, 'Leza, ndilakulumba nkambo kakuti tandili mbuli bamwi pe babbi, bantu bataluleme pe, basibwamu, na bali mbuli Simutelo oyu. ¹² Ndilalyiimya tubili amviki. Ndilapa chipanzi chakkumi chazintu zyoonse nzindijana'. ¹³ Pesi Simutelo, kayimvvi kulekule, tewakakonzya pe nikuba kusompya meso akwe kujulu, pesi wakawuma akaango kakwe wati, 'Leza, ndifwide luzyalo, me ndisizibi'. ¹⁴ Ndamwambila kuti oyu mwalamu wakajoka kun'anda yakwe kali walulamikwa kwiinda olya mweenzinyina, nkambo kufumbwa muntu ulisumpula uzofwinsigwa, pesi woonse muntu ulijosya ansi uzosumpulwa". ¹⁵ Bantu bakeeta bana banini kulinguwe kuti abaampe, pesi basikwiya nibakababona bakabaambwiida. ¹⁶ Pesi Jesu wakabayita kulinguwe wati, "Muzumizye bana banini baze kuindime, alubo mutabakasyim pe. Nkambo bwami bwakujulu mbubbwabo. ¹⁷ Kasimpe ndamwambila, utakonzyi kutambula bwami bwaLeza mbuli mwana munini takwe kuyobunjila". ¹⁸ Umwi mwendelezi wakamubuzya wati, "Muyisi mubotu, ngandilachita biyeni kuti ndikajane buumi butaman?" ¹⁹ Jesu wakati kulinguwe, "Nkamboonzinundaamba kuti ndilimubotu? Takwe muntu mubotu pe, kunze kwaLeza alikke. ²⁰ Ulizi milawu yaamba kuti utachiti bwaamu, utajeyi, utabbi, utaambi manwa, lemeka uso abanyoko". ²¹ Mweendelezi wakati, "Yoonse eyi ndakayilon-dola kuzwa kandichili mulombe". ²² Lino Jesu nakamvwa obo, wakati kulinguwe, "Kuli chinti chimwi nchubulide. Weelede kuzya zintu zyoonse nzulaazyo mpawo wabila bachete, elyo uyooba achiybwerdo chalubono kujulu mpawo uze unditobebe". ²³ Lino mweendelezi oyu nakamvwa makani aya, wakawusa, nkambo wakali alubono lwiingi. ²⁴ Elyo Jesu nakabona kuti wawusa loko wakati, "Nchiyumu loko kuli abo bajisi lubono lwiingi kunjila mubwami bwakujulu! ²⁵ Nkambo chilakonzeka kuti nkamela yiinde mumpuli yansunda kwiinda kuti muntu muvubi anjile mubwami bwaLeza". ²⁶ Abo ibakamvwa makani aya bakati, "No mwati sa mpali unga uyofutulwa?" ²⁷ Jesu wakamwambila wati, "Zintu ziyumu kubantu nzyuuba kuliLeza." ²⁸ Pita wakati, "Langa twakasiya zintu zyesu zyoonse mpawo twatobelwa nduwe". ²⁹ Jesu wakati kulimbabo, "Ndamwambila kasimpe kuti takwe muntu naba umwi wakasiya n'anda yakwe, naba banakazi bakwe, na banike bakwe, na bazyali, na bana nkambo kabwami

bwaLeza, ³⁰ utakwe kuzojana zyindilide kuchiindi echino, amuchindi chibola, buumi butamani.” ³¹ Nakamaninsya kubunganiza bali kkumi ababili kulinguw, wakati kulimbabo, “Mulange tuyu kuJelusalema, lino zyoonse zintu zyakalembwa abasinsimi atala a Mwana mulombe wa Muntu ziya kuyozuzikizigwa”. ³² Nkambo uyopenzegwa mumaboko Bamasi, mpawo bayomuwela, uyojatwa chamasampu, mpawo bakamuswide mate. ³³ Nibayomaninsya kumuma, bayomujeya, mpawo mubuzuba bwatatu uyobuka lubo.” ³⁴ Takwe nchibakamywa pe kumakanai aya, alubo eli lyakabasita, mpawo takwe nibakamvvisisisa pe zintu ezi zyakali kwaambwa. ³⁵ Kwakaba kuti Jesu kaali waamba kusika mujelikko, umwi moofu wakalikkede kumbali aanzila, ulakumbila, ³⁶ mpawo nakamywa tyanga lyabantu bayabweenda, wakabuzya kuti chakali kuchitika niinzi. ³⁷ Bakamambila kuti, “Ngu Jesu waNazaleta uyabweenda. ³⁸ Mpawo mwalumi oyu moofu wakasompezya wati, “Jesu Mwana a Davida, ndifwide luzyalo”. ³⁹ Bakali kweenda kumpela bakamwambwiida moofu oyu, bati, “Umuna”. Pesi wakasompezya loko, “Mwana wa Davida, ndifwide luzyalo”. ⁴⁰ Jesu wakayimikila nji mpawo walayilila kuti mwalmi oyu ayeetwe kuli nguwe. Lino mwalmi oyu moofu nakaba afwiifwi, Jesu wakabuzya wati, ⁴¹ “Uyanda kuti ndikuchitilenzi? Wakati, “Mwami ndiyanda kuti ndibone”. ⁴² Jesu wakati kulinguw, “Bona. Lusyomo lwako lwakuponesya”. ⁴³ Mpawo awo wakabona, wamutobela, kalemya Leza. Bantu boonse nibakabona ezi bakalumbayizya Leza.

19

¹ Jesu wakanjila alimwi wakali kwiinda mu Jeliko. ² Amulammge kwakali mwaalumi wakalikutegw Zekias wakali simutelo alimwi kali muvubi mupati ³ Wakali kweezya kubona kuti Jesu ngwa, pesi taakakonzya kumubona pe munkamu yabantu, nkaambo wakali mfwififwi. ⁴ Nkinkaako wakachijaanina kunembo lyabantu waakutanta mumukuyu kuti amubone, nkaambo Jesu wakalikwiinda munzila eeyo ⁵ Lino Jesu naakasika aawo wakalanga mujulu mawo wati kulinguw, “Zekiyasi, seluka chakufwambaana, nkaambo sunu ndiyoookkala mung’anda yako.” ⁶ Aboobo wakaseluka chakufwambaana akumutambula chakubotelwa. ⁷ Lino bantu boonse nibazibona eezi, bakanyontooka, kabaamba kuti, “Waya kuyooswaya mwaalumi ulazibi.” ⁸ Lino Zekiyasi wakayima wati ku Mwami, “Langa, Mwami, chisela chalubono lwangu ndilachipa bachete kuti na ndakeeneena kufumbwa muntu, ndilamujosezya kazipetedwe tume kumuulo.” ⁹ Jesu wakati, “Sunu lufutuko Iwasika kung’anda eeno, nkaambo alakwe ooyu mwana wa Abbulahamu. ¹⁰ Nkaambo Mwana wa Muntu wakasika kuzooyandula akufutula bantu basweekede.” ¹¹ Nibakachisiilide eezi zintu, wakasngua kubaambila chikozyanisyo, nkaambo wakali afwiifwi a Jelusalemu, alimwi bakayeeya kuti bwami bwa Leza bwamba kuboneka mpawaawo. ¹² Aboobo wakati, “Umwii mwaalumi musongo wakayinka kunyika ililikule kuyotambula bwami mpawo akuyoboola ¹³ Wakayita balanda bakwe bali kumi, mpawo wakabapa mali aalikumi akuti kulimbabo, ‘Amuchite mabbindawuko mane ndikaboole.’ ¹⁴ Pesi basichisinyina bakalimusulide alomwi bakamutumina bantu bakamutobela, bakati, ‘Tatuyandi pe kuti oyu waamlumi atutonge.’ ¹⁵ Zyakachitika naakaboola lubo, kali watambula bwaami, wakalayilila kuti bayitwe babelesi bakwe aabo mbakapede mali, kuti azibe kuti

nimpindunzi njibakajana mukuchita kwabo makwebo. ¹⁶ Wakusanguna wakasika kunembo lyakwe wati, 'Mwami, mali yako yakazyala aambi mamali aalikumi.' ¹⁷ Mwaalumi wabusongo wakati kulinguwe, 'Wakachita kabotu, omubelesi mubotu. Nkaambo wakasyomeka muzintu ziniini lino ndakupa manguzu aatla amadolopo aalikumi.' ¹⁸ Wabili wakasika, wati, 'Mali yako, mwami, yakapanga aambi mali alimusamu.' ¹⁹ Mwaalumi uulemekeka wakati kulinguwe, 'Iwe tola madolopo alimusamu.' ²⁰ Umwi alakwe wakasika, wati, 'Mwami, njeyi mali yako, ndakayibambide kabotu mumulembo, ²¹ nkaambo ndakakuyoowa, nkaambo ulasisa, ulabweza chuwatabikide akutebula mpwuatabyalide.' ²² Mwaalumi uulemekeka wakati kulinguwe, 'Amajwi aako ndilakubeteka, mubelesi mubi, wakalizi kuti ndilimuntu uusesa, ndilabweza nchindatabikide, akutebula nchin-databyalide.' ²³ Wakalumwayi nuwakatabikide mali yangu mubbanka, kuchitila kuti nindalikuyooboola ndalikuzoyijana kiili yaba aampindu?' ²⁴ Mwaalumi uulemekeka wakati kuli aabo bakayimvvi kumbali, 'Amumunyanzye mali yomwe eeyo mupe ooyo uulamamali aalikumi.' ²⁵ Bakati kulingwe, 'Mwami, ulamamali aalikumi kale.' ²⁶ 'Ndati kulindinywe, woонсе uulazyo, uyoopegwa zimbi, pesi ooyo uutakwe, achecho nchali aacho uyoonyanzigwa.' ²⁷ Pesi aaba basinkondoma, aabo bakatalikuyanda kuti ndibatonge, amubeete aano mubajaye kunembo lyangu.' ²⁸ Nakaamba zintu eezi, wakayinda kaya ku Jelusalemu. ²⁹ Kwakachitika kuti naakasika awiifwi abusena bwa Betipeji a Betani, kukalundu kakalikutegwa Oliveti, wakatuma basikwiya bakwe babili, ³⁰ kati, "Amunjile mugunzi liklikunembo. Mwanjila biyo mulajana mwana wadonki uutana kutantwa. Mumwaangunune mumweete kulindime." ³¹ Na kwaba utamubuzye kuti, 'Nkaambo nzi nimumwaangununa?' mukatedi, 'Mwami ulamuyanda.' ³² Aabo bakatumwa bakamujana mwana wa donki mbuli mbakabalayilide Jesu. ³³ Nibakali kumwaangununa mwana wadonki, bani bawe bakati, "Nkaambo nzi nimwaangununa mwana wa donki ooyo?" ³⁴ Bakati, "Mwami ulamuyanda." ³⁵ Mpawo bakamweeta kuli Jesu, mpawo bakawaala majansi aabo aatala amwana wa donki mpawo bakakkazika Jesu aataka. ³⁶ Naakalikuyabweenda bakalikuya buyala majansi aabo munzila. ³⁷ Naakali waamba kusika abusena aawo Kalundu kama Oliva mpuka nkunku, mbunga yoonse yabasikwiya yakasanguna kubotelwa akulumbayizya Leza ajwi pati nkaambo kamilimu mipati njibakali babona, ³⁸ kabati, "Ulilongezegwegw mwami uuza muzina lya Mwami! Luumuno kujulu abulemu kumajulu!" ³⁹ Bamwi ba Falisi bakali munkamu bakati kuli ngwe, "Muyiisiy bakkabule basikwiya bako." ⁴⁰ Jesu wakasandula wati, "Kansinga aaba baluumwine, mabwe alikunoompolola." ⁴¹ Jesu naakasika mudolopo, wakalila aatala andilyo, ⁴² kati, "Kansinga wali waziba mubuzuba oobu, ayebo, zintu zikweetela luumuno! Pesi lino zilisisidwe kulinduwe." ⁴³ Nkaambo mazuba ayoosika alinduwe, aawo basinkondonyokwe nibayoyaka kaanda akukuzyunguluka akukusyanikizya kuzwa kumabazu woонсе. ⁴⁴ Bayooku wisizya aansi abana bako. Taakwe nobayoosiya niliba bbwe aatala alimwi, nkaambo taakwe nuwakachibona Leza naakalikweezya kukufutula." ⁴⁵ Jesu wakan-jila muchikombelo akutanda boonse nakali kuuzya, ⁴⁶ wakati kulombobo, "Kulilembedwe kuti, 'Ng'anda kyangu iyoba ng'anda yakukombela,' pesi mwayisandula kba ng'anda yabasikubba." ⁴⁷ Aboobo Jesu wakalikuiyisya abuzuba muchikombelo. Bapayizi bapati abalembi bamulawu abazululi

babanti bakali kuyanda kumujaya,⁴⁸ pesi taakwe nibakajana nzila yakuzichita, nkaambo bantu boonse bakali kumuswiilila loko.

20

¹ Bumwi buzuba, Jesu naakali kuyiisa bantu mutempeli akoompolola majwi mabotu, bapayizi bapati abalembi bamulawu bakasika kulinguwe abapati. ² Bakaambula kabati, kabati kulinguwe, "Twaambile kuti mumanguzu aani mochita eezi zintu? Nakuti ngwani ukupa nguzu zyakuchita eezi zintu?" ³ Wakabasandula wati, "Ambebo ndilamubuzya mubuzyo. Amundaambile aatala ⁴ alubbabbatizyo lwa Joni. Lwakali kuzwa kujulu na kumuntu?" ⁵ Bakaambula aakati kabo, kabati, "Twati, 'Kuzwa kujulu', ulati, 'Naambo nzi nimwakatamusyoma?'" ⁶ Pesi twati, 'Luzwa kumuntu,' bantu balatutulula mabwe nkaambo bazi kuti Joni wakali musinsimi." ⁷ Aboobo bakasandula kuti tabazi pe kuti lwakali kuzwa kulini. ⁸ Jesu wakati kulimbabo, "Ambezo nsikomwaambilila pe kuti ninguzu zyani nzyechita aazyo zintu eezi." ⁹ Wakaambilila bantu chikozyanisy o eechi, "Umwi mwaalumi wakabyala chiilili chama sansa, mpawo wakawubikka mumaboko anbaabo balima masansa waya kulimbi nyika kwachiindi chilamfu. ¹⁰ Muchiindi chakasalwa, wakatuma mubelesi wakwe kulibasimuunda. Pesi basimuunda mbakamuumma akutanda katakwe chintu. ¹¹ Wakatuma lubo umbi mubelesi mpawo bakamuumma, akumunyansya akmutanda lubo katakwe chintu. ¹² Wakatuma lubo uumbi watatu alimwi bakamuchisa, akumutandila aanz. ¹³ Aboobo mwami wachilili wakati, 'Ndilachita biyen?' Ndilatuma mwandu wangu ngweyandisya amwi balikuyomulemeka.' ¹⁴ Pesi nibakamubona, bakaambula aakato kabo, kabati, 'Ooyu ngosili lukono. Atumujaye kuchitila kuti lukono lube lwesu.' ¹⁵ Bakamusowela kunze kwalubaya, mpawo bamujaya. Niiンzi lino nchabatachite mwani muunda? ¹⁶ Ulasika azobajaye boonse balimi nbamasansa, mpawo ape muunda kuli bamwi." Nibakamvwa eezyo bakati, "Inche atazizumini pe Leza kuti zibe oo!" ¹⁷ Pesi Jesu wakabalanga, wati, "Aambaanzi malembe aaya? 'Bbwe ndibakaka bayaki, lyakazoba ndilyo lyakazooba bbwe lya chooko? ¹⁸ Woonse uwodata abbwe eelyo uyyotyoloolwa muzimpanzi. Pesi ooyo ngujliyoowida, liyoomu pwaya ¹⁹ Aboobo balembi bamulaw abapayizi bapatgi bakayanda kutgi bamujate muchiindi nchicheecho, nkaambo bakalizi kuti wakaambula chikozyanisy o eechi kaamba mbabo. Pesi bakayoowa bantu. ²⁰ Nibakamulangisisa obotu obotu, bakamutumina bantu bakali kulyeeneenya mbuli basalali, kuti bamuyandwiide mpatabisy e kwaambuula, kuchitila kuti bamupede kabotu kulibasimilawu akumulawu wamweendeze. ²¹ Bakabuzya kulinguwe bat, "Muyisyi, tulizi kuti wambuula akuyiisa choonzyo, alimwi toktobeleyzi mizeezo yabantu pe, pesi uyiisa choonzyo aatala anzila ya Lez. ²² Chili mumulawu na kuti tubbadale mitelo kuli Siza nape?" ²³ Pesi Jesu wakalumvwisisisya lweeno lwabo, mpawo wakati kulimbabo, ²⁴ "Amunditomndeezye kobili. Mbusu azina lyani lilemedwe mpawo?" Bakaamba kuti, 'Nzizya siza.' ²⁵ Wakati kulimbabo, "Akboobo amupe kuli Siza zintu zya Siza, akuli Leza zointu zya Leza." ²⁶ Bakakachilwa nbulewusi muli nzyakaamba kunembo lyabantu. Bakayimikila akugamba aatala anandulo yakwe alimwi taakwe chimbi nchibakaamba. ²⁷ Lino ma Sadiusi nibakasika kulinguwe, aabo baamba kuti takukwe bubuke kubafu, ²⁸ bakamubuzya bat, "Muyisyi, Molzesi wakatulembela kuti na mukulana wamwaalumi

wafwa, kali walikwete, pesi katakwe mwana, ooyo mwanike weelede kukwata bana mukulana azyalile mukulana mwana.²⁹ Kwakali bananyina bali kmusunu ababili, alimwi wakusunganu wakakwata, mpawo wakafwa katakwe mwana pe,³⁰ awabili lubo.³¹ Watatu wakanjila munda, aboobo boonse musanu ababili bakanjla mung'anda pesi boonse bakafwa taakwe wakasiya mwana pe.³² Musule wakazoofwa alakwe mwananakazi.³³ Lino kububuke, uyooba mwananakazi wanu? Nkaambo boonse kabali musanu ababili bakali mukwete."³⁴ Jesu wakati kulimbabo, "Bana balombe banyika iino balakwata alimwi balapegwaa mulukwatano.³⁵ Pesi aabo bataka[jane bulemu bwakutambula kubuka kubafu taakwe nibatakakwate na kupegwaa mulukwatano.³⁶ Tabakoyoofwa alimbi, nkaambo banooli bakozyania abangelo alimwi mbana ba Leza nkaambo mbana babubuke.³⁷ Pesi abalaboo bafwide bazobusigwa, alakwe Mozesi wakatondeezya kubusena bwalusaka, awo nayita kuti Leza wa Abbulahamu a Leza wa Ayizeki a Leza wa Jakobo.³⁸ Lino tachili Leza wabafwide pe, pesi wabawumi, nkaambo boonse bapona kulinguwe.³⁹ Bamwi balembi bamulawu bakasandula batii, "Muyisiyi wasandula kabotu."⁴⁰ Nkaambo taakwe nibakachilikuyanda kweezya kumubuzya lubo iimbi mibuzyo.⁴¹ Jesu wakatghji kulimbabo, "Baamba biyeni kuti Kkilisito mwana wa Davida?⁴² Nkaambo Davida lwakwe mu Bbjuku lya Ntembauzuyo waamba kuti, Mwami wakati ku Mwami wangu, 'Kkala kululyo Iwangu,⁴³ mane ndikachite basinkondo nyokwe bakabe kunsi aamawulu aako'⁴⁴ Aboobo Davida wiita Kkilisito kuti 'Mwami', mpo mwana wa Davida biyeni?"⁴⁵ Kabamvwide bantu boonse wakati kulibasikwiyya bakwe,⁴⁶ "Amubaschenjelele balembi bamilawu, bayanisa kweenda kabazweete majansi malamfu, kabayanda kujuzigwa kulinsini muzisambalilo, azyuno zipati muzikombelo azyuno zisumpukide kumapobwe.⁴⁷ Balatala maanda aabamukabafu, akweeneena kumchita nkomyo ndamfu. Aba bayotambula kunyonyoonwa kupati."

21

¹ Jesu wakalanga wabona balumi bavubi kabalokubikka zipo munkomo yakubikkila mali.² Wakabona umwi muka mufu ufwaba kalokubikka tunini tobile.³ Lino wakati, "Kasimpe ndamba obu kulindunywe, oyu muchete mukamufu wapa kwinda boonse.⁴ Boonse bapa zipo mukwindilila mukuvula kwazyo. Pesi mukamufu, kwinda buchete bwakwe, wabikka toonse twayelede kupona ato".⁵ Abamwi bakali kwambula achikombelo, yasamika mabwe mabotu azituuzyo, wakamba,⁶ "kulizezi zintu nzimubwene, izuba liyosika nikuyochala katachikwe bbwe lilatala abbwe nyina liyochala kalitawidide ansi."⁷ Bamumuzya batii, "Muyisi, ndilili niziyochitika zintu ezi?" Alubo nchiinzi chiyoba chitondezyo chakuti zintu ezi zyaamba kuchitika?"⁸ Jesu wakasandula, "Amuchenjele kuti muteenwi. Nkambo bayosika muzina lyangu kabati 'ndime oyoo'a 'chindi chaba awfifwi' mutakabatobelii.⁹ Mwakumvwa nkondo ampyompyongano mutakayowi, nkambo zintu ezi zyelede kuchitikana kusanguna, pele mamanino takayochitika kufwambana".¹⁰ Mpawo wakati kulimbabo, "Chisi chiyowlana achisi nyina.¹¹ Kuyooba mizuzuminu mipati munyika, anzala mumasena asiyenesiyene azilwazi, kuyooba ziyoysa azitondeezyo zipati zizwa kujulu.¹² Pesi kakutanachitika ezi zintu, bayobikka manza abo alindinywe akumupenzya, bamwabe muzikombelo

amuntolongo, akumweeta kunembo lyabami abendelezi nkambo kazina lyangu. ¹³ Kuyoba bukamboni kulindinywe. ¹⁴ Nkambo kako amukanze mumyoyo yanu kuteezezya makani ngimuyowamba, ¹⁵ nkambo ndime usikamupe majwi abusongo kuti boonse basinkondo nyokwe bakachilwe kukaka akukazya. ¹⁶ Pele moyozipegwa atala abazyali, bakulana, nzubo, abenzuma alimwi bayobikwa bamwi bana mulufu. ¹⁷ Muyosulwa moonse nkambo kazina lyangu. ¹⁸ Pele takukoyooba kasusu kakumitwe yanu kayooloba. ¹⁹ Kumakatazyo myooobujana bumi bwatu. ²⁰ "Nimwakubona Jelusalema yazyungulukwa ampi, lino moyoziba kuti kusaalwa kwabo kwaba awfifwi. ²¹ Lino abo bali muJudiya abachijile mumalundu, alubo bali mudolopo abazwe, abo alabo bali anze achisi tabledele kunjila mudolopo. ²² Nkambo aya mazuba akubwedzya chibi, kuti zintu zyoonse zilembedwe ziyoozuzikizigwe. ²³ Mawee kuli babo bamisi akulibabo banyonsya kumazuba ayo! Nkambo kuyoba mapenzi mapati munyika, ayendelana abantu aba. ²⁴ Bayojegwa apanga, bayootolwa baange kuzisi zyoonse a Jelusalemu uyoozunganisigwa abamasí kusikila chindi chabamasi chizulile. ²⁵ Kuyooba zitondeezyo kuzuba, akumwezi, amunyenyezi. Amunyika, nyika iyoba akakukataziga nkambo kakuvuumma kwamayuwe amulwizi. ²⁶ Kuyooba bantu bayoomana nguzu akuyowa akuyeya zintu zitasikile nyika. Nkambo nguzu zyakuju lu zyoyunganisigwa. ²⁷ Mpawo bayomubona Mwana mulombe wa Muntu kaboola mujoba munguzu amubulemu bupati. ²⁸ Pele zintu ezi zyakutalika kuchitika, amunyampuke akulungumika mitwe yanu, nkambo lwangunuko Iwanu lwaba awfifwi". ²⁹ Jesu wakabambilia muzikozzano, "Mulange mukuyu amasamu onse. ³⁰ Lino na asyuuka ndelema, anga mwabona Iwanu akuziba mayinza aba awfifwi. ³¹ Lino aboobo, na mwabona zintu ezi kazichitika, moyoziba kuti bwami bwaLeza bwaba awfifwi. ³² Kasimpe ndamwambila obu nywe, olu lunyungu talukayindi mane zintu ezi zikachitike. ³³ Ijulu anyika ziyyoinda, pele ijwi lyangu talikoyomana pe. ³⁴ Pesi amuswiliie Iwanu, kuti myoyo yanu italemenwi akwindilizya kunywa akukolwa akulipenya abuumi, azuba elyo talikoyomujana kufwambana pe ³⁵ mbuli kakole. Nkambo chiyosikila kuli boonse bapona kubusyu bwanyika yoonse. ³⁶ Pesi amulibambilie chindi choonse, mukombe kuti mube anguzu akuchija zintu ezi zitachitike, akwiima kunembo lya Mwana mulombe wa Muntu". ³⁷ Lino kuzwa kuseni kusikila goko wakali kuiisya muzikombelo, munsi wakali kuzwa anze akuyokkala kutegwa Oliveti. ³⁸ Bantu boonse balikusika kuseni kuzomuswiliza mutempele.

22

¹ Lino pobwe lyachinkwa chitakwe bumena chakali chaamba kusika, litegwa Pasika. ² BaPayizi bapati alimwi abalembi bakalikuyaandula mbubanga balabika Jesu kulufu, nkaambo bakalikuyoowa bantu. ³ Lino Satani wakanjila muli Judasi Isikkaliyoti, ooyo wakali umwi wabalikkumi ababili. ⁴ Judasi wakayinka kubapayizi bapatki akubapati babasilumamba waakubaambila mbanga ulapeda Jesu kulimbabo. ⁵ Bakabotelwa alimwi bazuminana kuti bamupe mali. ⁶ Wakazumina alimwi wakayaandula mweenya wakubapa kule abantu. ⁷ Nibwakasika buzuba bwachinkwa chitakwe bumena, aawo nikwakeelede kupayigwa kabelele kakwiindilila. ⁸ Jesu wakatuma Pita a Joni kaamba kuti, "Mweende mukatubambile chakulya cha Pasika kuchitila kuti tzolye." ⁹ Bakabuzya kulingue bat,

"Nkookuli nkoyanda kuti tukachite mabambe aaya?" ¹⁰ Wakabasandula kuti, "Amulange naa mwanjila mumuuunzi, mulaswaana mwaalumi utukkide nongo yamanzi. Mukamutobele mung'anda eeyo njatakan-jile. ¹¹ Amukatedi kuli munna ng'anda, "Muyiisi wati kulinduwe, ilikuli ng'anda yakulida, oomo munditalide Pasika abasikwiya bangu?" ¹² Uyokutondezya n'anda mpesi yakulala yakujuju iili aazyoonse. Kachite mabambe ooko." ¹³ Aboobo bakiinka, alimwi bakujana zyoonse mbuli mbakali waamba kulimbabo. Mpawo bakabamba kulya kwa Pasika. ¹⁴ Eelyo chiindi nichakasika, wakakkala aansi abasikwiya. ¹⁵ Mpawo wakati kulimbabo, "Ndalikuyandisa kapati kulya Pasika andinywe nkesinapenzegwa, ¹⁶ Nkaambo ndati kulindinywe, nsikoyoolya lubo kusikila zyazuzikizigwa mubwaami bwa Leza." ¹⁷ Mpawo Jesu wakabweza nkomeki, alimwi eelyo nakapa kulumba, wakati, "Mubweze eechi, alimwi mukachaabane aakati kanu. ¹⁸ Nkaambo ndati kulindinywe, nsikoyonywa muchelo wa musaansa lubo kusikila bwaami bwa Leza bwasiaka." ¹⁹ Mpawo wakabweza chinkwa, alimwi eelyo nakapa kulumba, wakachikwamuna, alimwi wakabapa, kati, "Ooyu mubili wangu, ooyo wapegwa akaambo kanu. Mukachite eechi mukuyeya ndime." ²⁰ Wakabweza nkomeki munzila yeeelene musule lya chilalilo, kalikuti, "Eeyi nkomeki nchizuminano changu chipya mu gazi lyangu, lyatilwa akaambo kanu. ²¹ Pesi muswiilile. Ooyo undiwuzya uli andime antafula. ²² Nkaambo Mwana mulombe wa Muntu nchobeni uliinka mbuli mbuzyakabambwa. Pesi mawe kuliwoyo muntu uyonduuzya!" ²³ Bakatalika kuzuvisyania chabochabo kuti ngwani unga uyookonzya kuchita eechi. ²⁴ Mpawo kwakaba kukazyania aakati kabo aatala akuti nguuli wabo wakalikubwezwa kali mupati. ²⁵ Wakati kulimbabo, "Baami ba bamaasi mbasimalelo aatala ambabo, alimwi aabo bali aabweendelezi aatala ambabo babonwa mbuli baabo bachita bubotu kabantu babo. ²⁶ Pesi tazyeelede kuba boobu pe andinywe. Anikuti, muleke ooyo mupati aakati kanu abe mbuli muniini, alimwi muleke ooyo uli alugwasyo abe mbuli ooyo ubeleka. ²⁷ Nkaambo ngwani mupati, ooyo uukkala antafula, na ooyo ubeleka? Nikubabobo ndili aakati kanu mbuli woyo uubeleka. ²⁸ Pesi ndinywe nimwakiinkilila kunembo andime mumasukukusyo aangu. ²⁹ Ndapa kulindinywe bwaami, mbuli Taata wangu mbakapa bwaami kulindime, ³⁰ kuti mukonzye kulya akunyuwa aantafula lyangu mubwaami bwangu, alimwi uyookkala azyuuno kolikubeteka mikowa ilikkumi ayibila ya Izilayeli. ³¹ Sayimoni, Sayimoni, chenjela, Satani wakukumbila, kuti amwi walikukonzya kukupupulula mbuli witi. ³² Pesi ndakukombela, kuti lusyomo lwako lutakachilwi. Niwabweda msule lubo, simwa bakulana bako." ³³ Pita wakati kulinguwe, "Mwaami, ndilibambilide kwiinka ayebo koonse kuntolongo alimwi a kulufu." ³⁴ Jesu wakamusandula, "Ndakwaambila, Pita, mukuku takoyookokolika buzuba obuno, iwebo kotanandikaka tutatu kuti tondizi pe." ³⁵ Mpawo Jesu wakati kulimbabo, "Eelyo nindakamutuma aanzé kamutakwe chikkwama chemali, chikkwama chazyoonse, na nsangu, mwakakubula chintu na?" Bakasandula, "Takwe pe." ³⁶ Mpawo wakti kulimbabo, "Pesi lino, ooyo uli echikkwama, mumuleke achibweze, alimwi lubo chikkwama chazyoonse. Ooyo utakwe panga weeleda kuzya chikobelka chakwe alimwi awule limwi. ³⁷ Nkaambo ndati kulindinywe, eezyo zilembedwe aatala andime zyelede kuzuzikizigwa, 'Wakabalwa aantomwe abatakwe mulawu.' ³⁸ Mpawo bakati, "Mwaami, langa!

Ngaya mapanga obile."wakati kulimba, kwakkwana." ³⁹ Jesu wakiinka, mbuli mbakalikukkala kachita chiindi chiingi, ku Chilundu cha Olivi, alimwi basikwiyya bakamutobel. ⁴⁰ Eelyo nibakasika, wakati kulimbabo, "Mukombe kuti mutanjili mumasukusyo." ⁴¹ Wakazwa aakati kabu afwifwi aasikila bbwe lyakuwala amaboko, alimwi wakafugama aansi alimwi wakakomba, ⁴² kati, "Taata, na kamuyanda, mugwisye nkomeki eeyi kuzwa kulindime. Nikubaboo pe pe lwangu luyando, pesi lwanu ngalukachitwe." ⁴³ Mpawo mungelo kuzwa kujulu wakaboneka kulinguwe, kalikumusimya. ⁴⁴ Kali mukulila kupati, wakakombesya loko chanchobeni, alimwi nkasaalo yakwe yakaba mbuli malosi mapati agazi kayilikulokela anyika. ⁴⁵ Eelyo nakazwa kukukomba kwakwe, wakaya kui basikwiyya bakwe alimwi wakabajana kabalikoonakaambo kabuusu bwakwe ⁴⁶ alimwi wakababuza, "Nkaambonzi nimulikoona? Mubuke mukombe, kuti mutakanjili mumasukuusyo." ⁴⁷ Aawo nakachilikwaambula, bona, inkamu yakaboneka, aantomwe a Judasi, umwi wa bali kkumi ababili, kali kubazulwida. Wakaza afwifwi a Jesu kuzomumyonta, ⁴⁸ pesi Jesu wakati kulinguwe, "Judasi ulikuuya Mwana mulombe wa Muntu alumyonto?" ⁴⁹ Eelyo bakazyungulukide Jesu nibakabona zyakali kuchitikana, bakati, "Mwaami, tuume na apanga?" ⁵⁰ Mpawo umwi wabo wakawuma mulanda wa mupayizi mupati, alimwi wakakwapa kutwi kwakwe kwachilisyo. ⁵¹ Jesu wakati, "Eezyo zyakkwana!" Wakaguma kutwi kwakwe, alimwi wakamuponia. ⁵² Jesu wakati kuli silutwe wa bapayizi ba muchikombelo, alimwi akubapati bakamubukila, "Muza mbuli kumubbii, kamuli amapanga a nkoli? ⁵³ Eelyo nindakali aandinywe mazuba oonse muchikombelo, takwe nimwakabika maboko aanu alindime. Pesi eeli ndihola lyanu, alimwi bweendelezi bwamumudima." ⁵⁴ Kabamukwensa, bakamubweza alimwi bamutola kun'anda yamupayizi mupati. Pesi Pita wakalikutobel kulekule. ⁵⁵ Musule lyakudukula mulilo aakati kabbetekelo alimwi kabali bakkala aansi aantomwe, Pita wakakkala aakatai kabo. ⁵⁶ Umwi mulanda mwanakazi wakamubona aawo nakakkende mumumuni wamulilo alimwi wakalanga kulinguwe chakumudunamina alimwi wakati, "Ooyu mwaalumi alakwe wakati aanguwe." ⁵⁷ Pesi Pita wakakaka, kati, "Mwanakazi, nsimwizi pe." ⁵⁸ Musule lyakayindi kaniini loko umwi wakamubona, alimwi wakati, "Nduwe umwi wabo." Pesi Pita wakati, "Mwaalumi, tensi ndime." ⁵⁹ Nikwakiinda hola lyomwe uumbi mwaalumi wakasisimpizya alimwi wakati, "Nchobeni mwaalumi ooyu alakwe wakali aanguwe, nkaambo ngwaku Galili." ⁶⁰ Pesi Pita wakati, "Mwaalumi, nsizi pe eecho ncholikwaamba." Chakufwambaana, nakachilikwaambula, mukuku wakakokolika. ⁶¹ Wakachebuka, Mwaami wakalanga Pita, alimwi Pita wakayeya ijwi lya Mwaami, eelyo nakati kulinguwe, "Mukuku katanaakokolika sunu uyondikaka tutatu." ⁶² Pita wakiinka aanze alimwi wakakulila kapati. ⁶³ Mpawo baalumi bakalindide Jesu bakamuseka alimwi bakamuumma. ⁶⁴ Bakabika chivumbyo aatala lyakwe alimwi bakamubuza, kabati, "Sinsima! Ngwani ooyo wakuumma?" ⁶⁵ Bakaambula zimwi zyiingi zintu aatala a Jesu, kabalikumutuka. ⁶⁶ Chakufwambaana mbuli mbulyakali zuba, bapati babantu bakaswaanana aantomwe, bapayizi bapati alimwi abalembi. Bakamutola mu Nkuta ⁶⁷ alimwi bakati, "Na koli Kkilisito, twaambile." Pesi wakati kulimbabo, "Na ndamwaambila, tamukoyoondisyoma pe, ⁶⁸ alimwi na ndamubuza, tamukoyoosandula pe. ⁶⁹ Pesi kuzwa lino kaziya kunembo, Mwana mulombe wa Muntu unoyokkede

kuchilisyo chamanguzu aa Leza.” ⁷⁰ Boonse bakati, “Nkokwaamba kuti uli Mwana mulombe wa Leza?” Jesu wakati kulimbabo, “Mwaamba kuti ndime.” ⁷¹ Bakati, “Nkaambonzi nituchiyanda mukamboni? Nkaambo lwersu tobweni twalimvwida kuzwa kumulomo wakwe.”

23

¹ Yoonse nkamu yabo yakanyampuka, mpawo bakeeta Jesu kunembo lyu Payileti. ² Bakasanguna kumupa milandu, kabati, “Twajana mwaalumi ooyu kali kunyongania chisi chesu, walikukaka kuti tulemeka Siza, alimwi walikwaamba kuti we ngo Kkilisito, mwai.” ³ Payileti wakamubuzya wati, “Uli Mwami waba Juda na?” Mpawo Jesu wakamusandula wati, “Nduwe waamba ooobo.” ⁴ Payileti wakati kubapayizi bapati akunkamu yabantu, “Taakwe bubi pe mbundabona mumwaalumi ooyu.” ⁵ Pesi bakasungwaala kabaamba kuti, “Unyongania bantu, ulayiisa mu Judea lyoonse, kuzwa ku Galilii kuzosika okuno.” ⁶ Aboobo Payileti naakamvwa eezi, wakabuzya kuti ooyu mwaalumi muna Galilii na. ⁷ Naakamvwa kutgi wakali munsi lyanguzu zya Helodi, wakamutumina kuli Helodi, ooyo alakwe wakali mu Jelusalemu muli aayho mazuba. ⁸ Helodi nakabona Jesu, wakabotelwa loko, nkaambo wakalikuyandisyu kumubona kwachiindi chnilamfu. Wakalikmvwa aatala anguwe alimwi wakali kulipeekezya kubona malele ngachita. ⁹ Helodi wakamubuzya makani miingi, pesi Jesu taakwe naakasandula pe. ¹⁰ Bapayizi bapati abalembi bamulawu bakaliimvwi aawo kabamupa milandu. ¹¹ Helodi abasilumamba bakwe bakamusampawula, akumuweela, bakamuzwaatika zisamo zibotu mpawo baka bweedezya Jesu kuli Payileti. ¹² Helodi a Payileti bakazwaaba bazolani buzuba mbuboobo (bakalibasinkondonyina chiindi choonse). ¹³ Mpawo Payileti wakiita antoomwe bapayizi bapati, bat-gongi antoomwe ankamu yabantu, ¹⁴ wakati kulimbabo, “Mwandeetela mwaalumi ooyu, mbuli muntu ulikupa kuti bantu babisyu, pesi amulange, mebo, ndamubuzisisya kunembo lyenu, taakwe nindajana bubi pe kulinguwe aatala amilandu njimwamupa. ¹⁵ Peepe, alakwe Helodi taakwe nchaajana, nkaambo wamuboozya kulindiswe, alimwi amulange, taakwe cheelede lufu pe nchachita. ¹⁶ Ndilamusubula biyo mpawo ndimwaangunune. ¹⁷ ¹⁸ Pesi boonse bakoompolola kabati, “Tatumuyandi pe swe ooyu mwaalumi, twaangunwide Bbarabbasi!” ¹⁹ Bbarabbasi wakali mwaalumi wakabikidwe muntolongo nkaambo kakutatgobeleyza imwi milawu akujaya. ²⁰ Payileti wakaambula lubo, kulimbab kali achiyandisyo chakumwaangununa Jesu. ²¹ Pesi bakoompolola, bakati, “Abambulwe, abambulwe.” ²² Wakabaambila lwatatu, wakati, “Nkaambo nzi, nccheechili chibi nchaachita ooyu mwaalumi? Taakwe nchindajana pe chiyanda kuti apegwe chisubulo chalufu aalinguwe. Aboobo nindazwa kumusubula ndilamwaangununa.” ²³ Pesi bakasungwaala amajwi mapati, kabayanda kuti abambulwe. Alimwi majwi aaya akamupa kuzumina Payilet. ²⁴ Aboobo Payileti wakazumina kubapa chiyandisyo chabo. ²⁵ Wakaangununa ooyo ngubakali bakumbila ooyo wakabikidwe muntolongo nkaambo kabupanduki akujaya. Pesi wakapeda Jesu kuluyando lwabo. ²⁶ Nibakali kuya bumuzulwida, bakajata umwi mwaalumi utegwa Sayimoni waku Sayilini, walikuzwida munyika, bakamupikuzya chiingano kayobutobelwa Jesu. ²⁷ Nkamu mpati yabantu, abanakazi bakalikuya bumulila, bakamutobelwa. ²⁸ Pesi wakabacheba, Jesu wakati, “Nobana basimbi ba Jelusalema, tamulili ndime, pesi amulilile Iwanu abana benu.

²⁹ Nkambo amulanga, alasika mazuba aawo nibayoti, 'Zililongezezegwe ngomwa, ayaayo mala akatazyalwa, ankolo zyakatanyonkwa.' ³⁰ Mpawo bayootalika kuti kutulundu, 'Tuwide,' akumwaala, 'Tuvumbe.' ³¹ Nkaambo nabachita oobu kumusamu mutete, bayochita biyeni kulooyo muyumu?' ³² Bamwi baalumi, basimilandu babili, bakabingwa antoomwe angewe kuti bakajjiwge. ³³ Nibakasika kubusena butegwa "Chifuwa," ooko bakaumbambula abasimilandu babili, umwi kuulyo umwi kuchimweensi. ³⁴ Jesu wakati, "Ndeende, balekelele, nkaambo tabazizi nzibachita." Mpawo bakawuma chisilo kabaabana zisamo zyakwe. ³⁵ Bantu bakali-imvvi kabalingide alimwi batkongi bakali kumuweela, kabati, "Wafutula bamwi. Alifutule, na kali Kkilisito wa Leza uusalidwe." ³⁶ Basilumamba abalabo bakamusyonsya kabamupa viniga kuti anywe, ³⁷ bakati, "Na koli Mwami waba Juda, lifutule." ³⁸ Kwakaliwo alimwi chitondeezyo kumutwe aakwe chakalembedwe kuti, "Ooyu Mwami waba Juda." ³⁹ Umwi wabasimilandu wakali kulengelela kumbali aakwe wakamutukila watgi, "Teensi nduve Kkilisito na? Lifutule utufutule aswebo." ⁴⁰ Pesi umwi wakamukalalila wati, "Tomuyoowi na Leza, nkaambo ulimunsi lyachisubulo chikozyenie na? ⁴¹ Swebo tuli aano mukweelela, nkaambo tulikutambula zitweelede kunchito zyesu. Pesi ooyu mwaalumi taakwe chibi nchachita pe." ⁴² Alimwi wakayungizya wati, "Jesu, ukandiyeeye wakunjila kubwami bwako." ⁴³ Jesu wakati kulinguwe, "Nchobeni ndakwaambila, sunu uyoba andime mu paladiso." ⁴⁴ Lino lyakali lyaba wola lyamusatu akamwi, kwakaba mudima nyika yoosne mane kwakusika wola lyamusatu atune ⁴⁵ nkaambo zuba lyakachilwa kumunika. Mulemo wamuchikombelo waka deluka akati kuzwa kujulu do aansi. ⁴⁶ Akukwiila ajwi pati, Jesu wakati, "Ndeende, mumaanza aako ndabikka muuya wangu." Naakamana kwaamba oobo wakafwa. ⁴⁷ Silumamba wa mwaanda naakabona kazichitika eezi, wakalumbayizya Leza, wakati, "Nchobeni ooyu wali mwaalumi uusalala." ⁴⁸ Lino bantu boonse bakabungene kuzobona zyakalikuchitika nibakabona zintu eezi zyakachitwa, bakabweeda kabafwide nsoni loko. ⁴⁹ Pesi bazolani bakwe boonse abanakazi bakabatobede kuzwa ku Galilii bakayimikila kulekule, kabalikweeba zintu eezi. ⁵⁰ Amulange kwakali mwaalumi wakalikutegwa ngu Jozefu, wakali waNkuta, wakali mwaalumi muboto uululeme ⁵¹ (taakwe naakazuminene awo pe muzeezo wabo), wakalikuzwa kudolopo lyaku Judiya litegwa Arimathea alimwi wakalikulinda bwami bwa Leza ⁵² Ooyu mwaalumi wakayinka kuli Payileti, wakukumbila mutunta wa Jesu. ⁵³ Wakawuseluzya, akuvunga mumicheka mibotu, akulazika mukabanda kakali kabbwe libezedwe, alimwi taakwe mutu wakalina lazikwa oomo pe. ⁵⁴ Bwakali buzuba bwakumbambila, alimwi buzuba bwa Sabata bwakali bwaswena. ⁵⁵ Banakazi bamukatobede kuzwa ku Galilii, bakatobela, bakakukabona kabanda ambaakavwikwa. ⁵⁶ Bakaboola, bakabamba tununkilizyo amafuta. Mu Sabata bakalyookezya mbuli mumulawu

24

¹ Chifumofumo mubuzuba bwakusanguna bwamvwiki, bakasika kukabanda, kabeeta tununkilizyo tubakali babamba. ² Bakajana bbwe lilitontedwe kuzwa kukabanda. ³ Bakanjila mukati, pesi tebakawujana pe mutunta wa Mwami Jesu ⁴ Zyakachitika kuti, aawo kabachigambide aatala azeezi, mpawaawo, kwakiimikila baalumi babili kumbali lyabo

kabazwete zisamo zibayima. ⁵ Aawo banakazi nibakazula kuyoowa baka-fundamika busyu bwabo, bakati kubanakazi, "Muyandwiidanzi bapona kubafu." ⁶ Tawo pe aano, pesi wabusigwa! Amuyeeye mbakaambula kulindinywe naakachili ku Galili, ⁷ kati Mwana wa Muntu weelede apedwe kumaanza abasizibi akabambulwe, mpawo mubuzuba bwatatu akabuke lubo." ⁸ Banakazi bakayeyea majwi aakwe, ⁹ bakeenda kuzwa kukabanda bakwaambila zyoonse eezi kulibalikumi awumwi abamwi boonse. ¹⁰ Lino Meli Magadalena, Jowana, Meli banyina a Jemusi abamwi banakazi mbibakali aabo, bakakwaamba zintu eezi kubatumwa. ¹¹ Pesi majwi aaya akaabaanga ngakubeja nibakaamvwabatumwa, tebakabasyoma pe banakazi. ¹² Mpawo Pita wakanyampukuka wachijaanina kuchuumbwwe, wakakotama kalikuyuna mukati wakabona micheka kiili ayilikke, wakabula kuti niinzi chachitika. ¹³ Amulange babili babo bakalikuyabweenda buzuba mbuboobo kabatozya kugunzi litegwa Emawusi, lyakali kasinzo kuzwa ku Jelusalema. ¹⁴ Bakalikuyabuzuwa aatala azintu zyakachitika. ¹⁵ Zyakachitika kuti, kabachiyabuzuwa akubuzisisyania, Jesu lwakwe wakabeezya weenda aabo. ¹⁶ Pesi meno aabo akaksigwa kuti bamuzibe. ¹⁷ Jesu wakati kulimbabo, "Nobabili niinzi nchimuyobwaambula nimuy-obweenda awa?" Bakayimikila kabali amawuse. ¹⁸ Umwi wabo uutegwa Kiliyopasi, wakamusandula, "Te nduwe olike mu Jelusalem uutazi zintu zyalikuchitika mumo mazuba aaya?" ¹⁹ Jesu wakati kulimbabo, "Zintu nzi eezyo?" Bakamusandula bat, "Zintu zili aatala a Jesu muna Nazaleta, wakali musinsimi, wakali aanguzu kunchito akujwi kunembo lya Leza akubantu boonse. ²⁰ Ambubakamupeda bapayizi bapati abatongi besu kuti apegwe mulandu wakuijigwa. ²¹ Pesi ytvakali twasyoma kuti nguwe utakaangunune Izilayeli. Iyii, kunze kwazyo zyoonse eezi, kwaba mazuba aataatu zintu zyoonse eezi kazichitikide. ²² Pesi kakuliboobo, bamwi banakazi mbituyabweenda aabo batugambya, nibalikuchibuda chifumo. ²³ Nibakuubula mutunta wakwe, bakuboola, kabaamba kuti babona chilengano chabangelo babili balikubaambila kuti wabuka. ²⁴ Bamwi lubo baalumi mbituli aabo bachijaanina kuchibunda bakujana mbubo mbuli mbubaamba banakazi. Pesi tabamubwene pe." ²⁵ Jesu wakati kulimbabo, "Nywebo nobaalumi bafubafuba animuli aamyooyo iichedwa kusyoma kulizyoonse zyakaambwa abasinsimi! ²⁶ Teensi zyakaleelede na kuti Klilisito aswaanane amapenzi woonse aya na, akuti anjile mubulemu bwakwe?" ²⁷ Mpawo kusangunina kuli Mozesi akubasin-simi boonse, Jesu wakali kubapandulwida zyoonse zyakalangene aawe mummalembé woonse ²⁸ Kabali baamba kusika kugunzi eelyo nkukbakali kuyabuya, Jesu wakachita aanga uyanda skwinda kaya kunemboo. ²⁹ Pesi bakamukombeleyza, bakati, "Kkala aswebo, nkaambo lyaamba kuba goko zuba lyaamba kubbila." Aboobo Jesu wakanjila wakkala aabo. ³⁰ Chakachitika kuti, naakkalka aansi ambabo kuti balye, wakabweza chinkwa, wakachilongezya, wakachikwamuna mpawo wakabapedekezya. ³¹ Mpawo meno aabo akajulika, mpawo bakamuziba, mpawo tebakachi-likumubona pe. ³² Bakati aakati kabo, "Myoyo yesu niyatapya mukati kesu, nalikwaambuula kulindiswe munzila, aawo nalikutujulila magwalo?" ³³ Bakanyampuka mu wola ndileelyo babweda ku Jelusalema. Bakajana balikumi awumwi kababungene antoomwe, antoomwe abaabo mbibakali aabo, ³⁴ bakalikuti, "Mwami wabuka nchobeni, alimwi walibonia kuli Sayimoni." ³⁵ Aboobo bakabaambila zintu zyakachitika munzila, akuti

Jesu wakayubununwa byeni kulimbabo naakali kukwamuna chinkwa. ³⁶ Kabachaambula zintu eezi, Jesu lwalkwe wakayimikila aakati kabo, wakati kulimbabo, "Luumuno alube kulindinywe." ³⁷ Pesi bakateketa akuzula kuyoowa, bakayeeya kuti babona cheelo. ³⁸ Jesu wakati kulimbabo, "Nkaambo nzi nimulikataazya? Nkaambo nzi mibuzyo niyazula mumyoyo yenu?" ³⁹ Amulange maboko aangu amawulu aangu, kuti ndime nchoonzyo. Amundigume mubone. Nkaambo cheelo tachikwe nyama amafuwa, mulindibwene me ndilaazyo." ⁴⁰ Naakaamba eezi, wakabatondeezya maboko amawulu aakwe. ⁴¹ Nibakachizwide lukondo Iwiingi, alimwi okambagambilde, Jesu wakatgi kulmbabo, "Mujisi chakulyana?" ⁴² Bakamupa chimpanzi chamuswi wakabiziziwe. ⁴³ Jesu wakachibweza, alimwi wakalya kunembo lyabo. ⁴⁴ Wakati kulmbabo, "Nindakachili aandinywe, ndakamwaambila kuti zyoonse zilembedwe mumulawu wa Mozesi abasinsimi amuntembawuzyho zyeelede kuzuzikizigwa." ⁴⁵ Mpawo wakajula meno aabo kuti bamvwisisisye malembe. ⁴⁶ Wakati kuli mbabo, "Aboobo kulilembedwe, kuti Kkilisitu welede kuppenzegwa, akabuke lubo kubafu mubuzuba bwatatu. ⁴⁷ Alimwi kusanduka akulekelelwa kwazibi kweelede kukakambawukwe muzina lyakwe, kuniyika zyoonse, kutalikila mu Jelusalema. ⁴⁸ Mulibakamboni bazeezi zintu. ⁴⁹ Amulange ndilikutumina kulindinywe eecho Ndeende nchakasyomezya. Pesi amukkale mudolopo kusikila mukajane nguzu kuzwa kujulu." ⁵⁰ Mpawo Jesu wakabazulwida kunze mane bakusika afwiifwi aku Bbetani. Wakanyampula maboko aakwe, wakablongezya. ⁵¹ Zyakachitika kuti, naakachili kubalongezya, wakabasiya alimwi wakanyampwidwa kujulu. ⁵² Aboobo bakamukomba, mpawo bakabweeda ku Jelusalemu mulukondo lupati. ⁵³ Bakakkala kabali muchikombelo kabalongezya Leza

Joni

¹ Kumatalikilo kwakali Ijwi, mpawo Ijwi wakali aaLeza, aboobo Ijwi wakali Leza. ² Ooyu wakali aaLeza kumatalikilo. ³ Zyoonse zintu zyakaanzwa kwiindila mulinguwe, alimwi naatali nguwe nekutakwe chomwe chakaanzwa. ⁴ Mulinguwe momwakali buumi, alimwi buumi oobo bwakali mumuni wabantu. ⁵ Imumuni ulamunika mumudima, alimwi mudima tuuzundide pe. ⁶ Kwakali mwaalumi wakatumidwe kuzwa kuli Leza, zina lyakwe wakali Joni. ⁷ Wakazide mbuli kamboni kuzoolungulula aatala amumuni, kuti boonse basyome kwiinda mulinguwe. ⁸ Joni taakali mumuni pe, pesi wakazide kuzoopa bukamboni aatala amumuni. ⁹ Imumuni wamasimpe, uumunikila bantu boonse, wakalikuyobuza munyika. ¹⁰ Wakali munyika, inyika yakaanzwa kwiinda mulinguwe, aboobo inyika teyakamuziba pe. ¹¹ Wakaza kulibakwe mwini, alimwi ibakwe mwini tebakamutambula pe. ¹² Pesi kuli boonse baka-mutambula, ibakasyoma muzina lyakwe, wakabapa cheelelo chakuba bana ba Leza. ¹³ Aaba tebakazyalwa ku bulowa, nanka kukuyanda kwanyama, nanka kukuyanda kwa mwaalumi, pesi kukuyanda kwa Leza. ¹⁴ Ijwi wakaba mibili akupona aakati kesu. Twakabona bulemu bwakwe, bulemu bubaanga mbubwayooyo omwe alimwi alike wakazwa kuli Taata, uuzwide luzyalo a bwini. ¹⁵ Joni wakamupeda bukamboni akukwiila nkati, "Ooyu ngonguwe ngundakali kuti, 'Ooyo uuza musule lyangu mupati kwiinda ndime, nkaambo mutaanzi kulindime.'" ¹⁶ Nkaambo kuzwa mukuzulila kwakwe toonse twakatambula luzyalo kuzwa ku luzyalo. ¹⁷ Nkaambo mulawu wakapegwa kwiinda kuli Musa. Luzyalo a bwini zyakaza muli Jesu Kkilisito. ¹⁸ Tawo pe wakali wabona Leza. Leza umwi alike, uulikubbazu lya Taata, wakachita kuti Leza azibikane. ¹⁹ Oobu mbobukamboni bwa Joni eelyo ma Juda nibakatuma bapayizi a baLevi kulinguwe kuzwa ku Jelusalema kuyomubuzya kuti, "Nduweni?" ²⁰ Wakaamba - teensi wakakala pe, pesi wakaamba - "Teensi ndime Kkilisito pe." ²¹ Eelyo bakamubuzisisya, "Nduweni mpo? Nduwe Elayija na?" Wakati, "Nsilinguwe pe." Bakati, "Ulimusinsimi na?" Wakasandula wati, "Pe." ²² Mpawo bakayi kulinguwe, "Nduweni, kuchitila kuti tukape nsandulo kulibabo bakatutuma? Ulityeni nomwini?" ²³ Wakati, "Ndili jwi, lyoompolola munkanda: 'Mululamike inzila ya Mwaami; mbuli Isaya musinsimi mbwakaamba.'" ²⁴ Lino bamwi benkamu ya baFalisi bakatumwa, ²⁵ mpawo bakabuzya kulinguwe nkabati, "Nkaambonzi nobabbatizya na kotali Kkilisito na Elayija na musinsimi?" ²⁶ Joni wakabasandula, wati, "Ime ndibbabbatizya aamanzi. Pesi aakati kenu kwiimvwi uumwi ngomutazi. ²⁷ Ngonguwe uyoobuza musule lyangu, ngwesikonzyi kwaangununa ntambo yansangu zyakwe." ²⁸ Eezi zintu zyakachitwa mu Bbetani mutual aa Jodani, ooko Joni nkawakali kubbabbatizya. ²⁹ Nebwakacha Joni wakabona Jesu nkayobuza kulinguwe mpawo wamwaambila kuti, "Langa, ngoyu mwana wembelele wa Leza uuugwisya zibi zyanyika! Ooyu ngonguwe ngundakali kuti, ³⁰ "Ooyo uuza musule lyangu mupati kwiinda ndime." ³¹ Teensi ndakalimwizi p, pesi kuti ayubununwe kuli Izilayeli nchenchicho nchendakaza nkebbabbatizya amanzi." ³² Joni wakapa bukamboni nkati, "Ndabona Muuya nkaseluka

mbuli nziba kuzwa kujulu akukkala alinguwe. ³³ Tendamwizi pe, pesi ooyo wakandituma kubbabbatizya mumaanzi wandibuzya kuti, "Ali yooyo ngotabone Muuya kaseluka akukkala aalinguwe, ngongue uubbabbatizya muMuuya Uusalala." ³⁴ Ndabona aantomwe akupa bukamboni kuti ooyu Mwaana waLeza." ³⁵ Alubo, zuba lyakatobela, aawo Joni kayimvvi abasikwiyya bakwe babilo, ³⁶ bakabona Joni Jesu kayobweend, mpawo Joni wakati, "Amubone, Mbelele ya Leza!" ³⁷ Basikwiyya bakwe bobile bakamumvwa nkawamba oobu mpawo bakatobela Jesu. ³⁸ Mpawo Jesu wakacheba wababona nkabayobumutobela eelyo wakabaambila kuti, "Muyandaayi?" Bakasandula, "Rabbi" (chitolekelwa kuti "Muyisi"), "Ukkala kuli?" ³⁹ Wakabaambila kuti, "Musike muzoobone." Mpawo bakayinka akuyoobona aawo mpakali kukkan, bakakkala anguwe zuba eelyo, nkaambo lyakali hola lyakkumi. ⁴⁰ Umwi wababili aaba wakamvwa Joni nkawambuula mpawo akutobela Jesu wakali Endulo, ngubazyalwa kumwi a Sayimoni Pita. ⁴¹ Wakasanguna kubonana amwana wakwabo Sayimoni akumwaambila kuti, "Twamubona Mesiya" (chitolekelwa kut, Kkilisito). ⁴² Wakamweeta kuli Jesu aboobo Jesu wakamulanga akwaamba kuti, "Nduwe Sayimoni mwana wa Joni. Uyooyitwa kuti Sifasi" (chitolekelede: Pita). ⁴³ Nebwakacha, aawo Jesu nakali kuyanda kuya ku Galilaya, wakajana Filipi mpawo wakamwaambila kuti, "Nditobele." ⁴⁴ Eelyo Filipi wakalikuzuwa ku Bbetisayida, idolopo lyaba Endulo a Pita. ⁴⁵ Filipi wakajana Nataniyeli mpawo wamwaambila kuti, "Ooyo Mozesi ngwakalemba mumulawu, aba Sinsimi, twamubona: Jesu mwana wa Josefa, uuzwa ku Nazaleta." ⁴⁶ Nataniyeli wakati kulinguwe, "Kuli chintu chibotu na chikonzya kuzwa mu Nazaleta?" Filipi wakati kulinguwe, "Kweza alimwi ubone." ⁴⁷ Jesu wakabona Nataniyeli kayobuza kulinguwe mpawo waamba kuti aatala anguwe, "Bona, mu Izilayeli wamasimpe, utakwe lweeno!" ⁴⁸ Nataniyeli wakati kulinguwe, "Wandiziba biyeni?" Jesu wakasandula akwaamba kuti kulinguwe, "Nkatanakukwiita Filipi, ncoli munsi aamukkuyu, ndalikubwene." ⁴⁹ Nataniyeli wakasandula, "Rabbi, uli mwana wa Leza! Uli Mwaami wa Izilayeli!" ⁵⁰ Jesu wakamusandula nkati, "Nkaambo kakuti ndati kulinduwe, 'Ndakubona koli munsi aamukkuyu; ulasyoma na? Uchizoobona zintu zipati kwiinda eeki." ⁵¹ Mpawo wakati, "Nchobeni, ndakwaambila kasimpe, uyoobona julu nkali julikide, abangelo ba Leza nkabatanta akuseluka aatala aMwana wa Muntu.

2

¹ Nkakutanayinda mazuba otatwe, kwakaba muchado kuKkana ku Galili, mpawo banyina a Jesu bakaliko. ² Jesu a basikwiya bakwe bakalitambidwe kumuchado. ³ Lino wayini nakamana, banyina a Jesu bakati kuli nguwe, "Tabachikwe wayini." ⁴ Jesu wakati kuli mbabo, "yomwanakazi, nkambonzi noza kulindime? Ichindi changu tachina sika." ⁵ Banyina bakati kubalande, "kufumbwa nchata mwambile, muchichite." ⁶ Lino kwakali musanu ayimwi mpoto zyamabwe zyakali kubelesegwa a ma Juda kuma pobwe akusanzya, achimwi nkachili abulamfu kusikila kuttatu. ⁷ Jesu wakabaambila kuti, "Ngamuzuze mpoto zyamanzi." Aboobo bakazuzya kusikila kulumpimpito. Mpawo wakabambilabelesi, ⁸ "Mubweze lino aakupa mupati wakwaaba." Bakachita mbubobo. ⁹ Mupati wakwaba wakalabila maanzi akaba wayini, Pesi takaziba kwakazwa manzi (Pesi babelesi bakatekede manzi bakalizi). Mpawo

wakazwa sibwinga. ¹⁰ mpawo wakaya kuli nguwe, "woonse muntu uupa wayini muboto lutanzi alimwi ulamuulo uselukide wayini nibakolwa. Pesi kabambala wayini muboto kusikila lino." ¹¹ Echi chitondezyo nchitanzi Jesu nchakachita mu Kkana ya Galili, alubo wakayubununa bulemu bwakwe, antomwe abasikwiya bakwe bakasyoma mulinguwe. ¹² Musule lyazeezi Jesu, abanyina, abana bakwabo, mpawo abasikwiya bakaselukila ku Kapenawumu alimwi bakakukkala kwamazuba mache biyo. ¹³ Lino i Pasika lyaba Juda lyakali afwifwi, mpawo Jesu wakatanta akuya ku Jesu Jelusalemu. ¹⁴ Wakajana basambali baaba sune ambelele abasambali benkwilimba muchikombelo, abasikula bakalikkede mumo. ¹⁵ Lino wakachita chimboko chakoosa akubatanda boonse aanze kuzwa muchikombelo, kubika antomwe ambelele ang'ombe. Wakamwayusya makobilis amali zyabawuli mpawo wasowa matafula. ¹⁶ Kubasambazyi bankwilimba wakati, "mubweze zintu zizwe awa. Muleke kuchita ing'anda ya Taata chisambalilo." ¹⁷ Basikwiya bakwe bakayeeya kuti zyakalilembedwe, "busungu bwakumaandenu bwandisyukuta." ¹⁸ Alimwi ba Juda bendelezi bakaziswilila mpawo bakati kuli nguwe, "Nchitondezyoyi nchotatutondezye?" ¹⁹ Jesu wakasandula, "Amumwayule chikombelo, mpawo mumazuba otatwe ndachimika lubo." ²⁰ Lino bendelezi baba Juda bakati, "Echi chikombelo chakayakwa muminyaka ilimakkumi oone - amusanu - alimwi, mpawo ulibusya mumazuba otatwe?" ²¹ Nikuba kuti, wakalkwambula ataala achikombelo chamubili wakwe. ²² Kunembo akubusigwa kuzwa kulufu, basikwiya bakwe kabayeya kuti wakalambide, mpawo bakasyoma kumalembe akutwambo ntwaakamba Jesu. ²³ Lino kali mu Jelusalemu kupobwe lya pasika, kali kupobwe, biangi bakasyoma muzina lyakwe nibakabona zitondezyo nzyakachiita. ²⁴ Pesi Jesu takabasyoma nkambo wakalibezi boonse, ²⁵ nkambo takayanda kuti naba omwe ape bukamboni atala a muntu, nkambo wakalizi chakali mulinguwe.

3

¹ Lino kwakaliwo mu Falisi wakali kutegwa Nikkodimasi, muzululi wama Juda. ² Ooyo mwaalumi wakaza kuli Jesu mansiku, mpawo wakati kulinguwe, "Muyisyi kuti uli muyisyi wakazwa kuli Leza, nkaambo tawope ukonzya kuchita zitondezyo eezyo chita ado Leza ulaanguwe. ³ Jesu wakasandula kuli nguwe, "Nkasimpe, kasimpe ado muntu wazyalwa bupya lubo takonzyi kubona bwami bwa Leza." ⁴ Nikkodemasi wakati kulinguwe, "Mbubuli muntu mbwakonzya kuzyalwa nkali wachembaala? Tachikonzyoi kunjila lwabili mutumbu lyabanyina mpawo akuzyalwa, ulakonzya na? ⁵ Jesu wakasandula, "Nkasimpe, nkasimpe ado muntu wazyalwa amaanzu amuuya, takonzyi kunjila mubwami bwa Leza. ⁶ Eecho chizyalwa kunyaama ninyama, mpawo eecho chizyalwa kumuuya muuya. ⁷ Utagambi eecho nchindakwaambila, uyeede kuzwalwa bupya. ⁸ Luuwo luloonga kufumbwa nkuluyanda; ulamvwa muzuumo pesi tokonzyi kuziba nkulwazwa nekunba nkuluya. Nkikaako woonse muntu ooyo uzyalwa amuuya mbwabede. ⁹ Nikkodemasi wakasandula kuti, "Mbubuli mbuzikonzya kuba zintu eezi?" ¹⁰ Jesu wakasandula wati kulinguwe, " Uli mwiiyi wa Isiolyili na aboobo tomvwisyi zintu eezi? ¹¹ Nkasimpe, nkasimpe ndakwaambila, twaambwa nzitwizi, mpawo tupu bumboni aatala anzitwakabona. Aboobo totambuli bumboni bwesu. ¹² Na ndakaambide aatala azintu zyanyika mpawo twasyoma, mbuli

mbokonzya kusyoma na ndakwambila ataala azintu zyajulu? ¹³ Tawope wakaliinkide kujulu kunze kwayooyo wakaseluka kuzwa kujulu- Mwana aa Muntu. ¹⁴ Mbubonya mbuli Mozesi mbwakasumpula nzoka munkanda, mbobonya Mwana aa Muntu mbwayosumpulwa, ¹⁵ kuti boonse basyoma bakabe abuumi butamani. ¹⁶ Mbuli Mozesi mbwakasumpula nzoka munkanda, mbombubo Mwana aa Muntu mbwazoosumpulwa, kuchitila boonse basyoma mulinguwe kuti babe aabuumi butani. ¹⁷ Oobuya Leza mbwakayandisa nyika, eelyo wakiipa Mwana wakwe simuzyalwa aalike kuti kufumbwa uumusyoma mulinguwe atafwidilili pesi kuti aabe aabumi butamani. Obuya Leza takatuma Mwana munyika kuti azoobeteke nyoka, pesi kuti azoofutule nyika kwiinfa mulinguwe. ¹⁸ Ooyo usyoma muli nguwe takoyoobetekwa, pesi ooyo utasyomi wabetekwa kale nkaambo taasyoma muzina lya Mwana alike wa Leza. ¹⁹ Aaka nkikaambo kakutonga: Mumuni wasika munyika mpawo bantu bayanda mudima kwiinda mumuni nkaambo nchito zyabo nzyabubi. ²⁰ Woonse uuchita bubi wasula mumuni aboobo tasiki kumumuni, kuchitila nchito eezi kuti zitabonwi. ²¹ Nikuba kuti, ooyo uuchita kasimpe wasika kumumuni kuchitila zilaantanganana ziboneke eezyo nchito kuti zyachoitwa muli Leza. ²² Musule acheechi, Jesu abasikwiyya bakwe bakayinka munyika ya Judiya. Ooko wakakukkala kkala antoomwe ambabo akubbabbatizya. ²³ Lino Joni alakwe wakali kubbabbatizya mu Ayinoni afwiifwi ku Salimu nkaambo kwakali meenda mayingi nkuko. Bantu bakalikusika kulinguwe mpawo bakali ku bbabbatiziga, ²⁴ nkaambo Joni takalina waalwa muntolongo. ²⁵ Lino aawo kwakabuka lukazyano aakati kabasikwiyya ba Joni aba Juda aatala aapobwe lyakusanzyania. ²⁶ Bayiinka kuli Joni mpawo bamwaambilila kuti, "Labbi, ooyo wakali aanduwe kulimwi bbazu lyamulonga wa Jodani, aatala ayooyo ngwakalungulula, laanga, uliiku bbabbatizya mpawo boonse balikwiinka kulinguwe." ²⁷ Joni wakasandula, "Muntu takonzyi kutambula chintu na chapegwa kulinguwe kuzwa kujulu. ²⁸ Iwe lwako omwini ulanza kupa bukamboni bwacheecho nchindakaamba, pesi kuti takatumwa kunembo lyakwe. ²⁹ Mulumi ngwaasibwiinga. Liño muzolwani wasibwiinga, ooyo uyiimikila akuswiilila nguwe, ulabotelwa kapati nkkambo kajwi lyasibwiinga. Eechi lino, ndoo0lukondo lwangu ngalwazulila. ³⁰ Weeleta kuti kusumpulwa mebo ndifiwiinsigwe. ³¹ Ooyo uzwa kujulu ulaajulu azyoonse. Ooyo uzwa aansi uzwa aansi mpawo wambuula aatala aansi. Ooyo uzwa kujulu uli aajulu azyoonse. ³² Ulungululua aatala acheecho nchakabona anchakamvwa, pesi taakwe uzumina bukamboni bwakwe. ³³ Ooyo utambula bukamboni wazuminina kuti Leza nkasimpe. ³⁴ Ooyo Leza ngwatuma wambuula majwi aa Leza. Pesi tapi mweelo wamuuya. ³⁵ Taata uyanda Mwana mpawo wakamupa zyoonse zintu mumaboko aakwe. ³⁶ Ooyo usyoma ku Mwana uli aabuumi butamani, pesi ooyo ukaka Mwana takwe kuyoobona buumi, pesi bukali bwa Leza bulakkala aalinguwe."

4

¹ Awo Jesu nakaziba kuti ba Falisi bakamvwa kuti wakalikuba abasikwiyya biingi mbakali kubbabaatizya kwinda Joni ² (nekuba kuti welwakwe mwini tensi wakali kubbabbatizya pe, pesi basikwiyya bakwe mbabo bakali kubbabbatizya), ³ wakazwa mu Judiya wabweda Iubo ku Galilaya. ⁴ Pesi chakalelede kuti ayinde mu Samaliya. ⁵ Elyo wakasika mumunzi wamu Samaliya utegwa Sychal afwifwi achipanzi chanyika eyo Jakobo njakali

wapa mwanakwe Josefa. ⁶ Chikala cha Jakobo chakaliwo. Jesu wakali wakatala kuzwa mulwendo lwakwe mpawo wakakkala kumbali achikala. Lyakali sikati. ⁷ Umwi mukayintu mu Samaliya wakaza kuzoteka manzi, elyo Jesu wakati kulinguwe, "Ndipe manzi nwe". ⁸ Nkambo basikwiya bakwe bakali banjila mumunzi kuyowula kulya. ⁹ Mpawo mukayintu mu Samaliya wakamwambila kuti, "Chikonzeka buti, kuti webo nomu Juda undikumbile chakunywa imebo ndemukayintu mu Samaliya". nkambo ma Juda tabakwe bulidilano pe ama Samaliya. ¹⁰ Jesu wakasandula wati, "anoli walizi chipo cha Leza, akuti ngwani ukukumbila manzi, wayinokumbila nduwe, nkekupa manzi mawumi". ¹¹ Mukayintu, wakati kulinguwe, "Yomwalumi, tokwe chakutesya pe mpawo chikala nchilamfu. Ani mpo ulaajanayi ayo manzi abuumi? ¹² Tooli mupati, mbubo na, kwinda taata Jakobo, wakatupa chikala akunwa kuli nchicho lwakwe mwini, abana bakwe ambono zyabo? ¹³ Jesu wakasandula wati kulinguwe, "woonse unywa manzi amuchikala echi uyoba anyota lubo. Kufumbwa unywa manzi nginjomupa takoyoba a nyota limbi. ¹⁴ Pesi, manzi ngesikamupe ayoba kasensa kamanzi mulinguwe, kakunka mane kukabekutamani". ¹⁵ Mukayintu wakati kulinguwe, "Mwami, ndipe manzi ayo kuchitilakuti nsikabi anyota akuti nsizoboli lubo kuzoteka manzi awa." ¹⁶ Jesu wakati kulinguwe, "koya, ukite mulumako, mpawo ubolano" ¹⁷ Mukayintu wakati kulinguwe, "nsikwe mulumi pe". Jesu wakati, "waamba kasimpe kuti nsijisi mulumi pe". ¹⁸ Nkambo wakala baalumi musanu, ooyo ngolawe lino temulumako pe. Nzawawamba zilisinizize." ¹⁹ Mukayintu wakati kulinguwe, "mwami ndabona kuti ulimusinsimi. ²⁰ Mataata esu bakali kukomba muchilundu echi pesi muti Jelusalema mbobusena bantu nkubelede kukombela." ²¹ Jesu wakati kuli nguwe, "yomukayintu ndisyome, chindi chilasika awo nemutakakombe Taata kutili muchilundu echi nabi mu Jelusalemu. ²² Mukomba nchomutazi. Swebo tukomba nchetuzi, nkambo lufutuko luzwa kuba Juda. ²³ Nekubaboo chindi chilasika, nchenchichechi, awo bakomba mukasimpe mpobayomukomba Taata mumuya amubwini, nkambo Taata mbembabo bantu mbayandula kuti babe basikumukomba. ²⁴ Leza ngumuya, aboobo bantu bamukomba belede kumukomba mumuya amubwini". ²⁵ Mukayintu wakamwambila kuti, "ndilizi kuti Mesiya uyobuza(ooyo utegwa Kilisito)". Nazosika uzotupandulwida zyonse. ²⁶ Jesu wakamwambila kuti, "ndendime nguwe oyu uwambula ayebo". ²⁷ Aleecho chindi basikwiya bakwe bakaboola. Elyo bakagamba kuti nkamboi nambula amukayintu, pesi taakwe wakamba kuti, "uyayi?" na kuti "Nkamboi nambula awe?" ²⁸ Awo mukayintu ooyu wakasiya noongo yakwe yamanzi, wabweda kumunzi, wakwambila bantu, ²⁹ "kamuza, muzobone mwalumi wandambilia zintu zyonse nzendakachita. Oyu tekujana waba Kilisito na, nkujana waba nguwe?" ³⁰ Bakazwa mumunzi baza kulinguwe. ³¹ Achindi nchichecho, basikwiya bakwe bakali kumukombeleyza kuti "Rabbi, lya" ³² Pesi wakati kulinguwe, "Ime ndakulya nkomutazi atala ankuko." ³³ Awo basikwiya bakakazyania akati kabo, "Takwe mutu wamwetela kulya pe, mpali na?" ³⁴ Jesu wakati kulimbabo, "kulya kwangu nkuchita luyando lwayoyo wakandituma akumaninsiza mulimu wakwe. ³⁵ Sa tamwambi kuti, 'kuchili myezi yoone nekutakabe goloka'? Ndokumwambila kuti, amunyampule meso anu mulange myunda, nkambo yabizwa kale yelela kutebulwa! ³⁶ Oyo utebula utambula chakufola akubungika michelo

yabumi butamani, kuchitila kuti oyo ubyala ayooyo utebula bakakondwe antomwe. ³⁷ Mulichechi kalasinizya kambyo kati, "umwi ulabyala utebula ngumbi". ³⁸ Ndakamutuma kuyotebula nchemwakata lima. Bamwi bakalima, inywe mwakanjila mumilimu yabo. ³⁹ Bantu biingi bamu Samaliya bamumunzi oyu bakamusyoma nkambo ka mbakalungulula mukayintu wakali kupa bukamboni, "wandambilza zyonse nzendaka-chita". ⁴⁰ Bantu bamu Samaliya nibakasika kulinguwe, bakamu kumbila kuti akkale aboo, wakkakala mumunzi oyu kwamazuba aabili. ⁴¹ Kwakaba bambi biingibakamusyoma nkambo kajwi lyakwe. ⁴² Bakati kumukayintu ooyu, "Tatuchisyomi nkambo kanzwawamba pe, pesi nkambo swebo tobeni twalimvwida, mpawo twaziba kuti nsonzyo oyu mufutuli wanyika" ⁴³ Nakiinda mazuba aya obile oko waya ku Galilaya. ⁴⁴ Nkambo Jesu lwakwe mwini wakamba kuti musinsimi takwe bulemu muchisi mwazwa. ⁴⁵ Nakasika mu Galilaya, bantu bamu Galilaya bakamutambula. Bakali bazibona zyonse nzyakali wachita mu Jelusalemu chindi chapobwe, nkambo abalabo bakaliko kupobwe ⁴⁶ Alimwi wakaboola lubo ku Kenani mu Galilaya, oko nkwaka sandula manzi kuba wayini. Elyo kwakali umwi sichuno ulemekwa wakala mwana wakali kuchiswa mu Kapenawume. ⁴⁷ Nakamvwa kuti Jesu wasika mu Galilaya kuzwa mu Judiya, wakaya kuli Jesu akumukumbila kuti aakaponie mwana wakwe, wakali wamba kufwa. ⁴⁸ Jesu mpawo wakati kuli kulinguwe, "Ado mubone zitondezyo azigambyo, tamukosyoma". ⁴⁹ Ooyu sichuno wakamwambila kuti, "Mwami, boola natana fwa mwanangu". ⁵⁰ Jesu wakati kuli nguwe, "kooy. Mwanako ulapona". Ooyu mwalumi wakasyoma majwi Jesu ngakamba kulinguwe, mpawo wakenda. ⁵¹ Nakachili kuyobwenda wakaswanana aabalande bakwe, bakamwambila kuti, mwanakwe muponi. ⁵² Elyo wakababuzya chindi mwanakwe nakatalika kumvwa kabotu. Bakamwambila kuti, "jilo sikati nakapona" ⁵³ Mpawo wisi wakayibalukwa kuti nchechindi awo Jesu, "Mwana wako wapona." Elyo we lwakwe mwini abanganda yakwe bakasyoma. ⁵⁴ Echi chakaba chitondezyo chabili echo Jesu nchakachita nakazwa mu Judiya kaya mu Galilay.

5

¹ Nikwakamana aya kwakaba pobwe lya maJuda, alakwe Jesu wakayinka kuJelusalema. ² Elyo muJelusalema afwifwi amulyango wambelele kwakali kalambw, kitwa kuti muchi Alamayiki Betesida, kwakayakidwe nganda ilamanda alimusano. ³ Ibantu bingi bakali kuchiswa, boofu, bateendi, abalebukide bakalikulinda mpawawo. ⁴ Nkambo mungelo wakali kuseluka akukopa manzi mulizimwi zyindi elyo kufumbwa walikunjila imanzi nkachikopegwa wakali kupona kuzwa kubulwazi fumbwa mbwali kuchiswa. ⁵ Awo kwakali umwi mwalumi wakali kuchiswa kwaminyaka ilimakkumi otatwe amusanu ayitatu. Awo Jesu nakamubona nkalede ⁶ mpawaw, nkali waziba kuti waliwawo kwachindi chilamfu. Wakati kulinguwe, "ulayanda na kuponesegwa?" ⁷ Mulwazi wakati, "Mwami, nsikwe muntu wakundinjizya mudambwa awo manzi na kopanisigwa, awo nenti njile, umwi anga wandindila kunjila." ⁸ Jesu wakamwambila kuti, "Nyampuka, bweza buulo bwako, uyende." ⁹ Mpawawo oyu mwalumi wakapona, mpawawo wakabweza buulo bwakwe elyo wakenda. Yino obo buzuba bwakali kutegwaSabata. ¹⁰ Aboobo bamajuda bakamwambila kuti oyu mwalumi

wakaponesegwa, " Sunu niSabata tozumizigwi pe kubweza buulo bwako." 11 Wakati, "Oyo wandiponia wati kulindime, 'bweza buulo bwako wende.'" 12 Bakamubuzya kuti, 'ngwani mwalumi oyu mwalumi wakubuzya kuti, bweza buulo bwako uyende?'" 13 Nekuliboo, iwakasilikwa takamwizi pe kuti ngwani nkambo Jesu wakazwebeleka wanjila mabantu, mukuti kwakali bantu bingi abusena oobu. 14 Kuzwawo, Jesu wakamujana mutempele wamwambila kuti "boona, wapona! Utakabisyi limbi, kuchitila kuti zibi kwinda awa zitakakuchitikili." 15 Imwalumi oyu wakazwa waya kuyobuzya majuda kuti nguJesu wamuponia. 16 Ino nkambo kazezi zintu majuda bakapenzegwa Jesu, mukuti wakachita zintu ezi muzuba litegwa Sabata. 17 Jesu wakati kulimbabo, " Taata ulokubeleka ayin, aboobo ambebo, ndookubeleka." 18 Nkambo kazez, majuda bakayindilila kuyanda kumujaya mukuti takatyola Sabata biyo pe, pesi akuti lubo wakita Leza nkati nguwisi mwini, kulyelanisya aLeza. 19 Jesu wakabasandula, "Nchobeni, imwana takonzyi kuchita chintu mwini, ado biyo zyabona Taata nkachita, nkambo kufumbwa Taata nchalokuchita, Imwana uchita munzila njiyo. 20 Nkambo Taata ulamuyanda Mwana aboobo ulamutondezya zyonse nzyachita mwini, akumutondezya zintu zipati kwinda ezi kuti mugambe. 21 Mbubo Taata mbabusya bafwide akubapa buumi, aboobo alakwe Mwana ulapa buumi kuli kufumbwa ngwasal. 22 Nkaambo Taata takwe ngwabeteka, pesi wakapa lubetaloonse kuMwami. 23 Kuchitila kuti bantu boonse bakalemye Mwana mbuli mbobalemeye Taata. Oyo utalemyi Mwana talemyi Taata wakamutuma. 24 Nchobeni, nchobeni, Oyo umvwa ijwi lyangu akumusyoma wakandituma ulabuumi butamani mpawo tayopegwa mulandu, pesi winda kuzwa kulufu kuya kubuumi. 25 Nchobeni, nchobeni, ndamwambila chindi chiyobuza, ayino nchenchichechino, awo bafwide mpobayomvwa ijwi lyamwana Leza, abaabo bamvwa bayo pona. 26 Nkaambo mbuli Taata mbala buumi mulinguwe mbubo mbapede Mwana kuti abe abuumi muli nguw, 27 Mpawo Taata wakapa mwana bwendelezi bwakubeteka nkambo mwana wa muntu. 28 Mutagambi aatala azez, nkaambo kulichindi chiyobuza mulinchicho woонсе muntu ulimuchumbwe mpayo limvwa ijwi lyakwe 29 Mpawo bayozwa aboobo bakachita kabotu kububuke bwamwami aabobo bakachita bubi kububuke bwalubeta. 30 Nsikonzyi kuchita chintu lwangu. Mbuli mbomvwa ndabeteka, mpawo kubeteka kwangu kuliluleme nkaambo nsiyobuyandula luyando lwangu pesi luyando lyayoyo wakanditum. 31 Ikuti ndalipeda bukamboni lwangu ndemwin, bukamboni bwangu tabunosinizy pe. 32 Kuli umwi upeda bukamboni atala andime mpawo ndizizi kuti bukamboni mbwapa atala anduwe bulisinizy. 33 Mwakatumwa bantu kuli joni mpawo wakapa bukamboni businizizye. 34 Pesi bukamboni mbotambula tabuzwi kumuntu. Ngwamba zintu ezi kuti mukonzye kufutulwa. 35 Joni wakali lampi lyakali kuyaka akumunik, mpawo mwakanda kukondwa mumumuni wakwe kwakindi. 36 Pesi ibukamboni mbondabo mbupati kwinda bwa Jon, nkaambo imilimu eyo 37 Taata njandipa kuti njimanisizy, njiyo milimo njechit, indipede bukamboni kuli Taata wakandituma. Taata wakandituma lwakwe mwini wakandipeda bukambon. 38 Tamuna kumumvwida jwi nanka kumubona chimo chakwe naba achili chind. Tamukwe ijwi likkalilide pe mulindinyw, nkaambo tamulikusyoma pe muliyooyo ngwakatum. 39 Mulayandula magwalo nkaambo tuyeye

kuti muli ngawo mulibuumi butaman, mpawo ngayaya magwalo apeda bukamboni aatala andime. ⁴⁰ Inywe tamukwe chiyandisyo chakuza kulindime kuti mukonzye kuba abuumi. ⁴¹ Nsitambuli mulema buzwa kumuntu, ⁴², pesi ndilizi kuti tamukwe luyando lwa Leza pe mulindinywe. ⁴³ Ndasika muzina lyaa Taat, inywe inywe tamunditambuli pe. Ikuti umwi wasika muzina lyakw, mulakonzya kumutambul. ⁴⁴ Mbobuli mbomunga mulasyom, inywe nomutambula bulemu kuzwa kulibamwi banu pesi tamuyanduli bulemu buzwa kuli Leza alike? ⁴⁵ Mutayeyi kuti lwangu ndemwini njomupa mulanda kunembo lyaa Taata. Uyomupa mulanda ngu Musa, mulingue mumwakabikide bulangizi. ⁴⁶ Ikuti mwakamusyoma Mus, mwayinondisyoma ambeb, nkambo wakalemba atala ambebo. ⁴⁷ Ikuti kamutasyomi malembe akw, mbobuli mbomuyosyoma majwi angu?"

6

¹ Nikwakayinda zintu ezi, Jesu wakayinka bubambene alwizi lwaku Galili, lwambwa kuti lwizi Tebeliyasi. ² Inkamu mpati yakamutobela nkaambo bakabona zitondezyo zyakali kuchita kuli bakachisidwe. ³ (Jesu wakaya kuchilundu oko wakaakkala ansi abasikwiya bakwe. ⁴ Lino Pasika, pobwe lyaba Juda, lyakali aafwifwi.) ⁵ Elyo Jesu wakalanga kujulu wakabona makamu makamu aleza kuli nguwe, wakaamba kuti kuuli Filipo," nkuukuuli nkutunga tulawula chinkwa kuti balye aaba?." ⁶ (Pesi Jesu wakaamba ezi kuti asunke Filipo, wee wakalizi kuti niinzi nzyatachite.) ⁷ Filipo wakamusandula, "myaanda yobile yampondo tiikokwana pe kuti umwi awumwi ajane nikati kucheya." ⁸ Umwi wabasikwiya, Andileya mukulana wa Simoni Pita, wakaamba kuti kuli Jesu, ⁹ kuli kalombe okiya kalaazinkwa zili musanu zinkwa zyabbali atuswi tubili, pesi niinzi ezi akati kabiingi?" ¹⁰ Jesu wakati," chita kuti bantu bakkale aansi, bakali mweelwe wazyuuul zili musanu. ¹¹ Mpawo Jesu wakabweza zinkwa alimwi naakamana kupa kulumba wakapa abo bakakkede ansi. Wakachita bukozyeniye akunswi, kazili zyiingi mbuuli mbubakayandide. ¹² Bantu nibakakkuta, wakati kuli basikwiya bakwe," amubunganiye bufwefwelenga bwachaala, mpawo kaatakwe buta bulike pe." ¹³ Mpawo bakabunganiya bufwefwelenga bazuya nsuwo zili kkumi azibili kuzwa bufwefwelenga bwazinkwa zili musanu zyabbali twachaala nibali kulya. ¹⁴ Mpawo, bantu nibakabona ezi zitondeezyo nzyaakachita, bakati, "Akakasimpe kuti musinsimi usikide munyika." ¹⁵ Jesu naakaziba kuti baamba kusika kukumujata changuzu akumuchita mwami, wakabweeda kuchilundu alikke. ¹⁶ Nilyakaba mansiku, basikwiya bakwe bakaya munsi aalwizi. ¹⁷ Bakanjila mubwaato, bakaya bweenda atala alwizi lwaku Kkapenawumi. kwakali kwasikila kuli cheecho chiindi, alimwi Jesu takayinaasika pe kulimbabo. ¹⁸ Iguwo lili anguzu lyakabawuma, elyo lwizi lwaka yuuntana. ¹⁹ Nibakakwasula mamayela asikabe makkumi abili amusanu naa makkumi atatu amamayeli bakabona Jesu Jesu uleenda atala alwizi alimwi kazabuza kubwaato, eelyo bakayoow. ²⁰ Pesi wakaamba kuti kuli mbabo, "Ndime! mutayoow." ²¹ Mpawo bakayandisa kumutambula mubwaat, aboobo bwaato bwakafwambana kuyosika anyika nkubakali kuya. ²² Izuba litobela, inkamu yakayimvwi mumbali aalwizi yakabona kuti takuchikwe bwaato kunze kwabumwi, Jesu mbwatanjila abasikwiya bakwe pesi basikwiya bakwe bakayinka abalikke. ²³ Nikuba boobo,

kwakali aamwi maato akazwa kuli Tibbeliyasi kubambene abusena nkubakali kuula zinkwa naakamana kupa kulumba mwaami. ²⁴ Nkamu niyakaziba kuti naa Jesu naa basikwiya bakwe bakalivo, abalabo bakanjila mubwaato elyo bakaya ku kkapanawume kuya bulanguula Jesu. ²⁵ Nibakamujana kubbazu limwi lya Iwizi bakaamba kuti kuli nguwe,” Muiisi, wakasika lili okuno?” ²⁶ Jesu wakabasandula, wati,” kasimpe, mulandilanguula, kutali kuti mwaba zitondeezyo pe, pesi nkaambo kakuti mwakkalya zinkwa akukkuta zinkwa alimwi mwaka kkuta. ²⁷ Mutabelekeli kulya kumana, pesi mubelekele kulya kutola kubuumi butamani buumi Mwana a Muntu mbwayomupa, aboobo Leza Taata uyodinda chidindo chakwe alimbabo. ²⁸ Mpawo bakaamba kuti kulinguwe,” nchinyamaanzi nchitweelede kuchit, kuchitila kuti tubone akusyoma? Ulachita buyeni? ³¹ BamaTaata bakalya mana munkanda, mbuuli mbukulembedwe, ‘wakapa zinkwa kuzwa kujulu kuti balye. ³² Mpawo Jesu wakabasandula wat, “nkasimpe, nkasimpe, tali Mozesi pe wakamupa zinkwa kuzwa kujulu, pesi ngu Taata uumupa zinkwa zinkwa chini chini chizwa kujulu. ³³ Aboobo chibunge cha Leza nheecho chisika aansi kuzwa kujulu akupa buumi kunyika.” ³⁴ Mpawo bakamwaambila kuti,” Mwaalumi, kotupa chinkwa echii lyoonse. ³⁵ Jesu wakabaambila kuti, “ndime chinkwa chabuumi; oyo uuza kulindime tachiyooobi anzala limbi, ayooyo uusyoma mulindime takoyobaa anyota limbi. ³⁶ Pesi ndamwaambila obu kuti mulindibwene, alimwi tamusyom. ³⁷ Boonse mbaandipa Taata balasika kuli ndime abo baza kulindime, tandibasweeli aanzape. ³⁸ Ndakasika aansi kuzwa kujuli, pe kuchita luyando lwangu, pesi kuyanda kwayooyo wakandituma. ³⁹ Oku nkuyanda kwayooyo wakandituma, kuti nditasweekelwi omwe aabo mbakandipa, pesi ndiyoobabusya kubuzuba bwamamanino. ⁴⁰ Eno olu ndoluyando lwa Taata, ikuti umwi awumwi uubona Mwana akusyoma mulinguwe uyooba abumi butamanini alimwi ndiyomubusya mubuzuba bwamamanino. ⁴¹ Mpawa ba Juda bakatongawuka aatala angewe nkambo wakamba kuti,” ndichinkwa chakazwa kujulu.” ⁴² Bakaamba kuti,” saa tali ooyu Jesu mwana wa Jozefu, wisi abanyina mbituzi, mpaali mpaambila obo, ‘Ndaza aansi kuzwa kujulu?’ ⁴³ Jesu wakasandundulu akubaambila kuti,” amuleke kutongawuka akati kanu ⁴⁴ tawope naba omwe uuza kulindime anukuti Taata wakandituma wamweeta, aboobo ndomubusya mubuzuba bwama maninino. ⁴⁵ Kuli lembedwe mubasinsimi,” ikuti boonse balooyisigwa a Leza. Umwi awumwi wakamvwa akwiyya kuli Taata ulaza kulindime. ⁴⁶ Taakwe wakabona Taata kunze kwayooyo wakazwa kwa Leza wakabona Taata. ⁴⁷ Nkasimpe, nkasimpe, ooyo usyoma ulaabumi butamani. ⁴⁸ Ndichinkwa chabuumi. ⁴⁹ Bamawuso bakalya mana munkanda, aboobo bakafwa. ⁵⁰ Echi chinkwa chizwa kujulu, lino kuti muntu wachilya tafwi. ⁵¹ Ndichinkwa chabuumi chakaza aansi kuzwa kujulu. Kuti naa umwi wachilya chinkwa eechi, uyoopona lyoonse. Chinkwa nchipa ngomubili wangu bube buumi bwanyika.” ⁵² Bajuda bakanyema akati kabu akukazyania kabaamba kuti,” anga mwaalumi oyu ulatupa buti mubili wakwe kuti tulye?” ⁵³ Mpawo Jesu wakabaambila kuti,” Nkasimpe, nkasimpe, kuti tewalya mubili wa Mwanaamuntu

akunywa bulowa bwake, tamukoyooba aabumi pe. ⁵⁴ Kufumbwa uulya mubili wangu akunywa bulowa bwangu uyooba aabumi butamani alimwi ndiyomubusya kubuzuba bwamamanino. ⁵⁵ Nkaabo mubili wangu nkulya kwini abulabo bulowa bwachakunywa chinichin. ⁵⁶ Umwi awumwi uulya mubili wangu akunywa bulowa bwangu ulakkalilila mulindim, ambebo mulinguwe. ⁵⁷ Mboli Taata mbwakandituma, ambuuli mbupona nkaambo ka Taata, aboobo uundilya me, uyoopona nkambo kandime. ⁵⁸ Echi nchinkwa chakaseluka aansi kuzwa kujulu, chitali eecho bamaTaata nchibakalya akufwa. Uulya chinkwa eechi uyopona lyoonse." ⁵⁹ Pesi Jesu wakaamba zintu eezi muchikombelo naakachili kuyisya mu Kkapenamu. ⁶⁰ Mpawo biingi basikwiya bakwe bakamvwa bakati," okukwaamba nkuyumu; ngwani uukonzya kumuvwisya?" ⁶¹ Jesu, nkaambo wakalizi lwakwe kuti basikwiya bakwe kuti balokutongawuka azazi, wakabaambila kuti," zyamukataazya na? ⁶² Mpawo muyochita buti mwaakubona Mwana a Muntu wayinka oko nkvakabede saansi? ⁶³ myua uuchita buponi; inyama tiikwe mpindupe. Majwi ngindakamwaambila ngamuuya, alimwi alapona. ⁶⁴ Nikuba oobo mpubali bamwi banu batasyomi," nkaambo Jesu wakalizi kumatalikilo bamwi bakatali kusyoma alimwi bakali basikumwaaba. ⁶⁵ Wakaamba kuti," nkaambo kazezi nchindaamba kuti taakwe naba omwe uukonzya kusika kuli ndime kuti tapegewa aa Taata." ⁶⁶ Nkaambo kazeezi, basikwiya bakwe biingi bakamwayika alimwi taakwe nibakachilikweenda awe. ⁶⁷ Mpawo jesu wakaambila bali kkumi ababili," tamundi na kwiinka anywebo, mulayandana?" ⁶⁸ 'Simoni Pita wakasandula kuti," mwaami, tulaya kuliini? uuli amajwi aabumi butamani, ⁶⁹ alimwi twakasyoma akuziba kuti nduwe uusalala wa Leza." ⁷⁰ Jesu wakabaambila kuti," teensi ndakamusalana, balikkumi ababili, akati kanu umwi ngu satani?" ⁷¹ lino wakali kwamba Judasi mwana wa Simoni Isikkaliyoti, wakalinguwe, omwe akati kabali kkumi ababili, uutamwabe Jesu.

7

¹ Nikwakamana zintu ezi Jesu wakayinka ku Galili, nkambo talikuyanda kwinka ku Judiya nkambo ba Juda balikumulangula kuti bamujaye. ² Lino ipobwe lyaba Juda lyamadumba lyakali afwifwi. ³ Bakulana bakwe bakati kuli nguwe, "zwa busena obu uyeku Judiya, kuchitila kuti basikwiya bakwe babone milimu njabeleka. ⁴ Takwe chelede kuchitwa mukusisikizya kuti kayanda kuzibinkana antanganana. Kutimwachita zintu ezi, litondezye kunyika. ⁵ Nkambo abalabo bakkulana bakwe tebakali kumusyoma. ⁶ Jesu wakabambilka kuti, "Chindi changu tachinasikape, pesi chindi chanu mpuchili kale. ⁷ Inyika timuswilide pe nywebo, pesi mebo ilindiswilide nkambo ndamba kuti milimu yaayo mibi. ⁸ Kamuya mupobwe; mebo tandikoyinka pe kupobwe nkambo chiindi changu tachina zuzikizigwa pe." ⁹ Nakamana kwamab zintu ezi kulimbabo, wakakkala mu Galili. ¹⁰ bakulana bakwe bakiinka kupobwe, alakwe wakinka, kutali kwantanganana pe pesi mukusisikizya. ¹¹ Ba Juda bakali kumulangula kupobwe balamba kuti, "Ulikuli?" ¹² Kwakali mizeezo miyengi akati kankamu yabantu atala anguwe. Bamwi bakati, "Mwalumi mubotu." Bamwi bakati, "pe, ulokusowa makamu abantu." ¹³ Katakwé wakambula antanganana atala anguwe bakali kuyowa ba Juda. ¹⁴ Ipobwe nilyakaba akati kuti limane, Jesu wakanjila muntempele

akutalisya kuyisya. ¹⁵ Mpawo ma Juda bakagamba, bati, "Nkamboyi nazi kwindilila? Takwe anakaiide pe." ¹⁶ Jesu wakabasandula kuti, "kuyisya kwangu takuli kwangu, pesi nkukwayoyo wakandituma. ¹⁷ Kuti umwi wachita kuyanda kwakwe, ulaziba njiiyso eyii, kuti nansya yazwa kuli Lez, akuti na ndalyambwida lwangu. Ulyambwida lwangu. ¹⁸ Ulyambwida lwakwe ulilangwida bulemu bwakwe mwini, pesi oyo ulangula bulemu bwayoyo wakamutuma, ooyo muntu wakasimpe; alimwi takwe bululami mulinguwe. ¹⁹ Mozesi takamupede mulawu na? Katakwe naba omwe wakubaamba. Niianzi nimulokulangula kuti mundijaye?" ²⁰ Inkamu yakasandula, "Uli aadimon. Ngwani ulokulangula kuti akujaye?" ²¹ Jesu wakasandula kuti kulimbabo, "Ndakachita mulimo omwe, alimwi moonse mwakagamba nkambo kanguwo. ²² Mozesi wakamupa kupalulwa (pe kuzwa kuli Mozesi, pesi kuzwa kuli basikale) alimwi mubuzuba butegwa Sabata mwakapalula baluumi. ²³ Kuti na muntu watambula kupalulwa mubuzuba bwesabata nkukuti mulawu wa Mozesi tewakatyolwa pe, Nkambo nzimwandinyemena me akambo kakuti nadchita kuti muntu amaninine kupona kubuzuba bwesabata." ²⁴ Mutabeteki achiimo, pesi amubeteke chakululama." ²⁵ Bamwi babo bazwa ku Jelusalema bakamba, "teensi yooyu na ngubali kulgangula kuti bamujaye?" ²⁶ Amubone wamba antanganana, alimwi nchibamba anguwe. Tachikooba obo pe kuti bendelezi kuti oyu ngu Kkilisitu, tensi mbubo pe? ²⁷ Iswetuli oyu nkwarzwa. Pesi Kkilisitu asik, takwe naba omwe uzoziba nkwarzwa." ²⁸ Mpawo Jesu wakoompolola mutempele, kalookuyisya akwamba kuti, "moonse mulindizi ankundakazwa mulikwizi. Tendakalizidilide lwangu, pesi wakandituma ulakasimpe, alimwi tamumwizi pe. ²⁹ Ndimwizi me nkambo ndakazwa kulinguwe alimwi wakandituma." ³⁰ Bakali kwezya kumwanga, pesi takwe wakabika luboko alinguwe nkambo chindi chakwe techakalina sika pe. ³¹ Pesi bayingi munkamu bakasyoma mulinguwe, alimwi bakamba kuti, Kkilisitu nasika, uzochita zitondezyo zyingi na kwinda nzyachita oyu?" ³² Ba Falisi bakamvwa kabalo kuvviya vviya zintu ezi atala a Jesu, alimwi bapati babapayizi aba Falisi bakatumwa bamapulisa kuti bamusunge. ³³ Jesu wakamba kuti, "ndichili andinywe, kuchindi chinini, alimwi ndizoyinka kulyiyo wakandituma. ³⁴ Muyondiyandawula pesi tamukoyondijana pe mebo oko nkwenja, Tamukonzyipe pe kusika." ³⁵ Abo ba Juda bakabuzyania akati kabo, "Nkukuli nkwaya mwalumi oyo nkotutakonzyi kuyomujana? Sena ulayinka kuli bamwayikide akati kaba Giliki akuyoyisya baGiliki?" ³⁶ Katyen'i kambo aka nkaamba kakuti muyondiyandawula, pesi tamukoyondijana pe. Oko nkwenja, tamukonzyi kukusika?" ³⁷ Lino mubuzuba bwakumaninsya, izuba pati lyepobwe, Jesu wakanyampuka akompolola, kat, "Na umwi wafwa inyota, abole kulindime anywe." ³⁸ Umwi awumwi usyoma mulindime, mbuli melembe mbawamba, milonga yamanzi mawumi iyoyenda mwida lyakwe." ³⁹ Pesi wakamba ezi mumuuya, kulibabo basyoma mulinguwe bayotambula, Muuya tewakayinapegwa pe nkambo Jesu talina lemesegwa pe. ⁴⁰ Bamwi benkamu, nibakamvwa ayamajwi, bakamba kuti, "Inchobeni oyu musinsimi." ⁴¹ Bamwi bakati, "oyu nguKkilisitu." Pesi bamwi bakati Kkilisitu inga ulazwa mu Galili? ⁴² Malembe sa tawambi kuti Kkilisitu ulazwa kulunyungu lwa Davidi alimwi kuzwa ku Betelehema, kumunzi Davida nkawakali kuzwa?" ⁴³ Aboobo kwakaba kwaanzana akati kankamu nkambo kanguwe. ⁴⁴ Bamwi bakayandide kumwaanga, pesi takwe wakabikka manza alinguwe. ⁴⁵ Mpawo bamapulisa bakabola kubapati

babapayizi aba Falisi, bakati kulimbabo "kwabanzi nimwatamweta?"⁴⁶ Bamapulisa bakasandula kuti, "Takwe naba omwe wakali wambula abo."⁴⁷ Aboobo ba Falisi bakasandula, andinywe mwenwa na?⁴⁸ Kulumwi na akati kabendelezi wasyoma mulinguwe, nikuba kuba Falisi?⁴⁹ Pesi eyi inkamu intaanzi mulawu, ulitukidwe."⁵⁰ Nikkodimasi (umwi wabaFalisi wakasika akufwambana) wakati kulimbabo.⁵¹ Mulawu wesu ulabeteka na muntu katutanaswilila na kulinguwe akuziba nzyachita?"⁵² Bakamusandula bati kulinguwe, "ayebo uzwa ku Galili na? Langula ubone kuti takwe musinsimi uwzaku Galili."⁵³ Mpawo umwi awumwi wakaya kung'anda yakwe.

8

¹ Jesu wakaya kuchilundu cha Oliva. ² Chifumofumo wakaya ku tempele lubo, eelyo bantu boonse bakasika; wakkakala aansi akubaiisya. ³ Balembi bamulawu abaFalisi bakeeta mukayintu wakajatwa nkalookuchita bumambe. Bakamubika aakati. ⁴ Mpawo bakati kulinguwe, "Muyisi, ooyu mwanakaziwajatwa kalikuchita bumambe. ⁵ Lino mumulawu, Mozesi wakatalayilila kuti bantu baliboobu tubatulule mabwe; iwe utyenii aatala anguwe?" ⁶ Bakaamba eezi kuchitila kuti bamupe mulandu anzizyo, pesi Jesu wakakotama walemba aansi amunwe wakwe. ⁷ Nibakiinkilala aanembo akumubuzya mibuzyo, wakanyampuka akubaambilila kuti, "Ooyo utakwe chibi aakati kenu, ngabe mutanzi kutulula mwanakazi ooyu ibbwe." ⁸ Wakakotama aansi lubo, akulemba aanyika amunwe wakwe. ⁹ Nibakamvwa eezi bakeenda umwi awumwi, kutilika aamupati. Kumamanino Jesu wakasyaala aalike, nkali aamwanakazi ngubakabikide aakati. ¹⁰ Jesu wakanyampuka akumwaambilila kuti, "Yoo mwanakazi, mbali basikukupa mulandu? Takwe muntu wajana mulandu na mulinduwe?" ¹¹ Wakati, "Takwe, nikuba womwe Mwaami." Jesu wakati, "Ambebo nsikupi mulandu. Koya alimwi utakabisyi limbi."] ¹² Alimwi Jesu wakaambuuila aabo nkati, "Ndili mumuni wanyika; ooyoo unditobela takoyoyenda mumudima pesi uyooba aamumuni wabuumi."¹³ Ba Falisi bakati kulinguwe, "Ulipeda bukamboni nomwini, bukamboni bwako tabusinizizye pe."¹⁴ Jesu wakabasandula akwaamba kuti kulimbabo, "Nekuba kuti ndipa bukamboni bwangu ndemwini, bukamboni bwangu bulisinizizye. Ndilikwizi nkundakazwa ankwenjobuya. ¹⁵ Mubeteka chanyama; Ime nsibeteki muntu pe. ¹⁶ Nikuba kuti ndabeteke, kubeteka kwangu kulisinizizye nkaambo nsili aandike pe, pesi ndili aaTaata wakandituma. ¹⁷ Iyii, alimwi mumulawu wenu kulilembedwe kuti bukamboni bwabantu babili bulisinizizye. ¹⁸ Ndili ooyo uulungulula bukamboni aatala alwangu, eelyo Taata wakandituma upeda bukamboni aatala andime." ¹⁹ Bakati kulinguwe, "Ulikuli wuso?" Jesu wakasandula, "Takwe ngomuzi imebo na Taata; kansinga mwalindiz, mwalikunomuziba Taata alakwe." ²⁰ Aaya majwi wakaamba muchibambalilo nkali kuyiisya mutempele pesi takwe muntu wakamusunga nkaambo chiindi chakwe techakalinaakkwana pe. ²¹ Aawo wakabaambilila lubo kuti, "Ndiyobwiinka, muyondiyanduula eelyo muyofwa muzibi zyanu. Ooko nkweya, tamukonzyi kusika pe." ²² Ba Juda bakati, "Mpo ulalijaya na? Nchenchicho na mpo nchati, 'Nkweya tamuynosika?'" ²³ Jesu wakati kulimbabo, "Muli baansi; Imebo ndiwakujulu. Muli banyika eeyi; Mebo nsili wenyika eeyi pe. ²⁴ Akaako ndakamwaambilila kuti muyoofwa

muzibi zyabo. Ado do mane musyome kuti NDIME, muyoofwa muzibi zyenu.” ²⁵ Bakati kulinguwe, ikuti kuliboobo, “Nduweni?” Jesu wakabaambila kuti, “Nzindamwaambila kuzwa kumatalikilo.” ²⁶ Ndili aazintu zyiingi zyakwaamba azyakubeteka aatala andinywe. Nikubaboobo, ooyo wakandituma ulisinizizye; mpawo zintu nzyemvwa kuzwa kulinguwe, nzyezintu nzyewamba kunyika.” ²⁷ Tensi bakamvwisisisy pe kuti wakalikwaambula aatala aTaata. ²⁸ Jesu wakati, “Aawo mwayoonyampula Mwana waMuntu, mpempawo mpomuyooziba kuti NDIME, akuti nsichiti chintu alwangu. Mbubo Taata mbwakandiyiisa me, mbubo bewamba zintu eezi. ²⁹ Ooyo wakandituma uli aandime, mpawo tandisiide andiike pe, nkaambo ndichita zintu zimukonda chiindi choonse. ³⁰ Nkachaambula zintu eezi Jesu, bantu biingi bakasyoma mulinguwe. ³¹ Jesu wakati kuma Juda ïbakali bamusyoma, “Na mwakkalilila mujwi lyangu, muyooba basikwiya bangu basinizizye, ³² alimwi moyoziba kasimpe, eelyo kasimpe kayoomwaangununa.” ³³ Bakamusandula, “Tulizyalane lya Abbulahamu mpawo tatunaaba bazike bamuntu pe; waambilaaaloi kuti, ‘Muyowangu-nunwa?’” ³⁴ Jesu wakabasandula, “Nchobeni, nchobeni, ndamwaambila kuti, ooyo wonse uchita chibi muzike wachibi. ³⁵ Muzike takkalilili mun'anda kwalyoonse; mwana ulakkalilila chalyoonse. ³⁶ Akaako, na Mwana wakwaangununa, ulaangunuka cha nchobeni. ³⁷ Ndilizizi kuti muli zyalane lya Abbulahamu; muyandula kundijaya nkaambo ijwi lyangu talikwe busen mulindinywe. ³⁸ Ndiwamba nzindakabona kuli Taata, alimwi andinywe muchite nzimwakamvwa kuli wuso wanu.” ³⁹ Bakamusandula alimwi bakati kulinguwe, “Taata wesu ngu Abbulahamu.” Jesu wakati kulimbabo, “Na mwali bana ba Abbulahamu, nimunga muchita milimu ya Abbulahamu. ⁴⁰ Pesi, lino muyanduula kundijaya, mutu wamwaambila kasimpe nkendakamvwa kuli Leza. Abbulahamu takwe nakachita eechi. ⁴¹ Muchita milimu yawuso wenu.” Bakati kulinguwe, “Tetwakazyalilwa mubwamu pe; tuli aaTaata omwe: Leza.” ⁴² Jesu wakabaambila wakati, “Kaansinga Leza ngu Wuso wenu, mwalikunondiyanda, nkaambo ndakazwa kuli Leza mpawo ndili aano; nkaambo nsilizidilide pe ndemwini, pesi wakandituma. ⁴³ Nkaambonzi nimutamvwisisisy majwi aangu? Kuli oobu nkaambo tamukonzyi kumvwa majwi aangu. ⁴⁴ Muli bawuso wenu, dyabbulosi, alimwi mukanza kuchita ziyanidisyo zywuso. Wakali mujayi kuzwa kumatangunino mpawo tayiimvwi muchisinizyo nkaambo takwe kusinizya mulinguwe. Aawo nawamba zyakubeja, uwamba kazizwa mubube bwakwe mwini nkaambo mubeji alimwi ngowisi wabubeji. ⁴⁵ Eelyo, nkaambo ndiwamba lusinizyo, tamundisyomi pe. ⁴⁶ Ngwani aakati kenu uundipa mulandu wachibi? Kuti ndaamba lusinizyo, nkambooyi nimutandisyomi? ⁴⁷ Muntu waLeza wonse ulaamvwa majwi aa Leza; tamwaamvwi nkaambo tamuli ba Leza.” ⁴⁸ Ba Juda bakamusandula alimwi bakati kulinguwe, “Nchoonzyo tatwaambi kuti uli mu Samaliya na akuti uli aadayimona?” ⁴⁹ Jesu wakasandula, “Nsikwe dayimona pe, pesi ndilemya Taata wangu, alimwi inywe mulanduubawulusya. ⁵⁰ Nsilanguuli bulemu bwangu ndemwini; kuli uumwi uuyandula akubeteka. ⁵¹ Chobeni, nchobeni, ndamwaambila, na umwi wabamba ijwi lyangu, takoyoobona lufu.” ⁵² Ma Juda bakati kulinguwe, “Lino twaziba kuti uli aadayimona. Abbulahamu abasinsimi bakafwa; pesi wamba kuti, ‘Na umwi wabamba ijwi lyangu, takoyooolabila lufu.’” ⁵³ Toli mupati pe kwiinda taata Abbulahamu wakafwa,

ulimupati na? Basinsimi abalabo bakafwa. Ulichita ani?" ⁵⁴ Jesu wakasandula, "Kuti nkelipa bulemu ndemwini, bulemu bwangu mbwabuyo; ngu Taata undilemya - ooyo ngumutu ngu Leza wanu. ⁵⁵ Tamunaamuziba pe, pesi ndilimwizi. Kuti ndati, 'Nsimwizi, ndilaba mbuli ndinyw, mubeji. Nikuba booboo, ndimwizi alimwi ndilabamba ijwi lyakwe. ⁵⁶ Wuso wenu Abbulahamu wakabotelwa kubamba izuba lyangu; waklibona alimwi wakabotelwa." ⁵⁷ BamaJuda bakati kulinguwe, "Tonaakuba aaminyaka ili makkumi musanu pe, mpawo wakamubona Abbulahamu?" ⁵⁸ Jesu wakati kulimbabo, "Nchobeni, nchobeni, ndamwaambila Abbulahamu nkatanaaba, NDIME." ⁵⁹ Mpawo bakabweza mabwe kuti bamutulule, pesi Jesu wakayuba akuzwa aanze kwe tempele.

9

¹ Lino Jesu nakayinda, wakabona mwalumi moofu kuzwa kubuzyalwe bwakwe. ² Basikwiya bakwe bakamubuzya, "Muyisyi, ngwani wakabisya, ngooyu mwalumi nakuti mbazyali bakwe, kuti azyalwe kali moofu?" ³ Jesu wakasandula kuti, "teensi nguwepe wakachita chibi, nikuba bazyali bakwe, pesi kuti milimu ya Leza iyubununwe mulinguwe. ⁴ Tuledele kubeleka milimu ya oyo wakandituma nelichili isikati. Mansiku alasika nikuyochala katachikwe uyobeleka. ⁵ Ninchili munyika, ndime mununi wenyika." ⁶ Nakamaninsya Jesu kwamba ezi zintu, wakaswida anyika, wakakanda bulongo amate, akunanika bulongo kumeso akwe. ⁷ Wakamba kuti kulinguwe, "Yinka, ukasambe mukalambwa kaku kaku Silawomi" (kupandululwa kuti "kutumwa"). Lino mwalumi wakayinka, wakusamba, wakubola wabbwazula. ⁸ Mpawo mbakayakilene aabo mwalumi abakamubonwene kali mukumbizi bakalikwamba kuti, "teensi nguwe na mwalumi oyu walimukumbizi?" ⁹ Bamwi bakamba kuti, "Nguwe." bamwi bakati, "pe, pesi ukozyania awe biyo." Pesi wakati, "Ndime." ¹⁰ Bakamba kuti kulinguwe, "mpawo bakamubuzya kuti ajulika buti meso?" ¹¹ Wakasandula, mwalumi utegwa Jesu wakakkanda bulongo akubunanika mumeso angu akwamba kuti kulindime, Ýinka ku Silawomi ukasamb. 'Lino ndakayinka akuyosamba, alimwi ndakatambula kubona kwangu. ¹² Bakati kulinguwe, "Ulikuli?" wakasandula, "Tandizi pe." ¹³ Bakeeta mwalumi wakali moofu kubaFalisi. ¹⁴ Eno lyakali zuba lyakwe lyesabata. Jesu mpakakanda bulongo akumujula meno akwe. ¹⁵ Aboobo ba Falisi bakamubuzya kuti watambula buti kubona kwako. Wakati kulimbabo, wabika bulongo mumenso angu, ndakakusamba, alimwi lino ndabona." ¹⁶ Bamwi baFalisi bakati oyu mwalumi tazwi kuli Leza nkambo tabambi buzuba bwaSabata." Bamwi bakati, "Anga wakonzya buti mwalumi sizibi kuchita zitondezyo zili boobu?" Lino kwakaba kwanzana akati kabo. ¹⁷ Bakamubuzya moofu alimwi kuti, uwamba buti anguwe, mbwakajula meno aako?" Mwalumi moofu wakati, "Musinsimi." ¹⁸ Nkambo kako bajuda takwepe nibakasyoma kuti nguakali moofu alimwi kuti watambula kubona. ¹⁹ Bakakubuzya bazyali, "Oyu ngumwana ngumwana wenu na ulokwamba kuti wakazyalwa kali moofu? ²⁰ Lino wabona?" Bazyali bakwe bakasandula, "Tuzi biyo kuti oyu mwana wesu akuti wakazyalwa kali moofu. ²¹ Kuti wazobona buti tatuzipe, akuti ngwani wajula meno akwe, tatuzipe. Amumubuze, mupati. Ulakonzya kulyambwida lwakwe." ²² Bazyali bakwe bakaamba ayamakani, nkambo bakali kuyowa ba Juda nkambo ma Juda bakali kuzumina kuti kufumbwa

utazumine kuti ngu Kkilisitu, ulatandwa muchikombelo. ²³ Nkambo kazezi, nchibakati, "Mupati, ulalyambwida." ²⁴ Lino bakamwita lwabili mwalumi wakali moofu akuti kuli nguwe, "kupa bulemu kuli Leza. Tulizi kuti oyu mwalumi ngu sizibi." ²⁵ Mpawo mwalumi wakasandula, "Tandizi pe kuti na ngu sizibi. Chintu chimwi nchinzi: Nkuti ndakali moofu, lino ndabona." ²⁶ Mpawo bakaamba kuti kulinguwe, "ninzi nchaachita kulinduwe? Waajula buti meno aako?" ²⁷ Wakasandula, "ndamwambila kale, alimwi tamuswilizyi pe! Nkambonzi nimuyanda kumvwa lubo? Tamuyandi pe kuba basikwiiya bakwe, mulayandana?" ²⁸ Bakamutukila alimwi bakati, "Nduwe sikiwiya wakwe, pesi swebo tulibasikwiiya ba Mozesi. ²⁹ Tulizi kuti Leza waambula kuli Mozesi, pesi tatwizi kuti ooyu uzwa kuli." ³⁰ Mwalumi wakasandula akuti kulimbabo, "Eechi chilay-oosya, kuti tamumuwi nkwarzwa, alimwi wajula meno angu. ³¹ Tulizi kuti Leza taswilizyi pe kuli basizibi, pesi umwi kuti walipeda akuchita luyando lwakwe, ulamuswilizya. ³² Kuzwa nyika niyakalengwa takuna mvwigwa pe kuti naba omwe wakajula meno amuntu wakazyalwa kali moofu. ³³ Kuti mwalumi oyu katazwi kuli Leza, natakwe anchakonzya kuchita." ³⁴ Bakasandula akwamba kuti kuli nguwe, "Wakazyaligwa muchibi, alimwi ulokuyisa ndiswe?" Mpawo bakamutontela aanze. ³⁵ Jesu wakamvwa kuti bamutandila aanze achikombelo. Wakamujana alimwi wakati, "Ulasyoma na mu Mwana a Muntu?" ³⁶ Wakasandula kuti, "Ngwani, Mwami, kuti ndimusyome. ³⁷ Jesu wakamwambila kuti, "Wamubona, alimwi nguwe ngulokwambula awe. ³⁸ Mwalumi wakati, "Mwami, ndasyoma, "alimwi wakamukomba. ³⁹ Jesu wakati, "Nkambo kakubeteka nchindasikamunyika ino kuti abo bataboni babone alimwi kuti babona babe boofu." ⁴⁰ Bamwi ba Falisi bakali awe bakamvwa zintu eezi alimwi bakamubuzya kuti, "Tuliboofu na toonse?" ⁴¹ Jesu wakati kuli mbabo, "Naa mwakali boofu, munoli kamutakwe chibi, pesi mwamba kuti, 'Tulabona, Aboobo zibi zyanu zilakkalila.

10

¹ Nkasimpe, nkasimpe, ndamwambila, utanjili akwinda amulyango wachaata chambelele, pele ulatanta mujulu ayimbi nzila, ooyo muntu mubbi asikunyanga. ² Ooyo unjila akwinda amulyango ngusikwembela mbelele. ³ Uubamba mulyango ulamujuilila. Mbelele zilamvwa ijwi lyakwe, aboobo ulazyita mbelele zyakwe amazina azyo, akuzitola anze. ⁴ Chiindi nazigwisizya anze zyoonse zyakwe, ulinka kunembo lyazyo, abbobo mbelele ziyoumutobela, nkambo zililizi ijwi lyakwe. ⁵ Tazikoyo tobela mwenzu nguzitazi pesi anukuti ziyoumuchiija, nkambo tazilizi pe ijwi lyamwenzu ngozitazi. ⁶ Jesu wakamba aya mambilambali kulimbabo, pesi takwe nibakamvvisisya kuti ezi zintu zyakali nzizyo nzyakali kubaambila. ⁷ Aboobo Jesu wakabambila lubo, "nchobeni, nchobeni ndamwambila, ndime, mulyango wambelele. ⁸ Boonse bakasika nkesina sika mbabbi abasikunyanga, pesi mbelele tezyakabaswilila. ⁹ Ndime mulyango. Kuti umwii unjila akwiinda mulindime, uyoo futulwa, uyoo njila akuzwa akujana machelelo. ¹⁰ Mubbi tazi kupela pe kunze kwakubba, kujaya akunyonyona. Ndaza kuti babe abuumi akuti buvule. ¹¹ Ndime sikwembela mubotu. Sikwembela mubotu ulapeda buumi bwakwe kumbelele. ¹² Oyoo mubelesi ubbadalwa tensi ngusikwembela pe aboobo tazilizyakwe mbelele. A bona wumpe ulaza aboobo ulazisia mbelele akuchija,

elyo wumpe uyoziluma akuzimwayisya. ¹³ Ulachija nkambo mubelesi sikubbadalwa aboobo talikatazyi ambelele. ¹⁴ Ndime sikhembela mubotu, aboobo zyangu zilindizi. ¹⁵ Taata ulindizi, andime ndilimwizi Taata, aboobo ndilapeda buumi bwangu kumbelele. ¹⁶ Ndilijisi zimwi mbelele zitali zyamuchata chambelele echino. Aboobo ndiledele kuzyeta azilazyo, alimwi ziylimvwa ijwi lyangu elyo ziyoba taanga lyomwe asikwembela omwe. ¹⁷ Echi nchenchicho Taata nchandiyandila. Ndilapeda buumi bwangu elyo njobubweza lubo. ¹⁸ Takwe naba omwe uyobubweza kuzwa kuli ndime, pesi ndabupeda ndemwini. Ndila chelelo chakubupeda ndemwini. Ndila chelelo chakubupeda, aboobo ndilachelelo chakubu bweza lubo. Ndakatambula malayilile aya kuzwa kuli Taata” ¹⁹ Kwanzana lubo kwaka akati kama Juda nkambo kamajwi aya. ²⁰ Biingi babo bakati “Ulijisi dimoni abobo ulisuwidwe. Nkambonzi nmumuswilila?” ²¹ Bamwi bakati, “Aya tensi majwi amuntu unjidwe dimoni. Sena dimoni lilakonzya kujula meso amoofu”? ²² Kwakali kuchindi chakusalazigwa mu Jelusalemu. Kwakali lya mpeyo, ²³ aboobo Jesu wakali kuyowenda mu mutempele mu kota lya Solomon. ²⁴ Pesi ba Juda bakamuzyunguluka akwamba kuti kuli nguwe, “Kukabe lili kojisi nkotwena? Kuti na nduwe Kilisito, twamble antanganana”. ²⁵ Jesu wakabasandula, “Ndakamwambila, pesi tamusyomi pe. Milimu eyo njenchita muzina lya Taata njindipandulula lwangu me. ²⁶ Pesi tamusyomi nkambo tamuli mbelele zyangu. ²⁷ Mbelele zyangu zilamvwa ijwi lyangu. Ndilizizi aboobo zilandtobelwa me. ²⁸ Ndazipa buumi butamani. Tazikoyoofwa pe, aboobo takwe naba omwe uyoziwkempya mujanza lyangu. ²⁹ Taata wangu wakazipa ndime, mupati kwinda bamwi boonde takwe naba omwe uyokonzya kuzikwempya kuzwa mujanza lya Taata. ³⁰ Ime a Taata tuli umwi”. ³¹ Nkabela ma Juda bakabweza mabwe lubo kuti bamutulule ³² Jesu wakabasandula, “Ndamutondezya milimu myingi mibotu izwa kuli Taata. Pesi nguli wamilimu awa ngumunditulwida?” ³³ Ba Juda bakamusandula, “Tetwakutulula nkambo kamilimu mibotu pe, pesi nkambo kakusampawula, nkambo webo, ulimuntu, ulichita Leza lwakwe”. ³⁴ Jesu wakasandula “Sa tazilembedwe na mumulawu wanu, ‘Ndati, “muli baleza”? ³⁵ Kuti bategwa mbaleza, ooyo ngulyakazida ijwi lya Leza (aboobo malembe takoyotyolwa), ³⁶ uwamba kuli ooyo ngwakasala Taata akumutuma munyika, Muloku sampawula. nkambo ndamba kuti ndii mwana wa Leza? ³⁷ Kuti na nsili kuchita milimu ya Taata, mutandisyomi. ³⁸ Pesi na ndikuchita, nansya kuti temwandisyoma, musyome mumilimu kuchitila kuti mukazibe akumvwisisisyka kuti Taata ulimulindime aboobo ambebo ndimuli Taata”. ³⁹ Bakezya kumujata lubo, pesi wakapuzuka kuzwa kumanza abo. ⁴⁰ Wakabweda lubo mutaala Jodani kubusena oko Joni nkvakatalikila kubbabbatizya, aboobo wakakukkala nkukoko. ⁴¹ Bantu biingi bakasika kulingue alimwi bakati, “Joni nchobeni takwe nakachita zitondezyo, pesi zyonse zintu Joni nzyakamba atala ayoyu mwalumi nzyakasimpe”. ⁴² Bantu biingi bakamusyoma mpawawo.

11

¹ Lino umwi mwalumi walikutegwa Lazalo wakalikuchiswa. Wakali kuzwa ku Bbetani, igunzi mwakali kukkala Meli a amuchizi wakwe Maata. ² Meli nguwe oyo iwakananika Mwami amuunde akumusinda mawulu akwe amasusu, ngula mukulana Lazalo wakachisidwe. ³ Bachizi

bakananizya mulumbe kuli Jesu kabaamba kuti, 'Mwami, Langa, ooyo ngoyandisywa wachiswa.' ⁴ Jesu nakamvwa eezi, wakati, 'Óku kuchiswa tekwakufwa pe, pesi nkwbulemu bwa Leza kuti akonzye kulemekwa kuli nzizyo.' ⁵ Lino Jesu wakali kuyandisywa Maata, mwanike wakwe, a Lazalo. ⁶ Nakamvwa kuti Lazalo wachiswa, Jesu wakakkala kwamazuba aabili lubo kubusena oobo nkvakabede. ⁷ Mpawo nikwakiinda eezi, wakati kuli basikwiya bakwe, "Tubwede lubo ku Judiya." ⁸ Basikwiya bakati kuli nguwe, "Muyiisyi, lino lino bama Juda balokwezezya kuti bakutulule alimwi uyanda kubweda luubo?" ⁹ Jesu wakavwila, "Taakuli mahoola alikkumi aabili na amumuuni mubuzuba bumwi? Na umwi weenda izuba kaliliwo, takonzyi pe kuti aligubbule, nkambo unobona amumuni wenyika. ¹⁰ Nikuba booboo, kuti weenda mansiku, ulawaa nkambo mudima tuli anguwe." ¹¹ Wakaamba zintu ezi, nakamana kwamba ezi, wakati kuli mbabo, imuzyalwama Lazalo ulookona, pesi njankuko kuchitila kuti nkamubusye kuzwa mukonna." ¹² Basikwiya mpawo bakati kuli nguwe, "Mwaami na kali ulokoona, ulabuka." ¹³ Lino Jesu wakalaambide akufwa kwakwe, pesi bakayeya aanga wakali kwambula akoona kwakulyokezya. ¹⁴ Mpawo Jesu wakabambilka kanzambwenene kuti, "Lazalo wafwa. ¹⁵ Ndabotelwa, nkambo kandinywe, kuti tendaliwope pe kuchitila kuti musyome. Twende kulinguwe. ¹⁶ Tomasi, ooyo walikwitwa kuti Didimasi, wakati kuli basikwiyanina "Twinke andiswe kuchitila kuti tukafwe a Jesu." ¹⁷ Nakasika Jesu wakajana kuti Lazalo wakali mukabanda kwamazuba aane. ¹⁸ Lino Bbeteli yakali awfifwi a Jelusalema, mweelwe walikusika kumamayila obile. ¹⁹ Bama Juda biingi bakalizide kuli Maata a Meli, kuzobaambulizya atala amuchizi wabo. ²⁰ Eelyo Maata, nakamvwa kuti Jesu wasika, wakayinka wakuswanana awe, pesi Meli wakali kkede mungánda. ²¹ Mpawo Maata wakati kuli Jesu, "Mwami, aanoli wakaliwo, mukulana wangu tayinofwa pe. ²² Nikuba lino, ndilizi kuti kufumbwa nchokumbila kuli Leza, ulakupa. ²³ Jesu wakati kulinguwe, "Mukulana wako ulabuka lubo." ²⁴ Maata wakati kulinguwe, "Ndizi kuti ulabuka lubo kububuke muzuba lyakumamanino." ²⁵ Jesu wakati kulinguwe, "Ndendime bubuke abuumi, Oyo uusyoma mulindime nikuba kuti wafwa, uyopona; ²⁶ alimwi kufumbwa oyo upona akusyoma mulindime takoyofwa pe. Ulazisyoma na eezi?" ²⁷ Wakati kulinguwe, "Iyii, Mwami, ndilasyoma kuli nduwe Kkilisito, Mwana wa Leza, ooyo utazosike munyika." ²⁸ Naakamba ezi wakazawa waya kukwita Meli chakussilikizya. Wakati, "Muyiisyi ulaano alubo ulokukwiita." ²⁹ Mpakamvwa ezi, wakanyampuka achakufwambana akwinka kulinguwe. ³⁰ Li no Jesu takalina kusika pe mumunzi pesi wakachili kubusena ooko Maata nkvakamuswene. ³¹ Mpawo awo ba Juda, bakalanguwe mungánda bakali kumumbulizya nibakabona Meli kanyampuka chakufwambana kaaya aanze bakamutobela kabayeeya aanga wakali kuya kuchuumbwé kukuyolila. ³² Meli nakasika abusena aawo Jesu mpakabede akumubona wakawida kundyato zyakwe akwamba kuti, "Mwami aanoli walaano, Mukulana wangu natafwide pe." ³³ Jesu nakamubona kalila, abajuda mbakazide aabo kabalila, wakeetelela, wakatazikana akujatwa mumoyo wakwe. ³⁴ Wakati, "nkokuli nkumwakakumulazika?" Bakati kuli nguwe, "Mwami, boola uzobone." ³⁵ Jesu wakalila. ³⁶ Mpawo ba Juda bakati, "Boona kuti Lazalo walikumuyanda biyeni!" ³⁷ Pesi bamwi baabo

bakaamba kuti, "Talikukonzya na ooyu mwalumi wakajula meso amuntu moofu, kuchitila kuti ooyu muntu atafwi?"³⁸ Mpawo Jesu, kachizwide kukatazikana mulinguwe, wakayinka kuchuumbwe. Lino chumbwe yakali mpako, nkabela kwakasinkidwe ibbwé mpawo.³⁹ Jesu wakati, "Mugwisyé ibbwé, "Maata muchizí wa Lazalo, ooyó iwakafwidé wakati kuli Jesu, "Mwami, kuli eechí chiindi mubili unoli wabola, nkambo waba amazuba aane kafwidé.⁴⁰ Jesu wakati kulinguwe, "Tendakwambila na kuti, wasyoma ulabona bulemu bwa Leza?"⁴¹ Mpawo bakagwisya ibbwé balibikka kumbali. Jesu wakalanga kujulu akwamba kuti, "Taata, ndakulumba kuti wandiswilizya.⁴² Ndalizi kuti ulandiswilizya chiindi choonse, pesi nkambo kankamu yabantu bayimvwi akati kangu nchindamba eezi, kuchitila kuti basyome kuli nduwe nuwakandituma."⁴³ Nakamana kwambula ezi, wakawopolola ajwi lilaajulu, "Lazalo, zwida aanze!"⁴⁴ Mwalumi wakafwidé wakazwida aanze, mawulu akwe amaboko akali zambilidwe asila. Jesu wakati kuli mbabo, "Amumuzambanune mu-muleke ayeende."⁴⁵ Mpawo bamajuda biingi bakazide kuli Meli akubona ezyo Jesu nzyakachita, bakasyoma mulinguwe; ⁴⁶ pesi bamwi baabo bakaya kuba Falisi bakubabuza izintu Jesu nzyakali wachita.⁴⁷ Mpawo bapati babapayizi abaFalisi bakabungania bwendelezi amwi akwamba kuti, "Niinzi nchitutachite? Ooyu mwalumi uchita zitondezyo zyiingi.⁴⁸ Kuti tumusiyé alikee kali boobu, boonse balasyoma kuli nguwe; ma Loma balaza akututolela busena bwesu achisi chesu."⁴⁹ Nikuba oobo, umwi mwalumi akati kabo, Kkeyifasi, wakali mupayizi mupati ooyu munyaka, wakati kuli mbabo, Taakwe nchimuzi pe.⁵⁰ Tamulangisisyi na kuti nchibotu kuli ndinywe kuti kufwe umwi muntu kafwida bantu kwinda kuti nyika yoonse ifwidilile."⁵¹ Lino eechi wakachaamba kachitazwide mulinguwe anukuti wakali mupayizi mupati oyo munyaka, wakasinsima kuti Jesu welede kufwida nyika;⁵² kutali chisi luzutu, pesi kuchitila kuti baana baLeza abo basanseene babunganisigwe aamwi babe umwi.⁵³ Mpawo kuzwa eelyo izuba kaziya kunembo bakalangula inzila yakuti Jesu bamujaye.⁵⁴ Jesu takachili kweenda antanganana pe akati kaba Juda, pesi wakeenda wazwa waya kuli imwi inyika afwifwi akunkaanda mudolopo litegwa Efulemu. Nkuko nkvakakkala abasikwiya bakwe.⁵⁵ Lino ipasika lyabama Juda lyakali lyaba afwifwi, mpawo biingi bakaya ku Jelusalema kabazwa kuzisi bayinka kuti bakalisalazyé beni.⁵⁶ Bakali kuyandula Jesu, kabalo kwambula umwi awumwi kabayimvwi muchikombelo, "Muyeyayi loko? kuti ulaleka kusika kupobwe?"⁵⁷ Lino bapayizi bapati aba Falisi bakali bapa malayilile akuti kufumbwa muntu unoli ulizi ooko Jesu nkwanobede, uelede kuzyamba kuchitila kuti bamujate.

12

- ¹ Mazuba musanu alimwi, kakutanayinda Pasika Jesu wakasika Betani, aawo aakali Lazalasi, ooyo Jesu ngwakabusya kuzwa kubafu.
- ² Aabobo bakamubambilá chilalilo nkuko, aMata wakali kubapa. Pesi lazalasi wakali umwi wababo wakalede munsi atafula kali ajesu.
- ³ Kuzwawo Mariya wakabweza kankuli kamafuta mabotu kwindilila, wakananika Jesu kumawulu angawo akupukuta kumawulu amasusu aakwe. Ngaanda yakazula bweema bubotu bwamafuta.⁴ Juda Sikaliyoti, umwi wabasikwiya bakwe oyo sikumuzya, wakati,⁵ "Nkambonzi mafuta

aaya natakuzigwa amiyanda yotatwe akupegwaa kubafwaba?" ⁶ Wakamba ezi nkaambo takalikulangisisya kubafwaba, pesi nkaambo wakal, mubbii. Wakali ankomoo yamali akukkonzya kubba zyakabikidwe mukati. ⁷ Jesu wakati, " Amumuzumizye kubaamba ezyo nzyalazyo kuzuba lyaku-vvikwa kwangu. ⁸ Munoli aabo bafwaba kwalyoonse. Pesi tamukoyoba andime lyoonse." ⁹ Lino nkamu mpatti yamajuda yakaziba kuti Jesu mpali, mpo bakasika kabatazidi Jesu alike pe, akuzobona Lazalasi, ooyo Jesu ng-wakabusya kuzwa kubafu. ¹⁰ Ibapayizi bapati bakakkankayizya antomwe kuti bakonzye kujaya Lazalasi; ¹¹ nkaambo kanguwe kuti Majuda biingi bakeenda akusyoma kulijesu. ¹² Izuba litobelaa inkamu mpatti yakasika kupobwe nibakamvwa kuti Jesu ulasika kuJelusalemu. ¹³ Bakabweeza mitabi yatukunka akwinka kuyoswananaawe akompolola kuti, wosana ulilongezegelwe, ooyo usika muzina lyamwami, waIzilayeli. ¹⁴ Jesu waka-jana kambongolo kanini wakkala alinkako; mbuli mbukwakalembedwe. ¹⁵ " Mutayowi nobana basimbi baZiyoni, amubone Mwami wanu ulaz, kakkede amusana wambongolo." ¹⁶ Basikwiya bakwe tebakamvwisisya pe kuzintu eezi kumatalikilo, pesi, aawo Jesu nakalemekezegwa bakayeya kuti eezi zintu zyakalembedwe ataala anguwe akuti bakachita zintu eezi kulinguwe. ¹⁷ Lino nkamu yakazuzikizigwa kuti bakali anguwe nakayita Lazalasi kuzwa muchumbwe akumubusya kuzwa kubafu. ¹⁸ Chakali nchicho chizato kuti inkamu inkamu yakaya kuyoswanana nkambo bakamvwa kuti wakachita chitondezyo. ¹⁹ Bafalisi mpawapo bakati lwabo lwabo, "Bona takwe nchokonzya kuchita: laang, nyika yinka kunembo aatala aakwe." ²⁰ Lino bamwi baGiliki bakali mulibaabo bakalikuya kukomba kupobwe. ²¹ Aabo bakaya kuliFilipo, oyoowakazwa KuBbetisyaida mu Galili mpo wakakumbila wati, " Mwalumi tuyanda kubona Jesu." ²² Filipo wakeenda akuyobuzya Andulo, Andulo wakeenda aFilipo, mpo wakabuzya Jesu. ²³ Jesu wakabasandula mpo wati, chindi chasika chamwana amuntu, kuti alemekezegwe. ²⁴ Nchobeni, nchobeni ndamwambila anukut, imbuto yabbale yakawida munyika mpo yafwa, iyosyala lwayo ayilike, pesi kuti yafwa, ilazyala michelo myiingi. ²⁵ Ooo uyandisya buumi bwakwe takoyobujana, pesi utayandisyi buumi bwakwe kulizyanyika eeyi uyobamba buumi butamani. ²⁶ Kuti umwi undigwasya, akunditobela, ooko nkumbede, ooko nkokuko mulanda wangu nkwapede. Oyoo undimanina milimo, Taata uyakumulemeka. ²⁷ Lino muuya wangu wapengeleka. Mpo ngambeenzii? " ²⁸ Taata, lemekezya zina lyako." Aboobo ijwi lyakazwa kujulu kaliti, "Ndachilemekezya mpo nzochile-mekezya lubo." ²⁹ Aabobo nkamu yakayimvwi kumbali niyakamumvwa yakamba kuti kwakamvwika muzuzumo. Bamwi bakamba kuti mungelo ulawambula anguwe." ³⁰ Jesu wakasandula wati, " Eeli jwi telyazida ndime pesi lyazida ndinywe. ³¹ Lino ndolu lubeta lwanyika eeyi: Lino muzululi wanyika eeyi uzosowelwa aanze." ³² Aawo mpunjonyampulwa kuzwa munyika, ndiyoyobolola bantu boonse kulindime. ³³ Wakamba bobu kutondezya lufu lwakwe mbolunobede. ³⁴ Makamu akamusandula, " Twakamvwa kuzwa kumulawu kuti Kkilisito uzokkala iktamani. Wamba buyeni ikuti, ' Mwana Muntu uyelede kusumpulwa? Nguli ooyo Mwana Muntu? ³⁵ Jesu wakabambilaa kuti, " Mumuni unolandinywe kwachindi chifwifwi. Mwende nimuchili mumun, ikuti mudima tukamuvumbi. Ooyo wenda mumudima taazi ooko nkwaaya. ³⁶ Nimuchilamumuni, amusyome mumumuni kuchitila kuti mube bana bamumuni." Jesu

wakaamba zintu eezi aboobo wakamba zintu eezi wakeenda akulisisa mulimbabo. ³⁷ Nikuba kuti Jesu wakachita zitondezyo zyiingi kuli mbaabo, pele takwe nibakasyoma mulinguwe. ³⁸ Kuti ijwi Ayizaya musinsimi lizuzikizigwe, muli zyakamba: "Mwami, ooyo wakasyoma kwaamba kwesu, akuli oyoo luboko lwaMwami nkulyakayubunizidwa?" ³⁹ Nkaambo kayaaya tebakayosom, mbuli Ayizaya akakwe mwamba, ⁴⁰ "Wakofwazigwa meso aabo, akuyumya myoyo yabo, muliyimwi nzila bazobona ameso aabo akumvwisisya amyoyo yabo, akusanduka alimwi njobaponia". ⁴¹ Ayizaya wakaamba eezi zintu nkaambo wakabona bulemu bwajesu akwambula aatala anguwe. ⁴² Pesi nikuba boob, akube kuti bazulwidi basyome muliJesu; pesi nkaambo kabaFalisi, tebakakumbila kulekelelwa pe kuti bataka kasigwi kuya kuchikombelo. ⁴³ Bakayanda bulemu bwakazwa kubantu kwiinda bulemu bwakazwa kuliLeza. ⁴⁴ Jesu wakopolola wati, "Ooyo usyoma mulindime tasyomi biyo mulindime, Pesi akuliwoyo wakandituma, ⁴⁵ awawo wabona ndime wabona nguwe ooyo wakatuma ndime. ⁴⁶ Ndasika mbuli mumuni munyika, kuti ooyo usyoma mulindime takasyali mumudima. ⁴⁷ Kuti wamvwa majwi aangu, pesi katabambide, simubeteki pe, tee ndaza kuzotonga nyika, pesi kufutula nyika. ⁴⁸ Ooyo undikaka akutatambula majwi aangu, ulasikumubeteka. Ijwi ndindambula liyomubeteka kuzuba lyamamanino. ⁴⁹ Nkambo nsilyambwidi pe, pesi nguTaata wandituma, ooyo wapa ndime chelelo chakwaamb, azyakwamba. ⁵⁰ Ndiizi kuti chelelo mbuumi butamani, mbubobu nzizezi zindawamba - mbuli Taata mbwakambula kuli ndime, mbubobu ndilamba."

13

¹ Lino kalitana kutilika ipobwe lya Pasika. Jesu wakaziba kuti chiindi chakwe chasika chakuti azwe munyika eyi ayinke kuli Taata. Mbalikubayanda bakwe bakali munyika, wakabayanda mane kusika kumamamanino. ² Lino Satani wakali wazibika kale mumoyo wa Judasi Sikaliyoti mwana wa Sayimoni, kuti awuzye Jesu. Ndilyo achilalilo. ³ Jesu wakalizi kuti wisi wakalimupede zyoonse munanza akwe alimwi kuti wakazwide kul Leza alimwi wakali kubweda k uli Leza. ⁴ Wakanyampuka achilalilo mpawo wagwisya chikobela chakwe chakujulu. ⁵ Mpawo wakabweza chisansamuzyo walyaanga. Mpawo wakatila maanzi mubbede watalika kusanzya basikwiya kumawulu akubayumya achisansamuzyo nchakangide muchikungu chakwe. ⁶ Mpawo wakasika kuli Sayimoni Pita wakati kulinguwe, "Mwami uyanda kundisanzya mawulu na?" ⁷ Jesu wakasandula akumubuzya zyakuti, "Eechi nchenchita tamukochimvwisisya." ⁸ Pita wakati kulinguwe, "tokonzyi kundisanzya mawulu angu, "Jesu wakamusandula wati, "kuti tendakusanzya tokooba abulyidilane pe ambebo. ⁹ Sayimoni Pita wakati kulinguwe, "Mwami, tondisanzyi kumawulu kupela pesi akumaboko angu akumutwe." ¹⁰ Jesu wakati kulinguwe, Muntu wasamba tabuli, kutilisanzya mawulu biyokupela, pesi amibili woonsie wasamba, wasalala, pesi temonse nimwasalala." ¹¹ (Nkambo Jesu wakalimwizi utakamuuyze; nchenchicho nchaakambil, "Moonse tamusalede pe.") ¹² Nakamana kubasanzya mawulu abo wakabweza zisamo zyakwe wakkala ansi lubo, mpawo wakati kuli mbabo, "mwazimvwisisya na nzinda muchitila? ¹³ Mundiita kuti Muyiisyi a Mwami mwamba kabotu, nkambo ndime. ¹⁴ kuti nkendi Mwami a Muyiisyi, wamusanzya mawulu, anywebo mwelede kusanzya mawulu awumwi

awumwi. ¹⁵ Nkaambo ndamutondezya chikozyanisyo kuti anywebo kuti anywebo muchite mbuli mbundamuchitila. ¹⁶, Chamasimpe, ndamwambila kuti, muzike talimupati kumubelesi wakwe naakuti mutumwa tali mupati kuli wamatuma. ¹⁷ Kuti kamuzizi eezi zintu mulilongezegzelwe kuti mwaziba. ¹⁸ Nsilokwamba moonse pe, ndibazi mbindakasala. Pesi ndaamba kuti malembe azuzikizigwe; Ooyo uulya chinkwa wandilyata akasindi kakwe.¹⁹ Ndamwambila zyoonse ezi kazitana chitika pe, kuchitila kuti zyazochitika muzosyme KUTI NDIME. ²⁰ Nkasimpe, nkasimpe, ndamwambila kuti, woonse utambula ngundakatuma, wanditambula, awunditambula, watambula wakanditura.” ²¹ Nakaamba boobu Jesu, wakapengeleka mumuuya. Wakapandulula wati, “Nkasimp, nkasimpe, ndamwambila umwi wanu uyoondaba. ²² Basikwiyya bakwe bakalangana umwi awumwi kabagamba kuti ngwani ngwakali kwamba. ²³ Umwi wabasikwiyya ba Jesu ngwakali kuyanda wakalilede atafula kumbali lyu Jesu. ²⁴ Sayimoni Pita wakamwambila sikiya muyandisi kuti, “buzya kulinguwe kuti uwambani.” ²⁵ Lino wakaseyama akaango ka Jesu akumwambila kuti, “Mwami, ngaulabani ngowamba?” ²⁶ Mpawo Jesu wakasandula, “Oyu ngwensisunsile chinkwa akumupa.” Lino nakasunsa, wakapa Judasi mwana wa Sayimoni Sikaliyoti. ²⁷ Mpawo nikwakiinda kulya chinkwa, satani wakanjila mulinguwe, kuzwawo Jesu wakamubuza kuti “Eecho nchoyanda kuchita, chichite akufwambana. ²⁸ Lino takwe naba omwe wabakalede atafula wakaziba kuti nkambozi nawambula oobo. ²⁹ Bamwi bakayeyea kuti Judasi mbali sinkomo wamali, Jesu ambweni uyanda kuti akawule ziyandikana apobwe, “Naakuti ape zimwi kubantu bafwaba. ³⁰ Naakamana kutambula chinkwa, wakeenda chakufwambana. Kwakali mansiku. ³¹ Lino Judasi nakeenda, Jesu wakati, “Lino Mwana a Muntu walamekezegwa, alakwe Leza ulalemekezegwa mulinguwe. ³² Leza ulalemezya mwana mulinguwe, alimwi ulamulemya lumwi chakufwambana. ³³ Nobana banini, ndandinywe kwachiindi chifwifwi. Muyondiyandula mbuli mbundakabuza ba Juda, “oko nkwenjobuya, tamukonzyi kusika. Lino ndamba eechi kulindinywe. ³⁴ Ndamupa mulawu mupya, wakuti muyandane umwi awumwi. ³⁵ Acheechi bantu boonse bazooziba kuti ndinywe basikwiya bangu, kuti mwaba luyando kulumwi amwenzinyina.” ³⁶ Sayimoni Pita wakati kulinguwe, “Mwami, nkokuli nkoya? Jesu wakasandula, “ooko nkwenja tokonzyi kunditobelwa kwaino, pesi uzonditobelwa chaba chiindi. ³⁷ Pita wakati kulinguwe ‘Mwami nkamboonzi nentakkonzyi kukutobelwa? Ndatula buumi bwangu nkambo kako. ³⁸ Jesu wakasandula, “ulatuula buumi bwako na nkambo kangu? Nkasimpe, nkasimpe ndakwambila kuti mukombwe takolila kotana kunditama totatwe.

14

- ¹ “Myoyo yenu kitapengi. Musyome muli Leza, musyome amulindime.
- ² Mun’anda yaTaata mwaali makkalilo miingi. Nikutalibbobo tendalikunoomwaambila pe, lino ndiya kukumubambilisa busena. ³ Na ndiinka kuyomubambilisa busena ndiyoboola kuzomutola, kuti ooko nkwebede mukabeko anywebo. ⁴ Muliizi inzila yakoko nkwenjobuya.” ⁵ Tomasi wakati kuli Jesu, “Mwaami, tatukwizi pe nkoyobuya, tuliiziba biyei nzila?”
- ⁶ Jesu wakati kulinguwe, “Ndime nzila, bwini, abuumi; tawo pe uuza kuli Taata natiinda mulindime. ⁷ Nansyo mulindizi, nimumwizi Taata

alakwe. Kuzwa sunu mwamuziba alimwi mwamubona.” ⁸ Filipi wakati kuli Jesu, “Mwaami, tutondeezya Taata, aawo kunoli kwazuzikizigwa kulindiswe.” ⁹ Jesu wakati kulinguwe, “Ndakali aandinywe kwachiindi chilamfu alimwi tamunaa kundiziba, Filipi? Ooyo wandibona wabona Taata. Kujana ulaamba biyeni kuti, “Tutondeezye Taata?” ¹⁰ Tondisyomi na kuti ndili muli Taata alimwi Taata uli muli ndime? Majwi ngindamwaambila nywe nsyaawambi kuzwa munguzu zyangu, pesi Taata upona mulindime ulikuchita mulimu wakwe. ¹¹ Mundisyome kuti ndili muli Taata, akuti Taata uli mulindime, nikuba kuti usyome akaambo kamilimu lwayo. ¹² Nchobeni, nchobeni, ndamwaambila, ooyo uusyoma mulindime uyoochita milimu njechita, alimwi uyoochita milimu mipati kwiinda eeyi nkaambo ndiya kuli Taata. ¹³ Kufumbwa nchimuyookumbila muzina lyangu, ndiyomuchitila kuchitila kuti Taata akabe aabulemu mu Mwana. ¹⁴ Na mwakumbila kufumbwa muzina lyangu, ndiyomuchitila. ¹⁵ Na mwandiyanda moyoobamba milawu yangu, ¹⁶ alimwi ndiyookomba kuli Taata alimwi uyomupa uumbi mugwasyi kuchitila kuti akabe aandinywe kusikila kukabe kutamani - ¹⁷ Muuya wakasimpe. Ooyo nyika ngwitakabule kumutambula pe nkaambo timubwene pe na kumuziba. Pesi mulimwizi, alimwi ukkala andinywe alimwi uli mulindinywe. ¹⁸ Nsikoyoomusiya amulike, ndyooboola kulindinywe. ¹⁹ Biyo kwachiindi chifwifwialimwi nyika tikozondibona lubo me, pesi muzondibona. Akaambo kakuti ndilapona, andinywe munoyopona. ²⁰ Mubuzuba oobo moyoziba kuti ndili muli Taata, akuti muli mulindime, akuti ndili mulindinywe. ²¹ Ooyo uli amilawu yangu akwiibamba nguwe undiyanda, alimwi ooyo undiyanda uyooyandwa aTaata wangu, alimwi ndiyomuyanda akulitondeezya kulinguwe.” ²² Judas (pe pe Sikkaliyoti) wakati kuli Jesu, “Mwaami, nkaambonzi noyolitondezya kulindiswe notayolitondeezyi kunyika?” ²³ Jesu wakasandaula alimwi wati kulinguwe, “Na kuli uumwi undiyanda, uyoobamba majwi aangu. Taata ulamuyanda alimwi tuyosika kulinguwe alimwi tuyoyaka muunzi anguwe. ²⁴ Ooyo utandiyandi mebo takwe nabamba majwi aangu. Ijwi ndimumvwa talizwi kulindime pesi kuli Taata wakandituma. ²⁵ Ndaamba zintu eezi kulindinywe kuchiindi nkechipona andinywe. ²⁶ Nekubaboobo, Mugwasyi - Muuya Uusalala ooyo Taata ngwayootuma kwiindila muzina lyangu - uyoomyiisa zyoonse akumuyezya zyoonse nzindakamwaambila nywe. ²⁷ Ndamusiila luumuno; ndamupa luumuno lwangu. Tendamupa pe mbuli nyika mbwiipa. Myoyo yanu itapengi, alimwi mutapengi. ²⁸ Mwakamvwa eezyo nzindakaamba kulindinywe; Ndiyobweenda alimwi nzooboola lubo kulindinywe. ‘Na mwalikundiyanā, mwalikubotelwa nkaambo ndiya kuli Taata, nkaambo Taata mupati kwiinda ndime. ²⁹ Lino ndamwaambila kazitanaachitikana kuchitila kut, nizyazochitika, muzosyoma. ³⁰ Nsikoyowambula twiingi andinywe, nkaambommweendelezi wanyika eeyi uyobuza. Takwe manguzu pe aatala andime, ³¹ pesi mukuti inyika izibe kuti ndilamuyanda Taata, ndilachita mbubo mbuli Taata mbaakandilayilila mebo. Ngatukanyampuke alimwi tukeeende kuzwa aano.”

15

- ¹ “Ndimusamu wakasimpwa Taata ngomuka mwini muunda?
- ² Uyogwisya ntabi zyoonse mulindime zitazyali michelo, akukwezuula ntabi zitazyali michelo kuchitila kuti zikazyale michelo. ³ Ulasalala

kale nkambo kamilumbe njindakawambula kulinduwe. ⁴ Kkalilila mulindime, andime mulinduwe, mbuli mutabi, utakonzyi kuzyala michelo lwayo, kunze kwakuti wayima kuchisiko, kuti amwi ulakonzya kuzyala, kunze kwakukkalilila mulindime. ⁵ Ndichisiko chamusamu, inywe muli mutabi. Oyo ukkalilila muli ndime, ambebo mulinguwe, ulazyalisya michelo, kotakwe ndime takwe nchokonzya kuchita. ⁶ Ooyo naba oomwe uutakkali mulindime, Uyosowegwa mbuli mutabi mpo uyoyuma, alubo iyobwezelelwa mitabi akuyowalifwa mumulilo, mpawo iyonentwa. ⁷ Kuti wakkalilila mulindime, akuti majwi angu akkala mulinduwe, kumbila kufumbwa nchoyanda, mpawo uyochitilwa mboyanda. ⁸ Taata ulalemekezegwa azeezi, kuti wazyalisya michelo akulondezya kuti nduwe sikwiya wangu. ⁹ Mbuli Taata mbandiyandisa mebo, Ndakuyanda ambebo; mukkalilile mulindime. ¹⁰ Kuti wabamba milawu yangu, unokkalilide muluyando lwangu, mbundaka bambamilawu ya Taata akukkalilila muluyando lwakwe. ¹¹ Ndambuula ezi zintu kulindinywe nkuchitila kuti lukondo lube muli nduwe, akuchitila kuti lukondo lumaninine. ¹² Ooyu ngomulwu wangu, kuti tuyandane mbuli mbondakamuyanda. ¹³ Takwe naba omwe ulaluyando luli oobu-kuti umwi abambe buumi bwakwe mwenzinyina. ¹⁴ Muli benzuma kuti mwachita zintu nzindakamulayilila. ¹⁵ Nsichiyomwiti kuti babelesi, nkambo mubelesi tazi kuti simalelo akwe anzyachita. Ndamwita kuti benzuma, mbuli zyoone se nzindakamvwu kuli Taata, ndachita kuti zizibinkane kulindinywe. ¹⁶ Teensi mwakandisala mebo, pesi ndakamusala inywebo kumwimika nywe kuti mwelede kwenda akuzyala michelo, akuti michelo yanu ikkalilile. Eechi chamba kuti kufumbwa nchimuyokumbila kuli Taata kwinda muzina lyangu, uuyochipa kulindinywe. ¹⁷ Eezi zintu nzindamu layilila, kuti mukonzye kuyandana umwi awumwi. ¹⁸ Kuti nyika yakusula, ziiba kuti yakalindisulide nkitalana kukusula webo. ¹⁹ Kuti wali muntu wenyika, inyika ilakuyanda lwayo. Pesi nkambo kakuti taliwanyika akambo kakuti ndakakusala kuzwa munyika, nkiinkako inyika iyokusula we. ²⁰ Koyeeya ijwi ndindakakwambila we, Ímubelesi tali mupati kwinda simalelo. Na bandipenza mebo, bayomupenza anywebo; Anukuti balondola majwi angu, bayowalondola amajwenu. ²¹ Bayochita zyoonsezi zintu kuli nduwe nkambo kezina lyangu, nkambo tabamwizi pe wakanditura. ²² Anoli tendakasika akwambuula kuli mbabo, teensi bayinobisy, pesi kwalino tabakwe nchebanga balatamizya kukubisyka kwabo. ²³ Ooyo wakkaka ndime ngonguwe wakkaka Taata. ²⁴ Ikuti tendachita milimo takwe naaba oomwe ukazya akati kabo, takwe nibanola chibi pe, pesi lino bibona akusula ndime a Taata. ²⁵ Pesi eezi zitondezya kuzuzikizya majwi alembedwe mumulawu, 'Bandisula nkenditakwe mulandu.' ²⁶ Eelyo mugwasyi nayosika - ooyo ngwenjotuma kuli ndinywe kuzwa kuli Taata, nguwe ooyo Muuya wakasimpe, ooyo iwakazwa kuli Taata - Uyoopa bukamboni atala andime. ²⁷ Uleelede ayebo kupa bukamboni, nkambo wakali andime kuzwa kumatalikilo.

16

¹ "Ndamwambila ezi zintu kulindinywe kuchitala kuti mutalebwi. ² Bayomusowela anze achikombelo pesi chiindi chiyosika echo woonse oyo utakamujaye uyochechitanga wamanina Leza mulimo. ³ Bayochita ezi zintu nkaambo tabana kumuziba Taata nekuba ndim. ⁴ Ndamwambila

ezi zintu kulindinywe kuchitila kuti chiindi chazyo chakusik, muyoyeya kuti kakamwambila atala anzizy. Tendakamwambila atala azezi zintu kumasangunin, kambo ndakachili anywebo.⁵ Pele lino ndayinka kuliyyo iwakanditum, takukwe akati kanu undibuzya kut, uyakuli?⁶ Pesi nkaambo ndamwambila ezi zintu kuli ndinyw, kubijilwa kwazula mumyoyo yanu⁷ Pesi ndamwambila kasimp, chibotu kulindinywe kuti ndiink. Ukuti tendink, Mugwasyi takosika pe kulindinyw, pesi kuti ndayink, ndiyomutumina nguwe kuli ndinywe.⁸ Elyo asik, Mugwasyi uyontdezya nyika kuti libisize atala aziib, atala abululam, atala alubetek,⁹ atala aziib, nkaambo tabandisyomi.¹⁰ ataala abululam, nkaambo ndilayinka kuli Taat, aboobo tamukachindiboni limbi,¹¹ alubeteko nkaambo nkaambo mweendelezi wanyika eyi wabetekwa kale.¹² Ndazyingi zintu zyakumwambil, pesi tamukomvvisisyia lino.¹³ pesi walo muuya wakasimp, asik, oyo umwenzya mukasimpe koonse, pesi takoyowamba izyakwe mwini. Pesi uyowamba ezyo zyatakamvwwe aboobo uyomwambila zintu izichiz.¹⁴ Uzondilumbayizy, nkaambo uzobweza zyalizyangu akuzyambila ndinywe.¹⁵ Zyoonse zyajisi Taata nzizyangu. Nchechich, nchindamba kuti Muuya ulabweza zyalizyangu akuzyambila ndinywe.¹⁶ chaba chiindi chifwifwi tamuchikandiboni limb, aboobo kwakuyinda chiindi chifwifwi muyondibon."¹⁷ Alimwi bamwi basikwiya bakwe kuli umwi aumw, "Chamba nzi echii nchatwambila sweb, 'chaba chindi chifwifwi tamukachindiboni limbi aboobo, 'Nkaambo ndayinka kuli Taata?'"¹⁸ Nchechicho nchibakamba kut, Çhabma nzi echii chawamb, 'chaba chindi chifwifwi ?' Tatuzi kuti uwambula atala anyamayi".¹⁹ Jesu wakabona kuti bakali kuyanda kubuzya kulinguw, aboobo wakabambila kut, Ézi nzizyo na nzimwalikilibuya Iwanu, kuti ndiwamba nzi kandamb, kuti muchindi chifwifwi tamuyokondibona limbi, aboobo muchindi chifwifwi muyondibona?²⁰ Nkasimp, nkasimp, ndamwambila muyokwila akoomok, pesi nyika iyokondw. Alimwi muyozula kubijilw, pesi mapenzi anu ayosanduka akuba lukondo.²¹ Mwanakazi chiindi nayanda kutumbuka ulabijilwa nkaambo chiindi chakwe chasik, pesi chindi natumbuka mwan, tachiyeyi limbi machise akwe nkaambo kakukondwa kuti muttu watumbukwa mukati kanyika.²² Anywebo mwabijilwa lin, pesi ndiyomubona lub, aboobo myoyo yanu iyo kondw, aboobo takwe naba omwe uyokonzya kumunyanga kukondwa kwanu.²³ Mubuzuba obo takukwe uyondibuzya chint. Nkasimp, nkasimp, ndamwambila kut, na mwakumbila kufumbwa chintu kuli Taata muzina lyang, uyomupa nchich.²⁴ Ambuleno tamunakukumbila chintu mu zina lyang. Kumbila uyopegwa, kuchitila kuti kukondwa kwanu kuzuzikizigwe"²⁵ Ndamwambila ezi zintu kuli ndinywe mutulabik, pesi chiindi chilasika nhetchachiyomwambili mutulabik, pesi anukuti ndiyomwambila antaanganana atala aTaata.²⁶ Mubuzuba obo muyokumbila muzina lyang aboobo nsikoyomwambila kuti ndiyomukombela kuli Taata,²⁷ pesi Taata lwakwe ulamuyanda nkaambo mwakandiyanda andime aboobo nkaambo mwakasyoma kuti ndakazwa kuli Leza.²⁸ Ndakazwa kuli Taat, aboobo ndakaza munyik. Lubo ndiyozwa munyika aboobo ndilayinka kuli Taata."²⁹ Basikwiya bakwe bakati, "Bona, lino wambula antaanganana aboobo tolikubelesya tulabiko pe.³⁰ Lino twaziba kuti ulizi zintu zyoonse, aboobo toyandi naba omwe kuti akubuzye mibusyo. Nkaambo kazezi, tulasyoma kuti wakazwa kuli Leza."³¹ Jesu wakabasandula," Mwasyoma na lino?³² Bon, chiindi

chilasik, iyii, aboobo nczechichochi echino chimuyowazana aumwi aumwi kumunzi wakw, aboobo aboobo muyondisiya andikk. Nekuba boobo nsili andikke pe nkaambo Taata ula ndim. ³³ Ndamwambila ezi zintu kuti mube alumuno mulindim. Munyika mube mapakasy, pesi amube akujatilila; Ndakizunda nyika.

17

¹ Jesu nakamana kwamba zintu eezi, wakatambya meso akwe kumajulu akwamba kuti, "Taata, chiindi chasika, mupe bulemu Mwanaako kuchitila kuti alakwe Mwana akupe bulemu - ² mbuli mbwakamupa bwendelezi atala ailengwa zyoonse kuchitila kuti azope buumi butamani kuliwoonse ooyo ngwakapa kuli nguwe. ³ Mbuli ibuumi butamani kuti bakuzibe, nduwe Leza wakasimpe, akuli nguwe ooyo ngwakatuma, Jesu Kkilisito. ⁴ Ndakakupa bulemu anyika. Ndakamaninsya mulimo oyo nguwakandipa kuti nguuchite. ⁵ Lino, Taata, kondilemya antomwe ayebo abulemu obo mbendali kujusi nczechili ayebo, inyika kitanaanzwa. ⁶ Ndakayubununa izina lyako kubantu aabo mbwakandipa kuzwa kunyika. Bakali bako, wakabapeda kuli ndime bakabamba ijwi lyako. ⁷ Lino bakaziba kuti zyoonse eeyzo nzwakandipa zizwa kuli nduwe, ⁸ Nkambo ndakabapa woone majwi ayo ngwakandipa. Bakaatambula mpawo akuziba bwini bwakuti ndakazwa kuli nduwe mpawo bakasyoma kuti wakandituma. ⁹ Ndabakombela. Nsikombeli banyika pe pesi aabo mbwakandipa nkambo mbibako. ¹⁰ Choонсе eecho changu nchichaako mpawo chako nchichangu mpawo mpeegwa bulemu mulimbabo. ¹¹ Nsichili munyika, pesi aaba bantu balimunyika, mpawo ndikuza kuli nduwe. Taata Uusalala, babambe muzina lyako elyo nduwe wakandipa kuchitila kuti babe bamwi mbuli mbutuli bamwi. ¹² Nindakachili ambabo, ndakabambide kabotu muzina lyako, eelyo ndwakandipa. Ndakaba kwabilila, mpawo takwe nikuba umwi wakanyonyoka, kusya mwana wabajayi, kuchitila malembe kuti azuzikizigwe. ¹³ Lino ndaboola kulinduwe, pesi ndikwamba zintu eezi munyika kuchitila kuti lukondo lwangu luzozuzikizigwe muli mbabo. ¹⁴ Ndakabapa ijwi lyako, mpwao nyika yakabasula nkambo tabali benyika eeyi, mbuuli mbuntali wenyika. ¹⁵ Nsilokukumbila kuli nduwe kuti ubagwisye munyika, pesi kuti babambwe kabotu kulibaabo batalomene. ¹⁶ Tembanyika pe mbuli mbentali wenyika ambebo. ¹⁷ Mubaanzanisyekwinda kukasimpe. Ijwi lyako ndayakasimpe. ¹⁸ Mbuli mbowakandituma munyika ndabatuma ambebo munyika. ¹⁹ Akambo kambabo, ndalibamba lwangu kuchitila kuti abalabo babambwe mukasimpe. ²⁰ Nsikombeli aaba luzutu pe, pesi abaabo batakasyome mulindime kwinda kujwi lyaako ²¹ Kuchitila kuti boonse bakabe umwi mbuli nduwe. Taata mbuli muli ndime, andime ndimuli nduwe. Aabalabo abaabe muli ndiswe kuchitila kuti inyika ikasyome kuti nduwe nuwakandituma. ²² Ibulemu oobo mbuwakandipa, ndakabupa kuli mbabo, kuchitila kuti babe uumwi, mbuli mbundi umwi. ²³ Ime muli mbabo, mpawo iwe muli ndime - kuti mpobazulila mulukamantano, kuti inyika izibe kuti wakandituma akuti wakabayanda mbuli mbuwakayanda ndime. ²⁴ Taata, njanda aabo mbwakandipa kuti baabe andime ooko nkuumbede, mpawo akubona bulemu mbwakandipa nkambo wakandiyanda intalisyo yenyika kitana kubambwa. ²⁵ Taata ululeme, inyika teyaka kwizi pe, pesi mebo ndakali kwizi, mpawo aaba balizi kuti wakandituma. ²⁶ Ndakachita kuti izina lyako lizibinkane kuli mbabo, nkabela ndichiyolizibya kuchitila kuti

luyando ndwakandiyanda aalo lukabe muli mbabo, mpawo nooli muli mbabo."

18

¹ Jesu nakamana kwambula majwi aaya, wakainka kuli aanze abasik-wiiya bakwe kuli bumwi busena mumusena wa Kkidiloni, oko kwakali chilili mwakakunjila abasikwiya bakwe. ² Lino Judasi ooyo wakali sikuyo mwaba, alakwe wakalibwizi busenobu nkambo Jesu wakali kuswanana absikwiya bakwe nkuko. ³ Mpawo Judasi wakazulwida inkamu yabasilumamba abamwi bendelezi bazwa kubapayizi bapati akubaFalisi, abasizyuno, bakayinka nkukoko amalampi, azimunisyo, azilwanisyo. ⁴ Mpawo Jesu, iwakazi zyonse zintu ezyo zyakali kuyochitika Kulinguwe, wakaya kunembo wababuzya kuti, "Ngwani ngomulokuyanduula?" ⁵ Bakamusandula, "Jesu waku Nazaleta." Jesu wakati ndamwambila kuti, "Ndime." Judasi ooyo wakamuzya wakaliimvvi abasiliumamba. ⁶ Nakaamba kuli mbabo kuti, "Ndime," bakabwedela musule bawidaansi. ⁷ Wakababuzya lubo, "Ngwani ngomulokuyanduula?" Lubo bakindulula bati, "Jesu waku Nazaleta." ⁸ Jesu wakasandula, "Ndamubuzya kuti ndime. Na kamulokuyandula ndime, amubaleke aaba beende." ⁹ Ezi zyakachitika kuti ijwi ndyakaamba lizuzikizigwe: "kuti kulibaabo mbwaakandipa takwe ngundakasowa pe." ¹⁰ Alimwi Sayimoni Pita, wakali akafulo, wakakasomona wagonka mulanda wamupayizi mupati wamugonka kutwi kwakuchilisyo. Lino izina lyamulanda oyu wakali Malukkasi. ¹¹ Jesu wakati kuli Pita, "Bweedezya ikafulo munkomo. Nyelede kunywa muchinywido eecho Taata nchaakandipa mebo?" ¹² Awo inkamu yabasilumamba amupati wabo, ababelesi babajuda, bakajata Jesu akumwaanga. ¹³ Kutanguna bakamutola kuli Aanasi, nkambo wakali yisizyla wa Kkefasi, wakali mupayizi mupati munyokoyo. ¹⁴ Lino Kkefasi wakali nguwe wakapede lulayo kubaJuda kuti nichali chibotu kuti umwi muntu afwide bantu boonse. ¹⁵ Sayimoni Pita wakatobela Jesu, alimwi awumwi sikiyya. Lino ooyu sikiyya wakazibinkene kubapayizi bapati, aboobo wakanjila a Jesu munkuta yabapayizi bapati. ¹⁶ Pesi Pita wakaliimvvi amulyango kalaanza, mpawo umwi sikiyya, wakazibinkene kubapayizi bapati, wakazwa aanze kuyowambuula abalinda amulyango, mpawo wakanjiza Pita mukati. ¹⁷ Mpawo mulanda wachikayintu, wakalikumba amulyango, wakabuzya Pita kuti, "Tooli umwi wabaabo basikwiyya bayooyu mwalumi na, wakasikuti, "teensi ndime pe." ¹⁸ Lino balanda abasikubeleka muwofesi bakalimvvi awo, nkabela bakali bakutilizya mulilo nkambo kwakali kutontola, bakali kuyota. Pita ambabo kayimvvi kalikuyota alakwe. ¹⁹ Mupayizi mupati wakabuzya Jesu aatala abasikwiyya bakwe anjiisyo yakwe. ²⁰ Jesu wakamusandula, "Ndakambuula entanganana kunyika. Choonse chiindi ndakali kuyisyia muzitumba amuzikombelo ákoko bajuda nkubakali kuswanana. Taakwe pe nchindakaamba mukusisikizya. ²¹ Nkambonzi nimundibuzya? Kabuzye kuli bakandimvwa atala azezyo nzindakaamba. Boona, aaba bantu balizizi nzindakaamba." ²² Jesu nakamana kwamba eezi, umwi wababelesi wakayimvvi wakawuma Jesu wat, "Mbubo na mboyelede kusandula mupayizi mupati?" ²³ Jesu wakatikuli nguwe, "kuti nkendi ndaambula bubi, paa bükamboni atala abubi, pesi kuti kakuli kabotu, unduuminayi? ²⁴ Mpawo Aanasi wakamutola kaangidwe kuli Kkayifasi mupayizi mupati. ²⁵ Lino Sayimoni Pita wakaliimvvi kayoota mulilo.

Bantu bakati kulinguwe, "Sena tenduwe umwi wabasikwiya bakwe na? Wakakaka akwamba kuti, "Tensindime pe." ²⁶ Umwi wabalanda bamupayizi mupati, wakali munyina wamwalumi ulakutu Pita nkwicklunge, wakati, "Tooli nduwe na ngundakabwene muchilili anguwe?" ²⁷ Mpawo Pita wakakaka lubo, mpawo mukuku wakakokolika. ²⁸ Eelyo bakatola Jesu kuzwa kuli Kkayifasi kuya kukubetekwa. Kwakachili kuseni loko, nkabela tebakanjila pe mubbetekelo kuchitila kuti tabasofwazigwi pe pesi bakakonzye kulya pasika. ²⁹ Awo Pilato wakazwa aanze waya kuli mbaboo wasikuti, "Nguuli mulandu ngumweeta ayoyu mwalumi?" ³⁰ Bakasandula kabati kulinguwe, "Aanoli ooyu mwalumi tesimuchita zibi, Tetwayinomweeta kuli nduwe pe." ³¹ Mpawawo Pilato wakati kulimbabo, "mumutole ndinywe, akuyomubeteka kwinda mumulawu wanu." MaJuda bakati kulinguwe, "Tachili mumulawu pe kulindiswe kubikka kufumbwa umwi muntu kulufu." ³² Bakaamba ezi kuchitila kuti ijwi lya Jesu lizuzikizigwe eelyo ndyakaamba kutoondezya atala amusyobo walufu ndwayizofwa. ³³ Mpawo Pilato wakanjila munganda yakubetekela lubo wayita Jesu wamubuzya kuti, "Nduwe Mwami waba Juda na?" ³⁴ Jesu wakasandula, "Ulokulyambwida na, nakuti kuli bamwi bakambula atala andime kuli nduwe?" ³⁵ Pilato wakasandula, "Nsili muJuda pe me, ndinguwe na? Bantu bako abapayizi batapi bakupeda kuli ndime. Niinzi nchiwachita?" ³⁶ Jesu wakasndula, "Bwami bwangu tabuli bweenyika eeyi pe. Aanoli bwami bwangu bwali bwachimwi chipanzi chenyika eeyi, balanda bangu bayinokulwana kuchitila kuti nkindeka kwabwa kuba Juda. Pesi lino bwami bwangu tabuzwidu aano pe." ³⁷ Pilato wakati kulinguwe, "Uli mwami na?" Jesu wakamusandul, "wamba kuti ndimwami. Kuuli aya makanze ndakazyaligwa, akuli aya makanze ndakasika munyika, kuti ngaambe bukamboni mukasimpe. Woonse ooyo uuli mukasimpe ulaswilizya kujwi lyaango." ³⁸ Pilato wakati kulinguwe, "niinzi kasimpe?" Ndakazwa kwaamba eezi, wakayinka kumajuda wamba kuli mbabo, Takwe mulandu pe ngundajana mumwalumi ooyu. ³⁹ Pesi mulachiyanza chakuti ndiwangunune umwi muntu kuli ndinywe apasika. Aabobo mulayandana kuti ndimulekezezezye mwami waba Juda?" ⁴⁰ Mpawo bakoompolola lubo akwamba kuti, pepe oyu mwalumi, pesi Bbalabbasi." Lino oyu Bbalabbasi wakaali mubbi.

19

¹ Mpawo Pilato wakatola Jesu akuyomunabba. ² Basilumamba bakalunda ingowani yamamvwa. Bakayibikka amutwe wajesu bamuzwatika asila lyamusyobo wantumbula. ³ Bakasika kulinguwe basikuti, wabonwa, "Mwami waba Juda!" mpawo basikumuma. ⁴ Pilato wakabbuda aanze lubo wasikuti kulimbabo, "Mubone, ndikumweeta anze kulindinywe kuchitila kuti muzibe kuti nsijene mulandu pe aalinguwe." ⁵ Awo Jesu wakabbuda aanze, kazweete musini wamamvwa asiila lyachikobela chamusyobo wantumbula. Pilato wakati kulimbabo, "Mubone ngooyu mwalumi!" ⁶ Mpawo awo bapayizi batapi ababelesi nibakabona Jesu, bakoompololesya bat, "Aababmbulwe, abambulwe!" Pilato wakati kuli mbabo, "Mumutole ndinywe mukamubambule nkambo nsijene mulandu pe kulinguwe." ⁷ Ba Juda bakamusandula, "Tulijisi mulawu, alubo kwinda mumulawu oyoo, welede kufwa nkambo wakali kulyaambla kuti Mwana waLeza." ⁸ Aawo Pilato nakamvwa nkani eeyi, wakayoweesya loko. ⁹ Wakanjila munganda yakubetekela lubo wati kuli Jesu, "Uuzwa

kuli? Pesi Jesu takwakasandula pe. ¹⁰ Mpawo Pilato wakati kulinguwe, "Towambuli na kulindime?" Toozi na kuti ndilenguzu zyakukwanganuna aanguzu zyakukubambula? ¹¹ Jesu wakamusandula, "Tojisi pe kupanguzu alindime kusiya eecho nchiwakapegwa kuzwa kujulu, nikuba oobo, ooyo wandipedy a kuli nduwe ulaachibi chipati." ¹² Kunsandulo eeyi, Pilato wakeezya kumwanganuna pesi bama Juda bakawompoolola kabati, "kuti wangununa mwalumi ooyu, "Tooli muzolwani wa Siza. Woonse ulichita mwami uuwambula ataala a Siza. ¹³ Pilato nakamvwa makani aaya wakeeta Jesu aanze wakkala aachuno chakubetekela mubusena bwiipta kuti "Ibbuwa lyamabwe," pesi mumulaka wachi Hibbulu, ni "Gabbata." ¹⁴ Lino lyakali izuba lyakubambilwa kwapasika, chiindi chamahola aali musanu alimwi. Pilato wakati kuba Juda, "Mulange ngoyu mwami wenu!" ¹⁵ Bakawompolola, "Kuule anguwe, kule anguwe, "Abambulwe!" Pilato wakati kuli mbabo, "Mubambule na mwami wenu?" Bapayizi bapati bakasandula, "Tatukwe mwami pe, pesi Siiza." ¹⁶ Mpawo Pilato wakapedekezya Jesu kuli mbabo kuti abambuulwe. ¹⁷ Mpawo bakatola Jesu, bayinka aanze, kalibwezelede chiingano, kubusena butegwa "Kaanza," chiitwa kuti "Gologota." mumulaka wachi Giliki. ¹⁸ Bakamubambula Jesu nkuko, antomwe abamwi baalumi babili umwi kuli eeli bbazu, umwi kuli eeli, Jesu kali akati. ¹⁹ Pilato wakalemba chitondezyo wachibika achingano. Chakalembedwe obu: JESU, MWAMI WABA JUDA. ²⁰ BaJuda biangi bakalikuchibala chitondezyo eechi nkambo busena Jesu nkvakabambwidwe bwakali afwifwiadolopo. Chitondezyo chakalembedwe mumilaka eyi, chi Hibbulu, Latini, antomwe amuchi Giliki. ²¹ Eelyo bapayizi bapati babaJuda bakati kuli Pilato, "Utalembi kuti, "Mwami wabaJuda, pesi utedi, "Ooyu uulyamba kut, "Ndimwami wabamajuda.""²² Pilato wakasandula kuti nzindalemba, ndalemba." ²³ Basilumamba nibakabambula Jesu, bakatola zisamo zyakwe, bazyabana akati kabo muzibeela zyoone, kuti baabane umwi awumwi, achilacho chibaki. Lino chibaki chakali abusumyo buumwi kuzwida ajulu. ²⁴ Mpawo bakati kuli umwi awumwi, "Tatuchideluli pe, pesi aatusonde kuchitila kuti chilyaambe kuti chilaaba chani. Eechi chakachitika kuchitila kuti malembe azuzikizigwe awamba kuti, "Bakaabana zikobela zyangu akati kaabo akusonda zisamo zyangu. Eezi nzibakachita basilumamba." ²⁵ Lino ibakayimvwi afwifwi achiingano cha Jesu, kwakali banyina Jesu, kwakali mukulana wabanyina, Meli muka Kkilopasi, a Meli Magadalina. Aaba bamakayintu bakalimvwi afwifwi achiingano cha Jesu. ²⁶ Jesu nakabona banyina asikwiya ooyo ngwakali kuyandisyu kabimvwi afwifwi, wakati kuli banyina, "Yomwanakazi, "Langa, mwanako!" ²⁷ Mpawo wakati kuli sikwiyya, "Langa banyoko." Kuzwa kuchiindi echo sikwiya wakabatola banyina kunganda yakwe. ²⁸ Nikwakayinda ezi Jesu, nkambo wakaziba kuti zyonse lino zyakali zyamana, akuchitila kuti malembe ayelede kuzzikizigwa, Jesu wakati, "Ndaaba enyota" ²⁹ Chibikilo chakazwide wayini upanyuka chakaliwo, mpawo bakabika akasamu kakaangidwe chisana chakazwide wayini upanyuka bamutambikizya amulomo wakwe. ³⁰ Jesu nakanywa wayini upanyuka wakati "Kwamana." wakalanzya mutwe aansi akupedy muuya wakwe. ³¹ Mpawo baJuda, akambo kakuti lyakali izuba lyakulibambil, akuti mibili teyakali kuchaala aachingano kuchindi chasabata (elyo Sabata yakali mpati loko), bakakumbila Pilato kuti atyole mawulu aabo akubagwisya. ³² Mpawo basilumamba bakasika akutyola mawulu amwalamu wakutanguna awabili wabo bakabambwidwe a Jesu. ³³ Nibakasika

kuli Jesu, bakabona kuti wakali wafwa kale, aboobo tebakamutyola pe mawulu akwe.³⁴ Nikuba obo, umwi wabasilumamba wakamuyasa limwi bbazu esumu, mpawo kwakazwa iganzi amaanzzi.³⁵ Ooyo wakabona eechi wakaamba bukamboni, abukamboni bwakwe mbwakasimpe. Ulizi kuti nzyawamba ninchobeni kuchitila kuti anduwe usyome.³⁶ Nkambo eezi zintu zyakachitika kuchitila kuzuzikizya malembe, "Takwe nikuba limwi fuwa lyakwe litakatyolwe."³⁷ Alubo, aamwi malembe aamba kuti, "Bayolanga kulinguwe ooyo ngubakayasa."³⁸ Nikwakamana ezi zintu, Josefa waku Alimatiya mbuli kuti wakali sikwiya (pesi mukusisikizya akuyoowa bajuda) wakakukumbila kuli Pilato kuti atoole mubili waJesu, Pilato wakamuzumizya. Aboobo Josefa wakaboola akuutola mubili waJesu.³⁹ Nikkodimasi alakwe wakasika, nguwe wakazide kutangna kuli Jesu mansiku. Wakeeta tununkilizyo tuvwelene twamuula atwayati, mweelwe wamuyanda umwi wampondo.⁴⁰ Mpawo bakatola mubili wa Jesu bawuvungilizya zisani zituba atununkilizyo mbuli muchaanza chaba majuda kukuwwikka mubili.⁴¹ Lino mibusena mwakabambwidwe kwakali chibili, omu muchilili mwakali kabanda kakatalina kulazikwa muntu naba umwi pe.⁴² Nkambo kakuti lyakali izuba lyakuli bambilila lyabama Juda alimwi akambo kakuti kabanda kakali afwifwi, bakamulazika mumo Jesu.

20

¹ Lino chifumo mubuzuba butaanzi bwamviki, nkakuchisiya, Meli Magdalina wakaza kuchuumbwe alimwi wakabona ibbwae kalikkunkulisigilwe kuzwa kuchuumbwe. ² Akaako wakachijaana alimwi wasika kuli Sayimoni Pita a kuli bamwi basikwiya aabo Jesu mbakali kyundaya, alimwi wabaambila wati, "Bamubweza Mwaami kuzwa muchuumbwe, alimwi tatuzi nkubamulazika."³ Mpawo Pita abamwi basikwiya bakazwa, alimwi bakaya kuchuumbwe. ⁴ Aantomwe bakachijaana, alimwi umwi sikwiya wakachijaanisa kwiinda Pita akusika kuchuumbwe lutaanzi.⁵ Lino wakalangisisya aansi, wakabona mulembo wazizwaato zyakwe kazileded aawo, pesi takanjila pe mukati.⁶ Sayimoni Pita lino wakasika kunembo lyakwe alimwi wanjila muchuumbwe. Wakabona chilembo chachizwato kachiyalidwe awo,⁷ achilembo chakali aatala amuutwe wakwe. Techakayalidwe aamwi azilembo zimwi pesi chakalivungidwe mibusena bwacho achilike.⁸ Lino umwi sikwiya, ooyo wakatanguna kusika kuchuumbwe, alakwe wakasika wanjila muchuumbwe, alimwi wakabona aalimwi wasyoma.⁹ Nkaambo kusikila kuchiindi eecho tebakalinaaziba malembe aamba kuti uzobuka kuzwa kubafu.¹⁰ Akaako basikwiya bakabweeda kumunzi lubo.¹¹ Pesi Meli wakaliimvwi aanze aachuumbwe. Nkachilila, wakalangisisya aansi muchuumbwe.¹² Wakabona bobilwe bangelo muzituba balikkede, umwi kumutwe, alimwi umwi kumawulu aawo mubili wa Jesu mpuwakalede.¹³ Bakati kulinguwe, "Yo mwanakazi, ulilaanzi?" Wakati kulimbabo, Nkaambo babweza Mwaami wangu, alimwi tandizi pe kuti bamubika kuli."¹⁴ Nakaamba eechi, wakachebuka alimwi wabona Jesu kayimvwi aawo, pesi takaziba pe kuti ngu Jesu.¹⁵ Jesu wakamwaambila, "Yo mwanakazi ulilaanzi? Ngwani ngolanguula?" Wakayeya kuti ngu sicheilili. akaako wakati kulinguwe, "Yo mwaalumi, na wamubweza, ndaambile nkuwamubika, alimwi ndiyomubweza."¹⁶ Jesu wakati kulinguwe, "Meli." Wakachebuka, alimwi wati kulinguwe muchi Alamayiki, "Labboni," (chitolekelwa kuti: "Muyiisi.")

¹⁷ Jesu wakati kulinguwe, "Utandijati, nsinayinka kujulu kuli Taata, pesi inka kubakkulana bangu alimwi ubaambile kuti ndiyobiwinka kujulu kuli Taata wangu a Taata wenu, alimwi Leza wangu a Leza wenu."

¹⁸ Meli Magadalina wakasika alimwi waambila basikwiyy, 'Ndamubona Mwaami," alimwi azintu nzyaakamwaambila. ¹⁹ Nikwakaba goko, mubuzuba oobo, izuba taanzi lya mviki, alimwi amakkoma aakooko basikwiyya nkubakabede, akalijalidwe mukuyoywa ba Juda, Jesu wakasika alimwi wiima aakati kabo wasikwaamba kuti, "Luumuno kulindinywe."

²⁰ Nakamana kwaamba eezi, wakabatondezya maboko aakwe a bbazu lyakwe. Mpawo basikwiyya nibakabona Mwaami, bakabotelwa. ²¹ Jesu lino wakabaambila alubo, Luumuno kulindinywe. Mbuli Taata mb-wakandituma, lino ndili kumutuma." ²² Aawo Jesu naakaamba eezi, wayoyela aalimbabo alimwi wasikuti kulimbabo, "Mutambule Muuya Uusalala. ²³ Kufumbwa chibi chani nchimuyolekelela, ngachalekelela; kufumbwa ngumubeedezezya chibi, ngazyabweedezegwa." ²⁴ Tomasi, umwi wenkamu yabalikkumi ababili, utegwa Didimasi, takali aantomwe pe abamwi aawo Jesu naakasika. ²⁵ Bamwi basikwiyya nikwakiinda chiindi bakati kulinguwe, "Twamubona Mwaami." Wakabaambila kuti, "Ado ndabona mumaboko aakwe impa zya zipikili, alimwi ndibike munwe mukati ke mpa zya zipikili, akubika luboko lwangu mubbazu lyakwe, nsikoyoosyoma." ²⁶ Nikwakayinda mazuba ali musani aatatu basikwiyya bakwe' bakali mukati alubo, alimwi Tomasi wakali aakati kabo. Jesu wakanjila aawo makkoma kaajalidwe, alimwi wiimikila aakati kabo, wati, "Luumuno kulindinywe." ²⁷ Lino wakati kuli Tomasi, "Seyomeka munwe wako, alimwi ubone maboko aangu, sikila amunwe wako, alimwi ubike mumampango aangu, utabi uitasyomi, pesi syoma."

²⁸ Tomasi wakasandula alimwi wakati kulinguwe, "Mwaami wangu a Leza wangu." ²⁹ Jesu wakati kulinguwe, "Nkaambo wandibona, wasyoma. Balilongezegelwe batanaabona, alimwi basyoma." ³⁰ Lino Jesu wakachita zitondezyo zyiingi kunembo lya basikwiyya, zitondezyo zyakatalembwa pe mumagwalo, ³¹ pesi eezi zyakalembwa kuti tusyome kuti Jesu ngu Kkilisito, Mwana wa Leza, alimwi mukusyoma, ubeaabuumi muzina lyakwe.

21

¹ Nikwakayinda eezi zintu Jesu wakaliyubununa lwakwe mwini alubo kuli basikwiyya bakwe ku lwizi lwa ku Tibbaliyasi. Oobu mbombubo mbwakaliyubununa lwakwe mwini. ² Sayimoni Pita wakali aantomwe a Tomasi utegwa Didimasi, Nataniel uuzwa ku Kkana mu Galili, ibana ba Zebbedi, alimwi ababili basikwiyya ba Jesu. ³ Sayimoni Pita wakati kulimbabo, "Ndiyobuya ku kuloba." Bakati kulinguwe, "Aswebo, tuyobwiinka anduwe." Bakiinka alimwi banjila mubwaato, pesi takwe nchibakajata busiku boonse. ⁴ Lino, nkakila kwa chifumofumo, Jesu wakaliimwi kunkomwe yalwizi, pesi basikwiyya tebakaziba pe kuti wakali Jesu. ⁵ Akaako Jesu wakati kulimbabo, "Yo balombwana, muli aachakulya na?" Bakamusandula, "Tatukwe." ⁶ Wakati kulimbabo, "Kamuwaala bunsabwe bwenu kubbazu lyalulyo lwa bwaato, alimwi moyoojana zimwi." Akaako bakawaala bunsabwe bwabo, pesi tebakakonzya pe kubukwelela mukati akaambo kakuvulisywa kwe nswi. ⁷ Alimwi sikwiyya Jesu ngwakali kuyandisya kapati wakati kuli Pita, "Ngu Mwaami. "Aawo Sayimoni Pita naakamywa kuti Mwaami, wakadelula chisamo chakwe chaanze (nkaambo wakali maya), alimwi waliwaalila mulwizi. ⁸ Bamwi basikwiyya bakaza mubwaato (tebakali kule pe kuzwa anyika, mbuli myaanda yobile

yatukkokola kuzwa aawo), alimwi bakayobukkwela bunsabwe buzwide nswi.⁹ Aawo nibakazwa aanze aatala anyika, bakabona makkala aamulilo nkakulazikidwe muswi aatala lyawo achinkwa.¹⁰ Jesu wakati kulimbabo, "Mweete zimwi nswi nzimwajata."¹¹ Sayimoni Pita wakayinka aajulu akukkwela bunsabwe aanyika, kakuzwide baswi ba pati, mwaanda omwe amakkumi musamu aatatu mbuzyakabede, pesi nikuba kuti zyakali nyangi, bunsabwe tebwakadeluka pe.¹² Jesu wakati kulimbabo, "Kamuza akulya chilyo chachifumo." Takwe aakati kabasikwiyya wakayanda kumubuzya kuti, "Nduweni?" Bakali zizi kuti ngu Mwaami.¹³ Jesu wakaza wabweza chinkwa, alimwi wachipa kulimbabo, a nswi azilazyo.¹⁴ Oolu lwakali lwatatu Jesu kali kuli yubununa mwini kuli basikwiyya musule aakubuka kwakwe kuzwa kubafu.¹⁵ Nebakamana kulya chilyo chachifumo, Jesu wakati kuli Sayimoni Pita, "Sayimoni mwana wa Joni, ulandiyanda na kwiinda eezi?" Pita wakati kulinguwe, "Iyi Mwaami wangu, ulizi kuti ndilakuyanda." Jesu wakati kulinguwe, "Sanina mbelele zyangu."¹⁶ Wakati kulinguwe lwabili, "Sayimoni mwana wa Joni, ulandiyanda na?" Pita wakati kulinguwe, "Iyi Mwaami wangu, ulizi kuti ndilakuyanda." Jesu wakati kulinguwe, "Bamba mbelele zyangu."¹⁷ Wakati kulinguwe lwatatu, "Sayimoni mwana wa Joni, ulandiyanda na?" Pita wakali wanyema nkaambo Jesu wakali wamubuzya lwatatu, "Ulandiyanda na?" Wakati kulinguwe, "Mwaami, ulizizi zyoonse eezi zintu, ulizi kuti ndakuyanda." Jesu wakati kulinguwe, "Sanina mbelele zyangu.¹⁸ Nchobeni, nchobeni, ndakwaambila, niwakachili munini, wakalikulizwaatika akweenda kufumbwa nkuwakali kuyanda, pesi niwakkomena, uyootandabika maboko aako, alimwi umwi uyookuzwatika a kukubweza kukutola nkotayandi kwiinka."¹⁹ Lino Jesu wakachaamba eechi kuchitila musyobo walufu Pita ngwatakalemeke Leza. Nakamana kwaamba eechi, wakati kuli Pita, "Nditobe." ²⁰ Pita wakachebuka alimwi wabona sikwiyya ooyo Jesu ngwakali kuyandisya nkayoobubatobel, ooyo wakali aafwifwi kubbazu lya Jesu kuchiindi cha chilalilo alimwi wakati, "Mwaami, utakakuuze?"²¹ Pita wakamubona akwaambila Jesu, "Ula-chita biyeni mwaalumi ooyu?"²² Jesu wakati kulinguwe, "Na ndayanda kuti akkale kusikila ndaboola, niinzi eecho kulinduwe? Nditobe."²³ Lino aka kaambo kakasaalila kuli babunyina, kuti ooyo sikwiyya takoyoofwa. Pesi Jesu teensi wakateedi kuli Pita kuti ooyo sikwiyya takoyoofw, pesi, "Na ndayanda kuti ukkale kusikila ndaboola, niinzi eecho kulinduwe?"²⁴ Ooyu ngonguwe sikwiyya uupa bukamboni aatala azint, alimwi iwakalembwa zintu eezi, alimwi tulizi kuti bukamboni bwakwe mbwanchoonzyo.²⁵ Kuli zintu zyiingi alubo Jesu nzyakachita. Na chimwi achimwi chakalembwa aansi, ndibona kuti niiba nyika lwayo teyalikunokonzya pe kubamba magwalo anoli alembwa.

Nchito

¹ Tiyofilasi, lugwalo lutanzi ndundakalemba, ndakaamba zyoonse eezyo Jesu nzyakatalika kuchita akwiisya, ² mane kubuzuba mbwakatolwa kujulu, nakamana kupa mulalilo kwiinda mu Muuya Uusalala kuba tumwa mbakasalide. ³ Nakamana kupenga, wakalitondezya lwakwe muzitondezyo zyiingi zizundikizya. Wakaliyubununa kuli mbabo kwamazuba aali makumi aane, mpawo wakambula aatala aabwami bwaLeza. ⁴ Chindi nakali kubungana aamwi ambabo, wakabalayilila kuti batazwi mu Jelusalema, pesi bakalindile chisyomezyo cha Taata, Eecho nchaakamba kuti, "mwakamvwa kulindime ⁵ kuti choonzyo, Joni waka bbabbatizya a meenda, pesi nywebo mumazuba mache biyo moyo bbabbatizigwa muMuuya Uusalala." ⁶ Aawo nibaka bungene aamwi bakabuzya kuti, "Mwami, sena echi ncchechindi nchoyobusilizya Bwami ku Izilayeli?" ⁷ Wakabambilila kuti, "tachili kulindinye kuziba zyiindi eezyo Taata nzyakabamba munguzu zyakwe. ⁸ Pesi muyotambula nguzu aawo Muuya Uusalala nuyosika aalindinye, mpawo muyooba bakamboni bangu mu Jelusalemu amu Judiya moonse amu Samaliya, akumamanino anyika." ⁹ Chiindi Mwami Jesu nakaamba eezi zintu, mpawawo kabachilangide kujulu, wakanyamoulwa mujulu, mpawo ijoba lyakamusisa kuzwa kumeso aabo. ¹⁰ Mbubonya kabachilangisisa kujulu mbuli mbwakeenda, mpawo mpawo, baalumi babili bakayimikila kulubazu lwabo kabasamide zisamo zituba. ¹¹ Bakaamba kuti, "Yo balumi baku Galili, nkambonzi nomwimvwi aano akulanga mujulu? Jesu ooyu watansiikwa kuzwa kulindinye kuya kujulu, mbubonya uuyobola muchiimo ncchichonya nchomwamubona kayinka aacho kujulu. ¹² Mpawo bakajokela ku Jelusalema kabazwa kuchilundu chitegwa Oliveti, Eecho chili aafwifwi aku Jelusalemu, Iweendo lwabuzuba bwa Sabata. ¹³ Mpawo nibakasika, bakatanta mung'anda yamujuju, oomo mubakali kukkala. Bakali Pita, Joni, Jemusi, Andulo, Filipi, Tomasi, Bbatolomyu, Mateyo, Jemusi mwana wa Alufiyasi, Sayimoni mu Ziloti, a Judasi mwana wa Jemusi. ¹⁴ Boonse bakali peda kumulimo wakukomba antomwe abanakazi, a Meli banyina ba Jesu Kkilisito abanabakwabo. ¹⁵ Mumazubayo Pita wakiimikila akati kababakwabo, bakati kabe mwaanda amakkumi aabili, akwamba kuti, ¹⁶ "Nobakwesu, chakalelede kuti magwalo azuzikizigwe kuti Muuya Uusalala wakamba lutanzi kumulomo wa Devidi azya Judasi, ooyo wakazulwida aabo bakaanga Jesu. ¹⁷ Nkaambo wakaluumwi wesi mpawo wakatambula chaabilo chamulimo ooyu." ¹⁸ Lino mwaalumi ooyu wakawula muunda a mpindu nzyakatambula mububi bwakwe, eelyo nkukonya wakawa watola mutwe lutaanzi amubili wakwe wakabaluuka alimwi mala aakwe akafwasukila kunze. ¹⁹ Boonse bakkali bamu Jelusalemu bakamvwa ataala acheshi, mpawo bakawulika muunda ooyo mumwaambo wabo "Akeludama, "nkukwamba kuti, "Muunda wa Bulowa." ²⁰ Nkaambo kuli lemedewe mulugwalo lwa Ntembauzyo, 'Muunda wakwe awuchitwe chisesemyo, alimwi kutabi naba omwe muntu ukkala nkuko; 'Akube umwi uumbi ubweza chuuno chakwe chabuzulwidi. ²¹ Nkinkako, kulelede, kuti umwi wabantu bakeenda aswe chiindi choonse Mwami Jesu nakanjila akuzwa aakati kesu, ²² kutilikila kuzwa kulubbabbatizyo lwa Joni kulosika kubuzuba mbwakabwezegwa kuzwa kulinidiswe, abe kamboni andiswe kububuke bwakwe." ²³ Mpawo

bakabika baalumi bibili kunembo, Jozefu uutegwa Bbasabbasi, ooyo wakawulikwa lubo izina lyakuti Jasitasi, a Matiyasi. ²⁴ Eelyo bakakomba akwamba kuti, "Mwami, webo, ulizi myoyo yabantu boonse, nkinkaako yubununa kuti nguuli wabibili aaba; oyo ngosalide ²⁵ abweze busena mumulimo oyu abutumwa oobo mbwakasiya Judasi akuya kubusena bwakwe." ²⁶ Mpawo bakawuma chisolo, alimwi chisolo chakawida kuli Matiyasi, mpawo wakabalwa aamwi abatumwa bali kkumi awumwi.

2

¹ Nibwakasika buzuba bwa Pentekosita, boonse bakali aantomwe aabusena bomwe. ² Mpawaawo kwakasikka muzuzumo wakazwa kujulu ulimbili kuunga waguwo pati, wakazuza ng'anda yoonse mubakabede. ³ Mpawaawo kwakalibonia ndimi zilimbili zyamulilo zyakabakkala, alimwi zyakabakkala umwi awumwi. ⁴ Boonseni bakazula aMuuya Uusalala mpawo bakatalika kwaambuula mumilaka, mbuli mbubakazu-mininwa aMuuya. ⁵ Lino kwakali bajuda bakali kukkala mu Jelusalemu, bakalo aabuna leza, balikuzwa kumanyika woонse alimunsejulu. ⁶ Ooyu muzuzumo niwakamvwigwa, makamu makamu aabantu akaboola aamwi alubo bakagamba nkaambo bakabamvwa kabaambuula mumilaka yabo. ⁷ Bakayoowa akugamba; bakati sena aaba boonse balikwaambula tabali bamu Galili na? ⁸ Nkamboonzi nitulikubamvwa, umwi awumwi mumilaka yabuzyalwe bwesu? ⁹ Baku Patiya abaku Medesi abaku Elamiya, abaabo bakkala ku Mesopotamiya, mu Judiya abaku Kkapadokkiya, ku Pontasi aku Ezhia, ¹⁰ ku Pirigiya aku Pamfiliya, ku Ejipiti aamwi mabazu a Libbiya aku Sayilini, abeenzu bakalikuzwa ku Roma, ¹¹ bajuda abakasanduka baku Kkilete abana Arabiya, twabamvwa balaambuula mumilaka yesu aatala amilimu iigambya yaLeza." ¹² Boonse bakakankama akuyoowa kupati, bakambuula umwi kuluumwi, "Eechi chaambaanz?" ¹³ Pesi bamwi bakabaniaka bat, "Bakkuuta wayini mupya." ¹⁴ Pesi Pita wakayimikila abalikumi awumwi, wakatola muju jwi lyakwe, wakabaambila kuti, "Nobaalumi bamu Judiya, antoomwe amoонse nimukkala mu Jelusalema, eechi achizibinkane kulindinywe; amuteelele loko kumajwi aangu. ¹⁵ Nkaambo aaba bantu tabakoledwe pe mboli mbumulikubayeyela, nkaambo lichili biyo wola lyatatu lyabuzuba. ¹⁶ Pesi eechi nchenchicho chakaambidwe kuzwa kumusinsimi Jowelu: ¹⁷ 'Kuyooba kumazuba akumamanino,' Leza uwamba oobo, 'Ndiyotila muuya wangu aatala anyama yoonse, bana benu balombe abasimbi bayoosinsima, bakubusi bayoobona zilengaano, abamanene benu bayoolota ziloto. ¹⁸ Chanchoonzy balanda bangu bachaalumi abalandabachanakazi mumazuba aayo nindiyotila Muuya wangu, bayoosinsima. ¹⁹ Ndiyotondezyo zigambyo kujulu azitondezyo aanyika, bulowa, mulilo, akawuntumusi kabusi. ²⁰ Zuba liyoosiya amweezi uyooba bulowa, kabutana kusika buzuba bupati bwakuboola kwa Mwami. ²¹ Kuyoba kuti boonse bayita muzina lya Mwami bayofutulwa. ²² Nobaalumi baku Izilayeli, amumvwe majwi aaya: Jesu muNazalata, wakali mwaalumi ngumwakasalilwa a Leza amanguzu mapati antoomwe azigambyo azitondezyo nzyakachita Leza kwiinda mulinguwe akaki kenu, mbubonya mbuli mbomuzi. ²³ Ooyu mwaalumi mwakamupegwa kwiinda mumakanze amuluzibo; andinywe, kwiinda mumaanzaaabatalemeki mulawu, mwakamubambula akumujeya; ²⁴ pesi Leza wakamibusya, wakamwaangununa kumachise aalufu, nkaambo teensi chakalikukonzeka kuti akkalilie

mulindulo. ²⁵ Nkaambo Devidi waamba boobu aatala anguwe, 'Ndakabona Mwami lyoonse kubusyu bwangu, nkaambo uliko kulubazu lwakululyo kuti nsikasunzulusigwi. ²⁶ Nkenkaako moyo wangu wakabotelwa alulimi lwangu lwakakondwa. Alubo, nyama yangu iyookkala mibusichaamba. ²⁷ Nkaambo tokoyoolekela muuya wangu mu Hadesi, nikuba kuyozumina Musalali wako kuti akabone bubozi. ²⁸ Wakachita kuti zizibwe kulindime nzila zyabuumi; uyondipa kuti ndikazule lukondo kubusyu bwako.' ²⁹ Nobayandwa, eechi chililuleme kulindime kuti ngambuule aatala asikale Devidi, wakafwa akuvvikwa, kabanda kakwe mpukachili ambulisunu akati kesu. ³⁰ Nekubaboo, wakalimusinsimi alubo wakalizi kuti Leza wakali wasyomezya muchikonke kulingue kuti, uyoonganika umwi wamumazyalane aakwe uutakkakale aachuuno chakwe. ³¹ Wakabona zyakali kuyanda kuchitika muchiindi chiboola kwaamba aatala abubuke bwa Kkilisito, 'Taakwe pe anakalekelwa mu Hadesi, nuuba amubili wakwe taakwe niwakabola pe.' ³² Ooyu Jesu, Leza ngwaakabusya, uuli ngonguwe toonse ngotuli kaamboni. ³³ Nkenkaako kwiinda mukusumpulwa akubikwa kujanza lyalulyo lwa Leza alubo amukutambula Muuya Uusalala wachisyomezyo kuzwa kuli Wisi, wakatila eechi, eecho nchimubona akumvwa. ³⁴ Nkaambo Devidi taakwe pe naakatanta kuya kujulu, pesi uwamba kuti, 'Mwami wakati kuMwami wangu,' 'Kokkala kujanza lyakuulyo lwangu' ³⁵ mane ndikachite basinkondonyokwe chilyatilizyo chandyatyo zyamawulu aako.' ³⁶ Aboobo, akube kuti yoонse ng'anda ya Izilayeli izibe kuti Leza nguwakamuchita kuba Mwami a Kkilisito, ooyu Jesu ngumwakabambula." ³⁷ Lino nibakamvwa eezi zyoонse, bakayaswa mumyoyo yabo, bakaambilila Pita antoomwe abatumwa boonse bati, "Nobakwesu, tuchite biyeni?" ³⁸ Mpawo Pita wakabaambilila kuti, "Amusanduke, alubo mubbabbatizigwe, umwi awumwi wenu muzina lya Jesu Kkilisito kuti mulekelelwé zibi zyenu, mpawo muyootambula chipo cha Muuya Uusalala. ³⁹ Nkaambo chisyomezyo nchichanan abana banu aboonse bazwa kule, abuvule bwabantu boonse mbatanoli wiita Mwami Leza." ⁴⁰ Aambi majwi miangi wakabapa bukamboni akubalayilila, akaumba kuti, "Amulifutule kuzwa kuli eeli zyalane lyabubi." ⁴¹ Mpawo bakatambula ijwi lyakwe, bakabbabbatizigwa, bakayungizingizwa oobo buunsi bakasanduka kabayeyelwa kusika kuzyuulu zitatu. ⁴² Bakalipeda kunjiisyö zyabatumwa, akubulyidilano, mukukwamuna chinkwa amukukomba. ⁴³ Kuyoowa kwakabawo kumuntu amuntu, antoomwe azigambyo azitondeezyo zyiingi zyakachitwa kwiinda mubatumwa. ⁴⁴ Boonse bakazumina bakali antoomwe kabali aazintu zyoose mukuba aamwi, ⁴⁵ mpawo bakawuzya nzibakali aazyo ambono zyabo, akuzyaabana boonse akati kabo, umwi awumwi mbuli kubula kwabo. ⁴⁶ Mubuzuba abuzuba bakalikulipeda lwabo amaboneno omwe muchikombelo, alimwi bakali kukwamuna chinkwa mamaanda aabo, kabaabana chakulya antoomwe chakukondwa amyoyo iwanganukide; ⁴⁷ bakatembawula Leza akuba aaluzyalo kubantu boonse, alubo mazuba woonse Mwami wakayujngizya mweelwe wabaabo bakalikufutulwa.

3

¹ Lino Pita a Jon bakalikuya muchikombelo muchiindi chakukomba, muwola lyamusau atune. ² Lino umwi mwaalumi wakalemene kuzwa mwida lyabanyina wakali kunoongwa wabwezwaa wakutulwa aamulyango wachikombelo ooyo wakalikutegwa Muboto. Bakalikumutula

mpawaawo abuzuba kuchitila kuti kalikukumbila zipo kubantu banjila muchikolmbelo chazipo. ³ Naakabona Pita a Joni kabalikwaamba kunjila muchikombelo, wakabakumbila zipo. ⁴ Pita wakamulangisisya, kali a Joni, wakati "Tulange." ⁵ Mwaalumi uulemene wakabalanga kalangila kutambula chimwi chintu kuzwa kulimbabo. ⁶ Pesi Pita wakati, "Nsiliva angolide nsikwe pe, pesi nchelaacho ndilakupa. Muzina lya Jesu Kkilisito waku Nazaleta, enda." ⁷ Kamujisi akuboko kwakuchilisy, Pita waka-munyampula, mpawo ingo amawulu aakwe akasima. ⁸ Wakasunkutila mujulu, mwaalumi mulema wakanyampuka wasanguna kweenda, mpawo wakanjila a Pita a Joni muchikombelo kayabweenda, kayabusunkuta akulumbayizya Leza. ⁹ Bantu boonse bakamubona kayabweenda akulum-bayizya Leza. ¹⁰ Bakabona kuti nguwe uulya mwaalumi wakali kukumbila zipo kubantu aaMulyango Mubotu wachikombelo; mpawo bakagamba chakwiindilila nkaambo kachakachitika kulinguwe. ¹¹ Nakachijisilidi kuli Pita a Joni, bantu boonse bakachijanina kulimbabo kubbazu litegwa ndilya Solomoni, kambagambide loko. ¹² Pita nakazibona eezi wakabasandula bantu wati, "Inywe nombaalammi ba Izilayili nkamboonzi nimugamba? Nkamboonzi nimutulangisisya, aanga ndiswe twamuponia amangu eesu nakuti abu Leza bwesu? ¹³ Leza wa Abbulahamu, awa Ayizeki, awa Jakobo, Leza wama taata eesu, wapa bulemu kumulanda wakwe Jesu. Nguwe ngumuwakapeda mwamukaka kubusyu bwa Payileti, aawo we naakasalide kumwaangununa. ¹⁴ Mwakakaka Musalali a Mululami. Pesi mwaka-likumbilila mujayi kuti awangununwe. ¹⁵ Mwakajaya Sikwaanza buumi, ooyo Leza ngwakabusya kubafu, tulibakamboni bazyo eezi. ¹⁶ Nkaambo kalusyomo muzina lyakwe, zina lyakwe lyapa kuti ooyu mwaalumi, ngumubwene akuziba, kuti asime. Lusyomo kwiinda muli Jesu lwamupa bulondozi buboto kunembo lyanu. ¹⁷ Lino nobakwesu ndilikwaamba kuti mwakachita mukutaziba, mbuli mbubakachita batongi benu. ¹⁸ Pesi zintu nzyakaamba Leza kwiinda mumilomo yaba sinsimi boonse, kuti Kkilisito wakwe uzopenzegwa, lino wazizuzikizya. ¹⁹ Amusanduke, aboobo, muboole, nkokuti zibi zyenu zisalazigwe. Kuchitila kuti kwaba zyiindi zyakulyookezya ku Mwami; ²⁰ mpawo ulamutumina Kkilisito ngumwakasalilwa Jesu. ²¹ Ngongue weelede kutambula ajulo mane zintu zyoonse zikabweedezegwe muchimo chazyo, aatala aazintu Leza nzyakaambuula kwiinda mumilomo yaba sinsimi basalala. ²² Mozesi kom-patila wakati, Mwami Leza uzoobusya musinsimi uulimbuli ndime kuzwa aakati kabakwenu. Muyooswiilila zyoonse nzyatakaambe kulindinyewe. ²³ Chiyooba mbubo kuti muntu woonse uutakaleke kumuswiilila ooyo musinsimi uyoonyonyoonwa akati kabantu. ²⁴ Iyii, aboonse basinsimi kuzwa kuli Samuye abaaabo bakazoza musule lyakwe, bakaambula akuz-ibisy aatala amazuba aaya. ²⁵ Mulibana babasinsimi abachizuminano nchakachita Leza abasikale benu, mbuli mbakaamba kuli Abbulahamu kuti, 'Mumbuto yako, azikkalongezegwe mpuli zyoonse zyaanyika.' ²⁶ Leza wakabusya mulanda wakwe wamutumina kulindinyewe sansina, kuti amulongezye moonse akusandula umwi awumwi wenu kuzwa kuzibi zyakwe."

4

¹ Pita a Joni nkabali kwambula kubantu, bapaizyi amuzulwidi wa tempele, aba Sadusi bakabasikila. ² Baka pengana kapati nkaambo Pita a Joni bakali kuyiisa bantu akubakambaukila Jesu akubuka kwakwe

kubafu. ³ Bakabajata bababika muntolongo maane buzuba butobela, nkambo lyakali lyaba goko. ⁴ Pesi bantu biingi bakamvwa aya makani bakasyoma, imweelo wabalumi bakasyoma bakali zyuulu musanu ⁵ Nibwakaba buzuba butobela, bendelezi, bapati abalembi bakabungana aamwi mu Jelusalema. ⁶ Anasi mupayizyi mupati wakaliwo, Kefasi, Joni aa Alekizanda, abaabo boonse nzubo zyamupaizyi mupati. ⁷ Nibakabika bika Pita aa Johani akaati kabo, bakababuzya,” nzizyani nguzu, niliba zina ndimwachita aalyo eezi. ⁸ Pesi Pita, nkazwide Muuya Uusalala, wakati kulimbabo, ⁹ “Inywe nobendeleyi abapati, babantu, kuti mwatubeteka sunu atala amulimo muboto ngutwakachita aliyoyu mwalumi uchiswa, akuti wapona buyeni.” ¹⁰ Ngakuzibinkane kulindinywe moonse akubantu bamu Izilayeli kuti oyu mwalumi uyimvwi kunembo lyanu nkaponede muzina lya Jesu Kilisito wa Nazaleta, Ooyo ngumwakabambula, ooyo Leza ngwakabusya kubafu. ¹¹ Jesu Kkilisito ndibbwae bayaki ndibaka kaaka lyakaba chooko (chiswi) ¹² Takwe lufutuko mumuntu naba omwe, nkambo taakwe zina aansi ajulu lipedwe kabantu nditwelede kufutulwa.” ¹³ Lino nibakalanga busichamba bwa Pita aa Joni, mpawo bakaziba kuti mbantu babuyo, batayiide, bakagamba, nkabazi kuti Pita aa Johani bakali a Jesu. ¹⁴ Nkaambo bakabona mwalumi wakaponesegwa nkayimvvi aambabo, bakabula zyakwamba ataala nzizyo. ¹⁵ Pesi nibakabalayilila batumwa kuti babbude munkuta yabechipala, bakiyya akati kabo. ¹⁶ Bakati, “tuchite buyeni ataala abalumi aaba? Nkambo kamasiimpe alabukamboni bwachitwa ambabo bwazibinkana kubantu boonse bamu Jelusalema” tatumkonzyi kuzikazya. ¹⁷ Pesi kuti zileke kuyakunembo akati kabantu, ngatubachenjezye ikuti batambili naba omwe muzina eeli.” ¹⁸ Lino bakabita Pita a Joni babalayilila kuti batambuli nekuba kuyiisya alimwi muzina lya Jesu. ¹⁹ Pesi Pita aa Joni bakavviila bati kulimbabo, “Saa nchibotu kumeso a Leza kuswiilila ndinywe kwiinda nguwe, amuli beteke. ²⁰ Tatukonzyi kuti tuleke kwambula atala azeezi zintu nzitwakamvwa akubona.” ²¹ Nibakaba sinizya Pita a Joni, bakabaleka beenda. Tebakajana mulandu uyanda chisubulo, nkaambo bantu boonse bakali kutembaula Leza azeezyo zyakachitwa. ²² Oyo mwalumi wakajana oku kupona wakali aminyaka iyiinda kumakumi oone akuzyalwa. ²³ Nibakanganunwa, Pita aa Joni bakaza kulibamukowa wabo mpawo bakubambilza zyoonse mupati wabapayiizyi abapati nzibakabambila. ²⁴ Lino nibakamvwa eezi, bakoompolola ajwi limwi kuli Leza mpawo bati, “Mwami, wakalenga majulu aanyika alwizi, azyoonse zilimbuli nzizyo. ²⁵ webo owakambula a Muuya Uusalala kwindila mumulomo wabalande bakwe, taata wesu Davida, ‘Nkambonzi, inyika zyabamasi nizyanyema, abantu bayeeya zintu zitanambene.’ ²⁶ Ibaami banyika bakakkala aansi aamwi, Ibendeelezi bakabungana aamwi kukulwania Mwami, alimwi a Kilisito wakwe.’ ²⁷ Ninchonzyo, aba bibili Helodi aa Pontiyasi Payileti, antomwe abamaasi bakabungana aamwi muchisi cha Izilayeli, kukwimikilana amulanda Uusalala Jesu, munanike wako. ²⁸ Bakabunganamwi kuti bachite zyoonse eezyo luboko amabambe aako nguwakakanzide kale kale achiindi chibola atachitike. ²⁹ Lino, Mwami, laanga inchenjezyo yabo alimwi ubape busichaamba balanda bako kuti bambule ijwi lyako. ³⁰ Tandabika luboko lwako kuti uponie akubapa zitondezyo azigambyo kwindilila muzina lyamulanda wako Uusalala Jesu.” ³¹ Nibakamana kukomba, busena boonse bwakazula a Muuya Uusalala mpawo bakamba jwi lya Leza abusichaamba. ³² Mweelwe mupati wabaabo bakasyooma bakaba

amoyo amuya woomwe. Takwe naba oomwe wakamba kuti nchakalacho nhichakwe, pesi bakalijisi zyelelne mubube bwabo. ³³ Munguzu mpati batumwa bakakambauka bukamboni atala abubuke bwa Mwami Jesu, aboobo luzyalo lupati lwakaba mulimbabo boonse. ³⁴ Akati kabo katakwe wakabula kufumbwa chiintu, nkambo boonse bakajisi nyiika amaanda bakaasambala mpawo beeta mali yanzezyo nzibakawuza. ³⁵ Mpawo bakatula kumawulu abatumwa, mpawo yakabwa kulumwi awumwi mbuli mukubula kwakwe. ³⁶ Jozefu, mu Levi, ooyo batumwa ngubakalikuti Bbanabbasi (zina lilabupanduluzi ibuti mwana wabusungwazyi) mu-Levi, mwalumi waku Sayipulasi, ³⁷ wakasambala muunda wakwe mpawo waketa mali witula kumawulu abatumwa.

5

¹ Lino umwi mwalumi uutegwa Ananiyasi, nkali a Safila mwanakazi wakwe, bakawuza chimpanzi chabuvubi, ² alimwi wakabamba musule chimpanzi chamuulo wamali (mwanakazi wakwe kabiyo wakalizizi ezi), alimwi wakeeta chimpanzi chazyo alimwi wakachibika kumawulu amu abatumwa. ³ Pesi Pita wakati, "Ananiyasi, nkambonzi satani naazuza moyo wako kuti ubeje ku Muuya Uusalala alimwi kuti ubambe musule chimpanzi chamuulo wamuunda? ⁴ Niwalikusyaala nkawutawuziziwe, tensi wakayimvwi kawuli wako, alimwi akuzwa nkawuli wawuzigwa, saa wakali munsi lyanuzu zyako? Nwani oyo wabika eyi milimo mumoyo wako? Teensi wabejela muntu pesi kuli Leza." ⁵ Naakamvwa majwi aya, Ananiyasi wakawida aansi mpawo wayoya kwakumaninsizya, alimwi kuyoowa kupati kwakasika kuli boonse bakamvwa eezi. ⁶ Balombe bakanyampuka alimwi bamuvunilizya, alimwi bakamubweza alimwi bakumuvvikka. ⁷ Nikwakiinda biyo otatwe mahoola, mwanakazi wakwe wakanjila, katezi kuti niinzi zyachitika. ⁸ Pita wakati kulinuwe, "Ndibuzye naanka mwawuza muunda azeezi, "wakati, "Iyii, azeezi." ⁹ Mpawo Pita wakati kulinuwe, "Mbuubuli mbumwazuminana moonse kuti musunke muuya wa Leza? Bona mawulu abaalumi bavvikka mulumi wako ali amulyango, alimwi bayokubweza ayebo." ¹⁰ Mpawo mpawo wakawida ansi kumawulu aakwe alimwi wakayoya kwakumaninsizya. Elyo baluumi nibakanjila, bakamujana nkafwide, alimwi bakamubweza alimwi bakumuwwikka kumbali lyamulumi. ¹¹ Kuyoowa kupati kwakasika akatti kayoonse imbungano alimwi aakati kaboonse aabo bakamvwa eezi. ¹² Zyingi zitondezyo alimwi azigambyo zyakalikuchitika akati kabantu kwinda mumaanza abatumwa. Bakali antoomwe kumulyango wa Solomoni. ¹³ Pesi takwe wabo wakaba aachiyandisyo chakuba antomwe ambabo; nikuba boobo bantu bakabalemeka. ¹⁴ Kabiyo biingi basyomi bakali kuyungizizigwa ku Mwami, bantu biingi bechalumi mpawo abanakazi, ¹⁵ nkokuti bakali kubweza bachiswa muchisi alimwi babalazika aabulo amuzitobo, kuchitila kuti awo Pita nayosika, muzuzumbwe wakwe wayino wida alibamwi babo. ¹⁶ Mpawo bakasika kabiyo antomwe bantu biingi bazwa muchisi chilafwifwi a Jelusalema, nkabeeta bachiswa alimwi abaabo bajisi aa myuya yamatombé, alimwi balikuponesegwa boonse. ¹⁷ Pesi mupayizi mupati wakanyampuka, mpawo aboonse abo bakali anguwe (aabo benkamu yama Sajusizi); alimwi bakazwa munyono ¹⁸ alimwi bakabika maanza aatala lyaba tumwa, mpawo babawala muntolongo yakazibinkene. ¹⁹ Elyo muchindi chamansiku mungelo wa Leza wakajula mulyano wentolongo alimwi wakabagwisya aanze, mpawo

wakati, ²⁰ "Mwiinke, mwime muntempele mpawo mwambule kubantu majwiwoonse abuumi." ²¹ Nibakamvwa eezi, bakanjila muntempele nkakuli kwamba kucha mpawo bayiisa. Pesi mupayizi mupati wakasika mpawo ababo bakali anguwe, alimwi bakayita mulubeta antomwe, boonse bapati babantu bamu Izilayeli, mpawo babatuma kuntolongo kuti bakeete batumwa. ²² Pesi bakapokola abo bakayinka tebakabajana pe munto-longo, mpawo bakaboola kukuzowamba, ²³ "Twajana intolongo mbuli mbukwelede kazijalidwe kabiyo balindizi kabiimvwi amulyango, pesi nitwajula, twajana takwe pe ulimukati." ²⁴ Lino basilumamba bentempele antomwe abapayizi bapati nibakamvwa aya majwi, baka bulikilwa atala ambabo kuti mbobuli mbubanga balazwa kulinzizyo. ²⁵ Elyo umwi wakasika mpawo wabaambilila, "Balumi aabo mbimwakabika mukkati kentolono balimvwi mukkati kantempele mpawo balikuiisya bantu." ²⁶ Eelyo silumamba wakiinka aamwi abakapokola, mpawo wababoozya musule, pesi kakutakwe kulwana, eelyo nkabayowede kuti balabatulula mabwe. ²⁷ Nibaka beeta, baka bakkazika munsi ababtesi. Mupayizi mupati wakaba buzisisya, nkati, ²⁸ "Twalayilila ndinywe a mulawu kuti mutayisyi muzina eeli, mpawo lino mwazuzya Jelusalema enjiisyio achiyandisyo chenu alimwi mwayeya akweeta bulowa bwamwalumi oyu atala Iyesu." ²⁹ Alimwi Pita abatumwa bakasandula, "Twelede kulemekka Leza kwinda muntu. ³⁰ Leza wabamataata wakabusya Jesu, oyo numwakajaya akumwanzika mumusamu. ³¹ Leza wakamunyampula kubbazu lyakuchilisylo kuti abe mwana wa Mwami mpawo amufutuli, kuti ape kusanduka ku Izilayeli, mpawo akulekelelwakwazibi. ³² Ndiswe bakamboni bazeezi zintu, mpawo ngu Muuya Uusalala, oyo Leza ng-wakapa kulibaabo bamulemeka." ³³ Eelyo bazuluzi bamwi nibakamvwa eezi, bakanyema alimwi bakayanda kujaya batumwa. ³⁴ Pesi mufalisi uutegwa Gamaliyeli, muysi wamulawu oyo wakalikulemekwa aboonse bantu, wakanyampuka mubazuluzi mpawo wakalayilila batumwa kuti bagwisigwe kwakiindi kanini. ³⁵ Mpawo wakati kulimbobo, "Nobaluumi bamu Izilayeli, amuswilizye loko kuli nzimwa zuminana kuti muchite kubantu aba. ³⁶ Nkambo musule amazuba aya, Tewudasi wakanyampuka nkali kuyanda kuba uumwi, mpawo bantu biini, basika myaanda iine, bakaba antomwe anuwe. Wakajayigwa, eelyo boonse abo bakali kumulemeka baka mwayisiwampawo kwakamana. ³⁷ Nikwakazwa ooyu mwalumi, Judasi waku Galili wakanyampuka mumazuba akabalwa kwabantu mpawo wakachunzya kule abantu kuzwa kulinuwe. Alakwe wakajayigwa, mpawo boonse abo bakali kumulemeka bakamwayika. ³⁸ Lino ndamba kulindinywe, ikuti muye kule kuzwa kubantu aba mpawo ubayiisye abalikke, kjuti aya mabambe naa mulimo kuti nkazili zyamuntu, ziyoswegwa. ³⁹ Pesi kuti nkazili zya Leza, tamukoyo kkonyza pe kuzimwaya; moyojana kuti munoyolwana a Leza." Eelyo bakazuminha. ⁴⁰ Eelyo bakayita batumwa mukkati alimwi babawuma mpawo babalayilila kuti taba nochambuli muzina lya Jesu, mpawo bakabaleka beenda. ⁴¹ Bakaya kule kuzwa musule abazuluzi nkaba boteledwe kuti bakali baswanana kabiyo akupenzegwa akuwisya bulemu bwezina. ⁴² Kuzwa wawo woone mazuba, mukkati kentempele alimwi kuzwa kung'anda akung'anda, bakali kwinkilila anembo akuyobuyiisya alimwi akuyobumwaya milumbe mibotu kuti Jesu ngu Kkilisitu.

6

¹ Lino kumazubayo nobakali kuyabuvula basikwiya ba Giliki bakatalisya kutongawukila ba Hebbulayo, nkambo bamukabafu bakuli mbabo bakatongawuka amakan azyakulya nzibakali kupewa buzuba abuzuba zyakuliwasya. ² Balikkumi ababili bakayita basikwiya boonse mubwiingi bwabo babambila cuti, "Tachili chibotu cuti iswebo tuleke ijwi lya Leza nkambo kamakan azyakulya. ³ Aboobo bakwesu mulede kusala balumi bali musanu ababili akati kanu. Balumi bali ampuwo mbotu, bazwide Muuya usalala antomwe awabusono, abo mbitutabike mumulimu oyu. ⁴ Kwalo iswebo, tulinkilila kunembo lyonse akukomba akukambawuka ijwi lya Leza." ⁵ Eno ijwi lyabo lyakabotezya nkamu yabantu boonse. Aboobo bakasala Sitivini mwalumi uwzide lusyomo alimwi a Muuya Uusalala, a Filipi, a Pulokkolas, Nikkanoli, Tayimoni, Pamenasi, antomwe a Nikkolasi, mukombi wachi Juda wakali kuzwa ku Antiyokki. ⁶ Basyomi bakabayimika balumi aba kumawulu abatumwa, mpawonya bakabakombela alimwi bakabikka manza alimbabo. ⁷ Elyo ijwi lya Leza lyakayinkilila kunembo aboobo basikwiya bakavulisyu mu Jelusalemu ababo bapayizi bayingi bakali bombya akusyoma. ⁸ Lino Sitivini kazwide luzyalo anguzu, wakali kuchita zigambyo zipati azi-tondezyo akati kabantu. ⁹ Pesi bakanyampuka bamwi bantu baku chikombelo chaambwa cuti nchikombelo cha Fulidimeni, wakuba Saylini akuba Alekizandiliya, antomwe abamwi bazwaku Silisiya aku Ezziya. Aba bantu bakali kukazyania a Sitivini. ¹⁰ Pesi tebakalikwe nguzu pe zyakukazyania abusongo a muuya walikwambula muli Sitivini. ¹¹ Mpawo bakapa bamwi balumi masinkamulomo kabati, "Twakamumvwa ulamba majwi akusampawula Mozesi alimwi kambula bubi atala a Leza." ¹² Bakasungilizya bantu abapati, abalembi bayinka, bamujata Sitivini bamweta kulubeta. ¹³ Bakeeta bakamboni basikubeja, kabamba kabati, "Oyu mwalumi taleki pe kusampawula busena obu busalala amulawu. ¹⁴ Nkambo twakamumvwa kaamba cuti Jesu waku Nazalera uyobumwaya busena obu, asandule ziyanza zyakatupa Mozesi. ¹⁵ Boonse bakakkede mulubeta bakamulangisisya, babona busyu bwakwe bwasanduka bwaba mbuli busyu bwamungelo.

7

¹ Mupayizi mupati wakati, "Makani aya ngakasimpe na?" ² Sitivini wakati, "Nobakwesu anomataata, mundiswilizye: Leza wabulemu wakalibonia kuli taata wesu Abbulahamu kali ku Mesopotamiya, katana kukkala mu Halani; ³ wakati kulinguwe, "Longa uwwe munyika yakulindinye abantu bakulindinye, mpawo uye kunyika njensikakutondezye." ⁴ Mpawo wakazwa wasiya inyika yaba Kkaludiya akuyokkala ku Halani, kali nkuko oku wisi nakawa, Leza wakamweeta munyika omuno mumukkede lino. ⁵ Takwe nakamupa cuti ibelukono lwakwe pe, nikuba mweenya wakuti alyate kulinjiyo. Pesi wakamusyomezya - cuti uzomupa nyika eyi cuti ibe lukono lwakwe amazyalani akwe, nikuba takalina kuba amwana pe - kuchindi echo mpakati uzomupa nyika eyi mbuli lukono kulinguwe akumazyalani ayotabela nguwe. ⁶ Leza wakambula anguwe anzila eyi cuti bana bakwe bayokkala munyika yabwenzu, akuti bana banyaika eyo bayobajata buzike akabapenzya kapati kwaminyaka ili myanda iine. Leza wakati, ⁷ "Pesi ndiyobeteka musyobo wabantu abo ibayobajata buzike, kuzwa awo bayozwa bazoze omuno

bazondikombe mibusena obuno.' ⁸ Mpawo Leza wakapa Abbulahamu chizuminano chabupalule, elyo Abbulahamu wakazyala Ayizeki mpawo wamupalula mubuzuba bwamusatu aatatu; Ayizeki wakazyala Jakkobbu, mpawo Jakkobbu wakazyala ibalikkumi ababili. ⁹ Lino nkambo kakuti Jozefu, bananyina bakamuchitila ibbivwe bakamuuzya ku Ijiputi, pesi Leza wakali anguwe ¹⁰ wakamuvuna kuzwa kumapenzi akwe. Wakapa Jozefu choolwe abusongo kunembo lya Falo, mwami waku Ijiputi, iwakamusala kuba mwendelezi mu Ijiputi aatala lyempuli yakwe. ¹¹ "Lino kwakaba bbalanwe, amapenzi mapati mu Ijiputi yoonse amu Kkenani, mpawo bamataata bakabulikilwa chakulya. ¹² Pesi Jakobbu nakamvwa kuti ku Ijiputi kuli chakulya, wakatuma bamataata kulwendo lutanzi. ¹³ Mulwendo lwabo lwabili Jozefu wakalitondezya kubakulana baklwe, mpawo wakabazibya kuli Falo. ¹⁴ Mpawo wakatuma bakulana bakwe kuti babwede bakaambile wisi kuti aze ku Ijiputi, antomwe abanzubo zyakwe bonse, kabali mweelwe wabantu bali makumi ali musanu aabili abantu bali musanu. ¹⁵ Lino Jakobbu wakayinka wakukkala mu Ijiputi wakufwida mumo, welwakwe abamataata. ¹⁶ Bakabwenzegwa batolwa ku Shekkemu bakubambwa mukabanda ka Abbulahamu nkakawula amuulo wansiliva kuzuba kubana ba Hamoli mu Shekkemu. ¹⁷ Lino nichakamba kuzulila chindi chachisyomezyo nchakali waamba kuli Abbulahamu, bantu bakakomena akuvula mu Ijiputi, ¹⁸ lumwi kwaba uumbi mwami wakeendeleyza Ijiputi mwami utakwe anchakalizi pe azya Jozefu. ¹⁹ Wakeena bantu besu akubamanikizya kuti bazibye kuzyalwa kwabana bacheche kuchitila kuti abajaye. ²⁰ Muchiindi nchicho echo Mozesi wakazyalwa wakali kweebeka loko kubusu bwa Leza, wakalondolwa kwamyezi iitatu mung'anda yawisi. ²¹ Eelyo nakagwisigwa aanze, mwana musimbi wa Falo wakamutangila akumukomezya mbuli mwana wakwe mulombe. ²² Mozesi wakali yiide mulibonse busongo bwaba Ijiputi, mpawo wakabasinguzu mumajwi akwe amumilimu yakwe. ²³ "Pesi nakaamba kuzulizya minyaka ilimakumi aane wakayeyea mumoyo wakwe kuti aswaye babunyina ibayalani lya Izilayeli. ²⁴ Wakabona mu Izilayeli kalo kutamizigwa, Mozesi wakamuvuna mu Izilayeli nyina, wakali kupenzegwa mpawo wajaya mu Ijiputi: ²⁵ Wakachita eezi kayeeyanga bantu bamukowa wakwe balaziba kuti Leza kwindila mukuboko kwakwe uyobapa lwangunuko pesi bo tebaka zimwisisisya pe. ²⁶ Mubuzuba butobelwa wakabona balumi bibili kabalo kulwana, wakeezya kubavuna chaluumuno wat, "Nobalumi, muli bantu bamwi biyo, nkambonzi nimulokuchisana lwanu lwanu?" ²⁷ Pesi ulya umwi wakali wabisizya mwenzinyina wakamutontela kule mpawo wat, "ngwani wakakusala kuti ube mwendelezi konotubeteka? ²⁸ Uyanda kundijaya na andime mbulimbwakajaya mu Ijiputi ulya ijilo? ²⁹ Lino Mozesi nakamvwa obu wakachija, wakakuba muzwakule munyika yaba Midiyani oko nkvakakuzyala bana balombe babili. ³⁰ Elyo nikwakinda minyaka ilimakumi aane angelo wakalibonia kuli nguwe munkanda yakuchilundu cha Sinayi mumabangabanga amulilo kali muchiteeyo. ³¹ Lino Mozesi nakabona mulilo, zyakamuumba eezi, mpawo nakalikuya buswena awfifwi kuti abonesesye loko, kwakazwa ijwi lya Mwami lyakati, ³² "Ndime Leza wabamawuso, Leza wa Abbulahamu awa Ayizeki a Jakobbu." Mozesi wakayoowa takwe nakayanda kulanga lubo pe oko. ³³ Lino Mwami Leza wakati kulinguwe, gwisya insangu kumawulu aako, nkambo abusena mpoyimvwi mbusena busalala. ³⁴ Ndabona loko kupenzegwa kwabantu bangu balimu Ijiputi;

Ndamvwa kukwila kwabo, alimwi Ndasika kuza kuzobavuna; kwalino kweza, Ndilakutuma ku Ijiputi.³⁵ Oyu Mozesi nguwe ngubakakkaka nibakamba kuti, "Ngwani wakakubikka buzuluzi amubetes?" - nguwe ngwakatuma Leza kuti abe muzuluzi amuvuni. Leza wakamutuma kwinda mukuboko kwamungelo iwakalibonia kuli Mozesi muchiteyo.³⁶ Mozesi wakabazulwida wabagwisya mu Ijiputi, nakachita zigambyo azitondezyo mu Ijiputi akuLwizi lwa Matete, amunkanda muminyaka ili makumi aane.³⁷ "Oyu Mozesi ngonguwe wakaamba kuti kuba Izilayeli, 'Leza uyomupa müsinsimi kazwa akati kababunyina, müsinsimi uli mbuli ndime.'³⁸ Oyu ngomwalumi wakali mukwiizya amungelo wakali kwambula awe atala achilundu cha Sinayi, iwakali aamwi abamataata, iwakatambula imajwi apona kuti atwambile iswebo.³⁹ "Pesi bamataata bakakaka kumuswiliyya; bakamutontela kule kuzwa kulimbabo, mpawo mumyoyo yabo bakabweda ku Ijiputi.⁴⁰ Echo chindi bakambil Aalon kuti tupangile baleza batatuzulwide. Oyu Mozesi, wakatugwisya mu Ijiputi tatuzi pe ichachitika kulinguwe.⁴¹ Lino bakapanga kanamani kumazuba ayo baleta chipayizyo kuli nkako, mpawo bakakondwa nkambo kamiliimo yamaboko abo.⁴² Pesi Leza wakachengunuka mpawo wakapeda kukomba nyenyezi zyamulengalenga, mbuli mbukulembedwe mubbuku lyabasinsimi kuti, "Mwakandipana zipayizyo zyamitumba yabanyama kwaminyaka ilii makumi aane munkanda, inywebo nobana ba Izilayeli?⁴³ Mwakatambula chikombelo cha Moleki antomwe anyenyezi yaleza waLafani, azikozyanio nzimwakapanga kuti muzikcombe: alimwi Ndiyomubweza nkamwiinzye mu Bbabbiloni.⁴⁴ Bamataata bakaliji idumba lyabukamboni munkanda, mbuli Leza mbwakalayilila nakaambula a Mozesi kuti welede kuchita mbuli mabambil ngaakabona.⁴⁵ Musule lyayaaya, bamataata, kabali ansi lyabuzuluzi bwa Johuwa, bakatambula idumba lyakubunanina baza alyo nibakakona bulono bwanyika. Leza wakabweza bulongo wanyanza misyobo yabantu bakalikulkala mumo wabatanda kubusu bwamataata. Elidumba lyakaliwo munyika omuno kusikila kuchindi cha Devidi,⁴⁶ oyu wakajana cholwe kubusu bwa Leza, mpawo wakumbila kuti ajane busena bwakukkala bwang'anda ya Jakobbu.⁴⁷ Pesi ngu Solomoni wakayaka ing'anda ya Leza.⁴⁸ Nekuba obo, Sijulu lyamajulu takkali mung'anda iyakwa amaboko, mbuli mbwaamba müsinsimi kuti,⁴⁹ "Ijulu nipande lyangu mpawo inyika ngimalyatililo amawulu angu. Musyobo uli weng'anda unga ulandiyakila? Mbwamba Mwami, an, mbobuli busena bwakulyokezya kwangu?⁵⁰ Temaboko angu na akachita zintu eezzi zyoonse?⁵¹ Inywebo nobasichizindwe, nobasyajumumoyo, noba nkunulumatwi, chindi chonse mulakaka Muuya Uusalala; mulijisi inchito zyabamawuso.⁵² Nguuli wabasinsimi ngubatakwe nibakapenzya bamawuso? Bakajaya basinsimi bakalibonia katana kusika pe Ululeme, mpawo lino mwaba basikumwaba abasikumujaya,⁵³ Inywebo nobantu ibakatambula mulawu oyo wakabikwa aba angelo, mpawo mwakachilwa kuulondola?"⁵⁴ Lino baalu bebboma nibakamvwa makani aya, bakanyongana mumyoyo bamulumina ntwino Sitivini.⁵⁵ Pesi welwakwe, kazwide Muuya Uusalala, wakalungumana kujulu mpawo awo wabona bulemu bwa Leza. Elyo wakabona Mwami Jesu kayiimvvi kululyo lwa Leza.⁵⁶ Sitivini wakati, "Mulange, ndabona majulu kajulidwe, a Mwana amuntu ulimvvi kululyo lwa Leza."⁵⁷ Kuli ezi baalu bebboma bakasinka matwi aabo, bompoolola ajwi pati, bakachijana kuli nguwe amoyo umwi.⁵⁸ Bakamugwisizya aanze changuzu batanguna kumutulula mabwe, Bakamboni bakabika zisamo zyabo kumawulu amulombe

uutegwa Sawulo.⁵⁹ Lino nibakali kumutulula mabwe, wakali kusompezya kuli Leza kat, "Mwami Jesu tambula muuya wangu."⁶⁰ Wakafugama wayita ajwi ip[ati wasikuti, "Mwami, mutabapi mulandu pe kuchibi eechi nchibahita." Lino nakamaninsya kwamba makani aya, wakona mpawo.

8

¹ Sawulo wakati muchizuminano chalufu lwakwe. Nkabela kwakatalika mubuzuba obo kupenzegwakupati ambungano zyakali mu Jelusalema; mpawo basyomi bakamwayika kumasenawoonse a Judiya a Samaliya, kusiya batumwa. ² Balumi basyomi bakamuzikka Sitefani akumulila kapati. ³ Asi Sawulo wakeezya kunyoonyona mbungano. Wakali kunjila mumaanda, kasunga boonse baalumi abanakazi, akubabikka muntolongo. ⁴ Echo chiindi bazumini bakali mumasena asiyene-siyene bakeenda kabaya bukambawuka makani a Leza. ⁵ Filipo wakeenda kuchisi cha Samaliya akukambawuka kulimbabo azya Kkilisito. ⁶ Makamu abantu bakali kupa afwifwi kuswilila kuli zyakali kwaambwa a Filipo; kabali amuzeego omwe ngubakamvwa kulinguwe, alimwi bakabona zitondezyo nzayakachita. ⁷ Myuuya isofwede yakazwa abiingi bakali kkedwe, kulila kapati ajwi lyakoompolola, abiingi bakalebukide azilema bakasilikwa. ⁸ Eelyo kwakaba kubotelwa kupati muchisi eecho. ⁹ Asi kwakali umwi mwalumi muchisi wakali kutegwa Sayimoni, wakali kuchita zyabusondi; wakali kugambya bantu bamu Samaliya kali kulyaamba kuti wakali mwalumi ulemekeka. ¹⁰ Boonse ba-Samaliteni, kuzwa kubanini abapati, bakaliya kulinguwe; bakati, "Ooyu mwalumi sa ninguzu zya Leza nziali kutegwa mupati." ¹¹ Bakaswilizya kulinguwe nkambo wakabagambya kwachiindi chipati abusondi bwakwe. ¹² Asi nibakasyoma Filipo kalungulula makani mapati mabotu atala abwami bwa-Leza azina lya Jesu Kkilisito, bakabbabbatizingwa, boonse balumi abanakazi, ¹³ alakwe Sayimoni lwakwe wakasyoma, alimwi nakamana kubbabbatizingwa wakkala kwachiindi kabalamwi a Filipo. Nakabona zitondezyo azigambyo zyakachitika abusena, wakagamba. ¹⁴ Lino batumwa bamu Jelusalema nibakamvwa kuti baSamaliya batambula makani mabotu a Leza, bakatumwa kuli mbabo Pita a Jowani. ¹⁵ Nibakasika, bakabakombela kuti batambule Muuya Uusalala. ¹⁶ Muchindi echo, Muuya Uusalal twkalinaba ali umwi wabo; bakali kubbabbatizingwa kupela muzina lya-Mwami Jesu. ¹⁷ Mpawo Pita a Jowani bakabikka maanza abo amitwe, alimwi bakatambula Muuya Uusalala. ¹⁸ Lino Sayimoni nakabona kuti Muuya Uusalala wakapegwa akubikkwa maanza amitwe abatumwa, wakabapa mali. ¹⁹ Wakati, "Amundipe andime inguzu ezi, kuti kufumbwa ngunditabikke maanza alinguwe atambule Muuya Uusalala." ²⁰ Asi Pita wakati kulinguwe, "Insiliva yako ifwidilile antoomwe anduwe, nkambo wayeeya kujana chipego cha Leza amali. ²¹ Tojisi chabilo nebuba busena kumakani aya, nkambo moyo wako tululeme kunembo lya Leza. ²² Nkambo kaako, sanduka kububi bwako obu, ukumbile kuli-Leza, kuchitila kuti ambweni walikukulekelela kuyeyya kwamoyo wako. ²³ Nkambo ndabona kuti uli mubuyoka bwamachise amubwange bwamililandu. ²⁴ Sayimoni wakasandula wati, "Amundikombele ku-Mwami kuti kutabi nichiba chomwe chichitika kulindime aali nzimwamba." ²⁵ Aboobo nibakasinizya akwamba makani a Mwami, Pita a Joni bakabweda ku-Jelusalema, baya bukambawuka makani mabotu mumyunzi myingi yaba Samaliteni.

²⁶ Lino angelo wa-Leza wakambila Filipo wati, "Nyampuka uye kumusanza, kumugwagwa uwaku Jelusalema uyaku Gaza." (ooyu mugwagwa ulimunkanda.) ²⁷ Wakanyampuka akweenda. Lino kwakali mwalumi waku-Etiyopiya, muzibe wamwami mupati wa Kkandasi, namalelo waba Etiyopiya. Nguwakali mulangi walubono lwakwe loonse. Wakaza ku-Jelusalema kukukomba. ²⁸ Wakali kubwed, kakkede munkalaki, nkayabubala mulugwalo lwa- musinsiim Isaya. ²⁹ Muuya wakambila Filipo kuti, "Sweena ube awfifwi ankalaki eeyi." ³⁰ Nkabela Filipo wakachijana kaya kuli nguwe, alimwi wakamvwa kabala kuli-Isaya musinsimi, eeno wati, "Ulamvvisisisya na nzolokubala?" ³¹ Nkabela muzibe wakasandula Filipo kuti, "Ino ndilakonzya buti, kaatakwemuntu unditondez?" Mpoonya aawo wakatamba Filipo kuti akkale anguwe munkalaki. ³² Lino chandano ncakali kubala ncheechi; wakeenzegwambuli kabelele kaya kukujayigwa, Ambuli kabelele kawumuna kunembo lya ugela, Nkabela awalo takambula, ³³ Kukulyeetezya kwakwe takabetedekwe kaboutu, Nguni oyu amba izyalani lyakwe? Nkambo buumi bwakwe bwagwisigwa ansi. ³⁴ Nkabela muzibe wakamuvwila Filipo wakati, "Ndilokubuzya, ino nguni ngwaamba musinsimi kumakani aya sa ulyaamba lwakwe mwini, na uwamba umbi?" ³⁵ Filipo wakatalika kwambula, wasanguna kulugwalo olu ndulonya kumukambawukila a-Jesu. ³⁶ Nobakali kweenda mumugwagwa, bakasika kwakali meenda. Muzibe wakati, "Bona ngaya meenda, nchiinzi ino ichinga chilandikkachizya kubbabbatizingwa?" ³⁷ Filipo wakati, "Na wasyoma amoyo wako woonse ulakonzya. Muzibe waksandula, "Ndasyoma kuti Jesu Kkilisito ngu-Mwana wa-Leza." ³⁸ Nkabela Muzibe wakalayilila kuti inkalaki iyimikile, bakaseluka akunjila mu-maanzi, kabali babili Filipo amuzibe, wakamubbabbatizya. ³⁹ Nibakazwa mumeenda amuzibe, Muuya wa-Mwami wakakwempa Filipo, muzibe takachili kumubona limbi, asi wakatozya munzila yakwe kaya bubotelwa. ⁴⁰ Asi Filipo wakabonwa ku-Azotusi. Akwinda mugundu, elyo lyoonse uyabukambawuka makani mabotu mane wasika ku-Sizaliya.

9

¹ Pesii, Sawulo mbwalikwambula ziyoosyo akujaya basikwiya baMwami, ² wakiinka kubapaizi bapati alimwi kuyokumbila magwalo amuzumizya kuya kuzikombelo zyabajuda zyaku Damasiko, kucitila kuti naswaana bazumini naba mwaalumi naba mwanakazi, akabange akubatola ku Jelusalema. ³ Nakacili kuyabwinka, nakasika awfifwi a Damasiko, mpawompawo kwakaboneka mumuni konse konse uzwa kujulu; ⁴ alimwi wakawida aansi alimwi wakangwa ijwi lyakamwambila kuti, "Sawulo, Sawulo, undipenzenzyanazi me?" ⁵ Sawulo wakasandula, "Nduweni, Mwami?" Mwami wakati, "Ndime Jesu ngolikupenzya; ⁶ pesi buka, unjile mucisi, uyowambilwa zyakuchita," ⁷ Baalumi bakalikweenda a Sawulo bakayowa bakagamba, kumvwa ijwi, Asi kabatabwene muntu. ⁸ Sawulo wakabuka kuzwa ansi, alimwi nakajula meso akwe, takwe nchakabona; mpawo bakamujata kuboko bamuzulwida akwinka awe ku Damasiko. ⁹ Kwamazuba otatwe takalikubona pe, nekuba kulya naanka kunywa. ¹⁰ Kwakaliko sikhwiya ku Damasiko walikutegwa Ananiyasi. Mwami wakamwambila mucilengano, "Ananiyasi." Wakavuwa, "Bona, ndilano, Mwami." Mwami wakati kulinguwe, ¹¹ "Buka, uynke kunzila iitegwa Sitileti, kung'anda ya Judasi ukabuzye muntu utegwa Sawulo waku Tasasi nkambo ulakomba. ¹² Wabona muchilengano mwalumi

utegwa Ananiya ulanjila akubika maanza kuti abone alimwi.” ¹³ Asi Ananiyasi wakasandula kuti, “Mwami ndakamvwa biangi loko amuntu oyu, abubi mbwakachitila basalali bako baku Jelusalemu. ¹⁴ Ulijisi bwami mbwakapegwa kubapayizi bapati bwakwaanga boonse abakomba kuzina lyako.” ¹⁵ Asi Mwami wakati kulinguwe, “Yinka, nkambo ndamusala kuba chibelesyo changu; akubana ba Izilayeli; ¹⁶ Nkabela ndiyomutondezya ziyingi-ziyiingi nzyayeelede kuyopengela zina lyangu. ¹⁷ Nkabela Ananiyasi wakiinka, wakunjila munganda. Wamubika maboko wati, “Sawulo mukwesu, Mwami Jesu, wakalibonya kulinduwe munzila njwakazeyo, wandituma kuti ubone alimwi uzule muuya Uusalala.” ¹⁸ Mpawo kwakazwa kumeso akwe aabanga mapapa, wabona; wakabuka akubbizigwa; ¹⁹ alimwi akulya wajana nguzu. Ino wakakkala mazuba amwi abasikwiya bamu Damasiko kwamazuba. ²⁰ Ndilyo wakakambauka muzikombelo zyaba Juda, kuti Jesu mwana wa-Leza. ²¹ Boonse bakamuswilila bakagamba akwamba kuti, “Tensi nguwe wakajaya mu Jelusalema basikukomba muzina eli?. Akokuno wazida kubatola kabangidwe kubapayizi bapati.” ²² Asi Sawulo wakali kuya bukomema munguzu, wakabayinde kunguzu akuleta lupyopyongano kuba Juda bakakkede mu Damasiko kusiniriza kuti Jesu ngu Kkilisito. ²³ Nakamana mazuba minggingi, ba Juda bakakanza kumujaya. ²⁴ Pesi Sawulo wakaziba kukanza kwabo. Bakalikulindila milyango sikati amansiku kuti kuti bamujaye. ²⁵ Pesi basikwiya bakwe bakamutola mansiku akumuselusya abulambo muchisuwo. ²⁶ Lino Sawulo nakasika ku Jelusalema, wakayezya kuswanana abasikwiya, pesi bakamuyoowa boonse, tebakali kusyoma ngusikwiya. ²⁷ Pesi Bbanabbasi wakamubweza wamutola kubaapositolo, waba lungulwida Sawulo mbakabona Mwami munzila akuti wakambula awe, ambwakali achaamba chakukkambawuka mu Damasiko muzina lya-Jesu. ²⁸ Elyo wakakuya buzelengana abo, mukati aanze a Jelusalema. Wakambawuka echamba muzina lya Mwami Jesu, ²⁹ alimwi wakambula akukazyania abama Juda; pesi abalabo bakasoleka kumujaya. ³⁰ Elyo nebakamvwa obo babunyiina, bakamutola kuli Sizaliya akumutuma ku Tasasi. ³¹ Nkabela, ino mbungano yamu Judiya moonse, amu Galilaya, amu Samaliya yakaba aluumuno akuyakwa; akwenda chakuyowa Leza akutobelua mumuuya Uusalala, mbungano yakayungizigwa. ³² Mukuya kwechiindi, Pita nakayenda kumasena oonse, wakasika alimwi kubasalali baLeza bakakkede mu Lida. ³³ Oko wakakujana mwalumi utegwa Eniyasi, wakalede aabulo bwakwe kwaminyaka ilimusano ayitatu, kalebukide mubili. ³⁴ Pita wakamwambila kuti, “Eniyasi, Jesu Kkilisito wakuponia. Buka uyalule bulo bwako,” ndilyo wakabuka. ³⁵ Nkabela bakamubona boonse abakkede mu Lida amu Shaloni, bakasandukila ku Mwami. ³⁶ Ino mu Jopa kwakaliwo sikhwiya walikutegwa Tabita nkokuti “Dolika.” Oyo mwanakazi wakalizwide milimo mibotu ayaluzyalo ndwakali kuchitila bafwaba. ³⁷ Kumazubayo wakachiswa akufwa; Nebakamusanzya, bakamuka munganda yamujuju. ³⁸ Lino mbokuli kufwifwi ku Lida kuyaku Jopa, alimwi basikwiya nobakamvwa kuti Pita wakaliko, bakamutumina baalumi bobile kuyomukombeleyza kuti, “utachedwi kusika kulindiswe.” ³⁹ Pita wakanyampuka wakinka ambaaabo. Nkasika, bakamutola kunganda yamujuju, boonse bamukabafu bakayima kubbazu lyakwe akulila, akumutondezya zibaki ezyakusuma nzyakali kusuma Dolika nakachili abo. ⁴⁰ Pita wakabatandila anze boonse, wakasandukila kumutunta, wakati; “Tabita, buka.” Mpawo wakajula meso akwe,

akubona Pita wakkala. ⁴¹ Pita wakamupeda janza akumwimika; nakaayita basalali abamukabafu, wakamubikka kalimuumi kunembo lyabo. ⁴² Ezi zyakamvwigwa moonse mu Jopa, lino bantu bingi loko bakasyoma ku Mwami. ⁴³ Lino Pita wakkala mu Jopa mazuba miangi loko kuli Sayimoni musuki wazikumba.

10

¹ Lino kwakali umwi mwalumi wamuchisi chaku Sizaliya, wakali kutegwa Kkoneliyasi, mwendelezi wabasilumamba balimwaanda baku Itali. ² Wakali mwalumi ulipede, akuyoowa Leza antomwe abang'anda yakwe, wakali kupa mali kulibabo bakali kubula, alimwi wakali kukomba God lyoonse. ³ Achindi chamahola ali musanu aane kuseni, wakabona chilengano chamungelo wa Leza kaza kulinguwe. Mungelo wakati, "Kkoneliyasi!" ⁴ Kkoneliyasi wakalangisisya mungelo alimwi chakuyowa kapati wasikuti, "Uwambanzi, yomwalumi?" Mungelo wakati kulinguwe, "Inkombyo abwabi bwako kubafwaba zyasika kujulu mbuli chipo chaku yeeyegwa mubuliwo bwa Leza. ⁵ Lino tuma balumi kuchisi chaku Jopa bakandetele mwalumi utegwa Sayimoni utegwa Pita. ⁶ Ukkala amusuki uwuzikidwe kuti Sayimoni, ulaang'anda ili awfifwi ankomwe yalwizi." ⁷ Eelyo mungelo wakaambula kulinguwe nakeenda, Kkoneliyasi wakayita babeleki bakwe bobile bamunzi, alimwi asilumamba umwi wakali pedelede akati kabonse bakali kumubelekela. ⁸ Kkoneliyasi waka baambila zyoonse zyakachitika mpawo wabatuma kuti bayinke ku Jopa. ⁹ Lino mubuzuba bwakatobela achiindi chamahoola alimusani alimwi, kabachili mulwendo Iwabo alimwi kabali babafwifwi achisi, Pita wakatanta mung'anda yamujuju kuyokomba. ¹⁰ Mpawo wakaba enzala kayanda kulya chimwi nchanga ulalya, pesi bantu bakachili kujika chakulya, wakapegwa chilengano, ¹¹ alimwi wakabona julu lijulikide mpawo achibikilo chakalibonia, chakali mbuli mucheka mupati kuyobuseluka kuuza enyika kuujisi mabazu awo aane. ¹² Malinguwo kwakali banyama bamisyobo yoonse bakali amawulu aane azinyama ziyavula anyika, alimwi abayuni bawuluka mujulu. ¹³ Eelyo kwakasika ijwi kuli Pita lyasikuti, "Buka, ujaye alimwi ¹⁴ uulye." Pesi Pita wakati, "Peepe, Mwami; nkambo takwe nindakalyide chintu chisofwede pe alimwi chitasalali." ¹⁵ Pesi ijwi lyakamusikila lubo kachibili lyasikuti: "Echo Mwami Leza nchakasalazya, toyelede pe kuchaamba kuti chilisofwede." ¹⁶ Eezi zyakachitika tutatu; eelyo chibikilo chakabwedezegewa lubo kujulu. ¹⁷ Eelyo Pita naka chili kuzilikila chilengano nchakabona kuti chakali kwambanzi, amubone, balumi aabo bakatumidwe a Kkoneliyasi bakalimwwi amulyango, kabali kubuzya inzila iya kung'anda. ¹⁸ Bakasompezya mpawo babuzya naa Sayimoni uitegwa Pita, wakali kukkala mpawo na. ¹⁹ Awo Pita nakachili kuyeeya azyechilengano, Muuya wakamba kuti kulinguwe, "Langa, balumi batatu balikuyandula nduwe. ²⁰ Buka useluke uyende aabo. Uta doneki pe kweenda abo, nkambo ndili batumide." ²¹ Elyo Pita wakaseluka wayinka kubalumi wakubaambila kuti, "Ndendime oyo ngumulokuyandula. Mwazi-daanz?" ²² Bakati, "Mwendelezi wabasilumamba balimwaanda, utegwa Kkoneliyasi, mwalumi musalali oyo uyowa Leza, alimwi oyo wamba abubotu kunyika yoonse yama Juda, wakapegwa mulumbe kuzwa kuli Leza mukwinda mumungelo usalala oyo wakapa kuti tutumwe kuti webo ubole kung'anda yakwe, kuti akaswilile mulumbe kuzwa kulinduwe."

23 Lino Pita wakabayita kuti baze bazokkale amwi. Mubuzuba bwakatobela, wakabuka mpawo winka ambabo, alimwi bamwi babunyina bazwa ku Jopa bakamusindikila. 24 Mubuzuba butobela bakasika ku Sizaliya. Kkoneliyasi wakali balindide; wakali watamba baluzubo lwakwe antoomwe abenzinyina baafwifwi. 25 Awo Pita wakanjila, Kkoneliyasi wakamutambula mpawo wawida aansi amawulu akwe, wakomba. 26 Pesi Pita wakamubusya wamba kuti, "Buka! Ambebo ndili muntu biyo." 27 Eelyo Pita naakachili kwambula anguwe, wakanjila mpawo wajana bantu bakali bungene aamwi. 28 Wakabambilila kuti, "Inywe lwanu mulizizi kuti takuzumininwi pe kuti mwalumi mu Juda ayenzyanie amwenzu nikuba kumuswaya. Pesi Mwami Leza wakanditondezya kuti nsyelede pe kwamba muntu naba umwi kuti uli sofweede nikuba kumwamba kuti ngu simatombe. 29 Nchenchicho nchindakaza kanditakazyi pe, nimwakandiita. Pesi ndibuya nchimwakandiita." 30 Kkoneliyasi wakamba kuti, "Musule amazuba aane muhola ndilyo eli, ndakali kukomba muhola lyamusatu aane mung'anda yangu; Amubone, mwalumi wakayima kunembo lyangu kasamide chibaki chabayima. 31 Wakaamba kuti, "Kkoneliyasi, nkombyo yako yamwigwa a Leza, abululami bwako bwayeeyezya Mwami Leza atala anduwe. 32 Lino tuma umwi ayinke ku Jopa, akakwitile mwali utegwa Sayimoni ulezina litegwa Pita. Ukkala mung'anda yamusuki wazikwiye wiitwa kuti Sayimoni, kumbali lyankomwe yalwizi." mpawo mpawawo ndakakutumina bantu. Kulangunukide kuti uze. 33 Lino obuno, toonse mpotuli ano kunembo lya Leza kuti tumvwe zyonse nzimwaka layililwa kuzwa ku Mwami." 34 Mpawo Pita wakamba kuti, "Chakasimpe, Ndakabona kuti Leza talangi chiimo. 35 Anukuti, Munyika imwi ayimwi kufumbwa umuyoowa akuchita bululami ulatambulika kuli nguwe. 36 Mulilizi ijwi ndyakatumizya kubantu baku Izilayeli, awo nakali kwambuuula makani mabotu alumuno mukwinda muli Jesu Kkilisito, Mwami wazyonse - 37 inywe ilwanu mulizizi zyakachitika, zyakaba munyika yoonse yamu Judiya, kazitangunina mu Galili, Joni nakazwa kwambula azyalubbizyo; 38 ezyo zyakali atala a Jesu waku Nazaleta, kuti mbobuli Leza mbwakamunanika a Muuya Uusalala antomwe anguzu. Wakayita zintu zibotu akuponesya abo boonse bakali kutamizigwa aba siluuni a satani, nkambo Leza wakali anguwe. 39 Tuli bakamboni bazintu zyonse eezyo zyakachitwa a Jesu, munyika yama Juda alimwi amu Jelusalema. Bakamujaya mpawo bamulengeleya amusamu, 40 pesi Mwami Leza wakamubusya mubuzuba bwatatu akumuchita kuti abonwe, 41 pepe kubantu boonse, pesi kuti kubakamboni abo bakasalidwe kale a Mwami Leza - andiswe andiswe nitwakalya anguwe kali wabuka kuzwa kubafu 42 Wakatwambilila kuti tukabambile bantu alimwi akwambisyia kuti oyu ngonguwe wakasalidwe a Mwami Leza kuti abe mubetesi wabachipona abakafwa. 43 Nkulinguwe nkukwakaba kuti basinsimi bonse bambule majwi mayingi azyakwe, kuchitila kuti boonse bamusyobo ma bakatambule lulekelelo Iwazibi zyabo mukwinda muzina lyakwe." 44 Eelyo Pita nakachili kwambuuula zintu ezi zyonse, Muuya Uusalala wakaba selukila abo boonse bakali kuswilizya nzyakali kwambula. 45 Abo bantu boonse bakali munkamu yabakali palwidwe abakali basyomi - boonse bakazide a Pita - bakagamba, nkambo Muuya Uusalala wakabasikila abalabo bamaasi mpawonya awo. 46 Nkambo bakamvwa bamaasi abalabo kabaambula mumilaka imbi kabalumbayizya Mwami Leza. Mpawo Pita wakasandula wasikuti, 47 "Mpalina muntu uunga

ulakasya meenda kuti bantu batabbiziope, aaba bantu batambula Muuya Uusalala antomwe andiswe?" ⁴⁸ Lino wakalayilila kuti babbizigwe muzina lya Jesu Kkilisito. Eelyo bakamukumbila kuti bakkale amwi kwamazuba mingi.

11

¹ Lino batumwa ababunyina bakali mu Judiya nebakamvwa milumbe yakuti bamaasi batambula ijwi lya-Leza abalabo. ² Pita nakasika muchisi cha-Jelusalema, inkamu yabapalwidwe yakamupa mulandu. ³ Yakamwambila kuti, "Walivwelengania akulya abantu batapalwiidwe!" ⁴ Pesi Pita wakabalungulwida mubunikide, "Kuti, ⁵ ndalikukomba mudolopo lya-Jopa, mpawo ndatondezegwa chilengano chachibikkilo kachiseluka aansi, mbuli mulembo uzwa kujulu ulampeto zyoone. Wakaselukila kulindime. ⁶ Ndakawulangisisya, Mpawo ndayeyesya aatala anguwo. Ndakabona banyama balamawulu oone baansi, banyama bamusokwe, bayavula ansi, abayuni bawuluka bakujulu. ⁷ Mpawo ndakamvwa ijwi kaliti nyampuka, Pita jaya mpawo ulye! ⁸ Ndakati, "tachelede pe, Mwami, tachiwope chisofwede kana chitasalali chakali chanjila mumulomo wangu." ⁹ Pesi ijwi lyakavuwa lubo kuzwa kujulu, kaliti, eecho Leza nchasalazya, toyelede kuchaamba kuti chilisofwede; ¹⁰ Eechi chakachitika tutatu mpawo zyoonse zyakabwedezezwa kujulu lubo. ¹¹ Mpawo aawo kwakali balumi botatwe bakiimvvi an'anda mputwaki-imvvi, Bakatumwa kuzwa ku Sizaliya kabaza kulindime. ¹² Muuya wakandilayilila kuti yiinka ambabo, mpo nsyelede kulisiyaniisa pe ambabo. Aba bakwesu balimusanu awumwi bakeenda andime, mpawo twakanjila munganda ya umwi mwalumi. ¹³ Wakatwambila mbakabona mungelo uyimvvi mukati kanganda yakwe mpawo kalokuti, "Tuma balumi ku Jopa mukaze a Sayimoni utegwa Pita. ¹⁴ Uzokwambila makani ayo aazochitya kuti iwe abanganda yako mufutulwe. ¹⁵ Nindakatalika kwambulaabo, Muuya Uusalala wakaselukila alimbabo, mbubonya mbuli mbuwakachita alindiswe kumatalikilo. ¹⁶ Ndakayeeya majwi a Mwami, mbuli mbaakamba, Joni nhobeni wakababbabbatizya a meenda Pesi nywe ndamubbabbatizya a Muuya Uusalala. ¹⁷ Aboobo na kakuli Leza wakabapa zipo mbubonya mbakapa ndiswe awo nitwakasyoma ku Mwami Jesu Kkilisito Ndakalini mpundanda kayinokazyania a Leza? ¹⁸ Nibakamvwa zintu, eezi, takwe nchibakakonzya kwamba nikuba nsandulo, pesi bakalumbaizya Leza bati, "Leza wabapa buumi bwakusanduka kwabamaasi aabazwakule." ¹⁹ Lino bakamwayikide nkambo kamakatazyo akabukila akambo kazyakali zyachitika kule mbuliku Fonesiya, Sayipulasiaku-Antiyokki kabayo bukambawukila ba-Juda. ²⁰ Pesi bamwi babo, balumi baku Sipulasi a Sayilini bakasika ku Antikkeya bakambawukila aba Giliki, kababambilaka makani mabotu aatala amwami Jesu. ²¹ Akuboko kwa-Leza kwakalambabo; makamu makamu abantu akasyoma akuza ku-Mwami. ²² Impuwo ataala ambaabo zyakasika kumatwi ambungano mu-Jelusalema, mpawo bakatumwa Bbanabbasi kuyosika ku - Antiyokkiya. ²³ Nakasika wakabona luzyalo lwa-Leza, wakabotelwa alubo akubasung-wazya boonse kuti bayiime mu-Mwami amyoyo yabo yoonse ²⁴ Nkambo kakuti wakali mwalumi ululeme uzwide Muuya Uusalala alubo kalalusyomo abantu biangi bakayungizigwa ku-Mwami. ²⁵ Mpawo Bbanabbasi wakaya ku Tasasi kukuyandula Sawulo, ²⁶ Nakakumujana, wakamubozya ku Antiyokku. Zyakachita obo kwamunyaka wonse bakali kubungana

amwi ambungano akuyisya bantu biingi. Basikwiya mpobakatalikila kwambwa kuti mbaKkilisito.²⁷ Lino muli ayo mazubabamwi basinsiimi bakakunuka kabazwa ku-Jelusalema kabaya ku Antiyokku.²⁸ Umwi wabo, utegw Agabbasi, wakimikila kali watondezegwa a Muuya Uusalala kuti kuzoba nzala impati anyika yoonse. Eechi chakachitika kumazuba a Kkilawudiyasi.²⁹ Nkabela basikwiya, umwi awumwi mbuli mbakakonzya kupa, bakatumizya banyiina baku Judiya.³⁰ Bakachita oobu, bakatumizya mali kubazululi bambungano kwindilila mumanza a Bbanabbasi a Sawulo.

12

¹ Lino kuchindi echo Helodi mwami wakaanga bamwi babunyina mumbungano kuti abapenzye ² Wakajaya Jemusi mwanaakwabo aceheeba ³ Nakabona kuti echi chakabotezya bamaJuda, wakayinkilila kunembo akwaanga Pita alakwe. Ayo akali mazuba chibunge chitakwe bumena. ⁴ Nakazwa kukumwanga, wakamubikka muntolongo wamutula kuli basikulinda ntolongo bane kuti bamulinde, walikuyanda kumweeta kubantu kukumana kwa Pasika. ⁵ Aboobo Pita wakalijiswi muntolongo, pesi inkombyo zyabasikumukombela kuli Leza, zyakendelela anembo muchikombelo. ⁶ Kumansiku ngawo Helodi katana mutola kukubetekwa Pita wakalilede akati kabasilumamba babili, kaangidwe amakketani aabili mbubonya basikumulinda kabali kunembo amulyango wentolongo, balikkede kabalinda intolongo. ⁷ Amubone, mutumwa wa Leza wakalibonia kulinguwe, alimwi mumuni wakalibonia muntolongo. Wakawuma Pita kumwi kubbazu wamibusya akumwambila kuti, "Buka akufwambana nkabela makketani anzyakangidwe zyakazwa mumaboko." ⁸ Mungelo wakati kulinguwe, buka uliyabike, uwzate alimwi usame insangz yako. Pita wakachita mbubo. Mungelo mbwakamba kuti zwata ijansi lyako unditobele. ⁹ Aboobo Pita wakatobela mungelo akwinka awe aanze. Taakazibe pe kuti eecho chakachitwa amungelo chakali chakasimpe. Wakayeya anga ulikubona chilengano. ¹⁰ Nibakayinda amulindizi wan-tolongo mutanzi awabili, bakasika amulyango wabutale unjila mumunzi mpawo wakalijula awulikke. Bakabbuda aanze bakunuka amugwagwa nkabela mungelo wakamusiya mpawawo alikke. ¹¹ Awo Pita nakalibona lwakwe, wakabambilka kuti, "Lino ndaziba kasimpe kuti mwami Leza watuma mungelo wakwe akundanganuna kukuboko kwa Helodi akuli zyonse ba Juda nzibakali kulangilila." ¹² Nakabona echi wakaya kung'anda ya Maliya banyina Johani uiyitwa kutegwa Makki, oko bantu biingi nkubakabungene kabalo kukomba. ¹³ Nakakonkomona akkoma lyamulyango, musimbi, mulanda utegwa Loda wakasika kukuvviila. ¹⁴ Nakaziba ijwi lya Pita, kwinda mukubotelwa, wakakachilwa kujula kkoma, kwinda kuti ajule mulyango, wakachijana kubweda mung'anda, wakwamba kuti Pita ulimvwi amulyango. ¹⁵ Mpawo bakati kulinguwe, "Wasuwigwa," nikuba boobo wakakaftila kuti mbubo mbundaamba. "Bakati mungelo wakwe." ¹⁶ Pesi Pita wakinkilila anembo akukonkomona, alimwi nibakajula kkoma, bakamubona bakagamba. ¹⁷ Pita wakatambika ijanza kukubawumuzya, mpawo wakatanguna kubalungunwida Mwami mbakamuwisya muntolongo. Wakati, "Amumwambile zintu ezi Jemusi abakwesu." Mpawo wakazwa awo akuya kuli bumwi busena. ¹⁸ Lino nibwakacha, takwe nikuba kanini kakachizya akati kabasilumamba

kuli zyakachitikene kuli Pita. ¹⁹ Helodi nakamana kumuyandula akutamubona, wakabuzya kuli basikulinda ntolongo akulayilila kuti bajigwe. Wakakumuka kuzwa ku Judiya kaya ku Sizaliya mpawo wakakukkala nkuko. ²⁰ Lino Helodi wakanyemena loko bantu baku Taya a Sidoni. Bakayinka kulinguwe kabali amakanze omwe, nkabela kuzwa awo bakasungilizya Bbulasitasi, mugwasyi wamwami, kuti abagwasizye, bakakumbila lumuno nkambo inyika yabo chakulya cheyo chakali kuzwa kunyika yamwami. ²¹ Mubuzuba bwakabambidwe Helodi wakasama chizwato chabwami mpawo wakakkala aachuno chabwami; wakamba achakubambilola. ²² Bantu bakoompolola, "Eeli ndijiwi lyakaleza pepe lyamuntu!" ²³ Achakufwambana munelo wamwami wakamura, nkambo takapa bulemu pe kuli Leza; wakaligwa aziyokaansi elyo wakafwa. ²⁴ Pesi ijwi lya Leza lyakayunizigwa akuvula. ²⁵ Aboobo Bbanabbasi a Sawulo nibakamaninsya mulimu wabo bakabweda kuzwa ku Jelusalemu, amwi malembe achiindi awamba kuti bakabweeda ku Jelusalema bayinka a Joni uyitwa kuti Makki.

13

¹ Lino muchikombelo mu Antiyokki, kwakali bamwi basinsimi abayisi, Bakali Bbanabbasi, Simiyoni (utegwa Nayija), Lusiyasi waku Sayilini, Manayemi (mwananyina wa Helodi mu tetilaki) a Sawulo. ² Nibakali kukomba Mwami Mwami akulyiimya kulya, Muuya Uusalala wakati, "Mundibamble bwanzeeene Bbanabbasi a Sawulo, bachite mulimo oko nkundabayita." ³ Nibakamana kulyiimya kulya, kukomba, akubika maboko aabalumi aaba, bakabatuma kuzwa. ⁴ Nkinkako Bbanabbasi a Sawulo, kabali batumwa kunze a Muuya Uusalala, bayinka aansi ku Selusiya; kuzwa oko bakayamba kuya ku Seyipulasi. ⁵ Nibakali mudolopo lya Salamasi, bakakambawuka ijwi Leza muzikombelo zyama Juuzi. Bakali a Joni Makki mbuli mugwasyi wabo. ⁶ Nibakamana kwenda kasuwa koonse kusikila ku Pafosi, bakajana umwi mwalumi simusamu, musinsimi mubeji wechi Juda, wakalezina lyakuti Bbaa Jizasi. ⁷ Oyu siminsamu wakalijisini amwendelezi wachisi, Sejiyasi Pawulasi, oyo wakali mwalumi musongo loko. Oyu mwalumi wakapa mulandu kuli Bbanabbasi a Sawulo, nkambo wakali kuyanda kumwua ijwi lya Leza. ⁸ Pesi Elimasi "simisamu" (obu mbombubo mbulyakili kutolelekewa izina lyakwe) wakabakazy; wakeezya kusanduula nzila yabeendelezi bachisi kuzwa kulusyomo. ⁹ Pesi Sawulo, utegwa Pawulo alimwi, kazwide Muuya Uusalala, wakamulangisinya kapati ¹⁰ akwamba kuti, "Iwee mwana satani, uzwide misyobo yoonse yalweno abulizi. Nduwe sinkondonyina wayoonse misyobo yabululami. Tokoyoleka pe kumonya inzila ziluleme zya Mwami, uyoleka na? ¹¹ Kwaino boona, kuboko kwa Mwami kuli atala alinduwe, alimwi uyooba moofu. Tokoyobona izuba kwakayindi." Mpawawo Elimasi wakawidwa sikunkwe amudima; nakatalika kwendeenda kuyanduula bantu kuti bamukwele kuboko. ¹² Musule akubona zyakachitika mweendelezi wachisi, wakasyoma, nkaambo wakagamba kukuiisiga aatala a Mwami. ¹³ Lino Pawulo abenzinyina bakatalika kuyamba kuzwa ku Pafosi akuza ku Pega mu Pamfuliya. Pesi Joni wakabasiya alimwi wabweeda ku Jelusalema. ¹⁴ Pawulo abenzinyina bakeenda kuzwa ku Pega akusikila ku Antiyokki yaku Pisidiya. Oko bakanjila muchikombelo mubuzuba butegwa Sabata akukkala ansi. ¹⁵ Musule akubalwa kwamulawu abasinsimi, bazu-luzi bechikombelo bakabatumina mulayizyo, kabati, "Nobakwesu, kuti

kamujisi mulayiizyo wakusungwazya kubantu bali aano, amuwambe." ¹⁶ Nkiinkako Pawulo wakimikila akuumuzya akuboko kwakwe; wakati, "Nobalumi bamu Izilayeli andinywe nimulemeka Leza, amumvwe. ¹⁷ Leza wabantu aba ba Izilayeli wakasala bamataata akuchita bantu kuti bayule awo nibakakkede munyika ya Ijiputi, alimwi akuboko kunyampwidwe wakabazulwida kuzwa munyika njiyo. ¹⁸ Kwaminyaka ilimbuli makumi oone wakakkala ambabo munkanda mulusaka. Amwi malembe aansiku awamba boobu, kwamyaaka ilimbuli makumi one wakabalela mulusaka na loonde. ¹⁹ Musule akujaya izisi zili musanu azibili munyika ya Kkenani, wakapa bantu besu inyika yabo kuti bakkone. ²⁰ Zyonse inchito ezi zyakachitika mumyaaka myanda yone amakumi musanu. Musule azintu zyonse ezi, Leza wakabapa babetesu mane kwazoba Samiyele musinsimi. ²¹ Mpawo bantu bakakumbila Mwami, alimwi Leza wakabapa Sawulo mwana wa Kkishi mulombe, mwalumi uzwa kumusyobo wa Bbenjamini, kuti aabe mwami kwamyaaka makumi one. ²² Musule akuti Leza wamugwisya mubwami, wakanyampula Deviti kuti abe ngomwami wabo. Kwakali atala a Deviti mwana wa Jese mulombe kali mwalumi utobela moyo wangu, kuchita zyoonse nzyendiyanda kuti achite.' ²³ Kuzwa kulunyungu lwayooyu mwalumi Leza weeta mufutuli, Jesu, mbuli mb-wakasyomezya kuyochita. ²⁴ Kakutana kuba kuboola kwa Jesu, oyo Joni ngwakakambawuka atala alubbabbatizyo lwakulilesya kubantu boonse ba Izilayeli. ²⁵ Awo Joni nakali kumaninsya mulimo wakwe, wakati, 'Muyeeya kuti ndimeni? Teensi ndime oyo pe. Pesi muswilizye, nguumwi uza musule lyangu uuli aansapato zyakumawulu nzyesyeleli kumwangununa pe.' ²⁶ Nobakwesu, bana bamulongo wa Abbulahamu, abaabo bali mukati kenu balemeka Leza, zili kuli ndiswe kuti mulumbe walufutuko olu watumizigwa. ²⁷ Nkaambo aabo bakkala mu Jelusalemu abazuluzi abasinsimi tebakamuziba pe, alimwi bakazuzikizya ayo majwi abasinsimi ayo abalwa mumasabata woонse akumuniaka. ²⁸ Nikuba kuti tebakajana kaambo kamwelo wakuijigwa bakayita Pilato kuti amujaye. ²⁹ Nibakamaninsya zyonse zintu zyakalembedwe atala angewe, bakamuseluzya amunsamu akumulazika muchuumbwe. ³⁰ Pesi Leza wakamibusya kuzwa kubafu. ³¹ Wakaboneka kwamazuba miingi ababo bakali baza awe kuzwa ku Galili kuya ku Jelusalemu. Aba bantu lino baba bakamboni bakwe kubantu. ³² Nkiinkako tuli kumwambila makani mabotu, ichisyomezyo chakaza kumataata ³³ watuzuzikizizya iswe, abana babo, mukibusya Jesu. Mboli mbukulembedwe muli Ntembaudu: 'Uli mwana wangu mulombe, sunu ndaba Wuso.' ³⁴ Mukuti wakamibusya kuzwa kubafu tachibwedeli pe, Leza wakambuula muli eyi inzila: 'Ndiyomupa izisalala alimwi zyanchoonzyo zilongezyo zyakasyomezegwa kuli Deviti.' ³⁵ Nkinkako nchawamba lubo muli imwi Intembawuzyo, 'Tokoyozumizya Musalalai wako pe kuti akabone kubola.' ³⁶ Nkambo awo Daviti nakali wabelekela ziyanidisyo zya Leza muzyalane lyakwe mwini, wakoona ing'onzi; wakalazikwa amwi awisi alimwi mubili wakwe wakamvwa kubola. ³⁷ Pesi kuloyo ngwakabusya Leza takwepe nakamvwa kubola. ³⁸ Nkinkako leka chizibinkane kuli ndinywe, bakwesu, kuti kwinda muli oyu mwalumi kuli kambawukidwe kuli ndinywe ilu lekelelo lwa zibi. ³⁹ Kuli nguwe woонse muntu usyoma ulilulamikidwe kuzwa kuzintu zyonse ezyo mulawu wa Mozesi nziwakakachilwa kukululamika. ⁴⁰ Elyo nkinkaako mubone kuti chakaambwa abasinsimi tazichitiki pe kuli ndinywe. ⁴¹ 'Amubone, nobadyamizi, alimwi mugambe alimwi mufwe mpawo: Nkambo ndili

kweeta mulimo mumazuba eenu, imulimo ngomutakabule kusyoma pe, nikuba kuti umwi muntu wawambilizya kuli ndinywe.”⁴² Awo Pawulo a Bbanabbasi nibakeenda, bantu bakabakumbila kuti bazowambe lubo majwi nyayaayo musabata iitobela.⁴³ Niwakamana muswangano wachikombelo, bwingi bwaba Juda abasikulipeda bakatobela Pawulo a Bbanabbasi, aabo bakambuula abo akubasungwazya kuti bayinkilile anumbo muluzyalo lwa Leza.⁴⁴ Mubuzuba ibutegwa Sabata yakatobela, kubanga idolopo lyonse lyakali bungene antoomwe kuti bamvwe ijwi lya Mwami.⁴⁵ Awo ba Juda nibakabona lubunga lwabantu, bakazula bbivwe akwambuula kabakazya zintu zyakaambwa a Pawulo akumutukila.⁴⁶ Pesi Pawulo a Bbanabbasi bakambuula chamanguzu kabti, “Kwakeelede kuti ijwi lya Leza kalyaambwa kusanguna kuli ndinywe. Mukubona kuti mula litabulula kuzwa kulindinywe akulibona kamuteledwe buumi bulakujulu, amubone, tuyobweeda kuli basizibi.⁴⁷ Nkambo mbombubo mbatulayilila Mwami, wati, “Ndasala mbuli mumuni wabasizibi, kuti mweete lufutuko kumasena akunze anyika.”⁴⁸ Awo basizibi nibakamvwa ech, bakabotelwa akusalazyza ijwi lya Mwami. Mbuli biingi bakasalwa kubuumi bwakujulu bakasyoma.⁴⁹ Ijwi lya Mwami lyakendelezegwa muchengelelo choonse.⁵⁰ Pesi ba Juda bakeenena banakazi balipedelede kubwime bwajulu abalumi bazuluzi badolopo. Bakasungwaazya kusyonsegwa kwa Pawulo a Bbanabbasi akubagwisya muchenelelo chabo.⁵¹ Pesi Pawulo a Bbanabbasi bakakunkumuna lusuko kuzwa kumawulu aabo mukukazyania ambabo. Mpawo bakaya kudolopo lyaku Ikkoniyanu.⁵² Alimwi basikwiyya bakazuzigwa alukondo alimwi a Muuya Uusalala.

14

¹ Izyakachitika mu Ikkoniyanu Pawulu a Bbanabbasi bakanjila aamwi m uchikombelo chaba Juda bakambuula munzila eeyi yakuti makamu mapati aaba Juda aba Giliki bakasyoma.² Pesi ba Juda bakatalikuswilila bakanyongania mizeezo yamasi akubachita kuti banyemena bakwabo.³ Abobo bakakkala nkuko kwachindi chilamfu, kabawambula ijwi lya Lezaachaamba kabali anguzu zya Leza, kali kubapa bukamboni bwa-makani aluzyalo lwakwe. Wakachita ech, akubapa zitondezyo azigambyo mukwindila mumaboko a Pawulu a Bbanabbasi.⁴ Pesi bantu bamunzi bakaanzanza; bamwi bakayaama kuba Juda, pesi bamwi kuba tumwa.⁵ Antomwe bamasi aba Juda (antomwe abazulwidi babo) bakeezya kutabajata obotu akubatulula mabwe,⁶ pesi mbubakachibona eechi, bakachijila kumadolopo a Likkoniya amyunzi yaku Lisitiya a Debbe abusena buzungulukide,⁷ oko nkubakayinkilila anembo akukwambula makani mabotu.⁸ Ku Lisitiya kwakali mwalumi wakkede aansi, katakwe nguuzu kumawulu akwe, kali mulema kuzwa kukuzyalwa mwida lyabanyina, takwepe nakeendede.⁹ Oyu mwalumi wakamvwa Pawulu kawambula. Pawulu wakamulangisisya aboobo wakabona kuti uli aalusyomo lwakuti ukonzya kuponesegwa.¹⁰ Mpawo wakati kulingue ajwi pati, “yimikila amawulu ako.” Mpawo oyu mwalumi wakasotoka wendeenda.¹¹ Lino makamu makamu abantu nakabona Pawulu nzyakachita, bakoompolola, amajwi aabo, muchambuuzyo chaku Likkoniya, “Ba leza baza mbuli muntu mpawo baza kulindiswe.”¹² Eelyo Bbanabbasi bakamuzika izina lyakuti ngu “Zewusi,” alimwi Pawulu bakamuti ngu “Hemesi,” nkambo nguwe wakali mukambawusi mupati.¹³ Mupayizi waku Zewusi, wakali aa chikombelo chakali aanze amunzi,

wakayeta musune atununkilizyo kumilyango; lwakwe amakamu makamu balikuyanda kupayila. ¹⁴ Pesi kwaino batumwa ba Bbanabbasi a Pawulu, nibakazimvwa, bakadelula zizwato zyabo mpawo bakayinka chakufwambana mukati amakamu, bakakalala kuti, ¹⁵ "Nobantu, nkambonzi nimulikuchita eezi? Aswebo tulibantu bali achimo mbuli ndinyewe. Tuli kumukambawukila makani mabotu kuti muzwe muzintu zitagwasyi muze kuli Leza upona, iwakalenga majulu, inyika, lwizi, azyonse zili mukati. ¹⁶ Muysiindi zyakayinda, wakazuminina zisi zyonse kwenda munzila zyabo. ¹⁷ Pesi mbubonya, we takaliside katakwe bukamboni, muzibotu zyonse nzyakamuchitila zibotu kumupa mvula kuzwa kujulu amichelo ziindi zyonse, akuzuza myoyo yanu azilyo, alukondo." ¹⁸ Nikuba amajwi aya, Pawulu a Bbanabbasi bakakasya makamu abantu kuti kabachipayila kulimbabo. ¹⁹ Pesi bamwi baJuda baku Antiyokkiya aku Ikkoniya bakaza kuzosungilizya makamu makamu. Bakatulula Pawulu akumukwelela anze amunzi, bakayeeya anga wafwa. ²⁰ Aboobo basikwiya bakali muzyungulukide, wakabuka akunjila mumunzi. Izuba litobelwa, wakayinka ku Debbe aamwi a Bbanabbasi. ²¹ Nibakamana kwambula makani mabotu kuli ooyo munzi akuchita abasikwiya biingi, bakabweda ku Lisitila, aku Ikkoniyyamu, alimwiaku Antiyokki. ²² Bakayinkilila kunembo akusimya myuuya yabasikwiya akubasungwazywa kuti bayimikile mulusyomo, kabambakuti, "Twelede kunjila mubwami bwa Leza kwindila mumachise amakatazyo miangi." ²³ Nibakabasalila bapati mumbungano zyonse, akukomba akulyimya kulya antomwe ambabo, bakabasyoma ku Mwami oyo ngubakali kusyoma. ²⁴ Mpawo bakayinda mu Pisidiya akuyosika ku Pamfuliya. ²⁵ Nibakamba ijwi mu Pega, bakakunukila ku Ataliya. ²⁶ Kuzwa oko bakazubukila ku Antiyokki oko nkubaka-pedekezedwe luzyalo lwa Leza nkambo kamulimu ngubakamaninsya. ²⁷ Nibakasika ku Antiyokki bakasbungania imbungano antomwe, bakatalika kupandulula zintu zyonse Leza nzyakachita ambabo, ambwakajulila bamasi mulyango walusyomo. ²⁸ Mpawo bakakkala chiindi chilamfu abasikwiyya.

15

¹ Bamwi balumi bakakunuka kuzwa ku Judiya kabaya ku Antiyokki kabayiisa basyomi kabaamba kuti, "Na temwapalulwa mbuli mbuwamba mulawu wa Mozesi tamukonzyi pe kufutulwa." ² Echi chakachita kuti Pawulu a Bbanabbasi abalumi aaba bakazyanie kpati akubonesyania. Nkabela Pawulu a Bbanabbasi, antoomwe abamwi akati kabo, bakatumwa ku Jelusalema kuti bakaswanane aba Tumwa abaalu bambungano akubuzya atala ankani eeyi. ³ Nobakatumwa ambungano bakayinda ku Foyenisiya amu Samaliya kabaya bulungulula kusanduka kwabamaasi bakeeta lukoondo lupati. ⁴ Nibakasika mu Jelusalemu, bakatambulwa ambunga abatumwa antomwe abaalu bembungano, mpawo bakalungulula zintu zyoonse Leza nzyakachita kwinda mulimbabo. ⁵ Pesi bamwi bakasyoma, kabali bankamu yaba Falisi, bakanyampuka bat, "Nchintu chipati loko kuti: tubapalule akubalayilila kuti babambe mulawu wa Mozesi," ⁶ Nkinkaako batumwa aabalu bembungano bakabungana antomwe akuzilikila kuti ngakulachitwa biyeni ankani eeyi. ⁷ Nikwakayinda kayinda chindi chilamfuchakubonesyania atala enkani eeyi, Pita wakanyampuka wasikuti kulimbaabo, "Nobenzuma, mulizi kuti kuchiindi chainda Leza wakandisala akati kenu kuti akukambawuka kwangu bamaasi balimvwe ijwi lyamakan mabotu mpawo basyome

8 Leza uuzi moyo, wakapa bukamboni kulimbabo mukubapa Muuya Uusalala, mbuli mbwakachita kulindiswe. 9 Tachitide musiyano pe akati kesu ambabo, mukusalazyza myoyo yabo kwiinda mulusyomo. 10 Nkambonzi nimusunka Leza, akubika jokwe munsingo zyabasikwiya eelyo bamatata nikuba ndiswe nditutakonzyi kulibweza. 11 Pesi tulasyoma kuti tuyofutulwa mukwinda muluzyalo lwa Mwami Jesu, mbuli mbubakafutulwa,” 12 Bantu boonse bakawumuna akuswilizyba Bbanabbasi a Pawulu kabalokulungununa zitondezyo azigambyo Leza nzyakabeleka akati kabamaasi kwinda mulimbabo. 13 Nibakamaninsya kwambuula, Jemusi wakasandula kuti, “Nobenzuma, ngamundiswilizye. 14 Sayimoni walungulula Leza mbwakagwasya muluzyalo lwakwe bamaasi kuti alichitile bantu bakwe kuzina lyakwe; 15 Majwi abasinsimi alazuminana anzizyo eezi, mbuuli mbukulembedwe, 16 'Kwainda zintu eezi Ndiyoobola, alimwi ndiyoyakulula chikombelo cha Devidi, eecho chakamwayika; ndiyoyakulula akibusya lubo matongo acho, 17 kuchitila kuti balobosi babantu bakonzye kulanguula Mwami, antoomwe abamaasi boonse bayitwa kuzina lyangu.” 18 Mbuboobu Mwami mbwaamba, ooyo wakachita zintu ezi zyakazibinkana kuzwa muzyindi zyakale. (kuli magwalo aba Giliki achiindi alabupanduluzi busiyan, mubunini, mbubobu Mwami mbwaamba, aabo bazi zyoonse nzyakachita kuzwa kuchiindi chakale. 19 Nkiinkako, muyeyo wangu ngwakuti, tutabakatazyi pe bamaasi aba basandukila kuli Leza; 20 Pesi tuyobalembela kuti beeledete kusosoloka kuzwa kukulininania amituni, kuzwa kubusofwazi kulizyamalalane, akukulyanyama yabanyama bafwa akulidinwa, akuzwa bulowa. 21 Nkambo Mozesi wakakambawukwa mumadolopo mapati oonse: kuzwa kumazyalane akale nkabela uchikambawukwa amuzikombelo mazuba oonse ategwa Sabata. 22 Aboobo batumwa, abalu bambungano, antomwe ambungano yoonse, bakabona kuti nchibotu kuti basale Judasi utegwa Bbasabbasi a Sayilasi, abo bakali bazulwidi baabamwi, kuti batume ku Antiyokki antomwe a Pawulu a Bbanabbasi, 23 Bakalemba eezi: “Ibatumwa, bazuluzi ababunyiina, kulibamaasi abalimu Antiyokki, Siliya akuSilisiya, Twamujuzya. 24 Nkambo twakamvwa kuti bamwi baalumi bakazwa akati kesu, kabatakwе malayilile kuzwa kuli ndiswe, aboobo bamunyongania amabala aayo atyola myuuya yanu, 25 Zyakatubotela iswe, nitwakalanzyania akuzuminana, kusala balumi akubatumwa kulindinywe antoomwe abayandwi kulindiswe ba Bbanabbasi a Pawulu, 26 Baalumi bakaaba buumi bwabo kuntenda nkambo kazina lya-Mwami Jesu Kkilisito. 27 Nkinkko twatuma Judasi a Sayilasi, abo batamwambile zintu nzizyo eezyo amajwi abo. 28 Nkaambo kwakabotela Muuya Uusalala andiswe, Kuti tutamulemezyi mukuli atala azintu zitakwe lugwasyo, 29 Kuti mulikasye kuzintu zipayilwa kumituni, bulowa, akuzintu zitanoli zyakafwa akusinwa akibusofwazi bwamalalano na mwalibamba kuzwa kuli zeezi zilamubotela muchale kabotu.” 30 Lino nibakasungulwa, bakakunukila ku Antiyokki; nibakabunganisa makamu abantu boonse, bakasisya lugwalo. 31 Nibakamana kubala lugwalo bakabotelwa nkambo kakusungwaziga. 32 Judasi a Sayilasi, alimwi abasinsiiri bakabasungwazya babunyina amajwi akubasimya. 33 Eelyo nibakkala chiindi chinini nkuko oko, baka bwedezeegwa kuzwa kulibakwabo abo bakabatumide muluumuno. 34 Magwalo mabotu achiindi takwe minchali pe awa 34. (langa Nchito 15: 40) Pesi kwakaboneka kuti nchibotu kuti Sayilasi achaale nkuko. 35 Pesi

Pawulu a Bbanabbasi bakakkala ku Antiyokki, kabalikuyiisa akukambawuka (antomwe abamwi biingi) Ijwi lya Mwami.³⁶ Nikwakayinda mazuba Pawulu wakati kuli Bbanabbasi, "Ngatubweede lino tukaswaye bakwesu mumadolopo woonse omo mutwaakambiliza ijwi lya Mwami, akubona kuti balibiyeni."³⁷ Bbanabbasi wakalikuyanda kuti beende amwi a Joni wakalikutegwa ngu Makki.³⁸ Pesi Pawulu wakayeeya kuti takuli kubotu kuti babweze Makki, ooyo wakabalobokede mu Pamfuliya akuleka kwendelela kunembo ambabo amulimu.³⁹ Lino mpawawo kwakaba kukazyania kupati, kwakachitika kutibapambukane kuzwa kuli umwi awumwi, mpawo Bbanabbasi wakabweza Makki, bayamba binkamwi mubwaato bayaku Sayipulasi.⁴⁰ Pesi Pawulu wakasala kупедеkezegwa kuluzyalo lwaMwami ababunyiina.⁴¹ Mpawo wakeenda akwiinda mu Siliya aku Silisiya kabali kusimya mambungaano.

16

¹ Pawulo wakasika alimwi ku Debbe aku Lisitila, aboobo, umwi mutobelii utegwa Timoti wakaliwo, imwana wamukayintu muJuda iwakali musyomi, pesi wisi wakali muGiliki. ² Wakali ampuwo mbotu kulibakwabo ibakali ku Lisitila aku Ikkonyamu. ³ Pawulo wakali kuyanda kweenda anguwe; nkinkaako wakamubweza wamupalula kaambo kaba Juda bakali mumasena aayo, nkambo kakuti boonse bakalizizi kuti wisi mu Giliki. ⁴ Awo nibakayobweenda lwendo lwabo mumadolopo, bakayobupa imajwi kubatumwa abapati ibakali mu Jelusalema ikuti balilemeke. ⁵ Awo imbungano zyakasimisiga mu mweelwe ibuzuba abuzuba. ⁶ Pawulo abasindikizi bakwe bakayinda kumasena a Pilijiya a Galantiya, mbuli kuti bakali babindwa aMuuya Uusalala kuti bakambauke ijwi mubusena bwa Eziya. ⁷ Nibakasika afwifwi Misiya, bakeezya kunjila mu Bbitiniya, pesi imuuya wa Jesu wakabakasya. ⁸ Awo nibakayinda Misiya, bakakusika kudolopo lya Tulowasi. ⁹ Ichilengano chakaboneka kuli Pawulo imansiku; imwalumi waku Mesodoniya walakimvvi mpawawo, kalikumukkumbila akwamba kuti, "kweza ku Mesodoniya uzotugwasye," ¹⁰ awo Pawulo nakabona chilengano, mpawawo twakabambilila kuyaku Mesodoniya, akuzumina kuti Leza nguwatwiita kuti tukakambauke ijwi kuli mbabo. ¹¹ Akutalika kuyamba kuzwa ku Trowasi, twakeendela limwi kululama ku Samotilasi, aboobo mubuzuba butobelwa twakasika ku Neyopolisi. ¹² Kuzwaawo twakaya ku Filipi, kalili dolopo lyaku Mesodoniya, idolopo lyabulemu mubboma akubwendeezi bwa Loma, aboobo twakakkala mazuba miingi mudolopo eeli. ¹³ mubuzuba bwamugibelo twakazwa aanze aakkoma lyakubbazu lyamulonga, oko nkutwakayeya kuti kuli busena bwakukombela. Twakakkala aansi twambuula abakaintu bakabungene. ¹⁴ Umwi mwanakazi walikutegwa Lidiya, wakalikusambala zisamo zyamubala wantumbula, iwakali kukomba Mwami, wakatuswilila. Leza wakajula moyo wakwe kuti aswilizye loko nzyakali kwamba Pawulo. ¹⁵ Aawo naka bbabbatizingwa antoomwe abempuli yakwe, wakatukombelazy, wakamba kuti, "kuti mwandibona kuti ndilisyoma kuli Leza, amuze mukakkale kunganda yangu." Alimwi wakatukombeleya. ¹⁶ Mbuzyakaba, aawo nitwakali kuya kubusena bwakukukombela, umwi musimbi muzike iwakali aamuya wabusondi wakatuwondongania. Wakapa basimalelo bakwe impindu kuzwa kubusondi bwakwe. ¹⁷ Oyu mukaintu wakatobeleta Pawulo andiswe kali koompolola, wakati, "Aaba balumi mbabelesi ba Leza wabulemu. Bali

kumukambawukila ijwi lyalufutuko.” ¹⁸ Wakachita mbuboobu kwa-mazuba mingi. Pesi Pawulo, nakamunyemya loko, wakacheba akwambila muuya oyu wakati, “Ndili kukwambila muzina lya Jesu Kilisito kuti uwze mumukayintu oyu.” Aboobo imuuya wakazwa muchiindi nchichecho. ¹⁹ Aawo basimalelo bakwe nibakabona kuti imweenya wabo wakujana mpindu wagola, bakajata Pawulo a Sayilasi akubakwelela kuli basimulawu muchisambalilo. ²⁰ Nibakabeeta kuli Sikubeteka, bakati, “Aaba baalumi balikupenzya idolopo lyesu, mba Juda. ²¹ Bakambawuka milawu itazu-mininwi kuti ba Looma batambule akuchita mbubo.” ²² Aawo iluundi loonse lwakanyampuka akutongooka aatala a Pawulo a Sayilasi, imubetesi wakadelula akubazwatununa zisamo akwambilizya kuti bawumwe amilamu. ²³ Nibakamana kubabuduula, bakabawalila muntolongo ak-wambila simulinda ntolongo kuti abalinde tabazwi. ²⁴ Musule akapegwa mulawo oyu, simulinda ntolongo wakabjalila mukaanda kamukati loko kabasungidwe misungo kumawulu. ²⁵ Aakati kabusiku Pawulu a Sayilasi bakalkukomba akwimbila Leza, awo bamwi basungwa bakali kubaswilizya. ²⁶ Muchiindi chifwifwi kwakaba muzuzumo wanyika, ezi zyakazunganisa intolongo; mpawo imilyango yakajuka, alimwi imisungo yanketani yakanguunuka kuli umwi awumwi. ²⁷ Simulinda ntolongo wakasinsimuka akubona milyango yantolongo kayaseeme; wakabweza ipanga lyakwe (Ifulo) lyakwe akuyanda kulijaya, nkaambo wakayeeya kuti basungwa boonse bachija. ²⁸ Pesi Pawulo wakatambwizya ajwi pati, wakati, “utalinyonyoni, nkambo toonse mputuli.” ²⁹ Simulinda ntolongo wakayasya malampi akunjila mukati, kateketa akuyowa, wakawidaansi kunembo lya Pawulo a Sayilasi. ³⁰ Wakabeeta aanze akwamba kuti, “Nobapati, ndichite biyeni kuti ndifutulwe?” ³¹ Bakaamba kuti, “syoma kuMwami Jeso, ulafutulwa. iwebo ampuli yako.” ³² Bakamwambila ijwi lya Mwami, antoomwe aboonse bempuli yakwe. ³³ Awo simulinda ntolongo wakabweza boonse busiku oobo, wabasanzya zilonda, alimwi wakabbabatizigwa aboonse bempuli yakwe mpawawo. ³⁴ Nakeeta Pawulo a Sayilasi munganda yakwe akubapa ichakulya, wakabotelwa kapati ampuli yakwe yoonse, nkambo wakali wasyoma kuli Leza. ³⁵ Nibwakacha, imubetesi wakatuma ijwi kuli basikulinda, wakati, “Amubaleke baalumi abo bayinke.” ³⁶ Simulinda ntolongo wakambila Pawulo, wakati; imubetesi walayizya kuti ndimulekezye mwende nkokuti amuzwe lino, mweende mulumuuno.” ³⁷ Pesi Pawulo wakabambila kuti; “Batuuma kunembo lyabantu kabatatabetekede, nikuba kuti tuzwa ku Looma - alimwi batubika muntolongo. Lino bayanda kutugwisya chakusisikizya na: Pepe. Aabaze mbabo bazotwaangunune. ³⁸ Basimulinda ntolongo bakasisya majwi ayaa kubabetesi, nibakamvwa kuti Pawulo a Sayilasi mba Loma bakayoowa. ³⁹ Bakasika ibabetesi akukkumbila lulekelelo kuliba Pawulo a Sayilasi akubagwisya aanze, akubakumbila kuti bazwe mudolopo eeli. ⁴⁰ Pawulo a Sayilasi bakazwa muntolongo akuya kunganda ya Lidiya. Aawo Pawulo a Sayilasi nibakabona babunyina, bakabasungwazya alimwi bakazwa mudolopo eeli.

17

¹ Lino chiindi nobakiinda mumyuunzi yaku Amfipolisi a Apoloniya, bakasika kumunzi waku Tesalonika, ooko kwakali chikombelo chaba Juda. ² Pawulu, mbubonya mbulichimbo chakwe, wakiinka kulimbabo alimwi kwamazuba aama Sabata aatatu wakambilaana aabo kuzwa

mumalembe. ³ Wakali kujula malembe akupandulula kuti chakalede kuti Kkilisito aapenge akubuka lubo kuzwa kulufu. Wakwamba kuti, "Jesu ooyo ngundiluula kulindinywe ngu Kkilisito." ⁴ Bamwi babajuda bakakombelezegwa eelyo bakajatana a Pawulu a Sayilasi kubikilizya mweelwe muunji waba Giliki balipeda, abuzuluzi bwabanakazi bayingi. ⁵ Pesi baJuda ibatasyomi, bakali abbiwe, bakabweza bantu bamineme kuzwa kuchisambalilo, bakabungania makamu aantomwe, akubika muunzi mumbukila, kubusizya kung'anda ya Jasoni, bakali kuyandula ikuhusya Pawulu a Sayilasi aanze kuti aaye kubantu. ⁶ Pesi awo nebatakwe nobakabajana, bakakwela Jasoni abamwi bakwabo kunembo lyaba singuzu bamumuunzi, bakalilila kuti aaba bantu bakasandamwida nyika aansi alubo basika ookuno lubo. ⁷ Aaba baalumi Jasoni mbakatambula bakazyania aamulawo wa-Siza, bamba kuti, "Kulumbi Mwami Jesu." ⁸ Bakatazya makamu abasinguzu, bamuunzi bakamvwa zintu eezi. ⁹ Pesi mukwinda kwakujana kukwabililwa kuzwa kuli Jasoni akuliboonse, bakabazumizya kwiinka. ¹⁰ Busiku oobo bakwabo bakatuma Pawulu a Sayilasi kuBbeliya. Nobakasika nkuko, bakayinka muchikombelo chaba Juda. ¹¹ Lino bantu aaba bakaliluleeme kwinda aabo bamu Tesalonika, nkambo bakatambula ijwi amizeeo ilipelede, kulingulula malembe buzuba abuzuba kuti babone na zintu eezi zyakali mbubo. ¹² Nkinkaako biangi babo bakasyooma, kubikilizya abamwi banakazi bayuungi ba Giliki abalumi biangi. ¹³ Pesi chiindi ba Juda baku Tesalonika nibakaziba kuti alubo Pawulu wakali kuluula jwi lya Leza ku Bbeliya, bakiinka nkuko akunyongania akukataazya makamu. ¹⁴ Mpawawo, bakwabo bakatumina Pawulu kuya kulwizi, pesi Sayilasi a Timoti bakakkala nkuko. ¹⁵ Aabo bakali kweenzya Pawulu bakamubweza bamutola kule kuluumbi munzi waku Atenisi. M bubonya mbakamusiya Pawulu nkuko, bakatambula malayilile kuzwa kulingue kuti Sayilasi a Timoti basike chakufwambana mbuli mbubakonzya. ¹⁶ Lino mbubonya Pawulu mbwakali kabalinda mu Atenisi, muuya wakwe wakanyemezegwa mukati kawke aawo nakabona muunzi uwwide zikozzano. ¹⁷ Eelyo mazuba woonse wakambilaana abaJuda abamwi bakali kukomba Leza mbonya amuchisambalilo kuba nkuko. ¹⁸ Pesi abalabo bamwi baba Epikuliya abasongo ba Sitoyiki bakaswanana aawe. Bamwi bakaamba kuti, "Niinzi ooyu utakwe makani ncheezya kwaamba?" Bamwi bakati, "Ulangika aanga nguumwi ooyo wwiita bantu kuti batobela baleza benz, nkambo wakali kuluula makani mabotu aatala a Jesu abubuke. ¹⁹ Bakabweza Pawulu akumuleta ku Aliyopagasi, bakati, "Ngatulaziba eeyi njiisyoo mpyaa eyo njowakali kwaamba? ²⁰ Nkaambo ulikweta zintu zyeenzu kumatwi eesu. Nkinkaako, tuyanda kuziba kuti eezi zyambanzi." ²¹ (Lino ba Atenisi aabenzu bakali kukkala nkuko bakamaninsya chiindi chabo kakutakwe anchibachita pesi kwambuuula nikuba kuswilila atala achimwi chipya.) ²² Mpawo Pawulu wakima aakati kaba Aliyopagasi akwaamba kuti, "Yobalumi baku Atenisi, ndabona kuti muli basicizuminano munzila yoonse. ²³ Nkambo mbubonya mbundayinda akulanga loko kuzintu zyabukombe bwanu, ndajana chipayililo chili abulemu oobu, "Kuli Leza utazibinkene." kufumbwa nchimukomba mukutaziba, eechi ndachaambilizya kuli ndinywe. ²⁴ Leza wakachita nyika azyoonse zilimulinjiyo, mbwanga ngu Mwami wajulu anyika, takkali mumaanda ayaakwa amaboko. ²⁵ Nikuba kubelekelwa amaboko abantu, mbuli kunga ubulide chintu, mbwaanga lwakwe nguupa bantu buumi akuyoooya azimwi zyonse. ²⁶ Kuzwa kumuntu uumwi

wakachita misyobo yabantu kuti bapone aatala enyika kali wabamba kuzulila kwazyiindi amigano yamasena aabo mubakkede,²⁷ Kuchitila kuti balanguule Leza akuti ambweni ngabalakonzya kuzuza nzila yabo nkambo kanguwe akumujana pesi talkile pe kuzwa kuluumwi wesu.²⁸ Nkaambo mulinguwe tulapona akweenda akujana buumi, mbubonya mbuli bamwi, simwanza ngano banu mbubakaamba, 'Nkambo alubo tulunyungu lwakwe.'²⁹ "Nkinkaako, mbokunga tulilunyungu lwa Leza, tatwelede kuyeeya anga buboto bwabulenge bulakozyanisigwa angolida niiba nsiliva, niliba bbwe, izikozyano zyakabezwa amiyeeyo yamuntu.³⁰ Nkinkaako Leza wakazileka zyiindi zyakutaziba, pesi lino ulayilila bantu boonse koonse koonse kuti basanduke.³¹ Nkambo wakabamba buzuba nayobetaeka nyika mubululami kumuntu ngwakasala. Leza wakapa chisinizyo chamuntu ooyu kuliwoonse akumubusya kuzwa kubafu."³² Lino chiindi bantu baku Atenisi nobakamvwa azyabubuke wabafu, bamwi bakamuniaka Pawulu; pesi bamwi bakati, "Tuyokuswilila lubo aatala ankanieeyi."³³ Kuzwa waawo, Pawulu wakabasiya.³⁴ Pesi bamwi bakasyoma, kubikilizya a Diyonisiyasi mu Aliyopegit, miwanakazi utegwa Damalisi, abamwi bakalaambabo.

18

¹ Musule azeezi zintu Pawulu wakazwa mu Atenisi akuya ku Kkolinto.
² Ooko wakakuswanana amu-Juda uutegwa Akkwila, wachisi cha Pontasi, ooyo wakachili kusika kuzwa ku Itali amukaintu wakwe Pulisila, nkambo Kkilawudiyasi wakali walayilila ba Juda boonse kuti bazwe mu Loma. Pawulu wakayinka kuli mbaabo,³ alimwi nkambo kakuti wakali kubeleka nguyooyo mulimu, wakakkala ambaabo wabeleka, nkaambo bakali basimupanga mateente kuluzibo.⁴ Aboobo Pawulu wakayinya muchikombelo ambaabo mazuba woonsen ateegwab sabata, kayezya kukombeleyza ba Juda aba Giliki.⁵ Lino Sayilasi a Timoti nibakasika sika saansi kuzwa ku Masedoniya, Pawulu wakalipeda kujwi, kapa bukamboni kuba Juda kuti Jesu ngonguwu Kkilisito.⁶ Pesi aawo ba Juda nibakamusandukila akumutukila, Pawulu wakabangundumwida zisamo zyakwe akubaambilka kuti, "Bulowa bwanu abube aatala amitwe yanu; ime ndasalala. Kuzwa lino ndilaya kulibamaasi."⁷ Mpawo wakanyampuka kuzwa ooko akuya kun'anda ya Tayitasi Jasitasi, mwalumi wali kukomba Leza. Ing'anda yakali afwifwi achikombelo.⁸ Kkilisipasi, muzuluzi wachikombelo wakali kusyoma ku Mwami, antomwe ampuli yakwe bakasyoma mu Mwami. Abanamanjuni baku Kkolinto ibakamvwa ijwi bakasyoma alimwi bakabbabbatizingwa.⁹ Mansiku Mwami wakati kuli Pawulu muchilengano, "Utayowi, pesi wambula utawumuni.¹⁰ Nkambo ndili anduwe, aboobo takwe utakeezye kukunyonyona nkambo ndili abantu biingi mumunzi ooyu.¹¹ Pawulu wakakkala oono kwamwaaka amyeezi musanu awumwi, kaiiisanijwi lya-Leza mukati kabo.¹² Pesi aawo Galiyo naakaba mweendelezi mupati waku Akkayiya, ba Juda bakanjana amuzezo omwe wakusandukila Pawulu akumweeta kubbetekelo;¹³ bakaamba kuti, "Ooyu mwalumi uli kukombeleyza bantu kuti bakkombé Leza zitali mumulawu."¹⁴ Anu aawo Pawulu nakasyambuule, Galiyo wakati kuba Juda, "Inywe noba Juda, aanoli nchoonzyo bwakali bulewusi na mulandu, chali kunooli kabotu kulangana andinywe.¹⁵ Pesi mbuli kuti eeyi mibuzyo ilangene amabala amazina amilawu yenu nubeni, amuzibambe ndinywe lwenu. Tandilangilili kuba mubelesi wazyaaumbo ezi pe."

16 Galiyo wakachita kuti bazwe mubbetekelo. **17** Aboobo boonse bakajata Sositenesi, mutongi wa chikkombelo, akumooma kunembo lyachuno chabbetekelo. Pesi Galiyo taakwe mbakalimvwa kuli eezyo nzibakachita. **18** Pawulu, musule lyakukkala omo aambi mazuba, wakabasiya bakwabo akuyamba kuyaku Siliya a Pulisila a Akkwila. Katana kuzwa kujinkilo, Senkiliya, wakali wagonkwa susu akaambo kachizuminano nchakali wachita. **19** Nibakasika ku Efesasi, Pawulu wakasiya Pulisila aa Akkwila nkukooko, pesi we lwakwe wakanjila muchikombelo akwambuzyania aba Juda. **20** Aawo nibamukkumbila Pawulu kuti akkale chiindi chilamfu, wakakkaka. **21** Pesi nakazwa aalimbabo, wakati, "kuti kakuli kuyanda kwa Leza ndilaboola kuli ndinywe." Mpawo wakayamba kuzwa ku Efeso. **22** Pawulu nakasika ku Sizaliya, wakatanta akuyojuzya imbungano yaku Jelusalema alimwi wakaselela waya ku Antiyokki. **23** Musule lyakukkala kwechindi chilamfu lamfu nkukooko, Pawulu wakeenda kayinda mu-masena aku Galantiya a Pilijiya akusimya basikwiya boonse. **24** Lino umwi mu Juda uutegwa Apolosi, imwana wa Alekizanda kukuzyalwa, wakasika ku Efeso. Wakali kumvwikka kabotu kukukwambuula alimwi kajisi luzibо lwiingi lupati kumalembe. **25** Apolosi wakali walayilwa kunjiisyо ya Mwaami. Mukubaanguzu zya Muuya, Wakaambuula akuyi-siya chakululamika ezyo zintu zyakalangene a Jesu, pesi wakazi biyo ilubbabbatizyo lwa Joni. **26** Apolosi wakatalika kwambuula changuzu muchikombelo. Pesi nibakamumvwa ba Pulisila a Akkwila, bakamutola kumbali akumupandulwida inzila ya Leza mubunike. **27** Nakayeeya kuyamu Akkayiya, ibakwabo bakamusungwazya alimwi bakalembela basikwiya baku Akkayiya kuti bamutambule. Nakasika, wakabagwasya loko aabo bakasyoma muluzyalo. **28** Apolosi wakabakazya changuzu ba Juda munkazyario yaluundu, kali kutondeezya kwiindilila mumalembe kuti Jesu ngongue Kkilisito

19

1 Kwakaba kuti Apolosi nakali mu Kkolinto, Pawulo wakayinda kuchisi chakutala wakusika kudolopo lyaku Efeso, mpawo wakakujana bamwi basikwiya. **2** Pawulu wakabambilka kuti, "Mwakawutambula na Muuya Uusalala nimwakasyoma?" Bakamusandula kuti, "Pepe, tatukwe an-chitwalina kumvwa pe atala azya Muuya Uusalala." **3** Pawulu wakati, "Mpo mwakabbabbatizigwa buyeni?" Bakati, "Mulubbabbatizyo Iwa-Joni." **4** Pawulo wakabasdula, "Joni wakabbabbatizya mulubbabbatizyo lwakusanduka. Wakabambilka bantu kuti bayelede kusyoma kulooyo uzobuza musule lyakwe, kali, ngu Jesu." **5** Lino bantu nibakamvwa obu, bakabbabbatizigwa muzina lya-Mwami Jesu. **6** Pawulo nakabika maanza aakwe alimbabo, Muuya Uusalala wakaza alimbabo alimwi bakambu-ula muliimwi milaka akusinsiiama. **7** Kumweelo bakali baalumi bali kkumi abibili. **8** Pawulo wakanjila muchikombelo akwambuula changuzu kwamyezi yotatwe, kaambuzyania akubakombeleya atala abwami bwa-Leza. **9** Pesi aawo bamwi ba Juda nibakayuma myoyo akutalemeka, bakatalika kwambula bubi atala anzila ya Kkilisito kunembo lyabantu. Nkinkako Pawulu wakabasiya weenda abasikwiya, akuyowambuzyania ambabo mazuba woонse munganda yazyiyo yaku Tayilanasi. **10** Ezi zyaka-chitika kwaminyaka yobile, kuchitila kuti woонse wakakkede mu Esiya amvwe ijwi lyaMwami, boonse ba-Juda ama-Giliki. **11** Leza wakalikuchita zigambyo zyiindilide kwindilila mumaboko a Pawulo, **12** Kwakali kujanika

kuti itudabba azisamo zyakukwabilila itombe zyakali kumuguma zyakali kutolwa kukusilisa bachiwa malwazi kaamana amyuuya mibi kayiizwa mulimbabo. ¹³ Pesi kwakali ba-Juda basikulipa bakayobweenda mubusena oobo. Bakalikwita izina lya Mwami Jesu kuchitila kuti bajane nguzu zyakuzunda myuuya mibi nibakali kuti, "Kwinda muli Jesu oyo Pawulo ngwakkambawuka, ndakulayilila kuti zwa," ¹⁴ Imupayizi mupati waba Juda, iwali kutegwa Sikkeva, wakali abana balombe bali musanu ababili bakali kuchita eezi. ¹⁵ Imuuya mubi wakabasandula, "Jesu ndimwizi, Pawulu ndilimwizi, pesi iwe nduweeni?" ¹⁶ Imuuya mubi wakali mumuntu wakabanyansa akubazunda basikulipa wabawuma. Aawo bakali kuchija kunganda oomo kabazwa maya azilonda zyakuumwa. ¹⁷ Eezi zyakazibinkana kuli boonse, ba-Juda aba Giliki, aabo bakakkede ku Efeso. Bakayowa loko, Aabobo izina lya Mwami Jesu lyakalemekwa. ¹⁸ Alubo, basyomi biingi bakaza akulibeteka kabapa bupanduluzi buzwide aatala azibi nzibakali kuchita. ¹⁹ Basikwiya biingi bakesita mabbuku azibelesyo zyabo akwawumpa kunembo lyabantu boonse. anaibakaabala muulo wazyo, wakali makkumi musanu wazyuuul wazigodo zyansiliva. ²⁰ Nkiinkako ijwi lya-Mwami lyakayendelela akusaalila changuzu mpati. ²¹ Lino Pawulu nakamaninsya mulimo wakwe mu-Efeso, wakayeeya ichamumumuuya kuti ayinde ku Mesodoniyaaku-Akkaiya kayobuya ku Jelusalema; wakati, "Mbuli mbundali kooku, kweelede ndikabone Loma," ²² Pawulu wakazubula bibili kuli bakali kumugwasya wabatuma ku Masedoniya, Timoti a Elasitasi. Pesi we lwakwe wakajana bukkala mu- Eziya kwakayindi. ²³ Ikwachindi echo tekwakaba kuchelezeka nikuba kunini mu Efeso kulangene aanzila. ²⁴ Umwi simufula nsiliva utegwa Demetiliyasi, iwakali kubumba zikozyanisyo zyansiliva zya Diyana, ²⁵ wakeeta mak-weebo miangi kuli basikubeza. Nkinkaako wakabungania aamwi bableesi bawoyo mulimo akwaamba kuti, "Nobantu, mulizi kuti mulooyu mulimo tujana mali inyingi. ²⁶ Mulizibweene akuzimvwa eezi, teensi mu Efeso biyo pe, pesi kumasena miangi mu Eziya, Pawulu oyu wakombelezya akumwaya bantu biingi. Ulikwamba kuti baleza babumbwa amaboko teensi baleza. ²⁷ Takulikwamba biyo kuti ziletelezya kuti makwebo eesu abule bulemu, pesi akuti inganda yakukombela ya mukaleza Atenisi ikonzya kuba chintu chabuyo, abulemu bwakwe bunoli bwamana, we ooyo ukkombwa a Eziya yoonse akumanyika." ²⁸ Nibakazimvwa eezi, bakatulindila akunyema akukwiila, bakati, "Bulemu mbubwa Diyana waba Efeso," ²⁹ Idolopo lyoonse lyakanyongana, alimwi bantu bakachijana amuzeego womwe kabanjila muchibunganino. Bakajata basindikizi ba-Pawulu, Gayiyasi a Alisitachasi, aabo ibakazwa ku Mesodoniya. ³⁰ Pawulu wakali kuyanda kunjila mumoomo mumpuumba yabantu, pesi basikwiya bakamukasya. ³¹ Alimwi, bamwi bapati bachilikiti cha Eziya ibakali beenzinyina bakatumwa ijwi lyakumukombelezya kuti atanjili pe muchibunganino. ³² Bamwi bantu bakali kutambuza limwi ijwi, abamwi kabatambuza ilimbi, nkambo ilubunga olu lwakalinyongene, Ibiingi babo tebakazi biya pe akuti babunganina anzi. ³³ Bamwi balubunga bakanyenyebwida Alekizanda, ooyo iwakali kutunziigwa kunembo aba-Juda. Mpawo Alekizanda wakatambika kuboko kwakwe, kayanda kukazya mumuswangano. ³⁴ Pesi aawo nibakamuzida kuti mu Juda, boonse bakakwiila ajwi lyoomwe kwamahoola obile, kabamba kuti, "Ibulemu mbubwa Atenisi waba Efeso." ³⁵ Nakawumuzya luundu imulembi wadolopo, wakati, "Inywe nobantu baku Efeso, ngwani mwalumi uuliwo

uutazi kuti idolopo lyaba Efeso mubambi wachikombelo cha mupati Atenisi achikozyanio ichakawida aansi kuzwa kujulu? ³⁶ Nakabona lino kuti eezi zintu tazikakiki pe, ziyanda kuti walyumunizya kotachiti chamawiliwili. ³⁷ Kaambo weeta baalumi aaba kulubeta kabatali babbi bazikombelo na basikusampawula izimuleza wesu. ³⁸ Nkikaako, ikuti Demetiliyasi abasikubeza mbalabo kabali amuntu ngubapa mulandu, inkuta ilijulidwe ababeleka twambo mpobali. Ngabapane mulandu chabochabo. ³⁹ Pesi kuti kakuli nzoyanduula aatala azimwi zyaambo, ziybambwa mumuswangano uzibinkeeene. ⁴⁰ Kambo nchoonzyo tulu muntenda zyakupegwa mulandu aatala ankondo yasunu. Takwelede pe kuti kube kunyongana oku, alimwi tatukozokonzya pe kuzipandulula,” ⁴¹ Nakamana kwamba booboo, wakajala muswangano bakotoka.

20

¹ Niyakamana mbukila, Pawulo wakatuma basikwisya nakamana kuba-sungwazy. Wakati mwiinke obotu mpawo wakaya kuMakkedoniya. ² Nakayabwenda bwenda akati kazisi ezyo wakambula makani mangi akubasungwazy, wakasika kuGilisi. ³ Musule akukkala myezi itatu oko, baJuda bakamuvviya kuchindi naakalikuyanda kuzubukila kuSiliya, aboobo wakayeya kubweda kayinda kuMakkedoniya. ⁴ Kabaya bu-musindikila kuya kusika kuAsiya oko Sopata mwana wa Payilasi waku Bbeliya; Alisitokkasi a Sekkundasi boonse bakazwa kubasyomi baku Tesalonikka; Gayo waku Debbe; Timoti aTikkasi aTilosifasi waku aSiya. ⁵ Pesi bantu aba bakasanguna kwinka kunembo eesu mpawo bakakutulinda kuTiloyasi. ⁶ Twakayamba kuzwa kuFilipi kuzwa kumazuba achibunge chitakwe buswezyo, mukati kamazuba ali musanu twakasika muTiloyasi nkubakakkede. Oko twakakkala mazuba ali musanu aabili. ⁷ Mubuzuba butanzi bwamviki, awo katubungene amwi mukukomona chibunge, Pawulo wakambula kubazumini. Walikubamba kuzwa mubuzuba butobela, wakabamba nkani yakwe kusikila akati kabusiku. ⁸ Mwakali malampi miingi mun'anda yakujulu mutwakabungene. ⁹ Mumpulunguzyo kwakkede mukubusi utegwa Utikkasi, oyo wakali munganzi mpati. Awo Pawulo mbwakadonselela kwambula, oyu mukubusi wachili koona, wakawida ansi kuzwa kunganda yataatu kuzwa kujulu wakabwezwa ulifwide. ¹⁰ Pesi Pawulo wakaseluka ansi, wasika ali nguw walyolola akumubukata. Elyo wati, “Mutachinyemi limbi nkambo uchili muumi”. ¹¹ Mpawo wakabweeda lubo kunganda yakujulu wakukomona chibunge mpawo walya. Musule akwambula chindi chilamfu kusikila kubuchedo, wakayinka. ¹² Bakaboya mukubusi kali muumi bakawumbiliziga kapati. ¹³ Iswe Iwesu twakayinka kunembo lya Pawulo abwato twazubukila kuAsosi, mputwali kuyeya kwenda amwi a Pawulo. Ezi nzyakayandise kuchita, nkambowakayelete kwenda amawulu. ¹⁴ Nakatuswania kuAsosi, twakamunjiza mubwato mpawo twayaMetileni. ¹⁵ Mpawo twakayamba kuzwa ooko mpawo twakakusika buzuba butobela oko kubambene aka-suwa kaKkiyosiizuba litobela twakasika aka suwa ka Samo, mpawo izuba litobela twakasika kumunzi waku Melitasi. ¹⁶ Nkambo Pawulo wayeya kuyamba kayinda kuEfeso, kuti atakabi achindi chilamfu mu Eziza, nkambo wakali kufwambananina kuya ku Jelusalema kafwambananina buzuba bwapentekkositi niinga chakakonzeka kuti achite bobo. ¹⁷ Kuzwa ku Melitasi wakatuma bantu ku Efeso kuti bakamwitile baalu bam-bungano. ¹⁸ Nibakasika kulinguwe, wakati kuli mbabo, “Inywe lwanu

mulizi, kuzwa kubuzuba buzuba butaanzi nindakalyata ino lyangu mu Eziya, ambunoli kali kukkanza andinywe. ¹⁹ Ndakaya kunembo akubelekela mwami amoyo woonse, amisozzi, mpawo amasunko akandibeda, nkambo kamanz abama Juda. ²⁰ Mulizi mbundatakamusisila abunini kumwambila makani amwelede, ambundakamuyisya aakati kabantu mpawo akuzwa kunganda akunganda. ²¹ Ndakali kubalungunwida bajuda aba Heleni atala akusandukila kuli Leza mpawo akuba alusyomo muMwami wesi Jesu. ²² Lino amubone, ndaya kujelusalema ndangidwe mumuya, nsizi pe zintu zitakachitike kuli ndime oko, ²³ kunze kwakuti Muuya Usalala undambile kuti mumyunzi yonse kuti insimbi yamapenzi zili ndilindilide. ²⁴ Pesi nsikomezyi buumi bwangu kuli ndime ndimwini, kunze kwakukuti ndibelege akumaninsya mulimu ngundakatumbula kuzwa kuMwami Jesu, kandilungununa makani mabotu aluzyalo lwaLeza. ²⁵ Lino amubone, ndilizi kuti nywe moonse, aakati kanu mbindakendela kandamb bwami, tamuchikabuboni limbi busyu bwangu. ²⁶ Nkikako ndipa bukamboni obuno buzuba, kuti nsikwe mulandu aganzi lyamuntu naba umwi. ²⁷ Nkambo tendakaleka abuninikumwambila koense kuyanda kwaLeza. ²⁸ Nkikako amuchenjele lwanu, antoomwe abutanga obo Muuya Usalala mbwakamusala kuba bendelezi. Amuchenjele mukwembela imbungano yaLeza, njakawula aganzi lyakwe. Kwindila muganzi lyamwanawakwe mwini. ²⁹ Ndilizi kuti ndazwa biyo, bawumpe balasika aakati kanu alimwi tabakobuleka butanga. ³⁰ Ndilizi kuti nikuba kuzwa aakati kanu bamwi bantu balabuka akwambula makani mabi kuti bagwisye basikwiya babo. ³¹ Nkikako amulinde. Muyeye kuti kwaminyaka itatu nsikalekede kumulaya umwi awumwi sikati amansiku amisozzi. ³² Lino ndamupeda kuliLeza akujwi lya luzyalo lwakwe, lukonzya kumuyaka akumupa lukono aakati kababo bakasalazigwa. ³³ Takwe muntu ngundakanyeya nsiliva yakwe, ngolida, nikuba chizwaato. ³⁴ Inywe lwanu mulizi kuti aya maboko akabeleka zyakuliyanda ndime. Antoomwe azyababo bali antoomwe andime. ³⁵ Muzintu zyoonse ndakaba chitondezyo chambumukonzya kugwasya batajisi nguzu, zyakulibelekela, kuyeya makani amwami Jesu, makani ngakamba we lwakwe, "Kulilongezedwe kupa kwiinda kutambula". ³⁶ Nakamana kwambula munzila eeyi wakafugama wakomba ambabo boonse. ³⁷ Kwakaba kulilisyia mpawo bambundila Pawulo akumumyonta. ³⁸ Bakaba akuwusa boonse anzyakamba, kuti tabachizoboni busyu bwakwe ilubo. Mpawo bakamusindikila kubwaato.

21

¹ Eelyo nitwakeenda kuzwa kulimbabo kuti tukazubuke, twakatola inzila ilulama kudolopo lyaku Kkosi, mpawo muzuba litobelwa twakaya kudolopo lya Lodesi, kuzwawo twakaya kudolopo ilya Patala. ² Muchiindi nitwakajana bwaato buzubuka kuyaku Finisiya, twakazubuka twinka. ³ Nitwaka kulangalanga mu Sayipulasi, katwisyiide kuchimweeni chabwaato, twakazubuka kuyaku Silisiya twaaku selukila a Taya, oko bwaato nkubwakali kuselezya zilongo. ⁴ Eelyo nitwakajana basikwiya, twakakkala mazuba musanu aabili. Kwindila muMuuya bakali kukasya Pawulu kuti atayinki ku Jelusalema. ⁵ Nakamana mazuba esu, twakazwa mpawo twinka muznzila yesu, abalabo boonse, abakayintu babo abana, bakatobelwa nitwakalikuzwa mudolopo. Twakafugama musele lyakumbali alwiizi twakomba, ⁶ Mpawo twakawonekana twakaya kukutanta bwaato, bo bakabweeda kumyuunzi. ⁷ Eelyo nitwakamaninsya lweendo lwakuzwa

ku Taya, twakasika ku Putolemayisi. Oko twakajuza bakwesu mpawo twakakkala kwazuba lyomwe.⁸ Mubuzuba butobelwa twakazwa twaya ku Sizaliya. Twakanjila munganda ya Filipo, muvangeli, oyo iwakali umwi wabalinusanu ababili, mpawo twakakkala awe⁹ lino oyu mwalamu wakali abana banakalindu bone bakasinsima.¹⁰ Eelyo nitwakakkala kwamazuba, Awo kwakaselela uumwi musinsiami kuzwa ku Lidiya uutegwa, Agabbasi.¹¹ Wakaza kulindiswe kulindiswe mpawo wakabweza ibbanti Iya-Pawulu. Wakalyaanga andilyo kumawuluakwe akumaboko wasikuti, "Nzwalikwamba Muuya Uusalala, mbubatakamuchite bama Juda mu Jelusalema kwanga mwanibbanti eli mpawo akumupeda kumaanza abazwa maasi."¹² Aawo nitwakamvwa eezi zintu, toonse iswe abantu bakalikkala mubusena oobo twakamukombelezya Pawulu kuti atayinki ku Jelusalema.¹³ Elyo Pawulu wakasandula, "Uchitayi, kulila akukwamuna moyo wangu?" Nkambo ndililibambilide, pepe kwangwa luzutu, pesi ikuti ndifwe mu Jelusalema mukambo kazina lya Mwami Jesu.¹⁴ Kaambo kakuti Pawulu takakombelezeka, twakawumuna mpawo twakati, "Akuchitwe ikuyanda kwa Mwami.¹⁵ Kuzwa amazuba aya, twakabweza izikwama zyesu twayinka ku Jelusalema.¹⁶ Awo twakendaamwi abamwi basikwiya bazwaku Sizaliya. Baketa mwaalamu uutegwa Munasoni, mwalamu uuzwaku Sayipulasi, sikwiya mutanzi oyo ngutwakali kuzokkalaawe.¹⁷ Awo nitwakasika ku Jelusalemu, bakwesu baktutambula chakukondwa.¹⁸ Buzuba butobelwa Pawulu wakayinka andiswe kuli Jemusi, abaalu boonse bakaliwo.¹⁹ Awo nakabajuza, wakabambilila zintu chiimwi achimwi ezyo Leza nzyakali wachita akati kabamaasi kwindilila mumulimo wakwe.²⁰ Elyo nibakazimvwa, bakalumbaizya Leza, mpawo bakati kulinguwe, "Wakubona, mukwesu, nzingana zyuulu zyakasyoma akati kaba Juda. Balilipedelede boonse kuti babambe mulawu.²¹ bakabuzigwa aatala andime, ikuti uyiisa ba Juda boonse ibakkala akati kabamaasi kuti basule Mozesi, akuti mpawo ubabuza kuti batakpaluu ibana babo, akuteenda munzila yachiyanza chabo chakale.²² Tuchiite kutyeni? nkaambo kasimpe bayomvwa kuti wasika.²³ Lino chita ezi nzitukwambila: Tulabalumi bone bachita chikonke.²⁴ Bweza baalumi aba ulisalazye ambabo, ubbadale nzibelede kuti baliye bo, kuti bakakulule mitwe yabo. Kutu muntu woonse akazibe kuti ezi zintu nzibakali babuzigwa ayeego nzyabuyo. Bayoyiya kuti ayebo upona kabotu mukubamba mulawu.²⁵ Pesi atala abamaasi ibakasyoma, twakalemba mizeezo yesu kuti bakaligwisye kuzintu zyapedwa kuzikozyanio, kubulowa akulizyadinya, azyamalalane."²⁶ Elyo Pawulu wakabweza balumi, mpawo mubuzuba litobelwa wakalisalazywa we antomwe ambabo. Elyo bakaya munganda ya Leza, akubona kuti mazuba akusalazigwa azuzikizigwa azipo ziketwe izya umwi wabo.²⁷ Eno mazuba alimusunu aabili nakaaamba kumana, bamwi ba Juda baku Eziya, mukubona Pawulu mun'anda ya Leza, bakasungiliza makamu mpawo bamujata.²⁸ Bakali kompoolola, Nobalumi ba Izilayeli, mutugwasye. Ngonguwe muntu uyiisa baluumi boonse koonse zintu zilwisyania abantu, amulawu, abusena obu. Kutali oobo, alubo, wakeeta ba Giliki munganda ya Leza, mpawo wakasofwazya busena busalala.²⁹ Mukuti bakali babona Tulofimasi waku Efeso nkalaawe mudolopo, mpawo bakayeeya kuti Pawulu wakali wamweeta mukati ka nganda ya Leza.³⁰ Idolopo lyoonse lyakakondwa, abantu bakachijiana antomwe abakajata Pawulu. Bakamugwisya munganda ya Leza, imilyango mpawo yakajaligwa.³¹ Elyo

nibakali kweezya kumujaya, makani akasika kuMwami wenkamu yechandaano yabalinda kuti yoonse Jelusalema yakali mukubotelwa.³² Mpawo wakabweza abasilumamba abasilutwe babasilumamba bali mwaanda mpawo bakachijana buselela kuya kumakamu makamu Elyo bantu nibakabona Mwami wachandano chaba Silumamba, bakimikila kumuma Pawulu.³³ Elyo mupati wachandano wakasika wajata Pawulu, mpawo wakabambilila kuti aangwe anketani zyobile. Elyo wakabuzya kuti wakaliini akuti wakaliini.³⁴ Bamwi munkamu bakali koompolola chintu chomwe bamwi chimbi. Mukuti mupati wachandano takaziba bwini akambo kakuyowela kwakaliwo, elyo wakabambilila kuti, Pawulu ayeetwe mukati kachikwabililo³⁵ Chindi naakaza kumatantilo, wakanyampulwa abasilumamba nkambo kamakamu akali kumulwana.³⁶ Awo makamu abantu akabotelwa akwimikila kunembo akoompolola, "mwiinkaawel."³⁷ Awo Pawulu nakali kwetwa mukati kachikwabililo, wakati kumupati wachandano, "Zilazuminwa na kuti ime ngaambe chimwi chiintu kulin-duwe?" Mupati wachandano wakati, "wambula chiGiliki na?³⁸ Toli waku Ijipita na, wakinidide chimwi chiindi chakinda wakatalika kupapapila mpawo akuzulwida zyuulu zyabalamu baku 'Asasinzi' kuya munkaanda?"³⁹ Pawulu wakati, "Ime ndimu Juda, uuzwa mudolopo ilyaku Tasasi mu Silisiya. Ime ndilichizyalwa chamudolopo lilemekwa. Ndakukumbila, ndizumizye kuti ngaambule abantu."⁴⁰ Elyo mupati wachandaano nakamuzumizya, Pawulu wakiima amatantilo mpawo wakawumuzya bantu akuboko. Elyo kwakaba kumuuna kunikide, wakaambula kuli mbabo mumulaka wachi Hiibbulu, We watii,

22

¹ Nobakwesu anomataata, amuswilile kulyambwida kwangu nkundiyanda kuchita lino kulindinywe.² Lino makamu makamu nakamvwa Pawulu kali kwambula mumulaka wachi Hebbulu, bakawumunisa. Wakati,³ Ímebo ndili mu Juda wakazyalilwa mu Tasasi waku Silisiya pesi ndakayiiya muchisi echino kunsi amawulu a Gamaliyeli. Ndakalayililwa mbuli mubwendelezi bwamilawu miyumu yaba mataata. Ndili musungusungu kuli Leza mbuli bamwi bangu boonse sunu.⁴ Ndakapenzya inzila eyi kusikila kulufu, kandisunga akutola balumi abanakazi kumajele amuntolongo,⁵ mbuli mupayizi mupati abazulwidi boonse blakonzya kuba bakamboni. Ndakatambula magwalo kuli mbabo, kuchitila kubakulana baku Damasiko alimwi ndakayinka kuyobaleta mubwange, kuti bakasubusigwe ku Jelusalema.⁶ Zyakachitika kandiyabwenda awifwi a Damasiko, kuchindi chakuya kukanlanga bwaseme mpawawo mumuni wakandimwekela kuzwa kujulu.⁷ Ndakawida ansi mpawo ndakamvwa ijwi lyakati kuli ndime, 'Sawulu, Sawulu, nkambonzi nolikundipenzya?'⁸ Ndakasandula, 'Kuti nduwени, Mwami?' Wakati kulindime, 'Ndime Jesu waku Nazaleta, oyo ngoli mukupenzya.'⁹ Abo bonse mbindakalaabo bakawubona mumuuni, pesi tebakali kumvwisisisyia ijwi lyayooyo wakali kwambula andime.¹⁰ Ndakaamba kuti niinzi nchindeleede kuchita Mwami? Mwami wakati kulindime, 'Buka uyiinke mu Damasikkas. Oko uyowambilwa zyonse nziwatondekelwa kuti ukachite.¹¹ Tendakachili kubona pe nkambo kakutubisyia kwamumuni ulya, kwinda mukuzulwidwa amaboko abaabo mbindakalabo, ndakanjila mu Damasikkasi.¹² Nkukoko ndakaswanana amwalumi utegwa Ananiyasi, imwalumi wakalipedelede alubo kawuzi mulawu kajisi impupo mbotu kuma Juda boonse bakali kukkala

mumoomo. ¹³ Wakasika kuli ndime, wayimikila andime, alimwi wakati, "Mukwesu Sawulu, tambula kubona kwako." Muchindi nchichecho ndakamubona. ¹⁴ Elyo wakati kuli Leza waba mataata wakutondeka kuti uzibe kuyanda kwakwe, kuti ubone ulaleme ukamvwe ijwi lizwa mumulomo wakwe. ¹⁵ Nkambo uyooba kamboni wakwe kabantu boonse kuli nziwabona akumvwa. ¹⁶ Lino ulindaanzi? Buka, ubbabbatizigwe, alimwi usanziwe zibi zyako, akwiita kuzina lyakwe.¹⁷ Nindakabweda ku Jelusalema amuchindi amuchindi nindakali kukomba mung'anda ya Leza, zyakandichitikila kuti ndakapegwa chilengano. ¹⁸ Ndakamubona kati kulindime, fwambana uzwe mu Jelusalema, chakufwambana nkambo tabakwe nibayo butambula bukamboni bwako atala andime.¹⁹ Ndakati, 'Mwami, bolwabo balizi kuti ndakali kwanga akuma abo bakali kusyoma muli nduwe muzikombelozyonse. ²⁰ Alya bulowa bwa Sitivini kamboni wako nibwakatilwa, ndakali umwi wabo wakalimvvi kazuminana anzizyo, alimwi ndakali kulinda zyakusama zyabobo bakamujaya. ²¹ Pesi wakati kulindime, koya nkambo ndiyokutuma kule kuli bamaasi." ²² Bakamuswilila kusikila kujwi elyo. Mpawo bakompolola kabati nawandwe mukwesu oyo munyika nkambo tachilikabotu kuti apone." ²³ Nibakali kuya bompolola, kabasowa zisamo zyabo, alimwi kaba lundumuna lusuko mujulu. ²⁴ awo silutwe mupati waba silumamba wakalayilila kuti Pawulu bamulele mukati alubaya. Wakapa malayilile akuti abuzisigwe chakuumwa achimboko kuti welwakwe akazibe kuti nkambonzi nibalikuya bompolola nkambo kakwe. ²⁵ Lino nibakamwanga lutambo Pawulu wakati kuli silumamba mupati walimwanda oyo wakalimvvi kumbali, "Chili mumawulu na kuti inywe muume mwalumi achimboko kalimu Loma alimwi kata toledwe kukwezegwa?" ²⁶ Lino silumamba mupati walimwamda nakamvwa eezi, wakayinka kuli silutwe mupati wasilumamba wakamwambilila kali kuti, "Niinzi nicholikuyanda kuchita? Nkambo oyu mwalumi oyu mu Loma mubuzyalwe bwakwe." ²⁷ Silutwe mupati wabasilumamba wakasika kuli nguwe wati, ndambile uli mu Loma na? Pawulu wakati, "Iyii." ²⁸ Silutwe mupati wabasilumamba wakati, zyakakonzeka biyo nkambo kamali nyiingi kuti ndikonzye kujana bukkalo bwamu Loma. Pesi Pawulu wakati, mebo ndakazyalwa kandili mu Loma. ²⁹ Mpawo bantu bakaledele kumubuzisisya bakamusiya mpawawo. Silutwe mupati waba silumamba wakali wayoowa, Nakayiyya kuti Pawulu wakali mu Loma, nkambo wakali wamwanga. ³⁰ Mubuzuba butobelwa silutwe mupati wabasilutwe wakayanda kuziba nchoonzyo atala anchibakali kumutamikizya Pawulu muJuda. Mpawo waka mwangununa zyanzyo akulayilila Mupayizi mupati aboonse benkuta kuti baswananane. Mpawo wakamweeta Pawulu wamukkazika akati kabo.

23

¹ Pawulo wakalangisisya basinkuta mpawo wakati, "Bakwesu, ime ndakapona kunembo lya Leza amoyo wangu woonse mubotu kuyoosikila sunu." ² Ananiyasi mupayizi mupati wakalayilila aabo bakayimvvi kubbazu lyakwe kuti bamuume kumulomo. ³ Mpawo Pawulo wakati kulin-guwe, "Leza ulawuma nduwe, iwe yobulambo butubulukide. Ukkalilide kundibeteka kumalawu na, pesi ulayilila kuti nduumwe, chitali mu-mulawu?" ⁴ Aabo bakayimvvi mpawo bakaamba kuti, "Mbomubo na mbotukila mupayizi mupati wa Leza?" ⁵ Pawulo wakaamba kuti, "Teendazi pe nobakwesu kuti ngomupayizi mupati. Nkaambo kulilembedwe,

Tokoyoowambula bubi aatala amweendelei wabantu bako.” ⁶ Aawo Pawulo naakabona kuti imwi nkamu yabantu bakali ba Sajusi mpawo bamwi bakali ba Falisi, wakaambuula ajwi pati nkali munkuta wati, “Bakwesu, mebo ndimu Falisii, ndimwana waba Falisii, nkaambo kakuti ndaabolangizi bwakubuka kubafu, nchenchicho nchendookubetekwa.” ⁷ Nakaamba oobo kwakaba kukazyania aakati kaba Falisi aba Sajusi, mpawo nkamu yakaanzaana. ⁸ Nkaambo ba Sajusi batia taakwe kubuka kubafu, taakwe bangelo alimwi taakwe myuuya, pesi ba Falisi balazizumina zyoonse eeyzo. ⁹ Mpawo kwakaba kuyooma kupati, bamwi balembi bamulawu balikubbazu lyaba Falisi, bakiimikila kabakazya kabati, “Taakwe bubi pe mbotujana mumwaalumi ooyu. Ani kuti muuya naakuti mungelo nguwaakambuula kuli nguwe?” ¹⁰ Nikwakaba kuyooma kupati, mupati wabasilumamba wakayoowa kuti Pawulo balamukwamuma, aboobo wakalayilila basilumamba kuti bayinke aansi bakamubweze changuzu kuzwa kuli basinkuta amweete kusikikene. ¹¹ Busiku bwakatobela mwami wakiima kubbazu lyakwe mpawo wati, “Utayoowi, nkaambo mbuli mbwakandipeda bukamboni mu Jelusalema, mbubo mboyoondipeda bukamboni aku Loma.” ¹² Nebwakacha, bamwi bajuda bakayungana balibika munsi lyachikonke, kabati tabakoolya na kunywa chikntu mane bamujaye Pawulo. ¹³ Bakalikiinda makumi aane baalumi bakapanga jungwe eeli. ¹⁴ Bakayinka kubapayizi bapati akubaalu bembungano bakwaamba kuti, “Twaanga chikonke chipati kuti tutalyi chintu ado tumujaye Pawulo. ¹⁵ Aboobo, lino basinkuta abakumbile zilimumulawu kuli silutwe wabasilumamba bamweete kulindiswe, kube aanga kuli nchoyanda kumvwisisisya kumulandu wakwe. Swebo tulilibambilide kumujaya katanasika aano. ¹⁶ Pesi mwana mulombe wamuchizi wa Pawulo wakamvwa kuti balimubawatilide, mpawo wakanjila mukati mwakabede Pawulo wakumwaambila. ¹⁷ Pawulo wakayita umwi wabasilumamba bamwaanda wati, “Bweza mulombe ooyo umutole kuli Silutwe wabasilumamba nkaambo uli aachakwaambwa. ¹⁸ Eelyo Silutwe wabasilumamba bamwaanda wakabweza mulombe akumweeta kumupati wabasilumamba mpawo wamwaambila kuti, “Pawulo musungwa wandiita kulinguwe akundikumbila kuti njete mulombe ooyu kulinduwe. Ulachakwaamba kulinguwe. ¹⁹ Mupati wabasilumamba wakamujata wamutola kubusena busisikene mpawo wakamubuza wati, “Niinzi nchoyanda kundaambila?” ²⁰ Mulombe wakati, “Bajuda bazuminana kuti kukukumbila kuti uyete Pawul ijuunza kunkuta, kakubanga bayanda kumvwisisisya obootu obootu mulandu wakwe. ²¹ Pesi utabazuminini nkaambo kuli baalumi biinda makumi one bamubwatilide munzila. Bakalimbika muchikonke chakuti tabakolya nanka kunywa chintu mane do bamujaye. Kwalino balindide biyo kuzumininwa anduwe.” ²² Mpawo mupati wabasilumamba wakamuleka mulombe ooyo weenda nakamana kumulayilila kuyi, “Utaambili muntu kuti wandaambila zintu eezi.” ²³ Mpawo wakiita bapati babili wabasilumamba bamwaanda wabaambila kuti, “Mubunganie mbasilumamba bali myaanda yobile balibamble kuyoosika ku Kkayisalia, abali makumi musanu aababili bama basimabbiza, abali myaanda yobile basimasumu. Mulanyampuka muwola lyatatu lyamansiku.” ²⁴ Wakambaambila alubo kuti babambe bamnyama mbatabelesye Pawulo akumutola katabililikide kuli eleksi mweendelezi wchilikit. ²⁵ “Mpawo wakalemba lugwalo lutu: ²⁶ “Kkilawudiyasi Lisyasi uyindila kulemekwa Mweendelezi Felekisi, ndajuzya. ²⁷ Ooyu muntu wakasungwa abajuda mpawo bakali kuyanda kumujaya nendasikisa

nkelabasilumamba akumuvuna nkaambo ndakamvwa kuti muna Loma²⁸ Ndakayanda kuziba kuti nkamboonzi nibamupa mulandu, aboobo ndakamutola kunkuta yabo.²⁹ Ndakaziba kuti wakalikupegwa mulandu uulangene aamilawu yabo, pesi taakwe kaambo nkaakachita pe nkapedwe keelela mulandu walufu na ntolongo.³⁰ Kuzwaawo ndakazibisigwa kuti kubambidwe mabambe aalangene amwaalumi ooyu, aboobo ndafwaambana kumutumizya kulinduwe akulayilila basikumupa mulandu kuti beete moilandu njibamupa kunembo lyako. Ndalumba.”³¹ Aboobo basilumamba bakatobele malayilile aabo, mpawo bakatgola Pawulo akumweeta kuti Antipatilisi mansiku.³² Mubuzuba bwakatobela basilumamba biangi bakasiya basimabbiza kuti biinkaawe mpawo bo babweeda kulubaya.³³ Aawo basimabbiza nibakasika ku Kkayisaliya akusisyia lugwa kumweendelezi alimwi bakamutula Pawulo kulinguwe.³⁴ Aawo nakabala lugwalo mweendelezi, wakabuuya Pawulo chilitiki nkwarzwa; naakamvwa; kuti wakalikuzwa ku Silisiya,³⁵ wakati, “Nzokumvwisisyisa basika basikukupa mulandu.” Mpawo wakalayilila kutgi abambwe kung’anda mpati yabwami bwa Helodi.

24

¹ Nikwakayinda mazuba aali musanu, Ananiyasi mupayizi mupati abamwi batapi asimwiitiliza twaambo walikutegwa Tatalasi, bakayinka ooko. Lino baalumi aaba bakatamikizya Pawulo milandu kunembo lya mweendelezyi.² Lino Pawulu nakayimikila kunembo lyamweendelezi, Tatalasi wakatalika kumuninaania wati kumweendelezi, “Nkaambo kako tuli aaluumuno lupati; alubo mubono wako upa kubumbululwa kubotu kwachisi chesu;³ aboobo akulumba koonsse talatambula zyoonse nzuchita, Felekiti, simuntya makani.⁴ Amukuti nditakujatili chiindi; ndakumbila kwiinda mubuuya bwako kuti utuswilizye mubufwifwi.⁵ Twajana mwaluumi oyu kali bulyi alubo kali siksiblizya akusungilizya bajuda bali munyika zyoonse kuti babe basikubukila, Oyu muzulwidhi wankamu yabaNazalini.⁶ Wakeezya kusampawula nganda yaLeza, ncitwamwanga.⁷ ⁸ Pesi Lisiyasi, mupulisa waza wamubweza changuzu kuzwa mumaboko esu, wakalayilila basikumutamikizya kuti baze kulinduwe. Na mwamubuuya Pawulu atala amakan aya, mulakonzya kuziba zintu zyoonse kuti nkaambonzi nitunokumupa mulandu.”⁹ Abalabo bama Juda bakanjilila mukumutamikizya, kaba simatizya kuti twambo otu twamasimpe.¹⁰ Pesi mweendelizi nakapa Pawulu mweenya wakwaambuula, Pawulu wakavwiila wati, “Ndämvwisisyisa kuti ijisi minyaka miingi kuli mubetesi wamusyobo wabantu aba nkikaako ndabotelwa kulipandulula kuli nduwe.¹¹ Ulakonzya kuziba lwako awulike kuti takuna kwiinda mazuba ali kkumi aabili pe kandli ndaya kukukomba ku Jelusalemu;¹² nibakandijana mu nganda ya Leza, takwe ngundakakazyanya awe pe, alubo takwe ambikakanyonyonganya pe, nikuba muzikombelo, na mudolopo;¹³ Tabakwe abukamboni pe mbubanga balapa atala lya makani ngibalokunditamikizya lino.¹⁴ Pesi ndiyanda kulyambilila kulinduwe makani aya, kuti kwiinda munzila njibaamba ayo kuti kabaamba kabunga kabukombi, mulinjiyo eyi nzila andime mundikubelekela Leza wabamataata.¹⁵ Ndilasyoma zintu zyoonse zyeendelelana amulawu azilmbedwe mubasinsimi. Ndijisi bulangizi bumwi biyo muli Leza mbuli mbabo aba baluumi, bwakuti buzoba bubuke bwabafu bwa baluleme abasizibi.¹⁶ Nchiichicho nchindisungwala

nchiindi choonse kuti ndibe amizeezo itakwe kampenda kunembo lya Leza akubantu. ¹⁷ Lino nikwayinda minyaka miingi ndakaza kuzopa lugwasyo kubantu bakulindiswe akupa zipayizyo. ¹⁸ Nindakachita ezi, bajuda bamwi bazwa ku Ezija bakandijana kandilimulimu wakulisalazya munganda yaLez, kakutakwe bantu bayiingi niluba lupyopyongano. ¹⁹ Aaba baluumi mbibeleede kuba kunembo lyako lino kabanditamikizya kuti kabala anchibanga balanditamikizya. ²⁰ Nakuti aba baluumi mbimbabo baleede kwamba bubi mbubakabona mulindime nindakayimikila kunembo lyaboomba lyaba Juda; ²¹ kunze kwachintu chimwi echin chindawompolola nindalimvvi kunembo lyabo," chila achakuchita abubuke bwabafu nchindi mukubetekelwa kunembo lyako sunu. ²² Lino nkambo Felikisi wakali wazibisigwa kabotu atala anzila eyi, wakayimikizya nkuta eyi. Wakati, "Kuti Lisiyasi muzuluzi wabasilumamba wasika kuzwa ku Jelusalemu, ndizobona zyakuchita amulandu wako oyu." ²³ Mpawo wakalayilila mupati wankamu yabasilumamba mwaanda kuti Pawuli weleede kujalilwa kakuzilikila, pesi ajane lwangunuko lwaswayigwa abeenzunyina kuchitila kuti kabamugwasizya kulinzayabulide. ²⁴ Nikwayinda mazuba, Felikisi wakabweeda aDulisia mwanakazi wakwe, wakali mujuda, mpawo wakalayilila kuti Pawulu aletwe kulinguwe, elyo wakamwisisisy azyalusyomo muli Jesu Kilisitu. ²⁵ Pesi Pawulu nakamupalwida kabotu azyabululami, kulizyotola alubeta luboola. Felikisi wakatalika kuyoowa mpawo wat, "Zwa, bwalino kuya. Pesi ndazojana mweenya ndizokwita lubo." ²⁶ Mpawo awo kalangilila kuti ambweni Pawuli walikunomupa mali, walikunga unokumwita kuti aambul aawe, kaniikumubwedezya." ²⁷ Pesi nikwakayinda mimnyaka iibili, Pokkiyasi Fesitasi, wakaba mweendelezi mibusena bwa Felekisi, pesi Felekisi walikuyanda kuti bajuda bamuchijtgile buuya, elyo wakasiya Pawulo kaangidwe.

25

¹ Lino Fesitasi wakanjila mubwami, alimwi musule lyamazuba otatwe wakazwa ku Kkayisalia kaya kuJelusalemu. ² Bapayizi bapati abapati bama Juda bakeeta twaambo twakubejelezya Pawulo, alimwi bakabuzya Fesitasi changuzu. ³ Bakakumbila Fesitasi kuti abape buuya aatala aPawulo kuti amwiite kuJelusalemu nkaambo bakakanza kumuyubilila kuti bamujaye. ⁴ Fesitasi wakasandula kuti, Pawulo wakalijiswi ku Kkayisalia, alimwi we lwakwe ulabweeda nkuko muchiindi chifwiifwi. ⁵ "Nkenkaako aabo bakonzya," wakaamba "Balayinka andiswe nkuko, na kakuli chintu chitaluleme aatala ayooyu mwaalumi, muleede kumupa mulandu." ⁶ Fesitasi naakkakkala mazuba musanu aattatu kuyosika kukumi lyamzuba, wakayinka ku Kkayisalia, alimwi muzuba lyakatobelwa wakakkala achuuno chalubeta akulayilila kuti Pawulo aletwe kulinguwe. ⁷ Naakasika, bama Juda baku Jelusalemu nibakayima afwiifwi, akuleta twaambo tuyumu ntobakali kukonzya kupeda bukamboni. ⁸ Pawulo wakalikwabilila akwaamba kuti, "Taakwe mulandu ngondakachita akukazanya aamulawu waba Juda nekuba uukazyania ang'anda yaLeza nekuba Kkayisala" ⁹ Pesi Fesitasoi wakalikuyanda kulumbwa kuba Juda, alimwi wakasandula Pawulo wat, "Ulayanda na kwiinka kuyobetekwa andime ku Jelusalemu aatala azeezi?" ¹⁰ Pawulo wakasandula skuti, "Ndilayima kunembo lyachuuno chalubeta cha Kkayisala ooko nkwenjele kubetekwa. Taakwe bajuda mbendakabisizya, mbuli mbomuzi kabotu

kabotu. ¹¹ Nakuti ndachita bubi akuti ndachita cheeteleyza lufu tandikaki pe kufwa. Pesi kakuli kuti twwambo twabo katuli twabuyo, taakwe naba omwe uukonzya kundaaba kuli mbabo. Ndayi Kkayisala.” ¹² Fesitasi naakambula ankamu yakwe wakavuwa wati, “Wakumbila kuyoobetekwa kuli Kkayisala, aboobo uliinka kuli Kkayisala.” ¹³ Lino nikwakayinda mazuba, Mwami Agilipa a Bbenisi bakasika ku Kkayisaliya kuzoswayila Fesitasi. ¹⁴ Nikwakayinda mazuba miingbi kabali nkuko, Fesitasi wakatula kaambo ka Pawulo ku mwami, wakati, “Umwi mwaalumi wakasiigwa okuno aFeleksi kali mwaange. ¹⁵ Nindakali mu Jelusalemu bapayizi bapati abapati baba Juda bakeeta twaambo tukazyania ayooyu mwaalumi kulindime, akukumbila kuti apegwe mulandu. ¹⁶ Ndakavviila kuti tachili muchiyanza chaba Roma pe kwaaba mutu wabikwa kaambo, katanalangana aabo bakamubika kaambo, akujana chiindi chakulyaabiliila mulandu ngobamupede. ¹⁷ Nkenkaako, nimbakabunga okuno, teendakachedwa pe, pesi nibwakacha ndakkakala achuuno chakubeteka akulayilila kui mwaalumi ooyo aletwe. ¹⁸ Nebanyampuka basikumupa mulandu, teebakamupa mulandu mboli mbundakali kolangilila pe. ¹⁹ Nekuba kuti bakali amibuzyo imwi yankombelo yabo beni, ayamuntu uutegwa Jesu wakafwa ngwasinizya Pawulo kuti muumi. ²⁰ Lino mbendakatalikwe bwiini akubuzisisya makani aliboobu, ndakabuzya kuti ulayanda na kuya kuJelusalemu akabetekwe aatala azeezi zintu. ²¹ Pesi Pawulo naakakumbila kuti asisigwe Iwamwami mupati, ndakalayilila kuti alindwe mane nkamutimizye kuli Kkayisala.” ²² Agilipa wakati kuli Fesitasi, “Ambebo ndilayanda kumumvwa mwaalumi ooyu.” “Juunza,” wakasandula Fesitasi, “ulamumvwa.” ²³ Nkabela muzuba lyakatobela, Agilipa a Bbenisi bakasika abulemu bapati; bakasika mung'anda yakuswiliiza amntoomwe abasilumamba bapati abapati bamuchisi. Fesitasi nakalayilila, Pawulo wakeetwa kuli mbab. ²⁴ Fesitasi wakati, “Omwami Agilipa, andinywe moonse nobaluumi nimuli aamwi andiswe aano, mwamubona mwaalumi ooyu, mutu ngundakakambilwa aba Juda ku jesusalemu akokuno alimwi bakoompolola kulindime kuti tacheelede pe kupona. ²⁵ Ndakajana kuti taakwe chintu nchaakachita cheelede lufu; pesi nkaambo kakulikumbilila kumwami mupati, ndakakanza kumutumina. ²⁶ Pesi nsikwe majwi abukamboni akulembela mwami wangu. Nkaambo kaako nchindamweta kulindinywe, ikapati kunembo lyako Mwami Agilipa, kuti ndijane zyakulemba aatala amulandu ooyu. ²⁷ Kwabaanga mbufubafuba kulindime kuti nditumine mwaange, alimwi kataambilidwe milandu njatamizizigwe.”

26

¹ Lino Agilipa wakambila Pawulu wati, “Ulakonzya kulyambwida lwako” Mpawo Pawulu wakanyampuka kuboko kwakwe walyambila. ² Ndabotelwa lwangu, Mwami Agilipa kwamba kumakani ngibandibejelezya oonse bajuda; ³ kapati nkambo we ulimusongo kuziyanza zyabajuda akumibuzyo. Aboobo ndakumbila kuti indiswilizye mebo chamoyo mulamfu. ⁴ Kasimpe, bonse bajuda balikuzi kupona kwangu kuzwa kubwanikenike munyika yangu muJelusalema. ⁵ Balizi atala andime kuzwa kumatalikil, kuti kabayanda kuzizumina, obo kuti ndakalikupona mbuli muFalisi, wamunkamu njumu loko yabukombi bwesu. ⁶ ndayimikizigwa ano kuti ndibetekwe nkambo kabulangizi mbwakasyomezya Leza lwindila kulibamatata. ⁷ Chisyomezyo chamikowa

yesu ili kkumi ayibili nchituli abulangizi akutambula kuti twakomba Leza mansiku asikati, nkambo kabulangizi obo chembikilwa kaambo kubaJuda. ⁸ Nkambonzi mukuyeya kwanu, nimutazumini kuti Leza ulabusya bafu? ⁹ Lino nchobeni, lwangu ndakali kuyeya kuchita zintu zizkazania azina lyJesus wakuNazaleta. ¹⁰ Ndakachita ezi muJelusalema bantu basalali bingi baLeza ndakabanjizya muntolongo mbundapegwa bwendelezi abapayizi bapati, anibakalukujegwa, ndakazumina kuti bajayigwe. ¹¹ Ndakabapenzya kwachindi chilamfu muzikombelo zyoonse alimwi ndakezya kubajata changuzu kuti basampawulwe. Ndakanyema akubakalalila akubapenzya nikuba kuchisi chabwenzu. ¹² Nindakachili kuchita ezi ndakinka kuDamasikka munguzu amumalayilile a bapayizi bapati; ¹³ Nkiya buya oko, nilyakaba akalanga bwseseme, mwami, ndakabona mumuni kuza kujulu wakali kubalama kwinda zuba wakatumwinikila watuzyunguluka ime abalumi mbindakali abo. ¹⁴ Lino nitwakawida ansi, ndakamvwa ijwi kalyambula kulindime lyakuti mumulaka waHebbelu, 'Sawulo, Sawulo, undipenzezyan?' Chiyumu kulindime kubbompa kasamu kalamfu kakubizya banyama.' ¹⁵ Mpawo ndakamba kuti, 'Nduweni, Mwami?' Mwami wakasandula kuti, 'Ndime Jesu ngulokpenzya. ¹⁶ Lino nyampuka uyimkile amawulu ako; Nkambo kamakanze nchindalibonia kulinduwe, ndikubikke kuti ube simulimu wangu asikulungununa wazezi zintu nzusi atala andime azintu nzindakutondezya kunembo; ¹⁷ Ndiyokuvuna kubantu akuli bamasi oko nkundiyokutuma, ¹⁸ Kuti ukabbanune meso akulekelewa zibi akuti bakakone ezyo nzipa kuli babo basalazigwa alusyomo kwindila mulindime.' ¹⁹ Aboobo, Mwami Agilipa, tendakaka kulemeka chilengano chakujulu; ²⁰ Pele kusanguna abaliku Damasikka mpawo amuJelusalema akwiinda muchisi chaJudiya, akuli bamaasi, ndakapa ijwi lyakuti bakonzye kusanduka akubola kuliLeza, bachite milimu iyelede kusanduka. ²¹ Azezi baJuda bandanga mun'anda yaLeza kwezya kuyanda kundijeya me. ²² Aboobo ndakatambula kuvunwa kuzwa kuliLeza kusikila sunu, ndimvvi akulungununa akati kabanini abapati katakwe chakuyungizya kunze kwazezi zyakaambwa abasinsimi aMozesi kuti zizochitika; ²³ Kuti Kilisito ulelede kupenzegwa, akuba mutanzi kubuka kubafu akupandulwida mumuni kubantu bakulindiswe akuli bamasi." ²⁴ Nkamaninysa kulyambila Pawulo, Fesitasi wakompolola ajwi pati wati, "Pawulo wasondoka; kwiya kwako kupati kwasondosya. ²⁵ Pele Pawulo wakati, "Nsisondokede pe, Fesitasi; simunantya makani uyindilide, ndikwamba biyo majwi akasimpe amvwika kunembo lyalubeta. ²⁶ Nkambo mwami ulaza makani aya; lino ndambula achamba anguwe, ndakombeleyza kuti kumakani aya oonse taakwe ngatabwene, nkambo echu techakachitwa kumbali pe. ²⁷ Ulasyoma na basinsimi, mwami Agilipa? Ndilizi kuti ulasyoma". ²⁸ Agilipa wakamba kuti kuli Pawulo, "Kuchindi nchicho echo uyanda kundisandula na kuti mbemukilisitu na?" ²⁹ Pawulo wakati, "Ndakomba kuli Leza, kuti nikuba kuchindi chilamfu, kutali ndiwe awulikke, aboobo bandimvwa sunu, bazoba mbuli ndime, kakutakwe nketani zyamunto-longo". ³⁰ Mpawo mwami wakanyampa, amwendelezi a Benikke alakwe, aboonse mbibakkedde aboo; ³¹ Nibakazwa mun'anda, bakambula kuli umwi awumwi bati, "Oyu mwalumi tachitide chintu chelede lufu nikuba kwaangwa." ³² Agilipa wati kuli Fesitasi, "Oyu mwalumi walede wangununwa anoli talina kumbila kuti atatongelwe a Kkayesa."

27

¹ Nikwakayeyegwa kuti twelede kuyaku Itali abwaato bakasala Pawulu abamwi baange kumwendelezi wabasilumamba utegwa Juliyasi wa-munkamu. ² Twakanjila mubwato buzwa ku Adilamatiyamu oobo bwakali bwaba afwifwi kuti bunyampuke bwakali kuyoyinda kunkomwe ya Ezija. Mpawo twakayinka kulwizi. Alisitachasi uzwaku Tesalonika mu Masedoniya wakeenda andiswe. ³ Mubuzuba butobelwa twakasika kuchisi cha Sidoni, oko Juliyasi nkvakakujata Pawulo cabuuya alimwi akumuzumizya kuti ayiinke kubenzinyina kuyotambula kubambwa. ⁴ Kuzwa awo twakaya kulwizi twakuyamba muunsi anoomwe yaku Sayipulasi, afwifwi akukasuwa, nkambo luuwo lwakalikututonta. ⁵ Nitwakeenda katutimbula lwizi nitwakazoinda ku Silisiya alimwi aku Pamfiliya, twakasika ku Mayila, chisi chaku Lusiya. ⁶ Nkuko ooko mwendelezi nkvakajana bwaato buzwa ku Alekizandiliya obo bwakalikuya ku Itali. Mpawo watubika mumo. ⁷ Nitwakali kweenda bunini abunini kwamazuba mayingi, twakazomaninsizya twasika mubuyumuyumu afwifwi a Sinidusi alimwi luuwo telwakazotuzumizya pe kuti twinde nzila eeyo, twakeenda katuyabuya alubazu Iwankomwe yaku Kkilete, kumbali lya Salimone. ⁸ Twakeenda mumo omo munkomwe mubuyumuyumu, mane twakusika kubusena bumwi butegwa Majulu mabotu, buli afwifwi achisi cha Laseya. ⁹ Twakali twamana chiindi chilamfu, chiindi chakulyiimya kwama Juda achilacho chakali chayinda, alimwi kwakali kwatentuusya lino kweenda. Mpawo Pawulu wakabachenjezya, ¹⁰ wati, "nibaluumi, ndibwene kuti lweendo ndutuyanda kubweza lulakulichisa akuswekelwa kupati, pepe zinyampwidwe nikuba bwato luzutu, pesi abuumi bwesu." ¹¹ Pesi mwendelezi wakaswilizya kapati kuli sikwenzya bwaato akulimuna bwaato kwinda eezyo zyaakambwa a Pawulu. ¹² Nkambo chito techakali chuubila pe kuti bukkale mpawo chilinu choonse, bamwi bayiingi bakapa muzezo wakuti tweende kuzwa aawa, ambweni dozyakonzeka ngatuyosika kuchisi cha-Foyenikisi, kuti tukakkale chiindi chachilimo nkuko. Foyenikisi nchito cha Kkilete, chilangide koonse kumusaansa akububbila alimwi kumbo -akububbila. ¹³ Eelyo luuwo lwakumusansa nilwakatanguna kuunga kwachumunizi, basbwato bakayeeya mbuli kuti bakali bachijana nchibakalikuyanda. Lino bakanyamuna bbwe lyakwimikizya bwato mpawo beenda kabatobezya Kkilete, afwifwi ankomwe. ¹⁴ Pesi nikwakayinda kayindi kanini kwakaza muuwo mupati utegwa Notisita, wakatanguna kuuma aansi kuzwa kusuwa. ¹⁵ Eelyo bwaato nibwakajatwa amuuwo mupati zyakukachilwa kuyakunembo muluuwo, twakayinzizya muuwo mupati ooyu mwenya alimwi wakatuchuunda twatobelezya muuwo. ¹⁶ Twakeenda munkomwe munsi akasuwa kanini kategwa Kkawunda, alimwi abuyumuyumu twakazokonzya kusika akaato kakuvunwa. ¹⁷ Eelyo nibakaanga Kaato, bakabelesya minchinda yako mpawo bazojatanisya amwi kubulambo bwabwato. Bakalikuyowa kuti ngabayosisigwa kumuse waku Sayitis, lino bakalosya minchinda wangidwe bbwe wabwato alimwi bakatontwa kabayabuya. ¹⁸ Twakatamamizigwa mbubobu amuuwo mupati zyakuti buzuba bwakatobelwa bakatanguna kubwala mpasya mukati mulwizi. ¹⁹ Mubuzuba bwachitaatu bantu bakalimubwato bakabwaala zintu zyakali mubwato amaboko aabo. ²⁰ Eelyo izuba anyenyezi nizyakatatumunikila kwamazuba mayingi, alimwi muuwo mupati kuchuuma alindiswe, bulangilizi boonse bwakuti twelede kufutulwa bwakamana. ²¹ Nibakeenda

kwachiindi chilamfu kabatakwe chakulya pe, eelyo Pawulu wakayimikila akati kabantu wati, "Nobakwesu, mwaledele kunditelela, alimwi temwaledele kwenda kamuzida kuKkilete pe, eezi zyakuti mujane kulichisa alimwi kuswekelwa.²² Lino ndamusimya kuti nywebo mube abusungu, nkaambo takwe nikutabewo pe kuswekelwa buumi akati kanu, pesi biyo kuswekelwa kwabwaato.²³ Busiku bwayinda mungeelo wa Leza ooyo ngundili kulinguwe, oyo alimwi ngundikomba — mungelo wakwe wakaliimvywi aambali lyang²⁴ alimwi wati, 'Utayoowi, Pawulu, weelede kuyoyimikila kunembo lyaKayisa, alimwi ukabone Leza mubuya mbwakapa kuli nduwe abo boonse balimulwendo anduwe.'²⁵ Linobu mube abusungu, nobakwesu! Nkaambo ndisyoma Leza kuti chiyochitika mbuli mbuchakaambwa kulindime.²⁶ Pesi twelede kuchijana munyika amutusuwa.²⁷ Eelyo busiku bwakkumi abwaane nibwakasika, mbuli mbutwali kuchundilwa kulubazu olu alimwi mukati kalwiizi lwa Adiliyatiki, kubanga mpakati kabusiku basilwendo bakayeeya kuti bamba kusika kunyika.²⁸ Bakabeza zipimyo alimwi bakajana kuti maboko ali kkumi amusanu.²⁹ Bakayoowa kuti ambweni anga tulawuminina amabwe, lino bakawaala mabwe akwimikizya bwaato aanze kuzwa munsi alimwi bakakomba kuti kucha ambweni kulafwambana kusika.³⁰ Bakali mubwaato bakalikulanga nzila yakusiya bwato alimwi bakalosya kaato kulwizi, alimwi bakabaanga balabwaala mabwe abwaato kuzwa kunembo.³¹ Pesi Pawulu wakati kumwendelezi akuli basilumamba, "kunze akuti baalumi aaba bakkale mubwaato, takwe nimunga mulafutuka pe."³² Eelyo basilumamba bakadunsuula minchiinda yakaato alimwi bakaleka kayabuya.³³ Nikwakaamba kucha, Pawulo wakabasungwazya boonse kuti babweze chakulya. Wakamba kuti, "Eli zuba ndyakkumi aane kamuswini kulindilizya kamutakwe chakulya pe — takwe nchimulide pe.³⁴ Eelyo ndamukombeleyza kuti mwabane chakulya, nkambo oolu ndulufutuka lwanu. Ko takukwe anaba umwi akati kanu utaswekelwe inzeeta imwi yasusu kuzwa kumutwe wakwe."³⁵ Naakamana kwaamba eezi, wakabweza chinkwa alimwi walumba Leza mumeso aboonse. Eelyo wakakwamuna chinkwa alimwi watalika kulya.³⁶ Eelyo baksungwazigwa boonse mpawo abalabo bakabweza chakulya.³⁷ Twakali myaanda ibili ilamakkumi musanu aabili amusanu awumwi (276) myuuya yakali mubwaato.³⁸ Nibakalya achakwelela, bakachita kuti bwaato buubilwe akubwaala mayila mulwizi.³⁹ Nikwakaba buunsi, tebakibonape nyika, pesi bakabona tyebe lilankomwe, alimwi bakayowesya kuti anga balayinzya bwaato na ataala.⁴⁰ Mpawo bakanenga zyatendela zijazyo alimwi bakasiya mukati kalwizi. Muchindi chimwi biyo eecho bakanganuna minchiinda yazitabilisyo kuluuwo; alimwi bakayinka kunkomwe.⁴¹ Pesi bwaato bwakajimpa aansi mpawo bweenda anyika. Chakumpela chabwato chakapatila alimwi chachaala kachitanyamuki pe, alimwi chaansi chakatyolwa anguzu zyamayuwe.⁴² Mabaambe abasilumaamba akali kujaya baange kuchitila kuti kutabi naba omwe uunga ulayamba mpawo achije.⁴³ Pesi mweendelezi wakalikuyanda kufutula Pawulo, mpawo wakayimikizya mabambe aabo; alimwi wakalayilila aabo bakalikukonzya kuyamba kuti basotokele kuunze alimwi basike anyika.⁴⁴ Eelyo boonse baalumi beeledge kutobela, bamwi ajulu azimwi ziintu zyakali mubwato. Munzila eeyi zyakachitika kuti toonse tusike obotu anyika.

28

¹ Nitwakazubusigwa kabotu twanjila mukati, twakaziba kuti ako kasuwa kategwa Malita. ² Bantu bamumo bakatuchitila buuya bwindilide, pesi bakakunka mulilo, batutambula toonse, nkaambo kwakali moyooba alubo kakulokutontola. ³ Pesi Pawulu nakabwezelela bukunikuni wabuwaala mumulilo, muzoka wakazwa nkaambo kakuumpa kwamulilo. Mpawo wanamatila aluboko lwa Pawulu. ⁴ Lino bakkali bamuchisi echi nibak-abona munyama oyu ulalengelela aluboko lwa Pawulu, bakati kuli umwi awumwi, "Oyu mwalumi welede kuti mujayi wavunwa kulwizi. Lubeta talumuzumizyi pe kuti kachipona." ⁵ Pesi nakamusansila mumulilo muzoka ulya, katakwe anakamuchisa pe. ⁶ Bakalindila kabangilila kuti ulachiswa ndulwe mukati na kuti kuwidaansi mpawawo. Pesi nibaka-mulangilizya kwachindi chilamfu, babona takwe abubi bwakachitika alinguwe, bakasandula kuyeeya kwabo bati mwalumi oyu ngu Leza. ⁷ Lino abusena buli afwifwi kwakali nyika yakali yamuzuluzi mupati wakasuwa aaka, mwalumi utegwa Pabbuliyasi. Wakatutambula watukutuwila kwamazuba ataatu. ⁸ Lino kwakaba kuti wisi wa Pabbuliyasi wakalikchiswa ndulwe akania bugwalaya. Lino Pawulu nakaya kulinguwe, wakakomba, wamubikka maboko, mpawo wamuponia. ⁹ Kuzwa akuchitika kwazezi, bantu biingi bakalikuchiswa mukasuwa aaka bakaza mpawo bakaponesegwa. ¹⁰ Bantu bakatulemeka abulemo bwiingi. Elyo nitwakaamba kweenda, bakatupa zyoonse nzitwakabulide. ¹¹ Kuuzwa amyeezi itaatu twakeenda abwaato bwakali bwamaninsya chilimu choonse kabuli akasuwa, bwaato bwa Alekkizandiliya bwakalijisi chikozyano chaba leza bamambile kachili chitondezyo, ¹² Kuzwa nitwakasika adolopo litegwa Silakkiyasi twakakkala mazuba ataatu. ¹³ Kuzwa mpawawo twakayamba mane twakusika kudolopo litegwa Legiyamu. Nikwakayinda zuba limwi kwakabuka moyo wakumusanza, mpawo mukati kamazuba twakali twasika kudolopo lya-Pitiyoli. ¹⁴ Awa twakajana babunyina bamwi, mpawo batutamba kuti tukkale ambabo kwamazuba aalimusunu aabili. Kwiinda munzila mbutwakasika ku Loma. ¹⁵ Kuzwa mpawawo bakwesu nibakamvwa kuti twasika bakaza kuzotutambula ku Masasmbalilo a Apiyasi, akumaanda itaatu nkutwakali twaba. ¹⁶ Nitwakanjila mu Loma, Pawulu wakanganunwa kuti akkale alikke a silumamba sikumulinda. ¹⁷ Elyo kwakaba kuti nikwakayinda mazuba itaatu Pawulu wakayita basilutwe bama Juda. Lino nibakabangununa, wakati kulimbabo; "Nobakwesu, nikuba kuti tandijisi mulandu pe kubantu akutunsiyansiya twamataata, Ndakeetwa mbuli mwaange kuzwa ku Jelusalema ndabikwa mumaboko aba Loma. ¹⁸ Nibakandibuzisisya, bakaba amoyo wakundangununa nkambo kwakabulika mulandu wakuti ndijigwe. ¹⁹ Pesi bama Juda nibakambuula mbuli mbubayanda, ndakamanikizigwa kuti ndizobetekwe kunkuta ya Siza, nikuba kuti takuli ndikupa bantu bakuli ndiswe mulandu. ²⁰ Nkambo kanzizyo ezi, nchindamwiita kuti ndimubone mpawo ngaambule andinywe, mbuli kuti nkambo kabulangizi bwa Izilayeli nchindisamide nketani eezi lino. ²¹ Mpawo bakati kulinguwe, "Takwe anitwakatumbula magwalo aambula azyanduwe, naba umwi wabakwesu wakaza kuzotwambila azyako, nikuba kwamba chimwi chibi atala anduwe. ²² Pesi tukumbila nduwe kuti ueyeya buti abukombi obu, nkaambo tulizi kuti bunowaambulwa azyambubo koonse koonse. ²³ Nibakabamba buzuba bwakuyoomba anguwe, bantu biingi bakali kusika kung'anda yakwe. Wakabaambila kaambo kakwe,

alubo kalungulula azyabwami bwa Leza. Wakeezya kubakombelezya azya Jesu, kubikka aamwi kuzwa kumulawu wa Mozesi awaba sinsimi kuzwa kuseni kuyosika goko. ²⁴ Bamwi bakazumina aatala azintu ezi zyakali kwaambwa, pesi bamwi tebakazumina pe. ²⁵ Nibakakkachilwa kuzuminana kumakani aya, bakazwa bamusiya Pawulu kali wamba ijwi eli: "Muuya Uusalala wakaambula kwiindilila muli Isaya musinsimi kuli bamawuso, ²⁶ "Wakati, koya kubantu aba ukaambe kuti, 'Akumvwa muyoomvwa pesi tamukwe nimuyomvvisisisya pe. akubona mulakubona pesi takwepe kunobenesesylo loko. ²⁷ Nkambo moyo wabantu aba wasitikwa, amatwi abo takonomvwa pe, alubo bakafwinya meso aabo, mbokunga ngabalabona ameso abo mpawo bamvwe amatwi abo mpawo bamvwisisye amyoyo yabo mpawo basanduke lubo kuti ndibaponisye." ²⁸ Nchinchicho, mwelede kuziba kuti olu lufutuko Iwa Leza lwakatuminwa bamasi alubo bayoswilizya. ²⁹ Lino nakamba makani aya, bama Juda bakeenda alubo bakanyongana loko. ³⁰ Pawulu wakakkala minyaka ibili mung'anda yakwe mwini yakuula. ³¹ Wakali kukambawuka bwami bwa Leza, alubo wakalikuiisya azya Mwami Jesu Kkilisito abusichaamba buzulide kakutakwe achimugulungania pe.

Ba Loma

¹ Pawulo, mulanda wajesu Kkilisito, wakayitwa kuti abe mu positoli, alimwi wakasalilwa kukuchita mulimu waLeza. ² Eli ndilyo van-geli ndyakasyomezya chiindi kwiinda mubasinsimi bakwe mumalembe aasalala. ³ Zili aatala aMwana wakwe, wakazyalwa kuzwa kulunyungu lwaDeviti mukwiinda munyama. ⁴ Akubuka kuzwa kubafu, wakaambwa kuti Mwana waLeza uli a manguzu mapati kwiinda muMuya wa busalali - Jesu Kkilisito Mwami wesu. ⁵ Kwiinda mulingewe twakatambula luzyalo abutumwe akaambo kakuswiila chalusyomo aakati kamanyika woonse, kuchitila zina lyakwe. ⁶ Aakati kawaaya manyika, alubo mwakayitwa kuti muli bakuli Jesu Kkilisito. ⁷ Oolu lugwalo ndulwabaabo bali muLoma, bayandwi baLeza, bayitwa kuti bantu basalala. Luzyalo alube kulindinywe, alimwi luumuno luzwa kuli Leza Taata wesu alimwi Mwami Jesu Kkilisito. ⁸ Lutanzi, ndilumba Leza wangu kwiinda muli Jesu Kkilisito akaambo kenu moonse, akuti lusyomo Iwenu Iwambilizigwa munyika yoонse. ⁹ Leza ngu kamboni wangu, ngundibelekela mumuya wangu kumakanai mabotu aMwana wakwe, aawo mpeyinkila kunembo nkewamba atala andinywe. ¹⁰ Ndilakumbila lyoonse munkombyo zyangu kuti mubunini ndikonye kuzwidilila lino akuyanda kwaLeza mukuba kulindinywe. ¹¹ Nkaambo ndilayandisa kumubona, kuti ndimupe zimwi zilongezyo zyaMuya, kuti ndikonye kumusimisyia. ¹² Nkokuti, ndilayanda kusungwazigwa akanu kenu, kwiinda mulusyomo Iwawumi awumwi, Iwangu alimwi alwangu. ¹³ Lino nsiyadi pe kuti mube batazi, bakwesu, kuti kiangi ndakalikuyanda kusika kulindinywe, pele ndakalikukachisigwa kusila lino. Ndakali kuyanda echi kuti nkonye kuba amuchelo aakati kenu alubo mbuli aakati kabaMaasi. ¹⁴ Ndimesichikwelete kubili kubaGiliki alimwi akubazwakule, koonse kubasongo alimwi akuba-fubafuba. ¹⁵ Nkaambo, mbuli ndime, ndilibambilide kwaambawula ivangeli alubo kulindinywe nimuli kuLoma. ¹⁶ Nkaambo nsiwisigwi nsoni avangeli, nkaambo manguzu aLeza kulufutuko kuli woonse usyoma, kubajuda alimwi kuba Giliki. ¹⁷ Mukuti mulindilyo bululami bwaLeza bwayubununwa kuzwa kulusyomo kuya kulusyomo, mbuli mbukwakalembwa, "Basalali bayoopona chalusyomo." ¹⁸ Nkaambo mukali bwaLeza bwayubununwa kuzwa kujulu aatala abusofwazi alimwi akutalulama kwabantu, aabo babwedezya musule isimpe akaambo kaku-talulama. ¹⁹ Ezi nkukuti eecho chizibinkene aatala aLeza chilaboneka kulimbabo. Nkaambo Leza wabamunikila. ²⁰ Nkaambo bube bwakwe butaboneki bwakatondeezegwa aantanganan kuzwa kumatalikilo aku-lengwa zintu. Bube oobu ninguzu zyakwe zitamani alimwi abunajulu. Akaambo kaako, aaba bantu tabachikwe ntami pe. ²¹ Ezi nkukuti, nikuba bakalizi aatala aLeza, tebakamulemya mbuli Leza, nikuba kumupa bulumbu. Pesi, baka bafubafuba mumiyeyo yabo, alimwi myoyo yabo itamvwisisisyi yakasizigwa. ²² Bakali kulyaamba kuti bali abusongo, pele bakaba bafubafuba. ²³ Bakachinchanisya bulemu bwaLeza uutanyonyooki kucikkozyanyo chachitombe chamuntu uunyonyoka, cha bayuni, cha-banyama bali amawulu one, alimwi chazintu ziayavula. ²⁴ Akaako Leza wakabaaba kunkosya yamyoyo yabo yabusofwazi, kuti mibili yabo ikabule kulemekwa aakati kabu. ²⁵ Mbimbabo bakachinchaanya kasimpe kaLeza

kumabejo, alimwi bakakomba akulemya zilengwa kwiinda Mulengi, uyolumbayizigwa chakutamana. Amen. ²⁶ Akaambo kacheechi, Leza wakabapeda kumpeekezyo zitakwe bulemu, nkaambo banakazi babo bakachinchanya bubelesi bwabo mbubakalengwa aambubo kulizeezyo ziteendelaniaabukkale. ²⁷ Mbuli munzila eeyi, baalumi abalabo bakasiya nzibakeelede kuchita abanakazi alimwi baba eenkosya yakuyanda umwi awumwi. Aaba mbaalumi bakachita a baalumi chiteelede pe, alimwi bakatambula mulilwabo lubeta lweendelana akutabotya kwabo. ²⁸ Nkaambo tebakayeyea kubika Leza mukubonesya kwabo, wakabapa muzezo utali kabotu, kuchitila mbabo kuti bachite ezyo zintu zitali kabotu pe. ²⁹ Bakazuzigwa akutalulama koonse, busofwazi, butangazi, alimwi a mabejo. Balizwide bbivwe, bujayı, lukajyanyo, lweeno, alimwi amiyeoyo mibi. ³⁰ Mbawwiyi, mbaasibupampu bwakubba, alimwi mbaasimusula-Leza. Balalupyopyongano, mbaachuundwe, alimwi balalisumpula. Mbaasimubamba zibi, alimwi tabaswiilili bazyali babo. ³¹ Tabakwe kumvwisia; tabasyomekede pe, batamvwidi luzyalo alimwi batakwe luse ³² Balamvwisia milawu yaLeza, kuti aabo bachita zintu ziliboobu baleelede kufwa. Pele pe pe kuti balachita biyo zintu ezi, balabotelwa abaabo bamwi bazichita

2

¹ Akaako tokwe chikachizyo, iwe muntu, iwe nuubeteka, nkaambo nchobeteka muli umwi mulinduwe ulalipa mulandu. ² Pele tulizi kuti lubeta lwaLeza lweendelana akasimpe na Iwawida aali baabo bachita zintu zili boobu. ³ Pelelangisisye eechi, iwe muntu, nuubeteka aabo bachita zintu zili boobu nikuba ulachita zili boobo ayebo. Uyoonzwenga na kulubeta lwaLeza? ⁴ Na uyeeya buniiini aatala abuvubi bwabubotu bwakwe, kuchedwa kwalubeta Iwakwe, alimwi alukakatilo lwakwe? Tamuzi na kuti bubotu bwakwe buchitilidwe kuti bumuzulwide kukusanduka? ⁵ Pele nkaambo kakuyuma akutasanduka kwamoyo nkoli kulilondweda bukali mubuzuba bwabukali, nkokuti, buzuba bwakuyubununwa kwalubeta lululeme lwaLeza. ⁶ Uyoobooya kumuntu woонse mbuli mumachitlo aakwe: ⁷ kulibaabo bachita kabotu chabusungu akuyanduula bulumbu, kulemekwa, alimwi akutafwa, uyoopa buumi butamani. ⁸ Pele aabo bali-chitila zyabo, bataswiilili simpe pesle balaswiilila kutalulama, lunyemo abukali bupati buyosika kulimbabo. ⁹ Leza uyoyeta mapenzi amafwabi kumuuya wamuntu woонse wakachita bubi, kubaJuda lutaanzi, alimwi akubaGiliki. ¹⁰ Pele bulumbu, bulemu, aluzyalo ziyosika kuliwoonse uuchita kabotu, kumaJuda lutaanzi, akubaGiliki. ¹¹ Nkaambo takwe kusaluuulana pe kwaLeza. ¹² Nkaambo mbuli biingi mbubakabisya kaku-takwe mulawu bayoofwa alubo kakutakwe mulawu, alimwi mbuli biingi mbubakabisya mumulawu, bayoobetekwa mumulawu. ¹³ Nkaambo tensi basikumvwia mulawu mbibaluleme kunembo lyaLeza, pele mbaasikuchita batakalulamikwe. ¹⁴ Nkaambo aawo baMaasi, batakwe mulawu, bo, mulawu kulilwabo beni, nikuba tabakwe mulawu. ¹⁵ Kulichechi batondeezya kuti nchito ziyandwa aamulawu zililembedwe mumyoyo yabo. Mayeyelo aabo alazuminana, alimwi miyeyo yabo tiibapi mulandu pe na kubalwanina lwabo beni ¹⁶ alimwi akuliLeza. Eezyo ziyochechiana mubuzuba aawo Leza natakabeteke nsiswa zyabantu boonse, mbuli muvangeli lyangu, kwiinda muli Jesu Kkilisito. ¹⁷ Na kolyaamba kuti uli muJuda, kala aatala aamulawu, botelwa chakulikankayizya muli Leza,

18 ziba luyando lwakwe, mpawo sala zisiyene kkuyigwa mulawu, koli walayililwa amulawu. ¹⁹ Alimwi koli aalusinizyo kuti nduwe sikuzulwida boofu, mumuni kuibaabo bali mumudima, ²⁰ muzyotololi wabafubafuba, muyisi wabaniini, alimwi koli aaluzibo akaasimpe kamulawu. ²¹ Iwe, lino, noomuyisi wabamwi, toliyiisyi na we nomwini? Nywebo nimukambawuka kuti mutaabbi, mulabba na? ²² Nywebo nimwaamba kuti utachiti mamambi, mulachita mamambi na? Nywebo nimusesemwa mitumi, mulabbida matempele na? ²³ Nywebo nimulikankayizya mumulawu, mulamusampawula na Leza kwiinda mukusotoka mulawu? ²⁴ Nkaambo, "izina ly a Leza liliubisigwa aakati kabaMaasi akaambo kenu," mbuli mbuzyakalembwa. ²⁵ Nkaambo kupalulwa kuleempindu kulinduwe na waswiilizya mulawu, pele na koli sikusotoka mulawu, bupalulwe bwako ngabwaba kutapalulwa. ²⁶ Na, limo, muntu uutapalwidwe wabanya ziyanwa aamulawu, kutapalulwa kwakwe takukoyooboneka mbuli bupalulwe na? ²⁷ Alimwi ooyo uutapalwidwe takonzyi na kumubeteka na watobeleyza mulawu? Oku nkukuti muli aamagwalo aalembedwe alimwi abupalulwe pele muchili basikusotoka mulawu! ²⁸ Nkaambo tensi uubanguwe mwinimwnini kuchiwa chaanze; nikuba bupalulwe oobo buli aanze buyo munyama. ²⁹ Pele mujuda ooyo uuli aabwamukati, alimwi abupalulwe bwamumoyo, mu Muya, pe pe mumalembe. Bulumbo bwamuntu uuliboobu tabuzwi kumuntu pe pesi kuliLeza.

3

¹ Alyobo mbobuli buboto maJuda mbubalabo? Mpawo ninzi mpindu yakupalulwa? ² Nchipati munzila zyoonse kumatalikilo, baJuda bakasyomezegwa achiyubunuzyo kuzwa kuliLeza. ³ Ino kwalinolibiyeni ansinga bamwi baJuda te bakalalusyomo? Sena kutasyomeka kwabo kuyo lesya busyomesi bwaLeza na? ⁴ Takwelede kuba akube kuti Leza ajanike kali kasimpe, nekuba kuti muntu woonse ulabeja. Mbuli mbukwakalembewe, "Ukonzya kuti kutondezya kululama kwindila kumajwi akwe, mpawo ukakonzye kuzunda muchindi niwakusika mulubeta." ⁵ Pesi kuti kutilulama kwesu kutondezya bululami bwaLeza, chinzi chitunga tulamba? Nga tulamba kuti Leza taluleme na weta bukali bwakwe alindiswe? Ndokubeleysa muzezo wabantu. ⁶ Te mbukwelede pe! Mbubuli mpawo Leza mbwayobeteka nyika? ⁷ Pesi kuti isimpe kuliLeza ikwinda mukubeja kwangu kuyungizizya bulemu, nkambonzi me nichili mukubetekwa mbuli sizibi. ⁸ Nkambonzi nitutatedi mbuli mbutuli basikubisya mbulikwamba mbulibamwi mbubasinizya echo nchibamba, "atuchite zibi kuti buboto busike?" Mpawo kubisya kwabo kuliluleme. ⁹ Mpawo ninzi? Sena tulokulitamtamuna na lwesu? Pe tembubo pe. Nkambo mbubonya mutwatamikizigwa kubaJuda abaGiliki boonse lwabo, ikuba ansi aachindi. ¹⁰ Eechi chilimbili mbukulembewe, "Takwe umwi ululeme, nikuba umwi. ¹¹ Takwe naba umwi umvwisya. Takwe naaba umwi ulangulana aLeza. ¹² Boonse bapambuka, boonse bababatachikwe lugwasyo. Takwe naaba umwi uchita chibotu, pe naaba umwi." ¹³ Kameneno kabonkabanda kajulikide. Indimi zyabo nzyenwa, ibusaki bwanzoka buli munsi amilomo yabo. ¹⁴ Yabo milomo ilizwide intuko akunyema. ¹⁵ Mawulu abo afwambanina kutila bulowa. ¹⁶ Lunyonyoko amachise alimunzila zyabo. ¹⁷ Aaba bantu tebakanziba pe inzila yalumuno. ¹⁸ Takwe pe buyofu bwaLeza mumeso abo." ¹⁹ Lino tulizi kuti kufumbwa mulawu nzuwamba wambula kuli baabo balansi amulawu. Echi

chibambilidwe kuti yoonse milomo yelede kuti ijalwe ayoonse nyika mbiyopegwa kuli Leza. ²⁰ Echi nkambo kakuti takwe nyama niyolulamikwa akwinda milimo yamulawo akumenso akwe. Aboobo kwinda mumulawu kwaza luzibo Iwachibi. ²¹ Pesi lino kuzwa kumulawu wabululami bwaLeza bwayubununwa. Chakazuminwa kumulawu abansinsimi, ²² nkukuti bululami bwaLeza kwindila mulusyomo muli Jesu Kkilisito kuli boonse abo basyoma. Mbuli mbukutakwe musiyano. ²³ Nkambo boonse bakabisya akulelwa kusikila kubulemu bwaLeza. ²⁴ Alimwi bakalulamikwa chantanganana kuluzyalo Iwakwe kwinda mulwangunuko luli muli Jesu Kkilisito. ²⁵ Nkambo Leza mbakapa Kkilisto mbulichiswanisyo kwindila mulusyomo mubulowa bwakwe. Wakapa Kkilisito mbuli chitondezyo chabululami bwakwe. Nkambo kwakutayeya kwakwe zibi zyakinda. ²⁶ Mubulangilizi bwakwe ezi zyoonse zyakachitika kukutondezya bululami bwakwe kuchindi nchicho echino. Ezi zyakachitila kuti alibonye kuti ulisalede, akutondezya kuti ulalumbika kufumbwa muntu nkambo kalusyomo muliJesu. ²⁷ Mpo nkuli kulikankayiza. Tachimvwelene pe. Kwiinda kululi mulawu? Milimu ili? Pe, pesi kwiindilila mumulawu walusyomo. ²⁸ Swe tumanisizya kuti muntu ulalulamikwa alusyomo katakwe milimu yamumulawu. ²⁹ Sena kuti Leza nguLeza wabaJuda kupela na? Alubo tali nguwe na Leza wabaMasi? Iyii, ngwabaMasi lubo. ³⁰ Iyii chonzyo Leza ngumwi, uyolulamika bupalulwe alusyomo, abatapalwidwe kwiindila mulusyomo. ³¹ Nga tulawukasya na mulawu kwindila mulusyomo? akube kuti kutachitiki obo, pesi atusumpule mulawu.

4

¹ Tulatyeni kuti Abbulahamu, ndeende sikale wesu munyama, waka-janaanzi? ² Nkaambo na Abbulahamu wakatambulika amilimu, nikuli uli aachakulidundiizya aacho, pele pe pe kunembo lyaLeza. ³ Lino malembe atyen'i? "Abbulahamu wakasyoma Leza, aboobo chakatolwa mbuli bululami kulinguwe." ⁴ Lino kuli wooyo uubeleka, muholo wakwe tuubalwi mbuli chipo pe, pele mbuli chikwelete. ⁵ Pele kuli wooyo uubeleka pele kasyoma muli wooyo uululamika batakwе bunaLeza, lusyomo Iwakwe lubalwa mbuli bululami. ⁶ Deviti alubo waamba chilongezyo kumuntu ooyo Leza ngwabalila bululami butakwe milimu. ⁷ Wakati, "Balilongezegelwe aabo balekelelwa nchito zyabo zitali mumulawu, alimwi azibi zyabo zivumbidwe. ⁸ Ulilongezegelwe ooyo muntu Mwami ngwatabalili zibi." ⁹ Sa eechi chilongezyo chaambwa biyo kuli babo basibupalulwe, na kuti akuli babo batali basibupalulwe? Nkaambo twaamba kuti, "Lusyomo Iwakabalilwa Abbulahamu mbuli bululami." ¹⁰ Wakalabalilwa biyeni? Aawo katana palulwa na, kana kuti musule akupalulwa, pesi katana palulwa. ¹¹ Abbulahamu wakatambula chitondezyo chabupalule. Echi chakali chisimyo chalusyomo ndwakalaabo katanapalulwa. Mpindu yachitondezyo echi nkuti wakaba wisi wabaabo boonse basyoma, nikuba kabatanapalulwa. ¹² Echi chaamba kuti bululami bubalilwe kulinguwe. Alubo eechi chaamba kuti Abbulahamu wakaba wisi wabaabo bapalwide kulibaabombasike pe pe kuzwa kubapalulwe luzutu, pele alubo kulibaabo batobelwa nzila zya taata wesu Abbulahamu. Elyo oolo ndulo lusyomo ndwakalaalo katana palulwa. ¹³ Nkaambo teensi kwiinda mumulawu pe chakapa kuti chisyomezyo chiipegwe kuli Abbulahamu akulunyungu Iwakwe, echi chisyomezyo kuti

babe basimulyazina benyika. Pesi kwiinda mubululami bwalusyomo. ¹⁴ Nkaambo na kuti aabo bapona mumulawu babambabo basimulyazina, lusyomo taluchaambi chintu, aboobo lusyom lwaba lwabuyo. ¹⁵ Nkaambo mulawu weeta bukali, pele aawo atakwe mulawu, takwe bulewusi. ¹⁶ Akambo kaaka echii chilachitika kwiinda mulusyomo, kuti chibe chaluzyalo. Akaako, chisyomezyo chibe chakasimpe kubana boonse. Alimwi boonse bana banoobikilizya pe pe luzutu bazi mulawu, pele alubo aabo bazwa kulusyomo IyaAbbulahamu. Nkaambo ngu taata wesu toonse, ¹⁷ mbulimbukulebedwe, "Ndakuchita wisi wamanyika miingi. "Abbulahamu wakali mubuliwo bwawooyo ngwakasyoma, nkokuti, Leza, uupa buumi kubafu alimwi wiita zintu zitawo kuti zibewo. ¹⁸ Nikuba wakasweenene azintu zilibuti, Abbulahamu wakasyoma Leza chakasimpe alyejunza. Akaako wakaba wisi wamanyika miingi, mbuli mbuzyakaambulwa, "Mazyalane aako mbayooba." ¹⁹ Takawizukide mulusyomo. Abbulahamu wakamvvisisisa kuti mibili wakwe tuchikonzyi kuchita mwana (nkaambo wakali waamba kusisa myaaka ili mwaanda). Alimwi wakazumina kuti bula bwaSala tabuchikonzyi kuzyala mwana. ²⁰ Pele akaambo kachisyomezyo chaLeza, Abbulahamu taakwe naakatazumbuzya mukutasyoma. Pesi, wakasimisigwa mulusyomo alimwi wakapa bulemu kuliLeza. ²¹ Wakakutisika loko kuti ezyo Leza nzyakasyomezya, ulakonzya kuzuzikizya. ²² Akaako zyakabalilwa lubo kulingue mbuli bululami. ²³ Lino tezyakalilebedwe luzutu pe kukukutisya lwakwe mwini, zyakabalilidwe kulingue. ²⁴ Zyakalembelwa ndiswe alubo, nkuziyoobalilwa, iswe nitusyoma muliwooyo wakabusyaJesu Mwami wesukuzwa kubafu. ²⁵ Oyu nguwe wakaabwa akaambo kazibi zyesu alimwi wakabusigilwa kukululamikwa kwesu.

5

¹ Mukuti tululamikwa alusyomo, tuli aalumuno aLeza kwiindila muMwami wesu Jesu Kkilisito. ² Kwiindila mulingue tulanjana manjililo mulusyomo kunjila muluzyalo lwakwe oomo mutwiimvvi. Tullabotelwa mubusichaamba Leza mbwakatupa kuchitila lyejunza lyesu, busichaamba mbututakaabane mubulemu bwaLeza. ³ Kakutali oobo luzutu, pele tulapakala alubo mukupenzegwa kwesu. Tulizi kuti kuperenzegwa kweeta lukakatilo. ⁴ Lukakatilo lweeta kutambulika, alimwi kutambulika kweeta musichaamba bwalyejunza. ⁵ Busichaamba oobu tabufwisyi nsoni, nkaambo luyando lwaLeza lwakatulidwa mumyoyo yesu kwiinda muMuuya Uusalala, wakapegwa kulindiswe. ⁶ Aawo nitwakatalikwe manguzu, muchiindi cheelede Kkilisito wakafwida batasalali. ⁷ Nkaambo nchiyumu kufwida muntu uululeme. Kuti, amwi wumwi ulakonzya kufwida muntu uululeme. ⁸ Pele Leza ulatondeezya luyando lwakwe kulindiswe, mukuti nitwakachili basizibi, Kkilisito wakatufwida. ⁹ Mubwiingi, elyo, mukuti twakalulamikwa abulowa bwakwe, tuyofutulwa kubukali bwaLeza. ¹⁰ Nkaambo na, nitwakachili basinkondonyina, twakabwedeezegwa kuliLeza kwiinda mulufu lwaMwana wakwe, mukuyungizya, nitwakabwedeezegwa, tuyofutulwa abuumi bwakwe. ¹¹ Nikutali boobu luzutu, pele tulabotelwa muliLeza alubo kwiinda muMwaami wesu Jesu Kkilisito, ooyo kwiinda mulingue mutwakatambula kuswaanizigwa. ¹² Eelyo, mbuli chibi mbuchakanjila kwiinda mumuntu womwe munyika, munzila eeyi lufu lwakanjila kwiinda muchibi. Alimwi chibi chakeendeleta kabantu boonse, nkaambo boonse bakabisya. ¹³ Nkaambo kusikila

ku mulawu, chibi chakali munyika, pele takwe kwaambwa kwachibi pe na kakutakwe mulawu. ¹⁴ Akaako, lufu lwakeendeleyza kuzwa kuli Adamu kusikila kuli Mozesi, nikuba aatala ababo bakatabisywa pe mbuli kutaswilila kwa Adamu, wakali chitondezyo chawooyo uuchizoosika. ¹⁵ Nikuba boobo, chipo tachili mbuli mulandu pe. Nkaambo na akubisya kwawumwi biingi bakafwa, mbombubo luzyalo lwaLeza mbulwakachita alimwi chipo chaluzyalo chamuntu womwe, Jesu Kkilisito, chakavulila biingi. ¹⁶ Nkaambo chipo tachili mbuli mpindu yawooyo wakabisya. Nkaambo kulilimwi bbazu, lubeta lwamulandu lwakaza akaambo kachibi chamuntu omwe. Pele kulilimwi bbazu, chipo chaangununa chakaza musule kwazibi zyiingi. ¹⁷ Nkaambo na kuti, akubisya kwawumwi, lufu lwakeendeleyza kwiinda kuliwumwi, elyo kuli baabo batambula bwiingi bwa luzyalo alimwi achipo chabululami beendelezegwa kwiinda mubuumi bwawumwi, Jesu Kkilisito. ¹⁸ Nkokuti, chibi chomwe mbucha-keeteleyza kutatambulika kwabantu boonse, nkokuti alimwi kwiindila munzila yomwe yabululami kwakaza kululamikwa abuumi kubantu boonse. ¹⁹ Nkaambo mbuli mukwiinda mubulewusi bwamuntu omwe mbiingi bakaba basizibi, mbombubo, alimwi kuti kwiindila mubululami bwamuntu omwe kuyoolulamikwa biingi. ²⁰ Pesi mulawu wakazida kuyungizya bulewusi, pesi aawo chibi mpuchakavula, luzyalo lwakavula kwiindilila. ²¹ Eezi zyakachitilwa kuti, ichibi mbuchakeendeleyza mulufu, mbombubo luzyalo mbuluyoyendelezya kwiindila mubululami bwabumi butamani kwiindila muli Jesu KkilisitoMwaami wesu.

6

¹ Twambe buti? Tunochinkilila anembo na akubisya kuti luzyalo lukayindilile kuvula? ² Takwelede kuba obo pe. Iswe nitwakafwa kuchibi, tunochikonzya buti kuchinopona kulinchicho. ³ Tamuzi na kuti mbuli bingi mbubakabbatizigwa muliKkilisto Jesu bakabbab-batisigwa mulufulwakwe. ⁴ Twakavvikwa, alimwi, anguwe kwinda mulubbabbatizyo amulufu. Ezi zyakachitika nkambo kakuti Kkilisto wakabusigwa kuzwa kubafu mubulemu bwawisi, kuti aswebo tweende mubumi bupya. ⁵ Kuti twaba abujatane muchikozzano chalufu lwakwe, aboobo tatukoyoba abujatane mububuke bwakwe kubafu. ⁶ Tulizi ezi, kuti muntu wesi mukulukulu wakabambilwa anguwe kuti mubiliwazibi ukonzye kulobesegwa. Ezi zyakachitika kuti tutachibi bazike bachibi. ⁷ Oyoo wakafwa wakambwa kululama kumulandu wachibi. ⁸ Pesi kuti twakafwa aKkilisito, tulasyoma kuti tuyokkala antomwe anguwe. ⁹ Tulizi kuti Kkilisito mbakabusigwa kuzwa kubafu, takonzyi kufwa lubo pe; lufu taluchikwe bwami pe alinguwe. ¹⁰ Nkabela mukujatikizya mulufu ndwakwafwa kamwi kwalyoonse. Nekuba boobo, buumi mbwapona uponena Leza. ¹¹ Munzila ikozyene, anywebo mweelede kulibweza mbuli bafwide kuchibi, pesi baponede kuli Leza muliJesu Kkilisito. ¹² Aboobo mutalekeli chibi kuti chimwendelezye mumibili yanu ifwika mutakasiki nkumulemeka zisusi zyanyama. ¹³ Mutaabili zizo zyaanu kuchibi, kuti zibe zibelesyo zyakuchita bubi. Pele amulitondezye kuli Leza mbuli aabo bakeetwa kuzwa kulufu kuya kubuumu, amutondezye zizo zyanu kuliLeza mbuli zibelesyo zyakuchitya bululami. ¹⁴ Mutazumini chibi kuti chimwendelezye. Nkambo nywe tamuli munsi amulawu pe, pesi munsi aluzyalo. ¹⁵ Twambe buti lino? Tulakonzya kubisya na nkambo

tatulimunsi amulawu, pesi munsi aluzyalo? Kutakabi boobo pe. ¹⁶ Sa tamuzi na kuti naa mwalitondezya mbuli bazike mulibazike kuliyooyo ngomulemeko? Mukonzya kuba bazike kuchibi, chitola kulufu, naanka bazike kululemeko lutola kubululami. ¹⁷ Pesi kupa kulumba kuliLeza! Nkambo mwakalibazike bachibi, pesi mwakalemeka kuzwa kumyoyo inzila yanjisyo eyo njimwakapegw. ¹⁸ Mwakangununwa kuzwa kuchibi akuchitwa balanda mubululami. ¹⁹ Ndambula mbuli muntu nkambo kabukompami bwanyama zyanu. Mbuli mbumwaka tondezya zizo zyanu mbulibazike kubusofwazi akubusendami kachizyala kubusendami kwindililede, munzila imwi biyo, lino mutondezye zizo zyanu mbuli bazike kubululami akukusalazigwa. ²⁰ Nkambo nimwakachili bazike bachibi, mwakalangunukide kuzwa kubululami. ²¹ Kuchindi echo njili michelo eyo njimwakali ayo kuzintu zikonzya kumufwisya bweeme? Nkambo mamanino azintu eezi ndufu. ²² Pesi lino mbulimbumwakan-gununwa kuzwa kuchibi akuba bazike kuli Leza, mula michelo yanu yakusalazigwa. Impindu mbumi butamani. ²³ Nkambo mpindu yazibi ndufu, pesi chipo chaLeza mbumi butamani muliKkilisto Jesu Mwami wesu.

7

¹ Nikuba bobo tamuzi na, nobakwesu (nkambo ndokwambuuula kubantu abo bazi mulawo), kuti mulawo ulatonga kumuntu kufumbwa chiindi nchapona? ² Nkambo mwanakazi ukwetwe ulangwa amulawu kumu-lumi chiindi napona, pesi kuti mwalumi wafwa, ulangununwa kuzwa kumulawo wakukwatwa. ³ Alubo, chindi mwalumi wakwe nachipona, kuti wakukwatwa awumbi mwalumi, uyowambwa kuti ngusimamambe. Pesi kuti mwalumi wakwe wafwa, wangunuka kuzwa kumulawo, alubo tanoli simamambe pe, kuti wakwatwa awumbi mwalumi. ⁴ Nkiinkako, nobakwesu, mwakachitwa alimwi mwakafwa kumulawo kwinda mumu-bili wa Kkilisito. Ezi zilobo kuti mukaswanizigwe kuli umbi, nkukuti kuli oyo wakabusigwa kuzwa kubafu, kuchitila kuti tube amuchelo wa Leza. ⁵ Nkambo nitwakali munyama, chiyandisyo chazibi, chibusigwa a mulawo, chakali a mulimo muziizo zyesu kukuzyala muchelo walufu. ⁶ Pesi lino twakangununwa kuzwa kumulawo. Twakafwa kuli echo nchitwakangidwe. Echi chilibobu kuti tukabelekele mubupya bwa Muuya alimwi kutali mubukulukulu bwalugwalo. ⁷ Tulatyeni kabi? Mulawo imawo mubina? Kutabi bobo. Nikubabobo, tendali kunoziba chibi, nikwatanoli kwinda mumulawo. Nkambo ndanoli nkintazzi ibbivwe kutali kuti mulawo wakamba, "Mutabi abbiwve." ⁸ Pesi chibi chakabweza mwenya mukwinda mumalayilile alimwi akweeta bbivwe mulindime. Kuti kakutakwe mulawo, chibi chilifwide. ⁹ Kuli chimwi chiindi ndakali kupona katakwe mulawo, pesi elyo malayile nakasika, chibi chakajana lubo buumi, alimwi ndakafwa. ¹⁰ Malayilile ayo akayelede kweta buumi akasanduka aba lufu Iwangu. ¹¹ Nkambo chibi chakabweza mwenya kwindila mumalayilile alimwi akandena. Kwindila mumalayilile chakandijeya. ¹² Nkinkaako mulawo ulasalala, alimwi malayilile alasalala, bululami, alimwi bubotu. ¹³ Nkinkako ezyo zibotu zyakabotu lufu na kulindime? Kutabi boobo. Pesi chibi, kuchitila kuti chikatondezegwe kuba chibi, chakazyala lufu muli ndime kwindila achecho chakali chibotu, alimwi kwindila amalayilile chibi chibe chibi loko kwinda mmwelo. ¹⁴ Nkambo tulizi kuti mulawo nguwa Muuya, pesi imebo ndimunyama.

Ndakamuzigwa munci abuzike kuchibi. ¹⁵ Ezyo nzindichita, tandizimvvisisisyi loko. nkambo nzinjanda kuchita, tandizichiti, alimwi ezyo nzizonda, ndachita. ¹⁶ Pesi kuli ndachita nzitayandi, ndazuminana a mulawo kuti mulawo uliluleme. ¹⁷ Pesi lino tokuchili ndime uzichita, pesi chibi echo chipona mulindime. ¹⁸ Nkambo ndilizi kuti mulindime, echo chilimunyama, tamuponi chintu chabubotu pe. Nkambo chiyandisyo chabubotu buli mulandime, pesi tandikozichita pe. ¹⁹ Ezyo zibotu zindiyanda, tandizichiti, pesi ikuti mbuntayandi mbunchinta. ²⁰ Lino kuti ndachita nzintayandi kuchita, abobo takuchili ndime ulokuchita, pesi biyo chibi chikkala mulindime. ²¹ Elyo, ndijana mulawu oyu, amo mpundiyanda kuchita kabotu, chibi mpuchili andime. ²² Nkambo ndilakondwa mumulawo wa Leza amumuntu wangu wamukati. ²³ Pesi ndibona busiyene mulawo mumuzizo zyangu. Uñwisyanya a mulawo mupya mumiyeyo yangu. Zindibweza ndibe muzike wamulawo muchibi muzizo zyangu. ²⁴ Ndilimuntu umuside! Ngwani ulondinunula kuzwa kumibili wa lufu? ²⁵ Pesi kulumba ngakube kuli Leza kwinda muli Jesu Kkilisito Mwami wesi! Nkinkako, ime Iwangu mbelekela mulawo wa Leza amwi a miyeyo yangu. Nikuba bobo, anyama yangu ndibelekela mulawo wachibi.

8

¹ Akaako lino takwe kupegwa mulandu kulibaabo bali muliKkilisito Jesu. ² Nkaambo mulawo wa Muuya wabumi muliKkilisito Jesu wamwan-gunununa kuzwa kumulawu wachibi a chalufu. ³ Nakambo zyakatali kuchitwa amulawu mukuti wakalindizuzikide akaambo kanyama, Leza wakachita. Wakatuma Mwana wakwe mulombe muchikozyanyo chenyama yechibi kuzooba chipo chachibi, alimwi wakapa mulandu kunyama. ⁴ Wakachita echu kuchitila kuti ziyanda mulawu zikonzye kuzuzikizigwa mulindiswe, iswe nitweenda pe pe munyama, pele mbuli mumuya. ⁵ Aabo bapona chenyama babika miyeyo yabo kuzintu zyenysama, pele aabo bapona mbuli muMuuya babika miyeyo yabo kuzintu zyaMuuya. ⁶ Nkaambo miyeyo iibikidwe kunyama ndufu, pele miyeyo iibikidwe kumuuya mbuumi a lumuuno. ⁷ Miyeeyo iibikidwe kunyama ilakalala kunembo IyaLeza, nkambo tilifwinsyi kumulawu waLeza, nikuba kukonzya kuchita oobo. ⁸ Aabo balimunyama tabakonzyi kubotezya Leza. ⁹ Nikubabobo, tamuli munyama pe pele mu Muuya, na umwi katakwe muuya katakwe muuya wa Kkilisito tewakwe pe. ¹⁰ Na Kkilisito ulimulindime, mubili ulifwide kukulemeka kuchibi, pele muuya uliponede ku mubululami. ¹¹ Na Muuya wawooyo wakabusya Jesu kuzwa kubafu ukala mulindinywe, ooyo wakabusya Kklsito kuzwa kubafu uyomupa buumi alimwi kumibili yenu iifwa kwiinda mu Muuya wakwe, upona mulindinywe. ¹² Elyo lino, nobakwesu, ndiswe basikukweleta, pele pe pe kunyama kunyama kuti tupone kunyama. ¹³ Akaako na mwaponya chenyama, mwaambakufwa, pele na aMuuya mubika mubili kumilimu yalufu, muyopona. ¹⁴ Nkambo mbili biingi mbubazulwidwa aMuuya wa Leza, abambabo bana ba Leza. ¹⁵ Temwakatambula muuya wabuzike kuti mupone mukuyowa limbi; pele mwakatambula Muuya wabwana, anguwo mulompola kuti, "Abba, Taata!" ¹⁶ Muuya wakwe wazuminana a Muuya wesi kuti tulibana ba Leza. ¹⁷ Na kuli bana, banakukalya, banakukalya ba Leza. Alimwi tuliswanizigilwe a Kkilisito,

na nchoonzyo tulafwabisigwa antomwe angewe kuti tukakonzye kulemekwa antomwe angewe. ¹⁸ Nkambo ndayeya kuti machise achiindi achino tayelene abulemu buyotondezegwa kulindinywe. ¹⁹ Nkambo bulangizi bupati bwazilengwa bulilindide kutondezegwa kwabana ba Leza. ²⁰ Nkambo bulengwa bwakasampawulwa, pepe mukuyanda kwabo, pele akambo kayoyo wakazichita, mubulangizi. ²¹ bwakuti bulengwe bwini buyogwisigwa kuzwa kubuzike kuya kukunyonyonyoka, alimwi kuti bayoyeta mulwangunuko lwabulemu bwabana ba Leza. ²² Nkambo tulizi kuti zilengwa zyoonse zilalila kapati akubeleka mubuchise antomwe nikubalino. ²³ Kutali echo luzutu, pesi aswebo tobeni, nituli akabalwe balwe ka Muuya, tulalila kapati mukati kesu, awo nituyolinda chabulangizi kukuchitwa kwesu bwana, kwangununwa kwamibili yesu. ²⁴ Nkambo mubulangizioobu twakafutulwa. Nkambo ngwani uulangilila nchatabwene? ²⁵ Pele tulangilila eecho nchitutabwene pe, tulachilindila chakukazika moyo. ²⁶ Munzila iliboobo, eelyo Muuya ulatugwasizya munkompami zyesu. Nkambo tatuzi pe mbutweelede kukomba, pele Muuya mwini ulatukombelezeza amajwi atambiki. ²⁷ Oowo ulingula moyo ulizi miyeyo ya Muuya, mukuti ulatukombelezeza mukwiminina basalali ba Leza mbuli mukuyanda kwa Leza. ²⁸ Tulizi kuti kulibabo bayanda Leza, ubeleka zintu zyoonse aantomwe kumubotu, kulibaabo bayitidwe kumakaanze akwe. ²⁹ Nkambo aabo mpakazi kale wakabambilila kuti bakendane abuboneke bwa Mwana wakwe, kuti akabe mwana mutanzi akati kabakkulana biingi. ³⁰ Aabo mbakakanzila, aba wakabayita alimwi. Aabo mbakayita, wakabasalazy. Aabo mbakasalazy wakabalemya. ³¹ Lino tutyen'i azintu eezi? Na Leza kaliwesu, ngwani uutukatazya? ³² Ooyo wakatakasya Mwana wakwe pele wakamwabila ndiswe toonse, uyoleka buti alubo kuti akatupe zintu zyoonse mulinguwe chakwanganuka. ³³ Ngwani utakeete intuko aatala abasale ba Leza? Leza nguwe uululamika. ³⁴ Ngwani uupa mulandu? Kkilisito Jesu nguwe wakafwa - kwinda oobo, wakabisgwa - uuli kuchilisyo cha Leza, alimwi uuli kutukombelezeza. ³⁵ Ngwani utakatwanzanye kuluyando lwa Kkilisito? Nkupenzegwana? kubulikilwa na, kusukusigwa, na nzala, na kwenda maya, na ntenda, na nipanga? ³⁶ Mboli mbukuleembedwe, "Akambo kakujanina kwenu tulajayigwa buzuba boonse. Twakachitidwe mpuli mbelele iyanda kuyojayigwa." ³⁷ Kulizyonse ezi zintu tulibazundi kwiinda miliwoyo iwakatuyanda. ³⁸ Nkambo ndakazibisigwa kuti nikuba lufu, nikuba bunini, nikuba bangelo, nikuba basinsimi nikuba zintu ziliwo, nikuba zizosika, nikuba munguzu, ³⁹ nikuba bulamfu, nikuba bunike, nikuba chintu chakalengwa, chiyokonzya kutwaanzanisywa kuzwa kuluyando lwa Leza, luli muli Kkilisito Jesu Mwami wesu.

9

¹ Ndamwambila kasimpe muliKkilisito. Nsilokubeja pe, amamvwido angu alazuminana andime muMuuya uSalala. ² Izyakuti mumoyo wangu mulikuusa kupati akuchisa kutamani. ³ Nkambo ndalikuyanda kwanzanisigwa aKkilisito kuti ndibe mutuke akambo kabakweu, anzubo nzyang'u zyamunyama. ⁴ Mba Izilayeli. Bakabweza, bulemu, zizuminnano, achipo chamulawu, abukombi bwamung'anda yaLeza, azisyomezyo. ⁵ Bamataata babo chiindi kwakazwa Kkilisto, kwiinda munyama - we kali Leza atala zyoonse. weeleele kulumbayizigwa mane kutamani. Ameni. ⁶ Pele twakamba kuti ijwi lyaleza lyakalewulula. Nkambo

boonse balimuIzilayeli te mbanaIzilayeli nchobeni. ⁷ Nekuba loonse lunyungu lwaAbbulamu teensi mbana bakwe pe. Pele, muli Ayizeki muyowambwa lunyungu lwakwe. ⁸ Nchikwaambwa kuti, bana banya teensi mbana baLeza. Pele, bana bachisyomezyo mbawambwa mbuli lunyungu. ⁹ Nkaambo eli ndijiwi lyachisyomezyo: "Mulinchichechi chiindi ndiyosika, elyo Sala uyopegwa mwana." ¹⁰ Teensi mbubo luzutu, Pele alakwe Lebeka wakaba abula bwa mwalamu umwi, taata wesu Ayizeki - ¹¹ bana kabatana zyalwa akutana chita chimwi chintu chibotu na chibi, kuti makanze aLeza kwindila mukusala bwiime, kutali akaambo kanchito, pele akaambo kayoyo uyita - ¹² kwakambwa kuli nguw, "Mupati uyosanina munini." ¹³ Mboli mbukulembedwe: "Jakkobo ndakamuyanda, pele Isawu ndakamusula." ¹⁴ Lino twambe buti? Sa kuli kutalulama kwaLeza? Takwe zilibobo. ¹⁵ M bubobu mbaamba kuli Mozesi, "Njomvwida luse kufumbwa ngunjomvwida luse, njoyetetelela kuli yoyo ngunjoyetelela." ¹⁶ Aboobo tensi akaambo kayoyo uyanda, nekuba akaambo kayoyo uchijan, pele akaambo kaLeza, waluse. ¹⁷ Mbubu malembe mbawamba kuliFalo akuti, "nchichecho nchindakakubusizya mumakanze akutondezya nguzu zyangu mulinduwe", kuchitila kuti zina lyangu likambwe munyika yoonse. ¹⁸ Mbubo leza ulaluse kulingwayanda akulingwayand, ulamuyumya moyo. ¹⁹ Uyowamba chakuti kulindime, "Nkaambonzi nachitongawuka? Ngwani ukonzya kukaka makanze akwe?" ²⁰ Omwalumi nduwensi ukuzyana aLeza? Kulichibumba na chaamba kuli sikuchibumba, "Wabonayi! Niwandibumba ayeyi nzila?" ²¹ Anu kuti mubumbi tajisi nguzu kubulongo bwakubumba chimbi chilongo chibotu achimwi chilongo chibi? ²² Ani kuti Leza, wayanda kutondezya bukali bwakwe akuti ngunzu zyakwe zizibwe, wakakkazikila zilongo moyo mulamfu kubukali bwakabambilidwe kunyonyona? ²³ Nkutyeni nayanda kuzubula buvubi bwabulemu bwakwe kuzilongo zyaluse, nzyakambilide kale bulemu bwakwe kuzilongo zyaluse, nzyakambilide kale bulemu? ²⁴ Ani kuti wachita obu akulindiswe, mbakayita, akati kamJuda abamas? ²⁵ Mbubonya mbwaamba muiHosiya kuti: "Njoyita bantu bangu bakatali bantu bangu pe, akuyanda wakatali kuyandwa. ²⁶ Mpawo oko nkubakambilwa kuti, 'tamwensi bantu bangu; oko nkubayoitwa kuti mbana baLeza muumi.'" ²⁷ Ayizaya ulalila atala a Izilayeli, "Nekuba kumweele wabana ba Isilayeli nkubali mbuli musele wamulwizi, kuyoba kabela kabache bayofutulwa. ²⁸ Nkaambo Mwami uyochita makanze ajwi lyakwe munyika chakumanisizya achakunonoka. ²⁹ Akwambwa kwa Ayizaya kuti, "Mwami wamakamu - makamu tatusila lunyungu, netwali kunoba mbuli Sodomu, akuba mbuliGomola." ³⁰ Lino nkutyeni, Bamasi, bakatali kuyandula bululami, bakabujana bululami bwalusyomo. ³¹ Pele Isilayeli, walikuyandula mulawu wabululami, takwe nebakasika kumulawu. ³² Nkaambonzi? Nkaambo tebakayandula chalusyomo, pele kumilomo yabo. Bakalebwa kuzwa kubbwe lyakabalebya. ³³ Mboli mbukulembedwe, "Amubone, ndasitikizya muZayoni ibbwé lilebya amwala wamilandu. Oyo umusyoma takoyowusigwa bweme"

10

¹ Bakwesu, nchindiyanda mumoyo wangu akumukombeleya kuli Leza, ndufutuko lwako. ² Nkambo ndilabukamboni atala ambabo bwakuti baliabusungu kuli Leza, pesi butali bwakuluzibo. ³ Nkambo nchibakachilwa kumvvisisya bululami buzwa kwa Leza pele balikuyandula kutuchitila

bululami bwabo beni, aboobo bakachilwa kulifwinsya kubululami bwa Leza. ⁴ Nkambo Kkilisito ngonguwe uzuzikizya mulawu wabalulami bwabo boone basyoma. ⁵ Nkambo Mozesi ulalemba atala abululami obo buzwa kumulawu: "mwalumi uchita bululami bwamulawu uyobuponena bululami obo." ⁶ Pele bululami obo buzwa kulusyomo mbwamba obo: "mutaambi mumyoyo yanu kuti ngwani uyotanta kujulu? (ikuti, akeete Kkilisitu aansi) ⁷; aboobo utambi kuti ngwani uyo selukila kubusena busiya (nkokuti akeete Kkilisitu kuzwa kubafu). ⁸ Pesi chambanzi? "ijwi lili afwifwi anduwe lilimumulomo wako amumoyo wako" eli ndijwi lyalusyomo, eli ndijwi lyalusyomo elyo nditukambawuka. ⁹ Nkambo kumulomo wako kulazumina kuti Jesu ngu Mwami, akusyoma kumoyo wako kuti Leza wakakibusya kuzwa kubafu, uyofutulwa. ¹⁰ Nkambo kumoyo omwe kulasyomwa kuti kube bululami alimwi kumulomo omwe kulazuminikwa kuti kube lufutuko. ¹¹ Nkambo malembe alamba kuti, "koonse kusyoma mulinguwe wonse tayowusigwa nsoni" ¹² Nkambo takw ekusiyana akati kama Juda ama Giliki nkambo Mwami wabo nguMwami waboonse alubo ulabuvubi kuli abo bamwita. ¹³ Pele boone bayita zina lyakwe Mwami bayofutulwa. ¹⁴ Bamwi bamwiite biyeni oyo ngubatanya? Bamusyome biyeni oyo ngubatana kumvwa? Bamvwe biyeni katakwe katakwe sikukambawuka? Bakambawuke biyeni kuti tebatumwa? ¹⁵ Mbubonya mbukulembedwe, "abota mawulu ababo bakambawuka makani mabotu! ¹⁶ Pesi tensi boone baswila makani mabotu. Nkambo Isaya ulamba, "Mwami ngwani wakasyoma mulumbe wesu?" ¹⁷ Aboobo lusyomo lulazwa kukumvwa, alimwi kumvwa ijwi lyaKkilisitu. ¹⁸ Pesi ndamba, "tebakamvwa na?" Iyii, mbubonya bangelo lwabo bakanjila munyika yoone, alimwi majwi abo kumagolelo anyika" ¹⁹ Kukuyungizya ndaamba, "Izilayeli takazi na? "Lutanzi Mozesi wamba kuti, "njokusungilizya kubuzuba azitali chisi. Anzila yachisi chitakwe kumvvisisisya, alimwi njokukopakopa kusikila ukanyeme". ²⁰ Alimwi Izaya ulamba chabukozu kuti, ndakajanwa ababo bakatandiyandula. "Ndakaboneka kuli abo batakandikumbila" ²¹ Pesi kuli Izilayeli uwambakuti, "izuba lyoonse ndakatambika maanza angu kulibataswilili akubantu bataswilili".

11

¹ Ndamba kuti, ino Leza wakabakaka na bantu bakwe? Takukwe nichitabi boobo. Nkaambo ambe ndili munaIzilayeli, silunyungu lwaAbbulahamu, wamukowa waBenjamini. ² Leza tewakaka bantu bakwe, mbakaziba kale. Tamuzi na malembe kuti atenyi aElija, mbakakombeleyza Leza kubana Izilayeli? ³ "Mwami, bakajeya basinsimi bako, bakapwayila ansi zipayililo zyabo. Imebo andike ndime wakachaala, alubo balikuyandula bwangu bumi." ⁴ Pesi Leza nsandulo yake ityen'i kulinguwe? "Ndakalibambilu musanu ababili zyulu zyabalumi batana kutyola zwi kuli Bbaala." ⁵ Nikuba obo lino, kuli chechino chiindi chasunu kuli bacheede akambo kakusalwa kwaluzyalo. ⁶ Pesi na nzyakuluzyalo, tazichili zyakumilimu. Ateni luzyalo taluchike kuyoba luzyalo. Amwi malembe alabalwa pesi na zyitwa amilimu, mpawo tazichili zyaluzyalo; akutali kuti mulimu tuchili mulimu. ⁷ Niyi lino? Chintu bana Izilayeli nchibayandula, nchibakatajana, abayingi bakayumisigwa. ⁸ Chili mbuli mbuchilembedwe: "Leza wakabapa Muuya wabufubafuba, meso kuchitila kuti bataboni, a matwi kuchitila kuti batamvwi, kusika muli obuno buzuba." ⁹ Mpawo Davida wamba kuti, "Muleke tafula lyabo libe

kanyandi akakole, lyakubaleba akubabeda chumyo kulimbabo. ¹⁰ Muleke menso abo asizigwe kuchitila kuti bataboni, akutyola misana yabo lyonse.” ¹¹ Ndamba, “Bakalebwa na kusikila kukuwa?” Chitakabi obo. Pele, achibi chabo, lufutuko Iwasika kuli baMasi, kuchitila kuti basungilizigwe kubuzuba. ¹² Lino na chibi chabo mbuvubi bwakunyika, na kuswekelwa kwabo mbuvubi bwabaMasi, buyoba bupati kukuzuzikizya kwabo? ¹³ Pesi lino ndilikwambula kulindinywe nibaMasi, kufumbwa kuti kandili apositoli kuli baMasi, ndilalutangalo mumulimu wangu. ¹⁴ Ateni ndilakusungilizya kubuzuba kulibabo bayangu nyama. Ateni twali kunofutuka bamwi babo. ¹⁵ Kuti kukaka kwabo kwamba kuyandana kwakunyika, kuyoba nzi kutambula kwabo pesi buumi kuzwa kubafwide? ¹⁶ Kuti michelo mitanzi kayisalala, mbubede munsuma wachinkwa. Kuti muyanda kusalala, mbibede amitabi, ¹⁷ Pesi na imwi mitabi yakakuzuka, na webo uli mutabi wamuOlifa wamusokwe, wakabikwa akati kabo, alubo na wakaabana ambabo mumuvubi bwamuyanda wamunsamu muOlifa, ¹⁸ mutakalikankayizyi atala amitabi. Pesi na mwalikaknayizya, teensi ndinywe munyampula mayanda, pesi muyanda ngumunyampula. ¹⁹ Muyowamba kuti, “Mitabi yakatyoka kuchitila kuti ndibike mukati.” ²⁰ Eyo ninchonzyo nkaambo kakutasyoma kwabo bakakuzuka, pesi muliima nji nkaambo kalusyomo lwanu. Mutayeyi loko atala andinywe, pesi akuyowa. ²¹ Kuti na Leza takabika kulubazu mitabi yabube, takukwe mbayomu mbayobika kulubazu anywebo. ²² Mulange, mpawo, zyito zyabuya abuyumu bwaLeza: buyumu bwakasikila baJuda bakawa, pesi bubotu bwaLeza buza alindinywe na mwayendelela mubuya bwakwe. Atela anywebo muyogwisigwa. ²³ Alubo nikuba mbabo nikuba mbabo na tebendelela mukutasyoma kwabo, nkambo Leza ulakonzya kubabika alubo. ²⁴ Na mwakaligwisigilwe kuli zyabube bwamunsamu wamusokwe muOlifa, akukazyana abube bwakabikwa mumunsamu mubotu muOlifa, bayoba biyeni kuli eyi mitabi, bakabikwe lubo kumunyina muOlifa? ²⁵ Nkambo tandiyandi kuti mutabi batakwe luzibo, nibakwesu asinswa eyi, kuti mutakabi basongo mukuyeya kwanu. Kuyumya kumwi kwasikila Izilayeli kusikila mwelwe woonse wabamasi banjila. ²⁶ Nkaako Izilayeli woonse uyokufutulwa, mbuli mbukulembedwe: “Kuzwa muZiyoni nkwayozwa munununi. Uyogwisya kubula Leza kuzwa kuli Jakobe, ²⁷ alimwi eechi chiyoba chizuminano ambabo, nintakagwisye zibi zyabo.” ²⁸ Mbuli makani mabotu mbalangide, mbasinkondonyokwe kuchitila ndinywe. Pesi mbulilusalو mbolubede, balyandidwe akaambo kaba similimi bakale. ²⁹ Nkaambo zipego akwiitwa kwaLeza tazisanduliki. ³⁰ Mbuli mbumwakali bataswili kuli Leza, lino mwatambula luse akambo kakutaswili kwabo. ³¹ Munzila njiyonya eyo, lino aba baJuda bakaba bataswili. Mpindu yakali yakuti aluse lutondezedwe kulindinywe bakatambula luse alubo. ³² Nkaambo Leza wakazijalila zyoonse mukutaswilila kuchitila kuti atondezye luse kuli bonse. ³³ Aah, kunika kwakuvubi antomwe bwabusongo a luzibo lwaLeza! Taziyanuuuliki biyeni mbeteko, anzila zyakwe zyiinda kubbutula! ³⁴ “Nguni wakaziba miyeeyyo yaMwami na nguni wakaba sikumuchenjezya?” ³⁵ Na nguni wakatalika kupa chintu kuliLeza, kuti Leza amubwedezye?” ³⁶ Nkaambo kuzwa mulinguwe alimwi akwiinda mulinguwe alimwi akuli nguwe zyoonse zintu nkuzibede. Kulingue abube bulemu bwalyoonse. Amen.

12

¹ Aboobo ndamusungwazya, nibakwesu, muluzyalo lwaLeza, mutule mibili yanu, ibe chipayizyo chuumi, chisalala, chitambulika kuli Leza. Eeyi njimilimo yabukombe bwamu itambulika. ² Mutakozyanisigwi anchito zyanyika, pesi musanduke kukuchituluula kwamizeeo yanu. Amukachite eechi kuti mukazibwe chibotu. Awumwi mbuli mweelwe walusyomo Leza ndwamupede. ³ nkambo kuluzyalo oolu ndundakapegwaa me ndambilaa boonse bali akati kanu, mutualibiliki ajulu kwinda mpumubede, pesi mbubo kuti, yeeya chakubeteka mubululami, umwi mbuli mweelwe walusyomo oolo Leza ndwamupede. ⁴ Mboli mbutujisi zizo zjisi mulimu ukozyene. ⁵ Munzila ikozyene, iswebo tubayingi tuli mibili umwi muli Kkilisito, akuba zizo zilyimikilila kuli chimwi achimwi. ⁶ Tulijisi zipego zisiyenesiyene kwiinda muluzyalo ndutwakapegwaa. ⁷ Na chipeego chawumwi nchabusinsimi, ngachichitwe mbuli mweelwe walusyomo wakwe. Na chipeego chawumwi nchakuwutawuka, amuleke akutawuke. ⁸ Na umwi ulachipecgo chakuyiisya, amuleke ayiisye. Na chipego chawumwi nchakusungwazya, amuleke asungwazye. Na chipego chawumwi nchakupa, amuleke achichite chabusungu. Na chipego chawumwi nchakutondezya nsoni, amuleke achichitwe chakubotelwa. ⁹ Luyando lutali lwakupawupa. Amusesemwe kububi; Mukakatile kuli cheecho chibotu. ¹⁰ Atala aluyando lwabunyina, amubotelwe umwi awumwi. Atala abulemu, mulemekane umwi awumwi. ¹¹ Atala abusongo, mutabi batolo. Atala amuuya, mube achiyandisyo. Atala aMwami, atumubelekele. ¹² Amukondwe chakulangizi, amuyume mumapenzi. Amusyomeke munkombyo. ¹³ Amwabane mukubula kubantu boonse baLeza basalala. Amuyandule nzila zyiingi zyakutondezya buuya. ¹⁴ Amubalongezye aabo bamupenza; Mulongezye alimwi mutatuki pe. ¹⁵ Amukondwe aboobo bakondwe; Mulile abalila. ¹⁶ Amube amuzeeo umwi kuli umwi awumwi. Mutaliyeeyi munzila zyakulisumpula, pesi mubatambule bantu balangilwa ansi. Mutabi basongo mumiyeyo yanu. ¹⁷ Mutabweedezyi chibi kuchibi. Muchite zintu zibotu mumeso abantu boonse. ¹⁸ Na kachikonzeka kuti azibe kuli nduve, kupona chalumuno abantu boonse. ¹⁹ Mutabi lwanini nobayandwa, pesi amupe mweenya kubukali bwaLeza. Nkambo kulilembedwe kuti, "Kubween-dezya nkukwangu, ndiyobweedezya mbwamba Mwami Leza." ²⁰ "Pesi na sinkondonyokwe waba anzala, musanine. Na waba anyota, mupe anywe. Ikuti na wachita oobo, ulalundika makala amulilo amutwe wakwe." ²¹ Utazundwi abubi, pesi zunda bubi abubotu.

13

¹ Muleke myuuya yoonse ilibombye kubweendelezi bulajulu, nkaambo bwendelezi buliwo bwakatondekwa aLeza. ² Aboobo oyo upapila bween-delezi ukkazya mulawu waLeza, alimwi abo bawupapila bayotambula lubeta beni. ³ Kaambo beendelezi tabensi kuyoosya kumilimu mibotu, asi kumilimu mibi. Mulayanda kutaba abuyofu kuloyo ulimubweendelezi? Chita bubotu alimwi ulatambula bulumbu bwakwe. ⁴ Kaambo mubelesi waLeza kulindinywe kububotu. Asi kuti wachita bubi, yoowa; kaambo tabwezi panga chabuyo. Nkaambo mubelesi waLeza, nguukwichizya kubukali kulaabo bataluleme. ⁵ Aboobo weelede kulibombya, kutali kuti kubukali, asi kaambo manjezezya. ⁶ Kaambo kazezi mulabbadala mutelo kaambo beendelezi mbabelesi baLeza, mbembabo balanga ezi

zintu zyoonse. ⁷ Pa muntu woonse eezyo zimweelede: mutelo kulooyo weelede mutelo, bulumbu kulooyo weelede bulumbu, kuyowa kulooyo uuyowegwa, bulemu kulooyo uulemekela. ⁸ Mutabi achikwelete kumuntu, kunze kwakuyandana umwi kumwenzinyina, kaambo ooyo uuyanda ngwayakilene aawe uzuzikizya mulawu. ⁹ Malayilile, "Utachiti mamambe, utajayi, utabbi, utabi ebbiywe," alimwi kuti kakuli uumbi mulawu uliswanizizigwe muliwooyu, "Yanda ngoyakilene aawe mbuli nduwe." ¹⁰ Luyando taluchiti bubi kuli ngoyakilene aawe. Aboobo, luyando luzuzikizya mulawu. ¹¹ Kaambo kacheechi, mulizi chiindi, kuti chaba chiindi chakusinsimuka kuzwa mun'onzi. Kaambo lufutuko lwesu lwabaafwifwi kwiinda nkatusanguna kufutuka. ¹² Busiku bwiinka, alimwi buzuba bwabaafwifwi. Atubike kumbali milimu yamudima, alimwi atuzwaate zilwanyo zyamumuni. ¹³ Atweende mbukwelede, mbuli sikati, pe pe mukupobweda kukkolwa kana bukolwi; alimwi tuteendi mubwaamu na muzisusi zibi, alimwi kutali munkondo na mubuzuba. ¹⁴ Asi amuzwaate Mwaami Jesu Kkilisito, alimwi mutapi mweenya kunyama, kutazuzikizya zisusi zyayo.

14

¹ Tambula kufumbwa muntu mutete kulusyomo, kamutapi lubeta ataa akukazanya. ² Umwi muntu ulalusyomo kukulya kufumbwa, awumwi mutete ulya chisyu kupela. ³ Oyo ulya zintu zintu zyoonse atanyansyi oyo utalyi; alimwi alakwe utalyi zintu zyonse atabetekei oyo ulya zintu zyoonse. Nkambo leza wamatambula. ⁴ Nduweni, iwe nobeteka mulanda wawumwi? Ezi zilikuli simalelo wakwe nkwayimvwi kana kuwida. Asi ulakonzya kwima, nkambo Mwami ulamukonzyezya kuti amwimike. ⁵ Umwi muntu ulalemya limwi zuba kwinda limwi. Awumwi ulalemya mazuba onse mukwelene umwi awumwi ngabe akasimpe mumiyye yakwe. ⁶ Oyo ubamba buzuba, ulibambil Mwami; alimwi oyo ulya, ulyida Mwami, nkambo upabulumbu kuliLeza oyo utalyi, ulikachizizya kulya nkambo kaMwami, akulumbayizya Leza. ⁷ Aboobo takwe wesi uliponera mwini, alimwi takwe ulifwida mwini. ⁸ Anu kuti nkatupona tuponera Mwami, alimwi kuti twafwa, tufwida Mwami. Ninsya nkatupona kana kufwa, tuli baMwami. ⁹ Akaambo kazezi Kkilisitu wakafwa alimwi wakapona lubo, kuti abe mwami wabo boonse bafwide alimwi abaaabo baponera. ¹⁰ Asi nywe, kambonzi nimubeteka munyokwe? Alimwi nywe kambonzi nimunyansya munyokwe? Kaambo swe tuyoyima kuchuuno chalubeta chaLeza. ¹¹ Nkambo kulilembedwe, "Mbuli mbepona," mbawamba Mwami, "kulindime mazwi ayofugama, alimwi ndimi zyoonse ziywamba kuliLeza." ¹² Aboobo, umwi awumwi wesu uyopa makkani alangene anguwe kuliLeza. ¹³ Aboobo, katutachibetekani, asi tuyeye ezi, kutabi ubika chilebyo kana kakole kumwenzinyina. ¹⁴ Ndilizi alimwi me ndasungilizigwa muMwamiJesu, kuti takwe chintu chisalala achilike. Kupela kuloyo uyeya kuti nchibi, kuloyo nchibi. ¹⁵ Ikuti nkambo kakulya munakwanu kula mutyola, tochendi muluyando. Utamujayi akulya kwako nkambo Kkilisitu wakamufwida. ¹⁶ Kamutazuminini echo nchimuti nchibi chambwe bubi. ¹⁷ Nkambo bwami bwaLeza tabwensi bwakulya na kunywa, pesi mbwabululami, lulumuno, alimwi akubotelwa muMuuya uSalala. ¹⁸ Aboobo oyo ubelekela Kkilisitu munzila eyi ulatambulika kuliLeza alimwi ulazumininwa abantu. ¹⁹ Aboobo, atusungwalie

zintu zyalumuno alimwi zintu ziyaka umwi awumwi. ²⁰ Mutajayi mulimu waLeza kumakkani akulya. Zyoonse zisalala, asi nchibi kumuntu ulya kufumbwa chintu chileba mwenzinyina. ²¹ Tachili kabotu kuti ulye nyama, kana kunywa wayini, kana kuchita chintu chileba munyokwe. ²² Lusyomo ndomulalo, alubambwe akati kanu aLeza. Ulilongezegwe oyo utapi mulandu kulecho nchazumina. ²³ Oyo udoneka ulalibeteka kuti walya, nkambo tachizwi kulusyomo. Alimwi choonse chitali chalusyomo nchibi.

15

¹ Lino swobo tubayumu twelede kunyampula bukompami bwabakom-peme, alimwi tatwelede kulibotezya tubeni. ² Akube kuti umwi wesu abotezye simayake nyina nkambo nchibotu kuchita oobo. mukuti akakonye kumuyaka. ³ Nkambo mbubonya oobo Kkilisito mbwakatalibotezya lwakwe mwini. kunze kwakuti kube mbuli mbukulembedwe, "zitusi zyabaabo bakamutukide zyakawida alindime." ⁴ Kulizyonse zyakalembewe zyakalembwa kuti zitupe malayilile ikuti kwinda mukusungwazigwa kwamalembe kuti tukabe abulangizi. ⁵ Lino Leza wabuuya abusungwazi amupe muzeezo umwi awumwi mbuli muli Kkilisito Jesu. ⁶ Amuchite eezi kuchitila kuti amuzeego umwi mukonzye kulumbaizya amulomo umwi wa Leza ataata wamwana wesu Jesu Kkilisito. ⁷ Aboobo amutambule umwi awumwi, mbuli Kkilisito mbwakamutambula, mukuti Leza apegwe bulemu. ⁸ Nkambo ndaamba kuti Kkilisito wakandichitya muzike wabupalule muchibaka chalusinzyo lwa Leza, mukuti tuzuminane zisyomezyo zyakapegwa basikale, ⁹ akuti bamasi bakalumba izya Leza muluyalzo lwakwe. Mbuli mbukulembedwe, "aboobo ndiyokutembawula akati kabamasi aksiimba ntembawuzyo kuzina lyako." ¹⁰ Alubo lilaamba kuti, "mubotelwa, nywebo nobamaasi, antomweabantu bakwe." ¹¹ Alimwi, alumbayizigwe Leza, moonse nobamaasi; akube kuti bantu boonse bamulumbayizye." ¹² Alubo Isaya waamba kuti, "muyanda wajese uyosika, ooyo unyampuka akweende bamaasi. mulinguwe bamaasi bayooba abulangizi. ¹³ Lino Leza wabulangizi, amuzuzye lukondo alumuno mukusyoma, ikuti munguzu zya Muuya Uusalala mukakkalile mubulangizi. ¹⁴ Mebo ndemwini ndazuzikizigwa atala andinywe, nubakwesu. Ndazundikizigwa akuti nywebo nubeni muzwide bubotu, akuzuzikizigwa aluzibo loonse. Ndazundikizigwa alubo, kuti mulakonya kulayilila amwi awumwi. ¹⁵ Pesi ndamulembela chakumusungwazya kapati atala azimwi zintu mukuti ndikamuyeezye lubo, nkambo kaluzyalo ndundipedwea Leza. ¹⁶ Eechi chipo chakali chakuti ndibe mulanda wa Kkilisito Jesu uyootumwa kulibamaasi, kuti ndikabe mbuuli mupayizi wamakan mabotu a Leza, kuti chipego chabamiasi chitambulikike, akusalazigwa a Muuya Uusalala. ¹⁷ Muli Kkilisito Jesu ndilaacha kulikankayizya amuli mulimu wangu wa Leza. ¹⁸ Pesi nsikonzyi kulitakata kwamba atala achimwi chintu kunze kwazezyo Kkilisito nzyakuzukizya mulindime mukuswilizya mukuswilizya kwabamiasi. Ezi zintu ziitwa ajwi anchito, ¹⁹ Kwinda munguzu zyaziton-dezyo azigambyo, alimwi anguzu zya Muuya. Ezi zyakaba kuzwa ku Jelusalemu,akuzyunguluka kusika ku Ililikamu, kuti ndubweze bukwene mulimo wa Kkilisito. ²⁰ Munzila eyi: chiyandisyo changu chalichakuti ndikanane makani mabotu, pesi kuteensi ooko Kkilisito nkvakazibinkene azina, mukuti nditakayaki atala antalisyo yawumwi muntu. ²¹ Zili

mbuli mbuzilembedwe: kulibaabo batakalina kumvwa ataala azyanguwe bayomubona, abaabo batana kumvwa bayomvwisisiya. ²² Abobo ndakakachizigwa kwazyindi zyiingi lokokuti ndiske kulindinywe. ²³ Pesi lino, tandichikwe busena pe mumasena aaya, alimwi ndali achiyandisyo kwamwaaka miinji kuboola kulindinywe ²⁴ Ndilangila kuzomubona ndazoyinda oko kandiya ku Sipeyini, alimwi akugwasigwa andinywe mulweendo lwangu lwakuza ooko, alubo ndakondelwa kubandinywe kwachiindi chinini. ²⁵ Pesi lino ndilikuya ku Jelusalemu, kandikutawukila bantu ba Leza basalala. ²⁶ Nkambo kwakalikubotezya kuti Makkedoniya a Akkaya kuchita tumwi tusanngisangi twabachete akati kabamwi bantu ba Leza basalala bakkala mu Jelusalemu. ²⁷ Iyi, iwakali lukondo lwabo, alubo bali achikwelete eechi kulimbabu. Nkambo na bamaasi bapa zipo zyabo zyamumuuya, nchikwelete kuba Juda kuti babalongezye azintu zijatika. ²⁸ Aboobo, kuti ndamaninsya mulimu ooyu akupedekezya muchelo ooyu kulimbabo, ndizoza ku Sipeyini kandinda kulindinywe kumuswaya. ²⁹ Ndilizi kuti ndiyoza kulindinywe ndiyoza mukuzulila kwazilongezyo zyoonse zya Kkilisito. ³⁰ Lino ndamusungwazya nobakulana, mu Mwami wesi Jesu Kkilisito, amuluyando Iwa Muuya, kuti mukakatile antomwe andime munkombyo zyanukuli Leza kundikombela. ³¹ Mukcombe kuti ndikavunwe kuzwa kulibaabo bataswilizy mu Judiya, akuti kubelekela Jelusalemu kwangu kukatambulike kubantu basalala ba Leza. ³² Mukcombe kuti ndboole kulindinywe mulukondo kwinda mukuyanda kwa Leza, alubo ikuti ime, antoomwe andinywe, tukajane kulyokezya. ³³ Akube kuti Leza walumuno abe anywebo. Ameni.

16

¹ Ndamutumina Foyebbe muchizi wesu, mubeleki wa mbungano lili ku Sinkile, ² kuti mumutambule muMwami. Uzicheezi munzila yelede bantu baLeza basalala, alubo mumupeloonse lugwasyo ndwayanda kuzwa kulindinywe nkumbo wakali mugwasyi mupati kubiingi akulindiswe awalo. ³ Juuzya Pulisila a Akwiyyila, mubelesima muli Kkilisito Jesu ⁴ nkambo kabuumi bwangu bakapedekezya buumi bwabo. Ndipa kulumba kulibaabo, kutali andikke; pesi alubo ambungano zyoonse zyabamaasi. ⁵ Juuzya imbungano ilimun'anda yabo. Juuzya Epanetasi uyandwa wangu ulingomuchelo mutanzi waEzyiya kuli Kkilisito. ⁶ Juuzya Maliya, wakakubelekela changuzu. ⁷ Juuzya Andilonikkasi a Juniya, wakuluzubo lwangu, alimwi musungwama. Bakalizibikene loko kubatumwa, alubo bakali muliKkilisito imw nkesina. ⁸ Juuzya Ampuliyatasi, muyandwa wangu muMwami. ⁹ Juuzya Ubbanasi, bablekima muli Kkilisito, a Sitakkisi, muyandwi wangu. ¹⁰ Juuzya Aflesia, utambwidwe muna Kkilisito. Ujuuzye boonse ben'anda ya Alisitobbulasi. ¹¹ Ujuuzye Helodiyeni, wakuluzubo lwangu. Ujuuzye boonse ben'anda ya Nakkasisi bali muMwami. ¹² Ujuuzye Tayifana a Tayifosa, basimilo basungu muMwami. Ujuuzye Pesisa uyandwa, wakachita mulimo mupati muMwami. ¹³ Ujuuzye Lufasi, usalidwe muMwami, abanyina abaama. ¹⁴ Ujuuzye Asiyikkitali, Filegoni, Hemesi, Patilobbas, Hemesi, abanyina mabalabo. ¹⁵ Ujuuzye Filologasi ajuliya, Nelewusa muchizi wakwe, Oliyimpasi, a boonse baLeza basalala balaambabo. ¹⁶ Mujuuzye umwi waumwi alumyonto lusalala. Zyoonse mbungano zya Kkilisito zilamujuuzya. ¹⁷ Lino ndamusungwazya, nibanama, kuti tuyeye atala ababo

balikwanzanya akaleba. Balikwindilila njiisyo njimwakaiisya. Amubafutatile. ¹⁸ Nkambo bantu balimbulaaba tababelekili Mwana Kkilisito wesi, pesi matumbu aabo. Azyaambo zibungusene akuwupawupa beenena myooyo yabatakwe mulandu. ¹⁹ Nkambo chitondezyo chakutelela kwako kulasikila boonse. Ndilabotelwa, alubo anduwe, pesi ndiyanda kuti ube muchenjezi kulizeezyo zibotu, akutabaamulandu kulizeezyo zibi. ²⁰ Leza waluumuno wapwaya Satani nsi amawulu ako. Luzyalo IwaMwami Jesu Kkilisito alubaayebo. ²¹ Timoti, ngutubelekaawe, ulakujuzya, aLusiyasi, Jasoni, aSosipata, sinzuboma. ²² Ime, Tetiyasi, iwakalemba lugwalo olu ansi, ndakujuzya muMwami. ²³ Galiyasi, mubutawukili wangu ambungano yoonse, balamujuzya. Elasitasi, sinkomwe wadolopo, ulajuzya, aKwatasi mwananyina. ²⁴ Luzyalo IwaMwami wesi Jesu Kkilisito abe andinywe moonse. Ameni. ²⁵ Lino kuliyyo ukonzya kukuchita usime mbuli makani angu mabotu akompolola kwaJesu Kkilisito, mbuli chiyubunizyo chensiiswa zyakasisikene kwachiindi chilamfu, ²⁶ pesi lino lyakayubununwa lyachitwa kuti lizibikane kwiinda akulemba kwaba sinsimi kunyika zyoonse, akulayilila kwaLeza bwinibwini, mukweeta kutelela kwalusyomo. ²⁷ Kuliyyooyo uchenjede Leza kwindilila aJesu Kkilisito, abulemu kutamani. Ameni.

1 Ba Kkolinto

¹ Pawulo, wakayiitwa aKkilisito Jesu kuti abe Mutumwa kwiinda mukuyanda kwaLeza, aSositivesi mukwesu, ² kumbungano yaLeza iliku Kkolinto, abo bakasalazigwa muliKkilisito Jesu akwambwa kuti mbantu basalala, antoomwe aboonse bali mumasena oonse abayita zina lya Mwami Jesu Kkilisito, ulingonguwe Mwami waboandiswe. ³ Ngamube aluzyalo a lumunoluzwa kuli Leza Taata aMwami Jesu Kkilisito. ⁴ Ndilumba Leza nkambo kandinywe nkaambo kaluzyalo lwaLeza olo Kkilisito Jesu ndwakamupa. ⁵ Wakamuchita bavubi munzila zyonse, mukwambula koonse aluzibo loonse, ⁶ alimwi mbuli bukamboni atala aKkilisito mbubwa boneka kuti mbwamasimpe akati kanu. ⁷ Aboobo tamubuli chipo chaMuuya mbumulindide chakulangila kuyubununwa kwaMwami wesu Jesu Kkilisito. ⁸ Uyoomuchita kuti mukasyome chakumaninina kusikila kumamanino, ikuti mutakabi amulandu mubuzuba bwaMwami wesu Jesu Kkilisito. ⁹ Leza ulisyomekede, wakamwita kuti mukabilane aMwana, Jesu Kkilisito Mwami wesu. ¹⁰ Lino ndamukumba, nibakwesu, kwiinda muzina lyaMwami wesu Jesu Kkilisito, kuti moonse mulazuminana, akuti takuyoobi kupambukana antoomwe kamulamuzeego umwi amakanze amwi. ¹¹ Mbundakambilwa atala andinywe nobakwesu, kuzwa kubantu baKkuluzi ikuti kulikujatana akati kanu. ¹² Ndilikwamba eechi: umwi awumwi waamba kuti, "Ime ndili wa Pawulo," na kuti, "Ime ndili wa Apolosi," na kuti "Ime ndili wa Sifasi," na kuti "Ime ndili wa Kkilisito." ¹³ Ani sa Kkilisito ulipambukene na? Ani Pawulo wakagankaminwa ndinywe na? Ani mwaka bbabbatisigwa muzina lyaPawulo na? ¹⁴ Ndilumba Leza kuti takwe ngundakabbabatizya pe, kunze kwa Kilispasi aGayosi. ¹⁵ Eechi chakachitwa kuti kutabi waamba kuti mwakabbabatizigwa muzina lyangu. ¹⁶ (Alimwi ndakabbabatizya bang'anda yaSitefano. Kwiinda awo, tandikonyi kuyeeya kuti kulibambi na mbindakabbabatizya.) ¹⁷ Nkaambo Kkilisito takandituma kuti ndika bbabbatizye pesi ikuti ndikakambawuke makani mabotu kutaamba amajwi abuchenjezu, mukuti chingano chaKkilisito chitakawubulwi nguzu zyacho. ¹⁸ Nkaambo makani achingano chaKkilisito mbufubafuba kulabo balimukunyonyoka. Pesi akati kabaabo bafutulwa, ninguzu zyaLeza. ¹⁹ Nkaambo kulilembedwe kuti, "Ndiyomwayisywa busongo bwabasongo. Ndiyokonga kumvwisisywa kwabachenjede." ²⁰ Ulikuli muntu musongo? Ulikuli mulembi? Ulikuli sikukazya wanyika eeno? Sa Leza takasandula busongo bwanyika kubufubafuba? ²¹ Nkaambo nyika mibusongo bwayo teyakamuziba Leza, Leza wakabotelwa kuti afutule abo basyoma kwiinda mbufubafuba bwakukambawuka. ²² Nkaambo maJuda bakumbila zitondezyo zigambya baGiliki bayandula busongo. ²³ Pesi tukambawuka Kkilisto wakagankaminwa, Nchilebyo kumajuda alimwi mbufubafuba kulibaMasi. ²⁴ Pesi kulaabo Leza mbakayita, aantomwe bajuda abaGiliki, tukambawuka Kkilisito mbuli nguzu abusongo bwaLeza. ²⁵ Nkaambo bufubafuba bwaLeza bulayinda busongo bwabantu, alimwi kukompama kwaLeza kulanguzu kwiinda bantu. ²⁶ Amulange kwiitwa kwanu, nobakwesu teeboonse banu bakali basongo mbuli kunyama. Teeboonse banu bakali basinguzu. Teeboonse banu bakalizyedwe kabali bana babaami. ²⁷ Pesi Leza wakasala zintu zifubafuba zyanyika kuti

awusye nsoni basongo. Leza, wakasala echo chikompeme munyika kuti akawusye nsoni echo chilanguzu. ²⁸ Leza wakasala echo chilansi alimwi chawuubulwa munyika. Alimwi wakasala zintu zitegwa takwe mbuzibede pe, kuti akazijosye ansi ezyo, zilangilwa kuti zintu loko. ²⁹ Wakazichita ezi kuti kutakabi nyama ilikankayizya kunembo lyakwe. ³⁰ Nkaambo kacheechi Leza nchakachita, lino mwaba muliKkilisito Jesu oyo utubeda busongo buzwa kuli Leza. Wakaba bululami bwesu, busalali, alununuko lwesu. ³¹ Kuti kukabe mbuli mbukulebedwe kuti, " Na kuli ulikankayizya, alikankayizizye muMwami Leza."

2

¹ Nindakaza kulindinywe, nobakwesu, tendakaza abunnone bwamulaka kana busongo awoo nindakompolola simpe lisisidwe ataala aLeza. ² Nkambo ndakasala kutaziba chintu awo nindakali andinywe kunze kwa Jesu Kkilisito, akugankaminwa kwakwe. ³ Alimwi ndakali andinywe mukubula nguzu amukuyowa, amukukankama. ⁴ Alimwi mulayizyo wangu akukambawuka kwangu tekwakali amajwi akukombeleyza chabusongo. Pesi, akali achitondezyo chamuuya anguzu, ⁵ kuchitila kuti lusyomo lwenu talubi mibusongo bwabantu, pesi munguzu zyaLeza. ⁶ Lino twambula busongo mukati kabantu bazyikitide, pesi butali busongo bwanyika eeyi, kana bwendelezi bwalino, aboo bayobwinda. ⁷ Anukuti twambula abusongo bwaLeza musimpe lisisidwe, busongo busisidwe oobo Leza mbwakali wabikka kunembo lyamysaka yabulemu besu. ⁸ Takwe naba omwe wabendelezi balino wakachimvwisisisya, nkambo anoli bakachimvwisissya, nikuli tebakamukankamina pe Mwami wabulemu. ⁹ Pesi mbuli mbukulebedwe, "Takwe lisyo Iyabona, takwe kutwi kwamvwa, takwe moyo wamuntu waziyandula eezyo Leza nzyabambilia aboo bamuyandula." ¹⁰ Pesi Leza wayibununa zintu eezi kulindiswe kwiindila muMuuya. Nkambo Muuya ulayandula zintu zyoonse, nikuba zintu zyaLeza zinikide. ¹¹ Nkambo ngwani uzi mizeezo yamuntu ado woMuuya wamuntu nuuli anguwe? Nkokuli alimwi, takwe muntu uzi zintu zyaLeza zinikide ado wo Muuya waLeza. ¹² Pesi tettwakatambula Muuya wanyika pesi Muuya ooyo uzwa kuli Leza. ¹³ Twambule atala azintu eezi mumajwi akatayisigwa abusongo bwamuntu pesi aMuuya, kawupandalula zintu zyaMuuya kubantu baMuuya. ¹⁴ Muntu utakwe Muuya tazitambuli pe zintu zyaku Muuya waLeza, nkambo nzyabufufuba kuli nguwe. Takonzyi pe kuzimvwisisisya nkambo ziselezegwa aMuuya. ¹⁵ Ooyo ulimuMuuya ngukonzya kweela zintu zyoonse, psi takonzeki kweelwa azimwi. ¹⁶ "Nkambo ngwani ulikonzya kuziba kuyeya kwaMwami chakuti unga ulamulayilila? Pesi ulijisi muzeezo waKkilisito.

3

¹ Alimwi andime, bakwesu, tendalikunowambula kulindinywe mbuli bantu basimuuya, pesi biyo mbuli kubantu banyama, mbuli kubana baniini muliKkilisito. ² Ndakamusanina amakupa, pe pe chakulya chiyumu, nkambo temwalina libambilia; nikuba lino tamuna kulibambilia. ³ Nkaambo inywebo muchili munyama. Kaambo aali buzuba akukazyanya akati kanu, tamulikupona mbuli basinyama, tamulikwenda mbuli kupona kwamubuntu na? ⁴ Nkaambo umwi waamba kuti, "Nditobela Pawulo," alubo umwi waamba kuti, "Nditobela Apolosi," tamuli zilengwa zyabuntu biyo na? ⁵ Ngwani mpo Apolosi? Ngwani Pawulo? Babelesi kwiinda

mumulawu ngwakazumina, mbuli Mwaami mbakapa mulimu kuli umwi.”
 6 Ndakabyala, alubo Apolosi wakatilila, pesi Leza nguupa kukomezya.
 7 Mpo lino, te ooyo uubyala na utilila uli mbabede. Pesi nguLeza uupa
 kukomena. 8 Lino ooyo uubyala alubo uutilila mbamwi, alubo umwi
 uyootambula chaabilo chakwe mbuli kumulimu wakwe. 9 Nkaambo
 tuli basimulimunyina aLeza. Mulimuunda waLeza, mayake aLeza.
 10 Mbili kuluzyalo lwaLeza lwakapegwa ndime mbuli muyaki ukonzesyia,
 ndakabika intalisyo alubo umwi ulayaka alinjiyo. Pesi muleke umwi
 uyeyesya Mbayaka alinjiyo. 11 Nkaambo takukwe uunga ulabamba
 ntalisyo imbi itali eeyo yakabikwa, kiili, Jesu Kkilisito. 12 Lino na
 umwi ulayaka aatala antalisyo a ngolide, nsiliva, mabwe ayandika,
 zisamu, makuba, matete, 13 mulimu wakwe ulakuyubununwa, nkaambo
 buzuba buyobuyubununa. Nkaambo uyooyubununwa mumulilo. Mulilo
 ulabweezya bube bwawumwi anzyakachita. 14 Na mulimu wawumwi
 ukayimikile, ulakutambula chabilo; 15 pesi na mulimu wawumwi wapya,
 ulakujana kuswekelwa, pesi we lwakwe uyofutulwa, mbuli ufutuka
 kwiinda mumulilo. 16 Tamuzi na kuti muli tempele yaLeza akuti
 muuya waLeza ukkala muli ndinywe? 17 Na umwi ulajaya tempele
 yaLeza, Leza ulamujaya muntu ooyo. Nkaambo tempele yaLeza ilasalala,
 alubo alwenu. 18 Kutabi umwi uulyena. Na umwi wenu akati kenu
 uyeya kuti musongo muchiindi echino, mumuleke abe “mufubafuba”
 kuti abe musongo. 19 Kaambo busongo bwenyika iino mbufubafuba
 aLeza. Kaambo kulilembedwe, “Ulajata basongo mubuchenjezu bwabo.”
 20 Alubo, “Mwaami ulizi kuti kuyeya kwabasongo nkwbabuyo.” 21 Akaambo
 kacheechi kutabi umwi ulikankayizya mabantu. Zyoonse zintu nzizyenu,
 22 do Pawulo, na Apolosi, na Kefasi, na nyika, na buumi, na lufu, na zintu
 ziliko, na zintu zichiza. Zyoonse zintu nzizyenu, 23 alubo muli baKkilisito,
 alimwi Kkilisito ngu waLeza.

4

1 Mbuboobu muntu mbwayelede kutubona, mbuli balanda ba Kkilisito
 ababanzi bakasimpe ka Leza kasisikene. 2 Lino chiyandika kubabanzi
 nchakujanika mukusyomeka. 3 Pesi kulindime nchintu chinini kuti
 ndibetekwe andinywe nikuba nkutaya abantu. Nkambo nsikwe nindili
 beteka ndemwini. 4 Taakwe luzibo atala alubeteko lwachitwa atala
 andime, pesi echo tachaambi kuti ndategwa tandikwe kaambo. Oyo
 undibeteka ngu Mwami. 5 Nkenkaako utambilizyi lubeta atala achimwi
 chintu kachitanasika chiindi, katanakubola Mwami. Uyoyeta kumumuuni
 zintu zisisikene zyamumudima akuyubununa makanze amoyo. Mpawo
 umwi awumwi uyotambula kulumbayizigwa kuzwa kuli Leza. 6 Lino,
 noppakwesi, ndakabelesya malayilile aya kulindime ndemwini a Apolosi
 nkambo kandinwe, kuchitila kuti kuzwa kulindisiwe inga mulayiya kuti,
 “Utaakwindilili kuli zilembedwe.” Eechi chili boobu kuchitila kuti kutabi
 umwi ulisumpula atala aluumwi. 7 Ino ngwani uubona nikuba musiyano
 akati kanduwe awumwi? Ninzi nchalacho eecho nchotatambwide? Ikuti
 wakachitambula, nkamboonzi nolikankayizya mbotatedi tewakachitam-
 bulu? 8 Ikaale mwakali azyo zyoonse nzimwali kunoyanda. Ikale
 mwababavubi! Mwakatanguna kwendelezya alubo akuba ampela kuzwa
 kulindiswel! Inchoonzyo, ndalikuyandisya kuti mwendelezye andinywe.
 9 Nkambo ndiyeeya kuti Leza wakatubika ba Apositola akutondezya
 mbuli chakumaninizya mumunchali, mukubambulula, ambuli balumi

batongelwa lufu. Twaba chitondezyo kunyika - akuba anelo, akubantususu. ¹⁰ Tuli bafubafuba nkambo ka Kkilisito, pesi mulibasongo muli Kkilisito. Twateta, pesi mulibayumu. Mwajatwa mubulemu, pesi twajatwa mukubawulwa. ¹¹ Manedo kuchiindi echi tulenzala enyota, twazwata chabuchete, twawumwa, alimwi tatuchikwe myunzi. ¹² Tubeleka chenuzu nkatubeleysa maboko eesu. Nitwatukilwa twalongezegwa. Nitupenzewa, tulakakatila. ¹³ Nitusampawulwa, tulambuu chaluzyalo. Twachita biyo mbuli masifwinini biyo aanyika atombe lyazintu zyonse. ¹⁴ Tandili kulemba zintu ezi kukumufwisya bweeme pe, pesi kukumu chenjezya mbuli bana bangu bayandisi. ¹⁵ Aboobo nikuba kuti waba ezyuulu zilikkumi zyabasimalelo muli Kkilisito, tokwe bamawuso biingi pe. Nkambo ndakaba wuso wanu muli Kkilisito Jesu kwinda mumakani mabotu. ¹⁶ Aboobo ndamusunwazyza kuti mube basikutobeleyza ndime. ¹⁷ Nchenchicho nchindaka mutumina Timoti, muyandwi wangu amwana wanu usyomeka mu Mwami. Uyomuyeezya inzila zyangu muli Kkilisito, mbubonya mbuli mbundimuyiisya konse konse amumbungano zyonse. ¹⁸ Lino bamwi benu bakaba basikulismypula, kabachitanga tandichibooli kuli ndinywe. ¹⁹ Pesi ndizoboola chakufwambana kulindinywe, naa kuti Mwami wayanda. Aboobo tandikwe kuyoziba majwi abuyo pe aboobo balisumpula, pesi ndiyobona nguzu zyabo. ²⁰ Nkambo ibwami bwa Leza tabuli bwakwamba biyo pesi munguzu. ²¹ Niinzi nchimuyanda? Sena ndize kulindinywe ankoli naa aluyando mumuuya muteteete?

5

¹ Twakamvwa mpuwo kuti mamambe akati kanu, musyobo wamalalane utazumizigwi akati kabatali bazumini. ² Mwalumi ulala amwanakazi wawisi. Mwfundikila! Sena tamuyelege kulila, kuchitila kuti umwi wachita chiito eecho agwisigwe kuzwa akati kanu. ³ Nikuba nsiko mumubili, mpundili mumuya. Ndapa kale lubeteko ali wumwi wachita eechi, mbuli kubanga ndaliwo. ⁴ Kuti kamungene muzina lyaMwami wesu Jesu mpawo ndili andinywe mumuya aanguzu zyaMwami wesu Jesu mpuzili. ⁵ Mupe mwalumi oyu kuli dyabbulosi nkambo kakunyonyonwa kwanyama, kuchitila kuti muuya wakwe ufululw mubuzuba bwaMwami. ⁶ Kulisumpula kwako tensi kubotu. Tuzi na kuti kaswezyo kache kalafufumuna chibunge? ⁷ Lisalazye lwako kuzwa kubuswezyo bukulukulu kuchitila kuti kube chiwela chipya, chitakwe buswezyo, mbuli mbumubede choonzyo. Kuli Kkilisito, kabelele kesu kakwindilila, kaka payigwa. ⁸ Lino atubotelwe pobwe, litakwe buswezyo bukulukulu, buswezyo bwazichito zibi aa buntu bubi. Pesi, atubotelwe aachibunge chitakwe buswezyo nchoozyo aa bwini. ⁹ Ndakamulembela mulugwalo lwangu mutavwelani abantu abasimamambe. ¹⁰ Kakutakwe nzila imbi nsyambi basibwamu bayino nyika, olo muunyu, silweeno, kana kuti basimamambe, kuzwa kukkanla kule ambabo myelege kuzwa kunyika. ¹¹ Lino ndamulembela kuti mutualivwelanganisyi amuntu uyitwa kuti mukwesu pesi upona mumalalane, kana kuti muunyu na kuti sibwamu, na kuti simakanii alunyansyano, na kuti mukolwi, na kuti silweeno. Mutalyi chiiyo amuntu ulibobu. ¹² Ndjinjilali kukubeteka abo bali aanze achikombelo? ¹³ Pesi, tuyelede kubeleka aabo bali aanze. "Gwasya muntu mubi kuzwa akati kanu."

6

¹ Kuti umwi ulakambo atala awumwi, ulayinka kumulawu na wabataluleme kwiinda kuti aye kubantu baLeza basalala? ² Tamuzi na kuti bantu baLeza basalala bayoobeteeka nyika? Kuti na katuyooobeteeka nyika, sa tamukonzyi kukkazikwa twaambo tunini? ³ Tamuzi na kuti tuyooobeteeka baangelo? kwiinda biyeni mpo, sa ngatulabeteaka makani abuumi obu? ⁴ Kuti na kamuyooochita lubeta tweendelene abuumi bwamazuba oonse, nkaambonzi nimutola twaambo kulibabo mbuli ootu kuli baabo balangilwa ansi mumbungano? ⁵ Ndamwambila eechi kuti ndimuusye nsoni. Takwe na umwi akati kanu musongo unga ulakonzya kukkazikizya twaambo kulibakwesu? ⁶ Pesi umwi mukwesu uya kumulawu atala awumwi mukwesu, alimwi kazi chitilwa kunembo lyabatasyomi pe! ⁷ Nkambo kakuti muyisi kubetekana chanu chanu muzundidwe kale. Nkambo nimutake mwaliipeda kuba babi? Nkambo nywebo nubeni nimutakwe mwaliipeda kubbida? ⁸ alimwi muchita eezi kuli bamwi banu! ⁹ Tamuzi na kuti bataluleme tabakoyookona Bwami bwaLeza? Muteenwi. Basimalalano, basikukomba mizimu, basibwamu, balumi baanu abo bakwatana chabo chabo, ¹⁰ babba, batangala, bakolwa, basikutamikizya, abasikulyamaanu takwe akati kabo uyookona bwami bwaLeza. ¹¹ Mbubaalibede bamwi banu. Pesi mwakasanzigwa, akusalazigwa, akululamikwa muzina lyaMwami Jesu Kkilisito aMuuya waLeza. ¹² "Zyoonse zilimumulawu kulindime," Pesi teezyoonse zipa mpindu. "Zyoonse zilimumulawu kulindime" Pesi tandikwe kwakwendeleezegwa nikuba achimwi chazyo. ¹³ "Chakulya nchabula, alimwi bula mbwachakulya" Pesi Leza uyoozimwayisa zyoonse. Mubili tweesi wabwaamu, pesi mubili ngwaMwami Leza, alubo Mwami nguyoopa nziyanda mubili. ¹⁴ Leza antoomwe wakabusya Mwami alimwi uyootubusya aswebo munguzu zyakwe. Tamuzi na kuti mibili yanu nzizo zyaKkilisito? ¹⁵ Sa tulelede na kuti ndigwisye zizo zyaKkilisito akuziswanizya kubwamu? Kutabi mbuboobo! ¹⁶ Tamuzi na kuti oyo uswanizigwa kumamambe ngawaba mubili umwi anguwe? Mbuli malembe mbwaamba kuti, "Bibili bayoobanyama imwi." ¹⁷ Pesi oyo uswanizigwa kuMwami ulaba muuya umwi anguwe. ¹⁸ Amuchije kumalalano! Kufumbwa chibi muntu nchachita chili kunze amubili, pesi malalano abisia mubili wako numwini. ¹⁹ Tamuzi na kuti mibili yanu nin'anda yaMuuya Usalala, upona mulindinywe, ngumulaawo muliLeza? Tamuzi na kuti tamilibenu pe? Nkambo mwakawulwa amuulo. ²⁰ Nkikaako ngamulumbayizye Leza amibili yanu amumuuya wanu nkambo nzizykwe.

7

¹ Lino kumakani ngimwakandilembela, "Nchibotu kuti mwaalumi atagumi mwanakazi." ² Pele akaambo kamasunko anchito zyiingi zyamamambe, umwi awumwi mwaalumi weelede kuba a mwnwkazi wakwe, alkwe mwanakazi abe a mwaalumi wakwe. ³ Mwaalumi weelede kuzuzikizya mulimu wakwe akuba alulalano a mwanakazi wakwe, mbubonya oobo alakwe mwanakazi kumulimu wakwe. ⁴ Teensi mwanakazi uli abwaami kumubili wakwe, pele mulumi. Alimwi mwaalumi tajisi bwaami aatala amubili wakwe, pele mwanakazi nguujisi. ⁵ Mutakatazyanyi umwi awumwi, pele amuzuminane kuchita oobo zimwi zyiindi. Muchite oobo kuti mubike myoyo kukukomba. Eelyo mubole muswanane lubo, kuti Satani atamusunki nkaambo kakukachilwa kwanu kulijata. ⁶ Pele

ndaamba makani aya miyeyo yangu pe pe mbuli mulayizyo. ⁷ Ndili kuyeya kuti woonse abe mbuli ndime. Pele umwi awumwi uli achipo chakwe kuzwa kuli Leza. Umwi uli awoyu musyobo wachipo, awumwi ulya musyobo. ⁸ Kuli batakwegwe akuli bamukabafu ndamba kuti nchintu chibotu kuti bukkale kabatakwetwe mbuli ndime. ⁹ Pele kuti kabatakonzyi kulijata, baleelede kukwata na kukwatwa. Nkaambo nchintu chibotu kuti bakwate na kukwatwa kwinda kufwa amunyamunya. ¹⁰ Lino kuli bakwete, ndamupa mulawu ooyu, - teensi ndime, pele nguMwaami: "Mwanakazi teeled kulekana amulumi wakwe." ¹¹ Pele waanzana amulumi wakwe, uleelede kukkan katakwetwe kana kubwedelana a mulumi wakwe. ¹² Pele kuli boonse ndati - Ime, pe pe Mwaami - kuti mukwesu uli a mwanakazi utali muzumini, kuti kakkutisikene kukkan anguwe, teeled kumuleka pe. ¹³ Kuti mwanakazi uli a mwaalumi utali utazumini, kuti kakkutisikene kukkan anguwe, teeled kumuleka pe. ¹⁴ Nkaambo mwaalumi utazumini ulasalazigwa nkambo ka mwanakazi wakwe, alakwe mwanakazi utazumini ulasalazigwa nkambo kamunyina. Abalo bana benu nibatasalali, pele lino balasalala. ¹⁵ Pele kuti utazumini wayanda kweenda, muleke ayinke. Muchiimo chilibobo, mukwesu na muchizi taangidwe pe kuchikonke chabo. Leza watwiita kuti tukkale muluumuno. ¹⁶ Mbobuti mbokonzya kuziba, yomwanakazi, amwi uyoo-futula mwaalumi wako? Na mbobuti mbokonzya kuziba, yomwaalumi, amwi uyoo-futula mwanakazi wako? ¹⁷ Nekubabobo, mbuli kuti Mwaami wakapa umwi awumwi chibela chakwe, umwi awumwi mbuli Leza mbakamwiita. Ooyu ngumulayizyo wangu kumbungano zyoense. ¹⁸ Sa kufumbwa muntu wakali mupalulwe nikitwa kukuzumina? Teeled kusoleka kuboneka katapalwidwe. Sa kufumbwa muntu wakatapalwidwe nikitwa kukusyoma? Ooyo atapalulwi. ¹⁹ Teensi kuti kupalulwa na kutapalulwa nkukujisi makani. Chijisi makani nkuswilila milawu yaLeza. ²⁰ Umwi awumwi akkale mbuli mbayitwa aLeza kukuzumina. ²¹ Wakali muzike na Leza naakawiita? Utalikatazyi anzizyo. Pele kuti kokonzya kwaangunuka kulaba mbubo. ²² Ooyo wakiitwa aMwaami kalimuzike ngumwaangunuke waMwaami. Mbulonya oobo, alakwe wakali mwaangunuke nikitwa kukuzumina ngomuzike waKkilisito. ²³ Mwawulwu amuulo, mutachibi bazizi babantu. ²⁴ Bakwesu, kufumbwa chiimo nchuwakabede nwakayitwa, umwi awumwi akkale aLeza. ²⁵ Lino kumakani abanakalindu, nsikwe mulawu uuzwa kuMwaami. Pele ndamupa miyeyo yangu mbuliumwi, muluse IwaMwaami, akuba uusyomeka. ²⁶ Nkaambo kaako, ndayeya kuti nkaambo kamapenziaaboola, nchintu chibotu kumwaalumi kuti akkale mbwabede. ²⁷ Sa ulangidwe kumwanakazi. Utazyanduuli kulekana. Kuti kwaangunukide kumwanakazi, utayanduuli mwanakazi. ²⁸ Pele kuti wakwata, tobisize pe. Pele aabo bachita balaja mapenzi miingi anyama, pesi ndayanda kumuvuna kuli zeezi. ²⁹ Lino ncheechi nchingamba, bakwesu: Chiindi nchifwifwi. Kuzwa sunu kuya kunembo, aabo bakwete banakazi babe mbuli batakewete. ³⁰ Abaabo balili babe mbuli batalili, abaabo basekelela babe mbuli batasekeleli, abaabo bawula babe mbuli batavubide chintu. ³¹ Abaabo babelesya zintu zyaansi batapangiki myoyo yabo kukubelesya nzizyo. Nkaambo nyika chiimo nchilimulinchicho iya kumamanino. ³² Ndayanda kuti mwaangunuke mumakatazyo. Mwaalumi utakwete ulalikatazizya zintu zyaMwaami, kuti abotezye Mwaami. ³³ Pele mwaalumi ukwete ulalikatazizya zintu zyaansi, kuti abotezye mukakwe - ³⁴ ulaanzene. Musimbi utakwetwe

ulalikatazizya kuzintu zyaMwaami kuti asalale nikuba kumubili nikuba kumuuya. Pele mwanakazi uukwetwe ulalikankayizizya zintu zyaansi, kuti abotezye mulumi wakwe. ³⁵ Aaya ndawamba kuti mugwasigwe, nsiyandi kubika kakole kulindinywe. Ndaamba aaya kuti kube zyelede zibotu, mukalitakate kuMwaami kaatakwe lunyonyoko. ³⁶ Kuti mpali uyeeya kuti tachitili munakalindu wakwe kabotu - kali munsi aaminyaka yakukwatwa - weelede kuchita mbayanda. Talimukubisya pe. Beelede kukwatana. ³⁷ Pele mwaalumi uyima akujatisya mukati kamoyo wakwe, kuti katamanikide pele ulakonzya kweendelezya kuyanda kwakwe, alimwi kuti wayeya kuchita eezi mumoyo, akkale mbwabede, ulachita kabotu. ³⁸ Elyo ooyo ukwata nakalindu ulachita kabotu, pele ooyo ulisalila kutakwata ulachita kabotu chakwiinda. ³⁹ Mwanakazi ulaangidwe kumulumi wakwe nachipona. Pele mulumi wakwe aafwa, waangunuka kukwatwa kufumbwa ngwayanda, pele kali muMwaami. ⁴⁰ Pele mukuyeya kwangu nchibotu loko kuti ukkale mbuli mbabede. Alimwi ndayeya kuti ndili aMuuya waLeza.

8

¹ Lino atala azilyo zipayizigwa kuzikozyano: Tulizi kuti toonse tulijisi luzib. Iluzibo lulatutundumiika, pesi luyando lulatuyaka. ² Na umwi muntu uyeeya kuti ulizi chimwi, oyo muntu tana kuziba mbuli mbweelede kuziba. ³ Pesi na umwi wayanda Leza oyo muntu ulaziba aanguwe. ⁴ Nkiinkako atala akulya kuzipayilizidwe kuzikozyano: Tulizi kuti chikozyano chili muli eeyi inyika nchabiyo ngwabiyo akuti takukwe Leza pesi umwi. ⁵ Nikuba kuti nkubali bakali bakali kutegwa mbaleza, nikuba kujulu naba ansi (mbuli mbubali bayingi "baleza" amubwini bwabo "bami"), ⁶ nikubabobo kulindiswe kuli Leza umwi biyo Taatesu, nkuzyakazwida zintu zyonse alimwi nutuponena swebo, amwami numwi Jesu Kkilisito, akwinda mulinuve zintu zyonse zilapona, alimwi swebo tuponena kulinguwe. ⁷ Aboopo, kuti luzibo olu taluli kuli boonse. Pesi kuti, chimwi chindi bakali kukomba chikozyano, alimwi bakalya kulya oku mbuli chintu chakapayizidwe kuzikozyano. Miyeeyo ili sofwede nkaambo ilikompeme. ⁸ Pesi tensi kulya takukoyo twimkilila kuli Leza. Takukonzyi kubija na tetwalya zili mbubo na twalya. ⁹ Pesi amuchenjele kuti lwangunuko lwenu lutabi chilebyo kuli wabo bakompeme kulusyomo. ¹⁰ Nakuti tutedi umwi wakubona, ulaluzibo, ulokulya mung'anda yazikozyano. Sa temizeezo ikompeme kuti abe amanjeezezya kukulya zipayizigwa kuzikozyano? ¹¹ Nkambo kumvwisisisya kwanu atala abube bwazikozyano, oyo ukompeme wabunyina ngwakafwida Kkilisito, wanyonyoonwa. ¹² Nchinchicho, nchimubisizya bakwesu akujaya miyeyo yabo ikompeme, mukubisizya Kkilisito. ¹³ Nkinkaako, na kulya chaba chilebyo kumukwesu, nsikoyoolya limbi nyama, kuti nditawisyi mukwesu.

9

¹ Ani nsilimwangunuke? Ani nsili mutumwa? Te ndakamubona na Jesu Mwami wesu? ² Kuti nketali mutumwa kulibwami, pele ndilingue kulindiniwe. Nkambo inywe mulichitondezyo chabutumwa bwangu muMwami. ³ Echi nchili kwabilizyo changu kulabo bandi lungulula: ⁴ Tatukwe chelelo na chakulya alubo auywa? ⁵ Tatukwe chelelo na chakwendwa antomwe amukazi nyina, mbuli mbuba chita boonse batumwa, alubo bananyina baMwami, alubo aKefasi? ⁶ Na takuli Bbanabbasi andime

abo batakwe chelelo chakubeleka? ⁷ Ngwani ubeleka mbuli silumamba ulifozya? Ngwani ubyala munda wamasansa aboobo atalyi muchelo yawo? Kana ngwani wembela butanga aboobo katanywi malili kuzwa kubutanga? ⁸ Tandambi ezi zintu kazizwa kunguzu zyamuntu? Awalo mulawu tawambi obo na? ⁹ Nkambo kuli lembedwe mulawo waMozesi, "mutamwangi mulomo musune ulyatuka miila." Alimwi musune na Leza ngwayanda. ¹⁰ Talikwambula atala andiswe na? Zyakalembelwa ndiswe, kaambo oyo ulima welede kulima abulangilizi, pele upola welede abulangizi bwa kwabana mubutebuzi. ¹¹ Ikuti twakabyala zintu zyamuya akati kanu, zilindide na kuti tutyole zintu ziyatika kuzwa kulindinywe? ¹² Kuti bamwi bakali kuchita zyelelo kuzwa kulindinwe, swebo tatwelede zyindilide na? Asi tetwakayanda echi chelelo. Asikuti twaka kkakatila zintu zyoonse kuti kutabi chikachizya makani aKkilisito. Sa tamuzi na kuti abo bachita milimo yamunganda yaLeza bajana kulya kwabo munganda yaLeza? ¹³ Sa tamuzi na kuti abo babeleka kuchipayilo babilana ezyo nzibatula echipayililo? ¹⁴ Munzila njiyeyo, Mwami wakalayilila kuti abo bakkambawuka makari mabotu belede kujana zyakuli gwasya kumakani mabotu. ¹⁵ Asi tendakayanda chimwi chezyelelo ezi. Alimwi nsilembeli kuti ndichitilwe chimwi chintu. Nizyakalikabotu mendifwe. Takwe mutu uyondisampawula kukulikankayizya oku! ¹⁶ Na kuti ndakambawuka makani mabotu, nsyelede kulisumpula, nkambo ndelete kuchita obo, alimwi maawe kuli ndime kuti tenda kambawuka makani mabotu! ¹⁷ Na kuti ndachita chakuyanda, ndila mpindu. Asi kuti chakutayanda ndichila bubanzi mbundakapegwua. Nimpindunzi yangu? ¹⁸ Na kuti nekambawuka, ndipe vangeli katakwe mbadalo alimwi nsibwezi chelelo chizwide mumakani mabotu. ¹⁹ Nikuba ndangunwidwe kulizyonse, ndakaba muzike kuliboonse kuchitila kuti ndijane zyiingi. ²⁰ Kuba Juda ndakaba mbuli muJuda, kuchitila kuti ndijane abo balimunsi amulawu. Ndakachita echi nikuba kuti nsilimunsi amulawu. (ULB ula: Ndakachita ezi ime lwangu nketalu munsi lyamuwa. Magwalo achi Giliki echindi kalimache alubo kayandika abumwi bupanduluzi bwachindi asiya kunze munchali oyu.) ²¹ Kulabo balanze amulawu, ndakaba mbuli umwi ulanzé amulawo, nekuba tendakali kunze amulawo waLeza lwangu asi kunsi amulawu waKkilisito. Ndakachita ezi kuchitila kuti ndijane abo balanze amulawu. ²² Kuba teteete ndakaba muteteete, kuchitila kuti ndeete bateteete. Ndakaba zintu zyoonse kubantu boonse kuchitila kuti amwi anzila zimwi ndalikufutula bamwi. ²³ Ndichita zintu zyoonse nkambo kamakani mabotu kuchitila kuti ndikabe achabilo muzyolwe zyamakani mabotu. ²⁴ Tamuzi na kuti mumuzundano boonse bala chijana basikuchijana muzundano, asi omwe ngujana bulumbu. ²⁵ Umwi awumwi uchijana welede kulijata muzintu zyoonse. Balazichita kuti batambule musini umana, asi tulazichita kuti tutambule oyo utamani. ²⁶ Aboobo mbubobu mbundichijana, mbuli utakwe utakwe makanz; mbubobu mbewuma, katalimbili uwuuma luwo. ²⁷ Asi ndazunda mibili wangui alimwi nduuchita muzike, kuchitila kuti ndamana kukambawuka kuli bamwi, ime lwangu ntakajaniki abubi.

10

¹ Tandiyanzi kuti mutazibi, bakwesu, kuti bamataatesu bakali munsi ajoba alimwi bakayinda mulwiz. ² Boonse bakabbabbatizigwa muli Mozesi mujoba alimwi amulwizi, ³ alimwi bonse bakalya chilyo chamuuuya

chikozyania. ⁴ Bonse bakanywa chakunuya chamuuya chikozyania. Nkambo bakanywa kubbwe lyamuuya elyo lyakabatobela, alimwi ibbwé elyo lyakali Kkilisito. ⁵ Pele bonse bakabotelwa abiingi babo, alimwi mitunta yabo yakalisapeene munkanda. ⁶ Lino zintu ezi zyakali chiton-dezyo kuli ndiswe, kuti tutakabi abo bemuuzya zintu zibi mbuli mbubakeemuzya. ⁷ Mutabi basikukomba mituni mbuli bamwi babo mbubak-abede. Echi chilobu mbuli mbukulembedwe, "Bantu bakakkala aansi kuti balye akunywa, alimwi kunyampuka kuti balisenie." ⁸ Tutachiti bwamu, mbuli biingi babo mbubakachita, muzuba limwi, zyuulu zyamakumi abili azitatu zyabantu bakafwa nkambo kanchicho. ⁹ Tutabiki Kkilisito mukusunkwa, mbuli biingi babo mbubakachita alimwi bakanyonyoonwa anzoka. ¹⁰ Alimwi mutangunguni, mbuli bingi babo mbubakachita alimwi bakanyonyoonwa amungelo walufu. ¹¹ Lino ezi zintu zyakachitika kuli mbabo mbuli chiton-dezyo kuli ndiswe. Zyakalembelwa kuti lube lulayo kulindiswe - kuli ndiswe abo mamanino achindi ngasikilide. ¹² Nkambo kaako kufumbwa ani uyeeya kuti ulimvwvi alangisisye kuti atabi nawa. ¹³ Takwe musunko umusikila atali ayo azibinkene kubantu boonse. Pele, Leza ulisyomekede. Takaoyomuzumizya kuti mukasunkwe ziinda munguzu anu. Kusunko uyobikká inzila yakulizwa yo, kuchitila kuti mukakonzye kulyiminina. ¹⁴ Nkambo kako nobayandwa bangu, amuchije kuzwa kukukkomba mituni. ¹⁵ Imebo ndiwambula kulindinye mbuli bantu bali akumvvisisisa, abobo mulakonzya kulangisisya nzindaamba. ¹⁶ Ikanywido kazilongezyo ako nkitalongezya, sena takali kakwabilana mubulowa bwa Kkilisito? Chinkwa nchitukwamuna tachili chakwabilana mumubili wa Kkilisito? ¹⁷ Nkambo kuli chinkwa chimwi, iswe nituli bingi tuli mubili umwi. Toonse tutola kuchinkwa chimwi antoomwe. ¹⁸ Langa kubantu bakwa Izilayeli. Tabali abo balya zipayizyo bali achakuchita achipayililo? ¹⁹ Ndokwambanzi mpo? Kuti chikozyanio nchimwi chintu? Nanka kulya kupayizigwa kuchikozyanio nchimwi chintu? ²⁰ Pele ndikwamba atala azintu bamaasi nzibapayila, kuti batula zintu ezi kumadimoní kutali kuli Leza. Tandiyandi kuti mube azyakuchita amadimoní! ²¹ Tamukonzyi kunywa kanywido ka Mwamiakanywido kamadimoní. ²² Naa tudyokola Leza kubuzuba? Tulamanguzu na kwinda mbwabede? ²³ "Chonse chintu chilazumizigwa," pesi tazili zyonse zintu zigwasya. "Chonse chintu chilazumizigwa," Pele tensi chonse chintu chiyaka bantu. ²⁴ Takwe muntu uyelede kuyandula chigwasya nguwe luzutu. Asi, umwi awumwi uyelede kuyandula chigwasya ngwayakilene anguwe. ²⁵ Ulakonzya kulya chonse chuzigwa kuchisambalilo kotabuzyi mibuzyo yakulilya mumizezo. ²⁶ Nkambo nyika nja Mwami alimwi abuzulilo bwayo." ²⁷ Na utasyomi wakutamba kukulya chilyo, alimwikoyanda kwinka, lya kufumbwa chabikwa kunembo lyako kotabuzyi mibuzyo yakulilya mumizezo. ²⁸ Pele na umwi wamba kuti kulinduwé, "Echi chatuulwa kuchipayizyo," elyo utachilyi. Kuchitila yooyo wakwambila webo, alimwi akambo kamiyeeyo yakulilya - ²⁹ Amwi mabbuku achindi alamalembe achi Giliki alayungizya aya, nkambo nyika azyonze zintu zilimumo nzya Mwami. Pele mabbuku ayinda achindi amalembe achi Giliki tajisi ezi pe. Bingi basicikolo babona kuyungizya mbuli kwindulula munchali. Kulilya kwawumwi muntu, ndikwamba, alimwi chitali chako. Ino nkambonzi kulyendeleta kwangu nikubetekwa akulilya kwawumwi? ³⁰ Na ndalya chilyo amoyo usalala, nkambonzi imebo nentukililwa echo nchindapeda kulumba? ³¹ Nkambo kako, naa

walya kana kunywa, kana kufumbwa nchochita, kochita zyonse kuti kube bulemu kuli Leza. ³² Utajapi mulandu kuba Juda akuba Giliki, nikuba kumbungano ya Leza. ³³ Munzila ikozyenie ndeezya kubotezya bantu boonse muzintu zyonse. Tandiyanduli zindigwasyalwangu, pele ezyo zyabiingi. Ndilachita echi kuti antela bayinofutuka.

11

¹ Amwiye ndime, mbuli mbwendi sikwiya wa Kkilisitu. ² Lino ndilamulumbayizya nkambo mulajatisiya kutunsiyansiya mbuli mbon-dakamwambila. ³ Lino ndiyanda kuti mumvwisye kuti Kkilisito nguwe mutwe wamwanakazi akuti Leza mutwe wa Kkilisitu. ⁴ Kufumbwa mwalumi ukomba nekuba kusinsima kavumbide kumutwe wakwe wawubula mutwe wakwe. ⁵ Pesi kufumbwa mwanakazi ukomba nekuba kusinsima kavumbide mutwe wakwe ulawubula mutwe wakw. Aboobo chilikozyenie akuti mutwe wakwe wakululwa. ⁶ Nkabela kuti mwanakazi tavumba mutwe wakwe, uleelede kugela masusu aakwe afwimpe. Na chitawusisa insoni kuti mwanakazi agele masusu naa kukululwa mutwe wakwe, avumbe mutwe wakwe. ⁷ Nkabela mwalumi tayeled e kuvumba mutwe wakwe, nkambo kakuti nchikozyanisyo chabulemu bwa Leza. Pesi mwanakazi mbulemu bwamwaalumi. ⁸ Nkambo mwalumi takalengwa kuzwa kumwanakazi. Anukuti mwanakazi wakalengwa kuzwa kumwalumi. ⁹ Nkabela teensi mwalumi wakalengewa mwalumi. ¹⁰ Nchenchicho mwanakazi nchayeled kuba chitondezyo chabulemu amutwe wakwe, nkambo kabaangelo. ¹¹ Nekubaboobo, mu Mwami, mwanakazi taponi chakulyiminina katakwe mwalumi, naba mwalumi taponi chakulyiminina katakwe mwanakazi wakwe. ¹² Mbuli mwanakazi mbwazwa kumwalumi, alakwe mwalumi uzwa kumwanakazi. Alimwi zintu zyonse zizwa kuli Leza. ¹³ Amulibeteke nobeni: Saa chililuleme kuti mwanakazi kakomba kuli Leza amutwe wakwe kutavumbidwe? ¹⁴ Saa bulenwe bwanu tabumuyiisyi kuti naa mwalumi waba amasusu malamfu, nkutalemekwa kwakwe? ¹⁵ Bulengwe bwanu tabumuyiisyi naa kuti mwanakazi aaba amasusu malamfu, mbulemu bwakwe? Nkambo masusu akwe akapegwa kulinuwe mbuli chilivumbyo. ¹⁶ Pesi kuti umwi wayanda atala azeesi, tatuwe nechiba chimwi chaanza, neziba mbungano zya Leza. ¹⁷ Pesi mu-malayilile atobela, tandikonzyi kumutembawula. Nikuba nemubungana, tensi nkvakubotya pesi nkvakubisyia. ¹⁸ Nkabela lutanzi, ndilamvwu kuti nemuswanana mumbungano, kuli mipampo mipampo akati kanu, alimwi mubuche ndilasyoma. ¹⁹ Nkenkaako kulelede alimwi tubunga tubuna akati kanu, kuchitila kuti abo bakalomesegwa ngabala libonia akati kenu. ²⁰ Nkenkaako nemubungana, tensi nchilyo chamwami nchemulya. ²¹ Nemulya, awumwi awumwi ulya kulya kwakwe mwini bamwi kabatana kujana chilyo chabo. Umwi waba anzala, alimwi umwi wakolwa. ²² Tamukwe maanda na mukalye akunywida mukati? Mulasampawulana imbungano ya Leza akulangilila aansi abo batakwe nzebalazyo? Ngambe buti kulindinywe? Ndimutembawule na? Nsikomutembawula nkambo kazeezi! ²³ Eleyo ndakatambula kuzwa ku Mwami makani ngendakamusila, kuti Mwami Jesu, mansiku nakaabwa, wakatola chibune. ²⁴ Musule akupa kulumba, wakachikwamuna akwamba kuti, "Oyu mibili wangu, nonguwe wenu. Muchiite obu kukundiyea ndime." ²⁵ M bubonya obo wakatola nkomeki musule achilaliloo, alimwi wakati, "Eyi nkomeki

nchizuminano chipya chabulowa bwanu. Amuchite boobo muzyindi nemubunywa, kuti mukandiyeyeye.”²⁶ Kuchindi choonse nchemulya echi chibunge akunywa eyi nkomeki, kamuyeeya lufu lwa Mwami mane akaboole.²⁷ Nkabela, oyo, uulya chibune nawanywa inkomeki ya Mwami munzila italuleme uyoba amulandu wamubili abulowa bwa Mwami.²⁸ Muleke muntu alilingule lwakwe chakusanuna, alimwi muleyi inzila amumuleke alye chibune akunywa munkomeki.²⁹ Alakwe oyo uulya akunywa katalililinguli mubili walya akunywa lubeta kulingue mwini.³⁰ Nkenkako biingi akati kanu mulamana manguzu akuchiswa, alimwi bamwi benu bafwa.³¹ Pesi kuti twalilingula tobeni, tatukoyo betekwa.³² Pesi elyo notubetekwa a Mwami, tulalulamikwa, kuchitila kuti tutakabetekwi anyika.³³ Nkeenkako, nobakwesu, nemuswanana antomwe kukulya, amulindane.³⁴ Naa umwi wenu wafwanzala, mumuleke akalye kumunzi, kuchitila kuti nemuswanana antomwe kutakabi kwalubeta. Alimwi atala aamwi makani ngemwakalemba, ndiyomupa malayilile elyo ndasika.

12

¹ Ataala azipego zyamuuya, nobakwesu, nsiyandi kuti mubule luzibo. ² Mulizizi kuti nimwakatali kusyoma Mwami Leza, mwakali kwenzegwa munzila ziswekede kumituni yakatali kwambul, munzila kufumbwa nzemwakali kwenzegwa aazyo.³ Aboobo njanda kuti muzibe kuti takwe muntu uwambuzigwa a Muuya wa Leza ukonzya kwamba kuti, “Jesu mutuke.” Takwe ukonzya kwamba kuti “Jesu Mwami,” ado Muuya Uusalala.⁴ Lino kuli zipego zisiyene, pesi Muuya ngumwi.⁵ Kuli milimo isiyene siyene, pesi Mwami ngongue,⁶ alubo kuli kwaandana kwamisyobo yamilimu, pesi nonguwe Leza ubeleka zyonse muli zyonse.⁷ Lino kuli umwi awumwi kulipedwe chimo cha Muuya kuti kugwasigwe boonse.⁸ Nkambo kuli pedwe ku Muuya ijwi lyabusongo, mpawo kuli umwi ijwi lyaluzibo a Muuya omwe.⁹ Kuli umwi kuli pedwe lusyomo anguwo Muuya, alimwi kuli umwizipo zyakuponesya anguwo Muuya omwe.¹⁰ Kuli umwi kuli pedwe milimu yakuchita zigambyo, mpawo kuli umwi businsimi. Kuli umwi ulipedwe kukonzya kusianisyaya misyobo yandimi, mpawo kuli umwi kupandululwa kwandimi.¹¹ Eezi zyoonse milimu ya Muuya omwe biyo, kupa zipego kuli umwi awumwi, mbuli mbwasala.¹² Nkambo mubili mbuli umwi mpawo nkujisi zizo zyiingi mpawo zizo zyonse ezi nzymibili omwe, mbuboobo mbukubede a Kkilisito.¹³ Nkambo a Muuya omwe twaka bbabbatizingwa mumubili omwe, nibaba ba Juda nanka ba Giliki nibaba bazike na balubusi, aawo bonse bakachitwa kuti banyewe ku Muuya omwe.¹⁴ Nkambo mubili tensi chizo chomwe pe, pesi nzyiingi.¹⁵ Ikuti kuulu kwati, “Nkambo kakuti nsili mutwe, aboobo nsilichizo chamubili,” tensi nchimpanzi chinini pe chamubili.¹⁶ Na kuti ikutwii kwamba kuti, “Nkambo kakuti nsili linso, nsilichimpanzi chamubili,” tensi nchinini pe chamubili.¹⁷ Ikuti mubili woонse lyaba linso, chimpanzi chakumvwa chilazwayi? Kuti mubili wonse kakuba kutwi, chimpanzi chakumvwabwema chalikuno zwayi?¹⁸ Pesi Leza wakabika chimpanzi chimwi achimwi chamubili mbuli mbwakayanda.¹⁹ Kaansinga kaziba chimpanzi chomwe, mubili nulikuli?²⁰ Aboobo linobu kuli zimpanzi zyiingi, pesi mubili ngumwi biyo.²¹ Ilinso talikonzyi kwamba kuti kukuboko, “Nsikwe mupundulo anduwe.”

Nanka mutwe kuti utedi kumawulu, "Nsikwe mupundulo anduwe." ²² Pesi zimpanzi zyamubili zilangika kukompampa azilazyo zilamulimo, ²³ alimwi azimwi zipanzi nzituyeyela kuti tazilemekwi, tuzipe bulemu bupati, aboobo bamwi besu batakwe chiwa chitambulika bâbe abulemu bwini. ²⁴ Lino bamwi besu balachiwa chitambulika tabakwe ziyandisyo zilobu. Kwindilila, Leza wakachita mubili, nkapa bulemu bupati kuzimpanzi zitakwaabo. ²⁵ Wakachita ezi kuchitila kuti kutabi kwaanzana mumubili, pesi kuti zimpanzi eezi zigwasyanie amaboneno ayelene. ²⁶ Kuti na chimwi chimpâンzi chaba epenzí, zyonse ina zyabamupenzi; na chimwi chalemekwa, zyonse zimpanzi zilabotelwa antomwe. ²⁷ Lino muli mubili wa Kkilisito elyo umwi awumwi nchimpanzi chawo. ²⁸ Alimwi Leza wakabikka muchikombelo lutanzi batumwa, bachibili mbasinsimi, bachi-tatu mbayiysi, mpawo ababo bachita maleele, mpawo zipo zyakuponia, abaabo bagwasizya bamwi abo bachita milimu yabwendelezi, abaabo baala misyobo myiingi yendimi. ²⁹ Bonse mbatumwa na? Mbasinsimi na boonse? Bonse mbayiysi na? Bonse bachita maleele na? Bonse bachita milimu igambya na? ³⁰ Bonse balazipego zyakuponia na? Bonse baambula myaambo na? Bonse bala pandulula na myaambo? ³¹ Musungwalile kuyandula zipego zipati. Pesi ndiyomutondezya inzila imbotu loko.

13

¹ Nikuba kuti ndaambuuula mundimi zyabantu azyabangelo. Pesi kuti kandidakwe luyando, nooli ndaba mulangu usabila naanka chisaka chichokola chokola. ² Nikuba kuti ndachita chabusinsimi achakumvvisysisya toonse tusimpi tusisidwe aluzibo, mpawo akuba aaloonse lusyomo lwakunyampula zilundu. Pesi kuti kandidakwe luyando, nsichili chintu. ³ Alubo nikuba kuti ndapa boonse buvubi bwangu kukusanina bafwaba, akuti ndapeda mubili wangu kukuyotetwa. Pesi kuti kandidakwe luyando, takwe nchindijana. ⁴ Luyando lulabulindizi amuuya. Luyando taluli munyono mpawo talulidundizyi. Talulismupuli. ⁵ Na chinguni. Talulilangilili chintu. Taluliniakidwe, na kulondola twaabmo twabubi. ⁶ Talubotelwi mububi nakuti, kubotelwa mubwini. ⁷ Luyando lunyampula zyonse zintu, lusyoma zyonse zintu, lulangilila zyonse zintu mpawo lulakakatila kuli zyonse zintu. ⁸ Luyando talumani. Nikwali basinsimi, zyalinooyinda. Nikwali myaambo yalikuyoomana. ⁹ Nitwali luzibo, luyooyinda. Mbali mbutuzi mubuche mpawo tusinsima mubuche. ¹⁰ Pesi eelyo bululami nibwaayoosika, oobo butazulilide buyoooyinda. ¹¹ Nindakachili munini, ndakalikwambuuula mbuli munini, ndalikuyeya mbuli munini, ndalikubuzyania mbuli munini. ¹² Nindakazooba mupati, ndakabikka kule zintu zyabunini. Mbali mbutubona chakutilulama muchiboniboni, pesi kumeso akumeso. Lino ndizi mubuche, pesi eelyo ndiyooziba bumaninide mbuuli mbezibedwe bumaninide. ¹³ Pesi lino eezi zintu zitatu zisyede: Lusyomo, bulangilizi mpawo aluyando. Pesi chipati loko kuli Leza nduyando.

14

¹ Fundumanina luyando alimwi unangatile kukujana zipo zyamuuya, kapati nkukuti ukonzye kusinsima. ² Nkambo ooyo uwambula mululimi tawambuli abantu pesi uwambuila a Leza. Nkambo takwe umumvvisysisya nkambo uwaambula zigambyo zyamumuuya. ³ Pesi oyo usinsima wambuula abantu kuti aba yake, kubasimya akubawonga.

⁴ Ooyo wambula mululimi uliyaka lwakwe, pesi oyo usinsima uyaka mbungano. ⁵ Lino ndipeekezya kuti anoli moonse mukonzya kwambuula mundimi. Pesi nikuba kwinda ezyo, ndali kupeekezya kuti kansingga mwali kusinsima. Oyo usinsima mupati kwinda kwinda ooyo uwambula mundimi (ado umwi wapandulula kuchitila kuti imbungano ijane luzibo). ⁶ Pesi lino, nobakwesu, kuti ndeza kulindinyewe nkewambula mundimi, ngandamugwasya biyeni? Takwe pe, adokuti ndambula andinewe akuyubununa, na aluzibo, na businsimi, na kuyiisya. ⁷ Muli njijeyo inzila, awo zibelesyo zitaponi nizichita tuyoliyoli mbuli muteetele kana kantimbwa kuti tezyasiyana ndililo, umwi muntu nga ulaziba biyeni kuti ndwimbonzi lulikulizigwa amuteetele kana kantimbwa. ⁸ Nkambo kakuti inyele yasibwa akalizyo katazibinkene, umwi muntu nga ulaziba buti kuti chaba chindi chakubambil inkondo? ⁹ Njimwi inzila anduve nowambula mundimi. Kuti waamba zyambo zyakubulunguzya, zilamwisisigwa biyeni zilimukwambwa? Unoli kowambula muluwo biyo. ¹⁰ Chilizibirkene kuti kuli milaka myiingi isiyene siyene munyika, aboobo tuuwo pe utakwe nchuwamba. ¹¹ Pesi kuti nkesizi mulaka nchuwamba, ndinoli muzwakule kuli oyo sikuwambula, alubo sikwambula unoli muzwakule kuli ndime. ¹² Nkokuti chili kuli nduwe. Mbulikuti ulachiyandisyo chakuyubununwa kwamuuya, yanduula kuyungizizigwa kwambungano kuchitila kuti muvule. ¹³ Nkokuti oyo uwambula mundimi welede kukombela kuti akonzye kupandulula. ¹⁴ Nkambo kuti ndakomba mundimi, imuuya wangu ulakkomba, pesi mizeezo yangu inooli tayikwe michelo. ¹⁵ Ndicheteenzi? Ndilakomba amuuya wangu, pesi ndilakomba alimwi amiyeyo yangu. Ndiyoyimba amuuya wangu, alimwi ndinoyimba amizezo yangu. ¹⁶ Anolikuti, na walongezya Leza amuuya, muntu wakunze ulaamba biyeni kuti "Amen" aawo nolikupa kulumba kuti kotazi nzli kwaamba? ¹⁷ Nkambo chanchonzyo ukwizi loko kupa kulumba, pesi umwi muntu tabumbikene. ¹⁸ Ndilumba Leza kuti ndilamwinda monse kwambula mundimi. ¹⁹ Pesi mumbungano chili kabotu kuti ngambuule majwi musanu muku mvwisisisyka kwango kuchitila kuti ndikonzye kulay-ilila bamwi, kwinda kwamba kkumi lyamajwi mundimi. ²⁰ Nobakwesu, tamubi bana mukuyeeya kwenu. Chilabota kuti, kuzibi mube mbuli zisukasuka. Pesi kukuyeeya muzikitizye chipati. ²¹ Mumulawu kulilembedwe kuti, "Kwindilila kubantu bandimi zita zibinkene akumilomo yamazwakule ndiyowambula kubantu aaba. Nikuba obo tabakoyo ndimvwa," mbwawamba Mwami. ²² Nkokuti lino, indimi nzitondezyo, pepe kubasyomi, pesi kuli batasyomi. Pesi businsimi mbwa chitondezyo, peepe chabatasyomi, pesi chabasyomi. ²³ Na, kakuli boobo, imbungano yoonse yaza aamwi alimwi boonse baambula mundimi, alimwi ibazwa kunze abatasyomi banjila, tabakombi kuti muli pengede na? ²⁴ Pesi anoli moonse mwali kusinsimi alimwi utasyomi na oyo uuzwa kunze kanjila, wali kunotusika kuli zyonse nzyali kumwva. Zyonse zyali kunowambwa zyali kunomubeteka. ²⁵ Insiwa zyamumoyo wakwe zyali kunobbusigwa. Mbuli chitondezyo, wali kunowa kavundama akukomba Leza. Wali kunopa bukamboni kuti nchoonzyo Leza mpali akati kenu. ²⁶ Niinzi chitobela bakwesu? Nimubungana, awumwi uli antembawuzyo, injiisyo, chiyubunuzyo, indimi, kana bupanduluzi. Amuzichite zyonse kuchitila kuti tuyake imbungano. ²⁷ Ikiti imwi wambuula mundimi, ababe babilu kanakuti batatu, batobelane umwi awumwi, alimwi kwelede kuti umwi apandulule zilimukwambwa. ²⁸ Pesi kuti kakutakwe uupandulula, boonse abo ngabawumune biyo mumbungano. Kube kuti umwi awumwi

alyambwide lwakwe mwini kuli Leza. ²⁹ Akwambuule basinsimi bobile kana batatu bamwi baswilizye akutobeleya zilikwambwa. ³⁰ Pesi kuti kwaba chiyubunuzyo kuli umwi uukkede, wakusanguna ngawumune. ³¹ Nkambo monse mulakonzya kusinsima uumwi awumwi kuchitila kuti umwi awumwi ayiiye alimwi bonse basungwazigwe. ³² Nkambo myuuya yabasinsimi ilangene abasinsimi. ³³ Nkambo Leza teensi ngu Leza walunyongano, pesi ngwa lumuno. Oyui ngomulawu wambungano zyoonse zyabantu ba Leza basalala. ³⁴ Banakshi belede kuba chumunizi mumbungano. Nkambo kakuti tabazumizigwi kwambula. Anukuti, belede kulibombya, alimwi nkambo mulawu mbuwamba. ³⁵ Kuti kakuli chimwi chintu nchibayanda kwiya, ngababuzye balumi babo kumyunzi yabo. Nkambo chipa mawuse kuti mwanakazi awambuule mumbungano. ³⁶ Ijwi ly a Leza lyakazwa kuli ndinywe na? Lyakasika kulindinywe amulikke na? ³⁷ Kuti kuli uyeya kuti musinsimi na kuti uli a muuya, ulelede kubbusya kuti zintu nzindamulembela amalayilile a Mwami. ³⁸ Pesi kuti kakuli umwi utazitambuli eezi, alakwe atatambuliki. ³⁹ Nkokuti, bakwesu, amube achiyandisyo chukusinsima, alimwi tamukasyi umwi kukwaambula mundimi. ⁴⁰ Pesi amuchite kuti zyonse zintu zichitwe kabotu akubambikana munzila mbotu.

15

¹ Lino ndayanda kuti kuzibikane akulindinwe, nobakwesu, makani ngindakamwambila alimwi ngimwimikilide. ² Alimwi ngimufutulwa awo, na mwajatisya majwi ngindakamukambawukila, kunze kwakuti mwakasyoma chitawo. ³ Nkambo ndakamwabila nchindakatambula lutanzi, ikuti Kkilisito wakafwida zibi zyesu mbuli malembe mbwaamba, ⁴ ikuti wakazikwa akuti wakabusigwa mubuzuba bwatatu mbuli malembe mbwaamba. ⁵ Kkilisito wakalibonya kuliSifasi, akuli balikumi; ⁶ mpawo wakalibonya kulibakwesu balimyanda musanu kuchindi chimwi. Bayingi babo bachili bawumi, pesi bamwi bakafwa. ⁷ Mpawo wakalibonya kuliJemusi akubatumwa boonse. ⁸ Kumamanino azyoonse, wakalibonya kulindime, kukabunga mbulimuntu wakazyalwa kalimbwelule. ⁹ Nkaambo ndime munini wabo boonse batumwa. Tandelede kwamba kutegwa mutumwa nkambo ndakapenzya mbungano yaLeza. ¹⁰ Pesi nkambo kaluzyalo lwaLeza ndili nzindilinzizyo, alimwi luzyalo lwakwe mulindime te lwakaba lwabuyo pe. Pesi ndakabeleka changuzu kwinda boonse. Asi kakutensi ndime pe, pesi nduzyalo lwaLeza olo lalandime. ¹¹ Nkikako na ndime na kuti mbabo, twaka kambawuka alimwi mwakasanduka. ¹² Lino na kula kambawukwa kuti Kkilisito wakabusigwa kuzwa kubafu, lino nkambonzi bamwi banu nibamba kuti bubuke bwabafu? ¹³ Pesi na takwe bubuke bwabafu, chamba kuti olo Kkilisito takwe nakabusigwa kubafu. ¹⁴ Alimwi na Kkilisito tabukide kubafu, nkikako kukambawuka kwesu nkwbayo, alimwi lusyomo lwesu ndwabuyo. ¹⁵ Alubo, tulajanika katuli bakamboni bakubeja atala aLeza, nkambo twakapa bukamboni bwakuti Leza wakamibusya Kkilisito kuzwa kubafu. Pesi katamubusize pe, na ndisimpe kuti bafwide tababukide pe. ¹⁶ Nkambo na bafu tababukide, alakwe Kkilisito takabukide pe. ¹⁷ Alimwi na Kkilisito tabukide, lusyomo lwanu ndwabuyo alimwi muchili muzibi zyanu. ¹⁸ Chaamba kuti abo bafwa muliKkilisito abalabo bakafwidilila. ¹⁹ Kuti kakulikuti bulangizi bwesu bulimuliKkilisito, kabantu boonse twelede kufwidwa insoni. ²⁰ Pesi lino Kkilisito wakbusigwa kuzwa kubafu

mbuli muchelo mutazi wabaabo boona. ²¹ Nkambo lufu lwakaza amuntu, amuntu lubo bubuki bwabafu buyosika. ²² Mbuli kuti muli Adamu woонse muntu ulafwa, amuli Kkilisito woонse ulaba muumi. ²³ Pesi umwi awumwi mumabambe akwe: Kkilisito, ulinguwe muchelo mutanzi, aboonse abo balimuli Kkilisito bayoba bawumi kukuboola kwakwe. ²⁴ Ayooba ngimamanino, awo nayojosya bwami kuliLeza Taata. Elyo nayolobywa bwendelezi abaami abasinguzu. ²⁵ Nkambo ulelede kwendelezya kusikila akabike basinkondonyina boonse kunsi azitura zyakwe. ²⁶ Sinkondonyina wamamanino ngwayolobywa ndufu. ²⁷ Nkambo, "wakabika zintu zyoонse kumawulu akwe." Pesi naamba kuti "wakabika zintu zyoонse," zilantanganana kuti ezi tazilikubikilizya oyo wakabika zintu kunsi lyakwe. ²⁸ Kuti zintu zyoонse zyakabikwa kunsi lyakwe, we mwana lwakwe uyoba kunsi lyayoyo wakabika zintu kunsi lyakwe, kuti Leza akabe nguwe muli zyoонse. ²⁹ Na kuti niinzi nchibayochita aabo bakabbabbatizigwa kulufu? Kuti na bafu takwe nibayoobusigwa, nkaambonzi nibayobbabbatizigwa ambabo? ³⁰ Nkambonzi nituli mukufwa chiindi achiindi? ³¹ Ndilafwa buzuba abuzuba! Eechi nichonzyo mbuli kulikankayizya kwangu mulindinwe, ndundilalo muli Kkilisito Jesu Mwami wangu. ³² Ninzu nchindijana, kuzwa kumaboneno abuntu, kanzonga ndakalwana abbulu wangombe kuEfeso, nkukuti bafu tababuki? "Atulye tunywe nkaambo junza tulafwa." ³³ Mutenwi pe: "Kabunga kabi kalajaya kupona kulikabotu." ³⁴ Mupone kabotu! Mupone buumi bwakululama mutendeli anembo akubisywa nkaambo bamwi banu tabakwe luzibo lwaLeza. Ndamwambila eechi kuti ndimusye nsoni. ³⁵ Pesi umwi ulamba kuti, "Ani babusigwa byeni bafu, alimwi bayoba amibili ilibyeni?" ³⁶ Inwebo nobafubafuba eecho nchimubyala tachikonzyi kuba abuumi chatafwa. ³⁷ Nchimwakabyala nachensi ngumubili uyoba pesi inseke itakamene. Ngelakonzya kuba witi na chimbi chintu. ³⁸ Pesi uyoyipa mubili mbuli mbwasala, akulimwi nseke mubili wayo. ³⁹ Tenyama yoonse pe ikozyene, pesi, kulimubili umwi kubantu, amubili wabanyama, amubili wabayuni, amubili wabaswi. ⁴⁰ Kuli lubo mibili yakujulu amibili yanshi. Pesi bulemu bwamubili wakujulu musyobo umwi abulemu wamubili wansi ngumbi. ⁴¹ Kulibulemu bumwi bwazuba abulemu bumwi bwamweezi, abulemu bwanyenzezi. Nkunkuti imwi inyenyezi busiyene ayimw. ⁴² Mbukuyoba akububuke bwabafu. Echo chibyala chila loba achibusigwa tachilobi. ⁴³ Chakabyalwa mumasamu; chilabusigwa mubulemu. Chakabyalwa mukukompama, chiyobusigwa munguzu. ⁴⁴ Chakabyalwa mumubili uboneka; chiyobusigwa mumubili wamuuya. Kuti kakuli mubili uboneka, mpuli alawo mubili wamuuya. ⁴⁵ Nchikulembedwe kuti, "Adamu mutanzi wakaba muuya upona." Adamu wa mamanino wakaba muuya upa buumi. ⁴⁶ Pesi wamuuya te nguwe wakasanguna kusika pesi wanyama, mpawo wamuuya. ⁴⁷ Muntu mutanzi ngwansi, wakalengwa alusuko. Muntu wabili ngwakujulu. ⁴⁸ Ulimbuli woyo wakalengwa kulusuko, kuti abe mbuli abo babumbwa kulusuko, amuntu wakujulu mbwabede, ambuli baabo bakujulu. ⁴⁹ Mbuli mbukwakakuzyalwa chiimo chamuntu walusuko, tuyoozyala chiimo chamuntu wakujulu. ⁵⁰ Lino ndamba kuti, nobakwesu, eyo nyama abulowa tazikonzyi kukona Bwami bwaLeza. ⁵¹ Amulange! ndamwambila lwaano lwasimpe lusisikide: Tatukoyooowona pe toonse, pesi tonse tuyosandulwa. ⁵² Tuyosandulwa mukayindi kanini, mbuli kulaba kwaliso, kumweembo wamamanino. Nkaambo mweembo

uyolila, elyo bafu bayoobuka amubili utafwiki, alimwi tuyosandulwa. ⁵³ Nkaambo oyu mibili ufwu welede kusama oyo utafwi, alimwi na mutunta wasamikwa oyo muumi, mpawo tuyoooba mbuli eecho chakambwa chilembedwe kuti,” Lufu lwakamenwa mukuzunda.” ⁵⁵ “Lufu, lulikuli luzundo lwako. Lufu, lulikuli lumoola lwako?” ⁵⁶ Lumoola lwafu nchibi, anguzu zyachibi mulawu. ⁵⁷ Pesi ngalumbwe Leza, wakatupa kuzunda kwiinda muMwami wesu Jesu Kkilisito! ⁵⁸ Nkikaako, nobakwesu, ngamuyime akutasunzulwa. Ngamukkalilile mumilimu yaMwami, nkaambo mulizi kuti milimu yanu muMwami teesi yabuyo pe.

16

¹ Lino mukulanga kubunganizya kwabantu basalala baLeza: Mboli mbundakakalayilila mbungano zyaku Galantiya, lino, anywebo mwalelede kuchita. ² Mbuunsi bwakusanguna bwamviki, umwi awumwi wanu welede kubikka chimwi ambali alimwi akuchibamba, mbuli mbwajana. Muchite eehi kuti kutazobi kubunganya eelyo nintaboole. ³ Naa ndaboola, kuli naba ni ooyo ngumuzuminina, ndiyoomupa magwalo, amanjililo kuli mbabo alimwi ndiyomutumizya achipo chanu kuJelusalema. ⁴ Kuti kachili kabotu kuli ndime kwiinka lubo, bayoyinka andime. ⁵ Pesi ndiyosika kuli ndinywe nindiyoyinda kuMasedoniya. Nkambo ndiyoyinda mu Masedoniya. ⁶ Ambweni ndilakonzya kukkala andinywe nikuba kumana chilimu, kuchitila kuti ngamulandigwasya a tweendo lwangu, kufumbwa nkundinga ndilayinka. ⁷ Nkambo tandilombozyi kumubona pe lino kukumuswaya kwangu kwakwinda luzutu. Nkambo ndilaabulangizi bwakuba achiindi chilamfu kandili andinywe, kuti Mwami wazumizya. ⁸ Pesi ndiyokkala muEfesasi do mane Pentekkositi, ⁹ nkambo mulyango ukwazeme wajuluka kuli ndime, alimwi kuli zyiingi zikachizya. ¹⁰ Lino naa Timoti wasika, mubone kuti waba andinywe akutayowa pe, nkambo ulikubeleka chakuminwa kumulimu waMwami, mbuli mbundilikuchita. ¹¹ Kutabi nikuba umwi umusampawula. Mumugwasye munzila yakwe muluumuno, kuchita kuti azoboole kulindime. Nkambo ndilikumulangilila kuboola ababunyina. ¹² Lino mukulanga mukwesu Apolosi, ndakamusungwazya kapati kuti amuswaye antoomwe ababunyina. Pesi nikuba biyeni tekwakaſi kuyanda kwakwe pe kuti aboole lino. Nikuba booboo, uzoboola kuti chiindi chaba kabotu. ¹³ Muchenjele, mukakatile mulusyomo, muchite mbuli baalumi, musime. ¹⁴ Muchite kuti zyoonse nzimuchita zyiitwe muluyando. ¹⁵ Mulilizi isuwa lya Sitefanasi, kuti bakali njimichelo yakusanguna yaAchayila, alimwi bakalipeda kumulimu wabantu ba Leza basalala. Lino ndamwaambila inywe, bakwesu, ¹⁶ kuti mube mukulifwinsya kubantu baliboobo alimwi akuli woонse ugwasizya mumulimu alimwi kaminwa andiswe. ¹⁷ Ndilabotelwa kuboola kwaSitefanasi, Fotunatasi, alimwi a Achayikkasi. Bakayiiziyta mukutaba kwako. ¹⁸ Nkambo bakatontozoja muuya wangu awanu. Mpawo eelyo, amubayeye bantu bali mbuli mbabo. ¹⁹ Imbungano zyaku Asiya zilamwanzya. Akwila a Pulisila baamwanzya muMwami ambungano eeyo ilimumunzi wabo. ²⁰ Boonse beenzuma balamwaanzya. Mwaanzyane umwi awumwi alumyonto lusalala ²¹ Ime, ndiPawulo, ndilemba eechi aluboko lwangu. ²² Kuti umwi katamuyandipe Mwami, ngatukwe. ²³ Luzyalo lwaMwami wesu Jesu alube andinywe. ²⁴ Luyando lwangu alube andinywe moonse kuli Kilisito Jesu.

2 Ba Kkolinto

¹ Pawulu apositolo waKkilisito Jesu mumaknze aLeza aTimoteyo mukulana wesi kumbungano yaLeza ilimuKkolinto, akubantu baleza boonse basalali muchisi choonse cheAkkasia. ² Luzyalo kaluba mulindinwe aluumuno buzwa kuli Leza Tata wesi aMwami Jesu Kkilisito. ³ Alumbwe Leza aTata Mwami wesi Jesu Kkilisito. Ngu Tata waluzyao aLeza wakumbulizya koonse. ⁴ Leza wakatumbulizya kumasukusyo esu woonse, kuti tukakonzye kumbulizya abo balimumasukuzyo. Tulumbulizya bamwi alumbulizyo ndulonya Leza ndwatumbulizya alo. ⁵ Mbili machise aKkilisto mbwakavula nkambo kesu, lino aboobo kumbulizigwa kwesu kwakavulisyis kwindila mumachise aKkilisito. ⁶ Pesi na twapenzegwa, ndumbulizyo lwanu alufutuko; na twawumbulizigwa anwebo mwawumbulizigwa. Lumbulizyo lwanu lulokubeleka kabotu mukwabana kuperzegwa kukozyenye akwesu. ⁷ Bulangizi bwesu kulindinwe taluteketi: nkambo tulizi kuti mbumwabana mapenzi mwakabana, akumbulizigwa kwesu. ⁸ Nkambo tatuyandi kuti muleke kuzibisigwa nobakwesu, atala amasukusyo ngitwakalawo muEziya. Twakali kulemenwa kwinda nguzu zyesu, lino kuti tutakate nikuba buumi bwesu. ⁹ Iyii twakabetekelwa milandu yalufu. Pesi zyakali zyakuti tutabikki kusyomeka mulindiswe pesi muliLeza ubusya bafu. ¹⁰ Wakatuvena mumapenzi ajeya, uytotuvuna lubo. Malinguwe twabika bulangizi bwakuti ulatuvuna. ¹¹ Wazichita ezi mbuli mbumulokutugwasya ankombyo zyanu, mpawo bingi bayotulumbila nkambo kazipo zyaluzyalo nzitupewga kulindiswe kwindila munkombyo zyingi. ¹² Makante akulisumpula kwesu ngaaya: kutaba aluzyalo kwesu kuntwakachita lwesu munyika abusalali abantu abuleza bwini kutaponena mubusongo bwanyama pesi muluzyalo lwaLeza. ¹³ Takwe nchitwakalemba pe kulindinywe chitabaliki akumvvisikana ndasyoma kuti mulaba akumvvisisya kumaninide. ¹⁴ Mboli mbumwakatumvwa mubuche kuti mukalikankayizizye atala andiswe mubuzuba bwaMwami Jesu, mbuli mbutuyolikankayizya andinywe. ¹⁵ Nkambo ndakasimpe azezi ndalikuyanda kusanguna kusika kulindinywe kuti mutambule zipo zysluzyalo zyabili. ¹⁶ Ndalikuyeya kumuswaya nkinjindililakuyosika kuMasedoniya. Alubo ndayandide kumswaya ndakuzwa lubo mulwendo lwaku Masedoni, akuti nkayindilile kuya kuJudiya. ¹⁷ Nindakachili kuyeya nzila eyi, ndakalengwana na? Sena ndibamba zintu munyama? Lino ndakati, “ iyii, iyii ” a “pe pe” muchindi chimwi? ¹⁸ Pesi mbuli Leza mbasyomekede, majwi esu kulindinywe tesi akuti “Iyii” a “pe.” ¹⁹ Nkaambo Mwana aLeza, Jesu Kkilisito, oyo Silivanasi, Timoteyo andime ngutwakakupandulula akati kanu tensi “iyii” a “pe”. Anukuti, ngu iyii kwalyoonse. ²⁰ Nkambo zisyomezyo zyoonse zyaLeza ngu “iyii” Malinguwe. Lino aboobo kwinda malinguwe twamba kuti “Ameni” kubulemu bwaLeza. ²¹ Lino nguLeza uzuzikizya ndiswe andinywe muliKkilisito, wakatunaniwa swe. ²² Wakadinda chidindo alindiswe akutupa muuya mumyoyo yesu mbuli chitondezyo chibola. ²³ Pesi ndayita Leza kuti abe kamboni amuuya wangu kuti tendakakkonyza pe kusika kuKkolinto lino kuti ndizomuskiye. ²⁴ Eechi tachambi kuti tuyanda kuba baami kulusyoma lwanu. Anukuti, tuli basimilimo nyokwe akukondwa kwanu, mbuli mbumwimvwi mulusyomo lwanu.

2

¹ Elyo ndakayeya kulubazu lwangu kuti sikoza kulinduwe muysiindi zichiza. ² Na ndachita kuti umvwé kuchisa, nguni unga ulandisekelezya pesi oyo nguwensa ngundachisa moyo ime? ³ Ndalemba mbuli mbunda chita kuchitila kuti ndaza kulinduwe nditachisigwi moyo ababo belede kundichita kuti ndikondelelwe. Ndilalusyomo atala andinywe moonse kuti lukondelo lwangu lulikozyene alukondelelo ndimulalo. ⁴ Ndakulembela chakupengana kupati akuchisa kwamoyo, alubo amisozи mingi. Tendalikuyanda kuti ndikwetele kuchisa. Nkabela, ndalikuyanda kuti uzibe bukomezi bwaluyando ndwejisi kulinduwe. ⁵ Kuti kuli wakachita kuti ube mumachise, teewaka zichita kulindime, pesi ayimwi nzila-kuti atakulemezyi - kulindinywe moonse. ⁶ Echi chisyubulo chamuntu oyu abinji zilikwene. ⁷ Lino kwinda chisyubulo, mweelede kulekelela akumumbulizya we. Muchiteezi kuti atakatazigwi amawuse manji. ⁸ Ndamukumbila kuti mutondezye luyando kulinduwe. ⁹ Nkaambo nchenchicho nchindakamulembela, kuti ndimusunke alubo ndizibé kuti mulaswilia mulizyoone. ¹⁰ Elyo mwalekelela muntu chintu, ambebo ndamulekelela oyo muntu. Nchindakelelela - kuti ndalekelela nchintu - chilalekelelwa nkaambo kanduwe mubube bwaKkilisito." ¹¹ Ezi zilobu kuti Satani atatchengi toonse. Nkaambo tatuli bafubafuba kumaano akwe. ¹² Mulyango wakajulwa kulindime aMwami ninda kaza kudolopo lyaTekisasi kuzokambawuka makani mabotu aKkilisito oko. ¹³ Taakwe nindakaangunikide mu muuya nkaambo takwe nindakajana Tayitasi oko. Ndakabasiya alubo ndaya kuMasedoniya. ¹⁴ Pesi alumbwe Leza unga muliKkilisito utuzulwida mukuzunda lyoonse. Kwindilila mulindiswe ulayubununa mununko unona waluzibo lwakwe koonse. ¹⁵ Nkambo kuliLeza tuli tununkilizyo tunona muliKkilisito antomwe ababo baponede alubo akati kababo balikufwa. ¹⁶ Kubantu balikufwa, nkanunkililo kazwa kulufu kaya kulufu. Kulibabo baponesegwa nkanunkilizyo kuzwa kubumi kuyakubumi. Nguni welede ezi zintu? ¹⁷ Nkaambo tatulimbili bantu binji bawuzya ijwi lyaLeza kuti bajane mpindu. Asi kuti, akusalala kwamizezo, tulambula muliKkilisito, mbuli mbututumvwa kuzwa kuli Leza kubusyu bwaLeza.

3

¹ Ani tulokatalika kulisbayizya lwesu lubobiya na? Swe tatuyandi lugwalo lwachizibyo kuli ndinywe na kuzwa kuli ndinywe, mbuli bamwi bantu, nga tulachita obo? ² Inywe lwanu muli lugwalo lwachizibyo, lulembedwe amyoyo yesu, tulizibikene alimwi akubalwa abantu boonse. ³ Mutondezye kuti mulilugwalo kuzwa kuli Kkilisito, Impindu yamulimu wesu. Te yaka lembwa achilembyo pesi aMuuya waLeza upona. Te yakalembedwe atala abbwe, pesi atala amyoyo yabantu. ⁴ Alimwi eechi nchichisimizyo nchitujisi kwindila muli Kkilisito kunembo lyaLeza. ⁵ Tatukwe luzibo muli ndiswe mukwamba nikuba chili mbuli chizwa kulindiswe, pesi kuti luzibo kuzwa kuli Leza. ⁶ NguLeza wakatuchita twakonzya kuba balanda bachizuminano chitali cha lugwalo pesi chaMuuya, nkaambo luwalo lulajeya, pesi Muuya upa buumi. ⁷ Lino mulimu wa lufu-wakavundikwa mulugwalo lulamabwe - wakasika muli obu bulemu kuti bana balombe bamulizilayeli tebakakonzya pe kulangana abusyu bwaMozesi. Echi nkambo kabulemu bwabusyu bwakwe, bulemu bwakali kuzima. ⁸ Ngabula vula byeni bulemu bwakubeleka bwamuuya mbukuyoba? ⁹ Nkambo na mulimulimu wakupa mulandu

wakalabulemu, mbuvule bwingi bulibyeni buchita mulimu wabululami bukkalila mubulemu! ¹⁰ Mukwambisya echo chakali mulichimwi chindi chachitwa chaba abulewe tachichikwe bulemu muchimo echi, nkambo kabulemu obu bwindilila. ¹¹ Nkambo kuti echo chiinda chakali abulewe ngabuloba bwingi bulibyeni bulewe kulichecho chikalilila! ¹² Mbuli mbutujisi obu bulangilizi, tulibatakwe kuyowa. ¹³ Tatuli mboli Mozesi, wakabika chisitikizyo kibusyu bwakwe kuchitila kuti bana ba-Izilayeli tebakakonzya kulangana kumamanino abulemu obu bwakakali kwinda. ¹⁴ Pesi miyeyo yabo yakayumisigwa. Nkambo kusika sunu, elyo nibakali kubala chizuminano chipy, echo chisitikizyo chomwe mpuchichili. Takwe nichakagwisigwa pe, nkambo muliKkilisito kupela muchikonzya kugwisigwa. ¹⁵ Pesi nikuba sunu elyo kufumbwa Mozesi nabalwa chisitikizyo chivwinika myoyo yabo. ¹⁶ Pesi elyo muntu kasandukila kuMwami, chisitikizyo chilagwisigwa. ¹⁷ Lino Mwami nguMuuya oko kuliMuuya kulikwanganuka, lino swe toonse katuli abusyu bugwisigile chisitikizyo, tubona bulemu bwaMwami. ¹⁸ Tulabukulusigwa kunjila mubulemu bukozyanya bomwe kuzwa kuchibela chomwe chabulemu kunjila mulichimwi mbuli kuzwa kumwami oyo uliMuuya.

4

¹ Nkinkako, nkambo tuli amulimu oyu alimwi mbuli mbutwakatambula luzyalo, tatusiki mukutyompwa. ² Pesi, twakkaka nsiswa anzila zyabusu. Tatwendi mububumbwe mpawo tatuji bubi pe ijwi lyaLeza akupedekezya kasimpe, twalizumizya tobeni kuliwonse mbwamvwa kubbazu lyaLeza. ³ Pesi na esu makani avumbwa, avumbidwe kupela kulibabo balimukunyonyoka. ⁴ Mukambo kabo, baLeza bayeyi nyika bawofwazya ikutasyoma kwamizezo. Nkambo kambubobu, tabakonzyi kubona mumuni wamakani mabotu abulemu bwaKkilisito, ulichikozyanyo chaLeza. ⁵ Nkambo tatuli lungululi tobeni, pesi KkilisitoJesu mbuliMwami mpawo swebo mbuli babelesi banu nkambo kaJesu. ⁶ Lino Leza nguwenya wakati, "Mumuni oyu munika mumudima." Wakatondezya mumyoyo yesu kupa mumuni waluzibo lwabuna Leza mubuliwo bwajesu Kkilisito. ⁷ Pesi tuli abuvubi muchibikilo chanongo, Kuchitila kuti kuboneke nguzu zyindilide mpati nzizyaLeza pepe kulindiswe. ⁸ Twapenzegwa munzila zyoonse, pesi pepe kuzundwa. Twakanyonganisigwa pesi pepe akuzuzigwa akupupulwa. ⁹ Twapenzegwa pesi pepe kusiyigwa, twakasowelwa pesi pepe kunyonyoka. ¹⁰ Lyoonse katubwezede mulindiswe mumibili yalufu lwajesu, kuchitila kuti bumi bwaJesu alubo bukayubununwe mumibili yesu. ¹¹ Kulindiswe nitupona twakapedekezegwa kulufu nkaambo kaJesu kuchitila kuti buumi bwaJesu buyubununwe mumibili wesu wanyama. ¹² Lino lufu luli amilimu mulindiswe pesi buumi buli amilimu mulindinywe. ¹³ Pesi tuli amuuya omwe walusyomo mbuli echo chakalebedwe: "Ndasyoma, alubo ndamba." Alubo tulasyoma aboobo tulamba. ¹⁴ Nkambo tulizi oyo wakabusya Mwami Jesu alubo andiswe oyo uyotibusya amwi aJesu mpawo akutweta antomwe mubuliwo bwakwe. ¹⁵ Kulizyoonse nkambo kandinywe kuchitila luzyalo kuti lusikile kuliboonse bantu bachite kulumbayizya kuyungizigwe kubulemu bwaLeza. ¹⁶ Lino tatwelede kuba batyompwa. Nikuba kuti chanze tulikuswekelwa, chamukati tulabukuluka buzuba abuzuba. ¹⁷ Echi chiyezyo mapenzi mawubawuba alikutubambilabutamani bundemene bwabulemu obo bwindilila zyoonse zyelesyo.

18 Lino tatulangililwi kuzintu ezyo zibonwa pesi kuzintu zitabonwi. Zintu ezi nzitubona zilamana, pesi zintu zitabonwi tazimani.

5

1 Tulizi kuti na nganda yesu yanshi chilawu - yamwayisigwa, tulabuyaki kuliLeza. Ninganda itayakwi amaboko abantu pesi nganda itamani, ilikujulu. **2** Nkambo muchilawu echi tulalila kapati, kuti tukasamikwe abukalo bwesu bwakujulu. **3** Tulabulangilila bukkalo obu nkambo na twabusama tatuokoyo janika katuli azintanda. **4** Kasimpe nituchili muchilawu echi tulalila kapati akulemenwa. Tatuyandi pe tukaleke kusamikwa. Pesi, tuyanda kusamikwa kuti echo chifwa chikamenegwe abuumi. **5** Watubambila echi chintu nguLeza, wakatupa muuya usalala mbuli chitondezyo cha echo chiyosika. **6** Aboobo amube alusyomo, kuti katuchili kumunzi mumubili, tuli kule aMwami. **7** Nkambo twenda akusyoma pepe akubona. **8** Lino tuli akusyomesesyatutali mumibili pele katuli mumunzi aMwami. **9** Lino twita kuti chibe chintulangilila swebo nekuba tuchiliku munzi nekuba katutali nkuko kuti mukamuboteye. **10** Mbunga toonse tuyoboneka kunembo lyachuno chalubeta chaKkilisito kwitila kuti umwi awumwi utakatambule zilengene azintu zichitwa mumubili na buboto nekuba bubi. **11** Nekuba boobo, kuziba kuyowa Mwami tukombeleya bantu. Kulabonwa kabotu mbutubede aLeza, ndilangilila kuti kulibabo kumanjezeza anu. **12** Tatuli kwezya lubo kukombeleya ndinywe katuboneka katulibasyomekede pesi tunokumupa makani makani akulidunda atala andiswe, kuti mukabe ansandulo kuli babo balikankayizya atala akuboneka kwabo pesi kakutali mbukubede mumoyo. **13** Na tulizwide mumiyeyo yesu nkukwaLeza; pele na kuti mumiyeyo mibotu nkuyanda kwako. **14** Luyando lwaKkilisito Iwatuchunda nkambo twakamanisyaechi. Kutimuntu umwi wakafwida boonse aboobo boonse bakafwa. **15** Wakafwida boonse kuti bapona kabatachiponeni lwabo beni pesi baponene oyo nkambo nkako wakabafwida akibusigwa. **16** Ankambo kachechi kuzwa lino kaziya kunembo tatkabwene mumwi mukwinda munyam, nekuba kuti twakali muzi Kkilisito mukwinda munyama. Pesi kwalino tatuchizi. **17** Nkikako na umwi uli muli Kkilisito, waba chilenge chipya. Zintu zyachindi zyayinda. Bona zyaba zipya. **18** Ezi nzitu zyoonse zizwa kuliLez, wakatubwedezya mulingue lubo mukwinda muliKkilisito akutipa mulimo wakubwedezyanya. **19** Nkokuti muli Kkilisito leza unolikubwedezyanya nyika kuli nguwe, kutesi kubala milaka ilatala ambaabo. Unokutupa makani akubweedelana. **20** Aboobo twakatondekwa mbuli bayimikilila baKkilisito mbuli anga Leza walikuchita kukombeleya mukwinda mulindiswe. "Twamukumbila, ankambo kwakuyanda kwaKkilisito: Amubwedelane aLeza." **21** Wakamubumba oyo wakalezi chibi kuti abe chibi kulindiswe, kuti tukabe bululami bwaLeza mulingue, kuti abe chibi kulindiswe, kuti tukabe bululami bwaLeza mulingue.

6

1 Mbuli mbutubeleka aamwi anguwe, yulamukumbila kut mutatambuli luzyalo lyaLeza chabiyo. **2** Mbuli mbaamba kuti; "Kuchiindi cheelede ndakakuswilizya, amubuzuba bwalufutuko ndakakugwasya." Bona, lino nchiindi cheelede. Bona, lino ndizuba lya lufutuko. **3** Tatukonzyi kubika zilebyo kunembo lyawumwi awumwi, kuchitila kuti milimu yesu

itasampawulwi. ⁴ Ani kuti, munchito zyesu zyoonse tulalitondezya kuti tulibalanda baLeza. Tulibalanda mulukakatilo lupati, mumapenzi, amumakatazyo, amubuyumu, ⁵ mukuumwa, mukubikwa muntolongo, mulupyopyongano, mukubeleka changuzu, mukubula n'onz, munzala, ⁶ mubusalali, muluzibo, kuba aamoyo mulamfu, mubuuya, amuMuuya uusalala, muluyando lwini. ⁷ Tulibalanda bakwe mujwi lyakasimpe, munguzu zyaLeza. Tulaazilwanyo zyabululami kujanza lyachilisy o alyachimwensi. ⁸ Tubepleka mubulemu amukunyansigwa, amumpuwo mbi amukulumbayizigwa mbuli balaalweno pesi katuli bakasimpe. ⁹ Tubepleka mbuli batazibidwe anu kuti tulizidwe kabotu. Tulabepleka mbuli bafwide - bona! - tuchipona. Tubepleka mbuli bali muchisubulo chanchito zyesu pesi mbuli batapedwe mulandu walufu. ¹⁰ Tubepleka mbuki bawuside, pele tulabotelwa chalyoonse. Tubepleka mbuli bafwaba, pele tulokuvuzya buvubi. Tubepleka mbuli batakwe ani kuti tuli azintu zyiingi. ¹¹ Twakaambula kasimpe koonse kulindinywe, nibaKkolinto, alimwi moyo wesu ulaangunukide loko. ¹² Teensi musyanikizigilwe aandiswe pe, pele mulilisanikizizye lwenu mumyoyo yenu. ¹³ Lino mukwaabilana kweelene - ndamwaambilila mbuli bana - andinywe mujule myoyo yenu. ¹⁴ Mutasungwi jogwe aantomwe abatali bazumini. Nga bululami bulalyidilana buti abubi? Nga mbulyidilanoonzi buli aakati amumuni amudima? ¹⁵ Nchizuminano nzi Kkilisito nchakonkiza kuzuminana abbeliyali? Muzumini ulaatwambo nzi aantomwe awutali muzumini? ¹⁶ Ani n'anda yaLeza ijsi chizuminanoonzi amituni? Tuli n'anda yaLeza iipona, mbuli Leza mbaakaamba: "Ndiyookkala aakati kabo akweenda aakati kabo. Ndiyooba Leza wabo, abalabo bayooba bantu bangu." ¹⁷ Aboobo, "Amuzwe aakati kabo, akulitantamuna," mbwaamba Mwaami. "Mutagumi chintu chitasalali, eelyo ndiyomutambula. ¹⁸ Ndiyooba Taata wenu, alimwi myoooba bana bangu balombe abasimbi," mbwaamba Mwaami Singuzuzyoonse.

7

¹ Nobayandwa, mbukunga tuli aazisyomezyo eezi, muleke tulisalazye tubeni kubusofwazi boonse bwakunyama akumuuya. Amuleke tutobele busalali mukuyowa Leza. ² Amutupe mweenya! Takwe ngutwabisizya. ³ Takwe nitwakanyonganya muntu. Nkaambo ndakazaambla kale kuti muli mumyoyo yesu, kuti tufwe aantomwe akuti tupone aantomwe. ⁴ Ndili aakutayowela kupati mulindinywe, alimwi nkupati kulidunda aatala andinywe. Ndilizwide aluumbuluzyo/. Ndilafwasuka alukondo nikuba mumafwabi eesu. ⁵ Elyo nitwakasika kuMasedoniya, nyama zyesu tezyakali akulyookezya. Asikuti, twakakatazizwa munzila yoonse akutakkalinkana kunze alubo akuyowa mukati. ⁶ Pesi Leza, wuumbulizyala balaansi, wakatuumbulizyala akusika kwaTayitasi. ⁷ Tekwali kusika kwakwe biyo pe Leza nchaakatuumbulizizya. Alubo chakali alumbuluzyo Tayitasi ndwakatambwide kulindinywe. Wakatwaambila aatala aluyando Iwanu, mapenzi anu, alubo chiyandisyo chenu kulindime. Akaako ndakakondelwa kwiindilide. ⁸ Nikuba kuti lugwalo Iwangu lwakamuchita kuti musululwe, takwe nindilipa mulandu pe. Pesi ndakalipa mulandu eelyo nindakabona kuti lugwalo Iwangu lwamusuluzya, nikuba kwali kwachiindi chiniini biyo. ⁹ Lino ndilakondwa, pe pe akaambo kakuti mwakalikatazikene, pesi nkaambo kusululwa kwenu kwakamuleta kukweempwa. Mwakabona kuusa kwabuLeza, kwakuti

takwe nimwakasweekelwa pe akambo kandiswe. ¹⁰ Nkaambo kuusa kwabuLeza kuleta kweempwa oko kuzuzikizya lufutuko kakutakwe kulipa mulandu. Kuusa kwakunyika, biyeni obo, kuleta lufu. ¹¹ Amubone bupati bwakuyandisisa kwakuuasa kwabuLeza mbubwakaleta mulindinywe. Kwakali kupati biyeni kuyandisisa mulindinywe mukutondeezya kuti tamukwe mulandu. Kwalibupati biyeni kusesemwa kwenu buyofu bwenu, kutaakizya kwenu, bunkutwe bwenu, alubo chiyandisyo chanu kubona kuti kubeleka kabotu makani kweelede kuchitwa. ¹² Nikuba kuti ndakalemba kulindinywe, tendakalemba akaambo kasimuchita chibi, na ooyo wakachitilwa chibi, pesi kuti kuyanda kwanu kubotu kulindiswe kuchitwe kuti kuboneke kulindinywe kumenso aLeza. ¹³ Nkaambo kazeezi mpotusungilizigwa. Mukuyungizya muluumbuluzyo lwesu, twakakondelwa alubo loko nkaambo kalukondo lwaTayitasi, nkaambo muuya wakwe wakabukulusigwa andinywe moonse. ¹⁴ Na ndakalikankayizya aatala andinywe, tendakawusigwa nsoni. Mulilumwi lubazu, mbuli zyoonse nzitwakaamba kulindinywe nisimp, kulikankayizya kwesu aatala andinywe kuliTayitasi zyakaboneka kalili simpe. ¹⁵ Luyando lunikide kulindinywe ndupati mbuli nayeya kuswiilila kwenu moonse, mbuli mbumwakamutambula kabotu akuyowa akuzazama. ¹⁶ Ndilakondwa nkaambo ndili aakutamuyowela kuzulide.

8

¹ Tuyanda kuziba, bakwesu, aatala aluzyalo lwaLeza lwakapegwamam-bungano aaMakkedoniya. ² Muchiindi chakusunkwa kumasukuusyo mapati, akukondwa kuzulilide, abuchete bwabo bwiindilide bakaba aabuvubi bupati bwabuuya. ³ Elyo ndipa bukamboni kuti bakapa mubwiingi mbuli mbubakali kukonzya, mpawo nikuba kwiindilila mpubakali kukonzya, elyo mukwiindila mukwaangunuka kwabo ⁴ bakatukombeleyza kwamoyo wonse mucheelelo chakwaabana muli ooku kugwasya basalali baLeza. ⁵ Eechi techakachitika mbuli mbutwakali kulangilila, pesi bakatanguna kulpeda kuMwaami lwabo mpawo akulindiswe mukwiinda mukuyanda kwaLeza. ⁶ Elyo twakasungwaazya Tayitasi, ooyo wakali watalika kale mulimu ooyu, kuti amninizye kuchita kwaluzyalo oku. ⁷ Pesi mujatikizye zyoonse - mulusyomo, mukwaambula, muluzibo, mubukozu boonse, muluyando Iwenu ndumulaalo kulindiswe. Elyo alubo amubone kuti mwiinkilila kunembo mukuchita luzyalo olu. ⁸ Tandili kwaamba oobu chakwaangila, pesi, ndaamba oobu kuti ndisunke kunika kwaluyando lwenu mukweelanisa alo kuchiyandisyo chabamwi bantu. ⁹ Nkaambo mulizi luzyalo lwaMwaami wesu Jesu Kkilisito. Nikuba kuti wakali muvubi wakaba muchete nkaambo kesu, kuchitila kuti mukwiinda mukufwaba kwakwe tube bavubi. ¹⁰ Mukaambo aka ndiyoomupa nchenjezyo iyoomugwasya. Munyaka omwe wiindide tamutalikide biyo kuchita chimwi chintu pesi mwakaaba aachiyandisyo kuti muchichite. ¹¹ Lino amuchimaninsye. Mbuli mbukwakalichiyandisyo akumaninina mukuchichita lino, alubo ngamuchimanizye mubupati mbumukonzya. ¹² Pesi na kolaachiyanisyo chakuchita inchito eeyi, nchintu chibotu chitambulika. Cheelede kweendelana azintu muntu nzyaleezyo, pe pe kuleezyo nzyatakweezyo. ¹³ Nkaambo oku takuli mbuli kuubisizya bamwi eelyo kulinduwe kube buyumuyumu. Anu kuti, kweelede kweelana. ¹⁴ Ikuzulila kwenu muchiindi eechino kuyoobeetela eezyo nzibayanda. Kuli mbubo akulako kuti buzulile bwabo bumweetele nzimuyanya, eelyo kuti kube kweelana. ¹⁵ Chili mbuli mbuchilembedwe: "Ooyo iwakali

aazyiingi takwe nzyaakakuchala azyo, mpawo ooyo wakali aziche takwe nakabula.” ¹⁶ Pesi kulumba akube kuliLeza, ooyo wakabika muliTayitasi moyo wakulikkataazya aatala abamwi mbuli mbundilaawo kulindinywe. ¹⁷ Nkaambo tatambwide buyo chikkumbizyo chesu pesi wakalikkataazya loko kulinzizyo. Wakaaza kulindinywe mukuyanda kwakwe mwini. ¹⁸ Twakamutuma aamwi amukwesi ulumbayizigwa mumambungano woonee kumulimu wakwe wakwaambilizya makani mabotu. ¹⁹ Kutali eezi azilike, pesi alubo wakasalwa amambungano kuti abe sikweenda awe munyendo anchito eeyi yaluzyalo, ilikweendelezegwa andiswe mubulemu bwaMwaami lwakwe akuyanda kwesu kubotu. ²⁰ Tulikuchitila kuti umwi atakonzyi kutongooka aatala abuuya mbutuyobuchita. ²¹ Tulabamba mukuchita zilikabotu, kutali kunembo lyAMwaami luzutu pesi akunembo lyabantu lubo. ²² Tulikutuma lubo umwi mukwesu aamwi ambabo. Twakamusunka munzila nydingi mpawo twakajana kali aabukoza kumilimbu myiingi. Alubo ulisungweete kapati lino nkaambo kabusichaamba bupati mbwalaabo kulindinywe. ²³ Mbuli Tayitasi, ooyu mweenezuma alubo ngusimilimuma kulindinywe. Mbuli kubakwesu, mbeendelezi bamakan kuzwa mumambungano. Eelyo mbulemu kuli Kkilisito. ²⁴ Eelyo amubatondeezye luyando lwenu, alubo amutondeezye mambungano kuti nkaambonzi nitulikankayiza aatala andinywe.

9

¹ Kwambisyia milimo yabantu baLeza basalala, tweekweelede kuti ndamulembela njiyo pe. ² Ndilizi atala aziyandisyo zyanu, ezyo nzindakalikankayiza atala andinywe kubantu bakuMakkedoniya. Ndakabaambila kuti Akkaya wakalibambilka kuzwa munyaka wayiinda. busungusungu bwanu bwakasungwaazya bayingi kuti bachite mbubonya. ³ Lino ndakatumwa bakwesu kuti kulikankayiza kwesu andinywe kutabi kufwisya bweeme akuti mukalibambilka, mbuli mbundakamwaambilka. ⁴ Ambweni, kuti baMakkedoniya bamwi ndaza abo akujana kamutalibambilide, ngatuyooofwa bweeme - takukwe nchinga ndilamba atala andinywe - nkaambo ndilikkusikene mulindinywe. ⁵ Ndakayeya kuti kulikabotu kuti ndisungwaazye bakwesu basike kiulindinywe akuti muzobambilile chipo nchimwakasyomezya. Kuchitila kuti chibambike mbuli chilongezyo, akuti chitabi mbuli chakumusinikizya ped. ⁶ Ichiliko ncheechi: Ooyo ubuala chakuchesywa ulatebula mubuche, ayooyo ubyalala chakulangila chooolwe ulatebula chilongezyo. ⁷ Amuleke umwi awumwi ape mbuli kukanza kwamoyo wakwe. Kutali chamunyono na kuti kusinikizigwa. Nkaambo Leza uyanda uupa chalumwemwe. ⁸ Alimwi Leza ulakonzya kuchita luzyalo loonse kuti lweete kulindinywe ikuti kukabe, muzyiindi zyoonse, muzintu zyoonse, kuti mujane zyoonse nzimuyanda. Eechi chiyooba kuti mukayungizye milimu mibotu. ⁹ Kuli mbuli mbukulembedwe: “Wakaaba buvubi bwakwe akubupa kubachete. Bululami bwakwe bulapona kwalyoonse.” ¹⁰ Ooyo uupa mbuto kubalimi nguubyala alimwi chinkwa chakulya uyoopa akuyungizya mbuto yakubyala. Uyoyungizya butebuzi bwabululami bwako. ¹¹ Muyoovubisigwa munzila zyoonse akuba sibuuya. Eezi ziyooleta kulumba kuliLeza kwiinda mulindiswe. ¹² Kukunyampula mulimu ooyu takuli kugwasizya bantu baLeza basalala luzutu pe, pesi alubo kuyoojeta muzintu zyiingi zyakupa Leza zipo. ¹³ Nkaambo kakweezegwa akwiimikizigwa kwenu amulimu ooyu, alimwi muyoolumbayizya Leza akuswili kukuzumina makani mabotu

aaKkilisito. Muyoolumbayizya Leza alubo azipo nzimuyooobunganisya chalumwemwe kulimbabo akuli wumwi awumwi.¹⁴ Mbibanu, alimwi balikumukombela. Bachita eeki nkaambo kaluzyalo lupati lwaLeza luli alindinye.¹⁵ Ngalumbwe Leza achipo chakwe chitaambiki!

10

¹ Ime nde Pawulo, lwangu ndamusungilizya, mukulibombya alimwi mubwiime bwaKkilisito. Ndateta chiindi nefi anywebo, pesi tandikwe buyofu kulindinye chiindi netawo. ² Ndamukumbila kuti, kuchiindi neli anywebo, tandikoyoooyowa akwaamba kanzambwene. Pesi ndiyeya kuba akutayowa kuchiindi nchekazya babo bachitaanga tulenda kwiinda munyama. ³ Pele nanka tulenda munyama, tatulwani inkondo kwiinda kunyama. ⁴ Pele zilwanyonzetulwanya tazili zyanyama. Anukuti, tuli amanguzu mapti ngetumwayisa mampangala mayumu. Zyeeta inkazi zisowa kukazya buyo. ⁵ Abobo tulamwaya zyoonse zintu zyakujulu zilibusya akukazya luzibo lwaLeza. Tulabweza akwaanga miyeyo yoonse yabuzike kuti iswiilizye Kkilisito. ⁶ Alimwi twalibambilika kupa chisubulo kumichito yakutaswilila, chakufwambana mbuli kuswilizya kwangu mbukuzulide. ⁷ Langa ziboneka kunembo lyako. Na umwi ulizumide kuti nguwaKkilisito, mbubo aswe mbutubede. ⁸ Nkaambo na ndalikankayizya bunini kupati atala anguzu zyesu, ezyo Mwaami nzvakatupa kukumuyaka alimwi pepe kumumwaya, nsikoyoofwa nsoni. ⁹ Nsiyandi kuti kuboneke aanga ndikumuyosya kumugwalo angu. ¹⁰ Nkaambo bamwi bantu, "Magwalo akwe alisungwete a changuzu, pele bube bwamubili mbuteteete. Majwi akwe tayeeleli kwaaswilila." ¹¹ Amuleke bantu baliboobo bazibe kuti nzetubede mumajwi amumagwalo eesu chiindi nitutawo abobo mbutuzoba munchito zyesu anetuliwo. ¹² Tatukonzyi kwiinka kule kuyolibunga lwesu na kulyezyanisya lwesu ababo balidundizya lwabo beni. Pesi nibakayela lwabo beni mumwi mumwi akulyezyanisya lwabo beni akuli umwi awumwi abobo tababoni. ¹³ Swebo, nchobeni, tatulikankayizyi kwiinda mumweelwe. Anu kuti tuyochita oobo luzutu mweelwe wesu Leza ngwatweelesezya, mweelwe uysika oko kule nkubede. ¹⁴ Nkaambo tatulyoololi lwesu chiindi nchetusika kulindinye. Twakali batanzi kusika kule kukindinye amakan mabotu a Kkilisito. ¹⁵ Tatulikankayizyi kwiinda kumweelwe wamulimu wabamwi. Anukuti, bulangizi bwesu mbwakuti lusyomo lwenu kaluchiya bukomena, amulimu wesu akati kenu ulakomena kapati. ¹⁶ Tulalangila ezi, kuchitila kuti tukakambawuke makani nekuba kuzisi zilikunembo lyanu. Tatulikankayizyi atala a mulimu ulikuchitwa mumasena awumwi. ¹⁷ "Pesi muleke ulikankayizya alikankayizye muMwaami." ¹⁸ Nkaambo tensi ooyo ulisala lwakwe nguzuminwa. Anukuti, ngoyo uzumininwa aMwaami.

11

¹ Ndipeekezya kuti ube aandime muli bumwi bufubafuba. Pesi nkasimpe kuti ulaandime! ² Nkaambo ndili aabbivwe anduwe. Ndikuchitila bbivwe lilaabunaLeza, nkaambo ndakakusyomezya lukwatano kumulumi omwe. Ndakasyomezya kukutondeezya kubantu mbuli nakalindu uumaninide kuli Kkilisito. ³ Pesi ndilikuyowa kuti muliimwi nzila, aawo mubbi sizibi nakeeneena Eva abusongo bwabumpelenge bwakwe, miyeyo yako ikonzya kusweeka kuzwa kukukomba kusiniziizye alimwi

kusalala kuliKkilisito. ⁴ Nkaambo kuti umwi muntu wasika wakambawuka uumwi Jesu kwiinda ooyo ngutwakakambawuka. Na kuti mwatambula umbi muuya kwiinda ngumwakatambula kale kana kuti mwatambula limbi ijwi lisiyene kuli eelyo ndimwakatambula kale. Mboli mbumukkala kamuzibona zintu eezi! ⁵ Nkaambo ndiyeya kuti nsili aansi kababo baambwa kuti mbebatumwa bantu loko. ⁶ Pesi nikuba kuti tendakayiya zyakwaambuula, tachaambi kuti nsikwe luzibo. Muli zyoonse nzila amuzintu zyoonse twakachita kuti eechi chizibwe kulindinywe. ⁷ Ndakabisya na kulibombya kuchitila kuti musumpulwe? Nkaambo ndakamukambawukilamijwi lyaLeza kakutakwe muulo. ⁸ Ndakabbida zimwi mbungano mukutambula lugwasyo lwabo kuti ndizoomubelekele. ⁹ Nindakali aandinywe alimwi nkebulide taakwe ngundakalemezya. Nkaambo nzindakali kuponaaizo zyakali kuzwa kubakwesu ibakwaza ku-Masedoniya. Kuli zyoonse ndakalibamba kuti nsibi mukuli kulindinywe, alimwi ndiyochita mbubo lyoonse. ¹⁰ Mboli simpe lyaKkilisito mbulili mulindime, ooku kupakala kwangu takukoyooowumuzigwa pe muli amwi masena aaku Akkayiya. ¹¹ Nkaambonzi? Nkaambo nsimuyandi pe? Leza nguuzi. ¹² Alimwi nzichita ndiyoyinkilila kunembo akuzichita, kuchitila kuti ndikagonke mweenya wababo bayanda mweenya wakujanika kabali mbuli ndiswe muzintu nzibalidundiizya aatala anzizyo. ¹³ Nkaambo bantu baliboobu mbatumwa babeji alimwi mbabelesi balaalweeno. Balyeena kuti mbatumwa baKkilisito. ¹⁴ Alimwi eezi tazigambyi pe, nkaambo alakwe Satani ulyeena kuti mungelo wa mumuni. ¹⁵ Tachili chigambyo chipati pe kuti abalabo babelesi bakwe balyeena kuti mbabelesi ba bulumami. Impindu yabo iyooba eezyo zyeendelana amilimo yabo. ¹⁶ Ndilaamba alimwi: Takubi muntu uyeya kuti ndili chifubafuba. Pesi kuti mboyeya, munditambule mboli chifubafuba kuchitila kuti ndipakale buniini. ¹⁷ Nzindilikwaamba akupakala ooku kwakudundula - nsili kwaambuula munzila njali kunowambuula aayo pe Mwaami - njindili kuti mboli chifubafuba. ¹⁸ Mboli kuti bantu biangi bapakala zyeendelana anyama, ambebo ndiyoopakala. ¹⁹ Nkaambo mulabotela kubaamwi abantu bafubafuba. Inywe lwenu muli basongo! ²⁰ Nkaambo muntu umuchita bazike, na wamunyonyoona, wamulya maanu, walisumpula, na kuti wamusinka lubayi kumenso. ²¹ Ndiywamba kumawuse eesu kuti twakalilekelela loko akuchita oobo. Anu kuti umwi muntu wapakala - Ndili kwaambula mboli chifubafuba - Ambebo ndilapakala. ²² Mba Hibbulu na? Ambebo mbebede. Mba Izilayeli na? Ambebo mbebede. Mba mazyalane aa Abbulahamu na? Ambebo mbebede. ²³ Mbabelesi baKkilisito na? (Ndili kwaambula anga ndapenga.) Ndiliinda aawo: kumilimu miyumu, muntolongo nydingi, mukuumwa kwiindilide, mukuswanana antenda nydingi ziyyosa. ²⁴ Kuzwa kubajuda ndakatambula tulimusanu "kunabbwa myoondo makumi one kakugwisigwa omwe." ²⁵ Tutatu ndakawumwa atulamu. Lumwi nketululwa mabwe. Tutatu nkezapukilwa bwaato. Ndakakkala busiku azuba lyomwe aantanganana mulwizi. ²⁶ Ndakeenda twiingi nketentuuka milonga, nketentuuka bajayi, nketentuuka kabantu bakulindiswe, nketentuuka kuli bamasi, nketentuuka mugunzi, nketentuuka mulusaka, nketentuuka kulwizi, nketentuuka kuli bakwesu babeji. ²⁷ Ndakabeleka mubuzike akoomba, mumansiku miangi akatali koonwa, munzala amunyota, twiingi kelyimya, mumpeyo amuchintanda. ²⁸ Kusiya kuli zyoonse zimwi, kuli kupengaana kwangu mazuba woонse nkeyeeya aatala ambungano zyoonse. ²⁹ Ngwani utakwe nguzu alimwi ime nsibulide

nguzu? Ngwani wadadalisiwa, alimwi ime nsipyi? ³⁰ Kuti keyelede kupakala, ndiyopakala aatala azezyo zitondeezya kutasima kwangu. ³¹ Leza alimwi Wisi waMwaami Jesu, ooyo wakalongezewa kutamani, ulizi kuti nsili kubeja pe! ³² Ku Damasikkasi, imuleli munsi lyaMwaami Aletasi wakali kulinda gunzi lyaDamasikkasi kuti andisunge. ³³ Pesi ndakaselezegwa muchizuma kuzwa kumpulunguzyo yabulambo, alimwi ndakafutuka kuzwa kumaboko aakwe.

12

¹ Njelede kuli dundizya, nikuba kuti tachigwasyi. Pesi ndilaya kuzilen-gaanu azyubunuzyo zizwa kuMwaami. ² Kuli mwaalumi umwi ngundizi muliKkilisito oyo minyaka illi kumi ayine yakayinda - wakali mumubili tandizi pe, Leza nguusi - wakatolwa kujulu lyatatu. ³ Alimwi ndilizi kuti oyu mwaalumi - naa muumubili, kanakuti kunze aamubili tandizi pe, Leza nguusi - ⁴ wakatolwa kubusena bwakulyookezya nkwakaakumva majwi aatambiki alimwi tachili mumulawu kuti bantu baawambe. ⁵ Mukuyiminina muntu uuli oobo ndali dundiizya. Pesi ime ime nke-lyiimvwilidi lwangu nsikolidundilizya pe, ado biyo aatalaaakubula nguzu kwangu. ⁶ Na kuti ndasla kulidundiizya, nsikoba chifubafuba, nkaambo ndinoli nkengamba kasimpe. Pesi ndilatantamuka kukuli dundiizya, kuchitila kuti kutabi uumwi undiyeyela atala loko kwinda ezyoo nzyabona mulindime na kuti nzyamva kuzwa kuli ndime. ⁷ Mukundigwaysa kuti nditalisumpuli nkaambo kakukwiindilia kwabupati bwaziyubunuzyo, ndakapegwa buumvwa munyama, kuti mutumwa wasatani andipenzye kuchitila kuti nditali sumpuli. ⁸ Ndakakkomebeleyza Mwami tutatu aatala acheechi, kuti achigwisyte kuzwa kulindime. ⁹ Pesi wakati kulindime, "Luzyalo lwangu aalinduve lulizulide, nkaambo nguzu zilazulizigwa mukubula nguzu." Aboobo inga chilabota loko kulidundiizya aatala akubula nguzu kwangu, kuchitila kuti nguzu zyaKkilisito zikale aali ndime. ¹⁰ Aboobo, ndilakutisika nkaambo kaKkilisito mukubula nguzu, muzisapi, mukupenzegwa, amuysiimo zityompya. Awo nesikwe nguzu mpimpawo mpelaanguzu. ¹¹ Ndaba chifubafuba! Ndinywe mwakandisyanikizya kuchita oobu, nkaambo ndakeelede kulumbayizigwaa andinywe. Nkaambo teenzi ndakali muniini pe kulaabo bateegwa mbatumwa bapati, nikuba kuti nsili chintu. ¹² Zitondeezyo zyakasimpe zyamutumwa zyakachitwa aakati kanu akukakatila koonse, zitondeezyo, azigambyo amaleele. ¹³ Ino mwakacheya biyeni kubupati kwiinda mbungano zyoonse, kunze kwakuti teensi ndakali mukkulikuli ndinywe? Mundilekelele mukubisa ooku! ¹⁴ Mulange! ndilibambilida kuza kuli ndinywe ilwatatu. Nsikozooba mukkuli kulindinywe, nkaambo nsiyanduuli zyenu. Ndiyanda ndinywe. Nkaambo bana tabeelede kuyobwenda bana. ¹⁵ Chakubotelwa inga ndila maninsya lubono lwangu akumana ime lwangu nkemaminina myuya yanu. Nankemuyanda loko, ino ime ndiyandwe buniini na? ¹⁶ Mbuali mbukubede takwe nindaka mulemezya pe. Pesi nkaambo ndilimuchen-jezu loko, ndime ndakamujata chalweeno. ¹⁷ Ani ndakalya maanu na kwindila kuli baabo mbindakatuma kuli ndinywe? ¹⁸ Ndakasungwazya Tayitasi kuti aynke kuli ndinywe, alimwi ndakatuma uumwi mukwesu kuti amusindikile. Ani Tayitasi wakamulya maanu na? Teetwakenda mu-muuya omwe na? Teetwakakeenda mumuuyaomwe na? Teetwakeenda muntambo zyomwe na? ¹⁹ Ani tuyeeya kuti echii chiindi choonse twakali kulikwabilila kuli ndinywe? Mumenso aaLeza, nomuyandw, muliKkilisito

twali kwamba zyoonse katuzyambula kusimisigwa kwanu. ²⁰ Ndiyoowa kuti ndaza amwi nsiko zoomujana mbuui mbepeekezya. Ndiyowa kuti amwi tamukozaondijana mbuli mbumuppeekezya. Ndiyowa kuti amwi kunoli kukkazyania, bbiwwe kunyemezya, kusaluulana kuninaania, kuvwiya, bulutiluti akutabambika kabotu. ²¹ Ndiyoowa kuti ndaboola Leza wangu uyoondibombya kunembo lyenu. Ndiyoowa kuti amwi ndizowusa nkaambo kabwiingi bwabaabo bakabisya kale kabateempedwe pe kubusofwaazi abusangu alimwi akwemuzya kusofweede nkubakachita.

13

¹ Aaka nkachitatu aawo kandilikuza kulindinywe. "Kaambo koonse keelede kwaambuuulwa kakaliaabazi chakchitika babili nikuba batatu bakamponi." ² Ndakaambo kale kuliababo bakabisya chiindi alimwi akuli boonse nindakali nkuko kwachibili, alimwi ndaamba lubo: Nda-zooza lubo, tandikozobalekelela pe. ³ Ndamwaambila eechi nkaambo mulikuyanduula bukamboni bwakutti Kkilisito uliikwaambula mukwiinda mulindime. Tawongedwe pe kulindime. Anukuti ulaanguzu mpati mulindinywe. ⁴ Nkabela wakabambuula mukukompama, pesi tuyoppa anguwe anguzu zyaLeza akati kanu. ⁵ Amulilingule lwanu kuti mubone na muli mulusyomo. Mulisunke lwaenu. Tamuyeyi eechi na aatala alwanu, kuti Jesu Kkilisito uli mulindinywe? - kunze akuti, iyi, mwakakachilwa musunko. ⁶ Alimwi ndili aabulangilizi bwakutti muyooyeza kuti tatukachidwe pe musunko. ⁷ Lino twakomba kuliLeza kuti mutakayiti chibi pe. Tandikombeli kuti pe tukalibonye akuzunda musunko. Anukuti ndikomba kuti mukachite chilikabotu, nikuba ngatulalibonya mbuli bakakachilwa musunko. ⁸ Nkaambo tatkonzyi pe kuchita nikuba chimwi chintu chilwana akasimpe, pesi buyo kwakasimpe. ⁹ Nkinkaako tulakondwa na katukompeme alimwi kamusimide. Tuliukukomba lubo kuti mubambwe zizulide. ¹⁰ Ndilemba zintu eezi kandili kule andinywe kuchitila kuti na kandili aandinywe nditazoochiti zyalunyemo andinywe mukubelesya cheelelo changu - eecho Mwaami nchakandipa kuchitila kuti ndimuyake, pe pe kumunyonyoona. ¹¹ Kumamaninsizyo, bakwesu, mukondwe! Mubelekele kuchitululwa, amusungwaazigwe, muzuminane, mukkale muluumuno. Alimwi Leza waluyando aluumuno uyooba aandinywe. ¹² Mujuzyanje alumyonto lusalala. ¹³ Bantu basalali boonse baLeza balamujuzya. ¹⁴ Luzyalo lwaMwaami Jesu Kkilisito, luyando lwaLeza, alimwi bulyidilano bwa Muuya Uusalala bukabe aandinywe moonse.

Ba Galatiya

¹ Pawulu, mutumwa - uutali mutumwa uzwa kubantu naanka kwinda mumilimo yabantu, pesi kwiindilila muli Jesu Kkilisito mpawo a Leza Taata, oyo wakamubusya kuzwa kubafu - ² mpawo aboonse balombe bali andime, muzibunga zyaku Galantiya: ³ Luzyalo kulindinye mpawo aluumuno luzwa kuli Leza taatesu mpawo a Mwami Jesu Kkilisito, ⁴ Wakalipeda lwakwe kuzibi zyesu kuchitilakuti atwaangunune kuzwa kububi bwalino, kwiinda mukuyanda kwa Leza wesu mpwao a Taata, ⁵ Kulinguwe akube bulemu kwalyoonse alyoonse. Amen. ⁶ Ndagamba kuti mulikubweeda achakufwambana kuzwa kulinguwe wakamwiita muluzyalo lwa Kkilisito. Ndagamba kuti wasandukila kumakanasiyene, ⁷ teensi kuti kulaambi makani, Pesi kulibamwi bantu bayanda kumuchitila mapenzi a Kkilisito ⁸ Pesi nikubakuti swe naa mungelo uuzwa kujulu walikukambawuka kulinduwé makani aatali mbuli aya ngitwakali kukambawuka kulindinye, ngabe mutuke. ⁹ Mbuli mbutwamba kumatalikilo, mpawo lino ndaamba lubo, "naa umwi wakambawuka kulindinye makani aatali mbuli ngimwakatambula, ayo ngabe mutuke." ¹⁰ Sa lino ndikulangula buuya bwamuntu nanka bwa Leza? Saa ndikulangula kuboteeza muntuma? kuti nkecheeza kuboteeza muntu, nsichili mulanda waKkilisito. ¹¹ Mbuli mbiyanda kuti muzibe, nobawesu, kuti makani ngindakambawuka teensi aamuntu. ¹² Teensi ndakatambula kuzwa kumuntu naba oomwe naanka kuyiisigwa. Nikuba booboo, kwakalikwinda muchiyubunuzyo cha Jesu Kkilisito kulindime. ¹³ Mwakamvwa ataata akupona kwangu mutunsiyansiya twaba Juda, mbuli mbundakapenzya mbungano zya Leza kuzwa mubwelede mpawo ndalikwezya kuzimwaya. ¹⁴ Ndakakkomena muchanza chamuJuda bwindilide kubiingi oboo bakali beselalyangu, kuzwa kubantu bangu. Obu mbubo bwindilide bwechiyandisyo nchindakali aacho kuchaanza chabamataata. ¹⁵ Pesi elyo nakandibikkira kumbali kuzwa muda lyabaama, mpawo ooyo wakandiita kwinda muluzyalo lwakwe, ¹⁶ wakabotelwa akutondezya mwanakwe mulindime, kuchitila kuti ndikakkambawuke akati kabamaasi, Teenda kabukakubuzya aamibili abulowa. ¹⁷ Teensi ndakayinka ku Jelusalema kuli baabo bakali batumwa kunembo lyangu. Kwinda kuchita oobu, ndakayinka ku Alabbiya mpawo ndaboola ku Damasikkasi. ¹⁸ Alimwi nikwakiinda minyaka yotaatwe ndakayinka ku Jelusalema kuti nkazibe Sifasi mpawo ndakakukkala anguwe mazuba aalikkumi amusanu. ¹⁹ Pesi takwe mutumwa ngwindakabona kunze kwa Jemusi, mwanike wa Mwami. ²⁰ Kulizezi nzindalemba kulindinye, ndasyomezya kunembo lya Leza kuti nsilikubeja pe. ²¹ Mpawo ndakayinka kuchisi cha Siliya aku Silisiya. ²² Teensi ndakalizibidwe kumenso akumambungano aku Judaya ali muli Kkilisito. ²³ Bakazimvwa biyo kazilikwambwa, "mwalumi wakali kutupenzya lino ngulikukambawuka makkani mabotu aa lusyomo ndwakali kwezya kumwaya." ²⁴ Mpawo bakalemeka Leza nkambo kangu.

2

¹ Nikwakinda myaka kkumi ayiine ndakabweda ku Jelusalema a Bbanabbasi, ndakabweza Tito alakwe. ² Ndakinka nkambo kachiyubunuzyo akubapandulwida makani ngindakali kukambawuka akati kabamaasi.

Ndakambula kunsiswa abalemekeka, kuti ndibe akanzambwenene kuti kuchijana - teendakachijana- chabuyo. ³ Asi nekuba kuti Tito wakali andime awakali mu Giliki, bakasungilizya kupalulwa. ⁴ Bakwesu babeji bakaza munsiswa kuzolingula lwangunuko ndutulalo muli Kkilisito Jesu. Bakali kuyanda kutuchita bazike. ⁵ Pesi tettwaka zuminu kulibombya kulimbabo muchiindi chinini, kuchitila kuti simpe lyamakan mabotu likkalilile mulindinye. ⁶ Asikulabo balikulangila kulemekwa (kufumbwa mbubakabede takwe nichamba chintu kulindime, Leza talangilili chiimo) -abo, ndati, abo bakalikulangika nkabalemekeké tabayungizizye chintu kulindime. ⁷ Musiyano, bakazobona kuti ndakapegwa makani mabotu kulabo batapalwidwe, mbokunga Pita wakapegwa makani mabotu kulaabo bapalwidwe. ⁸ Nkambo Leza, wakabeleka kuli Pita kubutumwa kulibabo bapalwidwe, wakabeleka kulindime kulibamaasi. ⁹ Awo Jemusi, Kkefasi a Joni, abo bakali minsemu, bakabona luzyalo ndundakapegwa, bakamuzuminina Bbanabbasi ambebo. Bakatuzuminina kuti twiinke kuli bamaasi ambabo bayekulabo bapallwidwe. ¹⁰ Bakakumbila kutituyeeye bachete, nchintu nchindakilibambilide kuchita. ¹¹ Asi Kafasi nakasika ku Antiyoki, ndakamukazya kumeso akwe nkambo wakalijana kalamalandu. ¹² Nkabatanasika balumi bakazwide kuli Jemusi, Kkefasi wakali abamaasi. Pesi nibakasika balum, wakaleka wakalisosolosya kulibamaasi. Wakayoowa abobakali kuyandisisya bupalule. ¹³ Abobo boonse bamaJuda bakanjilana awe mukuwupawupa. Nikuba Bbanabbasi wakapambuka abo mukuwupawupa kwabo. ¹⁴ Pesi nindakababona kuti kuchita kwabo takuli kwakutobelá simpe lyamakan mabotu pe, Ndakati kuli Kkefasi kunembo lyabo boonse, "Kuti nkoli mu Juda nkoli kupona mbuli mujuda, ulalangila biyeni bamaasi kuti bapone mbuli bama Juda?" ¹⁵ Iswetubeni tuli majuda mukuzyalwa pepe bamaasi basizibi, ¹⁶ Eno tulizi kuti takwe muntu ululamikwa amilimu yamulawu pesi kulusyomo muli Kkilisito Jesu. Iswe twakasyoma muli Kkilisito Jesu ikuti tululamikwe a lusyomo muli Kkilisito kutali kwamilimo yamulawu. Kumilimo yamulawu takwe nyama iyoulamikwa. ¹⁷ Pesikuti twayanda kululamikwa muli Kkilisito, iswebo tuyojanwa nkatuli basizibi, lino Kkilisito mubelesi wabasizibi? ¹⁸ Kuti nkelikuyakulula zintu nzindaka mwayide, ndili tondezya kuti ndichili sikutyola mulawu. ¹⁹ Kambo kwinda kumulawo ndakafwa kumulawo, kuti ndiponene Leza ²⁰ Ndakabambulwa antomwe a Kkilisito, Takucheensi ndime upona, asikuti Kkilisito ngupona mulindime. Ibuumi lino mbwendipona munyama ndapona mulusyomo mumwana a Leza, Oyo wakandiyanda wakapelida kambo kangu. ²¹ Nsibikide kumbali luzyalo lwa Leza, ikuti bululami bwakalujanwa kwinda mumuulo, unoli Kkilisito wakafwida chabuyo!

3

¹ Nibana Galatiya nobafubafuba! Ngwani wakamulowa? Kunembo lyamenso enu Jesu Kkilisitu wakatondeezegwa mbuli mbakabambuulwa. ² Echi nchicho chintu chimwi nchindiyanda kwiya kuzwa kulindinye: Mwakatambula Muya na kuzwa kumilimo yamulawu na kuzwa kukuysyoma nzimwakamvwa? ³ Mulibafubafuba oobu? Kamunoli mwatanguna aMuya, muyomaninsya munyama na? ⁴ Mwakafwaba na muzintu zyiingi chabuyo - na mwakachita chabuyo? ⁵ Ooyo uupa Muya kulindinye akuchita maleele akati kenu ulazichita kwiinda mumulawu na kana mukumvwa chalusyomo? ⁶ Mbuli Abbulahamu "mbakasyoma Leza

alimwi zyakayesyanisigwa mbuli musalali kulinguwe,”⁷ munzila njiyo eyi, mumvvisisisye, lino, kuti mbalusyomo aabo biitwa kuti mbana baAbbulahamu.⁸ Malembe mbuli mbaalangililidwe kuti Leza uyolulamika baMasi alusyomo, wakakambawuka kale makani mabotu kuli Abbulahamu, kati, “Mulinduwe masi woonse ayolongezegwa.”⁹ Nkinkaako, aabo balusyomo balalongezegwa aantomwe aAbbulahamu, muntu walusyomo.¹⁰ Aabo boonse baponena kumilimu yamulawu balitukidwe; alubo kuli lembedwe, “Ulitukidwe ooyo woonse uutatobeleyzi zyoonse zilembedwe mubbuku lyamulawu, akuzichita.”¹¹ Lino zili aantanganana kuti takukwe muntu uululamikwa kunembo lyaLeza amulawu, nkambo baluleme bayoopona chalusyomo.¹² Pele mulawu teensi walusyomo, pesi, “Muntu uuchita milimu yamulawu weelede kuponena njiyo.”¹³ Kkilisito wakatuunununa kuzwa kulutuko lwamulawu mukuba lutuko lwesu - nkambo kulilembedwe, “Ulitukidwe woonse uulengelela mumusamu” -¹⁴ kuti chilongezyo chaAbbulahamu kusikile baMasi muliKkilisito Jesu, kuchitila kuti alusyomo tukonzye kutambula chisyomezyo chaMuya.¹⁵ Bakwesu, muleke ndaambe mubuntu. Muchizuminan chabambwa abantu, tawope muntu unga ulachibika kumbali na kuyungizizya kulinchicho, na chayimikwa amulawo.¹⁶ Lino zisyomezyo zyakaambwa kuli Abbulahamu akulunyungu lwakwe. Tachaambi kuti, “ku lunyungu” kwaamba biingi, pesi kuliwumwi biyo, “alimwi kulunyungu lwakwe,” kali Kkilisito.¹⁷ Lino ncchewamba ncheechi: Mulawu, wakasika kakuli kwiinda myaaka ili myanda iine ili a makkumi aatatu, tiibiki kunze pe chizuminano chakabambwa aLeza.¹⁸ Nkaambo na lukono kaluza akambo kamulawu, nkokuti taluchizi achisyomezyo. Pele Leza wakachipa Abbulahamu chalusyomo.¹⁹ Ninzi mpo, ugwasya nyamayi mulawu? Wakayungizigwa akambo kazibi, kusikila lunyungu lwaAbbulahamu lwasika kuliwooyo wakapegwa chisyomezyo. Mulawu wakabikwa mukubeleka kwiinda mubangelo mananza aasimwaama aakati.²⁰ Lino simwima aakati zyaamba zyiinda muntu womwe, pele Leza ngumwi.²¹ Akaako mulawu ulakazyanya na azisyomezyo zyaLeza? Chanchobeni pe! Na mulawu wakali wapegwa kuti upe bumi, akaako bululami chanchoonzyo ninga bwakasika a mulawu.²² Pele malembe akabika zyoonse zyachibi munto-longo. Leza wakazichita ezi kuti chisyomezyo chakutufutula muli Jesu Kkilisito chikakonzye kupegwa kulibaabo basyoma.²³ Lino kalutanasisa lusyomo, twakalijiswi mubwange bwamulawu, katwaangidwe kusikila lusyomo lyayubununwa.²⁴ Aboobo mulawu wakatubeda mwiiiminini kusikila Kkilisito wasika, kuchitila kuti tukonzye kululamikwa mulusyomo.²⁵ Pele lino mukuti lusyomo lyakasika, tatuchili mumaboko a mwiiiminini.²⁶ Nkaambo nywebo moonse muli bana baLeza kwiinda mulusyomo muli Kkilisito Jesu.²⁷ Nkaambo mbuli biingi benu mbubakabbatisigwa muli Kkilisito, mwakatambula Kkilisito.²⁸ Takukwe mujuda na muGili²⁹, takukwe muzike na waangunukide, takukwe mwalumi na mwanakazi, nkaambo mulibamwi muli Kkilisito Jesu.³⁰ Alimwi na kamuli baKkilisito, zyaamba kuti muli lunyungu lwa Abbulahamu, abasikukona mbuli muchisyomezyo.

4

¹ Ndaamba aya kuli sikulyalukono, kuciindi nowakacilimwana, takwe kusiyana amuzike, asikoli mwanibusena boonse. ² Pele kali munsi abuzuluzi abwendelezi kusikila kuciindi cakabikwa a wisi. ³ Mbubonya

nitwakachili bana, twakali mubuzike kumalengelo, akumulawu wayeyi nyika. ⁴ Asi ciindi nichakasika, Leza wakatuma mwana wakwe, wakazyalwa kumwanakazi, wazyalwa aansi amulawu. ⁵ Wakachita oobo kukunununa aabo balikuunsi amulawu, kuti tukatambulwe mbuli bana. ⁶ Nkambo kakuti muli bana, Leza wakatuma mumyoyo yesu muuya warmwana wakwe, ngutwiita kuti, "Abba, Taata." ⁷ Aboobo tochili muzike, asi mwana, alimwi mbuli mboli mwana, waba sikulyalukono Iwa Leza. ⁸ Asi kuciindi echo, nchiwakatalina kuziba Leza, wakali mubuzike bwayooyo, utajisi bu Leza bwinibwini. ⁹ Pesi bwalino mwakaziba Leza, nkambonzi mwabweda kuzichito zitete zitagwasyi zyamalengelo amulawu? Muchiyanda kuba mubuzike lubo na? ¹⁰ Mulalangisisya mazuba amyeezi mipya azyiindi aminyaka! ¹¹ Ndamuyowela kuti amwi milimo yangu njindaka mubelekela yaba yabuyo. ¹² Ndamukumbila, bakwesu, amube mbulindime, nkambo ambebo ndaba mbuli ndinywe. Takwe nimwa ndibisizya. ¹³ Aboobo mulizi kuti kambo kabulwazi bwanyama nkindakamukambawukila ijwi chiindi chitaanzu. ¹⁴ Nekuba kuti nyama yangu yamunjizya mumisunko, takwe nimwa ndiwabasya na kundikaka. Pele mwakanditambula mbali angelo wa Leza. ¹⁵ Lulikuli lulongezyo lwanu? Mboli mbundi lungulula kulindinywe kuti, ansinga zyalikukonzeeka, kamunonkoola meso anu kamwapa ndime. ¹⁶ Nekubobo inga ndaba sinkondonyokwe nkabo kakumwambila kasimpe? ¹⁷ Balisungwete kuyanda kukona, Asi katakwe mpindu mbotu,. Bayanda kumumuuzya akuti musungwalile mbabo. ¹⁸ Nchibotu lyoonse kusungwalila buboto bulampindu, kutaamba nelu anywe kupelape. ¹⁹ Na twana twangu, lubo ndabamumachise akutumbuka ado Kkilisito abumbwe mulindinywe. ²⁰ Ndilombozya kuba akati kanu lino akuchincha mambwido angu, nkamo mwandigambya. ²¹ Amundambile inywe nimuyanda kuba aansi amulawo, temwakumvwa mulawu? ²² Nkambo kulilembedwe kuti Abbulahamu kajisi bana balombe bobile, omwe kali mwana wamusimbi muzike awomwe kali mwana wamwanakazi uwakanganukide. ²³ Omwe wakazyalwa kumusimbi muzike nkambo kanyama, asi umwi wakazyalwa kumwanakazi uwakanganukide kwinda muchisyomezyo. ²⁴ Ezi zilapandalula kaaano kachiindi kuti banakazi aba bobile bayiminina zizuminano zybile. Omwe wabo wakali kuzwa kuchilundu cha Sinayi abobo wakazyala bana mubuzike. Oyu ngu Hagayi. ²⁵ Lino Hagayi uyiminina chilundu cha Sinayi mu Alabbiya; aboobo uyiminina bubebwu Jelusalema, nkali mubuzike abana bakwe. ²⁶ Pele Jelusalemu uulikujulu ulangunukide, nkambo ngongue baama. ²⁷ Nkambo kulilembedwe kuti, "Amusekelele, nyewebo nongoomwa nimuyazyali; kkwila akutambwiizya kwalukondo, wenotali koomba amachise abutumbu; nkambo bana bayoooyu utakwetwe mbiingi kwinda bamwanakazi ula mulumi." ²⁸ Asi nyewebo, bakwesu, mbuli Izaka, mulibana bachisyomezyo. ²⁹ Kuchiindi echo ooyo wakazyalwa kunyama wakapenzaoyo wakazyalwa kumuuya. Mbukubede alino. ³⁰ Pele malembe atyen? "Taanda musimbi muzike amwana wakwe. Nkambo mwana wamusimbi muzike takonzyi kwabana lukono amwana wamwanakazi walwanguuko," ³¹ Aboobo, bakwesu, tatuli bana bamusimbi muzike pe, tulibana bamwanakazi walwanguuko.

5

¹ Mulwaangunuko Kkilisito wakatwaangununa. Amwiime nji, alimwi, mutakabikwi limbi mubweendelezi bwa moyo wabuzike. ² Amubone, me,

ndePawulo, ndamwaambila kuti na muntu wazuminina kuti apalulwe, Kkilisito takwe mbayomupa mpindu nikuba kutyeni. ³ Ndipा bukamboni lubo kumwaalumi woolse uuzuminina kupalulwa kuti unoli weeela kutobeleyza mulawu woolse. ⁴ Wagwisigwa kuli Kkilisito, iwebo notazosalazigwe a mulawu; tokojana limbi luzyalo. ⁵ Nkaambo kwiinda muMuya, chalusyomo, tulalindila chalusinizyo bulangilizi bwabululami. ⁶ Muli Kkilisito Jesu uupalwide naba utapalwide takwe nchaamba pe, pesi biyo lusyomo lubeleka muluyando. ⁷ Mwakali kweenda kabotu. Ngwani wakamukachizya kutobela kasimpe? ⁸ Olu lweeno taluzwi kuli wooyo wakamwi! ⁹ Busweezyo buche bulaluzya nongo yoonse. ¹⁰ Ndili abusichichaamba muMwami kuti tamukoyoyeeya zimbi zisiyene. Oyo uli kumupenza uyoofwaba mulubeta, nikuba kuti ngwani. ¹¹ Bakwesu, na kandichaambula aazyabupalulwe, nkaambonzi nenchiyobupenzegwa? Mukuba oobo chilebyo chachiingano chagwisigwa. ¹² Kuli kulibaabo balikumupenza, ndipeekezya kuti balizibe lwabo! ¹³ Nkaambo mwakayitwa kulwaangunuko, bakwesu. Pele mutabelesyi lwaangunuko lwenu mbuli mweenya wazyanyama; anikuti kwiinda muluyando amugwasanye awumwi awumwi. ¹⁴ Nkaambo mulawu woolse ulizuzikizigilwe mumulawo womwe; mukuti "Weelde kuyanda simayakilanwi wako mbuli mbuliyanda webo nomwini." ¹⁵ Pele na mwalamana akulyana, amuchenjele kuti mutakamanani. ¹⁶ Pele ndati, amweenda chaMuya alimwi tamukoyozuzikizya ziyandisyozenyama. ¹⁷ Nkaambo ziyandisyozenyama zilalwana aMuya, alimwi ziyandisyozyaMuya zilalwana anyama. Nkaambo ezi zilalwana chimwi achimwi, kuti mutachiti chintu nchimuyanda. ¹⁸ Pele na mwazulwidwa aMuya tamuli munsi lyamulawu pe. ¹⁹ Lino milimu yenyama ilalitondezya: busofwazi muli zyamalalani, busofwazi, inkosya, ²⁰ kukomba mituni, busondi, kanyetunyetu, inkondo, ibbivwe, kufwambana kubijilwa, inkazi, inkazyanyo, kwaanzana, ²¹ kubijilwa, bukolwi, mapobwe akukolwa, azimwi ziliboobu. Ndamuchenjezya, mbuli mbundakamuchenjezezye kale lutanzi, kuti aabo bachita zintu ezi tabakoyookonzya kunjila mubwami bwaLeza. ²² Pele michelo yaMuya nduyando, lukondo, lumuno, bulindizi, buuya, bubotu, lusyomo, ²³ bubombe, alimwi akulijata; aatala azezi zintu tuuwo pe mulawu. ²⁴ Aabo bali muli Kkilisito Jesu bakagankamina nyama aantomwe ampeekezyo alimwi aziyandisyozayo. ²⁵ Na katupona mu Muya, ngatweende muMuya. ²⁶ Tatunolifunkayizyi, kunyesesyanya, akweemuzyanya.

6

¹ Nobakwesu, naumwi wenu wajanika ulimukubisya, inywe nimuli amuuya mwelede kumuboozya amuuya muboombwe. Amulikatazye lwenu nubeeni, ikuti inywebo mutasunkwi. ² Mubwezelane mukuli, mpawo muzuzikizye mulawu waKkilisito. ³ Na umwi ueeeya kuti ulimbwabede wekatakwe mbwabede pe, ulikuyeeya lwakwe mwini. ⁴ Awumwi alingule mulimo wakwe, mpawo kulikankayizya kwakwe kunoli mulinguwe kaku-tali kulumwi pe. ⁵ Kambo umwi awumwi uyonyampula mukuli wakwe. ⁶ Oyo uyiisigwa ijwi welede kwabilaana zintu zibotu awoyo uyiisya. ⁷ Muteeenwi pe. Leza tasekwii, kufumbwa muntu nchabyala, nchenchichochu nchayotebula. ⁸ Nkambo oyo ubyalu imbuto munyama yakwe, kuzwa kunyama uyotebula lunyonyko. Kuli oyo ubyalu imbuto kumuuya kuzwa

kumuuya uyotebula buumi ibutamani. ⁹ Tutakatali mukuchita kabotu, nkambo kuchindi cheelede tuyotebula, kuti tetwakalengwana. ¹⁰ Alimwi, nituchili amweenya, ngatuchitile bantu boonse bubotu, kwindilila abo bang'anda yalusyomo. ¹¹ Mulange kukomena kwamagwalo ngimulembela amaboko aangu. ¹² Abo bayanda kubotesya izyanyama balikweezya kumwangila ikuti mupalulwe. Balikuchita obo biyo kuti batapenzegwi nkambo kachiingano chaKkilisito. ¹³ Nikuba kulaabo bakalipalula takwe nibakabamba mulawi, Pesi bayanda kuti mupalulwe ikuti bakali kankayizye nkambo kamibili yanu. ¹⁴ Pesi nsyelede kulikankayizya pe kunze kwakulikankayizizya chiingano cha Mwami wesi Jesu Kkilisito, mukwinda mulinchicho inyika yakakankaminwa alindime, andime kunyika. ¹⁵ Nikuba kupalulwa na kutopalulwa takwambi chintu pe, pesi chibaligwa biyo mbulenge bupya. ¹⁶ Kuli boonse benda munzila eeyi, lumuuno aluzyalo alube alimbabo nikuba kulabo bana ba Izilayili wa Leza. ¹⁷ Kuzwa lino kutabi uchindikazya pe, nkambo amubili wangu ndibwezede impa zya Jesu. ¹⁸ Luzyalo lwaMwami Jesu Kkilisito alube amyuuya yanu, nobakwesu, Amen.

Ba-Efeso

¹ Pawulu, mutumwa wa Kkilisito Jesu kwindila mukuyanda kwa Leza, muli Kkilisito Jesu. ² Luzyalo kuli ndinywe a lumuuno luzwa kuli Leza Taata wesu, a Mwami Jesu Kkilisito. ³ Eelyo Leza a Taata wa Mwami Jesu Kkilisito ngatembawulwe, oyo wakatulongezya zyoonse zilongezyo zya-muuya mumasena aakujulu muli Kkilisito. ⁴ Leza wakatusala mulinguwe kuzwa kumatalikilo enyika kuti tukabe basalali akubula chibi kumenso akwe muluyando. ⁵ Muluyando Leza wakatukanzila yejunza swe kuti atubweze mbuli bana kwinda muli Jesu Kkilisito kwindila mukulibiona mukulibotezya kwakuyanda kwakwe. ⁶ Kubwezwa kjesu kweta kuta-tambawula kuluzyalo lulabulemu oolo we ndwakatupa swe kakutakwe muulo muuli umwi ngwakayanda. ⁷ Muli Jesu Kkilisito tulalununuko kwinda mugaze lyakwe akulekelelwa kwazibizyesu, kwindila mubuvubi bwaluzyalo lwakwe. ⁸ Wakavuzya luzyalo oolu kulindiswe a boonse busongo akumvvisisiya. ⁹ Leza wakazichita kuti zizibwe kulindiswe zisisikene zyakuyanda kwakwe, kwindila kulizezyo zyakamubotezya, azyakatondezya muli Kkilisito, ¹⁰ nkali a maboneno kukubambilila kuzulila kwachindi, kukweta zintu zyoonse antoomwe, zyoonse zintu zilikujulu azilaansi, munsi amutwe womwe, nkokuti Kkilisito. ¹¹ Muli Kkilisito twakasalwa achisalo, wakatuyanda mukwindila mumabambe akwe ooyo ubeleka kuzwa kulizyoonse kwindila kumakanze akyundaya kwakwe ¹² Leza wakatusala swe mbuli basilukono kuchitila kuti swe, tobatanzi kubulangizi muliKkilisito, tukabe bakutembawula bulemu bwakwe. ¹³ Muli Kkilisito, inywe kabiyo, eelyo nimwakamvwa ijwi lyakasimpe, makani mabotu alufutuko lwenu, mwakasyoma mulinguwe mpawo mwakasinizigwa a chisyomezyo chamuuya Uusalala, ¹⁴ ooyo mwakabikwa kulukkono lwersu kuyosika kulununuko lwanzitulaazyo, kukutembawula bulemu bwakwe. ¹⁵ Kuleechi chilengwa, kuzwa nkesinaamvwa aatala alusyomo lwanu mu Mwami Jesu aluyando lwenu kuli boonse bantu ba Leza basalala, ¹⁶ tendakaleka kulumba Leza nkambo kenu mbu-uli mbindamwaamba munkomboyo zyangu. ¹⁷ Ndakomba kuti Leza waMwami wesu Jesu Kkilisito, Taata wabulemu, uyopa kulindinywe muuya wabusongo azyibunuzyo muluziblo lwakwe. ¹⁸ Ndakkomba kuti meso amyoyo yanu amunikilwe, kuti mukazibe bulangizi kuli zezyo nzyakamwitila bantu ba Leza basalala. ¹⁹ Munkomboyo zyangu ndikumbila kuti muzibe mbuzibede inguzu zyakwe mpati loko zyiinda nzyajisi kulindiswe nitusyoma, kwindila mukubeleka kwanguzu zyabulemu bwakwe. ²⁰ Eezi nzenzizyo nguzu ezyo Leza nzyakabelesya muli Kkilisito eelyo nakamubusya kuzwa kubafu akumukkazika kujanza lyalulyo lwakwe mumasena akjulu. ²¹ Wakakkazika Kkilisito kule atala lyayoonse milawu abwendelezi anguzu abasinguzu, alyoonse zina eelyo lyuzikidwe Kkilisito uyoyendeleya kutensi mulicheechi chibela luzutu, pesi amuchibeecha chiza. ²² Leza wakabikka zyoonse zintu mukuzipeda kuunsi lyamawulu aKkilisitu alimwi wakamupa kumbungano mubili mutwe atala lyazyoonse zintu. ²³ Imbungano mubili wakwe, buzule bwakwe oyo uzuzya zyoonse muli zyoonse.

2

¹ Alimwi kulindinywe, mwakalifwide mumilandu yenu azibi. ² Mwakali kupona kwindila kumuzuluzi wamulawu wamuuya, muuya oyo ulikubeleka mubana batakwe lulayo. ³ Eelyo toonse twalikupona akati kabantu aba, kuzuzikizya makanze asiluuni wamibili yesu, akubweza makanze eenyama alimwi amiyeyo. Twakali kwindilila mubwiime bwabana babukali, mbuli bumwi bwabantu. Twakali abuntu bwabwana babisya mbuli kuchita bamwi. ⁴ Pesi Leza ulabuvubi muluzyalo nkambo kaluyando lwakwe lupati oolo ndwakatuyandisya swe. ⁵ Nikuba twakalifwide mumilandu, wakatuchita bawumi antomwe muli Kkilisito aluzyalo mwakafutulwa. ⁶ Leza wakatibusya antomwe a Kkilisito, alimwi Leza wakatuchita kuti tukkale a Kkilisito, alimwi Leza wakatuchita kuti tukkale antomwe mumyanya yakujulu muli Kkilisitu Jesu. ⁷ Kuchitila kuti muminyaka iza akatondezya kulindiswe kulindiswe buvubi bwakwe bupati buteleki kwa luzyalo lwakwe lutondezegwe mulwetetele lwakwe kulindiswe muli Kkilisitu Jesu. ⁸ Nkambo a luzyalo mwakafutulwa kwindila mulusyomo, alimwi echi techakazwa kulindinywe, nchipo cha Leza. ⁹ Pepe kuzwa kumilimo, kuchitila kuti takwe atakali kankayizye. ¹⁰ Nkambo tuli basimilimo ba Leza, bakalongezegwa muli Kkilisito Jesu kukuchita milimu mibotu eyo Leza njakatubambila kalekale, kuchitila kuti tukeende mulinjiyo. ¹¹ Nkiinkako amuyeeye kuti bamaasi munyama mwiitwa kuti "chitapalwidwe" achecho chitegwa a "kupalulwa.. munyama chakuchitwa amaboko amuntu. ¹² Nkambo kachecho chiindi mwakalanzanisizigwe kuli Kkilisito kamuli bazwakule kuchisi chamu Izilayeli, batuba kuzizuminano zyachisyomezyo, kamutakwe bulangizi alimwi nkakutakwe Leza munyika. ¹³ Pele lino muli Kkilisito Jesu inywe nimwakali kule loko kuzwa kuli Leza mwakaboozegwa awifwi kwindila mugaze lyu Kkilisitu. ¹⁴ Nkambo ngonguwe lumuuno lwersu. Wakachita kuti kubili baabe umwi. Kwinda kunyama yakwe wakanyonyoona bulambo bwankoondo bwakatwanzanisizye. ¹⁵ Nkinkako, wakalobya mulawu wamilawu amalayilile kuchitila kuti alenge mutunu omwe mupya mulinguwe, nkokuti kube lumuuno. ¹⁶ Kkilisito wakababoozya amwi bantu bobile mumubili omwe kuli Leza kwinda muchiingano, kukujaya nkondo yakali akati kabo. ¹⁷ Jesu wakasika akukambawuka makani mabotu alumuno kulindinywe nimwakali kule alumuno kuli aabo bakali awifwi. ¹⁸ Eelyo kwindilila muli Jesu toonse mutujana luswano momuuya omwe kuli Taata. ¹⁹ Nkambo kaako, lino inywe nobamaasi tamuchili batuuba amazwakule pe. Nkokuti muli benyika yomwe abantu ba Leza basalala abantu bamung'anda ya Leza. ²⁰ Chamba kuti mwakayakilwa entalisyo yabatumwa abasinsim, alimwi Kkilisito Jesu lwakwe ngonguwe bbwe lyachooko. ²¹ Malinguwe ing'anda yoonse ikkwana oobotu antoomwe alimwikikkomena kabotu mbuuli tempele iisalala mu Mwami. ²² Malinguwe omo mumulikuyakwa kabiyo antomwe mbuli chikkalilo cha-Jesu mu Muuya.

3

¹ Nkambo kacheechi ime, Pawulu, ndimwaange wa Kkilisito Jesu nkambo kandinywe bamaasi. ² Ndasyoma kuti mwakamvwa abubanzi bwaluzyalo bwa Leza obo bwakapegwa kuli ndime nkambo kenu. ³ Ndilikulemba kwindila kuchiyubunuzyo nchindakazibisigwa. Aka nkikasimpe kasisidwe nkindaka mulembela mubufwifwi kulindinywe.

⁴ Nimuyobala aatala azeezi, muyokkonzya kumvewisisisya atala a Kkilisitu. ⁵ Kumvewisisisya kwangu muli aka kasimpe tekakazibisigwa kubana babantu. Pesi lino kayubununwa a Muuya kubatumwa bakwe basalala abasinsimi. ⁶ Aka kasimpe kasisidwe nkakuti bamasi mbasilukkononyokwe, alimwi mbasizonyokwe mumubili, alimwi balabilana chisomezyo muli Kkilisito Jesu kwindila mumakani mabotu. ⁷ Eelyo ndakaba mulanda wamakani aya nkwinda kuchipo chaluzyalo lwa Leza ndwindakapegwa kwindila mukubeleka kwanguzu zyakwe. ⁸ Kuli ndime - nikuba kuti ndendime munini kuli boonse bantu ba Leza basalala - olu luzyalo wakapegwa, kukukambawuka kuli bamaasi buvubi butayanduliki bwa Kkilisitu ⁹ akweta kumumuni kuli boonse mabambe - ezintu zyakasisidwe kwaminyaka myiingi muli Leza, wakalenga zintu zyoonse. ¹⁰ Aya mabambe akazibisigwa kwindila mumbungano kuchitila kuti bendeelezi abasinguzu bamumilenga lenga akujulu bakasike mpubaziba mabazu - mingi abube bwabusongo bwa Leza. ¹¹ Eezi zyakachitika kwindilila kumabambe atamani ayo ngakazuzikizya muli Kkilisito Jesu Mwami wesu. ¹² Eelyo muli Kkilisitu tulijisi busichaamba akuswenenena alusinizyo nkambo kalusyomo. ¹³ Nkinkaako ndamukumbila kuti mutualengwani nkambo kamafwabi aango nkefwabila ndinywe, wo mbobulemu bwenu. ¹⁴ Nkambo kaaka ndafugamina Taata amazwi aango, ¹⁵ kuzwa kulingue zyoonse mpuli zyakujulu aansi ziluzikidwe. ¹⁶ Ndakamba kuti akamupe kwindila kubuumi bwabulemu bwakwe, kuti mukasimisigwe anguzu kwinda kumuuya wakwe oyo uuli mbuntu bwenu bwamukati. ¹⁷ Ndakomba kuti Kkilisitu akkale mumyoyo yenu kwinda kulusyomo, miyanda yenu antalisyo muluyando lwakwe, kuchitila ¹⁸ kuti muka kkonye kumvewisisisya, antoomwe aboonse bantu ba Leza basalal, kuti mbuubuli busasa, bwanda, bulamfu bwakuya kujulu akunika muluyando lwa Kkilisitu. ¹⁹ Akuziba luyando Iwa Kkilisitu, lwiinda aluzibo, kuchitila kuti mukazule buzule bwa Leza boonse. ²⁰ Lino kuli nguwe oyo ukkonzya kuchita kwindilide kulizyoonse nzitukkumbila naa kuyeya, kwindila kunguzu zyakwe zibeleka mulindiswe, ²¹ Kulingue akube bulemu mumbungano amuli Kkilisito Jesu kumikkowa yoonse kwalyoonse alyoonse. Amen.

4

¹ Nekubabobo, mbuli mwange nkambo ka Mwami, ndamukombeleyza kuti mwende chakwelela kubwiite obo mbumwakiitwa. ² Ndamukombeleyza kuti mupone akulibombya kupati achakulitoba aansi akubamoyo mulamfu, mumvwidilane luzyalo umwi awumwi muluyando. ³ Muchite zyelede kukulondola kujatana kwamuuya kunchoonzyo achalumuno. ⁴ Kuli mubili omwe amuuya omwe, kabiyo mbuli mbumwakiitwa mubulangizi boomwe bwabwitwe bwenu. ⁵ Alimwi kuli Mwami omwe, lusyomo lomwe, lubbabbatizyo lomwe, a Leza womwe a Taata waboone, ⁶ uletela lyazyoonse alimwi kwindila kulizyoonse amulizyonse. ⁷ Kuli umwi awumwi wesu luzyalo wakapegwa kwindila mumwelo wachipo cha Kkilisito. ⁸ Kuli mbuli malembe mbwaamba kuti: "Naakatanta kujulu, wakazulwida baange mubwange alimwi wakapa zipo kabantu." ⁹ Chambanzi kuti, "Wakatanta kujulu," kunze akuti wakaseluka kunsi anyika? ¹⁰ Ooyo wakaselukide ngonguwe muntu kabiyo wakatanta kule atala lyamajulu oonse, kuti azuzye zyoonse zintu. ¹¹ Kkilisitu

wakapa bamwi kuti babe batumwa, bamwi mbuli basinsimi, bamwi babe bakambawusi alimwi bamwi babe bembeli abayiisi. ¹² Wakapa zipo ezi kusamika bantu ba Leza basalala kubasamikila mulimu wakugwasya nkachitila kuyakwa kwamibili wa Kkilisitu. ¹³ Kwinkilila anembo akuyaka mibili wakwe maane toonse tukasikile lujatano Iwalusyomo aluzibo lwaMwana Leza, akuti tukasime akusikila mwelwe wabuzule bwa Kkilisitu. ¹⁴ Kkilisitu wakatuyaka kuchitila kuti tatuchinoli bana bapupulwidwe musule akunembo aguuwo, kubvezegwa aguwo lyonse lyanjisyo yabuchenjezu bwabantu mumabambe abo alweno. ¹⁵ Twelede kwaamba kasimpe muluyando, twelede kukomena mulizyonse inzila mulinguwe ooyo silutwe, nkokuti Kkilisitu. ¹⁶ Kkilisitu uyaka mibili wonse, alimwi yonse igwasizya, alimwi mibili kuti ukomene kuchitila kuti ulyake mwini muluyando. ¹⁷ Nkinkako, ndaamba kuti ndasimya kuleezi mu Mwami kuti tamuchinoyendi mbili kweenda bamaasi, mubufubafuba bwamyoyo yabo. ¹⁸ Bali siyildwe mukumvvisisisya kwabo, kuti kulimbabo, nkambo kakuyuma kwamyoyo yabo. ¹⁹ Tabakwe nsoni alimwi bakalipeda kutubuno, alimwi bakiya yoonse misyobo yazibi abulyabi. ²⁰ Pele tensi mbubo mbumwakayiya atala akkilisito. ²¹ Ndiyeyela kuti mwakamvwa atala anguwe, akuti amwakayisigwa mulinguwe, mbili kuti bwini buli muli Jesu. ²² Mwakayisigwa kuti musowe zyoonse zyemponeno yechiindi akusowa muntu wechiindi. Muntu wechiindi ngonguwe nguusofwede nkaambo kalweno Iwaziyandisyo zyakwe. ²³ Musowe buntu bwechiindi kuti mulengululwe bupyumumiyeyo yanu, ²⁴ muchite echu kuti muzwate muntu mupya oyo ulengedwe muchiimo cha Leza-mubululami bwakasimpe abusalali. ²⁵ Nkinkaako, amusowe bubeji, alimwi muleke uumwi awumwi wanu aambe kasimpe kulisimabambanwa wakwe, nkambo tulichizo chawumwi awumwi. ²⁶ "Nyema, pele utabisy." Utazumini kuti zuba likabbile nkochinyemede. ²⁷ Utapi mwenza kuli dyabulusi. ²⁸ Ooyo wakali kubba atachinobbi lubo welede kubeleka, kubelekela kulecho chibotu amaanza akwe, kuchitila kuti abe achimwi chakwabilana ababo babulide. ²⁹ Utazumizyi kwambuula kuchisa kuti kuzwe mumulomo wako. Belesya biyo majwi mabotu kuchitila kugwasigwa kwabaabo bakuyanda, kuchitila kuti majwi ako ape luzyalo kulaabo baamvwa. ³⁰ Alimwi mutapenzyi Muuya Uusalala wa Leza, nkaambo nguwe wakamusimisizya buzuba bwalununuko lwenu. ³¹ Musowe boonse buluti amaambani, lunyemo, ndutiluti azisapi aantomwe abubi boonse. ³² Mube aluzyalo kuli umwi awumwi, moyo mubombe, mwambilane umwi awumwi, mbili Leza muli Kkilisitu mbwakamulekelela.

5

¹ Nkinkaako amube basikwiya ba Leza, mbili bana bayandisi. ² Alimwi mweende muluyando, mbili Kkilisitu mbwakatuyanda swe akulyabilila lwakwe nkambo kesu. Nchinunkilizyo chachituuzyo achipayizyo kuli Leza. ³ Pesi takwelede nikuba kwambula akati kenu atala abwaamu na kufumbwa misyobo yabusofwazi naa buunyu, nkambo ezi taziluleme kubantu ba Leza basalala. ⁴ Eelyo kutabi zisapi, kutabi twambo twabufubafuba, abuchapa kukwambula zyoonse azezyo zitali zyabululami. Nikuba kuti kwelede kuba chipo chakulumba. ⁵ Alimwi mbili mbumuzi kuti takwe sibwamu, sibusofwazi naa muntu muunyu ayoooyoy sikukomba mituni - uli alukono mubwami bwa Kkilisito a Leza. ⁶ Kutabi umwi umweena amajwi abuuyo, eelyo nkambo kazeezi zintu bululami bwa Leza

bulaza atala lyabana bataswilili. ⁷ Nkinkaako, mutaswanani antomwe ambabo. ⁸ Elyo mwakali mumudima, pesi lino mwakaba mumumuuni muMwami. ⁹ Amweende mbuli bana bamumumuuni. (Nkambo michelo yamumuni mwiili muli zyonse zibotu, busalali, akasimpe), ¹⁰ Mpawo mwiye ezyo zikoonda Mwami. ¹¹ Mutanobi aamwi amilimu itazyali michelo yamumudima pesi amwiyubunune. ¹² Eelyo mawuse nikuba kwaamba zintu nzibachita chakusisa. ¹³ Pesi kuti kufumbwa chintu chabikwa mumumuuni, ngachali bonia. ¹⁴ Eelyo kufumbwa chintu chili-bonia mumuni. Nkinkaako kwambwa kuti, "sinsimuka, iwe nosikoona alimwi buka kuzwa kubafu, alimwi Kkilisitu uyomunika kulindime." ¹⁵ Langisisisyah kabotu kabotu mbayeenda - pepe mbuli bafubafuba pesi mbuli basongo. ¹⁶ Bamba chiindi nkambo mazuba mabi. ¹⁷ Nkinkaako, mutabi bafubafuba, pesi mumvvisisyah kuti kuyanda kwa Mwami nkukuli. ¹⁸ Alimwi mutakkolwi abukkande, nkambo bwetela budakwi mumizeeo. Nikuba kuti, amuzuzigwe a Muuya Uusalala, ¹⁹ amwambule kuli umwi awumwi muntembauzuyo enyimbo alimwi enyimbo zyamuuya, kwimba akulumbaizya ku Mwami amyoyo yanu yoonse, ²⁰ Lyoonse kamupa kulumba kuli zyoonse, muzina lya Mwami wesi Jesu Kkilisitu kuli Leza Taata, ²¹ akuli bombya kuli umwi awumwi mukuleme ka Kkilisitu. ²² Nobanakazi amulibombye kubalumi banu, mbuli kuMwami. ²³ Nkambo mwalumi ngomutwe wamwanakazi mbuli Kkilisitu mbwali mutwe wembungano, welwakwe mufutuli wamibili. ²⁴ Pesi mbuli mbungano mbilibombya kuli Kkilisitu, eelyo anywebo nobanakazi kubalumi banu muli zyoonse. ²⁵ Nobalumi, amuyande banakazi benu, mbuli Kkilisitu mbwakayanda mbungano akulipeda lwakwe kuli nguwe. ²⁶ Kuchitila kuti akamusanzye, kuti ayisalazye, kukwisalazya akwisanzya kwamanzi ejwi, ²⁷ kuti akapede mbungano kulingwe mbuuli bulemu butakwe kabata naa bubi naa kamwi kampenda kamusyobo oyo, pesi isalala akutaba akampenda. ²⁸ Munzila iyendelene abululami belede kuyanda banakazi mbuli mibili yabo beni. Oyo uyanda mwanakazi ulaliyanda mwini. ²⁹ Eelyo takwe umwi wakabijilwa amubili wakwe, pesi ulawubamba akusilika chamaanu, mbubonya mbuli Kkilisitu mbwakananika akusilika mbungano chamaanu, ³⁰ nkambo tuli bana bamubili wakwe. ³¹ "Nkambo kacheechi mwalumi unonga kasiya wisi abanyina alimwi uyo ba antomwe amwanakazi wakwe, alimwibabili bayoba nyama yomwe." ³² Obu bwini busisidwe mbupati - pesi ndikwambula atala a Kkilisitu ambungano. ³³ Nikuba booboo, umwi awumwi wanu kabiyo welede kuyanda mwanakazi wakwe mwini mbuli lwakwe, alimwi mwanakazi welede kuleme ka mulumi wakwe.

6

¹ Banike, amulemeke bazyali benu mu Mwami, nkambo eechi chililuleme. ² "Lemeka Uuso abanyoko" (oyu ngomulazyo mutanzi ulechisyomezyo), ³ kuchitila kuti kubekabotu kulinduwe akupona chiindi chilamfu munyika." ⁴ Anywebo, nomataata, mutanoniaki banabenu kukunyema nikuba kuti, mubanyampule mululayo amulayiile a Mwami. ⁵ Nobazike, amumvwe kubaami benu kwindila kunyama akuleme ka kunikide achakuyoowa, mukusyomeka kwamyoyo yanu. ⁶ Amumvvisisyah kulinbabu mbuli mbumumvvisisyah kuli Kkilisitu. Amumvvisisyah mubabotezye. Nikuba kuti, amubeleke mbuli bazike baKkilisitu, abo bachita kuyanda kwa Leza kuzwa mumoyo yanu. ⁷ Muchite amyoyo yenu

yonse, mbuli mbumwakali kuchitila Mwami alimwi pepe bantu,⁸ Nkambo tulizi kuti kufumbwa zichito zibotu awumwi mutu nzyachita, uyotambula mpindu kuzwa kuMwami, nikuba muzike naa ufutwidwe.⁹ Nubaami, mubelesye bazike benu munzila yelene. Mutabakanzi bubi mulizi kuti oyo uulí kobile mubelesyi wabo awanu ulikujulu., alimwi mulizi kuti takwepe kulangilwa kwachiwa chamuntu.¹⁰ Kumaniniza, amusime mu Mwami amunguzu zyabupati bwakwe.¹¹ Muzwate mulizyoonse zilwanyo zya Leza, nkokuti mukakkonye kwimininana amanjezezya akuyeya kwadyabulosi.¹² Eelyo kupengana kwesu takwiminene enyama abulowa, pesi kwiminene abendelezi abendelezi, kwiminene anguzu ezi ziliwo zyamudima, kwiminene abwendelezi bwamyuya mibi ili mumilen-galenga yakujulu.¹³ Nkinkaako muzwate zyoonse zilwanio zya Leza, kuchitila kuti mukakonye kwimikila mubuzuba bwakabi, alimwi nkamuli mwamaninsya kuchita zyoonse, kukwimikila nji.¹⁴ Mwime njii, alutambo lwabwini luzyungulukide zikkungu zyenu, alimwi mulizwatike zizwaato zyakukaango zyabululami,¹⁵ alimwi, azitura zibambwe kukuzwatikwa amakani amakani mabotu alumuno.¹⁶ Muli zyonse zichtwa mubweze ntobo yalusyomo, mbubonya tuyokkonzya kugwisya yoonse mivvi iyaka yamubi.¹⁷ Alimwi mubweze ngowani yalufutuko apanga lyamuuya, lilindendilyo ijwi lya Leza.¹⁸ Azyoonse nkombyo azikkumbizyo, mukombe kuzyiindi zyoonse mumuuya. Dokumamanino, lyoonse kamulangilizya aboonse busungu nkamupeda nkombyo kuli bonse bantu ba Leza basalala.¹⁹ Alimwi mundikombele, kuti mulumbe ukapegwe kulindime nindayojula mulomo wangu. Mukombe kuti ndikazibisigwe kasimpe kasisidwe aatala evangeli.²⁰ Ndendilyo lye vangeli elyo ndiyobuzulwida oyo uli mu-machen, kuchitila kuti ndikaambe akanzambwenene, mbuli mbiyelede kwamba.²¹ Pele nkukuti mukakonye kuziba amabelekelo angu mb-wendikuchita, Tayichikkasi, mwalamí tuyandisi alimwi mulanda usyomeka mu Mwami, uyomubuzya zyoonse, kuchitila kuti mukazibe mbuli mbwendikuchita.²² Ndakamutuma kulindinywe kulingaaya ya makanzé, kuchitila kuti mukazibe mbutubede, alimwi kuchitila kuti akusungwazye myoyo yenu.²³ Akube kuti lumuno lube kubakwesu, alimwi luyando alusyomo luzwa kuli Leza Taata a Mwami Jesu Kkilisitu.²⁴ Luzyalo alube kuli boonse abo bayanda Mwami wesu Jesu Kkilisitu aluyando lutakwe kampenda.

Ba Filipi

¹ Pawulu a Timoti, ibabelesi ba Kkilisito Jesu, ibabelekela bantu ba Leza basalala muli Jesu Kkilisito ibali ku Filipi, abeendelezi batapi abadikoni. ² Iluzyalo alumuno luzwa kuli Leza taata wesu a Mwami Jesu Kkilisito alube kulindinywe. ³ Ndilumba Leza wangu chindi choonse nindimuy-eeya. ⁴ Lyoonse, munkombyo zyangu zyonse nzindimuchitila, nkekkomba mukubotelwa ⁵ nkambo kakujatisyania andinywe ijwi kuzwa kubuzuba butaanzi kuzosika lino. ⁶ Ndilakkutisika anchiicho chintu echi, chakuli oyo iwakatalika mulimo mubotu mulindinywe uyoyinkilila kunembo akuchita kuti akawumane ado kubuzuba bwa Jesu Kkilisito. ⁷ Chilikabotu kuti ndilimvwwe kabotu atala andinywe nkambo muli mumoyo wangu. Moonse mwalijisini andime chaluzyalo nikuba mukujalilwa muntolongo akububotu bwangu amukusisikizigwa kwajwi. ⁸ Nkambo Leza ngukkamboni wangu, mukumuyandisa kwangu moonse awetetelelo Iwa Kkilisito Jesu. ⁹ Aboobo njeyi inkomboyo yangu: Kuti luyando lwanu lukomene mubwiingi lyoonse muluzibo akumvvisisisya koonse ¹⁰ kuchitila kuti mubotye echo chibotu kwindilila, alimwi mukuti mube aabwini akutaba amulandu mane busike buzuba bwa Kkilisito, ¹¹ nkamuzwide muchelo wabululami ooyo uuza kubulemu akutembawulwa kwa Leza kwindila muli Jesu Kkilisito. ¹² Lino ndiyanda kuti muzibe, nobakwesu, kuti ezi zyakachitika kulinidime zyagwasya loko kukunyampula kwendelela kwajwi. ¹³ Nkaambo kaako inketani zyangu muli Kkilisito zyaboneka kuli basikulinda muunzi wa Mwami akubantu boonse. ¹⁴ Ibakwesu biingi bajana kumvvisisisya muMwami akambo kanketani zyangu, alimwi baba abukozu bwakwambula ijwi kabatayoowi. ¹⁵ Nchonzyo bamwi bakonzya kukambawuka Kkilisito chakutangalilana abulwani na, alimwi bamwi bachita amoyo mubotu. ¹⁶ Ibamusule bachita aluyando, mukuziba kubi ndabikwa aano kuti ndikwabilile ijwi. ¹⁷ Pesi ibakayinda bakambawuka Kkilisito amizeezo yakulipa, pepe mubwini. Bayeeya kuti balandiinda mpuwo aawo nenchisungidwe. ¹⁸ Ani niinzi lino? Ado kuti munzila zyoonse nikuba zyajungwe lyakubeja kana lyakasimpe - Kkilisito uli kukkanbawukwa, alimwi eezi zilandibotezya. Iyii, alimwi ndiyobotelwa, ¹⁹ nkambo ndilizi kuti eezi ziyondipa kwangununwa kwinda munkoombyo zyenu alugwasyo lwa Muuya wa Jesu Kkilisito. ²⁰ Kuzumana kwabulangizi alusyomo lwangu kuti taakwe mbundiyooba amawuse pesi ndiyoba aanguzu, lino mbuli kuti lyoonse, Kkilisito uyomemezegwa mumubili wangu, nikuba mukupona kana kulufu. ²¹ Nkambo kuti ndiponede ngu Kkilisito alimwi kufwa nimpindu. ²² Pesi aanoli kwali kuti ndipona munyama, eechi chaamba mulimu uzyala michelo kuli ndime. Pesi ndilasala chili? Nsichizi pe. ²³ Nkambo ndilimanikizigwe azintu zibili. Ikupeekezya kwangu nkuti ndizwe ndikabe aa Kkilisito, kachili nczechintu chibotu loko, ²⁴ Pesi kupona munyama mukubona kachili chintu chipati kuli ndinywe. ²⁵ Mukukkutisika acheechi, ndilizi kuti ndiyochala akwinkilila kunembo andinywe, kuchitila kuzwidilila akubotelwa kwenu mulusyomo. ²⁶ Kuchitila kuti muli ndime mukajane twaambo twangi tutakamupe kupakala muli Kkilisito Jesu aawo ndakuubola lubo kulindinywe. ²⁷ Inywe amulyendeleze biyomunzila iyendelana aajwi lya Kkilisito, kuchitila kuti ndaboola kuzomubona kana tendabola, ndikonzye kumvwa aatala

andinywe, kuti muliimvwi njii mumuuya omwe, amuzeego oomwe wakufundumanina lusyomo lyajwi kali antoomwe. ²⁸ Tamukongwi nikuba muli iili inzila abaabo mbimu suleene aabo. Eechi nchikozyanisyo kuli mbabo ichaamba kumwayika kwabo, pesi kuli ndinywe ndufutuko - alimwi luzwa kuli Leza. ²⁹ Nkaambo lwakapegwa biyo kuli ndinywe akambo ka Kkilisito kutali kuti biyo musyome mulingue, pesi akuti mumufwabile, ³⁰ kamuli ensandulo lukazyario ndumwakabona mulindime, alimwi lino mulalumvwa muli ndime.

2

¹ Ndiyeeya kuti kuli kusungwazigwa muli Kkilisito. Ndiyeelyela kuti kulikulyiiba kujanika muluyando lwakwe. Ndiyeelyela kuti kuli luswanano lwa Muuya. Ndiyeelyela kuti kuli kufwidwa nsoni alwetelelo. ² Amuzuzye kubotelwa kwangu mukuba bamwi amumuzeeo omwe, amukuba aluyando lomwe, kamujisini amumuuya, akuba anchito ikozyenie yoomwe. ³ Tamuchiti chintu mubufubafuba kana mukulipenza biyo. Pesi mumawuse mwelede kubona bamwi kabali kabotu kwinda ndinywe. ⁴ Umwi awumwi wenu atalangi nzyayanda lwakwe mwini biyo, pesi alange alimwi iziyanda bamwi. ⁵ Amube acho echi mumizeeo yanu ichakali muli Kkilisito Jesu. ⁶ Ooyo, nikuba kuti wakapona muchiimo cha Leza, taakalibona kayelene pe a Leza mbuli chintu chakujatilila kuli nchicho. ⁷ Pesi, wakalyubula akulibika muchiimo chamubelesi, aboobo wakazyalwa muchiimo chikozyenie abantu. ⁸ Wakalibombya akusyomeka kuyosika kuchiindi chalufu, akukuyofwa achiingano. ⁹ Nkinkaako Leza wakamunyampula loko alimwi. ¹⁰ Wakachita obo kuchitila kuti muzina lya Jesu wonse mazwi akatifuke, imazwi aababo balikujulu abali aansi abali munsi aanyika. ¹¹ Wakachita boobo kuchitila kuti zyoonse indimi zikape bukamboni bwakwamba kuti Jesu Kkilisitu ngu Mwami, kubulemu bwa Leza Taata. ¹² Nkokuti lino, nobayandwa, mbuli mbumulemeka kale lyoonse, kutaamba nelivo biyo pesi kapati nensiwo, amubelekele lufutuko lwanu mukuyowa amukankama. ¹³ Nkaambo ngu Leza uulikubeleka muli ndinywe munzila zibili zyakuyanda akukubelekelka kubotelwa kwakwe kuboto. ¹⁴ Muchite zintu zyoonse kamuta tongooki nikuba kukazyania. ¹⁵ kuchitila kuti mananinine tamubi akampenda, ibana ba Leza ibatakwe ibubi mukati kabuzyalane bubbilingene alimwi bulangililwa aansi, oomo mumumvwika mbuli malampi munyika yoonse. ¹⁶ Amujatilile kujwi lya buumi kuchitila kuti mubuzuba bwa Kkilisito ndikalidundiyye kuti tendakachijana biyo kana kubelekelka mayabwe. ¹⁷ Pesi nikuba kuti ndilikutilwambuli chipo kuchipayililo akuba mulimo walusyomo Iwanu, Ndilalumba akubotelwa andinywe moonse. ¹⁸ Muli njiyeeyo inzila yomwe anywebo mwelede kulumba akubotelwa andime. ¹⁹ Pesi ndilasyoma ku Mwami Jesu kuti atume Timoti kuli ndinywe kufwambana, kuchitila kuti ambebo ndisungwazigwe. ²⁰ Nkaambo nsikwe uumbi uulimbili nguwe, uuli aluyando andinywe. ²¹ Nkambo boonse bayanduula nzibayanda beeni, izitaala azya Jesu Kkilisito. ²² Pesi mulizi bupati bwakwe, nkambo mbuli mwana uli awisi, nkinkaako wakabeleka andime mujwi. ²³ Aboobo ndisyoma kumutuma kufwamabana awoo ndabona kuti zintu zilandendela byeni. ²⁴ Pesi ndilasyoma ku Mwami kuti ambebo lwangu ndize kufwambana. ²⁵ Pesi ndibona kuti chilelede kutuma Epafuloditasi kuti aboole kulinindywe. Mukwesu alimwi mubelesima,

alimwi ngu silumambaama, alimwi ngusinyenda wenu kali mubelesi wa nzindibula. ²⁶ Nkambo wakatyompedwe loko, alimwi wakali wazimba kubandinywe moonse, nkambo mwakamvwa kuti wakali kuchiswa. ²⁷ Nkambo inchoonzyo wakalichisidwe kwakuti wakasifwe. Pesi Leza wakamufwida luzyalo, kakutali nguwe biyo, pesi akulindime, kuchitila kuti nsikabi aamawuse ajulu lyamawuse. ²⁸ Nkokuti chilimibusungu kwindilide kuti ndimutume, kuchitila kuti mwamubona lubo mubotelwe, alimwi nditawusi loko. ²⁹ Mumutambule Epafuloditasi mu Mwami alukondo loonse. Mulemeke bantu balimbuli nguwe. ³⁰ Nkambo wakasifwe akaambo kamulimu wa Kkilisitu. Wakasanga buumi bwakwe mukundibelekela akuzuzikizya eezyo nzimwakatali kukkonzya kundichitila.

3

¹ Ichamamanino nobakwesu, amubotelwe muMwami. Nkambo kuti ndimulembele lubo zintu ezi teensi penzi pe kulindime, alimwi chilandikwabilila. ² Amuchenjelele bankala. Amuchenjelele aabo babelesi babisy. Amuchenjelele zikonzya kumucheleyza. ³ Nkambo ndiswe bapalwidwe — abo bakomba a Muuya wa Leza, alimwi balamantukwe muli Kkilisito Jesu, alimwi tatkwe lusyomo kunyama. ⁴ Nikuba boobo, ime lwangu ndakonzya kusyoma kunyama. Kuti kaliwo umwi muntu uyeeya kuti ulasyoma kunyama, ime ndikonzya kusyoma kwindilila. ⁵ Ndakapalulwa mubuzuba bwamusani amazuba ootatwe, kabantu ba Izilayeli, kumusyobo waba Bbenjamini, mu Hibbulu waba Hibbulu; mbuli mukulemukeyza mulawo, mufalisi. ⁶ Ndakasungwala chenguzu kukupenzya imbungano. Alimwi kumakanai aabusalali kumulawu, tendakalikwe mulandu. ⁷ Pesi zyoonse zintu zyakali mpindu kulindime, ndazibona kakuli kuswekelwa akambo ka Kkilisito. ⁸ Isimpe nkuti, lino ndibona zyoonse mbuli mayabwe nkambo kabukkolokolo bwaluzibo lwa Kkilisito Jesu Mwami wangu. Nkambo kakwe ndisiya zyoonse zintu - alimwi ndazibona mbuli tombe - kuchitila kuti ndijane Kkilisito ⁹ akuti ndijaniike mulinguwe, akuti nsijaniki aabusalali bwakulichitila kumulawu, pesi kuti eezyo zizwa mukusyoma kuli Kkilisito - ibusalali buzwa kuli Leza uuli lusyomo lwangu. ¹⁰ Nkambo lino ndiyanda kumuziba anguzu zyakubuka kwakwe abuzolwani bwa koomba kwakwe akubuka mbuli nguwe kulufu lwakwe. ¹¹ Kuchitila kuti mulimwinzia ndikakonzye kubuka kuzwa kubafu. ¹² Teensi kwaampa kuti ndazijana kale pe zintu eezii, kana kuti ndili libambilide kumaninina, pesi ndilipeda kujuktilila kuli eecho nchindakabwezelwa kuti ndijate a Kkilisito Jesu. ¹³ Nobakwesu, nsiyeeyi kuti ime lwangu ndakachijatilita kale pe, Pesi chintu chomwe nchindichita: Nkuluba echo chakiinda akunangatila eecho chili kunembo. ¹⁴ Ndijatisya kuya kunembo kubulangizi nkelamuzeego wakujana lwiito lwa Leza undinyampula muli Kkilisito Jesu. ¹⁵ Toonse swebo nitwakakkomena, atuyeye boobu. Alimwi kuti chimwi chintu wachiyeyaa busiyene, alimwi Leza ulachiyubununa kuli nduwe. ¹⁶ Mulimwi inzila, kumaboneno aachecho nchitwajana, atubambe nguyoooyo mweelo wachimo. ¹⁷ Amundiyye, nobakwesu. Amulangisisye aabo bayobwenda muchikkozyano nchimulacho muli ndiswe. ¹⁸ Mbiingi bayobwenda - aabo mbindikkala nkemwambila atala ambabo, alimwi lino ndikumwambila akulila - mbuli basinkondonyina baachingano cha Kkilisito. ¹⁹ Imagolelo aabo nkunyonyooka. Nkambo leza wabo mbula bwabo, alimwi bulemu bwabo buli mukuusa kwabo. Bayeeya zintu

zyanyika. ²⁰ Pesi ibukkale bwesu bulukujulu, ooko nkutulindide Mufutuli kuti azobole, i Mwami Jesu Kkilisito. ²¹ Uyosandula mibili yesu myuuba akayichite mibili ilengedwe mbuli wakwe mubili wabulemu, uubumbidwe abupati bwanguzu zyakwe kuti zintu zyoonse zilangane aanguwe.

4

¹ Nkinkaako, nobakwesu bayandwa mbindizimbide, ikubotelwa kwangu abulemu, muli yeeyi inzila kulizyandamene mu Mwami, benzuumu nimuyandwa. ² Ndili kukkombeleyanya a Ewuyodiya, alimwi ndili kukkombeleyanya a Sintiki, kuti babe amoyo omwe mu Mwami. ³ Iyii, ndili kumukumbila, nobasindikizyi bangu bakasimpe, kuti mugwasye banakazi aba ibakabeleka andime kukwendelezya ijwi antoomwe a Kklementi abamwi boonse mbindibeleka aabo, bali amazina aalembedwe mu Bbuku lya Buumi. ⁴ Amubotelwe mu Mwami lyoonse. Alimwi ndinowamba kuti, amubotelwe. ⁵ Muchite kuti bubombe bwanu buzibinkane kubantu boonse. Mwami waaba awfifwi. ⁶ Tamubilili chintu nichiba chomwe. Anu kuti, mulizyoonse mukukkomba alimwi akutongooka akupa zilumbyo, izikkumbilo zyenu azizibinkane kuli Leza, ⁷ alimwi Lumuuno lwa Leza, lwiinda kumvwsisisya koonse, luyokwabilila myoyo yanu amizeeo yanu muli Kkilisito Jesu. ⁸ Kumamanino, nobakwesu, kufumbwa zintu zyanchoonyo, kufumbwa zintu zyabulemu, kufumbwa zintu zyabiini, kufumbwa zintu zisalala, kufumbwa zintuzyebeka, kufumbwa zintu zyaambwa kabotu, kuti kakuli chimwi chibotu kwindilila, kuti kakuli chintu chiyanda kulumbayizigwa, amuziyeeye zintu eezi. ⁹ Izintu nzimwakiya, akutambula, akumvwva akubona kulindime, amuchite zintu ezi, alimwi Leza waluumuno uyooba aandinywe. ¹⁰ Ndili akubotelwa kupati mu Mwami nkambo lino mwakonzya kubambilula bupya imandiyeyle anu. Nkasimpe kuti mwali kundiyeeya kale, pesi tekwakali mweenya pe wakuti mundigwasye. ¹¹ Nsili mukwambila kuti ndilibulide pe. Nkaambo ndakiya kukkutisika muzyimo zyoonse. ¹² Ndilibwizi buchete, munzila zyoonse zintu amuzintu zyoonse ndakiya insiswa yakusaninwa kabotu alimwi akuba enzala, alimwi akuba azyoonse na mukubula. ¹³ Ndakonzya kuchita ezi zintu kwinda mulingue ooyo undisimya. ¹⁴ Nikuba booboo, mwakachita kabotu kwabilana andime nindali mubuyumuyumu. ¹⁵ Inywe nobantu baku Filipi mulizi loko kuti kumatalikilo aajwi, aawo nindakazwa mu Masedoniya, takwepe imbungano yakandigwasya munzila yakundipa kana kutambula kunze kwandinywe luzutu amulikke. ¹⁶ Koonse ani ndakali mu Tesalonika, mwakanditumizya twiingi lugwasyo lwazintu nzindakabulide. ¹⁷ Tachaambi kuti ndiyanda kupegwa pe. Pesi, ndiyanda muchelo uuyungizya impuwo yenu. ¹⁸ Ndakatambula zintu zyoonse, kazikkwene kana kwindilila. Ndakakkutisikana. Ndakazitambula kuzwa kuli Epafuloditasi izintu nzimwakamutumizya. Nzintu zinunkilila bunonono, mbusange butambulika akuboteleyza kuli Leza. ¹⁹ Leza wangu uyomupa zyoonse nzimubula mbuuli mubuvubi bwakwe amubulemu muli Kkilisito Jesu. ²⁰ Lino kuli Leza a Taata akube bulemu bwalyoonse alyoonse. Ameni. ²¹ Mujuzye boonse bazumina muli Kkilisito Jesu. Balikumujuzya loko bakwesu mbindaabo. ²² Bamujuzya boonse bazumini ba Leza baluleme bali kokuno, ikapati aabo bempuli ya Siiza. ²³ Iluzyalo lwa Mwami Jesu Kkilisito lube amyuuuya yanu. Amwi malembe mapati abasikale mumulaka wechi Giliki ayungizya kuti, Ameni, alimwi kuli amwi malembe

aansiku muchiGiliki aalabbala eelyo kumamanino kwa lyoonse bbuku lya Chizuminano Chipy'a. Alimwi kuli malembe mapati miingi aansiku muchi Giliki aatakwe Amen ku mamanino.

Ba Kkolose

¹ Pawulu, mutumwa wa Kkilisito Jesu kwinda mubukanze bwa Leza, antomwe a Timoti mukwesu, ² akubasalali ba Leza akubakwesu basyomekede muli Kkilisito baliku Kkolose. Luzyalo lube anywe, aluumuno luzwa kuli Leza Taata wesu. ³ Tupa kulumba kuli Leza, wisi wa Mwami wesu Jesu Kkilisito, elyo tulamukombela kwalyoonse. ⁴ Twakamvwa zyalusyomo lwenu lwamuli Kkilisito Jesu aluyando ndomulaalo kubasalali ba Leza boonse. ⁵ Mulijisi luyando oolu nkambo kabulangizi mbomubambilidwe kujulu. Mwakamvwa atala abulangizi obu kamutana kukambawukilwa ijwi lyakasimpe, makani mabotu, ⁶ Akasika kulindinywe. Ijwi eli lilazyala michelo akuya bukomena munyika yoonse. Lyakali kuchita obo akulindinywe kuzwa kubuzuba nimwakalimvwa animwakayiya ataala aluzyalo lwa Leza mubwini. ⁷ Aya ngimakan ni gimgwakiyya kuli Epafulasi, muzikema uyandwa, muzike usyomeka wa Kkilisito utwimikilila. ⁸ Epafulasi wachita kuti luyando lwako luzibinkane kulindiswe mumuuya. ⁹ Nkambo kaluyando olu, kuzwa mubuzuba mbutwakamvwa echi tewtakaleka pe kumukombela. Twali kumukumbilila kuti mukazuzigwe luzibo lwakuyanda kwakwe amibusongo boonse amukumvvisisisya kwamumuuya. ¹⁰ Twali kumukombela kuti mweende munzila iyeede Mwami ayeeyo imuboteleya munzila zyoonse. Twalikumukombela kuti muzyale michelo yamilimo mibotu amukukomena mukuziba Leza. ¹¹ Tukombela kuti muyumisigwe mulizyonse mbuli mbukwelede mubulemu bwanguzu zyakwe, akuba akukakatila abulangizi. ¹² Tukombela kuti mukape kulumba chakukondwa kuli Taatesu, wakamuchiita kuti mukonzye kuba achaabilo chalukono lwabasalali ba Leza bali mumumuuni. ¹³ Wakatuvuna kuzwa kunguzu zyamumudima akutulonzya kututola kubwami bwa Mwana wakwe uyandwa. ¹⁴ Mu Mwana wakwe mutujene lununuko, lwakulekelelwa kwazibi. ¹⁵ Oyu Mwana nchikozyano cha Leza utaboneki. Ngonguwe mutanzi kuzyalwa kuzilenge zyoonse. ¹⁶ Nkambo mulinguwe zintu zyoonse zyakalengwa, ezyo zili kujulu, azezyo zitaboneki. Nikuba zyuno zyabwam, nibaba baami, nibaaba bendelezi, nibaaba basinguzu, zyoonse zyakalengwa kwinda mulinguwe kuti zibe zyakwe. ¹⁷ Ilwakwe mwini ngomutaanzi kuzintu zyoonse, elyo mulinguwe zintu zyoonse muzijisini. ¹⁸ Alubo nogmutwe wamibili, nkokuti imbungano. Ngonguwe matalikilo alubo ngomtaanzi kukuzyaligwa kuzwa mukati kabafu, chaamba kuti ulabusena butaanzi bwazintu zyoonse. ¹⁹ Nkambo Leza ubotelwa buzwide bwakwe kuti bukkale mulinguwe. ²⁰ Alimwi wakali yanzanisizya mumwanakwe zintu zyoonse mulinguwe. Leza wakabikka lumuuno kwindila kubulowa achingano chakwe; Leza wakabweduluzya zintu zyonse kulinguwe, neziba zintu zyaansi neziba zintu zili kujulu. ²¹ Alimwi anwebo, kuchindi chakamana, mwakali bazwamaasi kuli Leza alimwi mwakali basinkondonyina a Leza mumizeezo amumichito mibi. ²² Pele lino wakamuyanzanya mumbili wakwe ufwika kwinda mulufu wakachita eezi kuti amupedekezye kamusalala, kamutakwe kampenda, akutaba amulandu kunembo lyakwe, ²³ Nkukuti na mwakakatila mulusyomo, akwima njii akutasunzulusigwa mulusyomo lwamakan ngimwakamvwa. Aya makani akaambwa kumuntu woonse wakalengwa aansi ejulu. Aaya ngingawo makani mabotu

kuti ime, ndi Pawulu, ndibe muzike. ²⁴ Lino ndilakondelwa machiswe angu nkambo kandinywe. Alimwi ndilazuza mubili wangu makani achisyeede amapenzi a Kkilisito nkambo kamibili wakwe, nkukuti imbungano. ²⁵ Nkambo kambungano eeyi nchendimuzike, nkambo kakuti eyi milimo ndakayibikilwa a Leza nkambo kenu, akuzuzikizya ijwi lya Leza. ²⁶ Makani aayubide aasisidwe muchindi chamazyalanai akalekale. Pele kwaino aliyubunwidwe kubasalali ba Leza. ²⁷ Kulibaaba Leza wakayanda kuyubununa mbububede buvubi bulemu bwamakanai aya akati kabamasi, nkukuti Kkilisito uli mulindinywe, bulangizi bwabulemu. ²⁸ Oyo ngonguwe ngutu kambawuka. Tulalulamika akuyiisyaa bantu boonse achabusongo, kuchitila kuti tubayimikizye boonse kubusyu bwa Kkilisito chakulondoka. ²⁹ Nchichonya echo nchembeleka akusolekesya mbuli nguzu zyakwe mbuzilokubeleka mulindime changuzu.

2

¹ Nkambo ndiyanda kuti muzibe upati bwamapenzi ngindakajana aandinywe, nkambo kabaabo baliku Layodisiya, abaabo bakatakonzya kubona busu bwangu munyama. ² Ndilabeleka kuchitila kuti myoyo yabo isungwazike akambo kakwetwa antomwe muluyando alubo amuliboonse buvubi buzwide kanzambwenene akumvwisisisya, nsiswa zya Leza, izili Kkilisito. ³ Mulinguwe boonse buvubi bwabusongo aluzibo muzisisidwe. ⁴ Ndaamba echii kuchitila kuti takwepe anaba umwi ukonzya kumwena amakani akumuyunga. ⁵ Nikuba nsili andinywe munyama, ndili andinywe mumuuuya. Ndilabotelwa kubona kubamba obotu anguzu zyalusyomo lwenu muli Kkilisito. ⁶ Mbuli mbumwakatambula Kkilisito Mwami, amweenda mulinguwe. ⁷ Amukabyalwe muzyandamikwe mulinguwe, mukayakwe alinguwe, mukasimpikwe mulusyomo mbuli mbumwakayi-isigwa, aakufwasuka mukulumba. ⁸ Amubone kuti kutabi naba omwe umuyunga kukwamba makani alweno ataawo, kaziyendelana atunsiansiya twabantu, azwa kuzilenge zyaansi atazwi kuli Kkilisito. ⁹ Nkambo mulinguwe boonse buzwide bwa Leza mubuponi muchiimo chamubili. ¹⁰ Alimwi mulazuzigwa mulinguwe. Ngomutwe wanguzu zyonse abwendelezi. ¹¹ Mulinguwe mumwakapalulwa abupalulwe butachitwi abantu mukugwisya nyama yamibili, Pesi mubupalulwe bwa Kkilisito. ¹² Mwakazikwa anguwe mulubbabbatizyo, amulinguwe mwakabusigwa mukwindila mulusyomo lwanguzu zya Leza, oyo wakamibusya kuzwa kubafu. ¹³ Nimwakafwide muzibi zyenu animwakatapalwidwe kunyama zyenu, wakamuchita kuti mupone antomwe anguwe akutulekelela zibi zyesu. ¹⁴ Wakazima makani abubi ayiminina andiswe amalayilile awo. Wakachigwisya akuchigankamina achingaano. ¹⁵ Wakasamununa ben-delezi abasibwami akubachitya kufwa bweme, akubazunda bo achingano. ¹⁶ Akambo kaboobo, kutabi naba umwi umubeteka mukulya nimuba mukunywa, nikuba kumazuba amapobwe nanka amweezi mupya, nikuba kumazuba a Sabata. ¹⁷ Eezi mwenzule wazintu zichiza, pesi mubili mwini ngu Kkilisito. ¹⁸ Kutabi naba umwi uyanda kulifwinsya akukomba baangelo umubeteka kuzwa kumpindu yenu. Oyo mutu uliboobu ulanjila muzintu nzyakabona akuba mbwapekezya katakwe anchachitila mumiyeo yanyama zyakwe. ¹⁹ Tajisilidi kumutwe, nkuzzwa kumutwe mubili woonsse nkujisilidi mungo amilambi yoonse nkwijsini amwi; ilakomena akukomena kupegwa a Leza. ²⁰ Kuti na mwakafwa aamwi a Kkilisito kuzilenge zyanyika, nkamboonzi muchipona kamuchibanga

mulibe nyika: ²¹ "Utagumi, nanka utalabili, nanka kujata"? ²² Zintu zyoonse ezi ziyoloba akubelesegwa, kazilangene kumalayilile anjiisyo zyabantu. ²³ Eeyi milayizyo ilayubununa busongo, akulibombya beni akulibombya kweeta kusilikwa kwamibili yabo. Pesi tazijisi milimu yakutukasya kuzumina zichito zibi mumyoyo yesu.

3

¹ Kuti kakuli kuti Leza wakamubusya amwi a Kkilisito, amuyanduuule zintu zyakujulu, oko Kkilisito nkakkede kujanza lyechilisyo lya Leza. ² Amuyeeye atala azintu zyakujulu, pepe azimwi zili aansi. ³ Nkambo mwakafwa, mpawo bwumi bwenu bulisisidwe a Kkilisito muli Leza. ⁴ Awo Kkilisito nazolibonia, uuli mbobumi bwenu, awo muyolibonia aamwi angewe mubulemu. ⁵ Muzibike kulufu, mpawo, zizo zyamunyika - bwamu, busofwazi, mpeekezyo, kuyandisyia zibi, abusyachivulemwangu, kazili mituni. ⁶ Nkambo kazeezi bukali bwa Leza nchibusikila bana baktaswilila. ⁷ Mulizeezi zintu nzimwakali mwenda mulinzizyo nimwakali kupona mulinzizyo. ⁸ Pesi lino moyelede kuchenjela kuzintu zyonse ezi - bukali, lunyemo, mpeekezyo imbi, lunyansyo, amatusi kuzwa mumilomo yenu. ⁹ Mutanowambilani zyakubeja umwi amwenzinyina, mbuli mbumwaka samununa buntu bukulukulu amwi azyiimbo zyabo, ¹⁰ mpawo mwakazwata muntu mupya iwakachitwa mupya muluzibo mbukwelede kuchiimo chawoyo iwakachilenga. ¹¹ Awo mpawo atakwe muGiliki a muJuda, upalwidwe awutapalwidwe, basikubwelebweza, mu Sitiyeni, muzike, silwangunuko, pesi Kkilisito ulizulide, akuba muli zyoonse. ¹² Amuzwaate, mpawo, mbuli basale ba Leza, basalali bayandika, amuzwate moyo waluuuse, buuya, kulibombya, kulifwinsya akukakatila. ¹³ Amukkazikane myoyo umwi awumwi, amube aluzyalo umwi awumwi. Nakuti kuli uli akambo kumwenzinyina, umulekelele mbuli Mwami mbwakamulekelela. ¹⁴ Atala azintu zyoonse, amube aluyando, lulindondulo chaanzyo chabubotu. ¹⁵ Luumuno lwa Leza lwendelezye mumyoyo yenu, nkambo kandulolu lumuno nchimwakayitilwa mumubili omwe. Amube akulumba. ¹⁶ Akube kuti Ijwi lya Kkilisito lipone mulindinywe, kuyiisa akulalamikana umwi awumwi abusongo boonse, mukwimba nyimbo antembawuzyo anyimbo zyamumuya akulumba mumyoyo yenu kuli Leza. ¹⁷ Alimwi zyoonse nzimuchita, mumajwi amumichito, amuziche zyoonse muzina lya Mwami Jesu. Amupe kulumba kuli Leza Taata kwinda mulinguwe. ¹⁸ Nobanakazi, amulifwinsye kubaalumi benu, nkambo nchicheelede mu Mwami. ¹⁹ Nobaluumi, amuyande banakazi benu, nkabela mutanobi abukkali kulimbabo. ²⁰ Nobana, amuswilile bazyali benu muzintu zyoonse, nkambo eezi zilabotelezya mu Mwami. ²¹ Nomataata, mutanokkalalili bana benu, kuchitila kuti baleke kusululwa. ²² Nobazike, amulemeke basimalelo benu munyama amuzintu zyoonse, pepe chipameso biyo, mbuli bantu basikuupaupa, pesi amoyo wanchoonzyo. Muyowe Mwami. ²³ Zyoonse nzimuchita, mubeleke kuzwa kumuuya wa Leza alubo pepe kubantu. ²⁴ Mulizi kuti muyotambula kuzwa ku Mwami mpindu yalukono. Ngu Mwami Kkilisito ngumubelekelia. ²⁵ Nkambo kuliwoonse utachiti bululami ulatambula chisubulo chakatalulama kwakwe nkwichita, nkambo takulangwi chiimo chamuntu pe.

4

¹ Nobasimalelo, amupe balanda benu chakululama achakweleka. Mbumwizi kuti anywebo mulijisi simalelo uli kujulu. ² Amujatisye kukomba, musungwalile nkuko akulumba. ³ Nkabela amutukombele aswebo, kuti Leza atujulile myeenya yajwi, kwamba makani masiske a Kkilisito. Nkambo kacheechi, ndilangidwe anketani. ⁴ Amukombe kuti nkakonzye kulungulula, mbunjelede kuyowamba. ⁵ Amweende chabusongo kulibaabo balaanje, amununune chiindi. ⁶ Kwamba kwenu akube kwaluzyalo lyoonse, kulweezegwe amwinyo wakulumba, kuti mube abusongo bwakuuvviila kabotu kubantu boonse. ⁷ Lino kumakani alatala andime, Tukiko mukwesu ulachita kuti mwazibe. Mukwesu uyandika, simulimoma musyomesi, muzikema mu Mwami. ⁸ Ndamutuma kulindinywe nkambo kacheechi, kuti amuzibye makani andiswe, akusungilizya myoyo yenu. ⁹ Ndilamutuma antomwe a Onesimasi, ulisyomekede alimwi mukwesu uyandika, kali umwi wenu. Bayomuzibisa zyoonse zyakachitika okuno. ¹⁰ Alisitachasi, mwangema, ulokumujuzya, antomwe a Maakki, mwenzinyina wa Bbanabbasi (militambwide kale mulazyo wakuti, asika kulindinywe, mumutambule), ¹¹ antomwe a Jesu uyiitwa kuti ngu Jusitasi, Abo boonse babupalule mbasimilimoma mumulimo wabwami bwa Leza. Mbibakali lumbulizyo lwamoyo wangu. ¹² Epafulatasi ulokumujuzya loko. Nguumwi wenu alubo muzike wa Kkilsito Jesu. Ukkala kamwitilila munkombyo, kuchitila kuti mukiime chakuzulila akuba bwiini kulizyoonse muluyando lwa Leza. ¹³ Ndipa bukamboni kuti umubelekela chamanguzu, kuli aabo balimu Layodisiya, antomwe akulibaabo balimu Hilapolisi. ¹⁴ Lukka musilisi uyandika antomwe a Demasi balokumujuzya loko. ¹⁵ Mujuze bakwesu balimu Layodisiya, aku Nimfu, embungano ilimu ng'anda yakwe. ¹⁶ Olu lugwalo lwamana kubalwa kulindinywe, amuchite kuti lubalwe akulako kumbungano yabaku Layodikiya. ¹⁷ Amwamble Akkipa kuti, "Langa kabotu kumilimo njiwakatambula ku Mwami, kuti uyelede kuzuzikizya." ¹⁸ Olu lujuzyo ndalulemba amaboko aangu - ndime Pawulu. Kamuyeeya inketani zyangu. Luzyalo alube anywebo.

1 BaTesonika

¹ Pawuli, Siluvanisi aTimoti, kumbungano yakuTesonika muliLeza Taata aMwami Jesu Kkilisito. Lino luzyalo alumuno alube kulindinywe kuzwa kuliLeza Taata aMwami Jesu Kkilisito ² Lyoonse tupa kulumba kuliLeza kamulimoonse mbuli mbutumwaamba kwalyonse munkombyo zyesu. ³ Tulayeya kuti leza wesi aTaata kumulimu yalusyomo milimo yaluyando, ayabulindilizi mukulangilila muMwami Jesu Kkilisito. ⁴ Bakwesu nimuyandwa aLeza, tulizi wakamusala, ⁵ nkaambo majwi mabotu akasika kulindinywe pe pe mumajwi luzutu, pesi aalubo manguzu mumuuya usalala, mpawo amubwingi bwazisyomezyo. Aalubo, mulizi kuti twakali bantu balibyeni aakati kanu nkambo kanu. ⁶ Mwakaba basikiwiya kulindiswe akumwami, nimwaka tambula majwi mumakataaazyo alukondo kuzwa kumuya usalala. ⁷ Mbuli mpindu, mwakaba chitondezyo kuli boonse baliku Masedoniya aKkayiya basyoma. ⁸ Kuzwa kulindinywe jwi layMwami lyayitwa, mpo tee kuMasedoniya luzutu pe, akuKkayiya, pesi lusyomo kuliLeza lwakazulila koonse-koonse. Nkaambokako tatusyelede kwamba chintu kufumbwa. ⁹ Kuli mbabo lwabo kulangisisya ndiswe, kuti tulabulidilano nzi aakati kanu ambubakasanduka kuli Leza kuzwa kumuzimu kubelekela Leza wabwiini upona. ¹⁰ Akulindila mwanakwe kuzwa kujulu, oyo wakabuka kuzwa kubafu - Jesu, unununa kuzwa kubukali buzakuza.

2

¹ Mbuli mbumuzi Iwanu, bakwesu, kuti kuza kwesu kuli ndinywe tekwalii kwabiyo. ² Naabi mbuli mbumuzi, mikuba chiindi twakafwabisigwa akujatwa chakuusa kuFilipi, twakasima muliLeza wesi kwambula mumakani mabotu aaLeza mukombozeka kwinji. ³ Nkambo kakukombeleya kwesu tetwaka zwa kukubisya, mbuli nakwakazwa kukusalalamikuba kulweeno. ⁴ Kwinda mbuli mbutwakazumininwa aLeza, akusyomeka kumakani mabotu, lino tulambula, chakutabotezya muntu, pesi Leza ngonguwe uyoolanga myoyo yesu. ⁵ Elyo takwe nitwaka belesya majwi akuyosya, mbuli mbumuzi, na amuzee zowakuvumba butangazu Leza mukkamboni wesu. ⁶ Na tuyandula bulemu buzwa kubantu, nikuba kuzwa kulindinywe, na ba apositolo aabami. ⁷ Ikwinda, twakaba batete akti kanumbuli banyina bawumbulizya bana babo. ⁸ Munzila eeyi twakali kumuyanda. Twakabotewa kwabana andinywe kakutali kumani aaLeza luzutu pesi alimwi abuumi bwesu. Mbuli kuti mwakati mwaba bayandwi kulinidiswe. ⁹ Mbuli mbumuyeya, bakwesu, milimu yesu amamanino. Mansiku asikati twakali kubeleka kuti tuatabi mukuli kulumwi awumwi akati kanu. Mbuli mbutwaka kambawuka makani mabotu aaLeza. ¹⁰ Inywe mulibakkamboni, alimwi aaLeza mbuli mbwasalala, mbwaluleme, achakutaba amulandu, yakuba imponeno kuli ndinywe nimusyoma. ¹¹ Munzila njieeyo mulizi mbutwakalibede kuli umwi awumwi wanu, mbuli wisi kubana bakwe, ndamusiya akumumbulizya akumukombeleya ¹² kuti mweende munzila iyeelede yaLeza, umwita kubwami akubulemu. ¹³ Nkambo kakaako alimwi tilumba Leza lyoonse, kuti na mwatambula ijwi lyaLeza eelyo ndimwakamvwa kuzwa kuli ndiswe, temwakalitambula anga lyakazwa kumunt, pesi mbuli

akakasimpe, ndijwi lyaLeza alimwi lila aamulimui mulindinywe nimusyoma. ¹⁴ Alimwi bakwesu mwakaba basikwiya bambungano zyaLeza zili muJudiya muliKkilisito Jesu. Nkikaako alimwi mwakafwabisigwa muzintu zikozyene kuzwa kubantu banyika yanu, mbuli mbubakachita kuzwa kumaJuda. ¹⁵ Bakajaya antoomwe Mwami Jesu abansimi alimwi bakatutandila anze. tababotezyi Leza. Kwinda, Kukazyanya abantu boonse. ¹⁶ Batukasya kwambula abaMasi kuti bafutulwe. Impindu njakuti lyoonse bakali kuzuuya zibi zyabo kusikila kumamanino. ¹⁷ Pesi iswe bakwesu, twakali pambukene andinywe kwachiindi chifwifwi mubuntu peepe mumoyo. Twakalipeda loko, achiyandisyo chipati kuti tubone masyu anu. ¹⁸ Mbokunga twakali kuyanda kusika kulindinywe - ichonzyo me - Pawulo, lumwi alubo - pesi Satani wakatwimikizya. ¹⁹ Nkaambo ninzi bulangizi bwesu na kubotelwa, na musini wakulisumpula kunembo lyaMwami Jesu kukuboola kwakwe? Tensi nduwe? ²⁰ Mbokunga uli bulemu, alukondo lwesu.

3

¹ Nkekako, muchiindi netwaka tachilikukonzya, twakayeya kachili chibotu kusyala musule muAtene luzutu. ² Twakatuma Timoti mukwesu alimwi simulimunyina waLeza mumakanai aKkilisito, kukusimya akumumbulizya katulangana alusyomo lwanu, ³ kuchitila kuti takwe uyozunganisigwa amapenzi aya. Nkaambo inywe nobeni mulizi kuti eezi nzitwakasalilwa. ⁴ Kasimpe nitwakali anywebo, twaka mwambila kakuchilichindi kuti twakali twabawfifwi kunjila mumapenzi, alimwi zyakachitikan mbubonya obo, mbuli mbomuzi. ⁵ Nkambo kaako, nendaka takachilikukonzya, ndakatumina kuti ambweni ndalikunoziba zili ajulu alusyomo lwanu. Ambweni sikuksunka mulimwi nzila wakamunsuka, mpawo mulimu wesu wakaba wabiyo. ⁶ Pesi Timoti wakasika kulindiswe kazwa kulindinywe akutwetela makani mabotu aalusyomo lwaano aluyando. Waka twaambila kutimualtuyibalikwa lyoonse afimwi kuti mulayandisa kumubona aswebo. ⁷ Nkaambo kazeezi, nobakwesu, twaka wumbulizigwa andinywe nkaambo kalusyomo lwanu, mubuusu akupega kjesu koonse. ⁸ Nkekako lino tulapona, naamwayima nji muMwami. ⁹ Nkaambo chilumbo nzi ncetunga tulapa kuliLeza nkaambo kanu, nkaako luyando loonse ndotulalo kunembo lyaLeza wesu alube alindinywe. ¹⁰ Mansiku esikati tulakombesya kuti netwakali kumubona kumeso aanu akupa ezyoo zibulikide mulusyomo lwanu. ¹¹ Tukumbila kuti Leza wesu alimwi Taata Iwakwe, aMwami wesu Jesu batululamikile nzila yesu iiza kulindinywe. ¹² Akube kuti Mwami amuchite kuti muvule alimwi akumufwasusya muluyando Iwawumwi amwenzinyinaakuli boonse bantu, mbubonya mbotu muchitila. ¹³ Akube kuti amuyumye mumoyo kuchitila kuti ibe myoyo itakwe kampenda mubusalali kunembo lyaLeza alimwi Taata wesu akuboola kwaMwami Jesu antomwe abasalali bakwe boonse.

4

¹ Kumamanino, bakwesu, tuza kulindinywe akumukcombeleya tulamusungilizya muMwami Jesu. Mbuli mbumwakatambula malayilile kuzwa kulindiswe atala mbumweledee kwenda akubotezya Leza, alubo munzila yalwendo olu kuchitila kuti mwinkilile kunembo. ² Mulazi malayilile ngitwa kamupa muMwami Jesu. ³ Pele okunkuyanda kwaLeza,

kulisalazya kwanu, kuti muleke bwamu, ⁴ kuti umwi wanu azibe mbwayebole kujana chibelesyo chakwe mubusalalialimwi mubulemu, ⁵ kutali mumiyeyo yabubi (mbuli bamasi batazi Leza.) ⁶ Kutabi muntu utaluka akubisya munyina kulezi zintu. Nkaambo leza ngubwedezya muzintu zyoonse mbuli, mbuli mbutwakamuchenjezya akumupa bukam-boni. ⁷ Asi Leza taakamwitila kutasalala asi kubusalali. ⁸ Alimwi oyo ukaka eeli takakili muntu, pele Leza uupa muuya usalala kuli ndinywe. ⁹ Nkatwamba aluyando lwabunyina, tamuchelede umwi muntu amulem-bele, kambo inywe lwanu muysisigwa aLeza kuti tuyande umwi awumwi. ¹⁰ Nchobeni, mulachita ezi akuba kwesu boonse balikuMasedoniya. Pesi tulamusungilisy, bakwesu kuti muchitisye ech. ¹¹ Tula musungilizya kuti mulangilile kupona buumi bwalumuno, langana azyako, akubeleka amaboko ako, mbuli mbutwakamulayilila. ¹² Kuchitila kuti mwende obotu kunembo lyabali anze alusyomo olu alimwi akutabula chintu. ¹³ Tatuyandi kuti mube batabizigwa, bakwesu, abaabo boona, kuchitila kuti mutapengi mbuli boonse, abo batakw bulangilizi. ¹⁴ Pele kuti nkatusyoma kuti Jesu wakafwa wabulka alimwi wakabuka lubo. Mbuboobo Leza uyoleta aJesu abo bakoona mulinguwe. ¹⁵ Aboobo twamba ezi kulindinywe ajwi lyaMwami, kuti iswe nituchipona, abo basyede kukubola kwaMwami, kasimpe tatukoyo tangunina abo bakatanguna koona. ¹⁶ Pele Mwami lwakwe uyoselela kuzwa kujulu. Uyoboola amongololo, ajwi lyamungelo silutwe, alimwi amweembo waLeza. Alimwi bafwide muli Kkilisito bayobuka kusanguna. ¹⁷ Pele swe tobawumi, basyede, tuyobwezwa toonse ambabo mumayoba kuyoswana Mwami mumulengalenga. Munzila eyi tunoli antomwe aMwami. ¹⁸ Aboobo, amumbulizyanie umwi awumwi amajwi aya.

5

¹ Lino katulangene achindi alimwi azyindi zyamwaka nobakwesu, tamukwe chimunga mulalembulula. ² Nkambo anywebo lwanu mulizi kabotu kuti bansi bwaMwami busika mbuli mubbi mansiku. ³ Elyo nibati, "Lumuno alimwi akubambikana,"mpawo kunyonyoka kwamachamp-mamo kulobasikila. Kunoli mbuli machise akuzyala kumwanakazi ulaada. takukwe mbubanga balapuzuka. ⁴ Pesi inywe, nobakwesu, tamuli mu-mudima zyakuti buzuba nga bulamuzida mbuli mubb. ⁵ Nkambo nywe moonse muli bana balombe bamumuni alimwi bana balombe babuzuma. Tatuli bana balombe bamansiku naa bamudima. ⁶ Nkinkako tatonii mbuli bingi mbubachita. Ani kuti, tusinsimuke akuba changa. ⁷ Nkambo abo bawona bachita obo mansiku, alimwi abo bakolwa bachita obo mansiku. ⁸ Pesi mbutuli babuzuba, twelede kukkala katuli changa alimwi akuzwata lusyomo aluyando mbuli ntobo, alimwi bulangilizi bwalufutuko bwangwani yesu. ⁹ Nkambo leza takatusalila bukali, pesi kujana lufutuko kwindila muli Mwami Jesu Kkilisito. ¹⁰ Nguwe wakatufwida swe kut, nikuba tulalanga na tulona, tukapone amwi anguwe. ¹¹ Nkinkanko mum-bulizyanie umwi awumwi alimwi tuyakane, mbuli mbumulokuchita kale. ¹² Tulokumukombeleyza chamoyo, nobakwesu kuti tuyeye abo bableka akati kanu alimwi abo balajuu lyanu muMwami alimwi bamulayilila. ¹³ Twamukumbila alubo mubalemeke loko muluyando nkambo kamilimo yabo. Ngamube alumuno akati kanu. ¹⁴ Tulamusungwazy, nobakwesu; muchenjezye abo bakandu, musungwazye batyompedwe, mugwasye batete, alimwi mube amoyo mulamfu kulibonse. ¹⁵ Mubone

kuti Takwe naba omwe ubwedezya chibi achibi kuli umwi. Anu kuti, mutobeleyo ezyo zibotu kuli umwi awumwi alimwi kulibonse. ¹⁶ Mukondwe lyonse. ¹⁷ Mukombe katakwe kwimikila. ¹⁸ Mulizyonse mupe kulumba. Nkambo oku nkukuyanda kwaLeza muli Kkilisito Jesu kulindinywe. ¹⁹ Mutatontoziyi Muuya. ²⁰ Mutanyansyi businsimi. ²¹ Musunke zintu zyonse. Mujatilile kuzibotu. ²² Muswene kule kuzwa kububi bwamisyobo yoонse. ²³ Inche Leza walumuno amusalazye kumaninide. Inche amuuya wanu wonse, moyo, alimwi, mibili zibambwe katakwe mulandu nkambo kwakuboola kwaMwami wesu Jesu Kkilisito. ²⁴ Ulisyomekede oyo umwiita, oyo ulozichita lubo. ²⁵ Nobakwesu, mutukombele aswebo. ²⁶ Mujuzye bakwesu a nkisi isalala. ²⁷ Ndamulayilila chamoyo wonse kwinda muMwami kuti olu lugwalo lubalwe kubakwesu bonse. ²⁸ Iluzyalo lwaMwami Jesu Kkilisito lube anywebo.

2 BaTesalonika

¹ Pawulu, aSilivansi, aTimoti, kumbungano yakuTesalonika muliLeza Taatesu aMwami Jesu Kkilisito. ² Luzyalo kulindinywe aluumuno luzwa kuliLeza Taatesu aMwami Jesu Kkilisito. ³ Twelede kupa kulumba lyoonse kuliLeza nkambo kenu, nobakwesu, mbuli mbukwelede, nkaambo lusyomo lwanu lulikukkomena bwindilide abwindilide, alimwi aluyando nwebo ndumulalo kuli umwi awumwi lulikuyungizigwa. ⁴ Elyo iswe lwesu tulalidundilizya atala andinywe mumbungano yaLeza nkambo lukakatila alusyomo muliwonse masukusyo aanu, amumapenzi aayo ngimuswanana awo. ⁵ Eechi nchitondezyo chalubeta lwaLeza lusalala, kuchitila kuti mukeele loko kubwami bwaLeza mbumulikupenzegwa biyo. ⁶ Nkambokako, chililuleme kuliLeza kubwedezya mapenzi kuli baabo bamupenzya, ⁷ akubwedezyegwa kulindinywe aabo bapenzegwa andiswe, elyo mwami Jesu nayolibonya kuzwa kujulu abangelo bakwe basinguzu. ⁸ Mubbabalala lyamulilo, uyobwedezya zibi kulibabo batamwizi Leza akuli babo batalemeki kujwi lyawwami wesu Jesu. ⁹ Bayopengana achisubulo chalunyonyo kolutamanikuzwa kunembo lyaMwami akuzwa kubulemu bwanguzuzyakwe. ¹⁰ Uyochita eezi nayobooba mubuzuba obo kuti akalumbayizigwe mabantu bakwe basalala akulumbayizigwe abantu boonse abo bamusyoma, nkaambo bukamboni bwesu kulindinwe bakasyoma. ¹¹ Nkaambo kazezi tulamukombela chakutaleka, nkokuti Leza wesu akalangisisye lokokubwitwe bwenu, anguzu zyakwe uyozuzikizya wonse makanze mabotu ayoonse milimu yalusyomo. ¹² Tukomba boobu kuchitila kuti zina lyawwami Jesu lilumbayizigwe mulindinywe andinywe mulinguwe, kwiinda muluzyalo lwa Leza a Mwami Jesu Kkilisito.

2

¹ Lino atala, akuboola kwaMwamiJesu Kkilisito akubungana kwesu katulantomwe kuti tukabe awe, twamukumbila changuzu bakwesu, ² kuti mutakazungani kumiyeoyo na kumafwabi anu, nekuba mumuuya, na kujwi, nekuba kulugwalo lubanga luzwa kulondiswe. Chakuyeya kuti buzuba bwaMwami buliswenede kale. ³ Kutabi muntu umwena kufumbwa munzila ilibenyi. Nkaambo tabukoyosika mane kulebwa kusike, pele muntu mubi ayubunuke, mwana walunyonyoko. ⁴ Oyo ukazya akulisumpula mwini ajulu azyoone zyaamba Leza na zikombw. Kuzwano ngukala mung'anda yaLeza akulyamba kuti, ndime Leza. ⁵ Tamuyeyi nindakalandinywe mbundakamwambila ezi zintu? ⁶ Lino mulichizi chintu chimukasya kuti, uyoyubunuka luzutu kuchindi chelede. ⁷ Nkaambo makani asisidwe akusotoka mulawu alikubeleka kale, pele kulumwi umukasya mane akagwisigwe munzila. ⁸ Elyo nayoyubunuka sikusotoka milawo, oyo mwami Jesu ngwayonyonyona amuuya wamu-lomo wakwe akumulobya akulibonya kwakubola kwakwe. ⁹ Kuboola kwasikusotoka milawu uyobeleka milimo yaSatani anguzu zyoonse, azi-tondezyo, azigambyo zyakubeja, ¹⁰ amisyobo yoonse yabubi akweena abo bali mukunyonyoka, nkaambo tebakatambula luyando lwakasimbe kuti bafutulwe. ¹¹ Akaambo kako, Leza wabatumina nguzu zyalweeno kuti bakasyome kuli yakubeja. ¹² Kuti boonse bakapegwe mulandu akutasyoma kasimpe ababo balibotezya mukatalulama. ¹³ Pele tuleelede

lyoonse kupa kulumba kuliLeza akaambo kanu bakwesu bayandwa aLeza wakamusala mbuli michelo mitaanzi kwiindila mukutambula lufutuko amukusalazigwa kunguzu zyamuuya akusyoma kasimpe.¹⁴ Wakamwiita kwinda kumakan i mabotu esu. Kuti mukavube bufemu bwa Mwami wesu Jesu Kkilisito.¹⁵ Nkaambo kaako bakwes, amwime nji akujatisya kumilawu njemwakayisigwa, nikuba kujwi na kulugwalo lwasu.¹⁶ Elyo Mwami wesu Jesu Kkilisito mwini aLeza Taatesu, wakatuyanda akutupa lumbulizyo lutamani abulangilizi bubootu kwiinda muluzyalo,¹⁷ awumbulizye akusimya myooyo yanu kumilimu yoonse mibotu akujwi.

3

¹ Lino nobakwesu amutukombele, kuti ijwi lyaMwami lyeende alimwi libe abulemu mbulimbuzibede zilimulindinwe. ² Alimwi kuti tukan-gununwe kububi akubantu babi, nkaambo teboonse pe balalusyomo. ³ Pesi Mwami ulasyomeka, uyomusimya akumukwabilila kuzwa kumubi. ⁴ Tulachibindi muMwami atala andiwe, kuli zyoonte zyomuchita alimwi tulendelela anembo kuchita zintu zitulayilila. ⁵ Mwami alulamike myoyo yanu kuluyando lwaLeza akulukakati IwaKkilisito. ⁶ Lino tulamulayilila kuti, bakwesu, muzina lyaMwami wesu Jesu Kkilisito, kuti mukasya woone mukwesu weenda munzila italuleme alimwi taponi katobeleyza ziyanza nzimwakatambula kuzwa kulindiswe. ⁷ Nganywebo lwenu mulizi kabotu mulindinywe kutobeleyza ndiswe, nkaambo tetakalibulikidwe nitwakali andinywe. ⁸ Tetwakalya chinkwa chawumwi katutachib-hadalide, pesi twakalikubeleka isikati amansiku mukuminwa kapati kuti tutalemwi kufumbwa wanu. ⁹ Twakachita ezi zitambi kuti tetwakalikwe bwendelezi, pesi twakachita echib chitechitondezyo kulindinywe, kuti mukatutobeleyze. ¹⁰ Ngambuli mbutakali andinywe, twakamulayilila, "oyo utazumini kubeleka teled kulya." ¹¹ Ngatwamvwa kuti bamwi akati kanu beenda mukuleya, kutali kujatikana akubeleka, pesi mibili ijatikene. ¹² Lino bali boobo tulabalayilila akukombeleyza muMwami Jesu Kkilisito, kuti belede kubeleka chabuninzi alimwi balye chinkwa chabo. ¹³ Pesi nywebo, nobakwesu, mutakatali mukuchita zibotu. ¹⁴ Pesi na umwi katalemeki ijwi lyesu mulugwalo olu amulangisisye alimwi mutabi abulidilane anguwe, kuchitila kuti akanyansigwe. ¹⁵ Nikuba boobo mutakamubwezi mbulisinkondo nyokwe, pesi mukamuchenjezye mbuli munyokwe. ¹⁶ Lino Mwami walumuno lwakwe mwini amupe lumuno chiindi choonse munzila zyoonte. Mwami abe andinywe moonse. ¹⁷ Ime ndiPawulo, ndalembe ezi aluboko lwangu, chili chichitondezeyo mumagwalo woone ngindilemba. ¹⁸ Luzyalo IwaMwami wesu Jesu Kkilisito lube andinywe moonse. Ameni.

1 Timoti

¹ Pawulu, mutumwa waKkilisito Jesu mbuli mumalayilile aLeza Mufutuli wesi a Kkilisito Jesu bulangilizi bwesu, ² kuli Timoti, mwanan mulombe wasimpe mulusyomo: Lizyalo, luse, a luumuno kuzwa kuli Leza Taata aKkilisito Jesu Mwaami wesu. ³ Mbuli mbundakakusungwaazyia kuti uchite aawo nindakali kuzwa kuya kuMasedoniya, syaala mu Efeso nkokuti ukonzye kulayilila bamwi bantu kutibatayiisyi iimwi njisyo iisiyene. ⁴ Nikuba boobo bataswilizyi twaano amazyalani aatagoli. Eezi zichita kukazyanya kwiinda kuba balondozi baLeza, kabuli bwa lusyomo. ⁵ Lino bulangilili bwa malayilile nduyando luzwa mumoyo uusalala, kuzwa mukulimvwida kubotu, a kuzwa mulusyomo lwini. ⁶ Bamwi bantu balookusweka kuzwa kuzintu eezi akusandukila kukwaambula kwabufubafuba. ⁷ Bayanda kuba bayisi bamulawu, pesi tabamvwisisyi eezyo nzibaambula nikuba eezyo nzibazikitiza kwaamba. ⁸ Pesi iswe tulizi kuti mulawu mubotu ikuti na umwi wawubelesya chamulawu. ⁹ Swe tulizi, kuti mulawu tewakabikilwa baalumi baluleme pe abusena, pesi kuli aabo batakwe mulawu alimwi bantu bakapanduka, aabo bantu batakwe bunaleza alimwi a basizibi, ababo batasalali alimwi kabateeli, nguwabaabo bajaya mawisi a manyina, ngwabajayi, ¹⁰ ngwabantu bayandisya zyakulalana, ababo bachita zyakulalana lwabo lwabo, ababo babba bantu akubachita bazike, ngwababeja, abaamba bukamboni bwakubeja alimwi kufumbwa zyoonse eezyo zikazyanya aanjisyo ntuloko. ¹¹ Oku kulayilila kuli mbuli makani mabotu aabulemu bwaLeza ulongezegelwe kuli ngawo ngindakapegwa. ¹² Ndilumba Kkilisito Jesu Mwaami wesu. Wakandisimya, nkaambo wakandiyea mbuli uusyomekedo, alimwi wakandinanikila mulimu. ¹³ Ndakali kusampawula Leza, mufwabyi, alimwi mwaalumi wankondo. Pesi ndakatambula luse nkaambo ndakalikuchita mukutaziba a mukutasyoma. ¹⁴ Alimwi luzyalo lwaMwaami wesu lwakafusuka aantomwe a lusyomo alimwi a luyando oolo luli muli Kkilisito Jesu. ¹⁵ Ooyu mulumbe nguwanchoonzyo alimwi uleledele kutambulwa koonse, kuti Kkilisito Jesu wakasika munyika kuzofutula basizibi. ¹⁶ Pesi nkaambo kaboobo ndakapegwa luse, kuti mulindime, mutanzi, Kkilisito Jesu akonzyed kutondezya moyo mulamfu. Wakachita eechi mbuli chitondezyo kulibaabo bayosoma mulinguwe kubuumi butamani. ¹⁷ Lino kuMwaami wachindi, utafwi, utabonwi, Leza uumwi luzutu, ngakube bulumbu alimwi bulemu kuli lyoonsea lyoonse. Ameni. ¹⁸ Ndilokubika malayilile aaya kunembo lyako, Timoti, mwana wangu, mukweendelana kwabusinsimi bwakachitwa musule aatala a nduwe kuti ukonzye kulwana kulwana kubotu, ¹⁹ kojisilidi kulusyomo alimwi akukulimvwida kubotu. Aakukaka eezi, bamwi bakasweekelwa alusyomo lwabo. ²⁰ Bo mba Himeniyasi a Alekizanda, aabo mbindakapeda kuli Satani kuchitila kuti bakakuyisigwe kutasampawula Leza.

2

¹ Nkinkaako, lutanzi kuli zyoonse, ndasungwazya kuti nkumbizyo, nkombyo, nkumbililo, alimwi kupa kulumba kuchitilwe bantu boonse, ² kwa Baami alimwi aboonse bali mubweendelezi, kuchitila kuti tupone buumi bwaluumuno alimwi butontwede mubunaleza boonse akuzikatila.

³ Eechi nchibotu alimwi chilatambulika kunembo lyaLeza Mufutuli wesu. ⁴ Uulombozya kuti bantu bonse bafutulwe alimwi akusika kuluzibo lwasimpe. ⁵ Nkaambo kuli Leza umwi, alimwi kuli mwiiiminini omwe waLeza a muntu, mwaalumi Kkilisito Jesu. ⁶ Wakalipa lwakwe mbuli muulo waboonse, mbuli bukamboni kuchiindi cheelede. ⁷ Nkaambo kamakanze aaya ndakasalilwa kuba mukambawusi akuba mutumwa - ndokwamba simpe, tandilokubeja pe - alimwi tuyisi wa baMaasi mulusyomo a musimpe. ⁸ Nkinkaako, ndiyanda baalumi mumasena woonse bakombe alimwi banyampule maboko aasalala kakutakwe kundayema akukazyanya. ⁹ Munzila yomwe, bayelede kuzwata ingubo ntuloko, zipa buntu alimwi alikujata, kabatakwe masusu aalukidwe na ngolide na zyebeka na ingubo zidula, ¹⁰ pesi zyelela banakazi aabo baamba bunaLeza kwiindila amilimu mibotu. ¹¹ Mwanakazi uyelede kwiya muchuumunizi amukulibombya koonse. ¹² Tandizumizyi mwanakazi kuyisa na kubelesya bweendelezi aatala amwaalumio, pesi kupona muchuumunizi. ¹³ Nkaambo Adamu wakasanguna kulengwa, mpawo Eva. ¹⁴ Adamu takenwa pe, pesi mwanakazi nguakeenwa alimwi wakaba mubisyi. ¹⁵ Nikubaboo, uyofutulwa kwiinda mukuzyala bana, kuti bayinkilila mulusyomo a muluyando a mukusalazigwa aantomwe amunse wamiyeyo.

3

¹ Eechi chaambyo chilinchicho: Na muntu kayanda kuba mupati wambungano, ulombozya mulimu mubotu. ² Nkinkaako mupati wambungano teelede kuba akampenda pe. Uyelede kuba mulumi wa mwanakazi umwe. Uleelede kuba muntu uli achiimo chibotu, uye kabotu, uzikatide, alimwi usamawusya. Uyelede kukonzya kuyisa. ³ Teelede kuba muntu uyandisa wayini, utakazyi a kutalwana pe, pesi aboobo, kalisibuuya, siluumuno. Teelede kuba simuyanda mali pe. ⁴ Abe muntu ukonzya kubamba n'anda yakwe kabotu, alimwi uyeelde kuba aanchonzyo kuti bana bakwe balamuswilizya akumulemeka munzila zyoonse. ⁵ Nkaambo na mwaalumi katazi kubamba n'anda yakwe mwini, kujana ulakonzya biyeni kubamba mbungano yaLeza? ⁶ Teelede kuba muntu uuchisanduka, kuchitila kuti katazimbi chakulisumpula alimwi ulakonzya kuwida mukupegwa mulandu mbuli Satani. ⁷ Aboobo abe muntu ulempuwo mbotu kuli baabo balaanje, kuti atawide mu mawuse a mukakole ka dyabbulosi. ⁸ Munzila ikozyenye, madikkoni beeledede kuba abulemu, batabi bandimi-zyobile. Tabeelede kunywa loko wayini a kutangala. ⁹ Baleelede kubamba nsiswa chalusyomo a miyeyo isalala. ¹⁰ Baleelede kuzumininwa lutanzi, alimwi elyo beeledede kubeleka nkaambo tabakwe kampenda. ¹¹ Munzila ikozyenye, banakazi babo beeledede kuba abulemu, batakwe manwa, pesi balijisi alimwi basyomekedere muzintu zyoonse. ¹² Badikkoni kabali balumi ba mwanakazi umwi. Baleelede kubamba kabotu bana babo a n'anda zyabo. ¹³ Nkaambo aabo bakabeleka kabotu balajana lwabo kwimikila kubotu alimwi a busichaamba bupati mulusyomo luli muliKkilisito Jesu. ¹⁴ Mboli mbundikulemba zintu ezi kulinduwe, ndabulangilizi bwakusika kulinduwe akufwambana. ¹⁵ Pesi na ndanonoka, ndikukulembela kuti uzibe kuti kulibambwa biyeni mun'anda yaLeza, ili njijo mbungano yaLeza muumi, njembandama a mugwasyi wasimpe. ¹⁶ toonse tulazumina kuti insiswa yabunaleza nimpati loko: "Wakayubununwa munyama, wakachitwa uusalala aMuuya, wakabonwa

a bangelo, wakaambwa akati kamanyika, wakasyomegwa munyika, alimwi wakatolwa kujulu mubulemu."

4

¹ Lino Muuya ulaamba entanganana kuti muzyiindi ziyotobelaa bamwi bantu bayosiya lusyomo alimwi bakaswiilile myuuya yalweeneeno akunjiisyoo zyabadayimona ² mukubeja kwakuupawupa, mamvwido aabo beni kaali asizigwa. ³ Bayokasya bantu kuti bakwatane alimwi akuyanda kuti balilesye kuzilyo Leza nzyakalenga kuti zitambulwe chakupa kulumba abaabo basyoma akuziba kasimpe. ⁴ Nkaambo choonse chilengwa chaLeza nchibotu, alimwi takwe pe chitambwidwe kakulikupa kulumba chiyokakwa. ⁵ Nkaambo chakasalazigwa ajwi lyalea ankombyo. ⁶ Na wabika eези zintu kunembo lyabakwesu, uyooba mulanda mubotu wa Jesu Kkilisito. Nkaambo mulikukomezegwa amajwi alusyomo alimwi akunjiisyoo mbotu nzimwakatobela. ⁷ Pesi amukake twaanoo twanyika twakayandwa aabanakazi bapati. Aboobo, amukaliyiisye nobeni mubunaleza. ⁸ Nkaambo kuliyyisa kwamumumbili kuli empindu nini, pesi bunaLeza bulabelesegwa kuzintu zyoonse. Kujisi chisyomezyo chabuumi bwalino alimwi akubuumi buza. ⁹ Mulumbe ooyu ulisyomekede alimwi ueleede kutambilwa kuzwide. ¹⁰ Nkaambo nkinkaako nchitubeleka akulwisya. Nkaambo tulalangilila muliLeza muumi, Mufutuli wabantu boonse, pesi ikapati wabasyomi. ¹¹ Mubululami layilila alimwi yiisia zintu eezi. ¹² Kutabi muntu uulangilila aansi bukubusi bwako. Aboobo, kulibaabo basyoma, ba chitondezyo mukwaambula, mukuchita, mulyando, mukusyoma a mubusalali. ¹³ Mane do ndisike, kkala mukubala, mukulumbayiza alimwi a mukuyiisya. ¹⁴ Utalekeleli chipo chili mulinduwe, chakapegwaa kulinduwe kwiinda muchisinsim, akubikwa maanza abapati bembungano. ¹⁵ Bamba zintu eezi. Ba mulinzizyo, kuti kuzwidilila kwako kukaboneke kubantu boonse. ¹⁶ Kolibamba chakulangisisya lwako mwini akukuiiysya. Kkalilila muzintu eezi. Nkaambo mukuchita oobo, uyolifutula lwako alimwi abaabo batakaswiilizye nduuwe.

5

¹ Utanokkalalili mwaalumi mupati. Aboobo, komunyampula mbuli mukuti ngundeende. Kobanyampula baalumi banini mbuli bakulana, ² banakazi bapati mbuli mamama, alimwi basimbi banini mbuli bachizi, mubusalali boonse. ³ Lemeka bamukabafu, bamukabafu banchoonzyo. ⁴ Pesi kuti mukamufu kali aabana na bazukulu, ngabatangune lwabo kwiiya kutondezya kulemeka mun'anda yabo beni. Ngababweeedezye bazyali babo nkaambo eechi chilbitezya kuli Leza. ⁵ Pesi kulooyo mukamufu wanchoonzyo, uucheede kali alike, ubikide bulangilizi bwakwe kuliLeza akwwinkilila kunembo mukuchita nkumbizyo alimwi akupa nkombyo mansiku a sikati. ⁶ Nikubaboo, mwanakazi uupona chakulikondeleyza ulifwide nikuba kachipona. ⁷ Mubululami layilila eezi lubo, kuchitila kuti batabi amulandu. ⁸ Pesi na umwi katakonzyi kupa banzubo zyakwe, kapati kuli aabo bamun'anda yakwe, unoli wakaka lusyomo alimwi wabija kwiinda utasyomi. ⁹ Leka mwanakazi alembwe mbuli mukamufu utali munini kuminyaka iili makkumi aali musanu alimwi kukomena, kali mwanakazi wa mulumi uumwi. ¹⁰ Uli aampuwo yakuchita milimu mibotu, nikuba kuti wakabambide bana, na wakali kusamawusya beenzu, na wali kusanzya mawulu aabasalali

baLeza, na wakalikulemutuzya bali aamapenzi, na wakalilipedelede kumilimu yoonse mibotu. ¹¹ Pesi kuli bamukabafu bachili banini, kaka kubalemba mulibamwi. Nkaambo elyo bakuzundwa kuziyandisyo zyanyama kukubukila Kkilisito bayanda kukkwatwa. ¹² Muliyeeyi nzila bayojana milandu nkaambo banoli bakachilwa mukulipeda kwabo kutaanzi. ¹³ Muchiindi nchicheecho, bayoyiya kuba bakandu akweenda chakuzyunguluka kuzwa kun'anda akun'anda. Tabakoyooba bakandu biyo pe, pesi bayowambuuula zitakwe munse akunjila zyaambo zyabamwi, kabaamba zintu nzibateelete kwaamba. ¹⁴ Nkinkaako ndiyanda banakazi banini kuti bakkwatwe kuti bazyale bana, kuti babambe mpuli, alimwi akutapa mweenya kuli sinkondonyina kuti atwaambe bubi. ¹⁵ Mboli bamwi mbubakabwedela kuli Satani. ¹⁶ Na kuti kakuli mwanakazi musyomi uli abamukabafu, ngabagwasye, kuchitila kuti imbungano itabi aamukuli, kuti igwasizye bamukabafu banchoonzyo. ¹⁷ Leka bapati bembungano beendelezya kabotu bapegwe bulemu bwiindulwidwe, kwaambisya aabo babeleka ajwi alimwi amukuyiisa. ¹⁸ Mboli makani mabotu mbawamba kuti, "Utamwaangi kumulomo musune aawo nachilyatila zilyo" alimwi "Similimu uleelede kujana mpindu yakwe." ¹⁹ Utatambuli kubejelezya kwiiminana abapati, adukuti kube babili na batatu bapa bukamboni. ²⁰ Lulamika basizibi kunembo lyabantu boonse kuchitila kuti bamwi bayowe. ²¹ Mubululami ndakulayilila iwe, kunembo lyaLeza aJesu Kkilisito akubangelo basale, kukubamba malayilile chakutabasikusaluzya, akutachita chimwi chintu chakteelanya. ²² Utabiki maanza chakufwambana aluumwi. Utaabilani muzibi zyawumwi muntu. Weelede kulibamba chabusalali. ²³ Tucheedele limbi kunywa manzi. Aboobo, ueyelede kunywa wayini muche kuchitila bula amalwazi aakoakkala kakuchisa. ²⁴ Zibi zyabamwi bantu zilizibikene aantanganana, alimwi zyeenda kunembo lyabo mulubeta. Pesi zibi zimwi zitobela musule. ²⁵ Mbubonya oobo, imwi milimu mibotu ilizibidwe antaanganana, pesi nikuba imwi tikonzyi kusisigwa.

6

¹ Leka boonse balimunsi ejogwe mbuli bazike babone basimalelo babo kabeelela boonse bulemu. Beelede kuchita eechi kuchitila kuti izina lyaLeza alimwi aluyiisyo lutakasampawulwi. ² Bazike bali abasimalelo babo basyoma tabeedelede kutondezya kutabalemeku nkaambo mbanayina. Aboobo, beelede kubabelekela milimu mukwiindilila. Nkaambo basimalelo bagwasikana amilimu yabo mbasyomi alimwi mbayandisi. Yiisa alimwi waambe eezi zintu. ³ Na umwi wayiisyia injiisyo yakubeja alimwi katazuminani amajwi aalamunse aMwaami wesu Jesu Kkilisito alimwi ayabunaleza injiisyo, ⁴ ulalisumpula alimwi takwe nchamvwisisisya pe. Uli aachiyandisyo chisofweede mukukazanya akubonisyanya aatala amajwi ayeta lunyemo, kulwana, zisapi, kuyeeeyelana bubi, ⁵ alimwi akulwana kutamani aakati kabantu bali aabuntu bwamiyeyo mibi. Bakasweekelwa simpe alimwi bayeya kuti bunaleza ninzila yakujanisya mali nydingi. Amwi malembe achiindi alayungizizya mukulumbayiza, Musosoloke kuzwa kuzintu zilibobu. Pesi malembe mabotu achiindi lok taajisi. ⁶ Lino bunaleza buli aakukkutisikana nkulijanina kupati, ⁷ nkaambo takwe nchitwakeeta munyika, alimwi takwe nchiinga tulakonzya kugwisya mulinjiyo. ⁸ Aboobo, ngatukakkutisikane achakulya akuzisamo. ⁹ Lino aabo bayanda kuba bavubi bawida mumasunko, mukakole. Bawida

mubufubafuba bwiingi amuziyandisyo zinyonyoona, alimwi kufumbwa mulizimwi zibbizya bantu mukunyonyooka amukumwaya. ¹⁰ Nkaambo luyando lwemali tuyanda wamisyobo yoonse yabubi. Bamwi bantu bayiyanda bakasowegwa kulusyomo alimwi bakalyasa akumvwa machise mapati. ¹¹ Pesi iwe, muntu waLeza, chija kulizeezi zintu. Tobela bululami, bunaleza, kusyomeka, luyando, lukakatilo, alimwi a bubombe. ¹² Lwana kulwana kubotu kwalusyomo. Jatisya buumi butamani ooko nkuwakiitwa, alimwi ooko nkuwakapa kwaamba kabotu kunembo lyabakamboni biungi. ¹³ Ndapa malayilile aaya kulinduwe kunembo lyaLeza, uupa buumi kuli zyoonse zintu, alimwi kunembi lyaKkilisito Jesu, wakaamba chakasimpe kuzumina kubotu kunembo lyaPontiyasi Pilato, ¹⁴ kuti abambe mulawu kakutakwe kampenda na kusolwa, kusikila kukuboneka kwaMwaami wesu Jesu Kkilisito. ¹⁵ Leza uyootondezya kuboneka kwaKkilisito aachiindi cheelede - Leza, wakalongezegwa alimwi Singuzu alike, Mwaami weendelezya aMwaami utontoga. ¹⁶ Alike utafwi alimwi uukkala mumumuni utakonzyi kuswenegwa aafwifwi. Tawo pe muntu kumubona na ukonzya kumulanga. Kulinguwe akube bulemu abweendelezi butamani. Ameni. ¹⁷ Mubululami layilila ibanotede munyika iino kuti batabi balisumpula alimwi batabi balangilila kubunoti, butazibinkene. Aboobo, beelede kuba aabulangilizi muliLeza. Ulapa kulindiswe toonse bunoti bwanchoonzyo kuti tunonenwe. ¹⁸ Baambile bachite bubotu, banote mumilimu miubotu, akupa kwiindilide alimwi bayandisy e kwaabana. ¹⁹ Munzila eeyo bayoolilondweda beni intalisyo mbotu yacheecho chizoosika, kuti bakalijatile buumi loko. ²⁰ Timiti, kkwabilila chakapegwa kulinduwe. Kaka kubula bunaleza, kwaambula kutasalali amiyeeyo iikazyanya kulicheecho chibejelwa kuti nduzibo. ²¹ Bamwi baalumi baamba eezi bakasweeka kuzwa kulusyomo. Luzyalo lube aandinywe.

2 Timoti

¹ Pawulo, mutumwa wa Kkilisito Jesu mukwiinda mu luyando lwaLeza, mukwiinda mu chisyomezyo cha buumi buli muli Kkilisito Jesu, ² kuli Timoti, mwana muyandwi: Luzyalo, lweetelelo a luumuno kuzwa kuli Leza Taata aKkilisito Jesu Mwaami wesu. ³ Ndilumba Leza, ngwekomba kuzwa kuli bamataata, amoyo uutakwe kampenda, mbuli mbemuyeya munkomboyo zyangu mansiku a sikati. ⁴ Mbuli mbendiyeaya misozi yako, ndiyandisyis zyangu kubukona, kuti ndizule alukondo. ⁵ Ndali kuyeezegwa alusyomo lwako lwinilwini, oolo Iwakali muli banyookulu Loyisi an-banyoko Yunisi, alimwi ndili aakasimpe kuti lulakkala mulinduw ayebo. ⁶ Nkenkaako nkendakuyeezezya kuti ubukulusye chipo chaLeza chili mulinduw chakaba kandikubika maboko. ⁷ Nkaambo Leza taakatupa muuya wabuyoofu, pesi wamanguzu a luyando akulibamba. ⁸ Aboobo utabi eenso ni abukamboni bwa Mwaami wesu, na lwangu, Pawulo, mwaange wakwe. Nikuba boobo abila mumachise kuchitila makani mabotu mukwiindila munguzu zyaLeza. ⁹ Ngu Leza wakakufutula alimwi wakatiita alwiito lusalala. Wakachita eezi, kutali kumilimu yesu, pesi mukwiindila mumakanze aakwe aluzyaloo. Wakatupa zintu zyoonse eezi muli Kkilisito Jesu zintu zyoonse nkazitanabawo. ¹⁰ Pesi lino lufutuko lwaLeza lwakayubununwa mukulibonia kwaMufutuli wesu Kkilisito Jesu. NguKkilisito wakamaninsya lufu akweeta buumi butamani kumunika kwiindila mumakan mabotu. ¹¹ Nkaambo kacheechi, nchindakasalwa kuba mukambawusi, mutumwa, alimwi muyiisi. ¹² Akaambo kacheechi ndilafwabilo eezi zintu. Pesi nsifwi bweeme, nkaambo ndilizi ooyo ngwesyma. Ndili aakasimpe kuti ulakonzya kubamba eezyo nzindakamupa kusikila eelyo zuba. ¹³ Bamba chitondeezyo chamajwi aamvwika aayo nguvakamvwa kulindime, alusyomo aluyando eezyo zili muli Kkilisito Jesu. ¹⁴ Zintu zibotu Leza nzyakakupu, zibambe mukwiinda mu Muuya Uusalala, uukkala mulindiswe. ¹⁵ Ulichizi eechi, kuti boonse bakkala kuAsiya bakandipapila. Mukabunga aaka muli Figelasi a Hemojinisi. ¹⁶ Mwaami ngape luzyalo kun'anda ya Onesifolasi, nkaambo wakali kundibukulusya alimwi taakaba aamawuse aakwaangwa kwangu. ¹⁷ Nikubaboobo, nakali kuLoma, wakandiyanduula chabusungu, alimwi wakandijana. ¹⁸ Mwaami amujanie luzyalo kulinguwe muli eelyo zuba. Nzila zyoonse nzyakandigwasya mu Efeso, ulizi kabotu.

2

¹ Iwe akooko, mwanaangu, koyuma muluzyalo luli muli Kkilisito Jesu. ² Zintu nziwakamvwa kulindime aakati kabakamboni biingi, zipe kubantu basyomekede aabo bakonzya kuyiisya bamwi abalabo. ³ Njila mubuyumu aantomwe andime, mbuli silumamba mubotu wa Kkilisito Jesu. ⁴ Takwe silumamba uubeleka aawo kachaangidwe mumakan aabumi oobu, kuti aantela ulabotezya ooyo wakamunjiza mumulimu. ⁵ Alimwi, kuti umwi kazundana mbuli sikuchijsana, tapegwi musini ado wabamba milawu yakuchijsana. ⁶ Chileelede kuti mulimi uubeleka changuzu atambule chaabilo chabutebuji kusanguna. ⁷ Yeeya aatala anzindili mukwaamba, nkaambo Mwaami uyokupa kumvwisisisya muzintu zyoonse. ⁸ Koyeeya

Jesu Kkilisito, walunyungu lwaDeviti, ooyo wakabusigwa kuzwa kubafu. Eezi zileendelana amakan iangu mabotu,⁹ ayo ngendifwabila kusika kuchiimo chakwaangwa anketani mbuli simulandu. Pesi ijwi lyaLeza talyangidwe.¹⁰ Aboobo ndakakatila muzintu zyoonse akaambo kabasale, kuti ambweni abalabo bakatambule lufutuko oolo luli muli Kkilisito Jesu, abulemu butamani.¹¹ Ooku nkwaamba kusinizizye: "Twakafwa angue, tuyopona alimwi angue.¹² Na twakatila, tuyoyendeleya aawe. Kuti twamukkaka, alakwe uyootukkaka,¹³ na katutasyomekede, we unoosyomekede lyoonse, nkaambo takonzyi kulitama mwini."¹⁴ Inkilila aanembo nkobayeezya zintu eezi. Bachenjezye kunembo lyaLeza aatala akukazyania aatala ambala; tazigwasyi, aboobo zijaya aabo baswiilila.¹⁵ Kosungwaala kulitondeezya kunembo lya Leza mbuli muttu utambulika, simulimu utakwe chintu chimuusya nsoni, uuyisya kabotu makani aalusinizyo.¹⁶ Leka majwi aabufubafuba, aatola kububi bwindilide.¹⁷ Zyaambo zyabo zilasaalila mbuli kkuni. Aakati kabo kuli Hameniyasi a Filetasi,¹⁸ aabo bakaleya kusimpe. Baamba kuti bubuke bwabasalali bwakachitikana kale, alimwi bamwaya lusyomo lwabamwi.¹⁹ Nekubaboobo intalisyo yaLeza iliimvvi. Illemedwe oobu: "Mwaami ulibezi bakwe" alimwi "Woonse waamba izina lyaMwaami weelede kusosoloka kububi."²⁰ Mumunzzi wabuvubi, teensi zibilkilo zya ngolide a nsiliva luzutu. Kuli zibikilo zya zisamu azya bulongo. Zimwi zyazeezi nzyabulemu, alimwi zimwi teensi zyabulemu.²¹ Pesi kuti muttu walusalazyu kubusofwaazi, uba chibikilo chabulemu. Ulasalwa, abelesegwe asimalelo, alimwi abambililwe milumu mibotu.²² Kochija ngemuzyo zyabukubusi. Yanduula bululami, lusyomo, luyando, alimwi a luumuno ababo bayita Mwaami mumoyo uusalala.²³ Pesi kokaka mibuzyo yabufubafuba a yakutaziba. Ulizi kuti izyala nkazyanio.²⁴ Muzike waLeza tayeelede kulwana pe. Anu kuti weelede kuba mubombe kuli boonse, uukkonzya kuyiisya, alimwi mubombe.²⁵ Weelede kuyiisya chamoyo mubombe aabó bamukazya. Antela Leza ulabapa kusandukila ku luzibo lwa kasimpe.²⁶ Kuti antela bali kuboola kumiyeeyo yabo alimwi akusiya tukkole twa Saatani, ooko nkubakaanglidwe ku luyando lwakwe.

3

¹ Pesi ziba eezi; kumazuba amamanino kuyooba zyiindi zyabuyumuyumu. ² Bantu bayooba basikulyanda, basimuyanya mali, basimuntumbwantumbwa, basikakomokomo, basikasankusanku, batamvvi bazyali, batamvvi bazyali, alimwi batakombi. ³ Basikanchimwa, basimfundilili, basiluvvwiyo lwakutamikizya, batalyeendeleli, basilupyopyongano, batayandi bubotu. ⁴ Basikuuzyania, basikayinya, basikulisumpula, bayandisya misalo yaansi kwiinda kuyanda Leza. ⁵ Bayooba achiwa chabukombi, pesi bayowatama manguzu aabo. ⁶ Eelyo bamwi babo bayoba baalumi banjila mumanda akubweza banakazi bafubafuba. ⁷ Aaba mbanakazi bazwide zibi alimwi bayendelezegwa azisusi zyamisyoo misyobo. Aaba banakazi balayiya chiindi choonse, pesi balakachilwa kusika kuluzibo lwakasimpe. ⁸ Mbubo mbuli Jenisi a Jambulesi mbubakayiminana akukazyania a Mozesi. Muleeyi nzila aaba bayiisi abalabo balakazyania akasimpe. Mbantu balamiyeyo mibi, ibatalomene kulusyomo. ⁹ Pesi tabakoya kunembo. Nkaambo bufubafuba bwabo buyolibonia kuli boonse, mbubo mbuli

bwabaabo bantu. ¹⁰ Pesi webo, wakatobela njiisyu yangu, kweendelezya, makanze, lusyomo, mukkazika moyo, mukuyandaana amulukakatilo, ¹¹ mukupenzegwa, mukuchiswa azeezyo zyakachitika kulindime ku Antiyokkiya, ku Ikkoniyanu, aku Lisitiya. Ndakalemenwa mapensi, kuzwa, muliwoonse, Mwami wakandinununa. ¹² Aabo boonse bayanda kupona chakululama muli Kkilisito Jesu uyoopenzegwa. ¹³ Baantu babi abasikulibeja bayooyindilizya kukubisya. Bayoyenena bamwi. Abaalabo beni balalemenwa. ¹⁴ Pesi webo kojatisya kuzintu nzwakayiia akuzuminisya. ¹⁵ Ulizi kuti kuzwa kubwanikenike wakaziba malembe aasalala. Ulakonzya kukuchita kuti ube musongo mukufutulwa kwiinda mulusyomo muli Kkilisito Jesu. ¹⁶ Magwalo wonse akayoyelwa a Leza. Alikondede kukuiiysa, akoloola akukupandulula makani abululami. ¹⁷ Kulibooobo kuchitila kuti muna Leza alibambe, azulile kuchita wonse mulimu mubotu.

4

¹ Ndakupa lulayililo kunembo lyaLeza aKkilisito Jesu, Oyu uyobeteka bawumi abafwide, alimwi nkaambo kakulibonya kwakwe abwami bwakwe: ² Kambawuka ijwi kolibambilka kuchindi cheelede akuchindi chiteelede. Kosungwala kulaya, akukalila, akukombelezya, akukkazikizya moyo alimwi akuyiisa. ³ Eno chilasika elyo bantu nchebatakaleke kuzumina injisyu yanchobeni. Elyo bayoliyandwida beni bayiisi mukwiindila mukuyanda kwabo. Bayokondelelwa kubaswili kwabo. ⁴ Bayosinka matwi aabo kuzwa kukasimpe, alimwi bayotobela zintu zyabuyo. ⁵ Pesi iwebo, kolibamba muzintu zyoonse, kofwabalika, kochita mulimu wa-mukambawusi; kozuzikizya mulimuwaiko. ⁶ Nkambo imebo ndazulila kale. Ichiindi changu chakwinka chasika. ⁷ Ndakalwana inkondo imbotu; ndakalumana lweendo, Ndakulubamba lusyomo. ⁸ Musini wabusalali ndilubambilidwe, oyo Mwami, mubetesi ululeme ngwayondipa mubuzuba obo, alimwi kutali ndime luzutu, pesi akuli boonse baynada kulibonya kwakwe. ⁹ Kosungwala kuchita kabotu kuti uze kulindime chakufwambana. ¹⁰ Nkaambo Demasi wandikaka. Wayanda zintu zyanyika alimwi winka kuTesalonika. Kkilisensi wakaya kuaGalatiya, alimwi Tayitasi wakaya kuDalumatiya. ¹¹ Luka alike ngulandime. Katole Maako uze awe nkambo ndugwasyo kulindime mumulimu. ¹² Tayichikkasi ndakamutuma kuEfeso. ¹³ Chibaki ncendakasiya kuTiloyasi aKkalipasi, uzacho niwasika, amabbuku, ikapati maapepa. ¹⁴ Alekizanda mufuzi wakatondezya incito mbi kulindime. Mwami uyobwedezya kuli nguwe kwiindila mnchito zyakwe. ¹⁵ Ayebo uledele kulikwabilila kuzwa kulin-guwe, nkaambo wakakazya kapati makani eesu. ¹⁶ Kukubetekwa kwangu kutaanzi, takwena omwe wakimikila andime. Nkekkaako boonse bakan-disiya. Nekwakali kuti batakapegwi mulandu. ¹⁷ Pesi Mwami wakandii-minina akundiuyumya kuchitila kuti, kwiinda mulinduwe, kukambawukwa kuzulile koonse, akuti baMasi boonse bakakonzye kumvwa, ndakanunun-wakuzwa kumulomo wamulavu. ¹⁸ Mwami uyondivuna kulizyoonse incito mbi akundifutula nkaambo kabwami bwakwe bwakujulu. Kulingue kube bulemu kwalyoonse alyoonse. Ameni. ¹⁹ Umujuzye Pulisila, Akkwila, abanganda yaOnesifolasi. ²⁰ Elasitasi wakasyaala kuKkolinto, Pesi Tilofimasi ndakamusiya nkachisidwe kuMiletasi. ²¹ Kosungwala kuboola nechitanasika chiindi champeyo. Yubbulasii ulakujuzya, afakwe

Pudensi, Linasi, Kkilawudiya aboonse bakkwesu. ²² Mwami abe amuuya wako, luzyalo lube anduwe.

Tayitasi

¹ Pawulu, mulanda wa Leza alimwi mutumwa wa Jesu Kkilisito alusyomo lwabantu basalidwe ba Leza alimwi aluzibo lwanchoonzy oolo luzu-minana abuleza, ² abulangilizi bwabuumi bwalyoonse oobo Leza utabeji pe, mbwakasyomezya chiindi kakutana kwaba zyoonse pe. ³ Muchindi cheelede wakayubununa jwi lyakwe mukwinda Kunkambawuko ilinjiyo njindakapegwa mukwinda amukulayililwa a Leza mufutuli. ⁴ Kuli Tayitasi, mwana wanchoonzyo mulusyomo lwesu luzibinkene. Luzyalo alimwi alumuno kuzwa kuli Leza Taata a Jesu Kkilisito mufutuli wesu. ⁵ Nkambo kazeezi nchindakakusila mu Kkilete, kuti ambweni nga ulakonzya kubika zintu mbuzyelede eezyo zitanamana pe alimwi akunanika bazulwidi mumyunzi yoonse mbuli mbundakakulayilila. ⁶ Muzulwidi tayelede kuba akampendape, mwalumi ujisi mwanakazi umwi, ulaabana basyomekene pepe bambwa bubi nikuba kutalemeka. ⁷ Zilayandikana kumupati wabayisyi mbuli sikulanga wang'anda ya Leza kuti itabi abubi pe. Teelede pe kuti abe sinchiki, atabi ulya uwambana kunyemesegwa, pepe ukomedwe kubukande, pepe sinkondo, alimwi pepe simatalo. ⁸ Kwinda kuchita oobo, welede kuba Ailweetelole alimwi mwenzinyina wachili kabotu. Welede kumvwika nzyamba, simuchita zibotu, musalali, alimwi ulizyotolola. ⁹ Welede kujatisya kapati kujwi lilume eelyo lyakaiisigwa, kuchitila kuti akakonzye kuyosungwazya bamwi anjiisyo ilikabotu alimwi akuyolumika aabo bakaka zyakwe. ¹⁰ Ko kuli biangi bantu bapapide baambula zitawope alimwi akuyunga, kapati aabo bakapalulwa. ¹¹ Kulayandikana kubayimikizya. Babilizya mpuli zyoonse akuyiisya kwampindu yabweeme nzibateelede kuiiisya pe. ¹² Umwi wabasinsimi wabo wakaamba kuti, "Ba Kkiletanisi mbabeji choonse chiindi, mbanyama babi, batolo. ¹³ Twambo ooto ntwanchoonzyo. Lino, mabalulamike changuzu, kuchitila kuti amwi ngabalamvwika oobotu mulusyomo. ¹⁴ Pepe kupa kuswilizya abunini kulweeno lwaba Juda nikuba kumalayilile abantu aabo baleya kuzwa kunchoonzyo. ¹⁵ Kuli baabo basalala, zintu zyoonse zilasalala. Pesi kuli baabo basofwede alimwi batazumini pe, takwe pe chisalala, pesi zyoonse nzibapona anzizyo zyakabija. ¹⁶ Balibika bayanda Leza, pesi balamukaka munchito zyabo. mbasesemyi, tabalemeki pe, alimwi tabeedewe nikuba ulibiyeni mulimu mubotu.

2

¹ Pesi iwebo, kowambula zyeleta malayilile ayendelana njiisyo yalusyomo. ² Baalumi bapati babe basitikide, balilemeka, akulibatamika, bayumu mulusyomo, aluyando, antomwe amukakatila. ³ Munzila ikozyenie, koiisya banakazi bapati kuba aachiwa chabulemu, batanotamikizyi, nekuba kuti babe bazike bakunywa bukande, pesi ngababe bayiisyi bazintu zibotu. ⁴ Aboobo amuyiisye banakazi banini kuti bayande baalumi babo akuyanda bana babo. ⁵ Babaiisye kuti kabalibatamika, akusalala, kubamba maanda aabo, akulibombya kubalumi babo, kuti makani a Leza atasampawulwi. ⁶ Munzila ikozyenie, ubasungilizye baalumi banini kuti babe akumvwisisisya kubotu. ⁷ Munzila zyoonse uyelede kuba chitondezyo chamilimu mibotu. Mukuiisya kwako akube kwasimpe abulemu. ⁸ Majwi ngowamba abote, kuchitila kuti kufumbwa

ukazya afwisigwe bweeme, nkambo ulabula chibi chakwamba andiswe. ⁹ Koyiisya bazike kulemekwa baami babo muzintu zyonse, bababotezye pepe kukazyania aabo. ¹⁰ Batanobabbidi, pesi kabatondezya calusyomo lubotu, kuti munzila zyoonse beete kulumbayizya kwenjisyo yejwi lya Leza mufutuli wesi. ¹¹ Nkambo luzyalo lwa Leza Iwalibonia kukufutula bantu bonse. ¹² Lwakatuyiisya kukukazika zintu zitakwe buna Leza azisusi zyenika, akupona chakulijata, akululama, akupona buumi bulabuna Leza muchiindi echino. ¹³ Nituchilangilila kutambula bulangizi bwesu bulongezezegwe kuboneka kwabulemu bwa Leza wesi mupati amufutuli wesi Jesu Kkilisito. ¹⁴ Jesu wakalipeda lwakwe kulindiswe kukutuvvuna kuzwa kuzibi zyoonse akulisalaziza bantu bayandisi abo bakonzya kuchita milimu mibotu. ¹⁵ Amwambuule ezintu ezi, amusungilizye bantu kuzichita, akuzyololola cabwami boonse kutabi naba omwe ukunyansya webo.

3

¹ Mubayeezye kuti balibombye kubendelezi akulibasimulawu, kamubaswlizya, akulibambilila kuli yonse milimu mibotu ² Mubayeezye kutawambula bubi awumwi, kutaba achiyandisyo chakulwana, alimwi abusichamba, akutondezya kuliwinsya kubantu bonse. ³ Nkambo limwi lyamazuba iswe lwesu twakali abaya batayeyi akutaswilizya. Twakazulwidwa mukusweka alimwi akuba mubuzike kwinda aziyandisyo zisiyene siyene alimwi azibotezya. Twakali kupona mububi amumabbivwe. Twakali chisesemyo alimwi katutayandani abamwi. ⁴ Pesi eelyo buuya bwa Leza Mufutuli wesi antomwe aluyando lwakwe Iwakumisyobo yoonse yakayubunuka, ⁵ Tensi kwakali kwamilimo yabusalali obo mbutwakachita swebo, pesi mukwinda muluse lwakwe elyo wakatufutula, kwindila mukusanzigwa a Muuya Uusalala. ⁶ Leza wakafonkola watila Muuya Uusalala alindiswe mukwinda mumufutuli wesi Jesu Kkilisito. ⁷ Ezi wakazichita kuti tululamikwe kuluzyalu, tuzobe basikukona katulabulangizi bwabuumi ibutamani. ⁸ Oyu mulumbe ulasyomeka. Ndiyanda kuti mwambule chabusichaamba atala azintu ezi, kuchitila kuti abo bakasyoma muli Leza bajatisye mumilimo mibotu. Makani mabotu, alalugwasyo kubantu boonse. ⁹ Pesi amuleke kukazyania kwabufubafuba alimwi amazyalani amikowa amapenzi akutamvwananana atala amulawo. Ezyo zintu tazikwe mpindu alimwi tazigwasyi. ¹⁰ Mumukake nabaani uyetelezya kwanzaana akati kanu, nimwamana kumuchenjezya lumwi na tubili, ¹¹ mbuli mbomuzi kuti muntu uliboobo wakasanduka kuzwa munzila iluleme alimwi ulokubisya ulikulipa mulandu lwakwe. ¹² Elwo nindatuma Atemasi naba Tuchikkasi kulindinywe, ufwambane alimwi usike kulindime ku Nikkopolisi, oko nkundakayeyya kulomaninsya chindi champeeyo nkendinkuko. ¹³ Ufwambane utume Zenasi, unikide kumilawu, antomwe a Apolosi, enzila yakuti batakabuli chintu. ¹⁴ Bantu besungabayiye kulinjizya Iwabo beni kumilimu mibotu eyo ipa ziyandisi akufwambana alimwi kuti batabi bantu batazyali michelo. ¹⁵ Boonse abo balandime balikumujuzya. Mubajuze bonse abo batuyanda mulusyomo. Luzyalo alube anywebo moonse.

Filimoni

¹ Pawulo, musungwa wa Kkilisito Jesu, amukwesu Timoti kuli Filimoni, mweenzuma uyandika kali mubelesima, ² alubo kuli Afia muchizi wesu, alubo kuli Akkifasi silumambama, alubo akumbungano ziswanana mun'anda yenu. ³ Luzyalo alube kuli ndiwe aluumuno luzwa kuli Leza taatesu aMwami Jesu Kkilisito. ⁴ Ime abuzuba ngandilumba Leza wangu elyo ndakudombola munkombyo zyangu, ⁵ nkambo ndimvwa atala alusyomo ndolalo kuli Mwami Jesu aluyando ndolalo kuli boonse bantu bakwe basalala. ⁶ Ndikomba kuti kwaabana kwalusyomo lwakwe kuchite kuti lube chiswayo akumvvisisisya kuzwide kwchintu choonse chibotu nchitulacho muMwami. ⁷ Nkambondijisi kukondwa kupati akumbuluzigwa nkambo kaluyando lwakwe, nkambo myoyo yabantu baLeza basalala yakakatalukwa ayebo, mwanama,. ⁸ Lino, nikuba kuti ndijisi koonse kutayowa muliKkilisito kukulayilila iwe kuchita nzyooyelede kuchita, ⁹ nikubabobo nkambo kaluyando, ime ndikombelela kulinduwe kwinda kuti - Ime, Pawulo, munene, alubo lino musungwa waKkilisito. ¹⁰ Ime ndikombeleza kulinduwe nkambo kamwana ngu Onesimasi, ngundakazyala muncheni zyangu. ¹¹ Nkambo chindi chamana taakalikwe mulimo kulindiwe, pesi lino wabamilimu koonse kulinduwe akuli ndime. ¹² Ndamutuma alimwi kulinduwe, ngumoyo wangu. ¹³ Ndalikuyandisyu kuti ndimubambe awfifwi andime kuti azoondichitile milimo kwachindi chinini ndilimumacheni nkambo kamakan mabotu. ¹⁴ Pesi tendalikuyanya kuchita chimwi chintu kanditakwe mvumo yako. Tandilikuyanda nchito zyako zibotu kuti zizwe kukusinikizya pesi kuzwa kubabotu bwakulyandila. ¹⁵ Alimwi kuli zeezi wakaanzanisigwa ayebo kwachindi, kuti uzyoobawe musule akutamani. ¹⁶ Taakwe na chizoba muzike, pesi mbubombubo kwinda muzike, imwanama uyanwa kapati kuli ndime, alubo akwindilila kulinduwe, muzianza zyibili munyama amuMwami. ¹⁷ Kuti kondijisi mbuli mwenzinyokwe, mutambule mbuli ndime. ¹⁸ Kuti kaliwakubisiza nikubaujisi chikwelete chamusyobonzi, chibikke kulindime. ¹⁹ Ime, Pawulo, ndilembeezi aluboko lwangu. Ime lwangu ndizyo yibbadala- kandidadomboli kuti undikweleta bube bwako! ²⁰ Ili, mwanama, leka ndijane zimwi zijanwa kuzwa kulindime muMwami bambulula moyo wangu muli Kkilisito. ²¹ Ndasyoma atala akuswiilila kwako, ndakulembela. Ndilizi kuti ulachita kwinda nzindakulembela. ²² Muchiindi eecho, mundibamble n'anda yabenzu, nkambo ndilangilila kuti kwindilila ankombyo zyanu ndizyoomupegwu lubo. ²³ Epafulasi, musungwama muli Kkilisito Jesu, ulamujuuzya. ²⁴ AMakko alakwe, Alisitakkasi, Demasi, a Lukka mubelesima. ²⁵ Luzyalo lwa Mwami wesu Jesu Kkilisito lube amuuya wako. Amen.

Ba Hibbulu

¹ Chiindi chakale Leza wakaambula kuli basikale besu kwiinda muba sinsimi muysiindi zyiingi alimwi amunzila zyiingi. ² Pesi muli aaya mazuba aamamanino wakaambula kulindiswe kwiinda mumwana mulombe, ooyo ngwaakayimikizya kuti akabesikulya lukonowezintu zyoonse. Nkwiindila mulinguwe alubo Leza wakachita bwaanje. ³ We ngusikubalangala kwabulemu bwa Leza. Bwiiminizi bulimbubo bwabwiime bwakwe. Aboobo ulajata zinti zyoonse amwii ajwi lyamanguzu aakwe. Naakamana kusanzya zibi, wakkala aansi kululyo lwabupati kujulu. ⁴ Wakaba ulanguzu kubangelo mbuli zina ndyakakona liluleme kwiinda aabo mazina. ⁵ Nkaambo nkuli uuli wabangelo Leza ngwakatgi "Uli mwana wangu, sunu ndaba wuso"? Nakuti nguuli wabangelo Leza ngwakati, "Ndiyoba wisi kulinguwe alimwi we uyoba mwana kulindime"? ⁶ Pesi lubo aawo Leza nayeta mwana mutaanzi munyika, we utii, "Boonse bangleo mba Leza beelede kumukomba." ⁷ Aatala abangelo utii, "Nguwe uuchita bangleo bakwe babe myuuya, mpawo balanda bakwe babe malabi amulilo" ⁸ Pesi aatala amwana utuu, "Chuuno chakwe, Leza, chikkala mane kukabe kutamani. Lubeteko lwabwami bwako ndubeteko lwabululami. ⁹ Wakayanda bulumi mpawo wasula kutabaamba mulawu. Nkunkaako webo Leza wako wakunanika amafuta aalukondo kwiinda beenzinyokwe." ¹⁰ "Kumatalikilo, Mwami wakayala matalisyoo aanyika. Majulu milimo yamaboko aako. ¹¹ Bayoonyonyooka, pesi uyooyinkila kunembo. Bayoozakala boonse mbuli chimpanzi chasila. ¹² Uyobavunga mbuli chizwaato mpawo bayosandulwa mbuli chimpanzi chasila. Pesi webo tosanduki, amyaaka yako tiimani." ¹³ Mpesi kuli ooyo bangleo ba Leza bakati amulichili chiiknidi, "Kkala kululyo lwangu mane ndikachite basinkondonyokwe bakabe chilyatilizyo chamawulu aako."? ¹⁴ Teensi bangleo boonse myuuya iibeleka na, abaabo bakatumwa kutabilila aabo bayokona lufutuko?

2

¹ Aboobo tweede kuswilisisya kuleezyo nzitwakamvwa kuti tutaka sosoloki kulinzizyo. ² Nkaambo naa makani akaambwa kubangelo akaboneka kuti ngakusinizya, akuti zibi zyoonse akutaswiilila zipegw chisubulo. ³ Nga tulachija biyeni kuti twawuzya kulufutuko luli boobu? Olu ndulufutuko lwakatalika kwaambilizigwa a Mwami akuzuminwa kulindiswe abaabo bakalumvwa. ⁴ Muchiindi nchicheecho Leza wapa bukamboni, azitondeezyo azigambyo, amaleele asiyene siyen, akwaabilia zipo akwaabilia zipo zya Muuya Uusalala mbuli kuyanda kwakwe ⁵ Nkaambo teensi nkubangelo Leza nkwaka bombya nyika kuti isike, atala anzitwaambula. ⁶ Pesi umwi wakaba kamboni kumwi, kaamba kuti, "Niinzi chitegwa muntu ooyo ngumuyeeya aatala anguwe? Na mwana wamuntu ooyo ngumulikatazya aawe?" ⁷ Wakachita kuti muntu abe ansi kubangelo, wakamusamika bulemu akulemekwa. amwi malembe mapati achiindi achi Giliki alayungizya, alimwi wakamubika aatala yamilimu yamaanza aakwe. ⁸ Wakabika zykoonkse mukuzibombya munsi lyazituta zyakwe." Nkaambo nguwe Leza ngwakabikka qkuzintu zykoonse eezi. Pesi lino tatumazibona pe zyoonse nzyakabikilwa ⁹ Pesi tulikumubona ooyo

wakabikidwe kunsi kubangelo, muchiindi chiniini Jesu, wakasamikwa bulemu akulemekwa nkaambo kamapenzi aalufu lwakwe kuti muluzyalo lwa Leza akalabizye lufu lwabantu boonse.¹⁰ Nkaambo chaleelede kuti Leza, nkaambo zyoonse ziponena nguwe kwiinda mulinguwe, kuti alete myuuya yoonse kubulemu. Chakeelela kulinguwe kuti abe ntalisyo yalufutuko kiizwide kwiindila mukupenzegwa kwakwe.¹¹ Nkaambo ooyo uusalazya abasalizingwa boonse bazwa kumwi. Nkikaako tawuusi pe kubiita kuti banabakwabo.¹² Waamba kuti, "Ndiyolungulula zina lyako kubana bakwesi, ndiyoyimba atala anduwe mukati mumbungano."¹³ Alubo, "Ndiyoosyoma mulinguwe," alubo "Amulange, mpaano mpebede abana mbaakandipa Leza."¹⁴ Aboobo, mbulikuti bana ba Leza banyama abulowa bomwe, Jesu alakwe wakali umwi kuzintu zyiingi ambabo, kuchitila kuti mulufu akakonzye kuzunda ooyo wakali aamanguzu alufu, ooyo, kudyabbulosi.¹⁵ Chakaba oobo kuti akaangunune boonse abao bakaba akuyoowa lufu balkapona buumi bwabo boonse mubuzike.¹⁶ Nkaambo nchoonzyo tanyongani nkaambo kabangelo pe; pesi; ulanyongana loko kumbuto ya Abbulahamu.¹⁷ Aboobo chakaleelede kuti akabe mbuli bana bakwabo munzila zyoonse, kuchitila kuti akabe mupayizi uusyomekede al-imwi uulaluzyalo mubulyidilano azintu zya Leza, akuti akakonzye kweeta lulekelelo kuzibi zyabpantu.¹⁸ Nkaambo Jesu lwakwe wakapenzegwa mumasunko, ulakonzya kugwasiya aabo balikusunkwa.

3

¹ Aboobo, nobakwesu basalala, anywebo muli aalukono mulwiito lwakujulu. Amuyeyeye Jesu, mutumwa alimwi kali mupayizi mupati waluzumino lwesu. ² Wakalisyomekede kuli Leza, wakamusala, mbuli mbaakasyomekede alakwe Mozesi mung'anda ya Leza. ³ Nkaambo Jesu wakajanika kali musalali abulemu bupati kwiinda bwa Mozesi, nkaambo ooyo uuyaka ng'anda ujana bulemu kwiinda ng'anda lwayo. ⁴ Nkaambo ang'anda ang'anda ilamuntu uyiyaka, pesi wakayaka zyoonse ngu Leza. ⁵ Kulilimbi bbazu, Mozesi wakali zyomekede mung'anda ya Leza yoonse. Walkali kaamboni aatala azintu zyalikuzowambulwa mulilya juunza. ⁶ Pesi Kkilisito mwana mweendelezi wang'anda ya Lez. Tuli ng'anda yakwe, na twajatisya kubusichaamba bwesu akubotelwa mukusima kthesu. ⁷ Aboobo, zilimbuli mbawamba Muuya Uusalala uti: "Sunu na mwalimvwa jwi lyakwe⁸ mutayumi myoyo yanu mbuli mulupapi, muchiindi chakusunkwa munkanda.⁹ Awa mpawo bamawuso nibaknodikpapila akundisunka lubo, alubo, mumyaaka makumi one bakabona nchito zyangu.¹⁰ Aboobo zyalane eelyo telyakandibotezya pe. Ndakati, 'Bakkede kabasweeka mumyoyo yabo. Tabana kuziba nzila zyangu.'¹¹ Kulibyo mbuli mbundakonka mukunyema kwangu: "Tabakoyonjila pe mukulyookezya kwangu."¹² Amuchenjele, nobakwesu, kuchitila kuti akati kenu takubi naba omwe uyooba amoyo mubi wakutasyoma, moyo uuchija kuzwa kuli Leza uppuna. ¹³ Pesi, amusungwaazyanie abuzuba, biyo kalitegwa ngu "sunu," kuchitila kuti kutakabi akati kenu uyoyuma moyo nkaambo ka lweeno lwachibi. ¹⁴ Nkaambo twakaba balyidilani aKkilisito, tulijisi busichaamba busimide mulinguwe kuzwa kumatalikilo kuyosika kumamanino. ¹⁵ Aatala azeezi zyakaambwa kuti, "Sunu, na mwamvwa jwi lyakwe, mutayumi moyo yenu, mbuli mulupapi."¹⁶ Ngwani wakamvwa Leza mpawo wapapa? Teensi mbaabo boonse na bakazwa mu Ijipiti kabagwisigwa a Mozesi?¹⁷ Ngwani ngwaakanyemenede kwamyaaka

makumi one? Teensi mbaabo bakabisya na, aabo nbalamitunta yakawida musokwe? ¹⁸ Nkulini nkwaakakonka kuti tabakoyonjila mukulyookezya kwakwe, na kakutali kuli aabo bakatamulemeka? ¹⁹ Alimwi tuli kubwene kuti tebakakonzya pe kunjila mukulyookezya kwakwe nkaambo kakutasymoa.

4

¹ Aboobo atuchenjele kuchitila kuti kutabi umwi aakati kenu uyoboneka kakachilwa kuzuzikizya chisyomezyo nchimwaka siilwa chakunjila mukulyookezya kwa Leza. ² Nkaambo twakabuzigwa majwi mabotu mbuli mbaabede. Pesi aayo majwi taakabagwasya pe aabo bakatajatana mulusyomo abaabo bakalemeka. ³ Nkaambo swebo nitwakasyoma ndiswe tutakanjile mukulyookezya, mbuli mbakaamba kuti, "Mbuli mbundakakonka mubunyeme bwangu, tabakaoyonjila pe mukulyookezya kwangu." Nikuba booboo, milimo yoonse njaakalenga yakamaninsigwa kumalengelo aanyika. ⁴ Nkaambo wakati muli bumwi busena aataka abuzuba bwamusatu atubili, "Leza wakalyookezya mubuzuba bwamusatu atubili kuzwa kumilimu yakwe yoonse," ⁵ Alubo pwakati, "Tabakoyonjila mukulyookezya kwangu." ⁶ Aboobo, mbulikuti kuchili mweenya wabamwi biyo kuti bakanjile mukulyookezya kwakwe, akuti nkaambo kakuti bana Izilayili biangi taakwe nibakunkjila nkaambo kakuleya milawu, ⁷ Leza watala alubo limbi zuba litiegwa, "Sunu." Musule lyamazuba miangi, wakaambuuula kwiinda muli Devidi kuti, mbuli mbuzyakaambidwe kusanguna, "Sunu na mwalmivwa jwi lyakwe, tamuyumyi myoyo yenu." ⁸ Nkaambo kansinga Joshuwa wakabapa kulyookezya, Leza wakalikunowaambuuula aatala alimbi zuba. ⁹ Aboobo mpukuchili kulyookezya kwa Sabata kubambilidwe bantu ba Leza. ¹⁰ Nkaambo awumwi uunjila mukulyookezya kwa Leza, alakwe mwini unoli walyookezya kumilimu yakwe, mbuli Leza mbalyookezya kuli yakwe. ¹¹ Aboobo, atuyandisye kunjila mukulyookezya ooko, kuchitila kuti kutabo uyoonjila mukutaswilila mbuli mbubakachita. ¹² Nkaambo jwi lya Leza lilapona alimwi lilabosya kwiinda panga linenga mabazu aabil. Lilayasa nikuba kuyowanzaania muuya wamuntu amuuuya wa Leza, antoomwe akwaanzaania moolyo aawo mpuuwsaanana. Lilakonzya kuziba ziyandwa aziyeyegwa aamoyo. ¹³ Taakwe chakalengwa chisisidwe kunembo lya Leza. Pesi zyoonse zili salede alimwi zili aantanganana kumenso aakwe ngutweelede kulemeku. ¹⁴ Aboobo, mbukunga tuli amupayizi mupati loko wakayinda mumajulu, Jesu mwana wa Leza, wakapa kuti tujatisye kulusyomo lwesu. ¹⁵ Nkaambo tatuke mupayizi muati uutakonzyi kutufwida nsoni mubutela bwesu. Pesi, tuli aawe wakanjila munzila zyoonse zyamasunko mbulindiswe, kusiya biyo kuti we takwe chibi pe. ¹⁶ Atwiinke aboobo abusichaamba kuchuuno chakwe chaluzyalo, kuchitila kuti tukatambule nsoni akujana luzyalo lwakugwasya muchiindi chapenzi.

5

¹ Nkaambo awumwi mupayizi mupati, wakasalwa kuzwa mabantu, usalilwa kwiiminina bantu muzintu zya Leza, kuchitila kuti apede zipo azipayizyo zyazibi. ² Ulakonzya kubeleka kabotu abatazi abaabo bapapide nkaambo we alakwe ulaabo butela. ³ Nkaambo kazeezi we alakwe kwelede kuti ape zipayizyo zyazibi zyakwe, mbuli mbachita kuzibi zyabantu. ⁴ Alimwi tachili chakwe pe kuti umwi abweze bulemu

bwakwe. Ujiitwa a Leza, mbuli Aaloni mbakabede. ⁵ Munzila njiyeyo, alakwe Kkilisito taakwe naakalisumpula mukulichita mupayizi, Pesi, ooyo wakalikwaambuula aawe wakalikuti, "Ulimwana wangu; sunu ndaba Wuso." ⁶ Kulimbili mbukwaambidwe kulibumwi busena kutgi, "Uli mupayizi walyoonse mbuli Melukkizedeki." ⁷ Muchiindi chakwe chakuba munyama, Kkilisito wakapeda nkambyo azikumbizyo ajwi pati lyakulila misozi kuli Leza, ooyo walikukonzya kumufutula kuzwa kulufu. Wakamvigwa nkaambo kakulila kwakwe. ⁸ Nikuba kuti wakali mwana, wakayiya kuteelela kuzintou nzyakapenzegwa kulinzizyo. ⁹ Wakachitwa mululami mpawo, kubantu boonse bamulemeka, wakabapa lufutuko lutaman. ¹⁰ Wakasalwa a Leza mbuli mupayizi mupati mbuli Melukkizedeki. ¹¹ Tuli aazyikngi zyakwaambula aatala ajesu, pesi kwayuma kupandulula nkaambo mwayuma kumizeeo yenu akukumvwa. ¹² Nikuba muli eehi chiindi mwelede kuba bayiisyi, mucheellede kuba aamuntu umuyiisyi ziyyandikana zya Leza amajwi aakwe. Muyanda malili peepe chakulya chisimide. ¹³ Nkaambo awumi unywa malili tanakomena pe mumajwi aabululami nkaambo uchili mwana mutete. ¹⁴ Pesi chakulya chisimide nchabantu baati. Aba mbaabo banga nkaamo kakukomena kwabo balawiyo mukumvvisisisya kwabo akwaanzaania chibi kuzwa kuchibpotu

6

¹ Mpawo elyo atusimye matalikilo aamkani aaajesu mpawo tuye kunembo akukomena. Tutayali lubo matalikilo azya kusanduka kuzwa kumilimu ifwide azyalusyomo muli Leza. ² Olo matalikilo aanjisyo yazyalubbabatizyo, buyale bwamaboko, bubuke bwabafu, alubeta lutamani. ³ Tuyochita lubo aswe echii naLeza wachizumizya. ⁴ Nkaambo nchiyumu kuli aabo ibakali bamunikilwa, ibalakalabilo zipo zyakujulu, abo bakali basikwaaba baMuuya Uusalala, ⁵ mpawo akulabilo ijwi bbotu lyaLeza amanguzu achiindi chiza, ⁶ pesi abo ibakawa - nkuyumu kubaboozya lubo kukusanduka. Kuloobu akaambo kakuti balikuligankamina lubo Mwana waLeza, mpawo akumusya lubo chaantanganana. ⁷ Nkambo inyiika inywa kumvula iyiwida aachiindi, akumezekwa ziliimwa zilamulimu kuli abo nyika mbiyakaliminwa - eyi ninyika itambula zilongezyo zizwa kuli Leza. ⁸ Pesi ikuti yazyala maamvwa, amanchenyia, tayigwasyi pe elyoo ili awfifwi alutuko. Mamanino ayo alimukutentwa. ⁹ Pesi twakakomenewa kuzintu zili mbubombubo aatala anduwe, nobayandwa, zintu zilangene alufutuko, nikuba kuto twaamba oobu. ¹⁰ Nkaambo Leza takwee lubazu. Takoyoluba mulimu wako aluyamdo nduwakatondeezya kuzina lyakwe, nkaambo wakagwasya basalali bakwe, a lino uchibagwasya. ¹¹ Tuli achiyandisyo kapati kuti awumwi akati kanu akatondezye bukozu bukozyene kumanino, kuti bulangizi bwamu bube bwanchonzyo. ¹² Echi nkokuti mutakabi bakand, pesi batobeleyzi babaabo kwindila mulusyomo abulindizi bakone zisyomezyo. ¹³ Nkaambo Leza naakachita chisyomezyo kuli Abbulamu, wakalikonkezya mwini, mukuti taali kanookonkezya kuli umwi mupati kampatila. ¹⁴ Wakati "Chonzyo ndiyokulongezya a kukomezya myeelwe yako." ¹⁵ Munzila eeyi, Abbulamu wakachijana echo nchakasyomezegwa musule abulindizi buzulide. ¹⁶ Nkaambo bantu balakonkezya kuli umwi mupati kwinda lwabo beni. Kumamanino a twaambo twabo, achizuminano chiyoba mbuli chizuzikizyo. ¹⁷ Elyo Leza nakasala kutondeezya chilaantanganana kuli basimulya lukono

lwazisyomezyo kutasanduka kwabube bwakwe, wakachibikila chizuminano. ¹⁸ Wakachita obu kuti kuzintu zibili zitasandululwi - kuli eecho chitakonzeki kuti Leza abeje - iswe, nitwakachijila kumayubilo, tuyooba akusungwazigwa kupati mukujatisya changuzu bulangizi bu-bikidwe kunembo lyesu. ¹⁹ Tulabulangizi obu mbuli chikwabilizyo chesu a chisimyo chitazunganisigwi chamuuya, bulangizi obo mibusena bwamukatikati kusule a chisitikizyo, oko ²⁰ Jesu, wakeendakunembo lyesu, nkwanjilila mibusena obo akambo kesu. Elyo wakaba mupayizi mupati kwakutamani musule amalayilile aMelikizedeki.

7

¹ Wakali ooyu Melekizedeki mwami wakuSalemu, mupayizi waLeza usumpukide wakaswanana aAbbulamu kaboola kuzwa kwakali ku-fundwa baami mpawo wakamulongezya. ² Nkulinguwe oko Abbulamu nkawaka chibela chaachakummi chazyonse. Lutanzi kupandulwa kwazina lyakwe chaamba kuuti "mwaami wabululami," alimwi utegwa "mwami wakuSalemu," chamba kuti "mwami walumuno." ³ Takwe wisi, takwe banyina, takwe basikale, katakwe nikuba katalika kwa-mazuba anikuba kwabuumi. Nikuba oobo, uyiminide mwana waLeza, nkambo unolimupayizi kwalyonse. ⁴ Bona bupati kuloyu mwalumi wachiindi Abbulamu ngwakapa chipanzi chakkumi kuzintu nzyakatola munkondo. ⁵ Izyalane ly aLevi eelyo litambula mulimu wabupayizi balamalayilile kwinda mumulawu kuti batole zyachakkumi, kabantu nkuukuti chizwa kuli babunyina nikuba kuti ambabo nizyalane lizwa kuli-Abbulamu. ⁶ Pesi Melekizedeki, ulazyalane elyo lyakatali lyabo lyakatambula chakkumi kuzwa kuli mbabo, wakatambula zyakkumi kuzwa kuli Abbulamu akumulongezya, oyo wakali azisyomezyo. ⁷ Takwe zikazyana akuti muntu munini ulongezegwa amupati. ⁸ Mulaya makkani muntu wanyama ulatambula chakkumi, pesi mumakan aya kulibukamboni bwakuti unochipona. ⁹ Mpawo, kwinda munzila yakwambula, muLevi ooyo wakali kutambula chakkumi, alakwe wakali kugwisya chakkumi kwinda kuli Abbulamu, ¹⁰ nkaambo Levi wakali mumubili wazyalane awo Melekizedeki nakaswanana aAbbulamu. ¹¹ Lino anoli bululami bwakali konzekene kwindila mubupayizi bwabu Levi (aawo muunsi azezi bantu bakatambula mulawo), ninzi eecho chakali kuyandikana kunembo eecho chinoli chakalelede kubawo kuti kube umbi mupayizi kuti abewo kunembo mubube bwa Melekizedeki, mpawo kitatolegwi kuti ibe kunembo kuliAalon? ¹² Mpawo kuti bupayizyo bwasandulwa, mulawo awulawo uyelede kuti wasandulwa. ¹³ Ooyo umwi wambwa azeesi zintu ngwawumbi musyobo, utakwe umwi wakali wabelekelo achipayililo. ¹⁴ Lino zilantanganana kuti eezi zizwa kuli Juda oko Mwami nkawazyalilwa, musyobo Mozesi ngwakwakatamba atala abupayizi. ¹⁵ Ezyo nzitwamba zimvwikka loko zyakuti anoli umwi mupayizi wabuka muchikozya chaMelekizedeki. ¹⁶ Tewakalanagene loko pe aziyandikana amulawu wanyama kukuba muapayizi, pesi wo wali atala amanguzu abuumi butamani. ¹⁷ Nkambo magwalo ababukamboni angue: "Ulimupayizi kwalyoonse kwinda mumabmba aMelikizedeki." ¹⁸ Tazyambi kuti ayo malayilile achindi akabikwa kumbi kumbali akaambo alikumpeme akubula mulimu. ¹⁹ Nkaambo mulawo takwe nchwakachita chiluleme - pesi alubo bulangizi balimbubo bwakazibisigwa kwinda nituswena kuliLeza. ²⁰ Chamba kuti tezyakali achikonke pe! Bamwi bakaba

bapayizi kabatakwé chikonke pe. ²¹ Pesi wakaba mupayizi kwinda muchikonke nchaakatola kulumwi ooyo wakati kulinguwe, "Mwaami wakakonka alubo taakwe nazosanduka pe muzezo wakwe: Ulimupayizi kwalyoonse." ²² Alubo kuli eechiJesu wakapa chisinizyo chachizuminano chilimbubo. ²³ Bapayizi bataanzi bakali biingi mumweelwe, mbulu kuti lufu lwakabakachizya kuti bayimkilile nkabali munganda yamulimu. ²⁴ Pesi akambo kakuti Jesu ulapona kwalyonse, ulabupayizi bwalyoonse. ²⁵ Mpawo ulakonzya lubo kufutula chakumanina basikila Leza kwinda mulinguwe nkaambo choonse chiindi uponena kubakombela. ²⁶ Nkaambo nochoonzyo chaakelela kuti tuube amupayizi mupati, ooyo usalala, utakwe chiibi, uwanzanisigilwe kuzya kuli basizibi akusumpulwa ataala lyamajulu. ²⁷ Ooyo utayandi, uatali mbuli bapayizi balaajula, kuti ape zipayizyo zyabuzu abuza, kutaangu chazibi zyakwe, mpawo zyazibzi zyabantu. Nakachita eechi lumwi kuli boonse nakalipeda. ²⁸ Nkambo mulawu upa bapayizi kumuntu ulabukompami. Pesi ijwi lyachi chikonke, eelyo lyakaza kunembo amulawu, lyakapa mwana, ooyo wakasalazigwa kwalyoonse.

8

¹ Lino kaambo nkitulikwaamba: Tulijisi mupayizi mupati wakkala aansi kuluboko lwachilisyo lwachuuno chabulemu cha Singuzu zsyoonse mumajulu. ² Mubeleki mubusena busalala, idyuumba lya choonzyo, elyo Mwami pepe muntu, ndyakayala. ³ Woonse mupayizi ulasalwa kuti ape zipo antjoomwe azituuzyo. Lino kulayandikana kuba achimwi chakupa. ⁴ Lino koonzinga Jesu uli aanyika, tewalikunoba mupayizi kale pe, mbulikuthi kuli aabo bapa zipo kwinda mumu lawu. ⁵ Babeleka kabatobeleyza alimwi munzinzimwa wazintu zyakujulu. Kuli biyo mbuli Mozesi mbaka chenjezegwa a Leza naakali waamba kuyaka dyumba: Leza wakaamba kuti, "Langa kuti uchite zyoonse mbuli mumabambe aayo ngwaakatondezegwa aatala lyachilundu." ⁶ Pesi lino Jesu watambulwa mumbungano ilimbubo, mbuli mbali simwiima akati kachizuminano chilimbubo eecho chichita zisyomezyo zilimbubo. ⁷ Kuti eechiya chizuminano chakutanguna teechakali abubi, taakwe nikwalikuno chitwa chimbi chizuminano. ⁸ Elyo Leza nkalikunoonga wajana bubi abantu, wakalikwaamba kuthi, "Amubone mazuba ayobuza, mbwaamba Mwami - elyo nndiyo chita chizuminano chipya ang'anda ya Izilayeli alimwi ang'anda ya Juda. ⁹ Takukwe nikuyoba mbuli chizuminano nchindakachitide abasakike benu mubuzuba mbundakabajata akuboko kubagwisya mu Ijipiti. Nkaambno tebakeenda muchizuminano changu, alimwi ndakabatakata - mbawamba Mwami. ¹⁰ Nkaambo eechi nche chizuminano nchindiyochita ang'anda ya Izilayeli musule lyamazuba ayo - mbawamba Mwami. Ndiyobikka milawu yangu mumizeeza yabo, alimwi ndiyoyi lemba mumykoyo yabo. Ndiyoba Leza wabo alimwi bayoba bantu bangu ¹¹ Tabakoykooyiisa basimabambanwa babo na bana bakwaabo kabati, 'Ziba Mwami.' Nkaambo boonse bayondiziba], kuzwa kumuniini kuyoosika kumupati wabo. ¹² Nkaambo ndiyooba aluzyalo kuchito zyabo zyakutululama, alimwi nsikoyozieeya lubo pe zibi zyabo." ¹³ Mukwiita chizuminano echii kuti, "chipya," wakachita chizuminano chakusanguna chibe chikulukulu. Alimwi eecho chaba chachiindi alimwi kachili chi kulukulu chaba afwiifwi kuti chiinde.

9

¹ Lino nikuba chizuminano chitanzi chakalijisi milawo atala akukukomba abusena bwachiyubilo chaansi. ² Nkaambo dumba lyakukombela mwakalichibikilo chalambe atebuli, achinkwa chabuliwo bwakwe, bwakali kuyitwa kuti busena busalala. ³ Musule adembo lyachibili kwakali limbi dumba lyakukombela, buitwa kuti busena busalalisya. ⁴ Lyakali angolide yachipayililo yatununkilizo. Alimwi ilabhokesi bwachizuminano, yakazililwidwe angolide koonse, koonse. Mukati mwakali nkomesi yangolide yakajisi chitegwaa maana, musako waAloni wakalinonga wasyukila aya mabbwe akalembedwe majwi achizuminano. ⁵ Atala abhokesi lyachizuminano, bangelo bajisi bulemu bakavumbide chivunisyo, echo chitutakonzyi kwambula atala anchicho mubunike. ⁶ Nizyakamana kubambwa ezi zintu bapayizi choonse chiindi bakalikunjilila mung'andu yakunze ya dumba lyakukombela kuti bakachite milimu yabo. ⁷ Pesi mupayizi mupati luzutu wakanonga wanjila mung'anda yakunze ya dumba lyakukombela kuti bakachite milimu yabo. ⁸ Muuya usalalala wakatondezya kuti na dumba taanzi kalichimvvi mukati kanzila yabusena busalalisya butaboneki. ⁹ Echi chakulitondezya muchindi echo zyonse ziipo azipayililo ezyo lino zilikupegwa tazichiti kusalazya bakombi amamvwido. ¹⁰ Balalangilila kupela chakulya akunywa azyakutula zisiyene - siyene zyakusamba, malayilile amibili kusiika chiindi chabubambululwe bupya. ¹¹ Kilisito nakasika mbuli muapayizi mupati wazintu zibotu zyaksika wakeenda mukati kadumba lyakukombela pati lisalalisya litesi lyakabumbwa amaanza abantu chimiwi kachitali chanyika eyi yakalengwa. ¹² Tekwakali kwabulowa bwampongo abwang'ombe, pesi abulowa bwakwe obo bwakanjilila mibusena busalalisya kamwi kwalyoonse akujana akukwabilila kwaununuko lwenu lutamani. ¹³ Kansinga bulowa bwampongo abaasune, akusansayilwa kwadyota kulibabo bakalisofwazya zyakaba salazya kukusanzigwa kwamibili yabo, ¹⁴ buyoba byeni bulowa bwaKkilisito, ngwani mukwiinda mumuya uusalala utamani wakalipeda lwakwe mwiini kutakwe kampenda kuli Leza, kuto asalazye kubisyia kwesu kuzwa kumilimu ifwide kuti babelekele Leza upona? ¹⁵ Akambo kabobu ngusikwima akati wachizuminano chipya. Ezi zillimbulikuti kuzwa kuchindi lufu nilwakabweza busena mulwangunuko kulibabo bali ansi achizuminano chitanzi kuzwa kuzibi zyabo, abo bayitwa kuti bayojana chisyomezyo chitamani chalukono. ¹⁶ Awo ali chiyandisyo, lufu lwamuntu wakuluchita uyoluzuzikizya. ¹⁷ Nkaambo kuyanda kubabiyo nakwakaba lufu, nkaambo takwe lukakatizya kuliyyo wakalumbwa uchipona. ¹⁸ Pesi alacho chizuminano chitanzi chakabambwa kachitakwe bulowa. ¹⁹ Kufumbwa Mozesi wakalikupa lulayililo luli mumulawu kubantu kubantu boonse, wakabweza bulowa bwabana bang'ombe ampongo, ameenda, buluba busalala, amichelo yahisopi akubusansila zyoonse ibhuku abantu boonse. ²⁰ Wakati, "Obu mbulowa bwachizuminano echo Leza nchakamulayilila." ²¹ Alubo wakasansila bulowa mu dumba lyachikombelo azyoonse zibikilo zyakalikubelesya mumilimu. ²² Mbuli kumulawo zyoonse zyakasalazigwa abulowa kakutali kutika kwabulowa takwe lulekelelo. ²³ Nkinkakako nchikwakalikabotu kuti, zikozyanyo zyazintu zyakujulu kuti zisalazigwe azipayizyo zyabanyama aba. Aboobo, zintu zyakujulu lwazyo zyakaledele kusalazigwa azipayizyo zilikabotu. ²⁴ Nkaambo Kkilisito takanjila mibusena busalalisya bwakachitwa

amaboko, kachili chikozyano chawumwi wakasimpe. Pesi wakanjilwa kujulu lini kuti alibonye mubuliwo bwaLeza mulindiswe. ²⁵ Takayinka oko kuti akalipe mwini muzintu zyiingi, mbuli mbuwakachita mupayizi mupati, unjila mubusena busalalisaya bwamunyaka amunyaka abulowa bwawumwi. ²⁶ Nikuli aka nkikaambo, mpawo ulelede kufwaba muzintu zyiingo kuzwa kuntalisyo yanyika. Pesi lino wasika chantanganana kumamanino azyiindi kuzogwisya kulibali azibi kulipayiza kwakwe mwini. ²⁷ Mbuli muntu bwakasalwa kuti afwe kamwi, alimwi kuzwawo kuyosika lubeta. ²⁸ Alubo, Kkilisito wakapedwa lumwi kuti agwisye zibi zyabiingi, alimwi uzoboneka Iwabili, kuti atazobi abwendelezi azibi, pesi lufutuko kulibabo bamulindilide.

10

¹ Nkaambo mulawu mwenzwide bikupayilwayo wazikntu zibotu zichiza, kawutali chiimo loko pe chazintu eezi. Aabo baza kuli Leza tabakonzy pe kululamikwa anzizyo zipayizyo nzibaswini kabapayila munyaka amunyaka. ² Mulikumwi kwaamba konzo zipayizyo tezyaka yimkizigwa? Na kakuli boobo, na kazili zyasalazigwa zyamanina aatu, basykomi teensi balikunoba kabaziba zibi pe. ³ Pesi muzipayizyo eezi kuli kuyeezegwa kwazibi amunyaka amunyaka. ⁴ Nkaambo tazichiti pe kuti bulowa bwaba pule bang'ombe ampongo bumane milandu. ⁵ Lino Kkilisito naakasika munyika, wakati, "Zipayizyo azipo tenzizyo nzwakayandisisya pe. Pesi, wakali mubili ngumwakandibambila. ⁶ Kazitali muzipayizyo zitendedwe na zipayizyo zyazibi nzimwakabotelwa kulinzizyo. ⁷ Mpawo ndakati, 'Langa, ndasika, mbuli mukulembedwe atala andime mumalembe, chita kuyanda kwako.'" ⁸ Kakutanguna wakati, "Teensi zipayizyo pe, na zipo, niziba zyoonse zipayizyo zyakuumpa, mna zipayizyo zyazibi nzimwakalikuyanda. Na kubotelwa mulinzizyo." Eezi nzezipayizyo zipegwa kwiinda mumulawu. ⁹ Mpawo wakati, "Langa mpawa ndili wano kuti ndichite lkuyanda kwenu." Wakagwisya mabelekelo mataanzi kuti asangune mabelekelo aabili. ¹⁰ Munzila eeyi, twakasalazigwa kwiinda mukupayilwa kwamubili wa Jesu Kkilisitu mpawo kwamanina aatu. ¹¹ Kulilimwi bbazu, buzuba abuzuba, awumwi mupayizi ulayimikila kubelekela Leza. Ukkede kapayila zipayizyo nzizyo nzizyo, nikuba tazikwe nizisalazyza zibi pe. ¹² Kuli limwi bbazu, Kkilisito wakapayila chipayizyo chomwe kwa lyoonse, wakakkala ansi kululyo lwa Leza. ¹³ Ulilindide mane basinkondonyina bakachitwe chilyatilizyo chamawulu aakwe. ¹⁴ Nkaambo achipayizyo chomwe wakalulamika aabo balikusalazigwa. ¹⁵ Alimwi Muuya Uusalala ulatwaambilila kulindiswe. Nkaambno usanguna kati, ¹⁶ "Eechi nchechizuminano nchesikachite aabo musule lyawayo mazuba ayo, mbawamba Mwami. Ndiyobikka milawu yangu mumyoyo akwilemba mumizeezo yabo ¹⁷ Taakwe nesikaziyeeye lubo pe zibi zyabo." ¹⁸ Lino aawo ali kulekelelwa kwabaaba, taachikwe nikucheelde zipayizyo zyazibi pe. ¹⁹ Aboobo, bana bakwesu, twaba achaamba chakunjila mubusena busalalisya nkaambo kabulowa bwa Jesu. ²⁰ Njenzila mpya yakupomna njatujuilila kwiinda mudyembo nkukwaambo kuti mubili wakwe. ²¹ Nkaambo tujis mupayizi mupati kampatila wang'anda ya Leza, ²² atunjile amyoooyo yachoonyo amuluyoso luzwide, moyo yesu kiisaaledekuzwa kumizeezo amibili yesu kisanzizigwe amaanzi aaslala. ²³ Alukbo ngatujatisye katutazungani kubulangizi mbutulingulula, nkaambo ooyo wakasyomezya ulisyomeked.

²⁴ Tuyeесese mbutunga tulasungwaazyania umwi awumi mumilimu yaluyando. ²⁵ Tutanoleki kuswaanana, mbuli mbubakaleka bamwi. Pesoi agtusungwaazyanie umwi awumwi mukuvula akwiinkila kunembo mbuli mbumukubwene kuti buzuba bwaba afwiifwi. ²⁶ Kuti na twachita chibi achaali musule akutambula busongo akasimpe, chipayizyo chazibi tachichiwo pe. ²⁷ Pele kwasyaala biyo kubetekwa kuyoosya, abukali bwamulilo buyotentza basinkondonyina ba Leza. ²⁸ Kufumbwa uukaka mulawu wa Mozesi ulafwa katausilwi pe kakuli bakamboni babili na nbatatu. ²⁹ Muyeyea kuti nga chilatana aali chisubulu chipegwa ooyo wakaba kunsi lyamawulu aMwana wa Leza, oyo wakabweza bulowa bwachizuminano mbuli butasalede, - bulowa bulimbubo bwakamulalamika - mpawo wakatukila Muuya waluzyalo? ³⁰ Nkaambo tulimuzi wakati, "Kukolotya nkukwangu; ndiyobbadala." Alubo, Mwami uyobeteka bantu bakwe." ³¹ Nchintu chiyoosya kuwida mumaboko a Leza uupona. ³² Pesi aukayeeye mazuba akusanguna nimwakajana mumuni, kuti mwakasima biyeni mukulwana amukoomba. ³³ Mwakaba akusampawoulwa aluundu akupenzegwa, alimwi mwakali kwaabilana abaabo bamwi bakiinda mubusampawuzi amapenzi aya. ³⁴ Nkaambo mwakali aluse kuli aabo bakangidwe alimwi mwakali kutambula amoyo omwe kunyanzigwa zintu zyenu. Mwakalizi lwanu kuti mwakalizi kuti mulijis lubono lutamani. ³⁵ Aboobo tamusowi chaamba chenu, chijyoomweetela mpindu mpatti. ³⁶ Nkaambo muyanda kuba akukakatila, kuchitila kuti mukatambule eezyo Leza nzyakamusyhomezya, kamuli mwachita luyando lwakwe. ³⁷ "Nkaambo muchiindi chifwiifwi chimboola, ooyo uzabuza ulasika alimwi tachedwi pe." ³⁸ Mululami wangu uyoopona alusyomo. Naayoowa, nsikoyoomubotelwa pe." ³⁹ Pesi tatuli babaabo bawa pe kababweeda kukunyonyoonwa. Pesi, tuli bamwi babaabo bajisi lusyomo lwakubamba myuuya yesu.

11

¹ Lino lusyomo nkuba akasimpe kazintu zilangilidwe alimwi abwini bwazintu zitaboneko. ² Aboobo nkaambo kacheechi basikale bakatambulika nkaambo kalusyomo lwabo. ³ Kwiinda mulusyomo tumvvisiya kuti nyika yakalengwa akulayilila kwaLez, kutondezya kuti iziboneka tezyakalengwa kuzwa kuzintu zyakali kuboneka. ⁴ Nkaambo kalusyomo Abbelu wakapa Leza chipayizyo chibotu kwiinda cha Keyini, nkakasunkwa aacho kukuba mululami alimwi Leza wakambula kabotu aatala angewe nkaambo kazipayizyo zyakwe, alimwi kwiinda mulusyomo Abbelu uchambuu nikuba kuti ulifwide. ⁵ Nkaambo kalusyomo Inoki wakatolwa biyo kujulu katabwene lufu. "Taakajanika nkaambo Leza wakamubweza." Awo katana tolw, kwakaba bukmaboni bwakutti wakali wabotezya Leza. ⁶ Lino uti kakutakwe lusyomo tazikonzeki pe kumubotezya. Nkaambo chileelede kuti kufumbwa uuza kuliLeza welede kusyoma kuti mpali alimwi mulumbuli wababo bamuyandula. ⁷ Ndusyomo lwakachita kuti Nowa, nakali wapegwa mulumbe wakujuju aatala azintu zikatalina boneka mukuba abulemu buli abunaLeza wakayaka bwaato ktui afutule mpuli yakwe. Mukuchita oobu wakiipa mulandu nyika eelyo wakaba simulyazina wabululami buza alusyomo. ⁸ Ndusyomo lwakachita kuti Abbulamu, nakiitwa wakateelela wiinka kubusena, oobo mbwakelede kutambula mbuuli lukono. Wakazwa wiinka, katanzi nkwaali kuya. ⁹ Ndusyomo lwakachita kuti akale munyika

yechisyomezyo mbuli muzwa kule. Wakakala mumatente antoomwe aAyizeki ajekkobbu, basimulyazinanyina kuchisyomezyo chomwe biyo. ¹⁰ Nkaambo wakali kulangilila kugunzi lilaantalisyo mubambi amuyaki wazyo kali nguLeza. ¹¹ Mulusyomo - alimwi Sala lwakwe wakali ngomwa wakatambula kukonzya kumita mwana mubuchembe bwakwe, mukubona kasyomekede oyo wakapa chisyomezyo. Kulimubuzyo wakutii lwakali lusyomo lwaAbbulahamu na kana IwaSala lwakali kuboneka awa. Mulusyomo Sala, nikuba kuti wakali wachembala, wakatambula nguzu zyakuzyala mwana, nkaambo wakabona kasyomekede oyo wakapa chisyomezyo. ¹² Aboobo kuzwa kumwalumi oyu omwe alimwiwakali wamba kufwa - kwakazyalwa bana bingi mbuuli nyenyeesi zya julu alimwi batabaliki mbuuli luseese lwakumbali alwizi. ¹³ Chakali mulusyomo kuti boons aaba bakafwa kabatatambwide zisyomezyo. Muchiindi eecho, nibaka ibona akuzi juzya kazili kule, bakazumina kuti bakali banasinakooma munyika. ¹⁴ Kuli aabo baamba zintu ziliboobu babika antaanganana kuti bayandula nyika yakukala. ¹⁵ Nikwali kuti bakali kuyeeya nyika njibakazwa kulinjiyo bali kunoowujana mweenya wakubweeda. ¹⁶ Pesi mbuuli mbuzibede bayndula nyika mbotu kwiinda, nkokuti, yakujuulu. Aboobo Leza takwe nsoni akwambwa kuti nguLeza wabo, mbuli kuti wakaba bambila muunzi. ¹⁷ Nguwakali mwana wakwe omwe biyo ngwakapedekezy, ooyo wakatambula zisyomezyo. ¹⁸ Ezi zyakambilwa Abbulahamu, "mazyalane aako ayowuzikwa kwindila muli Ayizeki" ¹⁹ Abbulahamu wakayeeya kuti Leza wakalikukonzya kumubusya Ayizeki kuzwa kubafu, alimwi kwaambisya mumaboneno aakwe wakamutambulalubo kuzwa kulimbabo. ²⁰ Ayizeki wakalongezya Jekkobbu alsawu kwindilila mulusyomo aatala azintu zyakachiyobuza. ²¹ Kwindila mulusyomo Jakkobbu naakaba afwiifwi akufwa wakalongezya banaba-JOzefu balombe umwi awumwi. Jekkobbu wakakomba, kakoteme aamufunko wakwe. ²² Kwindila mulusyomo Jozef, mamanino aakwe naakab aafwifwi, wakambuula atala akulonga kwabana ba - Isilayeli kuzwa ku - Igipite alimwi wakabalayilila aatala amafuwa akwe. ²³ Kwakalikwindila mulusyomo, Mozesi naakazyala, wakasiswa kwamyeezi yotatwe abazyla bakwe nkaambo bakabona kuti mwana mubotu. Tabayowede kulayilila kwamwami. ²⁴ Kwakkali kwiindila mulusyomo kuti Mozesi, naakakomena wakakkaka kwambwa kuti mwana waFalo. ²⁵ Wakasala kupenzegwa antoomwe abantu baLeza kwiinda kulibotzya abunone bwachibi chindi chinini. ²⁶ Wakayeya kuti kusampulwa kwakutobelaa Kkilisito bwakali buvubi batpati kwiinda buvubi bwaIgipita. Nkaambo meno aakwe wakaabikide kubulumbu bwakwe. ²⁷ Mulusyomo Mozesi wakazwa Igipita. Takwe nakayoowa bukkali bwaMwaam. Takwe nakayoowa bukkali bwaMwaam, nkaambo wakakalatila aanga wakali mubwene ooyo uutabonwi. ²⁸ Alusyomo wakabamba Pasika akusansilwa kwabulowa, kuchitila kuti sikujaya bana bataanzi atagumi bana babana-Izilayeli balombe batanzi. ²⁹ Alusyomo bakiinda mu; wizi lwamatete mbuli kwiinda aanyika njumu. Awobana-Igipita nibakayanda kuchita oobo bakamenwa. ³⁰ Alusyomo bulambo bwakuJelikko bwakakkolomoka musule akuyungulukwa kwamazuba alimusau abili. ³¹ Zyakachitika mulusyomo kuti sibwaamu taakafwa pe antoomwe abasikutaswilila, nkaambo wakatambula basikutwela muluumuno. ³² Ninzi chimwi nchekonzya kwaamba? Ichiindi nsikoba aacho kuti ngambuule zyaGidiy-

oni, Bbalakki, Samisoni, Jefutati, Devidi, Samiyeli alimwi atala abasin-simi. ³³ Kwakali kwindila mulusyomo kuti bakazunda zisi, bendelezya, bululami, alimwi bakatambula zisyomezyo. Bakajala milomo yabalavu, ³⁴ akuzima nguzu zyamililo, bakaloboka kuyaswa asumu, bakaponesegwa kumulwazi bakaba basinguzu munkondo, akuzunda basilumamba bamazwa kule. ³⁵ Banakazi bakatambula bafu babo abubuke. Bamwi bakoomba akufwabisigwa, kabatatambuli kwangununwa kuchitila kuti bajane bubuke bubotu kwiinda. ³⁶ Bamwi bakatambula kunyansigwa aunabbwa, alimwi amaketaniakubikwa muntolongo. ³⁷ Bakatululwa mabbwe. Bakkandulwa aakati. Bakajigwa asumu. Bakapwenta kabazwete zikumba zyambelele azyempongo. Bakali mubuchete, akudyamizigwa, kabat-jatwi ooboto. ³⁸ Nyika teyakabapa bulemu Lyoonse bakali bakalikup-wenta munkanda amuzilundu amumapako munyika. ³⁹ Nikuba kuti boonse bantu aaba bakalitambwidwe aLeza nkaambo kalusyomo lwabo, taakwe nibakachitambula chisyomezyo. ⁴⁰ Leza wakatubambilila chimwi chintu chibotu kwiinda, kuchitila kuti kuboneke aanoli tetwaliwo tebalii kunoomaninizigwa pe.

12

¹ Mbukuliboobo, mbulikuti yuzyungulukdwe joba paiti lyabakamboni, atubikke kumbali kulemenwa koonse antoomwe aibi zyoonse. Atube amoyo mulamfu mukuchijaana mujiiyanio ooyu wambikkwa kunembo lyesu. ² Atuswiile Jesu, we ngomutaliko amumaninizi walusyomo. Nkaambo lukondo lwakabikkwa kunembo lyakwe, wakalipeda kuchiingan, nikuba chakalikupa mawuse, mpawo wakakukkala kululyo lwachuno chabulemu cha Leza. ³ Aboobo amumuyeye, ooyo wakatola chiimo chili boobo kuli basizibi chiteendelani aguwe, kuchihtila kuti tamubi abutela mumyoyo yanu. ⁴ Taakwe nimwalina lwana achibi kuyosika kubulowa. ⁵ Alimwi mwakaluba kusungwaazigwa kumwaambila kuti inywe mbuli bana balombe: "Mwanangu, utayeeyi kuti milawu ya Mwami myuuba, na kuba abutela awo nowambilwa atala akuchita chibi anguwe. ⁶ Nkaambo Mwami ulapa malayilile kuli wonse muntu ngwayanda alimwi ulasubula mwana wonse ngwatambula. ⁷ Sima mukuenzegwa akulayigwa. Leza ubeleka andinywe mbuli bana. Ulabanzi ooyo mwana uula wisi utamu layi? ⁸ Pesi kuti kotakwe buntu, obo bantu boonse mbubaabana, ulimwana uutatambuliki alimwi toyelede pe kuba mwana wakwe. ⁹ Kuyakukunembo, twakalijisi bama taata bamunyama mbuli basikiutulayillla, alimwi twakabalemekwa. Tatwelede na aboobo kuti tulemeke Wisi wa myuuya kuti tupone? ¹⁰ Nkaambo kulilimwi bbazu, bama taata besu bakatulayilila kwamazuba mache mbuli mbubakalikubona kazyeelede kulimbabo. Pesi kulilimwi bbazu leza uchita oobo kuti zitubotole kuchitila kuti tukaabaane aawe mubusalali. ¹¹ Taakwe kulayililwa kuboneka kakubotela muntu muli eecho chiindi pesi kulachisa. Pesi muchiindi chiboola kuleta muchelo waluumuno mubululami kuli aabo bakalayililwa. ¹² Aboobo simya maboko aako aayo asiminina aansi mazwi aako. ¹³ Panga nzila ziluleme zyamawulu aako, kuchitila kuti eezyo zilemene tazikoyookachilwa pesi ziyoponesegwa. ¹⁴ Amuyanduule luumuno abamwi boonse, antoomwe abusalali nkaambo iuutakwe busalali taakwe nayoomubona Mwami. ¹⁵ Amuchenjele kuti kuti takubi ubula luzyalo lwa Leza, alimwi takubi nuuba tuyanda wakunyema uunga ulayeta kutamvwanaana, kuchitila kuti biingi tababi

kababisigwa ankuko. ¹⁶ Amuchenjele kuti takubi zyakunjila munobo zitaluleme na kuba muntu utaluleme mbuli Isawu, ooyo wakawuzya bupati bwakwe nkaambo kakulya. ¹⁷ Nkaambo mulizi kuti musule lyazezyo, naakazoyanda kutola chilongezyo, taakatambulika pe, nkaambo wakabula mweenya wakusanduka, nikunba kuti waka chiyanduula amisozi. ¹⁸ Nkaambo teensi mwaza kuchilundu chikonzeka kugumwa, chilundu chaulilo uuyaka, mudima, kutaboneka a guwo pati. ¹⁹ Teensi mwaza ku-zolizya nyeele, na kujwi lyaambula majwi basikumvwa kabatamwi niliba limbi jwi lyaambuuwlwa kulimbabo. ²⁰ Nkaambo tabakonzyi kuzikalilila eezyo nzibalayililwa: "Namnsya nuuba munyama waguma chilundu welede kutululwa mabwe." ²¹ Chakalikuyoosya loko ech chakabonwa a Mozesi awo naakati, "Ndilikuyoowa alimwi ndilikukankama." ²² Pesi mwasiaka kuchilundu cha Zayoni akudolopo lya Leza upona, Jelusalemu lyakujulu, akumakumi azyuulu zyabangelo zili kupobola. ²³ Mwasika kumbangano yamwana wabubele, ooyo wakalembwa kujulu. Mwasika kuli Leza, Mubetesi waboomnse, akumuuya yabaluleme bakalulamikwa. ²⁴ Alimwi mwasiaka kuli Jesu, simwiima aakati wachizuminano chipyia, akubulowa bwakasamnsiwlwa bwaambula zilimbubo kwinda bulowa bwa Abela. ²⁵ Amubone kuti tamumukasyi ooyo ulikwaaambula. Nkaambo kaansinga tebakafutuka nibakachija ooyo wakabalayilila aanyika, nkuche kuti tufuke na twachija ooyo ulikutulayilila kuzwa kujulu. ²⁶ Mulichimwi chiindi, jwi lyakwe lyakateketesyia nyika. Pesi lino wasyomezya wati, "Ilubo, nsikozoteketya nyika ayilike pe, pesi amajulu woonse." ²⁷ Aya majwi, "Chimbi lubo chiindi," kwaamba kugwisya eezyo zintu zikonzya kuteketesegwa, kwaamba kuti, zintu zyakalengwa, kuchitila kuti zintu zitakonzeki kuteketesegwa zichaale. ²⁸ Aboobo, kutambula bwami butakonzyi kuteketesegwa, atulumbe, amuleyi nzila tumukcombe Leza mubulemu bupati akuyoowa. ²⁹ Nkaambo Leza wesu mulilo uyaka akutenta.

13

¹ Aamulekke Luyando lwabunyina lwinkilile anembo. ² Mutualubi kujata akabotu beenzu. Mukwindila kulechi, bamwi bakajata kabotu ibangelo kabatazi pe. ³ Kamuyeya ibangidwe mbuli kuthi mwangidwe aamwi ambabo. Kamubayeya aaba batajiswi kabotu muli mulimubili omwe. ⁴ Aamuleke makwatano alemewe kiliboonse, alimwi buulo bwa-makwatano abusalale, nkambo leza uyobeteka abo ibayanda malalano abasimamambe. ⁵ Machitilo anu atabi akuyawan mali. Amukutisikane kuzinini nzimulazyo. Nkambo Leza lwakwe wakamba kuti, "Sikoyomuleka pe, nanka kumusiya." ⁶ Atukutisikane tukabe abusichamba mukwamba, "Mwami ngomugwasyi wangu; nsikoyoyowa pe. Ino muntu ulandichtanzi?" ⁷ Kamuyeyea bazuluzi ibanu, kulabo bakamba aabo bakamwambila jwi lyaLeza, Álimwi kamwibalukwa impindu zyabweende bwabo. Kamutobelzye lusyomo lwabo. ⁸ Jesu Kkilisito nguwe wajilo, sunu mane kukabe kutamani. ⁹ Mutenwi anjisyo nzimutazi zyamusyobomusyobo. Nkambo nchibotu kuti Moyo usisimisigwe aluzyalo pe- pe azyakulya. eezyo zitagwasyi aabo benda anzizyo. ¹⁰ Tulijisi chipayillilo chizwa kulabo ibabeleka muDumba lyakukkombela eelyo tabakwe cheeloo chakulya. ¹¹ Nkambo bulowa bwabwanyama bwakafwida zibi bwaketwa abapayizi ibapati mukati kenganda isalala, muchindi echo mibili yabo yakatentwa anze mpubakakede. ¹² Eelyo Jesu alakwe wakapenzegwa anze amulyango

wamunzi, mukambo kakuti basalazye ibantu mukwindila mubulowa bwakwe. ¹³ Nkinkaako atwiinke kulinguwe kumbali amunzi, atubweze mawuse akwe. ¹⁴ Kambo tatkwe munzi wakukalilila pe ano, Pesi tuchiyandula munzi umbi uchiza. ¹⁵ Kwiinda mulinguwe, aboobo, tweede chindi choonse tупеде chipayizyo chakutembawula Leza, lumbayizya michelo yamilomo akuzumina muzina lyakwe. ¹⁶ Elyoo tutalubi nituluba mukuchita bubotu akwabilana, nkaambo mukwindila muchipayizyo chilobu Leza ulachibotelwa. ¹⁷ Kuswilila akulibombya kubazululi banu, eelyo mbembaboo balanga myuya yanu mbuli abo bamupeda bukamboni bwaabo beni, Mulemeke kuchitila kuti bazuluzi banu bakachite echu chakubotelwa akutangunguna, pesi chakatali kumugwasya inywe. ¹⁸ Kamutukombela aswebo, nkambo twakombelezegwa munjisyoimbotu akuti twayandisyu kukala muzintu zyoonse. ¹⁹ Ndilikumusungwazya nikuba nanka mukwindila mukuchita obu nkambo ndobozegwa kuli ndinywe mukufwambana. ²⁰ Lino Leza waluumuno oyo wakabozya kuzwa kulufu mweembeli mupati wembelele, Mwami wesu Jesu, akubulowa bwachizuminano chitamani. ²¹ Kupa zyonse zibelesyo mukukusimya kuzintu zyoonse, mukubeleka mulindiswe kulecho chimubotezya, mukwindila muliJesu Kkilisito, kulinguwe akube bulemu kwalyoонse alyoonse. Ameni. ²² Lino ndamusungwazya, nobakwesu, ikuti mubweze ijwi eeli lyakumusungwazya ndindamulembela mubufwifwi. ²³ Muzibe mukwesu Timoti wangununwa, ooyo ngwesizawe kuzomubona kuti awfambana kusika. ²⁴ Mujuzye bazuluzi banu boonse antomwe abasalali abantu boonse baLeza. Abo bazwa kuItali balokumujuzya. ²⁵ Luzyalo alube anywebo moonseni.

Jemusi

¹ Jemusi, mubelesi wa Leza a Mwami Jesu Kkilisito, kumusyobo yabantu ili kkumi ayibili imwayikide munyika: Injuzyo. ² Zyoonse muzibweze mbuli lukondo, nobakwesu, awo nimuyoswanana amakatazyo asiyanesiyyene. ³ Mulizi kuti kusunkwa kwalusyomo lwanu kuzyala banangatizi. ⁴ Amulekele bunangatizi, bumaninsye mulimo wabo kuchitila kuti mukonzye kukkomena akumaninina, kamuta chibuli chintu. ⁵ Pesi kuti umwi wanu kayanda busongo, amumuleke abukkumbile kuli Leza, ooyo uupa chakwangunuka alimwi katasandukili pe kulabo bakkumbila, alimwi uyomupa mbubo. ⁶ Pesi amumuleke akumbile mukusyoma, kakutakwe kudoneka. Nkambo kufumbwa muntu uudoneka uli mbuli juwe mulwizi ilitontwa aluuwo alimwi kalyumbwa kumabbazu woonse. ⁷ Nkambo muntu oyo tayeledé kuyeya kuti uytambula chimwi chintu kuzwa ku Mwami. ⁸ Muntu ulobo ulamizezo-ibili, utakkalinkene pe munzila zyakwe zyonse. ⁹ Mumuleke mukwesu wachimo chilaansi apakale muchuno chakwe chaajulu, ¹⁰ pesi imuvubi muchuno chakwe chilaansi, nkambo uzoyinda mbuli dubaluba lyalusaka musokwe. ¹¹ Nkambo izuba lizwa akupya akutenta alimwi kuyumya masokwe idubaluba lilaloka, alimwi bubotu bwalyo ngabwamana. Muli njiyeyi inzila, muntu uvubide uyyangala akkati kalweendo lwakwe. ¹² Ullongezegwe oyo unangatila muchindi chamasunko. Nkambo aazunda masunko uytambula ipande lyabuumi, eelyo lyakasyomezegwa aabo bayanda Leza. ¹³ Kutakabi muntu utakaambe kuti akusunkwa, "Ndasungwa a Leza." nkambo Leza tasunkwi achibi, alimwi we lwakwe tasunki muntu. ¹⁴ Pesi umwi muntu usunkwa akupeekezya kwakwe, ikumukwelela kule akumweneena. ¹⁵ Musule aakuti impeekezyo yakomena mbuli chibi nichakakomena, chizyala lufu. ¹⁶ Tamweneenwi, nobakwesu bayandwa. ¹⁷ Chonse chipo chibotu achoonse chipo chimaninide chizwa kujulu. Chiiza ansi kuzwa kuli Wisi wa mimuni. Kulinguwe takukwe kusanduka na imwenzule nkambo kakuchengunuka. ¹⁸ Leza wakasala kuti tuzyalwe ajwi lyakasimpe, kuchitila kuti tube musyobo wamichelo mitanzi kuzintu zyoonse nzyakalenga. ¹⁹ Mulichizi echí, nobakwesu bayandwa: amuchite kuti muntu woonse awfambane kumwva, anelele kukwambuula, anelele kukunyema. ²⁰ Nkambo kunyema kwamuntu takumaninizi bululami bwa Leza. ²¹ Nkinkako amugwisye woonse mawunda mawunda aabulewusi busesemya bwazibi. Mubuntu amutambule ijwi litanyukulwi, eelyo likkonzya kuvuma myuuya yenu. ²² Amube bantu bachita zyamba ijwi pepe kuba baswilizi biyo, kamuli kulyena. ²³ Nkambo kuti muntu kamwáwa biyo ijwi pesi katalichiti, uli mbuli muntu ulyeba busyu bwakwe mbububumbidwe muchiboniboni. ²⁴ Ulalyeeba aazwa aawo ayende alimwi alube mpawawo kuti wali biyeni. ²⁵ Pesi muntu uulanga kabotu mumulawu walwangunuko, alimwi kayinkilila kunembo akuchita mbubobo, katali sikumwva biyo uuluba, ooyu muntu ulalongezegwa kunchito zyakwe. ²⁶ Kuti umwi muntu kaliyeya kuti ngwabuna Leza, pesi katazyotololi lulimi lwakwe, weena moyo wakwe, alimwi nzyasyoma nzyabuyo. ²⁷ Ilusyomo lusalala lutakwe kampenda kunembo lya Leza aa

Taata ngayakuti: kugwasya bamuchaala abamukabafu kuli zibakatazya, akuliyobola ilwabo beni chakutaba akampenda nikaba komwe kaansi.

2

¹ Nobakwesu, mutajatilili kulusyomo mu Mwami wesi Jesu Kkilisito, iMwami wabulemu, chakulanga ibbazu limwi kuli bamwi bantu. ² Atwambe kuti umwi muntu wanjila mumuswangano wako kazweete inwenwe zyangolide azizwato ziletombe. ³ Kuti walanga kumuntu uwzete zyakuzwata zibotu akwamba kuti, "Iwe kkala aawa abusena buboto," pesi kuli oyu muchete wasikuti, "Iwe kiminokiya," nakuti, "Kkalaansi mpundilyatiide," ⁴ unoli toli kusalulana mukati kanu? Tewaba sikusalula amizezo mibi na? ⁵ Amuswilizye nobakwesu bayandika, Leza takwakasala bachete munyika kuti babe bavubi mulusyomo na alimwi kuti bazokone Bwami oobo mbwakasyomezya kuli baabo bamuyanda? ⁶ Pesi temwabale-meka pe bachete! Tabensi bavubi na bamudyamizya? Alubo tensi mbabo na bamukwelela kunkuta? ⁷ Tabali tukili na izina bbotu eelyo ndimwakay-itwa andilyo? ⁸ Zyanchonzyo, kuti mwazuzikizya mulawo wa Mwami, wabubana kukalya mbuli mumalembe, "Muyoyandana ambimuyakilene aabo mbuli mbomulyanya lwenu," munoli muchita kabotu. ⁹ Pesi kuti kamusalula mbimuyanda kuchoitila kabotu, muli kuchita chibi, alimwi mulisungidwe amulawo mbuli basikuzungania. ¹⁰ Nkambo kufumbwa muntu ulemeka mulawu, uzumina kuti udadalikila munzila yomwe biyo, ulayowa kutyola mulawu wonse. ¹¹ Nkambo ooyo wakati, "Utemuzyi chabumambi," alimwi wakati, "utajayi." kuti tewachita bumambi, pesi wajaya, unooli waba simutyola mulawu. ¹² Nkinkaako ambula akuchita mbuli aabo batazosalwe alubeta lwanzila yamulawu walwanguunu. ¹³ Nkambo lubeta luza kalutakwe nsoni kuli aabo batatondezyi insoni. Ilwetelelo lulalilumbayizya amulubeta. ¹⁴ Nimpindunzi, nobakwesu, kuti umwi muntu wati ulijisi lusyomo, pesi katakwe milimo? Oolo lusyomo lulakonzya na kumuvuna? ¹⁵ Anikuti umwi mukwesu wachaalumi kana muchizi wachanakazi katasmide zisamo zilikabotu alimwi wabula kulya kwazuba lyonse. ¹⁶ Twambe kuti umwi wenu wamba kuti, "Kamuya mulumuno, mukkale mukkasailwe alimwi mukkute." Kuti temwabapa zintu zyelede mibili, kuli mpindunzi? ¹⁷ Munzila yomwe njiyeyo ilusyomo alulikke, kuti kalutakwe milimo, lulifwide. ¹⁸ Pesi umwi ukonzya kwamba kuti, "Uli aalusyomo, alimwi imebo ndili amilimo." Nditudondezye lusyomo lwako kakutakwe milimo, alimwi ndilakutondezya lusyomo lwangu kwinda mumilimo yangu. ¹⁹ Ulasyoma kuti kuli Leza omwe; ulikuchita kabotu. Pesu awalawo madimoni alazisyoma ezyo, aboobo alayoowa akuteketa. ²⁰ Mulayanda na kuziba, nobaalumi bafubafuba, kuti lusyomo lutakwe milimo ndwabiyo? Amwi malembe aansiku aachi Giliki awamba kuti, Mulayanda na kuziba, nobalumi bafubafuba, kuti biyeni lusyomo lutakwe milimo lulifwide. ²¹ Abbulahamu taata wesi takalulamikwa amilimo na awo nakaba mwana wakwe Ayizeki kuchipayilo? ²² Mwabona kuti lusyomo lwakabeleka amilimo yakwe, alimwi kuti kwinda kumilimo yakwe lusyomo lwakwe lwakananinina. ²³ Akazuzikizigwa malembe awamba kuti, "Abbulahamu wakali kusyoma Leza, alimwi zyakamwambya kuti uli abululami," alimwi wakamba kuti mwenzinyina wa Leza. ²⁴ Mwabona kuti muntu wambwidwa aamilimo yakwe, pepe alusyomo biyo. ²⁵ Munzila ikozyania alimwi, Lahabbu

sibumambi tembwakalulamikwa na amilimo awo mpakatambula basikutumwa alimwi wakabalayila kuti bayinke ayimbi inzila? ²⁶ Nkambo mbuuli mubili kuti kawanzene amuuya ulifwide, mbombubo alwalo lusyomo kuti kalwanzene milimo lulifwide.

3

¹ Ibiingi benu tabeelede kuba bayisiyi pe, nobakwesu, nkambo mulizi kuti iswe nituyiisa tuyobetekwa zikkalikali. ² Nkambo toonse tuladadalka munzila inyingi. Kuti umwi muntu katadadaliki kumajwi, ooyo muntu uliluleme chakumaninina, kakkonza akululamika mubili wakwe woonse. ³ Lino kuti twabikka nkabyo mumulomo wamabbiza kuti atulemeke, tulakonza alimwi kululamika mibili yawo. ⁴ Amuzibe alimwi ikuti maato, nikuba kuti mapati byeni alimwi aleenzegwa aluuwo, alayambwa ansoke nini loko kuyosika kufumbwa nkwayanda sikwayenza ensoke. ⁵ Muli eyi inzila, lulimi nchizo chinini loko, pesi lukomezya zintu zipati loko. Amubone alimwi kalilo kanini mbukatantezya lusaka loonse. ⁶ Lulimi alulalo nkalilo, inyika yazibi ibikidwe mukkati kabamwi besu. Lulimi lubozeka mubili woonse, luumpa buumi boonse, alimwi alulalo lubikwa mumulilo mubbibi lyazibi. ⁷ Nkambo woonse musyobo wamunyanyama wamulusaka, bayuni, tukwaba, azyuuka zyamulwizi zilivubidwe alimwi zilazyolololwa abantu. ⁸ Pesi kumakanai alulimi, tawope muntu ukonzya kululamika lulimi. Nchintu chitalulamikiki, chizwide buyoka bujaya. ⁹ Andulo lulimi tulalumbayizya Mwami wesi a Taata, alimwi tupu bantu milandu andulo, ibantu bakalengwa muchikozyano a Leza. ¹⁰ Kuzwa mululomo nguwo omwe kuzwa zilongezyo azisapi zyamilandu, Nobakwesu, eezi zintu tazyelede kunochitika pe. ¹¹ Sa ikasensa komwe kalazwa maanzi manono amanzi apanyuka? ¹² Imukkuyu ulachita na nobakwesu, kuzyala insikili? Kana kuti masansa, azyale nkuyu? Aalo manzi tachikonzeki pe kuti akasensa komwe kuzwe alweela amanzi alamunse munono. ¹³ Alimwi ngwani musongo umvvisisisyaa aakati kenu? Mumuleke muntu oto atondeezye buumi bwakwe buboto kwinda kumilimu yakwe mubuntu bwabusongo. ¹⁴ Pesi kuti koli aabbivwe lipanyuka amakanze momoyo wako, ulikankayizyi pe akubejela kasimpe. ¹⁵ Obu tensi mbombubo pe busongo buza aansi kabuzwa kujulu. Pesi, tabukwe chintu, tabukwe muuya, buli amadimonni. ¹⁶ Nkambo awo ali bbivwe alukazyanyo, nkokuko kuli lupyopyongano anchito zyabulozi. ¹⁷ Pesi busongo buzwa kujulu lutanzi bulasalala, alimwi mbwalumuuno, bulatontola, bulalibombya, mbwamiyeeyo mibotu, buzwide ilwetelelo amichelo mibotu, tabujisi lwanzano lwamoyo lwamoyo alimwi buli bwinibwini. ¹⁸ Alimwi imichelo yabululami ilabyalwa muluumuno mukkati kabaabo bachita chalumuno.

4

¹ Kuzwa kuli kupopotezyania ampyopyongano akati kenu? Tazizwidi muziyandisyo zyenu na eezyo zilwana akati kenu nubeni? ² Mulapeekezya, pesi tamukwepe. Mulajaya akuba bbivwe, pesi tamukonzyi kujana. Mulalwana akupopotezyania. Takwe anchimulacho nkambo tamukumbili. ³ Mulakumbila pesi tamupegwi nkambo mukumbila aanzila italuleme, mukuyanda kuti muyibelesye kuziyandisyoyenzi. ⁴ Nywebo nobasimamaambe! Tamwizi na kuti buzolwani enyika nkulwana a-Leza? Nkokwamba kuti kufumbwa ulisalila kuba mwenzinyina wanyika ulichita sinkondonyina a Leza. ⁵ Na muyeya kuti

malembe awamba zyabiyo aamba kuti, "Imuuya ngwakachita kuti upone mulindiswe uli abbiywé loko?"⁶ Pesi Leza uupa luzyalo lwiingi, aboobo malembe awamba kuti, "Leza ulabakazya basikulyanda, pesi uwida luzyalo kuli balibombya."⁷ Nkokuti amulipede kuli Leza. Mumukkake satani, alimwi ulamutantamuka.⁸ Amuswene afwifwi a Leza, alimwi uleza afwifwi andinywe, Amusalazye maboko eenu, inywe nobasizibi, alimwi musalazye myoyo yenu, inywe nobasimyoyo ibili.⁹ Mumvwe machise, mupwaye mibila, akulila! Muchite kuti kuseka kwenu kube mawuse alimwi lukondo lwenu kube kukankabala.¹⁰ Amulibombye kunembo lya Mwami, alimwi uyomupa bulemu.¹¹ Tamunowambuli chakutamikizyanya, nobakwesu. Imuntu uwambula bubi aatala amuzyalwanyina na kupa mulandu kumuzyalwa nyina ukazyania amulawu alimwi uupa mulawu mulandu. Kutikopa mulawu mulandu, toli simuchita mulawu pe, pesi uli mubetesi.¹² Ngumwi biyo sikupa mulawu mubetesi. Ngooyo ukonzya kufutula akujaya. Nduweni, iwebo noopa mulalandu kuli simayake nyokwe?¹³ Muswilizye lino, inywe nimwamba kuti, "sunu kana ijunza tuyonjila muchisi eechi, tukakkale munyaka nkukooko, tukasambale, alimwi tukajane impindu."¹⁴ Ngwani uuzi zitakachitike juunza, alimwi buumi bwako niinzi? Nkambo nduwe sikkunkwe uuboneka kwachiindi chinini mpawo wamwayika.¹⁵ Anukuti, mwelede kwamba kuti, "Na Mwami kayanda, tulapona alimwi tuchite eechi kana echiya."¹⁶ Pesi lino mulalikankayiza aatala amabambe aanu. Kulikankayiza kuli bobiya konse nkubi.¹⁷ Nkinkaako kuliwoonse uuzi kuchita kabotu pesi katazichiti, kulinguwe nchoono.

5

¹ Amuze lino, inywe nimuvubide, mulile mulyeeme akambo kamusuzyo aaza kulindinywe. ² Buvubi bwenu bwabola, alimwi zisamo zyenu zyavunda ankubi. ³ Ingolida ansiliva zyenu zyabbulubana alimwi bulala bwazyo bulaba bukamboni butakamukone. Buyolya nyama yenu mbuli mulilo. Mwalondola buvubi bwenu kwamazuba amamammino. ⁴ Amubone, bulumbu mbomulukijatila basimilimo benu bulikukwila - bulumbu mbumwakajatila abo basikumutebwida myuunda yenu. Kukwiila kwa basikutebula kwamvwikka kumatwi a Mwami wabasikuswayigwa. ⁵ Mwakkala mububotu bwebesi aansi alimwi mwalyokezya. Mwaline-nesya myoyo kuti kuzobote buzuba bwakujayigwa. ⁶ Mwapa mulandu alimwi akujaya mutu musalali. Takwe naamulwana pe. ⁷ Nkinkako amube amoyo mulamfu, kwalino, nobakwesu, mane kukuboola kwa Mwami. Mubone mulimi mbwalindila muchelo mubotu kuzwa munyika alimwi uli amoyo mulamfu kukuulindila, mane do kuwa kwemvula ntaanzi ayamelelezyo. ⁸ Anywebo amukkazike myoyo yenu. Amusimey myoyo yenu nkambo kuboola kwa Mwami kwaba afwifwi. ⁹ Tamutongawuki, nobakwesu, akuzwangaana chenuchenu, kjti tamukajanwi amulandu. Amubone, mubetesi alimwi amulyango. ¹⁰ Amujane chikozyaniso, nobakwesu, kuzwa kukoomba akulansya moyo kwabasinsimi, aabo bakaambula muzina lya Mwami. ¹¹ Mubone, twamba kuti aabo bakawunduzya machise balilongezegwe. Mwakamvwa Jobo mbakapengeleka, alimwi mulizi machitilo a Mwami, mbasalazizya moyo ansoni zyakwe. ¹² Atala azyonse, nobakwesu, mutakonki, nikuba kwaana ejulu kana nyika, kana nikuba ichili zwecho chikonke. Anukuti, amwambe "Iyii" wenu awambe "Iyii" alimwi "Pepe" awambe "Pepe," kuchitila kuti tamukanjili

mukubetekwa. ¹³ Kuli umwi na akati kenu ulikoomba mubuyumuyumu? Ngakkombe. Kuli uli alumwemwe na? Ngayimbe ntembawuzyo. ¹⁴ Kuli umwi uchisidwe na akati kenu? Ngayite bapati bembungano, alimwi ngabamukombele. Abamunanike mafuta muzina lya Mwami. ¹⁵ Ikukomba kwalusyomo kulamuponia muntu uuchiswa, alimwi Mwami ulamibusya. Kuti kali wakachita zibi, Leza ulamulekelela. ¹⁶ Nkinkaako amulyaambe izibi zyenu kuli umwi awumwi, alimwi mukombelane, kuchitila kuti muponesegwe. Inkomboyo yamuntu musalali ili anguzu loko kumabelekelo ayo. ¹⁷ Elayija wakali mwalumi mbuli ndiswe, wakakomba chakasimpe kuti imvula itawi, alimwi teyakawa kubusena oobo kwamyaka yotatwe amyezi musanu awumwi. ¹⁸ Mpawo Elayija wakakomba lubo. Imajulu akapa imvula, alimwi inyika yakazyala michelo yaayo. ¹⁹ Nobakwesu, kuti umwi akati kenu wasweka kukasimpe, alimwi umwi wamuboozya, ²⁰ Ooyo muntu welede kuziba kuti kufumbwa muntu uboozya sizibi kuzwa kubulewusi bwanzila yakwe uyomuvuna kuzwa kulufu, alimwi uyovumba mweelwe mupati wazibi.

Pita mutaanzi

¹ Pita, mutumwa wa Jesu Kkilisito, kubenzu bamwaikilide kumanyika, ibasalidwe, koonse ku Pontasi, Galantiya, Kkapadosiya, Eziya, aku Bbitiniya. ² Eechi chilimumabambe amumakanze a Leza Taata, mukwinda mumubeleko usalazigwa a Muuya, kuti mumutelele alubo mukwinda mukusansailwa bulowa bwa Jesu Kkilisito. Iluzyalo ngalube alindinywe, alubo lumuuno ngaluyungizizigwe kulindinywe. ³ Akube kuti Leza wisi wa-Mwami Jesu Kkilisito alumbayizigwe! Muluzyalo lwakwe lupati, wakatupa kuzyalwa kupya iswebo bulabulangizi bwabuponi kwinda mububuke bwa Jesu Kkilisito kuzwa kubafu. ⁴ Eechi nchalukkono lutakabule kumana pe, lutakabule akabbata, alubo talukonzyi pe kuyokulumpana abunini. Lilibambidwe kujulu kalulinda nduwe. ⁵ Iwebo ulikwabilidwe munguzu zya-Leza kwinda mukusyoma kwalufutuko olo lwimvwilidi kuyoyubununwa mukugola kwechindi. ⁶ Ulikondedwe atalaacheechi, nekuba kwalino kulelede kuti mube akuusa kukusunkwa kwiingi. ⁷ Echi chilabawo kuti kukabonwe lusyomo lwanu, olu lwindide ngolida mboto ikulumpala, nekuba yakawumpwa mumulilo. Echi chilachitika kuti lusyomo lwanu lukajanike kalulempindu ilentembawuzyo, abulemu, achilemeko ayoyubununwa Jesu Kkilisito. ⁸ Tamuna kumubona pe, pesi mulamuyanda. Tamumubona pe kwalino, pesi mulasyoma mulinguwe akukondwa alukondo lutambiiki luzwide bulemu. ⁹ Kwalino muyolitambwida lwenu mpindu yalusyomo lwanu, lufutuko lwa muuya yenu. ¹⁰ Ataa alufutuko olu, basinsiimi abo bakasinsima atalaaluzyalo olo lwakali kuyanda kuza alindinywe, bakayandula chabusungukabayanda kuziba, ¹¹ Kabayandula kuziba kuti muntunzi nakuti chinoli chiindiinzi echo muuya wa Kkilisito nchiwakalikwamba mulimbabo awo mpakabambilide kuti katana kwabwa kuyoba machise a Kkilisito abulemu buyotabela. ¹² Chakayubununwa kulimbabo kuti tebakali kulibelekela lwabo beni pe, pesi anywebo, awo mpobakali kwamba atala azintu ezyo zyakambwa kulindinywe ababo bamukambawukila mulimbe wamakanai maboto kulindinywe kwinda ku-Muuya Uusalala wakatumwa kuzwa kujulu-kachili chintu baangelo nchibakali kulakamizya {kupeekezya}. ¹³ Nkikaako amulyaange muzibuno zyanu zyakuyeeyakwenu. Amube babotu. Amubike bulangizi bwenu chakumaninina kuluzyalo olo luyoyetwa kulinidinywe ayoyubununwa Jesu Kkilisito. ¹⁴ Mbuli bana bateelela, mutakabwedululi kukuyandisa kwenu nkumwakali kuponera chiindi nimwakachili mukutaziba. ¹⁵ Nkambo kakuti oyo iwakamwiita ulasalala, inywebo, kulelede, kuti musalale mubube bwanu boonse. ¹⁶ Nkambo mbuli mbukulebedwe, "Amusalale, nkambo Ambebo ndasalala." ¹⁷ Na kamumwita kuti "Taata" oyo ubeteka chakatalanga chiimo chamuntu alubo umwi mbuli milimo yakwe, amwende lwendo olu muchindi chanu chakumuyowa. ¹⁸ Mulizi kuti techakachitwa ansiliva ikulumpala na ingolida ezyo nzimwakali kununulwa ezyo kukwenda kwenu kwabuyo nkompwakiya kuliba mawuso. ¹⁹ Anukuti, nywebo mwakanunulwa abulowa buboto bwa Kkilisito, oyo wakali m buli mwana wambelele utakwe kampenda nikaba kabbata. ²⁰ Kkilisito wakalizibinkenwe kakutana kuba kulengwa kwenyika, pesi kwalino wakazoyubununwa kulindinywe muzyiindi zyamamanino. ²¹ Kwinda

mulinguwe muzumine kuli Leza, oyo wakamibusya kuzwa kubafu akumupa bulemu, kuli lusyomo lwanu abulangizi bwenu bube kuli Leza. ²² Mwakachita myuya kuti ibote mukwinda mukutelela kukasimpe. Echi chakaba obo kukumwetela luyando lwababunyina; amukayandañe umwi awumwi kaziwa mumoyo. Amwi malembe mapati abensiku bachiGiliki abalika obu, Mwakasalazyza myoyo yanu kukutelela kukasimpe kwinda kumuya. ²³ Mwakazyalwa bupya, kutali kuzwa kumbuto ikulumpala pe, pesi kuzwa kumbuto itakulumpali, kwinda mujwi lya-Leza litakasyale kalipona ²⁴ Nkambo kakuti, "Nyama yoonse ilimbili bwizu, abulemu bwayo bonse bulimbili malubaluba abwizu bwamusokwe. Ibwizu ngabwayuma, awalo malubaluba nganyana awidaansi, ²⁵ Pesi ijwi lya-Mwami linoliwo kwalyoonse." Elijwi mulumbe wamakani mabotu ayo akakambawukwa kulindinywe.

2

¹ Nkikaako amusowele kumbali ibubi bonse, alweno loonseni, akupaupa, akwemuzya amabbivwe wonse. ² Mboli bana bavwanda, amube achiyandisyo amalili mabotu amuuya, kuchitila kuti mukwinda mulingawo mukonzye kukomena kulufutuko, ³ mboli mbumwakalabila kale kuti Leza ngusibuya. ⁴ Amubole kulinguwe mukuti ni bbwe igumi elyo lyakasowegwaabantu, pesi kalili nubbwe lyakasalidwe a-Leza mboli bbwe liyandika kulinguwe. ⁵ Anywebo muli mboli mabwe mawuumi ayo alimukuyakwa kuti mukabe ing'anda ya Muuya nkokuya mukabe bapayizi basalala abo bayopayila zipayilo zyamuuya zitambulika kuli Leza kwinda muli Jesu Kkilisito. ⁶ Mumagwalo kulambidwe eezi: "bona, ndiyoyala mu Ziyoni ibbwre lyechiswi, lisalidwe alubo liyandikana. kufumbwa uzumina kulinguwe takoyowusa insoni." ⁷ Obu buyandisi, mbobwanu, inywebo nomuzumina. Pele kulibabo ibatazumini, "Elyo bbwe ndibakasowede bayaki, eli ndilyakazooba mutwe wachiswi," ⁸ Alimwi, "Ibbwe lyakulebya antomwe amwala ubachita kuti balebwe." Balalebwa nkambo bakalikaka ijwi-lili ndendilyo litondeka nzibakeelede kuchita. ⁹ Pesi inywebo muli bantu basalidwe, bapayizi bami, musyobo usalala, bantu bavubidwe kwa Leza, kuchitila kuti mukakambawuke milimo igambya ya yoyo iwakamwita inywebo kuzwa mumudima kumweta mumumuni wakwe ugambya. ¹⁰ Ichindi tensi mwakali bantu pe, Pesi ikwalino mwaba bantu ba-Leza. Tensi mwakali mwatalumbula pe luzyalo, Pesi ikwaino mwakalutumbula luzyalo. ¹¹ Nomuyandwa, ndamulayilila mbuli beenzu bamwayikide aansi aano kuti muliesye kukuyandisyekwenyama, oko kumulwana amyuya yenu. ¹² Kwenda kwenu akati kabamasi kwelede kuba abulemo, kuchitila kuti awo mpobayomuvwiya kuti muli basisibi, bakabe bakamboni bamilimo yenu mibotu akuyobwedezya bulemu kuli Leza mubuzuba obo mbwayolibonia. ¹³ Amukalibombye kubwami boonse bwabantu nkambo ka-Mwami. Amukabatelele boonse bami mbubali bapati, ¹⁴ antomwe abendelezi, abo batumidwe kuti bakape zisubulo kuli basimuchita zibi akusumpula abo bachita ziluleme. ¹⁵ Nkambo olu luyando lwaLeza, kuti mukwinda mukuchita zibotu munoli mwawumuzya kwambula kwendadanyanwa kwabantu bafubafuba. ¹⁶ Mboli bantu bangunukide, mutakabelesyi lwangunko lwenu kukuvinbya zibi, pesi ngamube mbuli babelesi ba-Leza. ¹⁷ Amulemeke bantu boonse. Amuyande babunyina boonse. Muyowe Leza. Mulemeke baami. ¹⁸ Nobalanda, amubatelele basimalelo benu akunobalemeka lyoonse. Mutanoteleli basimalelo babotu abatontozi kupela pe, pele akuli basikakomokomo. ¹⁹ Nkambo echin

chilalumbayizika, nkambo ubikila maanu kuli Leza, muntu aswanana amapenzi kali mukuchisilwa zitamwelede. ²⁰ Ino kuli amilimonzi na mwabisa akukkalilila kamuli mumachise? Pele na mwakachita zibotu mpawo mwazochiswa kamuli mukusubulwa, echililede kulumbayiziga kuzwa kuli Leza. ²¹ Nchenchicho echo nchimwakayitilwa, nkambo Kkilisito lwakwe wakamuchisilwa. Wakamusila chitondezyo chakuti mukatobeleye mumukondo wakwe. ²² "Takwe echibi nchakachita, nekuba kujanika lweno lwakajanika mumulomo wakwe," ²³ Awo nakatukilwa, takwepe anakabwedezya. Awo nakachisigwa, takwepe nakababbodweda, pesi wakalipedekezya lwakwe kuliyyoyo mubutesi mubotu. ²⁴ Welwakwe wakayumuna zibi zyesu mumubili wakwe achisamu kuchitila kuti iswebo tukakkale kule echibi alubo tukaponene bululami. Kwinda mumibunda yakwe twakaponesegwa. ²⁵ Nywebo monseni mwakali mbuli imbelele ziswekede, pesi kwalino mwakapiluka kumwembeli wenu, uliingula myuuya yenu.

3

¹ Muleyi nzila, inywebo nobamakaintu amulibombya kubalumi benu. Amuchite obu nikuba kuli bala balumi batateleli kujwi, kuchitila kuti basanduke babule zyakwamba, kwinda mumichito yabamakaintu babo, ² banoli baba bakamboni kuchilemeko chenu, enjendelo yenu mbotu. ³ Echi ngachichitwe pepe akulibotya-botya kwaanzze mbuli kulilungitizya masusu, kuzwata ngolida atumwi tukumba, nikuba kulisamika mpasya zityola myoyo yabamwi. ⁴ Pesi, echililede amuntu wamukati wamumoyo, abubotu butagoli butontolela amuuuya wachumunizi, kachili nchechibuto kunembo lya-Leza. ⁵ Nkambo obu mbombubo banakazi basalali bechiindi bakali kulangila Leza mbuba kalisamika, kwinda mukulibombya kubalumi babo. ⁶ Enzila njiyeeyi Sala wakalibombya kuli Abbulahamu alubo wakali kumwita kuti mba Simwami. Lino nywebo mwaba bana bakwe kapati na mwachita zibotu alubo na kamutayowi mapenzi. ⁷ Kakukozyania, anywebo nobalumi mulelede kupona kabotu abamakaintu benu mbuli mbomuzi kuti mwanakazi, ulimbili chilongo chitasimide. Mulelede kubapa bulemo mbuli basikulyanyokwe lukono kubululami bwamuluzyalo. Amuchite obo kuti inkombyo zyenu zitambulike. ⁸ Kumamanino, monseeni, amube amuzeego ukozenie, mube akweteleana, kuyandana mbuli babunyina, amoyo mutete, akulibombya. ⁹ Mutabwedezyi chitaluleme kuchibinyina nikuba kubwedezya chisapi kuchisapi. Anukuti amubwedezye kulongezya, nkambo ezi nzimwakaitilwa, kuti mukakonzye kuyokona zilongezyo. ¹⁰ "Oyo uyanda kubona buumi bubotu akubona mazuba mabotu uyelede kuti wakasya lulimi amulomo wakwe kukwambula chalweeno. ¹¹ Akube kuti alilesye kububi akunochita zibotu kupela. Ayandule lumuuno akulutobela. ¹² Nkambo meso a Mwami alabona baluleme, alubo matwi akwe alatelela kunkombyo zyabaluleme. Pesi busyu bwa Mwami bulabukali kulibabo bachita zibi." ¹³ Kabi ngwani oyo unga ulamubisizya na mwasungwala kukuchita zibotu? ¹⁴ Pele na mwachiswa nkambo kubululami, mulilongezegwe. Mutayowi ezyo nzibayowa. Mutakalikatazyi. ¹⁵ Pesi, ngamulemeke Mwami Kkilisito kuti musalali mumyoyo yenu. Mukkale kamuli bambilide kuti mukapandulwide boonse bamubuzya makani alusyomo ndomulalo - ¹⁶ Alubo, amukulibombya amukulemeku. Amube amuzeego mabotu kuchitila kuti abo bamutukilila

buumi buboto bwamuli Kkilisito bakawuse insoni nkambo banoli bakali kumwambula anga ndinywe basizibi. ¹⁷ Nchibotu loko, kuti kakuli nkuyanda kwa Leza, kuti mukachiswe akambo kakuchita zibotu kwinda kunochita zibi. ¹⁸ Alakwe Kkilisito wakachiswa lomwe kachisilwa zibi. Oyo wakaluleme wakatuchisilwa nitwakataluleme pe, kuchitila kuti atuswenzye kuli Leza. Wakatufwida kunyama, pesi wakabusigwa a-Muuya. ¹⁹ Kwinda ku Muuya, wakinka akuyokambawuka kumyuuya eyo ili muntolongo kwalino. ²⁰ Eyo yakatalela pe kuchindi nchakachili kukazika moyo wakwe Leza mumazuba aa-Nowa, mumazuba akuyakwa kwabwato, mpawo Leza wakavuna bantu bache buyo - myuuya musanu amwitaatu - kwinda manumanzi. ²¹ Echi nchitondezyo chamubbabbatizo oyo umuvuna lino - takwensi kwamba kuti mbuli mbotusamba tombe amubili pe, pesi nkokuti mulayandula manjezezya mabotu mumeso a Leza - kwinda mububuke bwa Jesu Kkilisito. ²² Kkilisito ulikujanza lyalulyo lwa Leza. Wakaya kujulu. Bangelo, bendelezi, abasimanguzu boonse balelede kulibombya kuli nguwe.

4

¹ Nkinkaako, akambo kakuti Kkilisito wakachiswa kunyama, amuliyumye lwenu amuyeyeo ukozyenie. Nkambo kufumbwa muntu uchiswa mumubili ulanzene acibi. ² Impindu yakwe, muntu uloobo, chindi chakwe chingi kunyama, ngatacheendi mumakaanze anyama pe, pesi mumakaanze a Leza. ³ Nkambo chindi chakinda chakakwana chenu kuti kamuchichita kuyanda kwabamasi, mwakali kupona mubumpelenge, mukwemuzya, mubukoolwi, amukuyobukomba mizimu itondwa. ⁴ Balachibona kachilichigambyo na babona kamutajatilaamwi ambabo mukuya buvuzya michito italuleme, nkinkaako banoya bwamba bubi atala andinywe. ⁵ Bayolivwilila kulingue oyo ulibambilide kuzobeteka bawumi abafwide. ⁶ Akambo kanchichechi Makani Mabotu nchakakambawukwa akubafwide, kuchitila kuti, nekuba kabanoli babetekwa kunyama mbuli bantu, balelede kuti kabapona mumuuya munzila iyanda Leza. ⁷ Magozezyo azintu zyonse aba awfifwi. Nkinkaako amulibatamike amuzezo mubotu, alubo amube amiyeyo mibotu kuchitila kuti kamunokomba. ⁸ Kwinda zyonse zintu, amusungwalile kuyandana umwi amwenzinyina, nkambo luyando luvumba mulwi wazibi. ⁹ Amukabotezyanie umwi amwenzinyina katakwe ulila lila pe. ¹⁰ Mboli mbomwakapegwia zipego umwi awumwi, amuzibelesye kukugwasyania anzizyo mboli babaanzi baluzyalo lwa-Leza muzyimo zisiyenesiyene. ¹¹ Na kakuli uwambula, kwambuula kwakwe akube kwamajwi a Leza. Na kakuli ubeleka milimo, abeleke kazizwa kunguzu nyayamupa Leza. Amukachite zyoonse zintu kuchitila kuti munzila zyonse Leza akalumbayizigwe kwinda muli Jesu Kkilisito. Akube kuti kuli Jesu Kkilisito bulemu abwami zibe kulingue kwalyoonse alyonse. Ameni. ¹² Nomuyandwa, mutazibwezi mboli chigambyo amasukusyo ayaaka mboli mulilo ayo akamuchitikila, mbotatedi nchimwi chintu chigambya chakali kuchitikila ndinywe. ¹³ Pepe, anukuti muukuswanana amachise akaswanana a-Kkilisito, amukondwe, kuchitila kuti anywebo mukabotelwe kuchiindi echo bulemu bwakwe bwakuyubununwa. ¹⁴ Na mwakutukilwa nkambo kazina lya-Kkilisito, mulilongezezegwe, nkambo Muuya wabulemu antomwe a Muuya wa-Leza unoli ulokumusunka nywebo. ¹⁵ Pesi kutabi naba omwe wenu uyochiswa nkambo kabujayi, kubba, na simuchita zibi, nanka sindimi

zyobile. ¹⁶ Pesi na umwi wachiswa mbuli muzumini, atabi nawusa insoni pe; pesi kuti, ngalumbayizye Leza akambo kazina lyakwe. ¹⁷ Nkambo chaba chindi chakuti lubeta latalike empuli yakwa Leza. Kuti lwatalika alindiswe, balachitilwa buti abo batazumini kumakan mabotu a Leza? ¹⁸ Alubo “na kachili chiyumu kubaluleme kuti bakafutulwe, ino bayoba buti abo batazumini antomwe abasizibi?” ¹⁹ Nkenkaako akube kuti abo bachiswa nkambo kaluyando lwa Leza bapekezezye myuya yabo ku Mulengi usyomekede mukuchita zibotu.

5

¹ Ndikwambila bapati balakati kanu, nkambo ambebo, ndemwini ndimupati, alubo ndikamboni wamapenzi aa-Kkilisito, alubo ndime umwi wabatakabane mubulemu obo buchizoyubununwa. ² Amube basikwembela butanga bambelele zya-Leza obo mbomulo kubbasopa, kamulo kubbasopa mbuli balangi babo pepe anukuti nkambo mbumwelede, pesi akambo kakuba achiyandisyo, mbuli Leza mbwatanoli wayanda kuti mumubelekele - pepe kwempindu iwsyansoni pesi chakulipeda. ³ Mutabeleki mbuli baami atala bantu abo mbimubbasopa. Anukuti, amube chitondezyo kubutanga. ⁴ Kwakuti awo Mwembezi Simutwe akuyubununwa, inywebo mukalitambwide munsini wabulemu utakulumpali. ⁵ Munzila ikozyania, anywebo nobalumi bachikula, amukalibombye kubalumi bakakomena. Nywebo moonseni, amukalizwatiike myoyo miteete kamunogwasyania umwi awumwi. Nkambo Leza ulabakazya basikulisumpula, pesi abo balamyoyo mitete ulabapa luzyalo. ⁶ Nkinkako amulibombye munsu lyejanza pati lya-Leza nkokuti akamusumpule kuchi-indi chelelede. ⁷ Amwasowele kulinguwe woonseni makatazyo anu nkambo ngumuchebuka lyoonse. ⁸ Amukalibombye, amukuchenjela, nkambo sinkondo nyokwe saatani ulendeenda mbuli mulavu uvuuluma, kayandula ngwatalume. ⁹ Amukamulwane, amuyume mulusyomo lwanu. Nkambo mulizizi kuti mapenzi akozyania ayaya ayosika kulibabunyaina benu kumanyika woонse. ¹⁰ Musule akuyochiswa kwachindi chinini, Leza siluzyalo loonsemi, oyo wakamwiita mubulemu bwakwe ibutamani muli Kkilisito, uyomusalazy, akumusimpa, akumusimya, akuyomuzikitizya. ¹¹ Kulinguwe akube bwami kwalyonse a lyonse. Ameni. ¹² Ndabweza Siluvenasi mbulimukwesu usyomekede, alubo ndalemba kulindinywe mubufwifwi kwindila mulinguwe. Ndikumusungwazya akupa bukamboni kulindinywe kuti ezyo nzindakalemba masimpe aluzyalo lwa-Leza. Amwimikile mulindilyo simpe. ¹³ Mukayintu ulimu Babbiloni, oyo usalidwe antomwe andinywe, ulokumujuzya loko. Antomwe a Makki, mwana wangu, ulamujuzya. ¹⁴ Amujuzyanie alumyontano lwaluyando. Iluzyalo alube kulindinywe moonseni nimuli muli-Kkilisito.

Pita wabili

¹ Ndime Sayimoni Pita, ndemuzike nkendi mutumwa wa Jesu Kkilisito, kilibabo bakatambula lusyomo lwamubululami kwa Leza a Mufutuli wesu Jesu Kkilisito. ² Iluzyalo alumuuno ngaziyungizigwe mukuzibisyia Leza a Jesu-Mwami wesu. ³ Munguzu zyakwe zyabu Leza, zintu zyonse zyabuna Leza zyakapegwa kulindiswe kwinda mukumuziba lwakwe oyo iwakatwiita mbulemu bwakwe amukuzwidilila kwakwe. ⁴ Kwinda mulizeezi wakatupa zisyomezyo zyakwe zibotu, kuti mulinziyo tube achabilo chabuna Leza, akuyovunwa kubusofwazi bwaansi aano bwetelezegwa kuzwa kuzibi. ⁵ Akambo kazeezi, amusungwale kukuyungizya bubotu mulusyomo lwanu, akukubota muyungizye luzibo, ⁶ kuluzibo muyungizye kulyendeelela, kukulyendelela muyungizye lukakatilo, kulukakatilo muyungizye buna Leza, ⁷ kubuna leza muyungizye luyando lwakuba bantu bamwi, kuluyando lwakuba bantu bamwi, muvuzye luyando. ⁸ Kuti ezi zintu zyaba mulindinye akukomena mulindinye, ziymukasya lwanu kukutazyala michelo nikuba kutazyala michelo yakuba luzibo Iwa-Mwami wesu Jesu Kkilisito. ⁹ Pesi kufumbwa uyobula ezi zintu unoli waba simubonena awfifwi kwakuti unoli moofu, nkambo wakaluba kuti wakasalazigwa kuzwa kuzibi zyakwe zyachiindi. ¹⁰ Nkaambo kaako, nobakwesu, amuchihi bubotu bwiindilide kuchitila bwitiwe bwanu akusalwa kwanu kube kwancoonzyo, nkambo na mwazichita zyonseezi, tamukoyolebwpa pe. ¹¹ Mukuchita obu muyofonkwedwa mubwingi lweenu imwenya wakuyonjila mubwami bwa Mwami a Mufutuli wesu Jesu Kkilisito. ¹² Nkeenkako ndinokkala nkelibambilide kunomuyeezya nywebo zintu ezi, nekuba mulizizi, alubo nekuba mulibasimi mukasimpe ako nkemwakabaako kwalino. ¹³ Ndayeeya kuti nchibotu kulindime, kufumbwa nkechili aansi aano, kunokkala nkemutilimuna akumuyeezya. ¹⁴ Nkambo ndizi loko kuti aano ansi iteente lyangu liyomwayulwa chakufwambana, nkambo Mwami Jesu Kkilisito wandiyubunwida obo. ¹⁵ Alimwi ndilasungwala kuti musule akuzwa kwangu kamunochiyeyede kwalyoonse ezi zintu. ¹⁶ Nkambo tewakali kutobela zyabusongo bwakulipangila nitwakachita kuti muzibe nguzu akuboola kwa Mwami wesu Jesu Kkilisito, pesi twakali bakaboni bakabona bupati bwakwe. ¹⁷ Nkambo wakatambula kulemekwa abulemu kuzwa kuli Leza Taata awo ijwi nilyakeetwa kulinguwe mubulemu bupati, lyamba kuti, "Oyu Mwanawango ngunjandisy, mulinguwe ndilakondwa." ¹⁸ Lwesu tobeni twakalimvwa ijwi eli lyakeetwa kuzwa kujulu awo mpotwakalamwi anguwe aatala achilundu chisalala. ¹⁹ Nkambo tulalyo ijwi lyachisinsimi lyakatusimya, kwakuti muyochita oboto na mwalitelela. Lilimbili chimunisyo echo chimunika mumudima mane kukabe kubuchedo awo kumazwido entanda mumyoyo yanu. ²⁰ Ajulu azyonse, amube akumvwisisya kuti takwe pe businsimi bwamumagwalo bunga bulazwa mubupanduluzi bwamuntu. ²¹ Nkambo takwepe businsimi bwakali bwazwa kukuyanda kwamuntu, pesi bantu bakali kwambula zyakali kuzwa kuli Leza awo nibakali kubwezegwa a Muuya Uusalala.

alimwi kulindinywe. Bayoza chakusisilikizya anjiisyo zinyonyoona, alubo bayomukaka naba Mwami wakabawula amulo. Bayolyetela lunyonyoko chakufwambana. ² Lino bantu biingi bayotobela zyiimbo zyabo, alubo mukwinda mulimbabo inzila yesimpe iyosampawulwa. ³ Mukutangala kwabo bayomunyanza nyanza amajwi alweeno. Ilutuko lwabo talukoyononoka kusiika; alwalo lunyonyooko lwabo talukonzyi koona. ⁴ Nkambo Leza takabaleka nibaba baangelo ibakabisya. Pele wakabaaba kuli Tatalasi kuti babambwe mumachenii alamudima waansi mane dokukabe lubeta. Zimwi njiisyo mpati zyabansiku ba Giliki zibalika oobu, bayolondolwa mumilindi ilamudima unikide mane kukabe lubeta. ⁵ Alubo, takwakileka nyika yabasikale. Pesi, wakavuna Nowa, oyo wakali nkambawuko yabululami, kubikaamwi abali musanu ababili awo mpakazoyeta zambahangulwe anyika yabantu batakwe bunaleza. ⁶ Alubo Leza wakazomwayala ziisi zya Sodomu a Gomola kuba mulota akubapa lutuko lwakunyonyoka kuti chibe chitondezyo chazichizochitikila aabo batakwe bunaleza. ⁷ Alubo wakavuna oyo wakaluleme Loti, oyo wakali kukatazigwa akwenda kwabataluleme batabambi mulawu - ⁸ Oyo mwalumi wakaluleme, wakali kukkala akatikabo kwamazuba, wakali kujatikana loko mumoyo wakwe ululeme nkambo kamilimo yabo yakali mibi njakabona akumvwa. ⁹ Mwami ulizi mbanga ulavuna aabo bayowa Leza kuzwa mumasunko alubo akubabamba abo bataluleme kababambilwa kusubulwa mubuzuba ob o bwalubeta. ¹⁰ Aka nkasimpe kapati kuli baabo bazumina munzila zisofwede zyanyama abaabo batalemyi bwami. Mbasikulipa akulisumpula balipa bupati, tabayowi awo niba sampawula balemu. ¹¹ Baangelo balanguzu mpati abupati, pesi tabeeti lubeta lwalutuko ambabo kuti baze ku Mwami. ¹² Pesi aba bantu, balimbili banyama batayeyi, bakalengelwa kuzochigwa alunyonyooko. Tabazi anchibatukila. Mulunyonyoko abalabo bayonyonyonwa. ¹³ Balabisizigwa achibwedezyo chakubisywa kwabo. Bayeya kuti chibabotela isikati nkulikondezya. Ntotubata atumpenda otu. Balakondelelwa mumapobwe abo ngibapobola akati kanu. Nekuba boobo babotelwa michito yabo italuleeme awo nibapobola aandinywe. bumwi bupanduluzi bwamazubano bulaziloobu, "balabotelwa andinywe mumapobwe aluyando." ¹⁴ Balijisi meso azwide bumambi; tabakwe nibakkutikana azibi. Balayunga myuuya itakkalinkene mukuchita zibi, alubo balamyoyo yakayumisigwa mukutangala. Mbana balutuko! ¹⁵ Bakasiya inzila iluleme bakasweka, bakatobela inzila ya Bbalamu mwana wa Bbiyoli, oyo wakali kuyandisya kuliyyigwa kuzintu zitaluleme. Bwiingi bupanduluzi bwamazubano bupandulula obu, Bbalamu mwana wa Bbiyoli mukuyanda kuti kwendelane azili muchizuminano chachindi mukulembwa kwelyo izina. Amwi malembe amazubano basala kulilemba kuti amalembelo achi Giliki, ayo abalika oobo, Bbalamu, mwana wa Bbiyoli. ¹⁶ Pesi wakalijanina lutuko nkambo kakubisywa kwakwe - nkambo imbongolo itakwe impto yakambuula ejwi lyabuntu yayimukizya bufubufuba bwamusinsiami. ¹⁷ Aba balumi balimbili zilambwa zitakwe meenda. Bali mbuli mayooba ayobu pepuka aguuwo. Balindililwa amudima usiya ngubabambiliidwe. ¹⁸ Balaambula amajwi akulisumpula atawope. Balayunga bantu mukwinda kuli ezyo zibotezya nyama. Alubo balayunga bantu abo banga balokwezya kuyanda kuloboka buponi bwamukutaziba. ¹⁹ Balabasyomezya lwangunuko, pesi bo lwabo mbazike babusyachivulemwangu. Nkambo mutu muzike wazeezyo kufumbwa zimuzunda. ²⁰ Na kakuli kuti bayunwa kubusofwazi bwaansi mukwinda

mukuziba Mwami a Mufutuli Jesu Kkilisito mpawo kabiyo bachigwa lubo mulimbabo akuzundwa, chimo chabo chinoli chayindilila kwinda chakutanguna. ²¹ Nichali kubota kuti kabayandokkede kabatabwizi pe bululami kwinda kuti wabuziba mpawo wazobusiya wazwa mumulawo Uusalala wakali wasisigwa kulimbabo. ²² Aka kambyo nkamasimpe kulimbabo; "Imubwa ubweda kumaluusi akwe, alubo ingulube yazwa kusanzigwa ilabwedulula kumatope."

3

¹ Kwalino, ndikulembela kuli nduwe, oyandwa, olu lugwalo lwabili ndundakulembela nchiibalusyo chakuno mwibulusya mumizeezo yanu, ² kuti mukayibuluke majwi akambiidwe chiindi abasinsimi basalali antomwe amulawo wa Mwami a Mufutuli wakapegwa kwinda mubatumwa. ³ Kukusanguna echi ngachizibwe, kuti kuyosika basikaniako niako mumazuba amamanino. ⁴ Bayowamba kuti, "Ino kulikuli kuboola kwakwe nkvakasyomezya? Nkambo kakuti kuzwa chiindi nibakafwa bamataatesu, zyonse zintu zichikkede kazili mbozyakabede, kuzwa kumatangunino azilengwa." ⁵ Balalilubya lubya achaali kuti chiindi mukwinda mujwi lya Leza ijulu anyika zyakasika mpozibawo kazizwa mumeenda alubo mukwinda mumeenda, ⁶ alimwi eyo nyika kuchindi echo yakamwayulwa, yakazimazigwa ameenda. ⁷ Kwinda mujwi ndilyo ijulu anyika zyakabambililwa mulilo, zililonwedwe kazilindila elzo zuba lyalubeta alunyonyooko lwabantu batakwe bunaleza. ⁸ Pele nkuchili nchimutelede kuluba, nobayandwa, ncheeche chakuti ku Mwami buzuba bomwe buli mbuli chuulu chamwaaka, achilaacho chuulu chamyaka chilimbuli buzuba bomwe. ⁹ Mwami tayendi bunini bunini pe kuzisyomezya zyakwe, mbuli mbobayeeya bamwi kuti wanonoka. Pe pe, ngusibuya andinywe. Tayandi pe kuti naba omwe wenu akafwidilile, pesi kuti woonse ajane mwenya wakusanduka. ¹⁰ Nekubaboobo, ibuzuba bwa Mwami bulasika mbuboonya mbuli uubbba: Imajulu ayoloba amuzuzumo mupati. Tunyeneze tuyopya amulilo, ayilayo inyika amichito ilimulinjiyo ziyoloba. Takulentanganana pe kuti ndelili ijwi lyamulaka wachi Giliki lyelede kubelesegwa Kujwi lyakujinsya munchali wekkumi, akkati kakuti, kusyalamaya nakuti kuumpwa, ngakulaba kulisalila. kuli kuzumbuuya kuti ndilili ijwi lingalila belesegwa. Kulisalila kwabili ngakulaba oku, Itunyeenze tuyotentwa amulilo, ayilayo nyika antomwe azichitwa mulinjiyo ziyoloba akutentwa. ¹¹ Mbokunga zyoonsezezi ziyoloba enzila eyi, ino muledele kuba bantu balibiyeni? Muledele kupona mubusalali amubuumi bwabunaleza. ¹² Muledele kulangila akuyandisya kusika kwazuba lya Leza. Mubuzuba oobo, imajulu ayomwayulwa amulilo, atwalo tunyeneze tuyoyeemuka amusikitila wakupya. ¹³ Pesi mbuli mbwakasyomezya, tulokulindila ijulu ipya anyika impya, oko baluleeme nkubayokkala. ¹⁴ Nkambo kaako, nomuyandwa, mbokunga mulangila ezi zintu, amusungwale kuti mukajanike kamutakwe kabata nikaba kampenda kunembo lyakwe, kamuli mulumuno. ¹⁵ Alubo, amuyeeye kuti kukkazika moyo kwa Mwami nkokweta lufutuko, mubunya mbuli uyandwa mukwesu Pawulu mbwakamulembela, mukwinda mubusongo mbwakapedwe. ¹⁶ Pawulu ulamba zintu zyonsezi mumagwalo akwe, kwakuti mukati kawo mozili zintu ziyumu kukumvwisisisya. Nkabela batayide abatakkalinkene balasandula sandula amwi magwalo, chakuli nyonyoona lwabo. ¹⁷ Pele, nywebo nomuyandwa, mbokunga ezi zintu

mulizizi kale, amukaliyaminine lwenu nkokuti tamukasowegwi abasil-
weeno batakwe mulawo mpawo mukaswekelwe lusyomo lwanu.¹⁸ Pesi
kamuya bukomena kuluzyalo amuluzibo lwa Mwami a Mufutuli wesu
Jesu Kkilisito. Akube bulemu kulinguwe kwalyoonse sunu mane kukabe
ikutamani. Ameni!

1 Joni

¹ Echo chakazwa kumatalikilo - nchitwakamvwa, nchitwakabona amenso eesu, nchitwakalanga, alimwi maboko esu akachiguma - chilatala a Jwi lyabuumi. ² Alimwi, buumi bwakachitwa kuti buzibwe, alimwi twakabubona, tububeda bukamboni. Tulikumwambila buumi ibutamani, bwakali a Taata, alimwi bwakazibisiga kuli ndiswe. ³ Echo nchitwabona akumvwa aswebo tumwambila nchiicho, kuti anywebo mube abulidilano andiswe. Bulidilano bwesu buli a Taata alimwi aMwana wakwe Jesu Kkilisito. ⁴ Alimwi tulikulemba zintu ezi kulindinywe kuchitila kuti lukondo lwesu luzulile. Amwi malembe eensiku echigiliki abalika boobu, alimwi tulikumulembela zintu ezi kuchitila kuti lukondo lwenu luzulile. ⁵ Aya ngemakani ngitwakamvwa kulinguwe ngitwamwambila: Leza mumuuni, alimwi mulinguwe tamukwe mudima abunini pe. ⁶ Kuti katwamba kuti tulabulidilano anguwe pele katwenda mumudima, tulikubeja alimwi tatuchiti bwini pe. ⁷ Pele kuti katwenda mumumuni mbuli mbwali mumumuni we, tulabulidilano umwi awumwi, alimwi bulowa bwa Jesu Mwana wakwe bulatusalazyza kuzwa kuzibi zyoonse. ⁸ Kuti twati tatukwe chibi, tulikulyeena lwesu, alimwi bwini tabumo pe mulindiswe. ⁹ Pele kuti twalyaamba zibi zyesu, ulisyomekede akululama kutulekelela zibi zyesu akutusalazyza kuzwa kukatalulama koonse. ¹⁰ Kuti twaati taakwe nitwakabisya, twamuchita mubeji, aboobo ijwi lyakwe talimo pe muli ndiswe.

2

¹ Nobana, ndikumulembela zintu ezi kuchitila kuti mutabisyi. Pele naa kuti umwi wabisya, tulaawe sikutwiminina kuli Taata, Jesu Kkilisito, oyo ululeme. ² Ngonguwe muliyo wezibi zyesu, kutaamba zyeesu luzutu pele kuti azyenyika yoonse mbiizulwa. ³ Mulicheechi tulizi kuti twasika aakumuziba: naa twabamba milawu yakwe. ⁴ Oyo uwamba kuti, "Leza ndimwizi," pesi katabambi milawu yakwe mubeji, alimwi bwini tabumo mulinguwe. ⁵ Pele oyo woonse uubamba ijwi lyakwe, mulinguwe nhobeni luyando lwa Leza lwakakwanisigwa. Acheechi tulizi kuti tuli mulinguwe. ⁶ Kufumbwa uuwamba kuti ukalilide muli Leza welede kweenda mbuli Jesu Kkilisito mbwakeenda. ⁷ Nomuyandwa, teensi ndikumulembela mulawu mupya pe, pele mulawu wachiindi ngumwakali aawo kuzwa kumatalikilo. Mulawu wachiindi ndijwi ndimwakamvwa. ⁸ Nikuba boobo ndimulembela mulawu mupya, oyo uuli nkikasimpe muli Kkilisito amulindinywe, nkambo mudima ulimukwiinda, alimwi mumuuni wabwini ulimukumweka kale. ⁹ Oyo uwamba kuti uli mu-mumuni kasulide munyiina uchili mumudima alino. ¹⁰ Oyo uyanda munyina ukkalilide mumumuni alimwi takwe mweenya wakudadalika mulinguwe. ¹¹ Pele oyo uusula munyina uli mumudima alimwi weenda mumudima; tazi nkwayobuya nkambo mudima woofwazya menso aakwe. ¹² Ndikulemba kulindinywe, nobana, nkambo izibi zyenu zilalekeelwa nkambo kezina lyakwe. ¹³ Ndikumulembela, nomandende, nkambo muli mwizi oyo uzwa kumatalikilo. Ndilikumulembela, nobalumi banini, nkambo mwakamuzunda mubi. Ndamulembela nobana, nkambo muli mwizi Taata. ¹⁴ Ndamulembela nomandende, nkambo mulimwizi

ooyo uzwa kumatalikilo. Ndamulembela nobalumi banini, nkambo mulanguuzu, alimwi ijwi lya Leza lilikalilide mulindinywe, alimwi mwamuzunda mubi. ¹⁵ Mutayandi nyika niziba zintu zili munyika. Kuti kakuli umwi uyanda nyika, luyando lwa Taata talumo mulinguwe. ¹⁶ Nkambo zyoonse zili munyika - meno meno azyanyama, nikuba chitumpya meno, akalutiluti kabuumi - tazizwi kuli Taata pele zizwa kunyika. ¹⁷ Alimwi nyika anzyiyanda ziliinda. Pele kufumbwa uuchita luyando lwa Leza uyokkalilila akutamani. ¹⁸ Nobana banini, lyaba hoola lyamamanino. Mbuuli mbumwakamvwa kuti sikukkazya Kkilisito ulasika, lino bamukazya Kkilisito mbiingi basika. Akambo kazeezi kuti nihoola lyamamanino. ¹⁹ Bakazwa mulindiswe, pele teensi bakali mulindiswe. Nkambo nikwali kuti balikuzwa muli ndiswe nibakakkalilila aswebo. Pele nibakazwa, zyakatondezya kuti teensi bakazwa muli ndiswe. ²⁰ Pele mula kunanikwa kuzwa ku Musalali, alimwi mulikezi kasimpe. ²¹ Teensi ndakamulembela akaambo kakuti tamwizi bwini pe, pele nkambo mulibwizi alimwi taakwe kugeja kuzwa mubwini. ²² Ngwani mubeji pele oyo ukazya kuti Jesu ngo Kkilisito? Ooyo mutu ngonguwe sikukazya Kkilisito, mbuuli kuti wakaka Taata a Mwana. ²³ Tawo pe uukkaka Mwana uula Taata. Kufumbwa uuzumina Mwana a Taata ulaawe. ²⁴ Ino inywe, ezyo nzimwakamvwa kumatalikilo amuzileke zikkalilile mulindinywe. Kuti nzimwakamvwa kuzwa kumatalikilo zyakkalilila mulindinywe, muyokkalilila mu Mwana amuli Taata. ²⁵ Eechi nczechisyomezyo nchaakapa kuli ndiswe - buumi ibutamani. ²⁶ Ndalembe izintu eezo kuli ndinywe atala abaabo banga balamusowa. ²⁷ Ino inywe, bunanike mbumwakatambula kuzwa kuli nguwe buli kkalilide muli ndinywe, alimwi tamuyanduuli sikumuiyiya pe. Pele kuti kunanika kwakwe kulakuiyiya zyoonse alimwi masimpe teensi nkubeja pe, mbuli mbukwakakuiyiya, kkalilila muli nguwe. ²⁸ Alimwi lino, nobana, amukkalilile muli nguwe, kuchitila kuti nayoopamuka tukabe abusichaamba peepe kuyofwa insoni kunembo lyakwe akusika kwakwe. ²⁹ Na kamwizi kuti uliluleme, mulizi kuti wonse uuchita bubotu wakazyalwa anguwe.

3

¹ Amubone luyando Taata ndwakatupa, kuti tuteegwa tulibana baLeza, ino mbombubo mbotubede. Akaambo aka nyika titwiizi, nkambo teyaka-muziba pe. Zimwi zyensiku zipati zililembedwe muchiGiliki zilasiya eesi, ezi nzizyo nzituli nzizyo. ² Nomuyandwa, lino twaba bana ba Leza, alimwi tazina yubununwa nzituyooba nzizyo. Tulizi kuti Kkilisito apamuka, tuyoooba mbuli nguwe, nkambo tuyomubona mbubonya mbuli mbwabede. ³ Woonse ujisi bulangizi obu mulinguwe ulalisalazyta mbubonya mbuuli mbwasalala we lwakwe. ⁴ Woonse uubisya ulimukuchita nchito zitali mumulawu, nkambo chibi nkutaba mumulawu. ⁵ Mulizi kuti Kkilisito wakayubununwa kuchitila kuti agwisye zibi, alimwi mulinguwe tamukwe chibi pe. ⁶ Taakwe ukkalilila mulinguwe uyoyinkilila kunembo kabisya. Tawope wakamubona akumuziba uyinkilila kunembo akubisya. ⁷ Nobana, mutalekeli mutu naba omwe kuti amuzulwide mukusweeka. Ooyo uuchita bululami uliluleme, mbubonya Kkilisito mbwaluleme. ⁸ Oyo uchita chibi uzwa kuli dyabulosi, nkambo dyabulosi wakabisya kuzwa kumatalikilo. Akambo aka Mwana wa Leza wakayubununwa, kuchitila kuti anyoonyone milimu yadyabulosi. ⁹ Ooyo iwakazyalwa kuzwa kwa

Leza tayinkilili kunembo kabisya pe, nkambo imbuto ya Leza ikkalilide mulinguwe. Takonzyi kwinkililila kunembo kabisya nkambo wakazyalwa a Leza. ¹⁰ Muleezi bana ba Leza abana ba dyabulosi balayubununwa. Kufumbwa uutachiti ziluleme tazwi kwa-Leza, nikuba ooyo utayandi munyina. ¹¹ Aaya ngimakan ni ngimwakamvwa kuzwa kumatalikilo: Tweede kuyandana umwi awumwi, ¹² tatwelede kuba mbuli Kkayini, wakazwide kumubi alimwi wakajaya munyina. Ino wakamujilaanz? Nkambo milimu yakwe yakali mibi ino yamunyiina kiluleme. ¹³ Mutagambi, nobakwesu, na inyika yamusula. ¹⁴ Tulizi kuti twakiinda kuzwa mulufu akunjila mubuumi, nkambo tulabayanda bakwesu, oyo utakonzyi kuyanda ukkalilide mulufu. ¹⁵ Kufumbwa uusula munyina mujayi. Mulizi kuti taakwe mujayi ulaabuumi butamani pe bukkede mulinguwe. ¹⁶ Aazezi mbutulwizi luyando, nkambo Kkilisito wakatulazikila buumi bwakwe aansi. Aswebo tweede kulazikila babunyina buumi bwesu aansi. ¹⁷ Pele kufumbwa uujisi zintu zyenika, nabona munyina uubulide, wamujalila moyo waluzyalo, ino luyando Iwa Leza lukkalilila byeni muli nguwe? ¹⁸ Bana bangu, luyando lwenu lutabi lwamajwi biyo na kuti alulimi biyo, pele munchiito amubwini. ¹⁹ Mukuchita boobu nitutazibe kuti tuzwa kubwini, alimwi tusimya myoyo yesu kunembo lyakwe. ²⁰ Na kuti myoyo yesu kitusowa, Leza mupati kwinda myoyo yesu, alimwi ulizi zintu zyoonse. ²¹ Nomuyandwa, kuti myoyo yesu kitatusowi, tulabulangizi kuli Leza. ²² Kufumbwa nzitukumbila tulazitambula kuzwa kuli nguwe, nkambo tulibamba milawu yakwe akuchita zintu zimuboteleyza. ²³ Oyu ngomulawu wakwe: kuti tusyome muzina lya Mwana wakwe Jesu Kkilisito alimwi tuyandane umwi awumwi, mbubonya mbuli mbwakapa mulawu oyu. ²⁴ Ooyo uubamba milawu ya Leza wakkalilila muli nguwe. Nkaambo kazeezi tulizi kuti ulakkalilila muli ndiswe, kwinda mu Muuya ngwakatupa swebo.

4

¹ Nomuyandwa, mutasyomi myuuya yoonse pele, amwisunke myuuya kuchitila kuti mubone kuti izwakuli Leza na, nkambo basinsimi mbiingi bakubeja banjila munyika. ² Acheechi moyoziba Muuya wa-Leza - Muuya woonse uwamba kuti Jesu wakaba munyama uzwa kuli Leza, ³ pele muuya woonse utazumini Jesu tuuzwi kuli Leza. Ooyu ngumuuya uukkazya Kkilisito, ngumwakamvwa kuti ulasika, lino lino wabawo kale munyika. Zimwi zilembedwe muchiGiliki zyensiku zibalika boobu; Kufumbwa muuya utazumini kuti Jesu wakeza munyama tazwi kwa Leza pe. Ooyu ngumuuya uukkazya Kkilisito, ngumwakamvwa kuti ulasika ino lino wabawo kale munyika. ⁴ Muzwa kuli Leza nobana, alimwi mwakabazunda nkambo ooyo uli muli ndinywe mupati kwinda oyo uuli munyika. ⁵ Bazwa munyika, aboobo nzibaamba zizwa munyika, alimwi inyika ilabatelela. ⁶ Tuzwa kwa Leza. Kufumbwa uumwizi Leza ulamutelela. Ooyo utazwi kuli Leza tatuteeleli. Azeezi tulizi muuya wabwini amuuya waluleyo ⁷ Nobayandwa atuyandane, umwi awumwi, nkambo luyando luzwa kwa Leza, kufumbwa uyaanda uzyalwa kwa Leza alimwi ulimwizi Leza. ⁸ Muntu uutayandi tamwizi pe Leza, nkambo Leza nduyando. ⁹ Akambo kazeezi luyando lwa Leza lwakayubununwa aakati kesu, kuti Leza wakatumwa Mwana wakwe simuzyalwa alikke munyika kuti tupone nkambo kakwe. ¹⁰ Muli echi muli luyando, peepe kuti twakamuyanda Leza, pele kuti nguwe wakatuyanda, akuti wakatumwa

Mwana wakwe kuti abe muliyo wezibi zyesu. ¹¹ Nobayandwa, nakuti Leza wakatuyanda obuya, aswebo twelede kuyandana umwi awumwi. ¹² Takwe walina kumubona Leza. Kuti katuyandana umwi awumwi, Leza ulakkalilila muli ndiswe, alimwi luyando lwakwe lulazulizigwa mulindiswe. ¹³ Acheechi tulizi kuti tulikkalilide muli nguwe alimwi alakwe uli mulindiswe, nkambo wakatupa umwi muuya wakwe. ¹⁴ Alimwi, twakabona alimwi tupu bukamboni kuti Taata kuti wakatumwa Mwana wakwe kuti abe mufutuli wenyika. ¹⁵ Kufumbwa uwamba kuti Jesu ngonguwe Mwana wa Leza, Leza ulakkalilila muli nguwe alakwe muli Leza. ¹⁶ Alimwi twakaziba akusyoma luyando Leza ndwalaalo kuli ndiswe. Leza nduyando, alimwi oyo ukkalilila muluyando olu ulakkalilila muli Leza, alakwe Leza, ulakkalilila muli nguwe. ¹⁷ Nkaambo kacheechi, olu luyando lwakazulizigwa akati kesu, kuchitila kuti tukabe alusinizyo mubuzuba bwalubeta, nkambo mbuli mbwabede, aswebo mbutubede muliino nyika. ¹⁸ Muluyando tamukwe kuyoowa. Anukuti, luyando luzulide lusowela kunze buyoofu nkambo buyoofu bulachakuchita achisubulo. Pele oyo utayandi tanakkwanisizigwa muluyando. ¹⁹ Tulyanya nkambo Leza wakatuyanda kukusanguna. ²⁰ Na kuti umwi waamba kuti, "Ndamuyanda Leza" pele kasula mwenzinyina, mubeji. Nkambo oyo utayandi mwenzinyina, oyo ngwabona, takonzyi kumuyanda Leza, ngwatana buunsi wabona. ²¹ Alimwi oyo ngumulawu ngutujisi kuzwa kuli nguwe: Ku-fumbwa uuyanda Leza weelede kumuyanda munyiina wakwe.

5

¹ Kufumbwa uusyoma kuti Jesu ngu Kkilisito uzyalwa kwa Leza. Alimwi oyo uyanda Wisi, a Mwana ulamuyanda uzyalwa anguwe. ² Nkambo obuya mbotuziba kuti tulabayanda bana ba Leza: nitumuyanda Leza akuteelela milawu yakwe. ³ Olu ndoluyando lwa Leza: kuti tubambe milawu yakwe. Alimwi milawu yakwe tilemi. ⁴ Woonse uuzyalwa kwa Leza uliizunda nyika. Olu ndoluzundo lwakazunda nyika, nkokuti lusyomo lwesu. ⁵ Ngwani oyo uzunda nyika? Ngooyo uusyoma kuti Jesu Mwana wa Leza. ⁶ Ooyu ngonguwe wakaza amanzi abulowa: Jesu Kkilisito. Teensi wakaza amanzi luzutu pele kuti maanzi abulowa. Muuya nguwe uupa bukamboni, ⁷ nkaambo Muuya ngobwiini. Nkaambo mbatatu bapa bukamboni; ⁸ Muuya, manzi, abulowa. Eezi zyotatwe zilazuminana. Zimwi zililembedwe zipati muchi Giliki mumalembe ansiku zibalika oobu, Nkambo mbatatu bapa bukamboni kujulu: Taata, Ijwi, a Muuya Uusalala. Aba botatwe mbaamwi: alimwi kuli batatu bapa bukamboni aansi: Muuya, Maanzi, abulowa: Ezi zyotatwe nzimwi. Nikuba booboo, amwi malembe mabotu kwinda taajisi makani aya. ⁹ Na kuti twatambula bukamboni bwabantu, bukamboni bwa Leza mbupati. Oobu mbobukamboni bwa Leza mbwaakapa atala a Mwana wakwe. ¹⁰ Kufumbwa uusyoma mu Mwana wa Leza ulijisi bukamboni mulinguwe lwakwe. Kufumbwa uutasyomi Leza wamuchita mubeji, nkambo teensi wakasyoma bukamboni oobo Leza mbwakapa eetala a Mwana wakwe. ¹¹ Bukamboni mbobu: Leza wakatupa buumi butamani, alimwi obu buumi buli mu Mwana wakwe. ¹² Oyo ula Mwana ula buumi. Oyo uutakwe Mwana wa Leza takwe buumi. ¹³ Ndamulembela zintu ezi kuchitila kuti muzibe kuti mula buumi butamani - kuli ndinywe nimusyoma muzina lya Mwana wa Leza. ¹⁴ Alimwi, olu ndolusinizyo ndotujisi kunembo lyakwe, kuti na twakumbila kufumbwa chintu kwindila mukuyanda

kwakwe, ulatumvwa. ¹⁵ Alimwi, kuti katwizi kuti ulatumvwa - kufumbwa nzitwakumbila kuti twaba eezyo, eezi nzitwamukumbila. ¹⁶ Nakuti umwi wabona munyiina kachita chibi chitatoli kulufu, welede kukomba, eelyo Leza uyomupa buumi. Ndikwamba abo basizibi zitatoli kulufu. Kuli chibi ichitola kulufu; teensi ndikwaamba kuti akombele nchicho. ¹⁷ Kutalulaama koonse, nchiibi, pele kuli chibi chitatoli kulufu. ¹⁸ Tulizi kuti kufumbwa uuzyedwe kwa Leza tabisyi. Pele oyo wakazyalwa kwa Leza ulamukwabilila aboobo mubi takonzyi kumuchisa. ¹⁹ Tulizi kuti tuzwa kwa Leza, alimwi tulizi kuti nyika yoonse ililede munguzu zyamubi. ²⁰ Pele tulizi kuti Mwana wa Leza wakaza alimwi wakatupa kumvwisisisya kuchitila kuti tumuzibe oyo wabwini. Alimwi, tuli mulinguwe oyo wabwiini, mu Mwana wakwe Jesu Kkilisito. Oyo ngo- Leza wabwini abuumi butamani. ²¹ Nobana, amulitantamune kuzwa kumituni yazikozyanisyo.

2 Joni

¹ Kuzwa kumupati kaluya kumwanakazi musale abana bakwe, aabo mbeyanda mukasimpe - alubo katalindime endikke, Pesi abalaboo boonse bakaziba kasimpe - ² Nkambo kakasimpe kakkalilide mulindiswe elyo kanoli andiswe mane kukabe kutamani. ³ Luzyalo, alwetelelo alumuuno zinoli aswebo kuzwa kuli Taata Leza akuzwa kuli Jesu Kkilisito, i Mwana wa Taata, mukasimpe amuluyando. ⁴ Ndikondwa kapati kuti ndajana bamwi ibana bako kabeenda mukasimpe, mbuli mbutwakatambula mulawu oyu kuzwa kuli Taata. ⁵ Lino ndakukumbilisya, amwanakazi - kutali kuti ndilo kukulembela mulawu mupya, pesi ooyo ngotulawo kuzwa kumatanganino - wakuti twelede kuyandana umwi awumwi. ⁶ Olu luyando, ndotwelede kwendela mukwindila mumilawu yakwe. Ooyu mulawu, mbuli mbumwakamvwa kuzwa kumatanganino, kuti mwende muli nguwo. ⁷ Nkambo basilweno lwiingi balizwide akutobela inyika, elyo tabazumini ikuti Jesu wakalizide munyama. Ooyu ngusilweeno alubo ngusinkondonyina a Kkilisito. ⁸ Amulilange, ikuti mutaswekelwi zintu nzitwakabelelekla, pesi ikuti mutambule impindu izwide. ⁹ Kufumbwa oyo uyinkilila anembo elyo katakkalili munjiisyo yaKkilisito takwe Leza. Ooyo ukkalilila munjiisyo, oyu nguli a Taata antomwe a Mwana. ¹⁰ Na umwi waza kuli ndinywe elyo katayeti injiisyo eyi, mutakamatumbuli munganda yenu alubo mutakamujuzyi. ¹¹ Nkambo oyo umujuzya unoli wagwasyania awe kumilimo mibi. ¹² Ndilazyiingi zyakukulembela, pesi tandibede achiyandisyo ikuti ndizilembe mubbuku amuleende. Nikuba boobo, ndila bulangizi bwakuza kuli nduwe elyo tuzowambule katulangene busyu kubusyu, nkokuti kukondwa kwesu kuzozuzikizigwe. ¹³ Ibana bamuchizi wako musale balikukujuzya.

3 Joni

¹ Mupati kuli uyandika Gayiyasi, ooyo ngwenjanda chakasimpe. ² Oyandwa, Ndikukkombela ikuti zintu zyoonse zikwendele kabotu alubo upone kabotu, mbuli mbopona kabotu mumuuya wako. ³ Nkambo ndakakondwa ndakabotelwa loko inzubo nizyakasika akupa bukamboni bwakasimpe kaako, mbuli mboyenda mukasimpe. ⁴ Nsikwe kubotelwa kumbi kwinda oku pe, ikumvwa kuti bana bangu benda mukasimpe. ⁵ Oyandwa, uchita michito chalusyomo mpobelekela inzubo akubenzu, ⁶ aabo bakazopa bukamboni bwaluyando lwako kunembo lyembungano. Uchita kabotu kubasindikila munyeendo zyabo chakubotezya Leza, ⁷ nkambo kezina eelyo ndibayobwendela, nkabata tambwide chintu kuli bamasi. ⁸ Aboobo aswebo tulachitambula mbubo, ikuti tukabe basimulimo nyokwe mukasimpe. ⁹ Kuli nzindakalembela imbungano, pesi Diyotilefesi, oyo uyandisya kuba mutanzi akati kabo, tatutambuli pe swebo. ¹⁰ Eelyo, nindasika, nzomuyeezya milimo yakwe njali kuchita, yakututamikizya chakubeja amajwi mabi kulindiswe. Mukutakkutisika, takaki biyo kutambula ibana bakwabo, pesi ulakasya alubo kulaabo ibayanda kubatambula benzu mpawo akubatanda mumbungano. ¹¹ Noyandwa, utatobeli kuchita zibi pesi kuleezyo zibotu. Ooyo uchita zibotu nguwa Leza; simuchita zibi tanakubona Leza, ¹² Demetiliyasi wakatambula bukamboni bubotu kuli boonse amukasimpe. Alubo andiswe tuli bakamboni, alubo ayebo ulizi kuti bukamboni bjesu mbwakasimpe. ¹³ Ndali ezyiingi zyakukulembela pesi nsikkonzyi kukulembela pe zyoonse empesele amulende. ¹⁴ Pesi ndi langila kuzokubona lino lino, elyo tuzowambuula katulangene. ¹⁵ Lumuno alube ayebo. Benzuma balikumujuzya. Ujuzye ibeenzuma oko muzina.

Judi

¹ Judi, mulanda wa Jesu Kkilisito amunyina wa Jemusi, kuli baabo bayitidwe, bayandwa muli Leza Taata babikidwe akaambo ka Jesu Kkilisito. ² Luse aluumuno aluyando aluvuzigwe kuli ndinywe. ³ Nibayandwa, kandichili kubika nguzu zyoonse kumulembela aatala alufutuko luzibikene, ndakaba akumulembela nywebo kandimusumpula kuti mukakatile loko lusyomo lwakaabilwa boonse bantu ba Leza basalala. ⁴ kuli bakanjila chakusisikana aakati kan. Aaba mbaalumi bakalitandidwe ankaambo kalubeteko. Mbaalumi batakwe buleza bakasandula luzyalo lwa Lesu wesi akuba azisusi zibi, aabo bakaka simalelo a Mwami, Jesu Kkilisito. ⁵ Lino ndayanda kumuyeezya - nikuba mwakalizi loko - kuti Leza wakafutula bantu kuzwa munyika ya Igiputi pesi aampela wakabamwayisya aabo abakatazunina. ⁶ Alubo, baangelo batakwe bakabamba chuuno chabwendelezi, pesi aabo bakasya busena bwabo bulikabotu bwakukkala - Leza wakabamba kuzyaanzyo zitamani, akunjila mumudima, walubeteko lwazuba upati. ⁷ Aboobo, Sodoma a Gomola amadolopo azisi zyengeelede aakati kabo balinjizya beni mumamambi an-chinto zyabumambi aabo balabeleka mbuli chitondeezyo chabaabo bapenzengwa aachisubulo chamililo utamani. ⁸ Munzila ikozyene aaba basikulota alabo bakasofwaazy a mibili yabo. balakaka bwami akusampawula aabo bali aabulemu. ⁹ Nikuba alakwe Mayikkelo mwaangelo mupati, nibakali kukazyana a Satan akunyanzyana anguwe munta wa Mozesi, takakonzya kweeta lubeteko aatala anguwe, pesi wati, "Akukalalile Mwami!" ¹⁰ Pesi bantu aaba balasampawula kufumbwa nchibatamywi; anzibamvwya zyabube buliwo, mbuli banyama batayeyi, eezi nzenzizyo zyakabamwaya. ¹¹ Maawe kuli mbabo!" Nkaambo bayeenda munzila ya Kkayini akunjizigwa mukubisywa kwa Bbalamu ankaambo kampindu, balafwa mulupapilo lwa Kcola ¹² Aaba bantu mabwe ajeeya kumapobwe aluyando, kupobola andinywe chifwisya bweeme -beembeli balisanina beni. Mayoba atakwe mvula aabwezegwa aaluwoo; misamu yakulwaka itakwe michelo - bafwide tubili banonkwedwe. ¹³ Mayuwe ali aabukali amulwizi, akubumba bubi, inyenyeesi ziya bwendeende, babambilidwe kusiya kwamudima mawuse kwalyoonse. ¹⁴ Inoki mwana wamusaaunu kuli Adamu, wakasinsima aatala ambabo, wakati, "Bona! Mwami ulasika azyuulu azyuulu zyabasalali bakwe uzosika kuzoopa lubeta kuli boonse. ¹⁵ Uzoosika kuzoopa luteko luli boonse. uyoosika kuzooyumununa zyoonse zitali zyabuleza akumilimu njibakachita munzila ityaliyabuleza akumajwi akumajwim woonse ankondo atakwe aatakwe buleza kuli basizibi nzibaakamba aatala anguwe." ¹⁶ Aaba mbasikunyontooka abasikutongawuka mukutobela zbi zyabo. Milomo yabo ilaambulisya chakulikankayizya, impuwo zyabpo kukasya bamwi. ¹⁷ Pesi nubayandwa amuyeeye majwi akaambwa kuchiindi aba apositoli ba Mwami wesi Jesu Kkilisito. ¹⁸ Bakati kuli ndinywe, "Kuchiindi chakumamanino kuyooba basikunoonga batobela miyeyo yabo itali yabuleza ¹⁹ ."Abaa mbaaba bachita kwanzanya; mbaasinyika alubo tabakwe muuya. ²⁰ Pesi nywebo, nobayandwa, amusime Iwanu mulusyomo lupati lusalala, akukomba mu Muuya Ususalala. ²¹ Amukkale muluyando lwa Leza, akulinda luse lwa Mwami Jesu Kkilisitu weeta buumi butamani. ²² Amube aaluse

kuli baabo batasyomi. ²³ Futula bamwi akubagwisya kuzwa mumulilo. Kuli bamwi amube aaluse lwakuyoowa. Choonzyo nikuba chisamo chasofwazigwa amubili. ²⁴ Lino kuliyooyo umukasya kuzwa mukuwa amukuchitā kuti mwiimikile kunembo lyabulemu bwabulivo butakwe bubi mbubakwaamba alukondo lupati, ²⁵ kuli Leza luzutu mufutuli wesu mukwiinda muli Jesu Kkilisito Mwami wesu, akube bulemu, bupati anguzu, abwami, zyiindi zyoonse zyakaliwo, lino akwalyoonse. Amen.

Chiyubunuzyo

¹ Eechi nchiyunuzyo cha Jesu Kkilisito eecho Leza nchakamupa kuti atondeezye balanda bakwe zintu zizochika chakufwambaana, wakazibisy aaya watuma angelo kumulanda wakwe Joni. ² Joni wakalungulula makani aa Leza abukamboni bwa Jesu Kkilisito, azintu zyoonse nzyakabona. ³ Uli aacholwe uubala businsimi oobu ajwi pati abaabo balemeka zilembedwe mulimbubo, nkaambo chiindi chaba aafwiifwi. ⁴ Joni, kumbungano zili musanu azibili zili mu Eziya: Luzyalo ngalube kuli ndinywe aluumuno luzwa kuli yooyo uliwo, Iwakaliwo ooyo uuza, akuzwa kumyuuya ili musanu ayibili iimikila kuchuuno chakwe, ⁵ akuzwa kuli Jesu Kkilisito, ooyo ulinguwe kamboni wakasimpe, mwana mutaanzi kuzwa kubafu, mpawo kali mweendelezi wabami baansi. Kulinguwe ooyo utuyanda watugwisya kuzwa muzibi zyesu abulowa bwakwe - ⁶ wakatuchita kuba ba Pulisita babwami, bawisi Leza wakwe a wisikuli nguwe kube bulemu a nguzu mane kukabe kutamani. Ameni. ⁷ Ngamulange, ulaza amayoba; meso wonse azoomubona kubikilizya aamwi abaabo bakamuyasa. Misyobo yamunyika izoolila nkaambo kanguwe. Iiyi, Ameni. ⁸ "Ndime Alufa a Omega," mbaamba Mwami Leza, ngunguwe uliwo, wakaliwo, ngunguwe uuza, Singuzu zyoonse." ⁹ Ime, nindaba Joni, monyoko unookwaabilana andinywe mukupenzewga amubwami, amumoyo mulamfu zili muli Jesu - ndakali aa kasuwa kategwa Patimosi nkaambo kajwi lya Leza abukamboni bwa Mwami Jesu. ¹⁰ Ndakali mumuuya mubuzuba bwa Mwami. Ndakamvwa jwi pati kusule lyang' lili mbuli mweembo. ¹¹ Lyakat, "Lemba nzwaabona mubbuku, mpawo uziotumizye kumbungano zili musanui azibili - ku Efeso, ku Similina, ku Pegamumu, ku Siyatila, ku Sadisi, ku Filadelufuya aku Lawodesiya." ¹² Ndakacheba kuti ndibone kuti ngwani unukwambuula aandime, lino nindakacheba ndakabona zibikilo zyamampi zyangolida zilimusatu azibili. ¹³ Aakati kazikilo eezi zyamalampi zyamalampi kwali umwi wakali mbuli mwana wamuntu kasamide dembo damfu lyakalikusika kumawulu aakwe amwiingwa nkwa wangolida kuzyungulukide kaango kakwe. ¹⁴ Mutwe wakwe amasusu aakwe aakali kutuba mbuli buluba-kuta mbuli sikunku ameso aakwe akali mbuli mulilo. ¹⁵ Mawulu aakwe aakali mbuli nsimbi yanankiwa, mbuli nsimbi yasunkwa mumvuto yamulilo, ajwi lyakwe lyakali mbuli kuvuuma kwameenda mayingi. ¹⁶ Wakaliji nyenyezi zili musanu azibili kuluboko lwakwe lwalulyo. Mumulomo wakwe mwakazwa panga libosya koonse koonse. Busy bwakwe bwakwe kumweka mbuli zuba libalisya loko. ¹⁷ Nindakamubona ndakawida ndakawida kumawulu aakwe mbuli muntu mufwide. Wakabika luboko lwakwe lwalulyo aalindime mpawo wakati, "Utayoowi. Ndime matalikilo amamanino ¹⁸ ndime ooyo uupona lyoonse. Ndakalifwide pesi laanga, ndilapona kwalyoonse alyoonse! Alubo ndijisi chijaluzyo chalufu a Hedesi. ¹⁹ Nkikaako lemba ansi nzwaabona, chiliwo lino achizoochitika kuzwa aawa. ²⁰ Bupanduluzi busisikene bwaamba nyenyezi zili musanu azibili nzwaabona muluboko lwangu lwalulyo, azibikilo zyangolida zili musanu azibili: Nyenyezi zili musanu azibili mbaangelo bambungano zili musanu azibili alazyo zibikilo zyamalampi zili musanu azibil, ni mbungano zili musanu azibili."

2

¹ "Kumu ngelo wambungano yamu Efeso lemba boobu: Majwi ayooyo ujisi nyenyeesi zili musanu azibili mukuboko kwakwe kwalulyo alimwi ooyo weenda aakati kazibikilo zyamalampi aangolda zili musanu azibili, ² "Ndilizi milimo yako, kubeleka changuzu alubo alukakatilo lwako, akuti tubotelwi ababi, pesi wabasunka aabo balyaamba kuti mba Apositolo pesi kabatali mbabo pe, alimwi wabajana kabali basikubeja. ³ Ulakakatila chakulansya moyo akunyampula zina lyangu, alimwi tukatede pe. ⁴ Pesi biyo nchindaamba aanduwe nchakuti wakasiya luyando lwako lutaanz. ⁵ Kuyeeya aboobo kuzwa aawo mpuwakawida. Sanduka akuchita zintu eezyo zwzkachita lutaanz. Kunze kwakuti usanduke, ndiyoboola kulinduwe alimwi ndiyoogwisya chibikilo chalampi aabusena bwacho. ⁶ Pesi uli aacheechi: Usulide nchito zyaba Nikkolayiti, eezyo aandime nzindisulide. ⁷ Akube kuti ooyo uli aakutwi, amvwe muuya nzyaambilia mbungano. Kuli yooyo uzunda ndiyoomupa cheelelo chakuti akalye kumusamu wabuumi, ooyo uli mupaladayizi ya Leza." ⁸ "Kuli Angelo wambungano yaku Similina lemba boobu: 'Majwa ayooyo mutaanzi amamanino, ooyo wakalifwide pesi waba muumi lubo: ⁹ "Ndilizi mapenzi aako abuchete bwako, pesi ulimuvubi. Ndilizi kuupawupa kwabaabo balyaamba kuti mba Juda, pesi tabali mbabo pe. Mbachikombelo cha Satani. ¹⁰ Utayoo wi mapenzi aayo nguutafwabe kulanga! Simwaaba waamba kuwallilwa bamwi banu muntolongo kuchitila kuti mukasunkwe, alimwi myoopenzewa kwamazuba aali kkumi. Kusyomeka kusikila kulufu, alimwi ndiyookupa musini wabuumi. ¹¹ Ooyo ulaakutwi: ngamvwe muuya nzyaamba ku mbungano. Ooyo uzunda taakwe kuyoochiswa pe kulufu lwabili ¹² "Kuli Angelo wambungano yamu Pegamamu lemba boobu: 'Mjwi ayooyo ujisi panga libosya koonse koonse: ¹³ "Ndilizi ooko nkukkala ooko chuuno cha Satani nkuchibede. Pesi ndijisilidi kuzina lyangu. Ndilizi kuti tulukakide pe lusyomo lwako kulindime, nikuba mumazuba a Antipasi kamboni wangu, uusyomekede kuli ndime, ooyo wakajayigwa akati kanu, ooko Satani nkakkala. ¹⁴ Pesi ndili aazintu ziche biyo atala anduwe: Ulaabo nkuko ooko bamwi bajisilidi kunjiisyu ya Bbalamu, bakaiisya Bbalaki kuwaala chilebyo kunembo lyabana ba Isilayilikuti balye zyakulyazipiliidwe kumizimu akuli basimamambe. ¹⁵ Munzila njiyonya eeyo, ulaabo alimwi bamwi bajisilidi kunjisyo yaba Nikolayitani. ¹⁶ Sanduka, aboobo! kuti waleka, ndiyofwambaana kuboola kulinduwe, ndiyootanguna nkondo ambabo apanga mumulomo wangu. ¹⁷ Ooyo ulaakutwi, ngamvwe eezyo muuya nzyaamba kumbungano, kuli ooyo uzunda ndiyoomupa bbwe lituba lili azina pya lilembedwalindilyo aalindilyo, eelyo zina litakwe ulizi pesi ooyo alike ultitambula" ¹⁸ "Kuli Angelo wambangano yamu Tiyatila lemba boobu: 'Aaya majwi aa Mwana wa Leza, ooyo uli ameso ali mbuli mabangabanga aamulilo azitura zyakwe mbuli mukuba upakulidwe: ¹⁹ "Ndilizi milimu yako: luyando alusyomo lwako ambukutawuka alukakatilo chakulanya moyo. Ndilizi kuti eezyo nzuwakachita muchiindi chayina ziinda nzuwakavhita lutaanz. ²⁰ Pesi ndili aacheechi atala aanduwe: Walekeleela mwanyakazi Jezebbeli, ooyo ulyaamba kuti musinismi kwiinda munjiisyu yakwe weena balanda bangu bumambi akulya zyakulya zyakapayilwa kuzikozzano. ²¹ Ndakamupa chiindi chakusanduka, pesi tayandi pe kusanduka kumamambe aakwe. ²² Laanga! ndiyoomuwalila abulo bwa mwamatenda abaabo bachita bumambi angewe mumafwabi mapati, kunze kwakuti basanduke kun-

chito zyabo. ²³ Ndiyoobawuma akubajaya bana bakwe, alimwi zyonse mbungano ziyoobiza kuti ndime nindilinguluula mizeezo amoy. Ndiyoppaumi awumwi mbuli nchito zyanu. ²⁴ Pesi kuli nibamwi banu boonse bali mu Tiyatila, kuli woonse utajatisyi njisyo mpawo katazi eezyo bamwi nzibaamba kuti zintu zisisikene zya Satani -kulinduwe ndaamba kuti tandibiki pe aambi makani alinduwe.' ²⁵ Nikuba boobo kojatiliila mpawo aawo kusikila ndibooke. ²⁶ Ooyo uzunda akubamba milimu yangu kusikila kumamanino, kuli yooyo ndiyoomupa nguzu aatala amisyobo yoonse. ²⁷ Uyoobendelezya ankoli yalubulo, mbuli nongo zyabulongo uyoozipwasuula kuba zipanzi. ²⁸ Mbuli mbundakatambula kuli Taata, Andime ndiyoomupa nyenyezei ntanda yakubuchedeo. ²⁹ Ooyo ulaakutwi, ngamvwe muuya nzyaamba kumbungano.

3

¹ Kumwaangelo wambungano ili mu Sadisi lemba: "Majwi awumwi ujisi myuuya ili musanu ayibili yaLeza anyenyezei zili musanu ayibili. Ndilizi zyiito zyako. Ulaazina lyakuti muli bawuumi, pesi mulifwide. ² Amubuke akusimisyia zyachaala pesi zyaamba kufwa, nkaambo taakwe pe nindajana zyiito zyako kazizulide kubusu bwa Leza wangu. ³ Nkikaako, yeeya, echo nchwakatambula, anchwakamvwa. Chiswiilile akweempwa. Pesi na tewabuka ndiyoboola mbuli mubbii, pesi taakwe nuyooziba kuti nchiindi chili nindiyoboola akubukila nduwe. ⁴ Pesi uli aamazina mache mu Sadisi aayo atakwe nasofwaazy za isamo zyawo, aboobo baloyeenda andime kabasamide zituba mbukunga baleelela. ⁵ Kuli umwi uzunda unooli kasamide mumalembo atuba, alubo takwe nindiyogwisya zina lyakwe aanze lyabbuku lyabuumi, eelyo ndiyo aamba zina lyakwe kunembo lya Taata wangu, akunembo lyabaangelo bakwe. ⁶ Ooyo uli akutwi amvwe muuya chuwamba kumambungano." ⁷ "Kumbungano ili mu Filadelufiya lemba: "Majwi awumwi uusalala wachoonzyo -ooyo ujisi makkii a Devidi, ulajula mpawo taakwe uumbi ujala, ulajala mpawo taakwe umbi ujula. ⁸ "Ndilizi zyiito zyako. Boona, ndabika kunembo lyako mulyango ujulukide kuti kutabi umbi ujala. Ndilizi kuti ulaanguzu ziche, nekubaboobo wakaswilila jwi lyangu akutakaka zina lyangu. ⁹ Boona, ndilakuchisya aabo bali muchikombelo cha Satani, aabo balyiita lwabo beni ma Juda pesi kabatali oobo pesi kabilo babeji - ndiyoobachita kuti baze akukotama ansi kunembo lyazituta zyako, aboobo bayooziba kuti ndilakuyanda. ¹⁰ Mbuli mbwakabamba mulayizyo wangu chakukakatila ndiyookubamba alimwi kuchiindi chakweenzegwa kuyoosika kuniika yoonse, kuti kwenezegwe aabo bapona munyika. ¹¹ Ndiyoboola akufwambaana. Jatisya kuli eezyo nzulaazyo kuti kutabi umwi ukunyanza musini wako. ¹² Kuli yooyo uzunda ndilakumuchita musemu muchikombelo cha Leza. Takwe alubo nanga ulaya aanze anchicho, pesi ndiyolemma alinguwe zina lya Leza wangu, zina lyadolopo lya Leza wangu (Jeliusalemu mpya, ooyo useluka ansi kuzwa kujululya Leza wangu) azina pya lyangu. ¹³ Ita umwi ulaakutwi amvwe muuya chunokwaamba mumambungano." ¹⁴ "Kumwaangelo wambungano ili mu Layodisiya lemba: "Majwi a Ameni, asyomekedé akamboni wakasimpe, mweendelezi atala azilengwa zya Leza. ¹⁵ "Ndilizi zyiito zyako akuti tulikutontola nekuba kupya! ¹⁶ Lino akaambo kakuti ulakasaala -kukuluka anze amulomo wangu. ¹⁷ Nkaambo ulati, ndilimuvub, ndili azintu ziingi, taakwe nchiyanda. "Pesi taakwe nuzi kuti wuusisya nsoni loko akufwidwa

nsoni, ulimuchete ulimoofu, akuba aachintanda. ¹⁸ Swilila kululayo lwangu: Ula kindime ngolida yakasukwa aamulilo kuti ukabe muvubi, amalembu atuba ang'ayima kuti ulisamike Iwako akuti utakatondeezyi bweeme bwachintanda chako, amfutaakunanika mesoaakokuti ukabone. ¹⁹ Ndakalalila akusibula woonse ngundiyanda. Aboobo, sungwaala akweempwa. ²⁰ Boona ndiliimvwi amulyangu akukonkomona. Na umwi wamvwa jwi lyangu akujula mulyango, ndiyosika mung'anda yakwe akulya aawe, alakwe andime. ²¹ Ooyo uzunda ndiyoomupa cheleelo chakukkala ansi andime achuuno changu chjabulemu, a Taata acchuuno chakwe. ²² Chita kuti umwi ulaakutwi amvwe muuya chuwaamba mumambungano.”

4

¹ Musule lyazintu ezi ndakalanga, alimwi ndakabona mulyango ujulikide mujulu. Jwi lyakasanguna eelyo nindakamwva lyakali kwambula kulinidime mbuli mweembo, lyakati, “Boolu okuno, alimwi ndiyokutondezya zyeede kuchitika zyaakwinda zintu ezi.” ² M bubonya ndakali mu Muuya, mpaawo ndakabona nkukonya chuuno chabwami chibikidwe mujulu, awumwi ukkede aali nchicho. ³ Ooyo wakakkede alinchicho wakali kozyene ajasipa a kkaneliyan. Chuuno chabwami chakali zyungulukide aafulichoongo. Fulichoongo wakakozyenye a emelaludi. ⁴ Chuuno chabwami chakali zyungulukide zyuuno zyabwaami zili makumi aabili azibili, mpawo aazyuuno kwakali kkede bapati bali makumi aabili ababili, kabasamide majansi aatuba, kabali amisini aamitwe yabo. ⁵ kuzwa kuchuuno chabwami kwakazwa mabbanamaa aandabe, amizumo, akupamuna. Kunembo lya chuuno chabwami kwakali malampi aayaka aali musanu aabili, malampi akaali myuuya ili musanu ayibili ya Leza. ⁶ Kunembo lyachuuno chabwami kwakali lwizi lwachiboniboni, lwakali mbuli kkilasitalu. Aakati kachuuno chabwami alimwi kuzyunguluka chuno chabwami kwakali banyama bane bapona bazwide meso kunembo akusule. ⁷ Munyama mutanzi uupona wakali kozyenye aamulavu, munyama upona wabili wakalikozyenye aa mwana a ng'ombe, munyama uupona watatu wakali aabusyu bukozyenye aabwamuntu, alimwi munyama wane upona wakali konzyene aamusawa uluka. ⁸ Banyama bane bapona umwi awumwi wakali jisi mabala aali musanu alimwi, kazwide meso aatala akunsi. Mansiku asikati tebakali kuleka kwaamba kuti, “Uusalala, Uusalala, ngu Mwami Leza Singuzu, wakaliwo, alimwi uliko, mpawo uuchiboola.’ ⁹ Lino banyama bapona nibapa bulemu, lulemeko amilumbe kulooyo ukkede aachuuno chabwami ooyo upona kwyoonse, ¹⁰ bapati bali makumi aabili abane baliwisya aansi kunembo lyaayoyo uukkede achuuno chaabwami akumukomba ooyo uupona kwa lyoonse alyoonse. Bakabika misini yabo kunembo lyachuuno chabwami, bat, ¹¹ “Nduwe uuyeledede, Mwami wesu a Leza wesu, kutambula bulemu alulemeko anguzu, nkaambo wakalenga zintu zyoonse, alimwi kukuyanda kwako zyakapona alimwi zyakalengwa.”

5

¹ Mpawo ndakabona bbuku mujanza lyayooyo wakakkede achuuno chabwami lilembedwe kunembo akusule, linamatikidwe azinamatizyo zili musanu azibili. ² Ndakabona mungelo singuzu kaluula ajwi lyaatala kati, “Ngwani uyelede kuvununa bbuku akunamatula zinamatizyo?” ³ Takukwe naba umwi mujulu na enyika na ansi eenyika wakali

kunookonzya kuvununa ibbuku na kulibala ndakalibala ⁴ Ndakalilisya loko nkambo kakutakwe naba omwe wakajanwa kayelede kuvununa bbuku na kulibala. ⁵ Pesi umwi wabapati wakaamba kuti kulindime, "Utalili. Bona! Mulavu wamukowa wa Juda, tuyanda wa Devidi wazunda. Úlakonzya kuvununa bbuku azinamatizyo zyalyo zili musanu azibili." ⁶ Ndakabona mwana mbelele kayimvvi aakati kabusena bwachuno chabwami alimwi aakati kabanyama bone bapona aakati aabapati. Wakalangika aanga mbuli wakaliyajidwe. Wakali ameja ali musanu aabili amenso ali musanu aabili, ilinjiyo nyama myuuya iili musanu ayibili ya Leza njakatumide munyika yoonse. ⁷ Wakiinka akubweza bbuku kujanza lyalulyo lyayoooyo wakakkede aachuno chabwami. ⁸ Nakalibweza bbuku, banyama bane bapona abapati bali makumi aabili ababili bakawidaansi kunembo lyu Mwanambelele. Umwi awumwi wabo wakali akantimbwa amitiba yangolida uzwide tununkilizyo, ootu nzinkombyo zyabantu ba Leza bazumini. ⁹ Bakayimba inyimbo mpya: "Uuleledwe kubweza bbuku akulivununa zinamatizyo zyalyo. Nkambo nduwe wakajayigwa, alimwi kubulowa bwako wakawulila Leza bantu kuzwa kumikowa yoonse, mwambo, bantu, azisi, ¹⁰ Wakabachita bwami abapayizi bakubelekela Leza wesu, mpawo bayoyendelezya anyika." ¹¹ Mpawo ndakalanga akumvwva kuyowela kwaba Angelo bayingi bakazyungulukide chuuno chabwami abanyama bapona abapati. Mweelwe wabo, woonse wakali kkumi lyazyuu lyakkumi lyazyuu azyuu zyazyuu. ¹² Bakaamba ajwi pati, bat, "Uyelede Mwanambelele ooyo wakajayigwa, kuti atambule nguzu, buvbibi, busongo, kuyuma, lulemeko, bulemu akutembawulwa." ¹³ Ndakamvwa zintu zyakalengwa zyoonse eezyo zyakali mujulu amunyika akunsi aanyika amulwizi - zyoonse mulimbabo - bat, Mebo "Kuluumwi ukkede aachuno chabwamiaku Mwanambelele aakube ntembawuzyo, lulemeko, bulemu, akwendelezya kwalyonse alyoonse. ¹⁴ Banyama bane bapona bakati, Ámeni!" abapati bakawida aansi mpawo bakakomba. Aamwi malembe mabotu achiindi aachi Giliki aabalika kuti, bapati balimakumi aabili abane bakawida aansi akukomba ooyo uupona kwalyonse alyoonse.

6

¹ Ndakalanga Mwana mbelele, nakavununa chimwi chazinamatizyo zili musanu azibili mpawo ndakamvwa umwi wabanyama bane bapona kaamba mujwi eelyo lyakamvwika mbuli lulabi kati, "Bool! ² Ndakalanga alimwi kwakali mbizi ituba. Wakakkede aali njiyo wakajisi buta, mpawo wakapedwe musini. Wakazwa mbuli muzundi kuti aakazunde. ³ Mwanambelele nakavununa chijazyo chabili, ndakamvwa munyama wabili uupona kati, "Bool! ⁴ Mpawo ayimwi mbizi yakazwa - isalala iyoosya. Kumwenzyi wayo wakapegwa nguzu zyakugwisya luumuno kuzwa aansi, kuti bantu bakajayne. Ooyu mweenzyi wakapedwe kafulo kapati. ⁵ Mwanambelele naakavununa chijazyo chatatu, ndakamvwa munyama watatu kati, "Bool!" ⁶ Ndakamvwa chakali kubanga ndijwi aakati kabanyama boone bapona kaliti, "Mweelo wawiti ulawulwa a syeleni lyomwe, mpawo mwelwekelo yabbale itatu iyowulwa a syeleni. Pesi utanyonyoni mafuta awayini." ⁷ Mwanambelele naakamvwa chijazyo chaane, ndakamvwa ijwi lyamunyama wane uupona kaliti, "Bool!" ⁸ Mpawo ndakabona mbizi isiyasiya. Mweenzyi wakakkede alinjiyo wakali kuteegwa Lufu, alakwe Gehena wakali kumutobelwa. Bakapegwa

nguzu kuchipanzi chane chaansi, kuti bajaye ikafulo, anzala mpati adwazi, abanyama bamusokwe baansi. ⁹ Mwanambelele naakavununa chijaluzyo chamusanu, ndakabona kunsi lyachipayililo myuuya yabaabo bakajayidwe nkambo kajwi lya Leza abukamboni mbubakajisi. ¹⁰ Bakalila ajwi ipati, "kusika kuchiindinzi, Mwendelezi waboonse, usalala akasimpe, lumwi ukabeteke aabo bakkede aansi, mpawo lumwi ukayulile bulowanbwesu?" ¹¹ Mpawo umwi awumwi wabo wakapegwa chkobela chituba, alimwi bakambilwa kuti belede kulindila kwakayindi lumwi mweelwe uzulide wabazikenyina abakwabo aabo bakasilayigwe, mbubonya mbubakajayigwa, wakazulila. ¹² Mwanambelele naakavununa chijaluzyo chamusanu achimwi, ndakeebela alimwi kwakali muzuzumo wanyika. Izuba lyakasiya mbuli chisamo chasaka, ¹³ Nyenyezi mumajulu zyakawida aansi, mbubonya mbuli mukuyu mbuwisya michelo yawo kuta kubizwa nuzunganisigwa amyuuwo mipati. ¹⁴ Julu lyakamana mbuli bbuku eelyo lyakalikuya buya bувngililwa. Zilundi zyoonse atusuwa zyakagwisigwa kubusena bwazyo. ¹⁵ Mpawo bami baansi abantu bapati, abasinkondo bapati, abavubi, abasinguzu apoonse, bazike abalubusi, bakayuba mumapako aakati amabwe aamuzilundu. ¹⁶ Bakaamba kuti kuzilundu akumandomba aamabwe, "Amutuwide! Mutusise kuzwa kubusyu bwayoyo ukkede achuuno chabwami akuzwa kubukkali bwa Mwanambelele. ¹⁷ Nkambo buzuba upati bwabukali bwabo bwasika. Ngwani ukonzya kwima?"

7

¹ Kwiinda kwazeezi ndakabona ba angelo bane kabiimvvi kumabbazu one aanyika, kabajisi changuzu kujalila myuuwo iine yanyika kuchitila kuti kutabi luuwo luungila nyika, Iwizi, na amunsamu nuba uumwi. ² Ndakabona uumbi angelo kawida kujwe, wakali aachilembyo cha Leza uupona. Wakoompolola ajwi pati kubangelo bane bakapedwe nguzu zyakunyonyoona nyika a Iwizi. ³ "Mutanyonyooni nyika, Iwizi, na misamu kusikila twabika bulembe aankumu zya babelesi baLeza wesu." ⁴ Ndakamvwa mweelwe wababo bakabikwa bulembo: mwaanda amakkumi aane aalaane aazyuulu, abo bakalilembedwe kuzwa kumakkowa wonse wabantu ba Izilayeli: ⁵ zyuuli zili kkumi azibili bazwa kumakkowa wa Juda bakalilembedwe, zyuuli zili kkumi azibili bazwa kumakkowa wa Lubbeni, zyuuli zili kkumi azibili bazwa kumakkowa wa Gadi, ⁶ zyuuli zili kkumi azibili bazwa kumakkowa wa Asya, zyuuli zili kkumi azibili bazwa kumakkowa wa Nafutali, zyuuli zili kkumi azibili bazwa kumakkowa wa Simiony, zyuuli zili kkumi azibili bazwa kumakkowa wa Levi, zyuuli zili kkumi azibili bazwa kumakkowa wa Isakka, ⁸ zyuuli zili kkumi azibili bazwa kumakkowa wa Zebbuloni, zyuuli zili kkumi azibili bazwa kumakkowa wa Jozefu, alubo zyuuli zili kkumi azibili bazwa kumakkowa wa Bbenjamini bakalembwa. ⁹ Kwiinda kwazintu eezi ndakalanga, alubo kwakali nkamu mpati itakwe uunga ulayikonzya kwiibala - kuzwa kuli choonse chisi, mukkowa, bantu, amulaka - kabayimvvi kunembo lyachuuno akunembo lyamwana wa Mbelele. Bakalisamide magogo malamu aatuba nkabajisi ntabi zya mupalumu mumaanza aabo, ¹⁰ alubo bakalikoompolola ajwi pati: "Lufutuko ndulwa Leza wesu, uukkede aachuno chabulemu, akumwana wa Mbelele!" ¹¹ Bangelo boonse bakaliimvvi kabazyungulukide chuuno chabulemu kabazyungulukide

basilutwe azilengwa zine zipona, akuwida aansi amasyu kunembo lya chuuno chabulemu. Bakakomba Leza, ¹² kabati, "Ameni! Ntembawuzyo, bulemu, busongo, bulumbu, kulemekwa, nguzu, akuyuma zibe kuli Leza wesi lyoonse! Ameni!" ¹³ Mpawo umwi wabasilutwe wakandibuzya, "Mbaani aaba, basamide magogo malamfu aatuba, alimwi bazwa kuli?" ¹⁴ Ndakati kulinguwe, "Ta, ulizi," alimwi wakati kulindime, "Aaba mbaabo bakazwa Mumapenzi Mapati. Bakasanzyo zigogo zyabo zilamfu akuzitubya abulowa bwamrwana wa Mbelele. ¹⁵ Akaambo kacheechi nchibali kunembo lyachuuno chabulemu bwa Leza, akumukomba sikati a mansiku mu tempele yakwe. Ooyo uukkede aachuuno chabulemu uyoobavumba atente lyakwe. ¹⁶ Tabakoyoofwa nzala lubo, nikuba kuba eenyota lubo. Zuba talikoyoobatenta pe, nikuba puumina lipya. ¹⁷ Nkaambo mwana we Mbelele uli aakati kachuuno chabulemu uyooba mweembeli wabo, akutuzulwida kutusensa twameenda aabumi, alimwi Leza ulakusinda misozi yoonse kuzwa kumenso aabo."

8

¹ Lino mwana wambelele wakajula chijazyo chamusanu atubili, kwakaba kumanisa kujulu kwachipanzi chahola. ² Mpawo ndakabona bangelo balimusano ababili kabayimvvi kunembo lyaLeza amyeembo ilimusano ayibili yakepegwa mbabo. ³ Awumwi mungelo wakaza, kanyamp-wide kapeyili kangolida katununkilizyo, kayimvvi kuchipayilo chatunnunkilizyo. Tununkilizyo twiingi twakapegwa nguwe kuti atupe nkombyo yabantu baLeza boonsé basalala achipayililo changolida kunembo lyachuuno chabulemu. ⁴ Busi bwatununkilizyo - ankombyo zaybantu baLeza basalala - bwakanyampuka kunembo lyaLeza kuzwa mumaboko amungelo. ⁵ Mungelo wakabweza kapeyili katununkilizyo akukazuza mulilo kuzwa achipayililo. Mpawo wakawalila ansi anyika, alimwi kwakali mpatumpatu zyandabe, mubbabalubbal, kumweka kwtulabi, amuzuzumo wanyika. ⁶ Bangelo balimusano ababili bakali amyeembo ilimusana ayibili bakalibambilika kuti bayilizye. ⁷ Mungelo mutanzi wakalizya mweembo wakwe alimwi kwakaba bulmu amulilo uwwelene abulow. Wakabwalilwa ansi anyika, alimwi akuti chisela chatatu chawo chakawumpigwa. Chisela chatatu chamusu chakawumpigwa, amasokwe matyetye woonse akumpigwa. ⁸ Mungelo wabili wakalizya mweembo wakwe, alimwi chimwi chintu chilimbili chiluundu chipati chiyaka mulilo chakawalilwa mulwizi. ⁹ Chisela chatatu chazilenge zipona chakafwa achisela chatatu chabwato chakapazigwa. ¹⁰ Mungelo watatu wakalizya mweembo wakwe, alimwi nyenyeezi mpati yakawa kuzwa kujulu, kibayima mbuli lampi, kuchisela chatatu chamilonga ameenda amutusawu. ¹¹ Izina lyanyenyezi eyo litegwa chisamu chikasala. Chisela chatatu chameenda chakaba chisamu chikasala, abantu bingi bakazwa bakajigwa ameenda alweela. ¹² Mungelo wane wakalizya mweembo wakwe, alimwi chisela chatatuchazuba chakawumvwa, mbuli chisela chatatu chamweezi achisela chatatu chanyenyezi. Chisela chatatu chazimwi chakasizigw, chisela chatatu chabuzuba achisela chatatu chamansiku techakachili amumuni. ¹³ Ndakalanga alimwi ndakamvwa chikwangala amwi malembe alabbala litu mungelomuchindi chakuti chikwangala. Oyo wakali kuluuka atata kayita ajwi pati, "Mawe, mawe, mawe kulabo bapona anyika nkaambo kamweembo ichede yamba kulizigwa abangelo batatu."

9

¹ Mpawo mungelo wamusana wakaliza mwheeembo wakw, ndakabona nyenyezi kujulu yakali yawida ansi anyika. Inyenyezi eyi yakapegwa achijaluzyo mulyango wamulindi uutagoli. ² Wakajula mulyango wamulindi, alimwi busi bwakaya mujulu kuzwa kumulyango mbuli busi buzwa muchijikilo chansimbi. Izuba amoya zyakasanduka kuba mudima abusi bwakwazwa kumulyango. ³ Kuzwa mubusi insozi zyakaza anyik, alimwi zyakapegwa ngazi mbuli zyakabanze anyika. ⁴ Zyaka ambilwa kuti zipazi sokwe lyaansi naba mweevwe wazilimwa naba musamu, pesi buyo bantu abo batakwe nibakali mpa yaLeza ankumu zyabo. ⁵ Tezyakazumizigwa kubajaya bantu abo, pesi biyo kuti basubulwe kwamweezi ilimusana. Busaki bwazyo bwakali mbuli bwakaniozi kakabanze nikaluma muntu. ⁶ Kumazuba ayo bantu bayoolangula lufu pesi tabakooyolujana pe. Bayooyandisa kapati kufw, pesi lufu luyobasosoloka. ⁷ Insozi eezi zyakali kulangika mbuli madonki abambilwa baya kunkondo. Amitwe yawo kwakali chilimbili musini wangolida, abusu bwawo bwakali mbuli bwabantu. ⁸ Aakali asusu mbuli lyabanakazi, amenyo awo akali mbuli meno amulavu. ⁹ Balaachikwabilizya akaango mbuli zikwabilizyo zyansimbi, alimwi musindo wamababa awo ulimbuli munkalaki amadonki achijanina nkondo. ¹⁰ Akalamichila ilatuniozi mbuli twakabanze; mumuchila yawo mwakali busaki bwakuchisya bantukwamyazi ilimusana. ¹¹ Bali mbuli mwami wabo mungelo wamumulindi utagoli. Izina lyakwe muchiHibbulu walikutegwa Abbadoni, muchiGilikki kali azina litegwa Apoloni. ¹² Inkondo tanzi yakayinda. Amubone! kwayinda eezi kuchili nteenda zibili zichiza. ¹³ Mungelo wamusana awumwi wakaliza mwheeembo wakwe, alimwi ndakamvwa ijwi kalizwa mumeja achipayililo changolida chipedwa kunembo lyaLeza. ¹⁴ Akwambila mungelo wamusana awumwi wakali amweembo,” Angununa bangelo bane bakangwa kumulonga mupati wakuEfulate.” ¹⁵ Bangelo bane bakali balibambilika kuhola ely, kubuzuba obo, kumweezi oyo, amunyaka oyo, bakanganunwa kuti bajaye chisela chatatu chabantu. ¹⁶ Mweelwe wabasilumamba bakali amusana wamadonki bali zyulu zyamyanda ili makumi abili. Ndakamvwa mweelo wabo. ¹⁷ Mbuboobu mbundakabona madonki muchilengaano changu abaaabo bakali biinga (akkede). Zikwabilizyo zyabo zyakali kusalala, zyamyiiye azya syantondo. Mitwe yamadonki yakali mbuli mitwe yabalavu amunkanwa yawo mwakazwa mulilo, busi asalufa. ¹⁸ Chisela chatatu chabantu chakajayigwa azibela zitatu: mulilo, busi, asalufa wakazwa munkanwa lyawo. ¹⁹ Nkaambo nguzu zyamadonki zyakali munkanwa lyawo amumichila - nkaambo michila yawo yakali mbuli nzoka, kalamitwe eyo yakali kumezya zilonda kubantu. ²⁰ Kulyokezya kwabantu, abo batakwe bakajegwa achibela eechi, tebakasanduka kumilimu yamaboko, na kuleka kukomba basikazwa achikozyano chazibeze zyangolide, siliva, mukuba, mabwe, achisamu-zintu zitaboni, akumvwa, akweenda. ²¹ Nikuba kutasanduka kubujayi bwab, kumasampu abo, kubwaamu akunchito zyakubba.

10

¹ Mpawo ndakabona uumbi mungelo wamanguzu kaza kuzwa kujulu. Wakali mujoba, alimwi kwakali fulichoongwe ajulu lyamutwe wakwe. Busyu bwakwe bwakali mbuli zuba alimwi mawulu aakwe akali mbuli misumpuululu yamulilo. ² Wakajisi chakulembela chiniini,

eecho chakajulwa mujanza lyakwe. Wakabika kuulu kwakwe kwachilisyo mulwizi alimwi kwachimweensi anyika.³ Mpawo wakoompolola ajwi pati mbuli mulavu wabutambo. Eelyo naakompolola, mizuzumo ili musanu ayibili yakaambula amajwi aayo.⁴ Eelyo mizuzumo ili musanu ayibili niyakaambula, ndakali ndaamba kulemba, pesi ndakamvwa ijwi kuzwa kujulu lyakati, "Ngayibe nsiswa eezyo zyaambwa amizuzumo ili musanu ayibili. Utazilembi pe aansi."⁵ Mpawo mungelo ngundakabona kayimvvi alwizi alimwi anyika wakanyampula luboko lwachilisyo kujulu.⁶ Wakakonka awoyo uupona lyoonse alimwi chakutamana, wakalenga julu alimwi azyoonse zili mukati kalyo, nyika alimwi azyoonse zili alinjiyo, alimwi a Iwizi alimwi azyoonse zili mulindulo, alimwi mungelo wakati, "Takuchiyoobi limbi kunonoka.⁷ Pesi mubuzuba eelyo mungelo wa msanu ababili nayowamba klizya mweembo wakwe, mpawo bupati bwa Leza buyoozuzikizigwa, mbuli mbakaamba majwi mabotu kubalandia bakwe basinsimi."⁸ Ijwi ndindakamvwa kuzwa kujulu lyakaambula lubo kulindime: "Inka, bweza chilembelo chijulikene chili muluboko lwa mungelo uyimvvi milwizi alimwi aanyika."⁹ Mpawo ndakiinka ku mungelo alimwi ndamwaambila kuti andipe chilembelo chiniini. Wakati kulindime, "Bweza chilembelo alimwi uchilye. Chiyoochita kuti bula bwako bukalule, pesi mumulomo wako chinoli chinono mbuli buchi."¹⁰ Ndakabweza chilembelo chiniini kuzwa kuluboko lwa mungelo alimwi ndachilya. Chakali kunona mbuli buchi mumulomo wangu, pesi musule lyakuchilya, bula bwangu bwakalula.¹¹ Mpawo umwi wakati kulindime, "Weelede kusinsima lubo aatala abantu biingi, manyika, misyobo, alimwi a baami."

11

¹ Itete lyakapegwa ndime kuti ndibelesye mbulikasamu kakweelesya. Ndakabuzigwa, "Buka mpawo upime Ng'anda ya Leza achipaiiifilo, abaabo bakomba mumo.² Pesi utapimi lukoono lwaanze iwa Ng'and ya Leza, mbukunga lwakapegwa kubamsi. Baloolyatawuka idopolisalala kwamwezi makumi aane aabili.³ Ndilakupa bakamboni bangu babili anguzu zyakusinsima ali chuulu amyaanda iibili amakumi musanu alimwi, kabasamide zisamo zyamasaka."⁴ Bakamboni aaba misamu iibili yamawooliva azikkazikilo zibili zyamal; ampe zyakaliimvvi kunembo lyamwami wanyika.⁵ Na umwi wasala kubanyonyoona, mulilo ulazwa mumilomo yabo akuli yabasinkondonyina. ooyo kubanyonyoona weelede kujayigwa munzila eeyi.⁶ Bakamboni aaba balenguzu, zyakujala mulengalenga kuti kutabi mvula iwa kuchiindi chamazuba ngibasinsima. Balaanguzu zyakusandula maanzi kuba bulowa akumua nyika amusyobo ulibuti wachisozi kufumbwa mpabayafil.⁷ Nibanooli bamanisya bukamboni bwabo, chinyama chizwa mumulindi utagoli chiyyobusya nkondo aatala ambabo. Uuyoobazunda akubajeya.⁸ Mibili yabo iyoowona mumugwagwa wadolopo pati (kachilikwiimikila Sodoma a Ijiputi) nkvakabambulwa Mwami wabo.⁹ Kumazuba aatatu achisela bamwi kubantu boonse, kumukowa woonse, kumyaambo yoonse, akuzisi zyoonse bayoolanga mibili yabo. tabakoyoyizumizya pe kuti ikabikwe muchuumbwe.¹⁰ Aabo baipona munyika bayookondwa atala ambabo akupobola. Alimwi bayotumizya zipo kuli umwi awumwi ankaambo kabasinsimi babili bakapenzya aabo bakkede munyika.¹¹ Pesi kunembo kwamazuba aatatu achisela muuya wabuumi uzwa kuli Leza uyoobanjila, eelyo bayooyima amawulu aabo. Kuuyooowa kupati kuyoowida aabo

bakabona. ¹² Elyo bayoomvwa jwi pati kuzwa kujulu kaliti kulimbabo, "Amuze ookuno!" eelyo bayoyinka kujulu mujoba, awwo basinkondonyina kabalangide. ¹³ Kuchiindi eecho kuyooba muzuzumo mupati, pesi kuchipanzi chili kkumi chadolopo chiyoowa. Zyuuulu zyabantu zilimusano azbili ziyoojayigwa aamuzuzumo, aabo bayoofutuka bayoy-oowa akupa bulemu kuli Leza wajulu. ¹⁴ Lyachibili penzi lyakayinda: Bona! Penzi lyatatu lilasika chakufwambaana. Kwakalio mabbabalaba atulabi, amizuzumo, akugutuma akuzuzuma kwanyika, avula mabwe. ¹⁵ Elyo angelo wamusano ababili wakasiba mpeta, alubo majwi mapati akambuulwa kujulu eelyo akati, "Bwami bwanyika bwaba bwami bwa Mwami wesu aKkilisito wakwe, aboobo uyoyendelezya kwalyoonse." ¹⁶ Pesi bapati bali makumi aabili abane, bakkala azyuuno zyabwami bwabo kunembo lya Leza, bakawida kumasyu aabo akukomba Leza. ¹⁷ Bkati, "Tupa kulumba kulinduwe, Mwami Leza Singuzu zyoonse, ooyo uliwo awakaliwo, nkaambo wabweza nguzu zyako mpati akusanguna kweendelezya. Mabbuku mabotu amalembé aachi Giliki chansiku chili atwaambo wakaliwo, uzooba wo pesi kumabbuku amwi alino achi Giliki akayungizya twaambo: ayooyo uzosika. ¹⁸ Zisi zyakanyema, pesi bukali bwako bwasika. Chiindi chasika chabafwide kuti batongwe akuti nywebo mukape balanda banu basinsimi bulumbu abantu ba Leza basalala, abaabo bakayoowa zina lyako, batachikayandikani abalaanguzu. Chiindi chako chasika chakunyonyoona aabo bañokunyonyoona nyika." ¹⁹ Elyo ng'anda ya Leza ili kujulu yakajulwa alubo akkiyi yachizuminano yakaboneka mukati ka Ng'anda.

12

¹ Chitondeezyo chipati chakaboneka mujulu: mwanakazi uvumbidwe azituba, uli amwezi kensi aamawulu amusdini wanyenyezi zili kkumi azibili amutwe wakwe. ² Wakalimitide, akulila mumachisen aakutumbuka, wakachiswa mukutumbuka. ³ Mpawo kwakaboneka achimwi chiytondeezyo kujulu: Langa! Kwakali Simwaaba mupati usalala ooyo wakali amitwe ili musanu ayibili ameja alikkumi, alimwi kwali misini ili musanu ayoibili aamutwe wakwe. ⁴ Muchila wakwe wakayiila chatatu chanyenyezi zili kujulu akuziwaalila ansi. Lino Simwaaba wakayimikila kunembo lyamwanakazi ooyo wakali waba awfiifwi akutumbuk, kuti natatumbuwe akamene mwana. ⁵ Wakatambula mulombe, mwana mulombe, ooyo uyoyendelezya masi woonse amufunko walibulo. Mwanaakwe wakakwempelwa kuli Leza achuuno chakwe, ⁶ mpawo mwanakazi wakachijila munkanda, ooko Leza nkwanakabambide busena bwakwe, kuti abambwe kwamazuba ali chhuuluamyaanda iibili ilaamakumi musanu awumwi. (1, 260) ⁷ Lino kwakaba nkpondoo kujulu. Mikkeyeli abaangelo bakalwana a Simwaaba abaangelo bakwe bakajosezya. ⁸ Pesi Simwaaba tewakalijisi nguzu zyakuzunda. Lino twkwakajanika busenabwabo pe kujulu we abaangelo bakwe. ⁹ Simwaaba mupati ooyo muzoka wachiindi utegwa Dyabulosi na Satani, wakeena nyika yoonse -wakawaalwa ansi munyika, abaangelo bakwe bakawaala antoomwe anguwe. ¹⁰ Mpawo ndakavwa jwi pati kujulu: "Lino lufutiko lwasika anguzu abwami bwa Leza wesu, anguzu zya Kkilisito wakwe. Nkaambo sikubejelezya bakwesu wawalilwa ansi, ngewe wakalikubabejelezya kuli Leza wesu sikati amansiku. ¹¹ Bakamiuzunda abulowa bwa Mwana ambelele akujwi lyabukamboni bwabo, nklaambo

tebakali kuyandisya buumi bwabo kusika kuliufu. ¹² Nkaambo kaako amusekelele, nye nomajulu amoone nomukkala mulingawo! Pesi maaawe kunyika akulwizi, nkaambo simwaaba wawalilwa ansikuli ndinywe: uwzide bukali buyoosya nkaambo ulizi kuti chiindi chakwe nchinini biyo! ¹³ Lino SImwaaba nakabona kuti wawalilwa ansi munyika, wakaandilila mwanakazi wakatiumbuka mwana mulombe. ¹⁴ Lino mwanakazi wakapegwa mababa aabili achungwe mupati kuti awuluke aye kubusena mbwaakabambilidwe kunkanda. Oobu mbubusena ooko nkwayoobambwa nkwayookutawukilwa kwachiindi chazyiindi achisela chachiindikuzwa kubusyubwa Muzoka. ¹⁵ Muzoka wakaluka maanzi kuzwa kumulomo wakwe mbuli mulonga kuti akachite zambangulwe litakatole mwanakazi. ¹⁶ Pesi nyika yakamugwasya mwanakazi. Nyika yakajula mulomo wayo akumena mulonga ooyo kuzwa kumulomo wa Simwaaba. ¹⁷ Mpawo Simwaaba wakasiya mwanakazi akuya kutanguna nkondo abana bakwe boonse, aabo bakaswiillila milaazyo ya Leza akujata bukamboni atala a Jesu. ¹⁸ Mpawo Simwaaba wakayimikila museele lyakumbali alwizi

13

¹ Lino ndakabona chinyama chifumpuka kuzwa mulwizi. Chakali ameja alikkumi amitwe ili musanu ayibili. Atala ameja kwakali misini ili kkumi, aatala amutwe umwi kwakali izina lyalween. ² Chinyama eechi nchindakabona chakali mbuuli nemba. Zituta zyacho zyakali mbuuli zituta zya nengo, amulomo wacho wakali mbuuli mulomo wamulavu. Simwaaba wakachipa nguzu zyakwe, achuuno abwami bupati bwakweendeleyza. ³ Umwi mutwe wachinyama wakali aachilonda chipati, pesi chilonda echo chipati chakali chapona. Lino nyika yoonse yakali yagamba nibakali tobela chinyama. Bakamukomba umwi simwaaba nkaambo wakapa chinyama bwaami. ⁴ Bakachikomba chinyama, achilacho, batiki," ngwani uuli mbuuli chinyama?" nguri uunga ulachilwana. ⁵ Lino chinyama chakapegwa mulomo oyo wakali kwambuuula majwi amasampu. Chakazumizigwa kweendelezya bwaami kwameyezi ilimakkumi aane amyezi iibili. ⁶ Mpawo chinyama chakajula mulomo wacho kuti chaambuule masampu kuli Leza, kusampawula zina lyakwe anganda yakwe abaabo bakkala kujulu. ⁷ Lino chinyama chakazumizigwa katalika nkondo abantu ba Leza basalala akubazunda. Alimwi, chakapegwa bwaami bwakween-deleyza misyobo yoonse, bantu milaka achisi. ⁸ Boonse bakkala anyika bayoochikomba, woonse uulazina lyakatalebedwe mubbuku lyabuumi, lya Mwanaambelele wakajayigwa kuzwa kumatlikilo aanyika. ⁹ Naa kuli uulakutwi aswiilile naa kuli umwi utolwa mubuzike, mubuzike uyotolwa. ¹⁰ Naakuli uujayigwa aapanga, apanga uyojayigwa. Ndoolu lukakatiilo lwakwiitwa alusyomo lwabantu ba Leza basalala. ¹¹ Lino ndakbona chinyama chimbi chizwa munyika. Chakalaameja aabili mbuuli mwanaambelele, akwaamba mbuuli simwaaba. ¹² Mpawo ndakabona umbi munyama kazwa munyika. Wakali aameja obile mbuli mbelele, alimwi chakalikwaambula mbuli simwaaba. Wakatondeezya woonse manguzu a munyama mutaanzi kunembo lyakwe, alimwi wakachita nyika alimwi abaabo bapona alinjiyo kuti bakombe munyama mutaanzi - ooyo wakali aachilonda chakaponisigwa. ¹³ Chakachita maleele aagambya. Chakachita mulilo kuti useluke kuzwa kujulu kunembo lyabantu. ¹⁴ Azizitondeezyo chakapegwa nguzu kachiimikilila chinyama, wakeena aabo bakkala munyika. wabaambila kuti babikkile chinyama chikozyanio

- wakaliyasidwe apanga, pesi wakapona. ¹⁵ Wakazumizigwa kupa muuya wakuyoya kuchikozyanisyo chachinyama kuti chikozyanisyo echo kuti chaambuule akuchita boonse aabo bakakukomba chinyama kuti bajayigwe. ¹⁶ Alimwi wakaangila bantu boonse, batabalwi, abasinguzu, bavubi abachete, baangunwidwe abazike, kuti babikwe impa aakuboko naa ankumu. ¹⁷ Chakaba chiyumu kuli boonse kuula naa kuuzya ado uula mpa yachinyama, ooyo ngumweelwe wimikilila zina lyacho. ¹⁸ Oku mbombubo busongo. Naa kuli uujisi maan, abale mweelwe wachinyama, ooyu ngu, mweelwe wachinyama. Nkaambo ngumwelwe wamuntu. Mwelwe wakwe ngwa myaanda iili musanu awumwi iila makkumi musanu alimwi iila musanu awumwi.

14

¹ Ndakalanga mpawo ndakabona Mwanaambelele uliimvwi atlachilundu cha ziyyoni. Bakalaanguwe bakali zyuulu zili mwaanda amakkumi aane abane bakali azina lyakwe alya Wisi zina kalilembedwe ankumu zyabo. ² Ndakamvwa jwi lizwida kujulu limvwikkha mbuuli maanzi müngi aaboboma amuzumo mupati. Imuzumo ngundakamvwa lubo wakali mbuuli basitintimbwa balizya tuntimbwa. ³ Bakalikwiimba lwiimbo lupya kunembo aamusini mpawo kunembo bawuka bone bapona abaalumi bapati. Takwe bakali kukkonzya kwiimba lwiimbo ado aba bali zyuulu mwaanda amakkumi one azine bakawulidwe kuzwa kunya. ⁴ Aba mbembabo bakatali sofwaazizye abanakazi bakalibambide Iwabo beni kulizyamalalano. Mbiimbabo bakatobela Mwanaambelele kufumbwa nkwaakali kuya. Aba mbimbabo bakafutwidwe kuzwa akati kamisyobo mbuuli michelo mitaanzi aya Mwanaa ⁵ mbelele. Takwe mabejo akajanikide mumilomo yabo tabakwe kampenda. ⁶ Ndakabona uumbi mungelo uuyobiluka mujulu, wakajisi makani mabotu aatamani aakwaambilila baabo bakali kupona aanyika - kuli woonse masena, misyobo, milaka, akubantu. ⁷ Wakiita ajwi pati," moyoowe Leza akumupa bulemu. Nkaako chiindi chakwe chalubeta chasika. Mumukombe, ooyo wakalenga jul, aanyika alwizi, mpawo atusensa twamaanzi." ⁸ Awumbi mungelo - wa bili mungelo - wakatobela nkayoobwamba," Waawa, waawa Bhabbiloni mupati wakasungilizya woonse maasi kuti anywe wayini yakwe yabbwamu." ⁹ Awumbi mungelo - watatu mungelo- wakabatobela, wakaamba ajwi pati," Naa kuli muntu uukomba chinyama achikozyanio chacho mpawo akutambula bulembu bwachoo aankumu yakwe naanka mukuboko kwakwe, ¹⁰ ooyo nguutakanywe wayini wabukkali bwa Leza, iwatilwa chakutavwelwa aamanzi muchinyido chabukkali bwakwe muntu ooyu uunywa uyopenzegwa amulilo wasilufa kunembo lyabaangelo basalala ba Leza akunembo lya Mwanaambelele. ¹¹ Ibusi bwamapenzi aabo bula lunta lyonse kukabe butamani mpawo tabakwe kulyookezya bunini siki kana mansiku - aabo bakomba banyama azikozyanio, mpawo abaaboo boonsebatambula bulembu bwazina lyakwe. ¹² Mbuboobo mbuluboneka lwito lwabakakatila lwabantu basalala ba Leza, aabo babamba millaazyo ya Leza a lusyomo lwabo lwamuli Jesu." ¹³ Ndakamvwa ijwi lyakazwa kujulu lyakati" lemba eechi: balilongezegelwe aabo batakafwe mumwaami." "Iyi," mbaawamba Muuya "naakuti balyookezye mmakataazyo aabo, lino milimo yabo ilabatobela." ¹⁴ Ndakalanga mpawo ndakabona joba lituba, aatalaajoba kwakakkede uumwi uukozyaniya amwaaamuntu. Wakali amusini wa ngolida atala mutwe wakwe mpawo mujaanza lyakwe wakajisi jekeso libosya. ¹⁵ Mpawo kwakazwa mungelo

uumbi muchikombelo mpawo wakiita ajwi pati kuli yooyo wakakkede atala ajoba: "Bweza jekeso lyako akutanguna kutebula. Nkaambo chiindi chakutebulu chasika, abutebuzi bwanyika bwabizw. ¹⁶ Lino ooyo wakakkede ajulu ajoba wakavukuzya jekeso lyakwe aatala nyika, mpawo nyika yakatebulwa. ¹⁷ Awumbi mungelo wakazwa muchikombelo mujulu; alakwe wakali aajekeso. ¹⁸ Awumbi mungelo wakazwa kuchipayililo chatununkilizyo, nguwe wakali aanguzu atala amulilo. wakoomplola ajwi pati kuli yoyo wakajisi jekeso libosya," tola jekeso lyako libosya akutebulu muzikamu zyamichele kuzwa mumisamu yanyika, nkaambo michelo yayo yabizwa." ¹⁹ Mpawo mungelo wakavukuzya jekeso lyakwe kunyika mpawo watebulu michelo yamusamu wanyik. Watebulu misamu yanyika akwaawala mudindi pati lyakutebwida lyabukkali bwa Leza. ²⁰ Mwakalyatuukwa mudindi eelyo lyakutebwida aanze aamunzi, mpawo abulowa bwakatilwa kuzwa kulinchicho kuyosika mumukosi wa bbiza, kwachelesyo chili chulu amyanda ilimusamu awumwi.

15

¹ Lino ndabona chimwi chitondeezyo mujuiu, nkachili chipati mpawo kachigambya: Bakali bangelo bakali musanu ababili nkabajisi zipenzyo zili musanu azibili, ezizipenzyo nzyakumamaninsizyo, mulinzizyo bukkali bwa Leza buno maninide. ² Ndakabona chimwi chili mbuuli lwizi lwachi boniboni chivwelene aamulilo. Lino aabo bakayimvvi mbembabo bakazundide chinyama achikkozyanisylo chacho mpawo amweelwe wazina lyach. Bakalijisi tuntumbwa ntubakapedwe a Leza. ³ Bakali kwiimba lwiimbo lwa Mozesi, mulanda wa Leza, mpawo alwimbo lwaMwana wa mbelele: "nkupati akugambya kuchita kwenu, Mwami Leza, singuzu. Zililuleme mpawo nzyakasimpe nzila zyanu, Mwami wamanyika. ⁴ Ngwani uutakuyoow, Mwam, akulemekezya zina lyako? Nkambo nduwe olike usalala. Woonse maasi ayosika akuyokukkomba kunembo lyako nkaambo bululami bwako anchito zyayubununwa." ⁵ Musule lyazintu ezi ndakalanga, mpawo chikkombelo nkakuli chilawo chabumboni chakali julidwe mujulu. ⁶ Kuzwa muchikombelo kwakabbuda bangelo balimusantu ababili nkajisi zipenzyo zili musanu azibili. Kabasamide zisamo zituba zingayima, alimwi balaangide aatwango twabo intambo zyangolida. ⁷ Umwi wabanyama bane bapona wakapa kubangelo bali musanu ababili zibikilo zyangolida zizwide bukali bwa Leza, kuli yoyo upona kwa lyoonse akutamani. ⁸ Chikombelo chakali zwide abuusi buzwa kubulemu bwa Leza akunguzu zyakwe. Takwe wakali kukkonzya kunjila kusikila zipenzyo zilimusantu azibili zyabangelo bali musanu ababili bamaninina.

16

¹ Ndakamvwa Ijwi lyoompolola anze atempele akwamba kuba angelo bali musanu ababili, "Kwiiya akakatile anyika mitiba ili musanu aylibili yabukali bwa Leza." ² Mungelo wakusanguna wakainka akutila mutiba wakwe munyika; kubija amachise azilonda zyakazwa mabantu kuli baabo bakalembedwe bulembo bwachinyama, abo bakakomba chikozyanio chacho. ³ Mungelo wachibili wakatila mutiba wakwe mulwizi, Akaba bulowa, mbuli bulowa bwamuntu ufwide, azintu zyoonse zipona mulwizi zyakafwa. ⁴ Mungelo wachitatu wakatila mutiba wakwe mumilonga amutusensa twamanzi, aboobo akaba bulowa. ⁵ Ndakamvwa mungelo wamanzi kaamba kuti, "Uli mululami - umwi uliwo awakaliwo Usalala alikke - nkambo wabeteka zintu ezi. ⁶ Nkambo bakatila bulowa bwabantu

abasinsimi ba Leza basalali, wabapa bulowa kuti banywe; nzinzizyo nzibakali kuyanda.” ⁷ Ndakamvwa nsandulo kuzwa kuchipayililo, “Iyii, Mwami Leza Singuzu zyoonse, kubeteka kwako nkvakasimpe alimwi kuliluleme.” ⁸ Mungelo wachine wakatila mutiba wakwe aazuba, alimwi lyakazumizigwa kuti litente bantu amulilo. ⁹ Bakatentwa akupya, alimwi bakasampawula zina Leza, uli anguzu atala zilwazi zyoonse. Tebakasdunda pe nikuba kumupa bulemu. ¹⁰ Mungelo wamusana wakatila mutiba wakwe achuuno chachinyama, akusiya kwakazulila abwami bwacho. Bakaluma ndiimi zyabo nkambo kamachise. ¹¹ Bakasampawula Leza wakujuju nkambo kamachise abo azilonda, aboobo bakachili kukaka kusanduka kunchito zyabo. ¹² Mungelo wamusana awumwi wakatila mutiba wakwe mulonga mupati, Efulatisi. Maanzi awo akayuminina kukubambilila nzila ya Mwami kuti asike kuza kujwe. ¹³ Ndakabona myuya miibi itatu yakali kulangika mbuli zyaande yakali kizwa kumulomo wasimwaba, akuchinyama, akuba sinsimi babeji. ¹⁴ Myuuya yamadimonni ichita zigambyo azitondezyo. Yakali kwiinka anze kubaami banyika yoone akulbungania antomwe nkambo kakulwana kupati kwazuba lya Leza Singuzu zyondezyo. ¹⁵ “Mulange! ndasika mbuli mubb! Ulongezezegwe ngooyo ubamba akulangilila, ukkede kazwete chibaki chakwe kuti ateendi kali chiinswe akuti bataboni bube bwakwe busisy. ¹⁶ Bakabeeta antomwe abusena bwitwa kuti Amagedoni muchi Hebbelu. ¹⁷ Mungelo wamusana atubili wakatila mutiba wakwe muluwo. Mpooony Ijwi ipati lyakoompolola kuzwa muntempele akuchuno, kalyamba kuti, “Kwamana!” ¹⁸ Kwakali mimuni yandabibi, kundindima kuli abukali, akuswanana kwandabi amizuzumo, akuteketa kwanyika kuyoosya - kuteketa kwanyika kupati kutana kubonwa kuzwa muntu mpaakabeda anyika, lino nkukuteketa kwenyika kupati. ¹⁹ Idolopo ipati lyakananza muzibela zyotatte, amanyika amadolopo akawa. Mpawo Leza wakayita kuti abone Babbiloni mupati, alimwi wakapa dolopo nkomesi itilidwe wayini wakalundwa kuzwa kubukali bwindilide. ²⁰ Tusuwa toonse twakamana, azilundu takwe nizyakachili kuboneka pe. ²¹ Chivulamabwe chipati, chakelwa atala achipo, chakasika aansi kuzwā kujulu atala abantu. Bakasampawula Leza azilwazi zyachivulamabwe nkambo zilwazi zyakali kuyosya loko.

17

¹ Umwi wabaangelo balimusana ababili bakajisi mitiba wakasika akundambila kuti, “sika, ndiyokutondezya chibi chasibwamu mupati ukkede atala amanzi mingi, ² Oyo, baami baansi ngubakachita awe bwamu, awayini wabwamu bwakwe bayakide ansi bakakolwa.” ³ Mpawo angelo wakandibweza mumuuya akunditola munkanda, alimwi ndakabona mwanakazi ukkede amunyama uusalala wakali zwide mazina akusampawula. Echo chinyama chakali amitwe ilimusana ayibili ameja aali kkumi. ⁴ Mwanakazi wakazwete zisamo zyamusyobo wamuntumbula azisalala kazingayima alimwi zyakalivwelene angolida, amabwe mayandisi, amabwe akubumba atuba. Wakajisi inkomesi izyangolide mumaboko akwe zyakazwide zintu zitayandiki azisofwede abwamu bwakwe. ⁵ Ankumu yakwe wakalembedwe izina lyakali abupanduluzi busikene: “Babbiloni mupati, banyina babasimamambe abusofwazi bwazintu zyansi.” ⁶ Ndakabona mwanakazi kakoledwe bulowa bwabantu

basalala ba Leza abulowa bapenzegwa nkambo kakusyoma Jesu. Nindakamubona, ndakayowesya kapati. ⁷ Pesi mungelo wakandambila kuti, "ninzi nchoyowa? Ndiyokupandulwida zisisikene zyiminina mwanakazi achinyama chimubwezede, chinyama echo chilamitwe ilimusantu ayibili ameja alikkumi. ⁸ Chinyama nchiwakabona kachipona, tachchiponi pe lino, alimwi chamba kusika aansi loko amulindi. Mpawo ulayinkila mukunyonyoka. Abo bapona munyika, abo bajanika mazina aabo katalebedwe pe mubbuku lyabuumi kuzwa muntalisyo yanyika - bayowesya nibakubona chinyama, nkambo chakaliwo, alimwi lino tachiwope, alimwi chiyoboola. ⁹ Eechi chaamba boongo bulabusongo. Mitwe ilimusantu ayibili ntulundulundu tuli musanu atubili omo mwanakazi mwakkede. ¹⁰ Kuli baami alubo bali musanu ababli, baami balimusantu baliwide, umwi uchipona, alimwi bamwi tabanasikape, alimwi nazosika, uyelede kuzoyimikila kayindi kanini. ¹¹ Chinyama chakasikide, alimwi pesi tachiponi pe, ngomwani wamusantu atutat, uzwa kulibali musanu ababili aboobo uya kulunyonyoko lwakwe. ¹² Meea aalya nguakabona alikkumi mbibaami balikkumi batana tambula bwami bwabo, pesi bayotambula bwandelezi mbuli baami klwachiindi chomwe antomwe achinyama. ¹³ Obu mbugongo bumwi, alimwi buyopa nguzu abwendelezi kuchinyama. ¹⁴ Bayoliya nkondo amwana mbelele, pesi mwanambelele uyobazunda nkambo ngu Leza waba leza, a Mwami wabami-abaabo balawe mbayitwe, basalidwe, abasyomekede." ¹⁵ Mungelo wakandambila kuti, "Manzi ngiwakabona awo simamambe mpakakkede, mbibantu, biingi manyika amyambo. ¹⁶ Meja alikkumi ngiwakabona - boo lwabo achinyama bayosula simamambe. Bayochisia achilikke achintanda, bayochilya nyama yacho alimwi bayochitenta chikamaninine mumulilo. ¹⁷ Nkambo Leza wabikka mumyoyo yabo kuti babweze makanzan akuzuminina kupa nguzu abwendelezi kuchinyama mane Ijwi lya Leza lizuzikizigwe. ¹⁸ Mwanakazi nguawabona nidolopo pati eliya lilanguzu zyakwendelezya atala abami banyika."

18

¹ Nikwakinda zintu ezi ndakabona umbi angelo kaseluka aansi kakuzwa kujulu. Kajisi bwendelezi bupati, aboobo nyika yakamwesegwa abulemu bwakwe. ² Wakakwilila ajwi ijumu, wati, "Waawa, waawa Bbabiloni mupati! Waba chikkalilo chamadimonii, chiyobwedo chamyuya yoонse isofwede, achiyobwedo chatuyuni tusofwede atusesemya. ³ Nkambo zisi zyoonse zyanywa wayini wabwamu bwakwe. Bami banyika bakachita bwamu anguwe. Abalabo bendelezi baansi abavubi buzwa kunguzu nzyalibotezya anzila yakupona kwakwe." ⁴ Alimwi ndakamvwa limbi ijwi lizwa kujulu liti, "Kamuzwa aanze kuzwa kulin-guwe, nobantu bangu, kuchitila kuti mutawanisigwi zibi zyakwe, akuchitila kuti mutatambuli niziba zipenzyo zyakwe. ⁵ Zibi zyakwe zyatanta kujulu, kule, aboobo Leza wayeya inchito zyakwe imbi. ⁶ Mumubbadele mbuli mbakabbadala bamwi, amumubbadele kobile mbuli mbachita; munkomeki njakali kuswanizye muswanizye tubili akulingwe. ⁷ Mbuli mbakali kulemya lwakwe akupona mukulyiba, amupe koomba amawuse. 'Ndakala mbuli namalelo; tandili mukamufu pe, aboobo tandikoyobona koomba. ⁸ Nkaambo kako mubuzuba bomwe zipenzyo zyakwe ziyo musikila: Lufu, anzala: Uyo syukutwa amulilo, nkambo Mwami Leza ngusinguzu aboobo ngomubetesи wakwe." ⁹ Baami banyika bakachita

bwamu chakulibotezya aboobo baakenda chakutalyunanga anguwe bayolila akoomoka nibayobona busi bwakutentwa kwakwe.¹⁰ Bayoyimikila kule, akuyowa zipenyo zyakwe, akuti, "Maawe, maawe kuchisisi chipati, Bbabbiloni, chisi chili ampuwo! Nkambo muchindi chomwe lubeteko lwako lwasika." ¹¹ Abalabo bendelezi benyika bakwiila akomba nkambo tachikwe naba omwe uyobawulila alimbi - ¹² Makwebo angolida, an-siliva, mabwe mayandisi, angale, amasani asalala tyu, azimvwali, ayyonse misyobo yamasamu amukomba, ayyonse zibikilo zyameja anzovu, ayyonse zibikilo zyakatwa amasamu mayandisi, azyamundalila, azyamukuba, azya mabweluumma,¹³ Kkinamono, tununkilizyo, alibbano, aamula, wayini, amatuta, abusu bunante, abulotwe, ang'ombe ambelele, ambizi ankakalaki, amyuya yabantu. ¹⁴ Muchelo oyo ngoyandisya anguzu zyako zyakumana kuzwa kulinduwe. Zyoonse zyoolwe zyako azi kubotezya zyakukubulika, tazichika bonwi limbi pe. ¹⁵ Bendelezi bazintu ezi abo bakaba bavubi akambo kakwe bayoyima kule kuzwa kuli nguwe musinzo nkambo kakuyowa kupenzegwa kupati. ¹⁶ Bayoti, "Maawe, maawe kuchisi chipati echo chakasamikidwe masani mabotu, mudowalowa, azisalala pyuu, aboobo wakalisakatide ingolida, mabwe mayandisi, angaae!" ¹⁷ Muchiindi chomwe boonseni buvubi bwakambilwa kufwa." Boonse basibana musyoloma, boonse bantu beenda alwizi, amulwizi bakayimikila kule. ¹⁸ Bakakwila nibakabona busi bwakutentwa kwamubili wakwe. Bakaati, "Nchichili chisi chibanga nchisi chipati?" ¹⁹ Bakalivwikila lusuko amitwe yabo, akukwila kupati, akwema akoomoka, "Maawe, mawe kuchisi chipati balikuli boonse bakajisi maato abo mulwizi bakavubisigwa kuzwa kuli nguwe. Pele muchindi choomwe bakambilwa kufwa," ²⁰ "Amusekelele kwinda kwakwe amajulu, nywebo nobantu basalala anobatumwa anobasinsimi, pele Leza wamwetele lubeta alinguwe!" ²¹ Angelo singuzu wakabweza ibbwé lilimbuli iziyo pati aboobo waliwala mulwizi, wamba wati, "Munzila eyi, Bbabbiloni, yochisi chipati, uyosegwga aansi chabukkali aboobo tochikabonwi limbi pe. ²² Ijwi lyabasituntimbwa, basinyele abasimweembo talichiyomvwigwi limbi muli nduwe. Abasimilimo niba ilibuti tabakoyojanwa limbi mulinduwe. Takukoyomvwigwa kuvuuta kwaziyo limbi muli nduwe. ²³ Mumuni walampi tuchikamuniki limbi mulinduwe. Ijwi lyabasibwinga talikoyomvwigwa limbi muli nduwe, pele basambazi bako bakali bapati baansi, aboobo maasi akeenwa amasalamusi ako. ²⁴ Mulingue bulowa bwaba sinsimi abwa basalali ba Leza bwaka janwa, abulowa bwababo boonse bakajayigwa aansi."

19

¹ Nikwakayinda zintu ezi ndakamvwa chakamvwikka aanga mongololo wajwi pati lyabantu bingi kujulu kalilo kwita aanze, "Haleluya. lufutuko, bulemu, amanguzu nga Leza wesu. ² Bubetesи bwakwe mbwakasimpe kabululeme, nkambo wakabeteka simwaba mupti oyo wakasofwazyia inyika abwaamu amamambe wakabwedezya igaže lyamulanda, wakwe kuzwa kujanza lyakwe." ³ Bkaambula lubo lwabili, "Haleluya! Busi bwakabuka kuzwa kulinguwe kwalyonse ayyonse. ⁴ Bapati bali makumi abiliaane azilengwa zipona zyakavundama ansi akukomba Leza, wakkedde achikkalilo. Bakali kwamba kuti, "Ameni, Haleluya!" ⁵ Mpawo ijwi lyakazwa anze kuzwa kuchikkalilo, kalyamba kuti, "Alumbwe Leza wesu, moonse nubalandi bakwe inywe nimumuyowa amwi abatali

bapati ababo bali amanguzu.” ⁶ Mpawo ndakamvwa chakamvwika anga ndjwi mwelwe wabantu, mbuli muzumo wamanzi mayingi, achili mbuli muzumo wakuswanana kwendaabi. ⁷ Atusekelele akubotelwa akumupa bulemu! Nkambo kakukondelwa kwapobwe lyakukwatana kwamwana mbelele lyasika, asibwinga ulilibambilide kale we. ⁸ Wakazumizigwa kuti azwatikwe ziboneka kazilangika kazili kabotu.” (Nkambo ziboneka kabotu zitondezya kululama kubantu ba Leza basalala). ⁹ Mungelo wakati kulindime, lemba ezi! Balilongezezegwe mbaabo batambidwe kupobwe lyalukwatano kwamwana mbelele.” Wakati lubo ayamakanai a Leza akasimpe.” ¹⁰ Ndakawida andyato zyakwe kuti mukombe wakati kuli ndime, utachiti eechi! Ndumwi mulanda anduwe abakulana bako bajisi bukamboni atala a Jesu. Koomba Leza, nkambo bukamboni bulatala a Jesu muuya wachisinsimi.” ¹¹ Mpawo ndakabona ijulu lijukide nkabela ndakalanga alimwi kwakali ibbiza lituba. Ooyo sikuligada uyitwa kuti musyomeki wakasimpe. Zili abululami eezyo zyabeteaka ampindu yankondo. ¹² Menso akwe akali mbuli insasi zyamulilo, amutwe wakwe kwakali misini myingi. Wakali ezina lyakalemedbedwe alinguwe elyo utakwe wakalizi pesi weluzutu. ¹³ Wakali chisamo chakali kunikidwe mubulowa, nkabela Ijwi lyakwe lyiitwa kuti ndjwi lya Leza. ¹⁴ Basilumamba bakujulu bakali kuyabumutobel a mabbiza atuba, kabazwete masila mabotu, atuba akunjenjema. ¹⁵ Mukanwa kwakazwa ikafulo kabosya nkinkako kawumya manyika, nkabela uyobayendelezya amufunko wansimbi. Ulolyatula idindi lyakudinina wayini lyabukali bwakunyema kwa Leza Singuzyonse. ¹⁶ Ulazina lilemedbedwe achibaki chakwe achibelo chakwe, “Mwami wabaami, a Mwami wabaami.” ¹⁷ Ndakabona mungelo kayimvvi aazuba. Wakali kwita aanze ajwi pati kutuyuni tuuluka atalaamutwe, “Mubbole, mubungane amwi kupobwe lya Leza. ¹⁸ Mubole mulye nyama yabami, nyama yabendelezi, inyama yamabbiza abasikwagada anyama yabantoonse, bangunwidwe abazike, nibababatakwulemo abasingu.” ¹⁹ Ndakabona chinyama abami baansi abasinkondo babo. Bakali bungene kuchitila kuti bakalwane ayoyo sikugada bbiza abasilumamba bakwe. ²⁰ Chinyama chakajatwa anguwe abasinsimi babeji bakali kuchita zitondezyo kaliwo. Azitondezyo ezi wakeena abo bakali batambula bulembyo bwachinyama ababo bakali kukomba chikkozyanio. Bibili aaba bakasowelwa mubbila lyamulilo kabachipona mubbila lyamulilo wasilufa. ²¹ Baami bonse bakajayigwa efulo lyakazwa kumulomo wasikugada bbiza. Toonse tuyuni twakalya nyama yabo yonse.

20

¹ Mpawo ndakabona mungelo kaaza aansi kuzwa kujulu. Nguwakajisi luzibo anguzu atala adindi litakwe magolelo, alimwi wakalijisi inketani impati mujanza lyakwe. ² Wakamujata mankonga sikupenzya, sikweenena wachiindí, uuli nguwe satani. Alimwi wakamusunga kwamyaka ili chuulu chomwe. ³ Wakamuwaala mudindi litakwe magolelo. Wakalijala alimwi wabuumuna atala anguwe. Eezi zyakali kuchitilwa kuti atakonyi kweenena iluundu lwazisi alimbi mane kwiinde chuulu chamwaaka. Musule lyaboobo kweelede akanganunwe kwachiindi chifwifwi. ⁴ Mpawo ndakabona izyuno zyabwami. Alinzizyo kwakkede aabo bakapedwe inguzu zyakwendelezya. Alimwi ndakabona myuuya yababo bakakosolwa mitwe akaambo kakupa bukamboni atala a Jesu alimwi bakali bakkaka kutambula impa ankumu zyabo zyabo na kuboko. Bakapona alimwi

bakendelezya a Kkilisitu kwachuulu chamyaka. ⁵ Ibiingi bakafwa tebakabuuka akupona mane yayinda myaka ilili chuulu chomwe. Ooku nkubuka kutanzi kuzwa kufufwa, ⁶ Ulongezezegwe akusalala ngooyo ulachakuchita abubuke butanzu kubafu! Ilufu lwabili talukwe nguzupe kubantu aaba. Bayooba bapayizi ba Leza a Kkilisitu alimwi bayoyendelezya aamwi angewe kwachuulu chamyaka. ⁷ Niyakamana myaaka ilichuulu, satani uyogwisigwa muntolongo yakwe. ⁸ Uyoyinkaanzne kuti akeenene manyika kuzyooko zyone zyanyika - Gogu a Magogo - kuti akabeete kunkondo. Bayooba biangi mbuli muse wamulwizi. ⁹ Bakayinka kujulu kwinda intandabale yabuyanza bwanyikaakuzyunguluka igunzi lyabasalali ba Leza - idolopo liyandika. Pesi kwakaza mulilo kuzwa kujulu wakabalya. ¹⁰ Satani, ooyo wakabeena, wakawalilwa mubbibi lyamulilo, wasalufa, ooko munyama abasinsimi babeji nkubakawalilwa. Bayosukusigwa imansiku asikati kwalyyoonse alyonse. ¹¹ Mpawo ndakabonachuuno chabwami chituba ayooyo ulikkede aalinchicho. Inyika amajulu zyamwayika kuchija kuabawo kwakwe, pesi tekwakali busena pe bwakuti bayinke. ¹² Ndakabona bafwide - ibalempuwo abatakwe mulimo - kabayimvi kunembo lyachuno chabwami, alimwi mabbuku akajulwa. Alimwi ibbuku lyakajulwa - ibbuku lyabuumi. Ibafwrite bakali kubetekwa azezyo zyakalembedwe mumabbuku, mbuli munchito zyabo. ¹³ Ilwizi lwakapedekezegwa bafwide bali mulindulo. Ilufu a Hadesi zyakapedekezegwa bafwide bakali muli nzizyo, alimwi bafwide bakabeteckwa kwindila munchito zyabo. ¹⁴ Ilufu a Hadesi zyakawalilwa mumulungu wa mulilo. Oolu ndolofu lwabili - ibbibi lyamulilo. ¹⁵ Nakuti izina lyawumwi telyajanika kalilembedwe mubbuku ly Buumi, wakali kuwalilwa mumulungu wamulilo.

21

¹ Mpawo ndakabona ijulu pya enyika mpya, nkambo ijulu lyakutanguna anyika yakusanguna zyakali zyfwa, alwizi telwakachiliwo. ² Ndakabona dolopo usalede ijelusalema impya, ilyakeza aansi kuzwa kujulu kuli Leza kalibambidwe mbuli mwinga mbabambilila mulumi wakwe. ³ Ndakamvwa ijwi pati lizwa kuchuno chabulemu kaliti, "Boona! ibusena bwachikkalilo cha Leza buli mabantu, alimwi uyokkala ambabo. Byaoba bantu bakwe alimwi Leza lwakwe uyoba ambaabo alimwi uyoba Leza wabo. ⁴ Uyosiinda misozi yonseni kumenso aabo, alimwi takuchikabi lufu, kana kuusa, kana kulila, naba machise. Izintu zyechiindi zyamana. ⁵ Ooyo iwakakkede achuno chabwami wakati, "Boona! Ndichita zintu zyonse kuti zibe zipya." Wakati, "Lemba zintu eezi aansi nkambo aaya majwi alasyomeka alimwimi ngakasimpe." ⁶ Wakandaambila kuti eezi zintu zyayinda! Ndendime Alufa a Omega, imatalikilo amagozezyo. Kuli ooyo uumvwua nyota, ndinomupa chakunywa kakutakwe muulo kuzwa kukasensa kamaanzi abuumi. ⁷ Ooyo uzunda uyokkona zintu eezi, alimwi ndiyoba Leza wakwe, alimwi uyoba mwana wangu. ⁸ Pesi kuli abo bayowa, batakwe lusyomo, abazumina masunko, abajayi abasibwamu, bakomba zikozyaniso, ababeji boonse, busena bwabo buyooba kubbibi pati lyamulilo uuyaka. Oolo ndolofu lwabili." ⁹ Umwi wanglozi izili musanu azibili, wakeza kuli ndime, oyo wakajisi insoosa zili muusanu azibili izyakajisi michelo yamelelezyo ilimusau azibili, alimwi wakati, "Kweza okuno! ndilakutondezya bwiinga, imukayintu wa Mwana wa Mbelele. ¹⁰ Mpawo wakandibweza mumuunda wanditola kuchilundu ichipati chilamfu akuyonditondezya dolopo usalala Jelusalemu kaliza

aansi kuzwa kujulu kuli Leza. ¹¹ Jelusalemu yali abulemu bwa Leza, alimwi ibwebeesi bwayo bwali mbuli inchooko mbotu loko, mbuli ibbwe lyachimpanzi cha jasipa injoloma. ¹² Yali abupati, ibulambo bulamfu buli amilyango ili kkumi ayibili, kakuli zyooko zili kkumi azibili kumilyango. Amilyango kwakali lembedwe imazina alikkumi aabili aamisyobo yabana ba Izilayeli. ¹³ Kubuzwezuba kwakali milyango yotatwe, kumbo kwakali milyango yotatwe, kunsu kwakali milyango itaatu alimwi, akubbilla kwakali milyango yotatwe. ¹⁴ Ibulambo bwalubaya bwadolopo bwakali antalisyo zili kkumi azibili, alimwi antalisyo kwakali mazina aali kkumi aabili abasikwiya ba Mwana wa Mbelele. ¹⁵ Ooyo wakaambuula andime wakajisi mweelo wakabulo kangolida wakweela idolopo, amilyango yalyo, abulambo bwalyo. ¹⁶ Idolopo lyakali tendebete bwelene mabbazu woonse, bulamfu bwalyo bwakalelene abwiinge bwalyo. Wakeela idolopo amweelo wakabulo, izyuulu ikkumi azibili zya sitadiya kumweelo wabulamfu (bulamfu bwalyo, bwanda, abwiime mujulu zyakalelelene). ¹⁷ Wakeela alimwi ibwanda bwawo, wajana kuti buli azikokola zili mwanda amakumi aane azine, mbuli mumwelo wabuntu (kakuli alubo ngumweelo wendangilo). ¹⁸ Bulambo bwakayakidwe ajasipa alimwimidolopo lyakayakidwe aangolide lwayolwayo, mbuli bunjoloma bbalabalba. ¹⁹ Intalisyo zyabulambo zyakali bambikene abuboto bwamisyobo yoonse yamabwe mebeesi. Itaanzi yakali jasipa, lyabili lyakali safile, lyatatu lyakali ageti, lyaaane lyakali emaludi. Lyasanu lyakali Onikisi, ²⁰ lyamusantu alimwi lyakali koneliyeni, lyamusantu aabili lyakali kilayisolayiti, lyamusantu aane lyakali tofazi, alyekkumi lyakali kilayisofelusi, lyakkumi alimwi lyakali jasiniti, alyakkumi aabili lyakali ametiyisiti ²¹ Milyango ilikumi ayibili yakali ma piyeluzi aali kkumi aabili umwi awumwi mulyango wakabambidwe apiyeluzi yomwe. Migwagwa yedolopo yakali ngolida lwayo lwayo, mbuli bbalabal libalangala. ²² Tendakabona chikombelo pe mudolopo, nkambo i Mwami Leza mupati kampatila a Mwana wa Mbelele mbabo chikombelo chedolopo. ²³ Idolopo telyakali kuyanda kumunikwa aazuba kana mweezi pe nkambo busalali bwakali kumweka aalindilyo, alimwi itunga mulilo lyayo ngu Mwana waMbelele. ²⁴ Imanyika anoyoyenda amumuni wadolopo eelyo. Ibaami baansi bayoyeta bulebu bwabo muli ndilyo. ²⁵ Milyango yalyo tayikoyojalwa pe chiindi chesikati, alimwi takukoyooba mansiku pe ooko. ²⁶ Bayoyeta ibulumbu abulemu bwamanyika muli ndilyo. ²⁷ Pesi takwe chisofweede pe chiyofwa chanjila muli ndilyo, nikuba umwi mutu uuchita chamasunko nakuti chawkeneena, pesi aabo biyo bali amazina aalembedwe mubbuku lya Buumi lya Manwana wa Mbelele.

22

¹ Alimwi mungelo wakanditondezya mulonga wamanzi abuumi, abalangala mbuli klusti. Akali kweenda kuzwa kuchuno chaLeza achaMwana ambelele ² kwiinda akati kamigwagwa yachisi. Kumbali lyawo mulonga kwakali musamu wabuumi, kuzyede ikumi ayibili misyobo yamichele, aboobo nkuzyalo michelo yawo amweezi amweezi. Maatu amusamu ngakuponya nyika. ³ Takuyoba limbi lutuko. Chuuno chaLeza achaMwana mbelele chiyoba muchisi, aboobo babelesi bakwe bayomubelekelo. ⁴ Bayoobona busyu bwakwe, aboobo izina lyakwe liyooba ankumu zyabo. ⁵ Takuyoba limbi mansiku tabachiyyoyandi mumuni walampi nikuba wazuba nkaambo Mwami Leza uuyobamunikila. Bayoyendelezya

lyoonse alyonse. ⁶ Mungelo wakandambila kuti, "Aya majwi ngalusyomo akasimpe. Mwami, Leza wamyuuya yabasinsimi, watuma mungelo wakwe kuti atondezye babelesi bakwe azezyo zitachitike lino." ⁷ "Langa! Ndila boola lino! Ulilongezedwe oyo usyoma majwi abusinsimi bwabubbku eli." ⁸ Ime, nde Joni, ndime ndakamvwa akubona eezi zintu. nindakamvwa akuzibon, ndakawida ansi ndimukombe oyo mungelo wakali kunditondezya zintu ezyo. ⁹ Wakandambila kuti, "Utachiti obo! Andime ndimubelesi nyokwe, mwana wabanakwanu waba sinsimi, ababo basyoma majwiamubbuku eli. Kkomba Leza!" ¹⁰ Alimwi wakandambila kuti, " Utanamatiki majwi abusinsimi abbuku eli, nkaambo nchiindi chili awfifwi. ¹¹ Oyo utaluleme, muleke kachiya buchita zitaluleme. Oyo uchilisimatombé muleke kachiyabuchitisya bululam. Oyo usalala muleke kachiyabuchitisya busalali." ¹² " Langa! Ndila boola lino. Bulumbu bwangu buli andime, bwakulumbula awumwi kumilimo yakwe. ¹³ Ndime Alufa aOmega, kusanguna akumanisiza, matalikilo amamanino. ¹⁴ Balilongezedwe abo basanza zikobelo zyabo kuchitila kuti babeachelelo chakulya musamu wabumi akunjila mumulyango wamunzi. ¹⁵ Anze mpubali babwa abalozi abasibwamu abajayi, abakomba mizimu, aboonse bayanda kuchita bubeji. ¹⁶ Ime, nde Jesu, ndakatuma mungelo kuti amulungunwide makani aya muzikombelo. Ndime tuyanda walunyungu lwa Davida, intanda imwekesya yakubuchedo." ¹⁷ Muuya anabwinga batí, "Boolá!" Muleke oyo umvwa awambe kuti, " Boolá!" Oyo woonse uli anyota, mumuleke awangunuke kunwa manzi abuumi. ¹⁸ Ndalungulula kuli woonse oyo umvwa majwi abusinsimi bwabubbku eli: Na umwi wayungizya kuli ngawo, Leza ulamuyungizizya zipenzyo ezyo zilembedwe atala aleli bbuku. ¹⁹ Na umwi wagwisya kuzwa mumajwi abbuku lyabusinsimi, Leza uyoomugwisisya lukono Iwakwe kumusamu wabuumi amuchiisi chisalala ezyo zilembedwe atala abbuku eli. ²⁰ Oyo ulungulula eezi zintu uti, "Iyii! Ndilaboola lino." Amen! Boola, Mwami Jesu! ²¹ Luzyalo lwaMwami Jesu lube anywe moonse. Amen.